

中國方志叢書·華中地方·第三八九號

據

民國·柳琅聲等修，韋麟書等纂
民國十五年鉛印本


影印

四川省

南川縣志

(一)

成文出版社有限公司印行



中國方志叢書·華中地方·第三八九號

據

民國·柳琅聲等修，韋麟書等纂
民國十五年鉛印本


影印

四川省

南川縣志

(二)

成文出版社有限公司印行



10101386

リリリリリリリ

中國方志叢書·華中地方·第三八九號

據


民國·柳琅聲等修，韋麟書等纂
民國十五年鉛印本

影印

四川省

南川縣志

成文出版社有限公司印行



10101387

中國方志叢書·華中地方·第三八九號

據

民國·柳琅聲等修，韋麟書等纂
民國十五年鉛印本


影印

四川省

南川縣志

(四)

成文出版社有限公司印行



10101388

中華民國六十五年 月壹一版

南川縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修南川縣志卷首

敘

緒言

目錄

南川縣志

一首都明明印刷局承印

三修南川縣志卷首

The image shows a large rectangular frame with a thick black border. Inside the frame, there are several vertical lines that create a grid-like structure. The lines are evenly spaced and extend from the top to the bottom of the frame. The background within the frame is white, and the overall appearance is that of a blank page from a book or document, possibly a page from a collection or a specific section.

敘

世稱醫之良者曰壽人壽世竊謂醫之能事止於壽人而已何謂壽世國有史所以壽其國之世邑有志所以壽其邑之世家有譜所以壽其家之世有國有邑有家而無此三事爲之前者無以示後爲之後者無以溯前舉綱緝之所化育賢智之所經營豪傑之所奔馳祖宗之所締構不數十百年消滅無遺跡斯之謂不壽昔人謂天大道大史亦大蓋有見於此也都邑有志猶列國有史漢晉時代承學之士閉戶爲之詳略由己包羅未臻宏備自明以來州縣始一律撰志閱數十年必一續修於是小行人五書遂爲守土者職務之一觀民設教借資考鏡不爲不要矣顧其事之難難在以一志體例賅通史之全以一邑制作係全國之大雖彈丸蕞爾門類紛繁瑣碎搜集欲裁酌義例網羅放佚非寬以歲月不爲功一遇金革之起財用之絀職任之遷調黎獻之淪亡則中道而廢琅聲黔東舊族忝竊國榮三世作宰雖才具鶩弱無以報稱簿書之暇未嘗不留意於茲然所歷十餘縣求其前後銜接文獻足徵者未之慊也民國初先君反自嶺南無復出山意遂應總纂邑志之聘琅聲追隨定省亦與分校之列未幾以款絀罷越庚申年省城又倡續通志今教育總長任公可澄主之先君子副焉謂朝代廢興之際方隅

大事絕續所關不得不扶病以往詎壬戌五月卽於局中棄養而省志亦至今未成也宇宙間一切事物毀易成難往往如此琅聲才匪龍門而抱見父河洛之痛受無忘論著之囑但得一分盡力地無不奮臂從之十四年夏奉檄視蜀之古隆化甫下車適成渝各大憲通飭各屬續修縣志或謂簡書未息徵調方殷文事迂闊雖有令固無暇及此琅聲曰否文質之用論語棘子成章辨之析矣實以充文文以表質二事常相儷而不可離而亂世之文尤急於平世平世人事修明文卽含於質中不更爲表暴可也亂之極者城池傾陔衣冠塗炭典籍銷沉舉人之所以爲人國之所以爲國者胥悼喪之於此不加收拾整理爲守先待後之謀長夜晦冥將伊胡底且古先哲人如微子抱器孔鮒藏書蕭何收圖籍不盡屬多事乎疑者乃止爰咨縣會議長羅君詠霓開會議決聘韋君聖祥擔任總纂就會所設局期以再稔予聽覽稍暇卽延共事諸人互相商榷自知傳舍之客不及觀成然猶野人蒔果不爲親嘗蠶婦採桑不爲白衣也諸君子勉之以琅聲之驚值時局之艱承乏是邦豈曰有政不過如寓公食客有適館停驂之雅凡有益於主人者稍盡其綿薄耳次年五月瓜代訊至邑人以謀始之勞乞敘弁簡爰書已見並事之起原如此 知南川縣事志局監督印江柳琅聲撰 民國十五年五月上浣穀旦

重修南川縣志在事姓氏

監修

前

南

川

縣

知

專柳琅聲

襄理

清

增

貢

生

前

縣

議

事

會

議

長羅雲程

南平鎮督練長巴南清鄉處處長

張毅

清法政卒業生前團練局長

蕭傳爵

前團練局長商會公斷處長

楊光國

北京法政大學卒業文官考試分發奉天知事邑教育局長

李暄榮

收支

商

會

副

會

長

李應樓

總纂

清

廩

生

高

小

學

校

教

員

章麟書

協修

清廩貢生四川省臨時省議會議員

賀能鎮

纂修

清拔貢生北京法政大學法律科畢業前南川縣視學

陳延烈

清附生考授吏職兩等女學校校長

皮人鑑

清增生日本弘文學院速成師範科畢業萊縣視學

羅祖澤

清廩生教育會長

皮人璞

川東師範畢業生高小學校校長

劉代俊

探訪

清廩生統計課長

楊雲璈

清武生東北區勸學員

徐海昌

川東師範卒業生

周綺

高小校卒業生

周世棟

義務採訪

劉榮鄉

章心田

江效先

婁湘澄

劉耿光

李維翰

葉蔭濃

傅安之

馮紹京

楊藩

鄧澤存

譚敬達

李華麟

劉文簡

章編

安懷瑾

陳仲亨

王均

猶才煒

張鼎三

劉杰生

王國相

龔正平

婁澤安

劉繡珊

王立三

王伯英

張紹騫

楊育芬

曹應均

章雅周

劉瓊仙

馬季良

梁藩

張思訓

章華猷

康華亥

張邦鑑

李選華

程坤載

章鳳書

章馨吾

許雲仙

陳道庸

張鵬翼

羅祥萸

江濼波

婁宣三

婁宣誠

楊巨源

王懋脩

章幹勳

繪圖


四川測繪學堂畢業生

龍舞臣

繕寫

龍紹圃

張博臣



緒言

中華民國十有四年夏四川督理楊省長賴會銜通飭各屬續修縣志并發清代段懋堂先生富順縣志綱目序例作藍本俾歸一律已令卽江津公環聲尤注意地方文獻集紳商議由縣議事會召集臨時會議一致贊成遂於是年十月設局延聘主筆賀君國藩皮君芷衡等贊之同辭弗勝公謂君終民始絕續之交不亟綴緝後益難徵雖弗能善視無猶愈乃於次年春初從事採訪詳謂段例節嚴根柢史漢規撫華陽誠方志典則也惜僅見其序未獲讀其書苟學識駕下徒襲其篇目亦宜慎選珠耳茲役之難乃合君主民國爲一書觀數千年空前絕後之變局承善說新而革命伊始民志未定國是猶歧邑志雖一隅掌故然同此政俗範圍因事立言言之不審不無生心害事作事害政之懼而謗亦隨之體裁猶其後也故不復株守序例綜核事實分類敘述納記表考傳諸體於中通名曰志復覓旁縣新著數部觀其會通擇善而從不標凡例惟述者間或竊用己意以達微指閉門造不來出門合託爲緒言列於左方志之言識追溯地方陳蹟以資後人考鑒備遺忘識大體小謹修其故不敢逞私意有所損益職盡於是矣然今日世界開通厲行進化事業日繁競爭日劇尙智而不任力咸用文字書籍

爲灌輸智識轉移風氣之利器凡百著述下至前清漢書皆有影響於國家社會况地方歷史已往之樂利災害民智民德民俗民生者與長居此地之人直接相感猶通鑑一書前代之興衰治亂卽後代之金鑑指南也士人濡毫吮墨欲有所貢獻於里閭桑梓就近吹噓孰有便於此者茲編不揣惛昧於記載我邑事實輒抒管窺臆口說以忠告社會爲宗旨不拘拘於述而不作敘而不辯之定體知我罪我聽諸邑人之公論

邑志三修皆在清代蔣侯披榛不免簡略後四十五年魏令重修增廣幾半事類始備又二十五年黃題魏書十九卷錄舊文而移易其門目增城同兵燹創辦學田二事及廿年間職官選舉姓名而已今若但續黃後功省事易但自乙亥至今五十二年歐化東來全局波盪國政民習軌步遷移今日地方之得失利害非前之得失利害也昔之所無今之所有昔之所有今之所無昔之所禁今許之昔之所重今輕之損益去取莫不不同前書皆作於清代官紳本朝臣子事涉當守循例頌揚今時代已更據事直書溢美之詞并宜省去故舍易就難一律改編定其名曰重修

議修之初有主止於清末者謂民國自爲一代且喪亂弘多法制尙未確定宜懸以待後此斷

代說也。意不然。邑志與國史異。國史以朝代爲主。土地爲賓。故其名曰漢書晉書唐書。邑志以土地爲主。朝代爲賓。故其名曰某地圖經某州記某縣記華陽國志蜀故也。自人皇訖於東晉。豈一代耶。邑志清代惟缺光宣兩朝疆域賦稅學校兵防小邑僻靜。篤守成規。都無甚事。惟民國規模變易。頭緒紛繁。革命十餘年來。迭膺變故。文案殘缺。老成殞謝。必待乾清坤夷百度。維貞然後搜集考訂。恐杞宋無足徵矣。乃議決以書竣之年止。

舊時修史每篇弁以小序。遠溯上古及於見世。法制風氣之因革變遷。而參以議論。廿四史三通莫不如是。施之縣志。空衍膚廓。且病雷同。章實齋氏力斥去之。宜也。然此特以言之不切。張有冠而李共戴云耳。若能在縣言縣。於粉榆丘里。聞見真確。就身家邦族特別關切之得失利害。而著明之。豈曰無當。今於十四篇首仍爲弁言。就已著之跡。反復推究。冀對於桑梓効一得之愚。以外每篇各節間有感發。或附後而爲按語。爲記者曰。或於敘述之下。直接論說。取其貫注亦一。是非得失之林也。惟不敢稍挾私心。徇偏見。以滋罪戾。閱者諒之。

贊有二體。前漢書每篇後必作贊語。乃史斷也。後漢書晉書變爲四言。叶韻褒貶論斷。實與班同。惟袁宏作三國名臣贊。常璩作三州士女讚。乃純係贊美。茲編於按語記者曰。外遇山水人

物心傾神往間綴四字句乃贊嘆登揚與史家論贊有別

每條敘述正文下當旁徵別引以爲證明者用小字雙行分書於下至注語之事實名物又有須引證者即直接本行卜字下作（）以界之

邑志綴緝近事義無深隱本不須自加注釋顧篇中於前代故事每多自注者蓋自變法革命政治文學十九以新易舊學堂教科書白話文文字雖同蹊徑稍別從前制作既經革黜簡牘

復鮮流傳變日常見習聞今頓化爲僻典

例如往時童蒙普讀四子書簡稱四書此人人皆知者今既廢讀使驟與少年言及四書彼必不知爲某四種書也陰曆初一十五爲朔望此人人皆知者今

陰曆既廢使驟與少年言及朔望彼必不能辨爲一日二日也

不必異聞隱語而後令人莫知所謂也如不稍加說明雖淺近恐不盡知

此爲普通瀏覽計非敢以塵大雅之目

革故鼎新之會有勇於趨新者有篤於守舊者二者常立於反對地位互相訾謗且各袒所執以迫他人之從己是固人情之常也抑人性之偏往往有所傾向即務各走極端趨新則并其不必趨者而亦趨之萬事皆欲改更守舊則於其不可守者而亦守之甘爲古人奴隸其實古往今來事勢之變更無窮義理之是非遞變惟莊子齊物論所見甚達志書於舊於新一邑人事之所有調查之所及靡不記載是非得失聽人自審如曰今之潮流若何重點安在某事不

足記某說不應倡此持論之宗旨非紀事之實錄也

自歷年大亂搶掠殺戮苛政繁斂民不聊生於是鄉里善良之人所趨者兩途其一不關世事脫離汗垢入玄門而清修其一祈祐神佛勸行慈善冀以挽人心消劫運前者爲厭世派爲獨善其身髣髴隱士道流古之人不乏行之者但今日之亂真如水銀瀉地無孔不入在城危險在鄉危險名山勝境常爲盜賊淵藪何處可以藏身後者有仁心而無仁術鬼神仙佛因果報應虛渺無憑至於人之不善由於國家政治不修家庭教育不良

於騙人爲惡關係甚切甚大

地方生活難求四大原因釀成之欲施以轉移化導不從病源着手空言勸善迂

闊罔效非澈底辦法記者於此兩途不甚主張且有微言非好惡而惡善也今日之善以同德同力去私爭興公利爲本領作用能振起一羣之人不窮不弱不愚庶劫日消而亂日弭

南川古巴國餘壤地顯於戰國受治於秦漢設縣於初唐開化甚早雖常志謂夏巴蠻夷族類

非一泛指今東川道一帶然究與南中今雲南牂柯諸蠻部釐然有別惜地域僻靜人物事蹟隻字無傳今人遂

疑元明以前尙爲化外非也宋史有南平圖經一卷其書久佚當時以熊本平獠所得銅佛孺地置軍復割南平隆化二縣隸之是南平自有屬地而兼統二縣其時三域皆可稱南平舊志

載名宦鄉賢渾言宦南平及南平人者是否在今南川城內不可考故今皆不直認爲邑吏邑人以謹附會

南川在秦漢爲枳縣屬地枳縣治雖在今涪陵而南川邊界去涪城不及二百里兩治城相距不及三百里當時一縣地當明清一府一州南川必在巴郡枳縣境內無疑漢儒尹道眞爲牂柯毋斂人毋斂卽不可知而枳縣可據則尹之非邑人無復疑義志以徵信既明知其非何必故作游移之詞况遵義府志考核最精斷毋斂尙在烏江之南千里之外乎前三志俱以弁人物首今徑去之所以明縣界也閱者幸勿詆爲擅妄

昔禹平水土主名山川山川無名人爲之名然宇內山川載在圖籍者皆跨州越郡躡鬱貫穿數百里始得一二字爲之名至下邑僻鄉培塿溝壑隨地高下若斷若連語其大則無一可名語其小則土人某坡某岡某溝某溪隨地呼名而名乃紛如無可舉以賅其全舊志但列山名水名或挂此漏彼或析一爲二爲三皆由不可分而強分之不可名而強名之故難清晰使人矚目不能了了此次志山水務尋脈絡窮源委以幹領支繫支於幹山則定其形勢方位相連者不强斷無名者不强名邑除二三平壤外餘莫非山志山卽志地也水則溯其發源經過有

條不紊惟既分條流則每條不得不各爲之名又不可一條而有數名不得已取鄉俗所呼之一節以冠其全如龍川黑溪本中流一節之名魚泉本上流一節之名而皆用爲一條之總名是也若鳳嘴龍崖龍川魚泉在邑俱爲大水因下流合爲大溪而後出境亦忍沒其名以大溪統之不如是則枝幹不清晉國主盟趙鞅魏斯雖强大畢竟是大夫臣僕滕侯薛侯雖小弱畢竟是友邦冢君也茲役用力之勞山水爲最然究以時局未寧能力有限不獲實行測繪窮高極深爲憾

中國隆禮由禮莫過三代曲禮明言禮不下庶人其實禮之自上而下達於庶人者莫若冠婚喪祭曲禮言不下者非一概無禮特極簡略耳秦漢變古冠禮遂廢昏禮除夫婦交拜謁見舅姑親姻外直爲狎媾戲樂喪祭祈禱則純用巫佛道諸教爲主辦舊日各志均不認爲禮但列之風俗又以人不可無禮或舉當代所修禮書以爲具文而未實行者摘略附載意在不廢簡羊冀有復行之一日也但自革命後舉風俗舍中慕西六經古制繁倖迂曲已廢于焚坑之年豈能復活於變俗之後禮貴從俗又曰時爲大末俗非禮之禮既爲衆人所共由卽認爲代後之新禮亦無不可故志中禮儀一篇極爲拉雜禮與俗漫無區別亦荀子舍古法近之意

人材升降緣時代風會而殊南川片壤僻在黔蜀之交設邑以來方隅閉塞豪傑不與無赫赫然之豐功偉業拔萃殊尤可書於篇舊志新採不過曰某孝於親友於兄弟某行止端方取予廉潔好義樂施足稱鄉里善人而已間有奮跡泥塗廁身仕宦者文終六品武止偏裨遲滯偃伏無所展布以立名當世時地爲之也民國成立極端開放育才之術既宏用才之途尤廣羣英蔚起議論猷爲擺脫從前拘閼視此芟芟私德小善必不屑意以爲無足稱述效法者也然美貴徵實邑志猶國風也二南雅化所歌詠者仁厚之公孫貞潔之游女訓俗型方如斯已足何必效楚誚鳴珩齊喘照乘以爭鄉里光榮也哉茲編所載人物就地取材旌別淑慝樹之風聲凡足挽澆漓興仁讓者人微事近在所不遺卑邁易希愚夫愚婦之感發效慕或在此不在彼

邑志異於他史他史以人事爲幹邑志以地理爲基一邑之編但稱方域輿圖所以表其形也說地諸條彰其用也合圖與說而爲志文質備體用呈矣有此員員厚載其上遂有物有人有事紛亂穀列必設種種機關以聯絡之統率之分限之然後各得其理故次建置掌一縣機關最高者官吏也故次職官有君子勞心於上行法出令小人乃能勞力于下四民安分執業通

工易事而食貨孳焉故次食貨食貨者私人營之爲產業公家資之爲賦稅分上下篇記之而先賦稅後產業者先公後私寓愛國急公之義焉衣食足而禮義興教讓教親益以保障其共同之生活故次禮儀有非周公所制春官所掌而一方一族上牽天時下襲水土遠本祖先習慣其衣服飲食居處用物至於性情之好惡才具之短長氣象之文野言語名稱之同異皆與他方他族不相渾合彼輩自視幾若禮度之不可踰越此何物也故次風土風俗有純有疵方隅之民氣質識見偏頗駁雜非以教化陶鎔之將爲羣害故次學校學校之教非獨可善普通之風俗且能育有用之人材成則登進之入使治出使長乃旬乃宣庶績咸熙膏澤逮下而風俗益隆故次選舉至是而治內利羣之道備矣然五洲分裂畫爲萬區一羣一國之號令不出於疆他羣他國恆欲侵奪兼并以自利卽同羣同國之豪暴者亦時時攘臂逞爭非甲兵不能威之服之也故次兵防內務理外患祛可同躋豐樂仁壽之域矣然使民惟各私其身家求樂利地方共同生活之務又將誰屬况因材有巧拙而生活不均天降厲虐而鰥寡孤獨廢疾饑饉疾疫至於札瘥天昏者常比比也既爲同羣同國當率作興事哀多益寡以博濟之并育之故次公益慈善志人物以表揚善行激厲英才所以勸人立功立德也人樂立德立功則國安

而強志藝文以濬發人類智識推闡事物義理文以載道行遠其用乃宏非取雕蟲繪藻爲悅耳目具也自人羣進化以來散走變爲地著先王乃經土設井建都立邑以安集之然人情好動一王之鐘簾屢遷世變相尋下土滄桑亦復幾易編年提綱著經過之跡以鑒善敗資閱歷曰前事可以結是編之局矣然而天人之際神仙鬼怪物異聞間有出乎彝倫軌物之外者毫不切于日用鄉俗則津津樂道之小道可觀其閭里之稗官敷衍而錄之間以辨駁總曰雜述又愈於博奕之用心焉

中華民國十有五年夏五月中浣邑人章麟書謹識於縣議事會第二層樓之東偏

重修南川縣志分卷目錄

序

姓氏

緒言

目錄

名勝圖

輿圖

卷一

方域

經緯 溫度 疆域 形勢 氣候 山水 崖洞井泉 土石
形勝 郵電 道路 津梁 名勝 古蹟 地名

卷二

建置

沿革 區畫 城隍 街坊
衙署 局所 會場 市集

卷三

職官

宋明 清代 民國
附 駐防軍官 去思

首 目 系 示 卷首目錄

一一 首都明明印刷局承印

卷四

食貨

戶口 各稅 雜捐 倉儲
農業 工業 商業 虞業

卷五

禮儀

吉禮 嘉禮
凶禮

卷六

風土

雜俗 土語
動物 植物

卷七

學校

清代學制 書院 學款 民國教育局
高初級學校 學會 刊物 貨棧

卷八

選舉

前代科目 五貢 文職官 武秩
民國議員 高等以上學堂畢業生

卷九

兵防

清代汛防 保甲 團防 民國團練
商團 警察 駐防軍隊長

卷十

公善

局會
義舉

卷十一

人物

列傳 譜表
列女表 壽考
列女傳 列女譜

卷十二

藝文

專著目錄
散駢文 詩

卷十三

前事

歷代
民國

卷十四

雜述

釋道占驗
附前志序
祥異
附重修縣志始末
古器
古樹
叢談

--	--	--	--	--	--	--	--	--	--	--	--

一ノ集二六


圖 全 城 縣 川 南



會談之前即 部黨縣川南




南 川 縣 政 府



南 川 商 會



南川財政局




南川公司安局



南 川 建 設 局



南 川 教 育 局




南川縣立第一小學




南川縣立第一女學校




南川道南校 即前之尹子祠



南 川 南 平 公 學




南 川 慈 幼 院



院 兒 平 川 南




南川紅十字會



南川紅十字會


報 及 善 設 內 社 仁 川 南
所 閱 館 圖 附 仁 川 南




南川文廟




南川關岳廟



南川金竹寺




南川普澤寺




南川東嶽廟



南川文峯塔




南川農業試驗場



南川縣圖


南川縣圖

南川縣




全境圖

南川縣志



南川縣志

南川城圖




石 塔	城 門	廟 宇	學 校	房 舍	城 牆	水 池	山 洞	小 徑


二里 一里 百廿丈 六十丈 三十丈 零丈

一萬分之一的比例尺


區 圖




南平鎮圖



小河鄉圖




德隆鄉圖




元合鄉圖


南川縣志



大 有 鄉 圖



半河鄉圖




二二二二二


零里 十里 二十里 三十里 四十里 五十里

尺例比之一分萬十三


江水




鄉圖



鳴玉鄉圖




石溪鄉圖




二四

尺例比之一分萬十三

橋 觀



鄉圖



重修南川縣志卷一之一

方域

周禮夏官有職方氏秋官有小行人其所掌曰圖曰數要曰書此後世全部郡縣志也土訓道地圖以詔地事道地慝以辨地物原其生以詔地求此後世郡縣志中必以地理一篇爲主要而居首也漢晉以來方志多稱圖經其所載不必限於地理而名有專歸亦以一切所有皆麗於地之故竊謂一邑之士與鄰封接壤山連水通物產人風大抵相若此疆彼界究有何種區別靜言思之乃人類一種聯合制度古者司空量地制邑度地居民制其畿疆而封溝之以便設官分治同居是邑者卽同其休戚利害鄉飲同序蜡賓同權鼗鼓同趨守望同袍與隔屬關係迥殊民國政體以居民爲地主事事責其自治而官吏輔之凡我南川人當視全邑四十萬人爲一家勿閱牆勿專利協心一力圖永久安全樂利有非他域所得越疆而謀者志同誌一作識凡可識此地者圖畫文字皆隸其中一邑之小但名方域首載縣圖以下經緯氣候疆界形勢山水道路津梁土石關隘寨堡名勝古蹟其次第也

經緯度

縣城約當中國北京西經九度強當北緯二十九度強

周年溫度

民國十二年邑城內溫度最高六月二十二日九十六度次五月初六日七月初四日九十五度最低十一月二十五日三十三度次十一月初八日三十五度

疆域

邑連封五縣東北涪陵正東正安正南桐梓西南綦江西北巴縣里數蔣魏黃三志俱引舊志

據蔣志序明以前邑志無攷惟清康熙時張合順有數紙寫本此舊志必張本也

東西二百九十里南北一百七十里又俱引通志正東七十里正

西七十里合為百四十里正南一百里正北一百里合為二百里縱橫長短兩不相符魏黃兩

志分紀八到正東至米糧壩一百九十里正西至白沙井界牌一百四十里正南至萬盛場外

五里鋪一百一十五里正北至冷水關九十里東南至三界山二百三十五里東北至石壩口

一百二十里西南至神童壩八十里西北至太平場一百六十里係由城門外人行大路走當

道場市委曲計算非直徑東西南北四門各就地勢非定方此次特用羅盤針於老礮臺上審

定方向各路亦除去坡坎曲折估計直線以大有鄉屬小河場邊境為正東約一百里交正安

縣界元合鄉屬圓村壩場外米糧埡爲東南約一百五十里交正安界小河鄉屬柏枝山南爲
 正南約九十里交桐梓縣界南平鎮屬萬盛場外浸水埡爲西南約七十里交綦江縣界觀橋
 鄉屬神童壩爲正西約六十里交巴縣界石溪鄉屬太平場外高洞子爲西北約一百里交涪
 陵縣界鳴玉鄉屬冷水關爲正北約七十里交涪陵界水江鄉屬樂村邊境爲東北約九十里
 交涪陵界東西相對直線一百六十里南北一百八十里全形以東南草壩場至西北太平場
 爲最長周圍雖有羸縮不甚支離治城大略適中距舊北京由陝西往六千九百七十里由漢
 口往四千七百八十二里距南京由重慶往四千二百七十七里在四川省治東一千二百八十里
 東川道治東南三百里 清宣統二年奉文計戶畫爲一城一鎮九鄉衆選議員及設地方自治機關用之自城東七
 里至龍塘壩城南十五里至大興場城西十里至來遊關十五里至芋頭溝城北三十里至趙
 家嘴二十五里至茶土坎爲城區自龍塘東至馬嘴東北至蕭家溝東南至半溪溝官地爲半
 河鄉自馬嘴以東北至小河場西南至銅槽溪東至龍尾城南至福祿場一稱玉皇觀爲大有
 鄉起銅槽溪以西東至風洞場北至彭家營西至魚池埡東南米糧壩南至合溪場草壩場爲
 元合鄉北起金佛山頂南至火伴台西至兩河口秦村溝柏枝溪合流東北至大佛寺爲德隆鄉東起兩河

口南包柏枝大山西至人毛壩北至箐頂爲小河鄉自大興場以南東至三匯場裏隱壩南至東鄉壩打退壩西至暮鶴關西南逾孝子河至青山石蓮場爲南平鎮自來遊關以西南至神童壩二郎橋西至白沙井界牌北至龍川廟爲觀橋鄉東起圓塘羅洞坪南至姜家場西至太平場西北至乾豐場北至石牛溪清涼寺爲石溪鄉南起豐隆場廟子塘西至八仙橋北至冷水關東北至合口河爲鳴玉鄉自煤壩而東茶土坎而北東南至魚泉河樂村東北至橋塘松子溪西至豐隆場爲水江鄉

地形

全邑地形順山勢起巽止乾背兌面艮如碩人斜臥椅上前面抱物隆起而併屈其足草壩場首也太平場足也縣城腹也魚泉河一帶所抱物也

地勢

邑地大勢分三部中部鳳嘴江下流爲大溪河自南貫北如軸流域稍低東部最高西部次之極南境東鄉壩在三層坎外最下治城周圍十里砥平四面岡陵圍繞如盤西觀橋鄉南吐文壩北羅秀壩一望泂泂平疇無障西三十里水濠北五十里羅洞坪爲兩高原餘盡山澗東南

巖旋谷隱以箐頂金佛馬嘴水井諸峯蔽之有山內之稱東邊前後三元廣南樂村一帶地高而瘠產薄人稀荒涼特甚

地氣

全縣諸山障蔽夏令清涼冬不祁寒東鄉壩最暖農事先一月東界高地反之餘適中源泉涓涓少旱無災癘

山

邑山脈起東南趨西北山勢亦雄聚於東南而散渙於西北東南多矗立之高峯西北多繚亘之長嶺縱橫紛糾自縣郭及吐文壩南平鎮東鄉壩羅秀壩觀橋鄉數區外無十甲蕩平地衆山中穹窿方廣首推金佛堪輿家測繪家談形勢脈絡者均謂一邑諸山皆所自出

惟東南隅水巷
箐爲金佛來脈

今假定金佛爲背南向北述其形質物產餘以前後左右四部括之

本篇敘山脈過城分支皆
本科學測繪家不主堪輿家

金佛山位邑東南面占全邑面積十之二正南小河鄉德隆鄉東南元合鄉大有鄉正東半河鄉正北接城區西接南平鎮柏枝合九圓村銅漕石梁五溪出其背陰壑分瀉入桐梓正安右龍崖左鳳嘴兩江交其前如人兩手自抱其腹山之左肩曰箐頂脈由南而西而北右肩曰馬

嘴脈由東而北發生諸山絡繹包捲會於北界合口河之兩岸以趨涪陵又如飛鳥小體窻腹

舒其兩翼焉前代地志

元和郡縣志方輿紀要之屬

邑中之山但數九遞方竹箐九盤坎永隆西崇等處不及

金佛知其著名甚晚而九遞似為金佛舊稱清嘉慶通志舊縣志引輿地紀勝云九遞山在廢

隆化縣東六十里高廣莫測絕壁如銀人俟昏明以候晴雨上有水瀝為洞高廣百尺左右石

臺有兩泉温冷靡常池上有蟠龍石初非鐫刻今洞臺泉石皆不可攷惟高廣莫測一語非金

佛莫當也或謂九遞為吐文壩之龍崖頂由金佛西面黃栗壩迢遞而來凡九伏起下有九龍

溝可證於名義甚合但邑中之山龍崖不過居第二等難云高廣莫測且前人不應舍巖巖之

金佛而錄此培塿竊謂山既著名必為一縣特出古志所謂九遞必合數十里之大山有九層

九折九峯而言非指小小伏起龍崖近接金佛或并包在內為九遞之終了處庶可會通耳說

者必欲求子立之孤峯以當之適以自小而難合也爾雅山一成英再成坏金佛之下成散布

諸鄉上成四面絕壁夏秋晚晴夕陽反射鮮靄縹緲為八景首縱七十餘里橫二十餘里出平

地萬尺

營造尺約計

形如西式革鞋其上高陵深谷轉旋升降入其中疑在平地東偏寺曰金佛寺六

月中香火最盛惟山徑奇險老梯子新梯子等路皆鑿崖扶楯危眴至極冠蓋豪客孱弱文士

望而懷阻莫能窮其究竟清嘉慶時邑舉人周伯寅裹糧獨往作前後二記形勢風景歷歷在目惜於土質物產居民職業生活概未之及去年續志採訪員周生世梁留心土物披荆撥霧兩次窮探隨筆紀述萬餘言意以茲山蘊蓄爲邑人富源乃肩鑰於道路之崎嶇氣候之荒寒棄而不取殊爲可惜予是其言將爲刪潤附載諸雜述以貺觀者茲復節其要略於下山質煤礦充塞暴露地面掘地最上層得鐵礦下間以石石下爲有煙煤爲硫磺煙所薰不佳惟質堅耐然煤下爲硫磺礦下又間以石石下爲無煙煤質良可煅鐵自此以下仍見有石煤相間再下洞穴穿插如絲網瓜瓞硝質充斥掃刮不窮山體卽四物凝結而成外實中空老於熬硝者間能深入一二日猶未通過植物則方竹平竹茨竹箭竹大木漆藥材則大黃黃連防風獨活泡參玄參其餘野生之種無慮數十穀蔬則包穀洋芋苽麥洋薑洋蘿筍豌豆時季豆荒原斜岡豐草萋萋宜牧牛羊硝質含鹽味微苦而倍鹹提淨可醃蔬肉種種利賴如能鑿山通道輦輦交馳大裝出境不必更向陶朱公問術乃流俗好怪見廢刹深洞雲霧湧訝頑石之立而佛之詫野物之跡而仙之又謂山川精英中有異寶不許人發洩甚哉其不知寶也

周伯寅前遊金佛山記

蜀山之甲天下有二曰險曰奇奇則有蛟龍之宮有仙聖之館有木石羽毛之異有風雲雷

雨之靈而惟其險也則又往往為人跡所不能到此余於金佛山所以往來於胸中者非一

日也今年秋循山東之麓賈勇而登凡七日乃得遊其十之三四有山若此何來之晚也爰

紀其聞見所及以告善遊而能賦者城東十五里普濟橋今名虹濟水清而曲山遠而秀前

邑侯冀公題額在焉公善書而勞於撫字故其遺跡多有存者余為徘徊久之時孟秋五日

也次日十五里西陽關控阨險要襟帶咽喉乃選勝探奇之始過此以往則山不可棧水不

可橋竹杖芒鞋凡經四十八渡按四十八渡本合龍崖龍骨兩流各半而言談者樂修其多往往混而一之而後至山麓其間斷石飛峯恆有

落勢十步九折耳目一新而最奇者則莫如第六渡之千佛崖伯黃題句 諸方五味已深諸委向如來借一箇五百頭陀呼不應彌天花雨透清涼

第二十四渡之老龍洞伯黃題句 幾番雷雨偏三田收拾珠珠睡九淵道是神龍君不信半崖鱗甲且昏煙千佛崖摩天峭壁下俯深潭人在百步

外即有白雨跳珠打箏子琤琤不絕至崖下而襟袖俱溼涼入心脾諦視之則如毛竅千萬

灑然汗出豈非雲石高寒之氣凝為雨而散以風耶何勻圓錯落若此至崖腹溜乳垂脂石

也非佛也然行住坐臥呼之欲答即謂之為真佛也亦宜老龍者相傳宋明時曾以救火著

靈於宮掖而邑志久缺姑未深考其洞高十餘丈闊半之急流清冷深入不測或曰源出於

金佛山穿崖裂石十餘里乃伏流而出於此或曰此亦其一而猶未盡也且龍之所宅不在此入洞口右有大穴緣梯而上盡三十餘級得龍井於二石柱間井之溢而出也漱玉鳴絃泠泠可聽凡涓滴所經處其石多皴如搏沙堅如積鐵而其色如栗如馬肝間亦有一二瑩白如玉者其倒垂側聳則又如摠衣如蜂房如旋螺之負殼或銳而直如懸針其下多石田阡陌東西天然繡壤而龍鱗出沒田間尤隱隱具飛騰之象其田皆有水則四境大熟否則視其盈涸之方位以占豐歉無不奇中此龍亦靈怪矣是日行六十里宿半河場主人性好石齋中蓄怪石數十本玲瓏峭拔滿屋皆山自言探於古佛洞側縫穴下四十餘丈有伏流不可多致信非人間物也因與燈下論山水而並及行路之難主人曰吾方以鐵索成橋力少功多能效此法行之則四十八渡得十三橋而可無病涉此言深可味惜無力以成其志奈何二日與主人約遊金佛或謂金佛之奇特氣象萬千夏秋之間尤宜遠眺乃東北行二十里登水井山之高不知幾十里四面石壁如削成崛起重霄間幾欲與金佛爭長據絕頂而觀自南而涪而正安數百里遠岫遙岑踴躍爭出而金佛獨當其西面積石入天與雲霞亂色其尊嚴氣象尤足以朝拱百靈真大觀也四日乃使土人業採藥者導余入金佛金

佛之高自水井望之凡四層及逶迤盤曲而上則或竄而爲峯或亘而爲嶺或疊而爲屏爲障或斷而爲幽壑爲飛崖離合向背目眩神迷其素稱奇勝如蓮花寺獅子口及石牛古佛諸洞大都皆最上層也自半河至獅子口約行五十里許所過多明季古刹半荒廢不可考有瀑布二其最高者曰水花崖去地數十丈輒爲谷風倒捲散若煙雲同遊者言馬嘴之瀑尤勝此而余未見也由獅子口東望十里許有石筍孤瘦撐空宛如倚天長劍其上卽古蓮花寺破瓦頽垣無復存者猶有大椒百餘株合抱成林下多可採之藥時以日夕不能遊遂投宿獅子口下至夜半忽有大聲發於山椒如崖石崩頽橫空闐擊動魄驚心不能安枕及旦熟審之乃知兩山跨向如巨獅中鑿石鼓高入雲大圍里許其腹下有穴深而狹每晴雨旣久雲氣翕然自穴中出如曳五色綵帛繞石鼓而上雲出將盡則聲隨之蓋其氣盛而束於穴故噴薄成雷而土人習焉不察但狀其似曰此獅子滾帶也陋矣五日緣石鼓而西鳥道猿巢古無人徑或導以斧斤或渡以藤木行數里乃至石牛洞洞曲如眠弓廣三十步徑三百步有奇由北出南凡兩門高不可度皆方面規其上洞中平如履砥有痕焉類新耕者尺寸之間皆犁然不紊人或故亂之經宿復然相傳有石牛耕此今牛已不可見矣然洞口

多牛跡又與常牛無異或曰山羊蹄也余愛其清虛靜潔但有風月往來而石榻蟬聯尤宜坐臥遂不禁有抱琴攜鶴之想嘗聞洞天三十有六而知其名者十若此洞是耶非耶其西卽古佛洞與石牛洞咫尺間耳然無天台石梁則非飛仙不能渡乃復挽葛攀藤下而復上經數憩始及洞口方余之遊千佛崖也見若珠光玉屑拋擲玲瓏者竊謂此境不可無一不能有二乃至石牛古佛諸洞無不知是而移步換形各臻神妙因嘆造物點綴之奇有非思議所能及者立洞口回望雲山萬疊繞綠攢青直如大海烟濤濤搖足下而縣治在釜底其山川脈絡尤極分明方知南邑之山皆以金佛爲太祖而在鹿崖江南者則香爐峯又諸山之少親也自此雌雄搏換凡行百里有奇至縣城而其氣一聚其間衆水縈迴皆莫不濫觴於金佛而大會於城北此形勝之大概也時日方亭午汲泉煮茗選石小坐乃篝火而入初入洞有旁穴闢而深黑俯視股栗不敢下人言此去數里出裂縫裂縫者上金佛之西路也過此則入與雲爭門出入天漸小火漸紅如秉燭夜遊但聞蝙蝠羣起欲飛而撲人或投以石空空然不得其邊際洞將半忽飛泉瀉如瀑布疑其下有龍潭燭之弗見也導余者曰此洞多歧路其遠者不下百里必跬步尋右壁下乃不迷余雖河漢其言而俛俛然如瞽之無

相不得不信而尾之復前行見巨石中立如人狀從者皆羅拜呼曰古佛又有靈官像立怪石上亦石也自入洞至此約三四里以火不繼不敢進乃由靈官像左得曲徑於萬仞斷石之間側身盤折而入久之忽壁上有光如懸鏡閃閃逼人導者笑曰今乃得見天日矣又西折數武果出洞洞外卽藥池壩放目遠眺別是一天回想東北諸山恍如隔世惜出洞時曲曲如蟻之穿珠未暇記凡幾折或云二十有四似不誣也余至是遊興益濃足力彌健竊疑絕頂上當必蕩平無險欲因以周覽八極開拓心胸乃蓋篋古木蔽日于霄往復邱壑間竟迷不得路遂返宿石牛洞聞土人談西南諸勝長吟達旦方與訂次日之遊適從者以糧盡告乃蹙返

周伯寅後遊金佛山記

前遊見金佛之高而猶以爲未見其大也越十有九日天宇濼闊清風在樹乃復裹糧載酒緣山麓而周覽焉出東郭三十五里得一山方聳而高曰冠及下有古香雲寺二十五里至舊縣焉或曰卽漢設枳縣地按枳縣當在涪陵此無可據然其山環水合形家猶豔道之五里龍現橋橋北有三泉洞洞泉側出凡三眼皆大如滿月傳昔有何標者能騎龍出入今土

人立廟祀之余笑而不信也三十里魚泉橋余之來也人言邑東北隅有龍淵環絕壁以爲高岸延袤數里水深而不洩比至此相距僅半日耳聞前路益險隘遂不果遊四十里龍崖城城宋築也上有寶祐磨崖記二登城四望見前遊四十八渡及水井香爐諸峯皆歷歷目前如故人不忍別去自是而東而南而西則又朝暮見金佛矣凡三日行八十里至柏枝山其間所歷多奇峯怪嶺門巧爭妍如曰轎子曰小塔曰大塔者非六郎似蓮花乃蓮花似六郎耳柏枝山東接金佛中隔一水而崖壑相吞吐空翠交合若斷若連兩岸尤多產方竹緣坡直上數十里人入其中覺鬚眉皆綠下有黃蜂燕子觀音諸洞其最深遠者較古佛洞殆有過之無不及也五里有古天台寺以寺前瀑流得名今寺廢三十里頭渡橋橋東有小徑可上金佛聞金佛最高處曰清涼頂乃下界之仙都也每遊人笑語喧嘩則有濃雲垂合余欲往一試之適雨至乃遊淨石寺觀石筍而還次日趨雨行七十里至三匯橋橋之上流三里許兩山相接跨溪成巨梁高闊數丈其下皆山水人物花卉之石有石鐘懸梁上清泉自鐘腹注如急雨聞人聲卽止久之鐘鳴而泉出如樂作然余聞瞿塘峽中有聖姥泉非大呼不得水其與此殆異曲而同工耶四十里登西華容山山秀而高與東華容對峙有若伯仲

香爐其祖峯金佛其太祖也余至是於金佛之麓乃一周矣又四十里過龍濟橋由西郭入時嘉慶十一年中秋前六日也

贊曰盤盤金佛作鎮南東誕育支山羣雌孤雄光彩外溢寶藏內充

金佛後部

後部四鄉

小河德隆元合大有

之地橫約百餘里縱半之惟圓村河流中段兩山稍退讓外餘

無平地羣峯巒岈來脈以正南之三界山為根水港箐脊梁為幹而結碩果之金佛其條達散布於山脊之左右而陰此碩果者皆旁枝之分榮者也 三界山在元合鄉屬草壩場南端一

名頂箐遠脈自黔中婁山來入境處東正安西桐梓北南川一峯卓立蒼翠摩霄下分東西兩支拱抱場地約十里如環而會於正北之張果老張果老北一小山曰營門舊時砌石作垣為

屯戍之所鋪戶數家乃交易之區年七十以上老人猶見趕集今則榛封莽塞下不成蹊矣營門西北山地迤斜曰火伴台由是以西登亞於金佛之柏枝 柏枝本名別支三界正脈自南

而北以水港箐為幹直趨金佛其西旁出結一大山向桐梓之獅溪口如項有瘻如身有臂故曰別支俗語訛移已久今仍之山形東頭尖銳西尾橢圓如臥哨壺盧於几上南有白台水

源發自營門流入於桐梓

北有柏枝溪夾護之山南崖畔即桐梓地屹然孤立縱五十餘里橫二十餘里高亦

四川南川縣志卷之四十五

二十餘里廣袤不及合梯而上登與齊上成四面絕壁鑿磴續梯而上乃見重巖斜嶺復勞跨

越竹林箬廠沿路逢迎箬箬多而竹於金山山脊有地名前營中營尾營相距二十餘里不知為何代屯兵處

有三會壩昔正桐南三邑長官相會勘界處近南高嶺曰紅山夏時晴霽首受朝暎紅雲貼地

然霧雨時多不常見也俗傳柏枝壩產箬實非平地 柏枝東北一綫穹崖曰觀音港蜿蜒北

行起水港箬脊梁若橋欄若梁轡其峯巒懸亘時時挺出者曰壽星崖德隆場後曰茅坡曰長嶺岡

總名水港箬晉以西為德隆場地東南為合溪場地東為開村壩地東北一隅曰大佛寺樹德隆鄉其凹處為東南要道自縣城南行踰箬頂派柏枝溪

而上以達合溪場入正安縣者由之民國五年春川軍防黔掘塹以守後恐敵由獅溪口入抄

後路乃退歸箬頂踰箬東行十里許至八角廟積年伏莽禦人處也 水港箬西南柏枝溪秦

村溝水東出金佛南麓之龍塘二水間較大之山口曰馬胡林中段曰格老坪尾曰團山其下曰茅嶺岡俱嶄然

傑出支脈至二水合流處止河口自三界山東面沿邊東行長嶺五十餘里至手爬崖臨合九

溪右岸以入正安者曰人頭山逐段細名甚多舉其尤著者總之以後倣此嶺以南屬正安以北為廣福橋合溪場二地其

間亂山叢雜莫不高峻合九溪諸源凡八發其間如薑芽蓮瓣 自八角廟東行山脊曰魚池

壩與水壩一壩有隘口曰風門圍村壩合溪場往來途之過隘數里分二支一支東北下至圓村壩

場西乃止曰太公山 舊志大小龜山在此支內 一支東南行傍郭家溝 合九溪最北之一支 左岸十餘里至合溪場左入正

安境曰驛尾山與人頭山對峙如門溪流其間出境 沿驛尾山而東盤旋於合溪場圓村壩

之邊起伏不一其著者曰陽東山圓村正南與正安縣新州場交界處曰米糧壩 自水港管

東北分支入大佛寺中部一峯挺立如人巨擘曰大指拇山 又曰大指山 舊志謂上圓如轂筒下方如

覆斗登高一覽數百里其脈南行十餘里至圓村壩西境止為圓村河右源穿洞河流域之山

舊志稱盆山在此支內 自水港管茅坡梁子東行山形曲如馬鞍山脈亦南下至圓村壩西北境止為圓

村河左源梅花溪流域之山 由馬鞍山分支東北行四里許一峯特起曰石人山 高出平地

三百尺宛如浮圖山腰危石孤立高與山齊如相對鞠躬狀鄉人誇異之號為石人拱聖當圓

村正北遵義府志載入正安外境 自石人山東行二三里更起一峯曰巴穿坪當圓村壩北

境迴龍場之西偏 自巴穿坪南行過迴龍場西南至浸水壩南下為天池岡為板凳山為走

馬岡正脉西南入正安支脉東行曰王家山梁子一名關山障木瓜台風洞之西南有關曰陽

虎出關交正安縣鄧家壩界此文為圓村壩木瓜台南部之界山 自板凳山分支東行繞水

瓜台及風洞場之左曰野禽崖曰蜂包寨三面斗絕石壁高百丈土人呼野禽為獸頭蜂包為

獸尾掉首以向關山昔髮匪過此不敢逼且假道焉以上各節總為德隆元合兩鄉之山當邑東南邊界惟柏枝山大半屬小河鄉 自巴掌坪東

下過迴龍場東北趨茨竹埡經大堡鹿池岡一帶巨巽家壩東面抵銅漕溪右岸而止曰青龍

岡梁子 金佛山東南之穿鼻崖有水下瀉為銅漕溪源自崖而下沿溪北岸一山虎踞前面

斗絕曰唐家山山上有砦洪楊之亂鄉人登避於崖縫得鐵錢無數後因名為鐵斯砦詩陳風斧以斯之即

新羅下有地曰禹人坑相傳搖黃賊搖黃賊者起於崇禎六年據川北掠川東南至順治十三年始定賊首凡十三家搖大動黃龍尤悍故台而稱之不據城池而屠戮之慘過於獻忠 屠人積屍

處山屬大有鄉西境影家營地 唐家山東約四里曰小指拇山一名小塔與大指拇東西遙對高數百尋四面削壁可

望不可即孤秀揮空舊志稱其有朝探碧海夕盪銀河之勢 又東數里至大有場左巍然高

大者曰轎子山由馬嘴至大有場險之大頂戴方廣巨石舊志目為華蓋俗人擬之肩輿下體廣大磅礴蟠於

石梁河銅漕溪二水間 自轎子山南東稍迢遞十餘里得龍尾城山以與龍崖城隔河石梁相

望得名俗訛為騾尾古名羅播宋寶祐磨崖記所謂城龍崖成羅播是也高數百尋四面峻削

上有寺曰雲都竹木清幽下有碑基坪而碑無考有關口即舊志引明史所載之雀子岡有搖黃口亦搖黃屠人處

山以東地屬正安 綠龍尾東北行曰蔡家山沿邊蜿蜒二十餘里抵石梁河西岸止山右為

大有鄉穿山洞柳家坪諸地山左為正安縣境自龍尾東南向內行曰斑鳩嘴介劉家溝小花

溪二小水間一支沿邊為尖山子正脈入正安結平木大山支脈南下為陳家嘴為墳頭壩隔

銅槽溪與風洞並列 以上各節為大有鄉境內諸山介銅槽溪石梁河二水間

贊曰黔蜀之交風俗粗悍山亦強項不可抑按三界蟠根水港植幹大小指拇摘星天漢

金佛前部 前部之山環列治城東南兩面鳳嘴龍崖兩江自發源至交匯範圍內諸山屬之

金佛主山之下復有層峯疊起縱出橫峙為其外衛多雄拔高峻之姿 如兩華其香爐峯白霧坪龍崖頂之屬 惟至治

城左右降為負丘繞東北曰花墳山西南曰乾溪漕紫紫星點絡繹不絕如急湍之下餘波瀾

瀾傍鳳嘴江東岸止焉其緊接上成絕壁之趾如頷承頰最東曰洋芋坪扇子坪次東曰黃草

坪迤西曰香爐峯又西曰獨頭馬最西曰黃栗壩皆荒曠少人煙耕牧以下脈分綺散有石鐘

溪鵝母崖溝半溪龍骨溪諸水界之形如摺扇之倒持 洋芋坪扇子坪當獅子口大壩之右

龍骨溪水發源其趾其地以土產洋芋資生雖高寒無他物土人賴之清季忽然腐爛煙戶遂

絕惟西人來買此地築屋避暑清宣統元年邑令孫守正侈談墾務購荒土數坪棉花豆麥各

種押犯人前往墾藝派員監督不久陸續逃去迄無成效以後收作官地招佃住守為上金佛

之東道較他路稍夷然其峻陘處肩輿亦不易前也坪下又有迴龍寺溝東自楓香壩發源西

入龍骨溪爲金佛西北山地東通半河之路踰溝東行瀕半河左右一帶田土漸腴多殷富之家與洋芋坪扇子坪並列位大壩獅子口之左邊曰黃草坪坪下曰磨子崖崖下中阿曰大河壩居人頗多包穀梗稻參半有竹柏松杉桐漆椴楮之饒又其左曰茶山壩地皆山坡斜下而以壩名黃草坪西曰香爐峯峯之來脈曰雞跋坎由坎上行爲上金佛之新梯子懸崖三燈架木爲梯下二梯猶倚壁上梯凌虛尤爲絕險一線下垂更起一峯嶄然兀立青空斌媚高欲與金佛準佞佛者謂於金佛前置爐焚香也峯下山脈分布可分四小支(甲)最東曰雷打坪白紅廟等而下右與茶山壩左與大面坡並列地荒脈短下爲左右二支所掩冷水溪出其麓入龍崖江當西陽關對岸(乙)次東曰大面坡山脊名五鳳山尾有觀音寺從寺後分東西兩面東面崛起最高者爲東華葺山岵巖百丈峯巔秀銳其脈左右曼衍蟠城東大路右方二十餘里左爲桂花屋基白楊坪等地下臨半溪溝右岸右爲白崖山青茅窩母家山陳家山等地下臨龍崖江左岸大鋪子至石馬壩對岸地中支下行至棗園壩繞龍塘而西過石岡子介羅秀壩及縣城中間北至迴瀾橋以下龍鳳二江合流處止小丘纒纒總稱爲花墳山舊志所謂穿田過峽搏雄化雌回龍顧祖者也山之西面爲人樂壩官地地形迤斜而寬舒民族聚居成二大村右水自

觀音寺來左水自香爐峯來會於山下之雙河口是為半溪上流右岸之山半溪以縣城對面為下流之始（丙）正

北來脈自香爐峯西下貓埡埡為半溪及鴉母崖溝分水之脊前行約五里起一大陵迤邐北下長二十餘里正對

治城曰白霧坪高出平地千尺春夏宿雨初收山氣沐日浮游坳間或凝結成團或舒長成匹

上升而為白雲與天相際入乎混茫簇青之山色觀之益鮮潔無匹曰白霧晴嵐舊志八景之

一其下分為三小支東曰黃阿谷藏於半溪溝內之西岸雙河口以下次北向城曰簸箕礮與黃阿谷隔白鷺溝水

右有白鷺溝左有石子溪二水限之石子溪西曰觀音寺產佳煤處下行過石門埡而西五六里間

低阜棋布抱城西面總曰乾溪漕水為諸阜圍繞阻來不能外洩故名與城東北花墳諸山相對舊志載鰲頭置燈熊井三小山即參錯

於其間其左以鴉母崖溝為限溝之左曰西華葺山長二十餘里高十里下瀕鳳嘴江右岸當

田家橋之對面香爐峯西即獨頭馬上有老梯子亦登金佛之絕壁鑿五孔入橫柱倚以木

梯曲折如之字形歷十一層始達其下山勢左右併合鎖以天生橋石鐘溪水至此伏流其下

既過峽合而復分夾峙三匯場左右錯綜排列綠竹彌岡煤煙浮嶺滄浪九曲風土清幽前行

二十餘里至吐文壩東面止黃栗埡者金佛山西面轉轉崖下高隘南下小河壩北下三匯

場之脊也其下高陵層累左右錯出曰尖山子曰風埡曰灰壩曰九龍山曰龍崖頂石鐘溪風

嘴江交會其前障吐文壩之東面迤而西南為蘿荀坎梁子抵鳳嘴江源之右自縣城吐文壩

往永安場者逾之前部之山於是止 香爐峯以東蜀半河鄉獨頭馬以西蜀南平鎮龍塘以北屬城區

贊曰龍鳳交集拱茲蒼翠高凌城闔畫屏日對坳白峯青雲煙作繪

金佛右部 右部山勢自東趨北馬嘴為首魚泉河 魚泉河本此水上流四十里之專名然自龍見橋以下即無名可舉不得不假以概其全 流為幹幹右

諸山為東支幹左諸山為西支 分支自第三節橫石梁始 東支偏高與正安涪陵分界山外無地荒寒寥落或

數十里無市集戶口生計文化俱極枯槁洵山使人阻也所經之地曰小河場魚泉河前後三

元棕廟二壩黃柏岡濫壩場樂村水江石松子溪西支分前後兩段由煤壩過脈前臨龍崖江

大溪河右岸為界煤壩東南山勢雄厚半河魚泉水江石三場於此交界所經之地曰半河 龍指

左岸 西陽關蕭家溝螃蟹塘過壩西北山漸平弱散渙所經之地曰雙河場羅秀壩鐵村壩石

馬嘴山脈自金佛東出蜿蜒十餘里如駟馬仰秣驟昂其首高

寒早雪南北上下皆二十里山頂有龍崖城又名馬腦城南宋寶祐時築以禦蒙古 碑記稱健已及境宋人呼蒙古

為礎 磨崖記功今除碑記外荒穢無遺跡惟土人避亂嘗掘得鐵鎖等物場口萬天宮後地名

煙墩堡 墩用鵝卵石砌成上仄下寬中空 為當時舉烽處 開龍尾城亦有之當時舉以告警相應者 山頂大池四時盈盈中多蛇蠍菖蒲當時積

水處民國五年駐邑川軍守此抗黔先失後復黔軍死者纍纍 嶺以南大路以西爲石梁河

流域對金佛東南麓地頗平曠曰水源村石梁河諸源凡三於斯濫觴多田穀爲大有鄉腴壤

逾大路而東斜下曰土天坪更下曰雞公嘴西附石梁河左岸東以燕子礮水發源馬嘴之風吹嶺右岸爲

嶺此二水會於轉嘴此支山脈乃止爲大有場東北小河場西境之山 嶺北山半曰觀音崖上下十五里扼馬嘴小

河場半河通路勢極險峻爲第二重要隘左抵馬溺水水自金佛懸崖下噴高五六百丈四時如一遙望如拖匹練名龍崖飛瀑下流之殷家

溝右抵白崖而下之陳家溝地屬半河鄉左右二溝水交會爲龍崖江源爲下河馬嘴前面曰風吹嶺冬令風極猛烈行人過此幾不能立順

嶺東下爲十二茅坡又數里至橫石梁當馬嘴小河魚泉半河四境之交右部山脈自此分爲

東西支今先述東支各段如下 東支自橫石梁東行結一大山曰尖山子緜亘南下十餘里

至高峯庵七連壩右有石梁河左有灰礮河河自標廟二壩發源繞前後三元之西南入石梁河交鎖之與正安土茨子場隔河

爲界尖山子之西羣山縷紛自北趨南間以溪流抵燕子礮之東岸止小河場位於其間是爲

東支第一段 自尖山子東北行繞魚泉河源後方東南北三面抵樂村水江石邊界諸山可

分爲內外兩列內列自南而北起吳家大山大山北麓之六井溝爲魚泉河源拔地挺立之高峯曰焦崖石壁嶙峋

若斧劈又東一峯層巒疊繞蓬蓬然曰馬鬚嶺自嶺西下分兩小支左曰王家山右曰應嘴崖

夾賀家溝水入魚泉河正支北行曰和尚崖磨子崖又北曰水洞崖崖下有反礮洞一名反礮崖與鷹嘴崖對峙

中包廣南段家山一帶高地西下至三岔河魚泉河中流之名之右岸止凡言左右皆順水來源來源異方則左右隨之而異前後悉做此外列自

馬鬃嶺分支東至人行埡析而為二其一還趨東南如之字旋折橫脊曰黃柏岡岡之東面曰

濫壩場地極荒瘠昔嘗趨集今廢南麓曰棕廟二壩又南過灰礮河之上流為極邊之前後三元地形北狹南

廣如膽如囊此等山原荒曠罕見居人其一自人行埡分支東行之高峯曰新店子東界正安北界涪陵再

歧而東曰任家墳傍樂村東南為東支第二段 段家山水洞崖之西北當水江石場後大

陵崔巍高廣曰治平山俗呼鬼王雄長東方半山偏北一懸崖如腰間大瓠曰反壁崖鄉人於

此避賊為天險不可攻之地傍崖側東上過九里漕上流偏南至樂村形勢欹斜曰申家大山

繚繞五六十里一望黃茅荒涼忒甚居民採蕨為生山間有場曰騎龍出場數里交涪陵界北

有鬼王山後長林溝九里漕青龍洞諸水合為大洞河東入涪陵又北為青龍岡悶頭台至紅

荷嶺一帶山脊脊之右為水江石往涪陵長壩場之大路脊之左為往涪陵平橋場之路山勢

至此漸趨卑坦造物搏險之力稍倦是為東支第三段 過水江石場循魚泉河右岸北行田

壩郭家壩一帶地頗平廣及十里至大鋪子入松子浮橋塘二境平地踴起巖嶽崩劣南端曰

千口東上草盤地至松子溪場後抵涪陵南山坪大寨為境內東支沿千口西北曰印盒山再

西北曰八角廟橋塘在松子溪逾之北上余家塢交涪陵界為境內西支兩支中阿曰樓房壩九倒河溝自

千口發源經壩中北趨太平關入涪陵騎龍廟境為兩支分界余家塢之西北沿河右岸北行

過橋塘又三十里至合口河傍岸之山曰界牌關曰白廟梁子曰倒角山均交涪陵騎龍廟界

為東支第四段 西支自橫石梁而西出魚泉河源之左十餘里一峯獨秀曰水井山不甚廣

而岩崑峻削如玉女蓮花四面絕壁一徑上通西望金佛凹凸畢露山頂古寺曰龍泉今燬於

火水井清泉上溢四時不減其地清超夔絕有條然出塵之致登眺者恆作抱朴貞白想山北

出一橫梁曰貓爪壩為半河通魚泉河高嶺要路自貓爪壩而東十餘里又起一峯曰雞公山

振冠宛頸躍躍向東臨魚泉方面自貓爪壩而西過天生橋橋內地為一斜溝長闊數里面面俱山水由洞出下入龍崖人區呵洞頂為橋色地形名相同者凡三四處風吹嶺伊馬嘴前異處同名至轎子大山西臨半河方面自雞公山而北經通天岡趙家崖蘇尖崖等處

至鐮耳山長二十餘里截然高標下臨螃蟹塘方面鐮耳轎子二大山中間通過長嶺曰八坵

田梁子其下為蕭家溝溝水北出折而東下過螃蟹塘至龍見橋俗呼大橋與魚泉河合流故此支

峻嶺盤曲為三水所繞沿轎子西出介龍崖江之右蕭家溝之左其高處曰唐家灣曰大崖角

曰帽子山驟跌而爲煤埡堪輿家指爲金佛龍勢過峽處右部西支山屬東路者於是終屬北路者於是起 煤埡者邑東二十五里自大鋪子分路左行赴水江石之山峽也東北兩路之

山趨而相蹙僅一小阜高十餘丈如梁續之渡峽後又自分東西二支均趨而北魚泉

指螃蟹塘水江石橋

里許有隘曰風門自此左行介螃蟹塘之左楊柳壩之右山體上下方正整齊象古頭巾曰冠

塘之大澤指區塘至合左岸

兩河繞其左右黑湊河流其中

中央下流至朱婆渡入大溪河

爲兩支分界 東支自煤埡西二

岌山俗省稱冠山又東北數里爲老林山山林長而荒分小支旁出北行蔓延布散於鐵村壩

倉頭壩之後高嶺挺然曰九盤坎東南臨水江石隔河

魚泉

與治平山相望有振衣千仞之勢

沿嶺東北下馳出倉頭壩石牆場之右曰鹹水漕曰圓籠圈曰燈竿埡距躍而上爲昂頭修尾

之貓山一北涼風埡腰爲三層崖尾爲金崖長三十餘里至大面坡韓家山擦耳崖抵大澤魚

泉二水交會處止此行黑湊河右岸邑北路偏東之山脈也上段介雙河場螃蟹塘間中段介

鐵村壩石牆場間下段介石牛河橋塘間 西支自煤埡左行踞羅秀壩東北楊柳壩雙河場

西曰鳳頂山與冠岌山相對

中隔楊柳壩黑溪河源

山廣平多田宅沿而西北茁一高嶺曰茶土坎爲羅秀

壩鐵村壩分界自茶土坎出爲飯巴山楊氏崖放牛坪等處當羅秀壩西北隅及黃淪溝之左

自茶土坎北趨爲寺坪爲豐合場即豐隆場爲三教寺東下崖門秦家坪至朱婆渡止約長四五十里黑溪河流其東麓有二層坡李家美眉毛坡等山附之大溪河流其西麓有尖山子賈岑溝金竹岡千坵塆風崖山等山附之此行黑溪河左岸邑北路中支之山也此兩支以九盤坎涼風壩茶土坎豐合場四處爲最高

贊曰東起龍崖北束合口外包荒岑內析支阜煤壩過峽津梁樞紐

金佛左部 左部山脈最長由南而西而西北約二百餘里歷全縣之半始於小河鄉北之箐

頂一支左行布於南平鎮之南境指叢林溝高壩一帶以交桐梓綦江一支右行過陳家場叢林溝中間

西上水深高原爲西北二路羣山之總發行處如人身之有腰其最長者兩大支一支北行觀

橋石溪兩鄉之右至鳴玉鄉之鳴玉場後止場中大溪龍川二水交會脈較短促一支西行觀橋石溪兩鄉之

左至福祿關水洞橋一帶又析爲二一西行白沙井太平場境交巴涪陵二縣界一北行至石

牛溪而西北趨乾豐場入涪陵東北繞石牛溪場後高峯連樑以達冷水關亦交涪陵關之東

面爲秀村壩下臨合口河左岸與右部之韓家山擦耳崖隔溪相對爲邑內金佛山脈一大結

束所謂起巽止乾始東南終西北也惟方斗山青山半面在孝子河外似出範圍然實由觀音

橋西南分支左旋繞花橋水橫跨巴綦南三縣交界地則亦自高原西下旁出而反抱者耳茲按脈絡首尾逐節敘述以箐頂始冷水關終 箐頂爲金佛左輔自金佛西南轉轉崖而下過黃栗埡約二十里最高處曰箐上南下小河壩北下裏隱壩各三十里與東路馬嘴並爲雄關要隘地有新營盤老營盤從前有事時屯兵扼敵之所以以下三面大陵疊起層層捧衛俱極巖嶮險峭一由箐上北下爲花果園牛奶蠟斑竹林等地直達裏隱壩一由箐上南下爲冷風漕鐵籬山溝石堡寨土地關二分溝等地爲小河壩場後峻嶺土地關當南下山半阨要與馬嘴北下之觀音崖相等一由箐上西南行爲黑山梁子豆鼓林梁子李家坪等地最大嶺曰箐壩下至柏枝溪右岸接桐梓界 自箐頂而西踰石孔坪約十里又西南至斑鳩腦入叢林溝境溝之東隅曰箐箕礮綠水漕溝出其下海孔伏流之水亦入焉 自東趨西入孝子河畫溝地爲南北兩段山亦因之溝之東南傍桐梓之景星台山多雄悍邊境要隘曰牛口箐板登埡近年南平鎮團練防匪必嚴守之正南高嶺曰一碗水叢林溝萬壑場交界 尤爲團匪力戰之地南下半山曰三層坎踞萬盛場後主頂危峯斗絕兩面深溝其東南有清溪河自金鵝洞出楊村溝下刀子口至萬盛場外之兩河口與孝子河會兩岸皆山北岸之黑旂崖南岸之刀子崖尤爲嶄絕益東南曰大壩漕

曰打退埡正南曰八面山環抱東鄉壩於內外與桐梓之涇源綦桐之桃子蕩接界此叢萬兩地東南面之山勢也至綠水漕西南則為雁石台為蹺脚岡皆抵孝子河左岸 孝子河源名水深溪

自過神童壩之角口塘與自巴邑來之花橋河合流兩源見志水中貫二郎橋中部復繞陳家場叢林溝

萬盛場之西南以入綦江其右沿岸大山高嶺繚繞不絕嶺之西北屬巴縣西南屬綦江東面

屬南川在神童壩二郎橋間曰方斗山山頂為綦屬蓮花場場口數戶屬南川管轄舊志作峯

斗一名獅子峯矗立一峯遙望似斗時有雲氣出沒峯腰有香爐石旁鐫詩云鑄盡媧皇石融

成一火爐補天餘此石從古在茲隅不知題者又邑舉人周石蘭於石壁鐫雲龍霧豹四隸字

當陳家場叢林溝對岸為大青山僅覲一面廣約十里長四十里面積平闊原田每每樹藝豐

饒淳王楊皆著姓石蓮場在其南今移夏家嘴改名三合場遵義志載入桐梓境引輿地紀勝

一名最高山自此以南綦南交界處夾有桐梓范家山廟書壩等地其屬南川者曰太平頂子塞

油房溝又南至浸水壩交綦江界 石孔坪西北黑涇溝即鳳嘴江源左為龍洞台八角池嘯天龍寶

尚寺沈家老林諸峯如巨筍林立屬襄隱壩更西入叢林溝境為大堡山海孔洞之七頂又西北至包兜

鋪界牌北抱陳家場自此至黃泥堡叢林溝中央住團丁於上名長女寨西至唐家壩傍綠水漕之北山形一變散為

小峯不盡連屬長溝澗洄風景幽靜有紅崖白崖尖崖拳石拔地宛然壺中九華形色俊麗西
 北經沙窩以達暮鶴關遂款水濶之扉 水濶者邑西南高地鳧鷖詩傳濶水會也茲山高平
 少溪流非水會按其地中部有西崇山取崇丘高大之義因山名水於義爲合或作從作濶皆
 取同音耳地分四部水濶乃其東南兩面之名東北曰興隆場西北曰神童壩西南曰二郎橋
 地形於高原之上岡巒起伏百步九轉饒松林原田產稻特富其山如蔓生之葛大別爲左中
 右三支來脈俱自暮鶴關 左支爲石龍庵梁子編河與方貫神童壩二郎橋中間抵孝子河左
 岸而止 中支最長其在高原中央爲西崇山亘興隆場神童壩中間龍川孝子兩河源出其
 左右既下高原前所謂行觀橋石在兩鄉之左達冷水關臨合口河作金佛大結束者此支也
 於後觀音橋以下各節述之 右支自南轉東繞行水濶一部之境始鶴子寺過大小風壩荷
 荷坪分小支南下一爲吐文壩陳家場間之胖壩任家山直至紅堰塘抵鳳嘴江左岸止一爲
 老管坡南下至田家橋止正支又東至大圍寨分東北二支 東支過石關門廟子壩出水濶
 境爲縣城西面之永隆山歷來遊巒高崖梯崖馬家坡北下梢家嘴而止東面有鳳嘴江西面
 有泥溪溝二水界之溝源出水濶山隅之丁家壩壩過黃泥塘海案園芋頭溝而于趙家嘴 北支行龍川河源之右過風岩頭上木涼峯達

羅湖坪中北下石溝溝而至圍塘下墮墩寨嘴亭而至場玉場西北下石埡子而至河圍等
下五里岡而至二郎橋下煙廠坡而至八仙橋以東大濠西龍川兩河為限終於鳴玉壩之鳴
玉場後 觀音橋邑之精華地也縱橫四望水田漠漠如砥如鏡紫山四面宮之則又如孟其

山白水深有支中之北支來者繞其其東北面最高處即木涼傘當縣城正西二十里如大為
高寒獨立雲表左顧水深高涼諸巒皆青深淺而出咽下其向觀音橋方面有漱玉崖風洞
雲部峯大而坡皆傍龍川右岸自水深中來者繞其南西北三面有石磨盆老寨子黑松崖

雲霧山 舊志自雲散則晴雲聚則雨 福祿關大堡寨大扁頭 北面山多 名確枚舉 場居中央左右小阜如拳居人

名以青繭白象金盞因其鄉文風最盛好談形學之故又自南至北一小支貫其中央一線紫

青割平壤為東西兩部其要隘曰鄒傅埡 越福祿關西下四十里長溝曰白沙井東西兩山

如長牆溝適中地曰分水嶺一水名綠溪溝西南流過田家橋至合口河入巴縣石龍場界 與合

路溝 水合 一水西北流過場西入巴縣天賜場界西面之山即瀕此兩水可分為兩段上段山頂曰

觀音寺梁子下段曰炮台埡自場以上與巴縣石龍場分嶺場以下全屬巴縣其東則為自福

祿關分析之西支西以白沙井長溝東以黎鄉溪河流為限山脊隨地異名曰關刀坵曰和順

坪有峯曰文筆當田家橋後一峯屹立傳志載名勝

曰貓鼻寨曰茨竹埡以下西面入巴縣境東面入太平場境大嶺曰謝家

埡口曰靈官埡土地埡西至石門埡交巴縣豐盛場界又西傍黎鄉溪左岸交涪陵增福場界

石溪鄉接觀橋鄉之東北地分五部東曰羅洞坪即福場北曰石牛溪西南曰土溪場舊姜家場徙西

北曰乾豐場俗呼乾壩子太平場俗呼隔渡灘又在乾豐之西土溪之北羅洞坪純係高嶺場在嶺上東下

踰大溪河至於李家壩西下山即屬石牛溪頭接木涼傘尾入鳴玉鄉山脈屬水溪右支中

之北支已見前節土溪場西鄰白沙井黎鄉溪出其東境繞南及西為之界溪以內陂陀起伏

無長嶺巍峯惟自水溪中支而來之北支至福祿關水洞橋一帶與西支析而北行亘土溪場

石牛溪之間其脊梁曰大青欄曰楊家廟曰舒家廟東下石牛溪境曰彭高山西下土溪場境

曰杜生基正支益北偏西起一大陵前卑後高凡九層若虬龍蜿蜒故名九台乾豐場踞其中

央頂上北下過龍鳳埡至碑坡交涪陵增福場界西下觀音崖危脊獨徑左右無倚至太平場自九台旋而

東北過高洞子上高廟子遂至仁壽閣繞石牛溪場後所經曰下清涼寺曰千坵田曰何家山

曰上清涼寺上清涼之高峯曰畫眉梁貓鼻梁尖峯隱隱直上翠微涪南兩界諸山無與齊者

此一帶高嶺臨龍川河右岸然相距甚遙其下岡阜重疊紛錯與煙廠坡鴛嘴崖隔河相望曰

龜城陡籬子曰長嶺岡曰石壘廟大廟當八仙橋左岸入鳴玉鄉界 鳴玉鄉境跨龍川大溪

黑溪三水其山亦分三支全縣山水均於此會萃結束大溪河右岸之山 黑溪左右屬金佛右部之

西支已志右部惟左岸縱橫三十里純係一面大山障蔽涪陵堂局開闊中包秀村壩楊家山

獅子壩卓家橋一帶良沃地其山脈仍自上清涼寺遞降而來至高峯庵又聳然特起領袖下

方絕頂屬涪陵其下分爲兩支一支東行內向過大巷山 一名榜山以山形直截而長如掛榜至龍頭嘴十里明崖石

達開擁衆過此謂兵行三日仍存崖下以下驟降而夷經卓家橋廟子壩石龍廟下抵朱瀟渡止名曰龍鳳山脈一支

北行外向五里至冷水關 山場在頂交涪陵界其東北下涪南橋循鹽石溪流至牛渡灘當合口河

下流十里亦交涪陵界是爲北路之極邊其東由大嵐壩而下長嶺隆起如樹之幹背之脊曰

高壁山直下至韓家嘴抵湯盆河濱統名高壁山脈與龍鳳並行而趾極陡峻河流一落千丈

自上流觀之見其入不見其出堪輿家謂爲全縣水口與南岸之韓家坡 黑溪左東岸之倒角山

魚泉三方並峙一邑之總關鍵也

贊曰桐棊巴涪實環我疆蒼莽一周三宿春糧大溪爲弦緹於左方人文夙優物產有常之邑

文化西北優於東南物產東南盛於西北

水

邑無大水諸溪皆自內注外東流者經正安彭水江口鎮北流者經涪陵入涪江南流者經桐梓

綦江江津入岷江合鳳嘴龍崖兩江為大溪河自南之北貫邑中部可稱正幹魚泉河由東而

北龍川由西而北柏枝溪自東而南孝子河自西而南若四肢其他如黎鄉溪西流石梁河銅漕

溪圓村河合九溪俱東流黑溪河注大溪之屬尤短而微其見於舊載者惟齊氏水道提綱入江巨

川涪江條下正文云又北流有大溪河自南川縣合諸水來注之小注大溪河出南川縣大山

二源合西北流過縣城西折東北流於城北受東南來之流金渡又東北流有石牛河合西北

來一水西南來一水二水似指龍川魚泉惟魚泉係東來云云又清一統志引府志四十八渡下小注云水源出馬嘴

山西流三十里至四十八渡又西四十里至流金渡輿地紀勝水色如黃金泥之下沈者與硫磺無異俗傳水源出硫磺此說甚當而俗人必以為晉僧汲水石罇流金舍常信怪

形諸歌甚無味也又二十里至水東橋與鎮江橋溪合流又舊縣志大溪河出南川縣方竹箐山谷北流

四十里至鎮江橋名鎮江橋溪即今福南橋二十五里夔水橋當今迴瀾橋又二十里至水東橋當今斑竹灘又五

里似當作五十里至涪州界諸條甚合餘多舛略皆屬傳聞歐陽忞輿地廣記隆化縣有蘿溪夔溪胡

陽溪嘉慶省通志因之云胡陽溪源出縣南東北流入涪州界是大溪胡陽一水而異名耳今

從提綱定名大溪爾雅江淮河濟為四瀆汙瀆獨也以其能獨流入海也龍崖龍川魚泉水雖不弱然皆合於鳳嘴以成大溪而後出境故列之旁支他溪雖小能獨流出境悉特紀之以清脈絡

大溪河 水之上流邑人稱為鳳嘴江以與石鐘溪合流處形似得名源出筭頂山北麓黑溪

溝一名老龍洞溝 近人於此祈雨與萬盛半河兩處同名 長六里許深數百丈榛莽蔽幽窈不見天日出溝入裏隱

壩始漸昭曠過永安橋 即裏隱壩場 約二十里繞蘿葡坎西南迴而東北左有張子壩溝船溪溝右有

白風埡來諸小水入之約二十五里過長安橋入吐文壩境抵鳳嘴崖下石鐘溪自東來會

石鐘溪正源出金佛山老梯子下曰獨頭馬行二十餘里至三匯場後左右兩山驟合為一

名天生橋隆起阻之水伏流其下成一穿洞數百步乃出洞頂一懸石上奔下侈中空形圓

如鐘鐘內清泉滴瀝汪汪下注人聲喧呼叱咤其滴驟止鐘內發聲虺虺如雷踰時聲息水

滴復故 魚泉河岸黃泥洞中水亦如此 人莫測其故名其溪曰石鐘水至場外右合陶家溝左合紅河溝 來源亦高相傳獻賦

於此居人溝水為紅 故曰三匯仍行兩山間 沿溪互嶺皆竹為造紙地 十餘里過起鳳橋 即上新橋有旅店 西出吐文壩會鳳嘴江於

壩中 土門壩一帶平時小丘羅列如盤二水交流如帶

兩溪合流水始深廣西北過龍馬橋至大興場俗名鑿長中口水源出水自西鵝母崖水發源香爐峯

與半溪自東來入之三里過福南橋出吐文壩境阻石門壩折而西北流初狹里許漸開出乾溪源東南

漕石篆坎間過福壽雲濟即龍二橋繞城西郭至吳家壩東半溪水自東南來注之

半溪出城東偏南五十里之香爐峯下合楠木園水在官地左至流水崖下合發源白霧坪之小

水東北流十五里至雙河口東面人樂壩水來會以二水各得溪之半故名合流處匯為綠濤沉浸晝則日出萍開青峯倒影夜則月掛西崖半隱半露山吐水銜合而成規舊

名合溪夜月風景頗佳惜十五年大水淤為沮洳矣合而西北流合白鷺溝劉黃溪等水穿官堰灌壩五里至縣城環南西兩

門又西三里入鳳嘴江

江自長安橋北至縣郭約三十里行寬廣地受半溪後北行三里至迴瀾橋俗名新橋北城十里東阻花墳

山支阜西阻永隆山麓入於峽橋橫五丈風喧水急白日幽沉堪輿家呼為縣城水口橋西小

阜上清光緒中年造七級浮圖以補其缺下流五里許過羅秀壩西斑竹灘龍崖江自東來會

龍崖江兩源左源出東路八十里馬嘴西北懸崖飛瀑數百丈十里外即見白光晃耀匹練

垂空俗呼馬溺水以瀑聚散驗晴雨其下為殷家溝右合自觀音崖來之水西流十里過半

河場左右兩岸石崖相逼欲合中裂一縫水行谷底上穹下削腰不可棧趾不可梁歷四十

八渡止二十餘渡至頭到水右源來會右源出金佛山獅子口下四十里受東來迴龍寺溝抵平地

名龍骨溪雙峯如牆天在山中亦二十餘渡西有後河水自尖山發源至天生橋下黃泥洞

來注水伏流橋下自洞內而出至頭到水合流而西抱西陽關之石馬壩冷水溪西南來入之溪出大河壩西面雷打坪復入

於峽西北流二十里至大鋪子出半河鄉境山開地朗五里過土橋場外迤而西流貫羅秀

壩過永生橋為流金水合北面自鳳頂山麓發源之三岔河又西北行約五里至斑竹灘

兩江合流始名大溪河北下十五里至圓塘泥溪溝水西來入之發源水深東隅下流經海棠園黃泥塘芋頭溝等地俱在邑西十五里繞水隆山背

下流過圓塘豐合場山脈蟠其東羅洞坪高原屏其西歷李家壩廟子塘尖石灘諸地東而黃

淦溝鯉魚壕李家塘諸小水次第入之至石牛河場龍川自西北來會於場中

龍川發源水深南端西崇山東南麓鷓子崖下之老木溝東南至金花廟魚王墳在萬家橋右岸下游龍川廟魚每歲春夏間相率至此俗

傳傳有大魚來此水涸不能退被殺故羣魚來弔之指廟側土坎為魚王墳有清水溪自東入之東北過興隆場右西納金竹寺旁水至四

節橋約二十里下漢昌壩入觀音橋境張鐵橋傍木涼傘之西麓玉崖鋪地在木涼傘高峯之下水自金

家橋到團墩堡來入之東北至馬家橋西南老寨子水西北天堡寨水合左右諸小水會於

場外金鰲山下自北來入之三水總匯觀音橋平壩諸水東流八里許入山峽中至龍川廟前之倒石橋廟圓水畔有深

穴偶投機設其中至下游數里浮出鄉人或指穴爲龍穿不當作川 入石牛溪境左有汪家小河發源高廟子過大橋鹽井溝小河埭迴

龍寺諸地右有下官廳溝發源木涼傘之汪家廟過范家壩出水鴨塘下黑龍江合彭家溝

諸小水先後入之北流十餘里至河圖壩位石牛溪境之中央兩岸平闊原田綺錯右岸有

石乾溪水發源木涼傘之陽橋寺山初名車駟溝北流合數小水過余三橋合興場至壩中

環流四面圓轉成圖圖之周圍沿岸丘隅拱抱列峙停勻宛然太極流半里許入於龍川以

下兩面高陵山溪下注亂石礫水沫沸騰其聲硠硠磴磴過三元二郎兩橋左有平橋河

溝合熊家橋獅子橋小水過石牛溪場左右有小觀音溝發源余家河溝過喜成橋下流名

三叉河出石海螺溝均來入之又東南流約四里過八仙橋交鳴玉鄉界十里過狀元橋五

里下洞子坎坎高二丈懸流奔瀉聲震數里日夜不休有人冒懸流入坎下躡石梯數級得一乾洞內極寬大鐘一口惟甚黑暗不能窮其究竟也至鳴玉場中靖安橋合於大溪自

發源至此約長百里爲西北路之幹流

鳴玉場卽石牛河溪濱大石迎流水出其罅下滴鏘然如玉故名場地周圍乃一整石盤出場

右半里爲龍牀灘寬十丈有奇長百餘丈俗呼吼灘亦名布塘久晴將雨灘聲益嘯聲聞數里舊志有石刻云龍牀如扶濟舟必吉

左右各一石高廣不過六尺盛漲不能去人咸異之指爲龍眼自灘以下山高岸峭狹

龍牀髮髯濟舟必沒

處不逾尋丈岸旁無路人行山頂上俯瞰洶流一線盤紆怯者膽為慄勇者神為壯迤而東北

十二里至朱婁渡有義渡左岸向家溝卓家橋水先後入之皆有高峯庵左右下馳

又四里過關門石見後地名兩河口黑溪河水自東火燒橋來入之

黑溪河發源雙河場東北之謝壩鍋廠二溝冠峯老林二山西面之小水也出溝合於楊柳壩過場北流屈而西

為大堰貫鐵村壩又西附豐合場東面山麓至舊鐵廠始名黑溪依山北流約三里至倒石

橋下倉頭壩水老林山東面之水經三匯橋石牆場東南來入之又三里至大橋石牆場通石牛河之路入深峽過大

樓屋基火燒橋約四里入大溪

又八里至湯盆一名湯盆河溪之左面石灘長闊數十丈圍眼十餘夏漲後眼中盛水盈盈烈口蒸之其熱如湯故名有魚圈近右岸一巨石盤面有三圓穴兩小一大內空通來往大者底中窪前有罅水從以

出每歲水漲魚由三孔入水退二小孔先消魚聚大孔窪中捕者以竹席圍石旁以罾承罾人自高孔入用竹帚驅之入罾每次可得魚數千百斤地主安姓數家專利圈下有橋河身左高右下石橋右跨岸

上左植基河中左為韓家嘴峭壁無路兩岸行者必問津焉

又東北流六里日合口河渡正陽橋魚泉河自東南來會於橋下即合口河之大橋合而西北流十里至

牛渡灘新橋溪水自冷水關場東北下五里過涪南橋十里合鹽石溪又二里自左來入之出

涪陵縣騎龍場境計長一百七十里歷南平鎮城區鳴玉鄉三域

魚泉河發源邑東魚泉河場東南吳家大山之西麓曰六井溝西南流會殷家溪自水井山西北來水

十里過魚泉河場左橋下洞中多魚故以名河秦家溝水自水井山西來自南來入之十里賀家溝水自東源出王家山李慶

溝水源出雞公山自西來入之十里過紅官渡又十里至三岔河段家山水發源數里名劉家溝丁家山水源出合

流過反礮洞洞在水洞岸麓伏流里許復出東來入之十里至盧家壩五里至龍見橋螃蟹塘水西來入之水二源南曰煤

壩高橋河東曰蕭家溝合流過水江石場左向北流過團扇橋右合鋼家漕鐵窩溪左合白廟小溪十五

里至車壩三泉洞水西來入之出九盤坎山下又北流六里左合乾溝右合兩霖溪十二里左合獠牙

溝水三里至橋塘場左過場二里兩岔河自東三穀河自西來入之又八里至美人店右納

乍河溝水以下約二十里至合口河正陽橋右入大溪河長一百一十里自發源至橋塘場

下游十里以上屬水江鄉以下屬鳴玉鄉

柏枝溪 水出邑東南境水港管西壽星崖下之黃蜂洞德隆場後高峯也其源涓涓西行五

里許至張家山納西北馬胡林水約五里許至趙黃橋伏流地中半里復出暗河多魚於水漲時始隨流出約三里

至紅廟山麓袁家溝自南來入之五里至橋溝右納斑竹溪水以下兩岸穹崖驟峙水行峽中

五里至兩河口秦村溝水自東北屈曲來入之溝源出金佛寺西之龍塘流二十餘里始入柏枝所經淨頭塘水入深澗自外而內忽隆忽窪為塘三祈雨取水必至第三塘壘而後入幽邃

深寒頂壁絕高毒蛇數百尾蟠焉有長物徧體生毛似木非木似蛇非蛇令人畏怖實多年朽木莓苔斑駁附以爛泥所致自此六里北流入頭渡橋境十里過頭渡橋場地在南岸

生橋溝自東北來入之出金佛山南築竹壩入峽長數里兩面崖壁下插有水無路中段徑合為一迫水入深壙中旁出故名其上曰天生橋東南山水險惡此溝及秦村溝為尤下流十里左納石

板溝貓嶺溝二小水俱出柏枝山北下流五里右納响水小溪自金佛山麓長嶺洞來下流十五里至小河壩場東三

岔溝水自箐頂南屈曲繞場後大山東南下二十餘里入之溝正源出黃栗壩西與北面紅河溝源分始名出箐上之鐵雞山溪繞土地岡北與正源會始名

三二水合流處曰渡口無橋以小舟渡小河壩往桐梓獅溪口逾之鄉人呼三岔溝為小河場以得名溪

自黃蜂洞發源至此行金佛柏枝二山間大勢由東趨西場以下乃離金佛專繞柏枝更向西

南右納洞口溝清溪溝二水俱自箐頂南麓下注約十里至人毛壩界牌關入桐梓界此水行邑東南邊境

長約七十里與孝子河俱流入綦江直達岷江上流論者謂邑榮枯視水道之通塞雖地勢小

阻苟可以人力闢之勞費在一時利益在永久吾邑生計文化缺點莫大於無舟楫此水自小

河壩以下深闊可行舟下流惟南桐交界及獅溪口水壩塘間地名犀牛角纒纒亂石阻滯中流幸皆

棋布江心非離堆龍門橫塞作梗估計費銀數萬圓爆而碎之即可揚舡南下直達綦邑三溪

自正安通重慶可省四百餘里旱運是亦便捷興利之一策也敬附芻言以充芹獻

孝子河源名水濶河有二源右源出巴縣之花橋東流二十里至邑西路神童壩之角口塘與左源

會左源出邑水深東南西崇山巖之車陽溝與龍川源老木溝中隔此山西流約十里至角口塘合而西行五里

至神童壩場西又五里至清和橋屈而西南入二郎橋境直貫其中部左右龍庵神童壩二郎橋兩城連界之山右

方斗山二郎橋與巴縣連北石連界之山也兩高陵夾之南馳十餘里過二郎橋旅店數家橋下塘深廣多魚三里石崖橫巨水自崖懸

流而下瀑布高五六丈下為紅塘水自崖奔流而下噴沫揚濤聲勢雄壯頗與莊子所稱呂梁懸水三十仞相似下為深潭莫測其底勇敢冒險者沒入探見合抱巨材縱橫積累某年大水一株浮出修偉異常餘不可

得也又相傳有巨魚大逾門扉間時現形後有逆花石扒木寺大窺飛來壓之遂不復覩未知信否又三里至三合橋左行陳家場右行石蓮場境下流十餘里

至格頭溪山高谷深水落數百丈亂石填咽但聞淙淙之聲過陡溪橋今名玉成為上青山石蓮場

之大道綠水漕水自叢林溝東來入之水出溝東連桐梓境之巖箕嶺海孔洞水伏流後亦入焉自東貫西分溝地為南北兩段下流十五里許入萬盛

場境右岸有桐梓漏界介於南兩縣中間地名落水孔水入穴中亂石掩之溪流至此兩岸地漸平有田時民居半里復出又南八里許過萬

盛場又三里許至兩河口清溪河自刀子口東南來注之

清溪河二源俱在萬盛場東北桐梓屬景星臺之西南右源出金鵝洞西南流為楊村溝左

源出大埡漕西流約五里會於溝口穿插旂刀子兩崖間過刀子口舊場又南流五里許至

兩河口

二水合流半里許魚泉壩水東南來入之又南流峽口東為八面山西為浸水壩入桐梓縣屬桃子蕩境下流

至蒲渡河為南江三源之一此水繞邑西南兩面與巴綦桐三縣分界約百里萬盛場外盤堰設閘蓄水小船運焙紙焦炭出綦江之蒲渡河

按此水發源名水濶溪至萬盛場西南始名孝子河相傳昔有周孝子傭力求食母再醮而貧仍待孝子奉養每得米必徒涉此河以饋一日水盛漲孝子念母切仍亂流以往被水捲去數里竟得生人皆以為純孝之報故以名河其下舊有平灘橋今毀更修三元橋故舊志名平灘河然別指自刀子口來之清溪河為孝子河則誤今據萬盛場採訪更正

贊曰匹夫匹婦生沒蓬蒿一日能養萬載名標有泉傍城有河貫鄙吾邑隆化化流兩水

合九溪 小支凡八合流後并正幹計之而九俱發源草壩場東麓廣福橋及合溪場全境縱

橫三四十里諸亂山中正西一支為幹出營門山下又一營門非張果老梁子相接者一名牛角寨水東行二十餘

里至廣福橋場場有鋪戶數間先時附近於此交易現止為旅店經匪患後荒寂尤甚李家壩溝茨竹溝二水自右三星橋溝自左入之合

流數里至五崇壩右有李壩溪天生橋溝隱塘壩溝三水次第入之下流五里許至合溪場郭

家溝自左來會溝出魚池壩東南傍驪尾山脉南趨出合溪場左與正幹會勢足相埒場以得

名二水合流後五里即入正安新州界長約五十里下游百餘里入正安之三江河以達涪江

圓村河 元合鄉之幹水其源二東北名梅花溪西北名穿洞河二支又各有二源梅花溪之

東源出浸水埡南自大有鄉東南行之大道西源出馬鞍山東麓並南下十餘里低平地合於楊柳壩又南至

祠堂壩地皆韋姓直以其祠名地與穿洞河會穿洞河之二源俱出水港管東麓屬德隆鄉一繞大佛寺而左

一繞而右各二十餘里會於兩河口東下約十里至祠堂壩與梅花溪合流五里過圓村壩場

右納黃泥洞水洞水與河水相敵出太公山下約五里至毛家壩右納董家溝水東南流十里繞米糧壩東面入正

安自發源至出境約長四十里而羸初行高地依山旋折自楊柳壩以下皆平地

銅漕溪 水貫大有鄉南部源出金佛東麓穿鼻崖懸流而下初經盧家營地曰渣家溝十餘

里過二龍橋兩山壁峙高數百丈仰峻俯狹亂石相撞聲震遠邇東行五里至兩河口納朝天

寺溝又二十里黑龍江溝西北來注之發源唐山及小指母山麓出大有場西北又五里至轉水廟馬家溝水西南來注

之源出彭家營之南十餘里又東南五里至大有迴龍二場中間當邑東行大道始名銅漕溪又東五里小花

溪出龍尾城西而東北來入之屈而東南流三里至滂觀渡劉家溝水東來入之三里至廟子塘老木

水溝西來入之源出浸水埡東麓過謝家灣出鴉家壩西長約十餘里下流十里至陳家嘴老鷹溪自左入之源出東南面玉皇觀之西南長約十餘里又

十里至楊家壩小乾溪自右入之自此趨而西南下流十里過風洞場左木瓜台東面之水自

右入之又二里至墳頭壩南入正安鄧家壩地此水共長八十餘里初由西而東與石梁河隔
轎子山至大有場側轉而南下繞浸水壩龔家溝等地與圓村河僅隔木瓜台一帶山脊

石梁河 水貫大有鄉北部正源出金佛山南與銅溝源甚近日李氏江東下二十餘里至

水源村之高橋徐家溝自南來入之出穿鼻崖北與銅溝溪源僅隔一山數里榨房溝自東北來入之出龍崖城下之西面三支合

流可資灌溉傍馬嘴山脊之西漸迤而東上坦下峻約行十里南北兩低崖幾欲相續中跨一

橋曰石梁其下高數十丈洵有天台石梁銀河倒挂之勢為馬嘴大有鄉之界以下東北行十

餘里至轉嘴燕子礮水東北來入之源出馬嘴之風吹嶺傍尖山子西麓南下過小河場右約二十里至轉嘴迤邐東行十里許東南流至暗

礮入正安縣土苴子境自石梁橋以下右為大有場東境左為小河場南境山逼岸高有土無

田猿猴之鄉猴有黃黑二種黃小黑大黑猴不食包穀見黃輒逐之亦義獸也此水自發源至出境長約七十里下流與圓村河銅溝溪

先後會合於正安之三江河至彭水縣江口入於涪水一名黔江一名烏江

灰礮河 源出邑極東棕廟二壩之東境西南流名响水河過焦崖之南麓黃柏岡濫壩場前

後三元之水皆入之為油漕溝過前後三元之北吳家山之南面水小溝深岸高百餘丈屈而南流二

十里許後河水自東南來入之至正南界上入石梁河此為魚泉河場後大嶺東面以向南川為西向正安為東

之水邑中東路入黔之水盡於此矣

大洞河 凡二源一為長林溝水發源人行堙之東合一小水正東流一為九里漕水發源治

平山之東合自北來之响水洞水東南流會於稗子塘自九里漕往樂村之中道始為大洞河又東流受青龍

洞水自北來至拖仙崖下崖下為拖仙橋對面為涪陵之焦王寨懸崖荒莽無路可通兩岸山夾立如削高百餘丈寬二丈餘其橋不知何時建無立架木處相傳為神仙相助故曰拖仙後遊金佛記人言邑東北隅有龍淵環絕壁者指此

屈而南行至正南邊界納任家墳西南一小溝入於涪陵此為水江石場後大嶺東面樂村境

內之水以向涪陵為東向山川為西

九倒河 源出松子溪南面千口山麓北流過樓房壩傍太平關右至白魚渡入涪陵境下流

注大溪河長二十餘里

黎鄉溪 發源石溪鄉土溪場之東北地名分水嶺東南流過樓板鋪子方家溝水自東南來

入之又東十里過柏木橋五里至河嘴屈而南行八里至學堂壩金竹林水發源舊場南面自北來入之

又南過水洞橋南接觀音橋折而西入白沙井東界有黑煞溝水西南來入之自此奔流漸肆經杭家

溝馬家橋鍾家橋約十五里至獅子壩五里鯉魚塘又十五里出向家溝折而東北十里至太

平場過場中太平橋下太平場舊名隔渡灘以場跨此水也而西慈竹溪水東北來會於場外

溪水出土溪舊場名姜家場之北行茨竹溝約十五里至太平場境之河沙嘴傍九台山下之南面十里至太平場外

二溪合流向東北之七里灘長石七條橫時相接如星點約八里至馬三橋竹壩溝發源霍家溝南流二十里自

左來入之又東過高澗子一名高龍灘高數丈奔流迅急吼聲如雷飛濤噴霧跳磴七十餘步行至中目駭神悸約七里至篆塘入涪陵增福場界

按黎鄉溪見水經注黎作梨或作離鄉但皆據涪境而言考其遠源實出吾邑西北約長九十

里贊國固有巨川利害相參巨利交通文明優先人物會萃鐵艦樓船奇珍巧工俗滋淫侈津要四通梟雄割據成極徵襄終歸於敝六代繁華浪淘東逝我邑涓流浮不勝芥鑿井耕食安知其外客談瀛海將以爲怪漁郎返棹仙源重閉

重修南川縣志卷一之二

方域

崖洞泉塘井

老鷹崖

一在西路觀音橋場北八里一在冷水關場東秀村壩一在城東十里半溪溝之右岸

簸箕崖

城東五里半溪左岸與老鷹崖對峙

流水崖

東路三十里半溪溝源

反壁崖

東路水汀石場後已見志山

千佛崖水花崖

均東路四十八渡之右岸狀詳前遊金佛記中

月亮崖

一在水江石場北五里向涪陵大路旁石壁色白形如滿月一在松子溪大人山下一在金佛山北

顯應崖

在半河場南迴龍寺坡頂降筆道士郭法清所棲一在北路石牛溪場西面五里

鑼鼓崖

一在西路木涼傘西境石壁形似一在東路魚泉河下流左岸一在北路羅洞坪

野豬崖

東路鐮耳山下螃蟹塘溝之右與鑼鼓崖相對

磨子崖

一在魚泉河右岸一在金佛山北黃草坪下

櫃崖

舊志載治東一百里峭壁中有木櫃間開斧斤聲即有飛屑擲下今失其處

鵝公崖

南路二十里白霧坪之西兩崖相對中夾深溝

應聲崖

南路蓋林溝三江口雙峯對峙溪谷與人聲相應

鳳嘴崖

在南路吐文壩鳳嘴江石鐘溪二水於此合流一在鳴玉鄉北和尚山下與龍頭嘴並峙故鄉人稱此支為龍鳳山

轉轉崖

金佛山西面下臨小河壩德隆場三匯場諸地邑貢生童葆生有轉轉崖歌兀兀兩山夾水立滔滔一水出山

急勢若蛟龍噴沫迴聲如空際响濤塵遊人到此乍停車四顧茫茫心先惕兩旁無路可橫行惟有側身循石壁壁間窄徑幾彎環頭上飛泉忽噴激琤琤時聞打笠聲上界安知下界晴輾轉行于千涂步足力盡努始趨平處撐腰回首望水勢山形難名狀夾溝竹樹鬱蒼蒼半嶺風濤空鼓盪幸脫危懷身已輕更極周覽胸益曠遐思神禹奠山川四載躬乘已八年胡為遺此未疏鑿屢屐欲登費轉旋吁嗟乎險阻莫如劍門關洵湧莫如平峽口那堪險路與洵濤更於一處兼而有青逆長歌蜀道難不知曾過巴南否

壽星崖

南路德隆場後高巖千丈如蒼髯老人

佛頭臺

金佛山西南角積石如雲狀如擊鼓鐵瓦寺所在

歇馬臺

清涼頂

舊志金佛山絕頂當風處山下有九曲河天生橋諸勝惟灌木叢篁向來無人登眺一在北路石牛溪場北最

高

落鴛崖

圓村場場十里張家灣內長溝高崖絕壁挺如浮閣而上下拆裂分十四層磔而不平支而為臂為股為掌指削而為脛陷而為突為窪為臼為口眼竅穴鄉人章心培章繼勳依以避匪居第九層各古崖之一角堂室倉戶因勢倚傍無一不得其所人物上下則

神仙崖

極南三界山大漕之前平地湧起形似牌坊

於崖稜起高樓下置滾筒纏巨繩繫竹籠輾轉升降筲旁有引索窺中人必雙手用力互挽惟恐失墜既上神情無不蕩搖眩駭者涪陵黃濟芳往訪作五言一首紀之培植姪章用著別營梅花溪旁之來鳳塚奇險登降亦大相類賀詩章公具鷄黍邀我至崖樓峭壁拔千仞關徑絕階梯百尺綫巨繩輾轉木機人坐篋升降胆駭心欲盡崖腹嵌戶墮洞口險且巖匍匐蛇行人聲折屨屨卑君本千金子何樂臨高危君言避時亂地險身家夷曠彼里中閭十室九為墟蕪營築此室崖腰施鑿鑿破窻碎石層展拓開室基壘地撐岌岌規規廟迎朝曠遠者為翁翁謂者為農炊軒者布章與砥者作書移廠屏文危厦亭亭者垂轉側餘崖地設懸壁立極近心營營淡重門畫屏寒泉瀉壁裂漱齒甘若飴我來宿復信幾忘在穴居猿猴絕攀附樹巒有鳴鸚馳目皆成美齋曠為木低遠山雲補缺垂虹下飲溪松濤吼調底如詠考碧詩足音響空谷韻人宛在斯願君宏捍衛勿作石隱思

高崖梯崖

在縣城西永隆山頂與來遊關並峙

金鐘崖

西路神童場南二里石壁形如覆鐘

漱玉崖

木涼傘南大路之右曰玉崖鋪清涼時知縣舊作梅題漱玉二字甘泉流溢竹柏陰森水聲石氣一派清涼留人休戀

二磴崖

西路神童場東七里自與隆場往大路經之

火焱崖

西路水深高原之南

鴨子崖

西路土溪場天竹溪邊峭壁摩天上有石鴨形二體晴日土人若聞鴨聲

釣鐘崖

西路白沙井場東崖高數十丈下臨絕壁崖邊一大石突出丈許形如乳而圓滑石尖下面懸一小鏡鐘下口徑尺許中綴一木片風吹片搖而發聲地非人跡可到不知誰懸也俗人指為仙人遺跡

楊氏崖

北路二十里羅秀場西北紫鑽廠所在

石灰崖

北路三十里大溪河左岸

金崖 貓山之尾

紅崖 一在南路叢林溝已見志山一在北路石牛河塢北十里龍頭嘴下靈音寺後高峻而色紅俗呼為紅崖

尖崖 鷹嘴崖之東亦上羅洞坪之路絕陡有寨

戰石崖 北路橋塘塢北十餘里大王關下高二丈上鐫戰石崖三字大尺餘各有圈環之下有君子之道四字較小更下小字數行乃修路序語意平常間有剝落隱晦讀之遂不通貫因元明之時匪寇迫起安營交戰改名為戰石崖數句明朗且得命名之由後二行書

大明嘉靖二年癸巳文林生謝勉敬撰亦有顛倒脫缺處查世界大事記有明嘉靖二年歲次癸巳未可引為證

鋸子崖

皮硝洞 東路合溪塢南一里口高四丈闊五丈入口四十丈許一消坑極深水自外入注之窟坑空闊無盡避亂者搭橋坑上寇至撤橋敵不能進內多皮硝

海螺洞 一在邑東草塢塢境內又名梅花洞口圓闊五丈高四丈進而益廣塢地之水四圍阻山悉入於洞有消坑為尾閭清道光戊戌塢境大水附近民房全向隨漂入洞至桐梓之馬桑坎復出排列仍舊一在西路神童塢廣十餘丈盤折而入形似螺旋旋中有怪石狀

如花草禽魚令人賞玩不已

魚泉洞 合溪塢側合九溪之上游岸側有泉多魚泉旁上下二洞洞內水皆注於泉往時有寬硝數人自上洞入里許兩

旁分洞甚多分頭探之隨所往尋出路半日許有自下洞出者有自泉出者獨缺一人翌日復持火裏糧分路尋之處處留識有慮遠愈歧一二日不得出者其一人前行至一沙塢廣二畝塢前為深塘游魚充物戲捕之水即暴起有聲急舍乃已其他詭狀不一及諸人先後歸所覓者已先一日自下洞出未嘗相值也合溪塢外多洞洞又多空土人莫能窮之豈地球凝結有坎滿離虛之異耶抑因陵谷變遷高者下壓未盡密合耶

黃魚孔 合溪塢西一里上下三孔內通中孔較大常出黃魚鄉人嘗見有長丈餘者又以穀壳投上孔則自中下兩孔紛紛流出或謂三孔周圍一帶田宅河流下掘不遠皆空有蛟龍焉

辣夾溝洞 合溪塢西五里洞內乃一無底深溝洞外兩石壁夾立如溝鄉人避匪其中外築橫牆以守守者於口內就石壁鑿室以棲而從右壁後置梯以入從左壁上置梯以出各為門啓閉可久居

鄭家崖 北路合口河右岸臨崖壁立狀甚嶙峋高二十丈其後倒角山為浩南交界險地

赤崖 石牛河塢西北高峯庵下石壁高闊數丈落日反射色如硃砂頂建紅崖寺

鷹嘴崖 一在石牛河塢後高嶺上羅洞坪之路一在魚泉河右岸

擦耳崖 一在北路合口河右岸一在東路水江石東北往涪陵路旁

白崖 一在魚泉河右岸附近有焦崖和尙崖水洞崖俱略見志山一在金佛山之北

黃泥洞

一在圓村壩場西太公山下圓村河之右岸一在龍背溪下流左岸一在水江石鐮耳山之左麓臨螃蟹塘溝一在山之右麓臨魚泉河岸皆水洞多魚惟臨魚泉者較異洞有上下二口上洞深不可窮下洞瀕河水或間日不出或驟湧衝斷河流或時反吸河水入洞方盛流時觀者或大聲吼叱或拾石子投之流即驟止

一在箐頂西北即龍崖江源

古佛洞

老龍洞一在東路半河場南三里龍崖江左岸為遠近祈雨最衆最靈處自明以來疊次建祠立碑載禮儀志一即金鵝洞

石牛洞

周伯寅題句 小有天中歲月賒白雲深處種胡麻千年不見催租吏似此神仙有幾家 不知朝市不知年芝草居然半畝田間煞石牛何處去白雲深鎖洞中天

靈官洞

牛角洞

蓮花洞

酸棗洞

仙女洞

諸洞俱在金佛山古佛石牛狀見周伯寅遊記牛角為產礮之處靈官洞兩岸石壁口闊丈餘深達十里歷數十曲折之向洞誠祈即得所求其說甚妄一在西路神童壩場外二里孝子河右岸一在北路橋塘鐵窩溪其附會與半河新路略同

燕子洞

柏枝山東崖燕多巢於是羣飛蔽天以萬計

風洞

一在東路元合鄉之東南風洞場外場以洞名四時有風冬溫夏涼一在西路太平場石印崖之下

金鵝洞

一名老龍洞在邑南境清溪河所自出也其龍神靈異祠宇封號見禮儀志洞口高闊約二丈餘入內時廣時狹忽升忽降數百步至螺螄紐狹極極伏行向下已而復平至洗心堂過爛泥坑水深及腹方至作法取水處以內深長有大小禪室龍田萬仙屋諸名沿路石漿滴瀝凝成種種物形有若鐘鼓磬盃盤鉢杖及花果鳥獸蟲魚之屬頭尾腹背宛轉生動色皆嫩白如玉洞底清深無塵惟多蝙蝠大如車輪夏夏作響水自謂用左下流為陰河噴霧若雷聲如鐘幽閣中聆之神情震悚洵奇境也

海空洞

叢林濟南四里大堡山中俗名海孔或嫌不雅更為海仙亦無深意其地四面蒼山復沓環拱幾疑無路中一小村平田十畝溪流蜿蜒綠竹巨嶺紅葉映山紙廠兩三家風景幽絕洞窟東南屋腹乃一磬石壁上頂高不可量下有深穴田園溪水流入之伏行數里出於溝北為綠水漕之一源將至河口岸畔泉石清潔竹柏參差清陰拂地可坐臥前三年降水能蔭蓋往遊曰是海關天空萬慮俱指處也更名海空心境雙關涵蓋一切於義允愜今用之其特點石門穹窿廣闊上圓中規下方中矩縱高三十丈橫稱之天造無此斬齊人工無此闕

非曰靈顯五丁運神力不克臻此其內平夷洞達上頂石髓如汗如沫漉漉下灑作兩大圓池承之日夜鏘鳴又結為兩石筍高五六丈就面
壁作釋迦韋馱相配距頂尚十餘丈以內兩列為諸神室為觀音念避亂時鄉人入建屋宇倉廩如街市午達旁道綽有餘地沿路內有
石獅石像石天門石觀音堂面壁僧倒生樹蟠龍石(石臺高蟠旋轉數周如龍有水養之諸勝最終斜下深黑者不敢入常抱巨石投之聲
空然不知其所止微聞水聲洞外伏流所經也洞口外防敵累石為壩晴曦射入碧落倒垂與之正對若懸龍幌不愧洞天夏秋間涼夜月明
乘開而窺遠山蒼蒼黃頰俱寂令人有大宇寥闊及長街無窮之感鄉神顏孔鑄龜石壁曰當然開朗朗前邑教諭鄭縣王培楨題曰天然圖畫皆
紀實也舊時屋畔掛室數間招人往守客至食宿器用畢具近年陳家場張君履謙見遊者曰衆增築精舍三間左偏高處建六角亭把蓋登臨
愈足延攬天碧數亂山之層巒觀
雲物之變幻一最於眉睫矣

穿山洞 大有鄉東北境蔡家山下自大
有小河兩場往來由洞中過

石膏洞 永安場下三里產石膏甚
佳洞內懸石扣之出聲

天成洞 南路西華井山頂崖
下地階徑窄可避亂

鑼鼓洞 水江石西
華井山腰

灌山下田
數百畝

山腰屏閣而方下無蹊徑緣崖穿架木
為梁攀援而上中有古藤一株幹相葉茂

呼為花
籃洞

壁具崎雨輒應題額甚衆一有
萬曆年月日等字餘不盡見

羅漢洞 水關南十
三里高險

冷水洞 大有鄉北水源
村內產黃色魚

烏泥洞 三匯塢左紅荷溝崖壁之上
產白石晶瑩可製大小用器

載孔洞 永安場下三里鳳嘴江
畔洞內有暗河產魚

淨石洞 南路石蓮塢西祈雨多應
俗人稱為老龍洞外孫

三泉洞 水江石西北九盤坎山下入洞三里右行爲乾洞深不可
窮左下深塘西面石壁三孔各徑尺許沃泉湧出無斷時

觀音洞 一在北路冷水關塢南十二里龍頭嘴北兩面懸崖鄉人
於此累石爲牆鑿石爲門守禦甚固一在東路馬嘴北面

靈蛇洞 西路百里觀音橋北水洞橋畔洞深二里許崖壁瀉成石
龍晴久龍潭則雨土人即洞內供龍王像下有巨蛇出入

龍洞灣 西路白沙井分水嶺右洞高四尺內宏敞有深潭有
岔洞隱聞流水聲頂出石漿滴成盤龍二鱗爪頭角

羅洞坪洞 地以洞得名在塢南自鄭家街入自楊家橋出長三
里亦穿山洞也俗傳中有樂器間時出聲遠聞近聞

石壁洞 橋塘塢東五里下臨深潭高十餘丈洞
在半崖石壁如削縱橫三丈險峻足恃

黃佛洞

石壁場西五里山下地名黃佛溝內石壁陡高五六丈磬磬而上窮處續以木梯上則微之內有石倉積糧清泉供養自多匪以來鄉人張德庄常居之

木魚洞

鐵村壩東有山山下穿山脇約二里南進北出中央高而兩口下賊不能入以煙熏之亦無害

穿洞

城西四里乾溪溝小山下兩口相通底有伏流(乾溪溝)天將雨輒發異聲時

夜如鐘聲時悠揚如笙管屢變其聲八音相間一二點鐘乃止不知者疑為歌臺人籟教員陳振聲竊往聽之作穿洞流音記 邑城之西南數里許有一石洞空闊高朗其底有暗河伏流約長數十丈兩端皆空可以由彼達此故名穿洞洞之上為山若覆釜然其脈發源於水濂由石關門蜿蜒而來過橋達洞子其間重巒疊嶂羅列兒孫碑水複山相為環抱起伏不一至此而復結一山山之上有一廟屋數楹第三初級小學校在焉今年春予長斯校暇則散步外遊與隣翁話桑麻時而遊人羅雀時而牧豎橫牛時而芳村炊黍時而遠樹含烟目之所遇不一而足洵可為消閒快事忽一叟謂予曰子知洞之異乎余曰否叟曰洞內間有奇妙之音不時發現或久或暫或長或短不一其狀予疑信參半迨後同事某於夜半聆之疾呼學生篝火入洞音已杳矣適值日曜予歸家明日來為予言如此子笑而應之曰有是哉夏五月酷暑將屆以遊人不時至乃命設夫焚除積草火方熄而音浪遂作急趨洞口聚數十學生於此側耳聽之如碎玉如裂帛如振鐸如擊瓦缶如扣洪鐘如敲鼓管竽然竽然為音千變而不失六律予不禁躍然曰妙哉妙哉約天廣樂何以加哉六月初天將雨予在寢室正苦煩熱一生遽入曰洞又發音矣予獨步而前細聽之旁如幽禽之鳴纖機之聲或虎嘯或龍吟或如駿馬之奔以嘶發婦之哀以怨幽人嘯士溷客騷人征夫遊子之思嗚咽長吟如嘯而音千態萬狀與前迥不相似予曰此音也胡為乎來哉劍閣之鈴洛水之鐘石鐘山之異響殆萃於是耶察其發音之後天必雨或者電氣上昇衝動竅隙摩盪搏激而成聲歟均未可知然流露之妙不可方物真天然一樂部也我邑八景之外又增一景曰穿洞流音載諸志乘亦無不可也於是援筆記之以供遊覽者之一助云

石筍

一在金佛山蓮花寺外已見前遊金佛記一在石牛溪場東四里高三丈大數圍挺然矗立一在上溪場大河土民房側凡二株高者二丈低者丈餘均大數圍一在三匯塢紅荷溝內

金銀石

觀音橋場西五里大路旁大數十圍圓淨如卵清嘉慶時邑舉人周石蘭大書太瑛二字鐫之

金錢石

一在治北五里廣丈餘玲瓏晶透上有金錢形數十圓如錢一在南路馬鞍山下形相似而數尤多

關門石

大溪河流朱鑊渡湯盆關大石橫陳幾斷河流人砥石頂鑿路以通往來名曰新樑橋

七孔石

南路北路最多數不必七多在溪邊小山或大山半磴石壁上遙視正方志者嘗探其二深不過六七尺橫不過四五尺上頂及內左右三面皆石工鑿擊外額及左右皆有竅似原有石門者人通以七孔石呼之無論橫直俱不能容多人及他器物審其工程時代殊不甚早莽江津兩志俱載之基地尤多說尤詳疑為埋葬避兵避水及上古穴居俱覺不似良不知作何用然莽南接壤而獨多決

或唐宋以前之蠻尊所為也

鷹抱石

在鳴玉場小河上流八里左岸山上有石如鷹

眉湖

陳家塢東北角小峯埡一帶山水下注地形外隆內窪潴而為塘長約三里闊處一里有奇舊名淹水塘場中人以其彎環如眉易名眉湖汪洋萍藻中多鳧飛集成羣堤栽楊柳旁有土阜人家宜汎舟載酒倘伴一周春觀齊麥之秀秋弄波心之月頗繞逸興惟四圍農田平衍水盛則被淹沒十種五收旱年就用枯樹注分界分輪買田必書入契券有欲鑿其西南隅灌下流一帶與利去害以工程浩大地權不一屢議未果

龍塘

一在金山南麓由大埡往德隆塢者經之一在東路七里東華山下橫岡西出拱其前面一在東路一百八十里園村塢延袤可容百畝田四面蒼崖諸水匯積塘中產嘉魚土人歲擅其利

讓水壩

一在城南七里乾溪溝之南大約十畝一在東路百里外樂村境內乃地名也

外冷水兩不相混

久晴獅身水出如汗由此轉至冒水孔內多大魚巨者長丈餘一在小河場側魚人十餘斤捕之不祥一在魚泉河塢口橋下塢以之得名

病果愈景江志亦載之引輿地紀勝云在南平軍一里不知宋時南平軍治初在今景江南宋嘉熙已移於隆化惟去城止一里尤屬隆化無疑

里舊志與孝婦湧泉列八景之二

水第一節已識其安然存其言足以戒貪

皂角井

域內北街傍垣下水自外花墳山麓余家洞來不甚潔然可濟用居人於井畔立王閣甚高

螃蟹井

陳家塢西半里水自下湧出力勁出平面上相如大碗味清洌且歷大旱數月汪注如常一場牛活之資也

以鹽名地

邑境雖不產鹽而屬產鹽之省地脈大約相通或前人揣測偶一試驗亦事理所有故地多以鹽井名者若南路吐文塢有花鹽井東路魚泉河有六井溝小河塢有金釵井金佛山有涼水井北路橋塘塢有鹽井壩惟石牛溪西南之鹽井溝較為有跡溝之將家院子中堂確有洞穴上為鐵鋼似已鑿而加封閉者其旁每當陰雨即有鹹水溢出又附近有宅舊名官房談者即指為當時開井辦公之舍其確否不敢斷鄉俗無識動云兩邊開井餉先北邊人雖有亦不許開不知川古產鹽二十縣邊居三分之一何曾禁瀾鹹水瀾上瀾以

温塘

東路龍骨溪半河二水合流處南崖石壁下泉由河底湧出四時若燿於釜中浴之可愈瘡毒鄉人以石圍泉與圍

魚泉

一在園村塢塢南八里鐵山埡下泉外有冒水孔孔旁大崖下有穴穴直入有石門過門有二石獅對立天將

老婦泉

南城外河岸有泉相傳昔有錢氏孝事孀姑姑病思泉水不得氏抱甕繞江而泣江邊石忽裂甘泉湧出汲歸奉姑

三潮水

城北五里外田間井水自底上湧早晚有定候每潮時泉下有聲如雷噴高三五尺春秋分必大潮高數丈聲聞數

流金渡

城北十里羅秀塢西龍崖江下流也舊傳有僧患貧每日晨汲於石罅得金其微僅供一日齋僧貧鑿之金遂止志

官井

東城外數百步水自花墳山來全城所食以此為美四時盈盈

白沙井

西路白沙井塢外清澈可鑿髮眉井底白沙沸泉浮游上下如煙雲旋繞

金花井

北路五十里豐隆塢廟帝廟門外井之周圍古石錯落參差如金花

層石地體薄厚深淺各殊嘗試鑿之
傾家資竭人力掘而不及泉者多矣

土

南川土質大別爲二西北路爲黏性泥土東南路及附郭周圍爲疏鬆雜色土細別之黏土有瘠腴之分疏土有種類之別黏土爲沙石所化質細密柔膩宜稻菽稻性喜水此土長於蓄水豆類根短不求深入須養料無多若玉蜀黍菸麥菜子等物根深吸養料甚強土質柔膩緊密不惟水田難於宣洩使之疏爽種冬季不佳就山土種根深植物亦不易發展疏土爲各種堅硬石質所化分子疏散易於離水根深物易發展故疏土產物較黏土博雜因其土質種類既多合植物性殆備耳茲先論黏土之瘠腴次別疏土之種類如左黏土約分二種上種白油沙如石牛河觀音橋是也此種土質細密油潤性溫暖油潤則滋養足溫暖則生長易需肥料無多而獲特豐次種曰大眼泥性溫如油沙而油潤不及若施以同等肥料收獲須歉十之二一

如鐵村壩雙河石牆橋塘松子四場冷水關石牛溪乾豐場羅洞坪木涼傘芋頭溝興隆場水

濼神童壩二郎橋青山是也下種曰冷砂

著名者曰鴨屎泥白黏泥 質較上二等略粗性冷質粗味薄則乏養

分性冷則植物不易生長所種之物全仰人功補助迥異油沙泥有天然之生長力若不施滋

養溫暖之肥料

石灰性溫刺激性強
牛糞性溫而腴均宜

則收獲難及中田之半如寺坪梁子倉頭壩

上段暮鶴關
新開寺及
鶴子寺等

白沙井對面山麓皆是此黏土瘠沃之大概也但所舉分布之處不過按其大勢若細別則上

泥內含中下泥中泥內含上下泥黏土中含疏土者俱間有之

如草場側含有
顆粒性之疏土

出產亦小有差異

要以一泥為主雜泥為附惟白沙井太平場姜家場無主泥兼含上中下各種

細別太平場上泥較
多白沙井下泥較多

而產物優劣亦因土質為轉移油泥地米油潤精美食之不惟適口滋養尤足大眼泥米平常

冷沙地米最劣枯硬不適口滋養力弱諸泥性質既判色亦有紅淡黃青白之分則以石色為

轉移大致細沙多紫紅色俗名猪育子泥大眼泥多淡黃色冷沙多青白色

青者是鴨屎泥
白者名白黏泥

又可視

土色以略辨味之瘠腴焉

疏土內分石灰崖

龍骨
石

水成崖

滿天星
沙石板

風化石崖

內含石
英云母

動物化石

龍蛇蛙蚌龜蛤及最小
之水族今有遺跡可考

礦物化石

鐵煤館
礦之類

各種俱經風雨浸化而成惟以石灰崖所化者獨多如金佛山柏枝山等頂諸山之頂及其山

麓餘如裏隱壩

含硝黃
為最重

陳家場叢林溝

含煤鐵
質甚重

萬盛場

含煤炭
質甚重

此泥占十分之九次如水江鄉

廟二壩前後三元惟有
樂村含石灰質甚重

半河鄉

二坪一帶及黃草坪香爐峯雷打坪
大河壩俱在金山東北麓半河場側

大有鄉

馬嘴水源盧家營俱在金山東
南麓襲家壩在大鍋廠側邊

元合鄉

迴龍場八
角廟魚池

壩及元村
壩場側

約占十之八德隆鄉

合溪場大佛寺伙伴
台及茅坡附近一帶

小河鄉

柳崖山蘇麻坪麥子溝柏枝山北麓廣
家壩觀音洞秦家溝皆金山之西南麓

約占十之六此

種土質性堅硬成顆粒田中蓄水力量弱土中蓄水力適得其中性稍冷含石灰質頗重種稻不及砂泥而菸麥玉蜀黍菜子等植物較他土特宜因其質疏鬆深根植物容易發展因含石灰質結實特別堅硬菸葉之刺激性特別劇烈色黑者含石灰質尤重種菸草尤宜因其化成之期較近耳漸久漸變黃色以最黃者化期較早含石灰質亦弱此種土質耕種法鋤土宜深翻瞭宜早最好在冬季翻瞭使飽受霜雪浸蝕土質方能酥鬆易於走水其根不易腐壞其苗不致黃萎若在春間翻瞭質既不鬆蓄水性亦因而強其苗或枯瘦或凋萎收穫頗減施肥之

術土中善油性肥料油肥最佳以補石灰質之乾燥田中喜溫性肥料牛糞極佳以補其冷性其次為風化

石泥係含結晶片形之小體崖石化成中含石英雲母長石等質為主其質最不經風雨質因空氣中含

酸素重無生機之物破其侵蝕體實漸次解化一經風雨摧殘猛力解化尤速化解較他石獨速其化解細而醇者為油沙粗而雜者為扁砂以上二種色紅

者為粘膏子泥白者為白粘泥與粘土之白粘泥迥異俱以石色為轉移此種泥質種稻最佳蓄水性雖不及粘土之油沙而發揚性過之蓋

土質酥鬆而植物之發展較易耳惟土中植物不及石灰崖泥因蓄水性弱不耐旱質柔兼乏

石灰質結實不及其堅菸葉薄弱刺激性亦弱此種土質施肥之術田中肥料不定求溫只貴

滋養性及磷酸之肥料磷酸性之肥料施於此種土質尚在其次最好施於冷性之地冷性地肥料以磷酸性(如牛骨頭燒灰之類)及鹼性(有鹽灰質)鹼性者第一因其刺激性強耳牛糞為第二性溫而肥石灰第三因雖有刺激

性及溫性惟下
季土質頗堅

土中肥料宜乾燥

如乾糞火
灰之類是

庶免雨水之漂洗植物長久仰其滋養此種土質以小河

鄉德隆鄉元合鄉大有鄉半河鄉水江鄉為多但零星散布小河鄉約占十之三德隆鄉約占

十之二強

草壩場
在內

元合鄉占十之二大有鄉約占十之二弱半河鄉約占十之二強

蕭家溝半
溪溝在內

水江

鄉約占十之二弱

魚泉河
在內

較醇者只草壩場蕭家溝魚泉河而已惟草壩場地高人煙稀蕭家溝

地勢陘陘崎嶇魚泉河田少山多土質雖美出產不豐風化石泥外其次為水成崖

指鉛
板崖

質堅

而粗土性出產與風化泥略同惟腴性不及僅屬柏枝溪兩岸此土每與風化泥相混種植亦

不甚惡其次為礦物化石係以煤鐵為主體蓋煤鐵礦所化較多地面之礦經空氣浸蝕而成

粘土多與火成崖泥混以金山柏枝等頂山脈為多其餘若半溪溝丁家嘴裏隱壩叢林溝萬

盛場一帶地質皆是物也其性堅實所產茶色味特佳出他地上其次為動物化石亦經風雨

浸化而成粘土

多為古之水
尚有遺跡可考

於小河鄉所見尤多惟所化之泥多混合於別種泥中以上諸泥平

均計之石灰崖所化者約十之六風化石崖所化者約十之三粘板崖動物化石及礦質所化

者約十之一除動礦二質所化之泥不能獨立外餘或為單獨一泥或混合二泥或混合各種

泥者均有之要皆土質疏鬆宜旱性植物者多宜水性植物者少惟吐文壩縣壩陳家場東鄉

地混合泥粉少含石灰質之粘性土質爲多各種植物無不適宜春冬兩季兼而有之出產之
豐甲於全縣可謂醇粹之壤地

再觀屬粘土之地少泉源疏鬆之地多泉源此亦造物之配置使然耶

附注如東南兩路大山之下泉源
四瀉西北兩路山勢平秀地心之

水難於上吸泉源
故遂不易見耳

石質

據地質學言凡構成地殼之材料俱名崖石其疏鬆之土壤與細膩之粘泥當然在內此別爲

土與石者蓋從俗耳考吾邑崖石複雜大致結晶崖

有結晶塊崖
結晶片崖

單礦崖碎屑崖無不完備惟多

錯雜淆混非諸地質學者不能一一分辨茲祇述其形狀作用仍以通俗舊名冠之以便閱者
若分礦辨質確定品類以俟專家

之
(一)沙崖由細砂粒構成凝結甚緊中含白微點無層紋可供建築之用邑西北兩路崖石屬

(二)石灰崖俗名龍骨石構結極緊無層紋質較沙崖堅硬可供建築及燒石灰之用邑東南

兩路爲多金佛柏枝二山尤著

內含煤鐵礦硝
石膏等雜質

(三)俗名響板龍骨較前者稍軟有整齊之破紋厚尺許至二三尺專供建築以風吹嶺馬嘴及銅漕溪流域尤明整層疊如畫

(四)俗名風化崖內合尖斜細長等片狀而成者有之純爲一體者有之色或紅或黑或灰綠或綠黑相間每經空氣浸蝕風雨摧殘易於分解化成粘土邑東南兩路咸有尤以半河鄉之蕭家溝水江鄉之魚泉河元合鄉之草壩場爲最多

(五)砂板崖又名滿天星之沙石獨產於柏枝溪沿岸係細沙泥澱而成中含小白點石英類色透明旁現極薄之層紋狀如疊紙有厚尺許者質較上列諸石堅硬功用可以代磚

(六)俗名豆粳石成結體之塊狀色或紅或灰綠俱內含豆瓣形之白點呈半透明或微透明體堅膩過石灰崖多供裝飾之用產柏枝溪流域

(七)俗名星宿石爲斜方形之結晶體質柔易破碎色半透明或微透明亦間爲裝飾用產柏枝溪流域多見於石灰崖中

(八)俗名火石子多長方斜形間有結晶體稜銳質較前列諸石尤堅昔無火柴鄉人用以擊火得名每見於石灰內柏枝龍崖兩溪流域均有

(九)俗名湯粃龍骨每成頁形厚一二尺許面不平其隆起者如湯圓故名內亦間含生物不多

可識大致
爲兩棲類可供建築之用

(十)動物化石有見於龍骨石者石灰有見於風化石者有見於沙板崖者多係水族惟見於

石灰崖者極大聞金山腹層有雷打洞一巨龍夾崖內歷久由雷震落大十餘圍長數十丈鱗

甲披露宛然如生標宅臨柏枝溪岸每值溪水泛後遨遊河畔所得怪石頗多有次於沙圍得

巨鱗一條大合圍穿繞一石如球石徑長
丈許雖鱗甲多被摧毀其頭腹尾項尙隱隱可辨其石蓋由

石灰崖內頽下其餘得沙板崖石數件有現蛙者有現蛇者又值崖頽頁
崖得蛤螺類十餘事

餘多不能識想近代已絕跡也

按進化原理水族最先初爲斜尾類由小以致大螺蛤類在沙板崖下沙板岩又在石灰崖
下由螺蛤以至蛙蛇由蛙蛇以至龍鱗進化次第應爾其懸崖斷澗幽谷深穴可供地質學
之研究者固無盡藏此不過略舉一二耳

形勝關隘分最要次要

通志前臨大山後擁密箐塞黔楚之咽喉扼巴渝之險要

舊志清康熙時邑令張暉手輯未刊前臨金佛山後擁方竹箐福祿關峙於右桂崖橫於左遠扼黔楚近輔巴涪雖

渝南崖邑實川東保障

馬嘴 東路九十里即龍崖城明史地理志名馬頸關觀音崖附

箐頂 南路偏東一百里土地關附

三層坎 南路八十餘里一碗水附

牛口壩 南路約一百里叢林溝東南接桐梓縣景星台

人毛壩 小河壩場之南柏枝溪下流交桐梓界兩山夾峙一岡中橫

水港箐壩 東南德隆場合溪場交界

福祿關 西路八十里下臨白沙井山勢雄峻

冷水關 北路九十里控扼涪陵大路

小河關 冷水關東下卅里合口河東岸扼冷水關涪陵大寨交通之路

九里漕 水江石場後十餘里扼樂村及涪陵長壩來路上最要

西陽關 東路四十里半河通縣城中道左右高山相通欲合谷狹而低轉折對面不相見民國五年五月十七日附黔義勇軍與北軍相持於此歷戰終日

龍尾城 馬嘴東三十里連正安界與龍崖城首尾相對明史地理志有雀子崗即今山半名關口者是為扼黔邊要隘

孫家壩口 大有場西通圓村壩之要路

米糧壩 圓村場南十里交正安新州界山不峻而崗嶺層疊錯落左右掩蔽宜於狙伏

海岩壩 草壩場西南十里交桐梓界

魚池壩 合溪場圓村壩交通之路

濫壩箐 金佛山南面由獨頭馬直上三十里介墨石壩關門山之間下險中平有田宅控壓三匯場小河壩頭渡橋一帶地

手攀崖 合溪場壩口

大壩獅子口 二隘並列金佛山東面為縣城通德隆場頭渡橋一帶山路

龍見場 即水江石隨魚泉河右岸地頗寬平東南負治平大山控涪陵南川邊境西北面九盤高嶺接鐵村壩雙河場西通縣城北出橋塘松子溪縱山橫水場居中央東北路之中心點也

暮鶴關

陳家塢西二十里往神童塢二郎橋達巴縣之要路石關門碑作摩訶關

長面崖

百蓮塢北十餘里交巴碁江要道

大準把酒擊擊洵有目空千里之勢

乾壩子

即乾壩塢邑北偏西百二十里九台山頂外控瀘巴兩縣中高四下西面觀音橋為其隘道

對岔壩

太平塢北十六里涪陵增福塢隘口

豐隆塢

北路五十里最高峯極其荒寂數年前西北常有股匪踰嶺往東南遠地行劫輿馬捆載入鄉戶食宿公然無忌城區窺村壩石牛河三圍公議各割一甲抽丁操練駐防重立市店通交易其患乃息

茶土坎

城正北二十五里羅秀鐵村二壩中高嶺

界牌關

慈航關

天王關

黎字岸上

温家崖

四隘俱橋塘塢西北十里外環繞涪陵大寨險峻有門

佛現關

朝陽關

牛心關

梓潼關

俱松子溪塢左右十里內外通水江石平橋涪陵大寨各處山隘

大平關

松子溪九道河右岸扼出涪陵白魚渡之要路

清平關

一名三清關

涪南關

三關俱松子溪塢北出關抵涪陵南山坪寨按橋塘松子溪山地縱橫不過二三里而設關如此其密必因涪境兩寨遺亂時避居者衆而防守嚴耳右次要

來遊關

城西十里當永甯山隘由縣赴渝之大路左有廟子壩石關門右有高崖梯崖並列為之輔翼

木傘涼

來遊關西十五里下臨觀音橋高於關者幾半孤峯入雲峯頭有陽橋寺坐佛堂左顧右盼衆山繚繞若九重九登

羅洞坪

東峻西田高原廣袤亘大溪龍川兩河流間

龍鳳壩

太平塢東二十里九台山北山形似刀左右高峯蟠折飛舞故以龍鳳象之為邑西北障塞涪陵之要道

關口

城北二十里大溪河流極狹處

九盤坎

雙河塢南石牆塢東水江石北上有大楓三株千年物也

郵電

郵政 清光緒三十一年邑城內設郵政代辦處宣統二年改設二等局賃地開辦南路陳家

場萬盛場俱設三等局南路偏東通貴州省小河壩德隆場西路觀音橋白沙井北路鳴玉場冷水關俱

設代辦處

附鋪遞 未有郵局之前係設鋪遞傳送公文舊志載清康熙六年邑新設隆化一塘已鋪

遞二十九處 城內隆化塘 東路十里龍興鋪 十里珠洞鋪 十里馬嘴鋪 二十里

箐口鋪 二十里石膽鋪 二十五里天平鋪交正安州界 南路十里土門鋪 二十里綠水鋪

十里萬家鋪 二十里平灘鋪 二十里趙侯鋪 二十里頭渡鋪交綦江縣界 西路十里船溪

鋪 二十里尖峯鋪 三十里玉崖鋪 四十里白土鋪 五十里福祿鋪 六十里杉樹

鋪 百里白沙井鋪交巴縣界 北路十五里安平鋪 十里趙家鋪 十里木石鋪 十里蓮

子鋪 十里石牛鋪 十里皂泥鋪 十里卓家鋪 十里煎茶鋪 十里冷水鋪涪州界

鋪司五十九名每月工食銀三錢五分赴按察司庫支給雍正四年奉文裁去一切公文無

由遞送知縣張暉捐雇鋪役六名設於本城及木洞府城三處每名歲給銀六兩乾隆二年

奉文復設西路八鋪每鋪鋪司二名每年給工食銀六兩過閏加五錢清末裁撤

電報局 民國五年夏北軍創設傳達綦南軍報局在西街禹廟後遷本街之金姓宅內十二年

徵十四年黔軍總司令部復設通南川涪陵正安三縣局即在教育局內其時教局亦歸防軍駐紮次年春

黔軍去邑廢

道路

正東路出祥書門街市長里餘四門外惟東門交易繁盛中衢建坊書曰紫氣東來出郭傍花墳山脚過灌壩

五里至黃泥堡市小分路左行踰石崗子龍塘岡下東昇場平行十里至土橋場市寂出場過虹濟

橋平行五里至大鋪子店旅分路右行緣帽子山南麓兩山夾溪時上時下二十里至西陽關店旅

又東六里踰石門坎分山溪兩路溪路右行一里至頭到水分路入左谷歷四十八渡實止約半數

二十里至打子孔山路左陟峻嶺循崖稜仙女洞麥焱漕天生橋諸地亦二十里至打子洞兩

路既合派溪平行二里至半河場出場平行十里至順坎店旅右行逾陳家溝小溪自觀音崖下流入龍崖江中登山

五里至觀音崖店旅分路右上十里達風吹嶺過龍崖城下五里至馬嘴場荒寒小市十里下石梁河

分路右上十里至江家灣店旅又十餘里至大有場新老場後新場出場二里至三鍋椿分路由中道西過

八卦石

路旁長石七條依序排列象火天大有卦爻故鄉人取以名場

二里越孫家壩

店

三里下銅漕溪過河西上五里至崖口七里至

迴龍場

市

出塲半里過浸水壩

沿路岡原茅葦荒涼暴客淵藪

下行十五里至梅花溪

店

循河左岸行十五里至圓

村壩場出塲一場

對岸即黃泥洞

過河迤邐南行斜上約八里經毛家壩董家溝白崖關大路坡雙龍洞

等地而至米糧壩交正安縣新州塲界共計一百八十餘里

四十八渡水前代地志著名

或謂合半河龍骨溪兩水諸渡為四十八

自頭到水起積石峩峩兩面削壁有溪無岸不

可為橋鄉人集跳磴會歲桃始華聚石以渡左縈右折褰裳濡足猶時時不免

有二十四道脚不乾之諺

與牛馬艱辛困躓夏漲冲激石隨浪去人嘆望洋清嘉慶時邑令蔣公作梅欲闢徑避之而

沿溪一帶明崖無可施功乃繞左方絕頂鉏茅拔械半土半石長前後六十里然紆回荒遠

非萬不得已人莫由也光緒十四年昆明張公濤復議大舉募錢萬餘貫委紳督工就崖崙

鑿穴實火藥爆之巨石如堂如牀飛墮崖下化坦夷邑之鉅工公之善政以此為最後人立

一路福星碑頌之作歌以紀者尤衆

邑令蔣作梅四十八渡碑記

治東四十八渡黔蜀之要津也源出龍崖城兩山壁立一水灣環涉是溪者凡涉四十八渡

因以得名焉每歲春漲冬寒民皆病涉余見而憫之思澤行者不如山行之便也於溪巖審之得陸道焉爰割俸倡捐囑好善士董事募捐督修自順坎至土橋計六十餘里崎嶇者削之使平斷絕者續之使達開山伐石導千古未有之塗爲千古不朽之計經始於丙寅落成於丁卯嘉平費不踰千金險者爲夷危者爲安行路之難可不復作矣是役也知爲善之最樂而不私囊橐者蜀黔接壤土民之情也誘掖獎勵共勳厥成者領袖五十餘人之力也而董率工作會計出入櫛風沐雨終始不忘者則惟軍功晏理富武生張長訓刑書楊宗堂有足多者若夫相其陰陽度其隰原則余之率作興事其心亦良苦矣抑聞之周官平治道途職在司空則孔道之修固王道之所及亦牧民者所有事也自今以往隘者廓之圯者培之俾得有基勿壞長遊斯民於蕩平之王道是所望於後之宰斯土者

邑令張濤新開四十八渡山路碑記

聖天子恩詔特頒有修治道途橋梁之諭誠恐民之病涉也夫平治者有道途而平治之非無道途而開鑿之平治則功以因而較易開鑿則功以創而較難邑東二十五里曰西陽關坦途也又二十五里曰半河場爲黔蜀往來要道兩山壁立中通一溪曲折縈迴右竟則涉

而左左竟則涉而右歷數十左右乃得竟通志所稱四十八渡水也春夏山水驟漲半渡輒被淹去且甫涉而喝喝而復涉疾病多由於是余防邊禱雨節次經過憫民之疾苦無以去心滋愧焉山頂有前縣令蔣公作梅原修之路歷年久遠峯高路仄危險甚於涉河民久棄之余與諸紳耆議僉曰因不如創擬由半山新開一路余親往履勘冒險以試之未敢必其成也幸覓得石炮之工較斧斤之力費半而功倍且細民等踴躍從公或捐資財或效奔走歷兩年而卒底於成計費金錢六千有餘緡皆民力也計集工六萬八千八百零無虛糜也吾民從此登坦途也仰體聖主保惠赤子之意非其一端耶是役也總理其事者千總王家現分理募資者千總章才椿職員張藹廷張國良王命榮王榮邦晏屏侯武生雷聲揚貢生童葆生監生胡寶生江學銘楊萬章李賜齋陳鳳山趙精一章才玖王家福王家仲胡占春黃天文邱啓元戴厚儒林陽洞王曉堂王澤一任賢齋黃大聯朱大光王家顯監工伍朝相伍鳳翥張天俊王家燦經理帳務者滿吏曾光鴻伍佐臣黎大品例得書名捐資各紳民另刊有碑是爲記工竣喜賦七古一章並列於左紀實事也

兩山壁立夾一水迴環有如蟻穿珠四十八回厲弗已百千萬人憂無殊往來不時占滅頂

疾病相侵切膚倏忽夏雨漲溪水進退維谷棲萊蕪水漲多有困於沙汀者昔有蔣公切民隱大驅了

壯鑿盤紆計時當在屬辰歲迄今已是周甲餘峯高路迴飛隼落年遠石欹我馬瘠未能出

險仍入險竟舍新途覓舊途天定已覺人難勝民顛知有誰能扶前載巡行守邊警驅車過

此愁僕夫縋幽鑿險力區畫更張改絃心躊躇土人偶獻策士策老夫竊慕愚公愚千尋赤

壁開與窾兆億青錢爭樂輸警天炮震石全破以火藥炸石名曰石炮生風斧運木皆枯年經兩載工畢

集耳聽百姓同歡呼經營不懈賴賢宰岐嶇始得達康衢我聞此語覺顏赧毋乃斯言實面

諛羣策羣力吾何與善頌善禱胡為乎我尙有言告父老爾等且為立須臾王道既平固足

喜人心之險尤可虞宰官與民互規勉平心平政要與坦坦蕩蕩相合符吁嗟乎平心平政

果與坦坦蕩蕩相合無

邑人童友三和張海槎明府修四十八渡山路歌

唐虞世兮水患洪疏瀹厥惟神禹功西蜀咸稱山險極五丁亦復能開通漫云天定人難勝

人謀原可奪天工底事山川不盡奠猶留缺陷在邑東屹屹兩峯如夾壁滔滔一水似彎弓

行人至此旁無徑只得攜衣涉水中旋左旋右隨流轉蟻穿九曲將毋同總計紆迴凡幾許

四十八折渡方終設至中流逢暴雨波濤陡漲霧密蒙蒙匆匆進退俱無及骨骸每至葬蛟宮
縱邀天眷得生渡亦必難禁溼氣攻人不遭溺卽遭病咸嗟此患何日窮幸值生佛來滇海
撫我南平稱賢宰爲巡邊境偶經過卽謂此途宜更改捐資命匠亟倡率水勢山形並審度
不堪波面臥長橋惟向崖腰施斧鑿詢謀指畫既周詳斬棘披荆咸踴躍石堅或難以金攻
匠巧尤能需火藥炮聲震似疾雷鳴砂礫飛如驟雨落儼然鬼斧與神工峻嶺崇山悉剗却
憑高另取路迢迢且喜危不同棧閣行客穰往而熙來担簦跨馬亦寬綽回憶當日沿溪行
厲深揭淺苦何若一朝頓免沈溺憂萬姓須知蕩平樂賢宰力洵可回天福星一路頌聲作
豈若濟人溱洧僅爲暫時之權略

自黃泥堡場外分路右行沿半溪東岸沂流十五里至雙河口左行上山至人樂壩過橋右行沿溪西岸十

五里至流水崖止爲半溪溝路深谷窈窕植物蕃茂居人勤樸風景絕佳自大鋪子左行約四里至梅壩六里過高橋

河沿溪下行經蕭家溝口螃蟹塘沙窩麥子壩諸地凡四十餘里至水江石由水江石東上九里漕至樂村交涪陵界共四十里自頭到水分路逾橋右行入龍骨溪共三十里山陡

又由九里漕分路左行至土村交涪陵長壩界二十里又由水江石東北斜行上紅荷嶺交涪陵平橋界凡三十里

潤狹一線天光悉如半河二十里上大河壩二十里上陡石梯越大壩南下經天台寺馬胡林

等地至德隆場共四十里 出半河場外分路左行上貓爪埡下魚泉河場凡二十里 自觀

音崖分路左行二里許又分路右行過十二茅坡東下至小河場凡三十里出場又東行越礮

台埡口約二十餘里交正安三元場界 自孫家埡口分路左行五里至龔家壩場出場前行

十里過陳家嘴店旅又五里至風洞場出場左行五里交正安鄧家壩界 自圓村壩章家祠堂

分路右行入落石溪溝上魚池埡下郭家溝至合溪場凡二十里

正南路 出順德門逾南門橋上義學崗即巖頭峯向左平行五里至石門埡南路近城小隘過讓水壩逾山

埡渡福南橋以下平行五里至大興場五里至田家橋店旅又五里至馬鞍山分路右上十五里

至胖埡下行五里至陳家場出場平行十里至牌界十里下叢林溝店旅盤屈山谷中八里上一

碗水店旅下行歷黃泥三灣三層坎十里至萬盛場場外右行過三元橋二里至浸水埡交綦江

界場外左行渡清溪河過東鄉壩約十五里至打退埡交桐梓縣界 自田家橋下左出龍馬

橋過吐文壩東進溝三十里至三匯場 自鳳嘴崖分路沿溪左行過長安橋平行過吐文壩

十五里踰蘿葡坎沂流循鳳嘴江右岸十二里至永安場出場五里登山十五里歷斑竹林又

十里至箐上南下八里至土地關店旅又下十二里至小河壩場順柏枝溪下流十五里至人毛

通交桐梓獅溪口界沂柏枝溪上流五里至騎龍穴行山峽二十五里至頭渡橋場市小出場上

行五里至兩河口又十五里至紅廟登山十里至德隆場由場南行五十里荒山路太荒僻無人經由至草

壩場由德隆場東南行踰水港管至魚池壩分路傍郭家溝左岸亦五十里至合溪場均交桐

梓縣界此路自縣城起至出境長二百三十里 自陳家場西三里新鋪子分路右行五里至

橫趨上坡五里至楊益太壩左行下山十里至陡溪橋渡河登山八里至夏家嘴邑屬大青山適中地分路

南行山坡八里至石蓮廢場外南行十里交綦江一人橋界

正西路 出望隆門西望永隆山過橋鋪戶百間建坊曰永固西偏平行二里至土地塘下行三里至

龍濟橋橋東有龍井壩橋西有龍王廟五里上來遊關下行山澗五里至黃泥塘深谷幽僻屢出捨案十里上九間房店旅木涼傘

店旅十里下金家橋店旅平行五里過張鐵橋十五里至觀音橋場平行八里至觀音碑店旅西上五

里至福祿關出關下行十里至田家橋店旅兩山夾溝平行十里至分水嶺又十里至白沙井場

出場順流八里至界牌左登山右沿溪俱交巴縣界

白龍濟橋西半山地名鏡子碑碑石晶瑩約似磨鏡分路左行斜上廟下壩西下海棠園踰碑壩口曲折山

間二十里至興隆場場在高原頂上山林田畝溪流交錯而顯厥出場西行十五里至水濶壩店旅下二磴崖沿溪經沙河

壩石橋店旅角口塘諸地十五里至神童壩場出場西南過復興橋道左廟巴縣地有旅店經石橋壩方斗山之東壩

沿河即孝子河二十五里至二郎橋店旅西上方斗山十里至蓮花石場交巴綦二縣界為邑之西南

路自縣城往二郎橋以由陳家場上暮鶴關路為直捷自觀音橋場中石捲橋分路右行平出十里至滕家廟又十里至石橋

河旅店以下出觀音橋境北行經袁家嘴二十里到土溪場市小出場北行過樓板鋪子觀音崖碑記坪店旅龍

鳳坎下長嶺崗約三十里至河沙嘴沿慈竹溪兩岸平沙綠竹清渠映帶多紙廠岸平行十里至太平場一路由場

後越山二十五里至石門壩店旅交巴縣豐盛場界一路由場中分路沿黎鄉溪左岸東北行二

十里交涪陵增福場界為巴之西北路

正北路 出躍鯉門取北方屬水邑水向北出境之義分路左行下較場壩平行十里至迴瀾橋過橋而西沿鳳嘴

江左岸北下五里至關口隘道五里過石灰崖十里至圓塘渡河右岸十里至李家壩十二里

過廟子塘至尖石灘又渡河西緣山坳八里至鳴玉場即石河過靖安橋出場八里越欄牛壩上

石龍廟七里下卓家橋店旅過獅子壩運迤北上十五里至冷水關交涪陵縣 自石灰崖北下

八里過三洞橋至田壩分路左行西上石澗溝十里至曾家鋪北行高嶺上十里至福壽場面東

高峻西面平闊西下五里至楊家橋山半前逾峻崖十里下五里崗過二郎橋五里北上石牛溪場在山東面出

場西北平行四里至仁壽閣西北八里緣嶺至高廟子八里下高洞子十五里上槲栗坪至乾
 豐場由場西北十里下碑坡交涪陵增福場界爲邑北偏西之路 出躍鯉門正北行五里過
 無祀壇竹林塢至周佛壇砌石爲門 名捲洞門 一下三潮水平行十里過永生橋旅店橋跨龍崖江 位羅秀壩之中央 北分路左行過
 羅秀壩上茶土坎北下鐵村壩平行山曲二十五里至石牆場俗呼新塢 上燈杆壩高垣牆張姓舊居 砌石爲垣
 下白泥坎十里過河至橋塘場小市扼水江石 合口河之中道 一路自橋塘場後上山十里抵涪陵大寨一路出場
 循河上流右岸東上八角廟過長田下樓房壩東南上共二十里至松子溪場出場西北下鹿
 井溝北上山坳共八里至梓潼關出關二里抵涪陵南山坪大寨爲邑北偏東之路 自永生
 橋北分路右行傍鳳頂山西麓過七星堰上高樓梯西北下行共十里至雙河場
 自茶土坎西上北行山脊行二十里過顯靈廟至隆豐場

津梁

鳳嘴江流域

接龍橋裏隱壩 塢口

三元橋陳家壩通 裏隱壩

三星橋吐文壩 中央

龍鳳橋三匯壩通 陳家壩木亭

長安橋縣城通 裏隱壩

龍馬橋 縣城通三匯場木亭

福南橋 縣城通吐文場弓形即鎮江橋

龍濟橋

城西大路上來遊關弓清乾隆時邑人馮魯山獨建貢生徐作式題句南平西望路迢迢發軔如輕驪馬橋道征塵連雁齒四圍山色襯虹腰杠梁信有無窮澤鱗爪何容著意描自此雲從占既濟歸車猶聽帶江湖

福壽橋

縣城上水深木亭邑紳明廣

迴瀾橋

舊名又新橋俗呼新橋城北由此下圓塘亭屢毀屢修清乾隆時邑令應士龍有記道光時劉觀度作歌應記

雖名新由來舊矣不知創始於何年亦不知傾頽於何日士龍蒞任但見水中淺石參差錯雜而已春夏之交民多病涉且有溺患太息者久之因捐俸倡修命僧會海映董其舉興工於乾隆乙亥冬月造成於乾隆丙子秋月額其匾曰又新橋仍其名欲副其實也嗟夫新故迭乘理數之常何足怪者所賴後之君子顧名思義使新者恆新則得矣是為記

石鐘溪流城

清源橋 三匯場外弓形

起鳳橋

俗呼上新橋弓三匯場下流十里通吐文場

仁壽橋

吐文場

半溪流城

雙河口

小亭橋兩座各跨一溪

官堰

東門外灌壩亭

孝泉橋

南門外亭

西成橋

西門外亭

楊泗橋

西城外二里弓亭民國十六年新修

龍崖江流域

虹濟橋

俗呼土橋縣城通字河弓原名普渡明成化十三年創建屢圮清乾隆時邑令冀宜明重修改名虹濟道光十六年

邑令唐金鑑觀成相繼三修逾年復圮十八年邑令魏經四修稍移舊址改名永鎮唐觀魏三令皆撰有記唐記 皇帝御字之十有五年余奉徽幸斯土攷邑志有四十八渡最稱名勝心焉誌之無何火能告災遍地皆赤予為之惻然急馳老龍洞祈雨出城東行廿里許忽睹長虹臥波行其上者熙熙穰穰詢諸父老知為土橋古稱普渡今號虹濟是也過此而東為四十八渡綠水丹崖紆迴往復途詣龍洞處禱雨而還不數日大雨滂沱澤下尺生上尺城野咸有喜色又不數日有農父奔告曰河水漲矣土橋圮矣四十八渡又增一渡矣余始聞而駭繼而相慰駭者謂

其橋梁不通民將病涉也愚者謂其甘霖大沛款轉為壑橋雖陷募而修之不難也爰集紳耆勸捐樂輸旬日間得千餘金仍舊基以重建焉夫蜀中風化益義趨公素多善舉况此橋之創為隆化通邑衝衢迄今七十餘載後遭冲塌不可以不急修適鳩工庀材成於不日有基勿壞故任咸宜雖雲貴楚粵之遠萬里可通詎止為邑中四十八渡之津梁哉用弁數言以誌之觀記 惟道光十五年歲在乙未月在壬午前令唐君金鑑權聚在土下車之載火龍為災既而大沛甘霖山水暴至出常流一丈有奇由龍尾江過半河經四十八渡至邑東之虹濟橋乃地堪橋當孔道路通黔滇建於前明成化十三年崇禎間邑人張文仲捐資重建北岸亂石壁立因之為址勢固苦繁而南岸無石沙土易陷故歷久難堅唐君見行旅往來深厲淺揭以乘輿濟取率邑人十黃天鵬等捐廉勸輸樂輸之不數月腋集裘成工鳩材庀良月初吉余澈任斯邑察其形勢令求大木數十於南岸沙土中植而築之森以立焉復以堅木橫貫之壘以大白則其力始與北岸均丙申夏工始竣計廣一丈五尺長七丈宛若玲澗長虹騰空煥杖焉自是熙熙而來穰穰而往者庶乎無病涉而共躋平康矣爰勒於石以記始末云魏記 邑東士橋為滇黔孔道有溪焉源出金佛山經四十八渡龍崖洞而下夏秋水漲行旅頻以病涉告勝朝成化時土人支木以渡歷冬徂春人獲濟連桃花泛濫後木隨波逝旋支旋圯而人之踰者若故矣乾隆年間前令冀君始易以石額曰虹濟道光乙未夏又被馮夷鼓裂十六年觀草杭游任議復修之名輿地皆仍厥舊費不貲而按其基岸北則因峻岸而南則沙阜七甚疏縱築之壘而濁濤稍怒遂善陷架流者又適降水之衝厥勢弗勝厥基匪固厥形坦平歲戊戌再破於波職此之由也考丁記曰審曲面勢則相水泉度地勢要已時邑督楊懷訓數經理杠政區畫罔弗宜議非改為不可適卜基於橋之西距舊址二十丈許岸以東許巨響橫當其根其西亦石岸森然林立足以勝底楛而不虞傾欹也為之壘平以植其基穹砌以陸其形水復從舊圯下折而北行波流紆曲歲甲辰創修經洪流排激者數而濤肯從穹洞而下罔有自虞慮未幾以資告工

中輟經年弗克竣是秋余履任大佛津梁弗修甚為旅人累數籌厥款工善吏勸朝夕展力越明年慶成既暨時兩岸石與沙弗敢罔足以鎮洪濤者迥異焉條計以常四有八尺七分其長去五以廣二分其廣倍三以為崇繼自今行旅獲免厲揭虞庶永濟乎遂錫嘉名為求鎮云

永生橋 羅秀壩中央弓亭原名永安清乾隆時把嘉慶中鄉人陳朝升等募修邑令彭履坦易名永生書額作記 天地之大德曰生民而病涉即以病其生也民而利涉即以利其生也彼乘輿之濟一葦之杭非不於生民有裨而究不若徒扛輿梁之益於羣生者更

大也兩邑距城二十餘里舊有永安橋為北路要津湖自乾隆元年初建木橋歷五十餘載民生賴之厥後兩次增修均就傾圮至嘉慶六年乃設義渡以便行人置義田以贖舟子計非不善但溪水汨汨然孤艇隨波上下幾有狂瀾莫挽之勢涉此者每瀕於危甚有困之隕其生者予心竊憫焉往歲會與邑人議建石橋用垂久遠因需費浩繁眾皆難之比年大有預齋人樂為善客夏陳朝升等請示重修予特捐廉以倡之邑中嚮風慕義者踴躍而從其後樂輸得千餘金途於溪之上游構造石橋一座高大完固亭稱之誠善舉也經始於去秋八月落成於今夏五月

衆請易名永生予謂橋所以便民行即所以重民生非徒舍其舊而新是謀也謹按書有曰水底添民之生生民之道在於利民今橋已告竣咸占利涉之吉無復病涉之虞是民行便而民生可永也蓋以永生名之衆唯唯遂書以名橋繼自今熙來稠往爾衆民皆匡以生且由一隅而推之四境皆有幹有年於茲邑相牛相養於無窮也生之時義大矣哉是役也鳩工庀材如楊懷訓會永文劉萬錫輩實與有勞而其中經緯得宜始終不懈俾斯事克觀厥成而斯民克永厥生者則黃生天衢楊生榮封鍾生正儀之力居多此尤難能而可貴者并書之以示勸

大溪河流域

圓塘

北下李家壩石平

廟子塘

西上羅洞石平

尖石灘

西北下鴨玉塢石平

平瀾橋

鴨王塢頭弓亭通豐合石塢等塢工程壯闊

湯盆

合下口河

正陽橋

跨合口河弓洛南邊界交通要路清同治九年兩邑合力倡修工程為一邑諸橋冠涪陵舉人王應元記洛南接壤萬山錯連中資民老維婦女力能勝十勛以上者負載煤鐵灰炭礦油酒以謀活計而出於是者日以數百計山既險峻窮瘁異常道途幸荒弗治橋樑尤崩圯欹窄不可以渡每山水驟發瞬息高尋丈兩岸復無市肆可駐是以故行人之趨渡而厄於此者歲以千計橋之下巨石疊疊撐拒河心怒水礙之流澱澀若鬪需霖半里陡落深潭濁浪掀翻旋天轉地瀾者至此萬無生理矣同治庚午兩邑好善之士夏鍾山前清附貢生錢光斗王廣田陳承恩等合謀倡募建橋於此於是蜀之東黔之西楚之南北托鉢幾遍越至壬申二月插借費已一萬八千緡入募資一萬三千緡諸倡者樂錢五千緡願諸人俱非素封或罄竭資財或典賣田產橋工未竣接濟已窮諸君之力亦幾竭矣七月既望余聞之親身勸估約得數千緡可以集事倘失機不治春雪消融水漲時至衝齧傾塌梗塞河流恐害更不可勝言者爰集原議諸君四出買勇再勵勸募檄諭余亦矢助臂力以是冬併工營治仍董率前首等終始其事凡七歷寒暑乃畢工橋身高八丈長四十一丈六尺寬二丈四尺中洞空八丈八尺左右兩洞七丈四尺夾橋石欄高三尺六寸起工同治庚午歲八月通行人於癸酉三月踏橋驗工與諸首士慶落成者知南川縣事黃公鶴樵也光緒二年丙子蘇石紀工詞諸名氏總計經費三萬餘緡人以德計嗚呼攬山驅石梯雲駕壘人之精誠詢無所不至哉從此利濟卜卜百年而倡議諸君之澤與山並石矣肇始月有神降其地諸君以名請題曰正陽序值二分旭光初出正照橋身穹谷中乃有此奇境耶開關以來創有此舉神之陰相理或然矣元因首事之請故不辭而為之記

中資民老維婦女力能勝十勛以上者負載煤鐵灰炭礦油酒以謀活計而出於是者日以數百計山既險峻窮瘁異常道途幸荒弗治橋樑尤崩圯欹窄不可以渡每山水驟發瞬息高尋丈兩岸復無市肆可駐是以故行人之趨渡而厄於此者歲以千計橋之下巨石疊疊撐拒河心怒水礙之流澱澀若鬪需霖半里陡落深潭濁浪掀翻旋天轉地瀾者至此萬無生理矣同治庚午兩邑好善之士夏鍾山前清附貢生錢光斗王廣田陳承恩等合謀倡募建橋於此於是蜀之東黔之西楚之南北托鉢幾遍越至壬申二月插借費已一萬八千緡入募資一萬三千緡諸倡者樂錢五千緡願諸人俱非素封或罄竭資財或典賣田產橋工未竣接濟已窮諸君之力亦幾竭矣七月既望余聞之親身勸估約得數千緡可以集事倘失機不治春雪消融水漲時至衝齧傾塌梗塞河流恐害更不可勝言者爰集原議諸君四出買勇再勵勸募檄諭余亦矢助臂力以是冬併工營治仍董率前首等終始其事凡七歷寒暑乃畢工橋身高八丈長四十一丈六尺寬二丈四尺中洞空八丈八尺左右兩洞七丈四尺夾橋石欄高三尺六寸起工同治庚午歲八月通行人於癸酉三月踏橋驗工與諸首士慶落成者知南川縣事黃公鶴樵也光緒二年丙子蘇石紀工詞諸名氏總計經費三萬餘緡人以德計嗚呼攬山驅石梯雲駕壘人之精誠詢無所不至哉從此利濟卜卜百年而倡議諸君之澤與山並石矣肇始月有神降其地諸君以名請題曰正陽序值二分旭光初出正照橋身穹谷中乃有此奇境耶開關以來創有此舉神之陰相理或然矣元因首事之請故不辭而為之記

龍川流域

萬福橋

形弓

四節橋

以上與陸場境

左家廬

橋平

張鐵橋

自縣城通觀音橋弓

馬家橋

觀音橋中央全橋支流來匯之處

倒石橋 以上觀音橋

河圍壩橋 石牛溪中央龍川中流石平

三元橋 形

二郎橋 石牛溪通羅洞坪亭

八仙橋 鳴玉場上石牛溪亭

狀元橋 龍川下流石平上石牛溪增民國十五年被水毀

靖安橋 鳴玉場中弓原名遂濟在下場北半里許以水敗移以上鳴玉場增

黑溪河流域

廣濟橋 鐵村壩中央弓

龍家橋

大橋 石橋鳴玉兩場中道亭近被火毀現募資重修

火燒橋

魚泉河流域

魚泉河橋 壩

三岔河 由魚泉河下水江石

龍見橋 一名大橋水江石壩西二里弓魚泉河與鰲蟹塘二水合流處邑合蓋奇文記去縣七十里地名水江石東界一

百鎮也近接涪陵遠通黔省旁午於道者幾肩相摩焉距鎮里許溪水匯流併設板橋以濟行路歷年既久漸就傾圮聞有金氏百歲老人名廷華者嘗欲獨建石橋未獲償志以沒其事於乙卯秋... 邑人續請予謂除道成梁守土者之事也更捐廉為之倡而邑人期於速成豈不樂輸用是許之呼聲聞數里凡九歲月而歲事東岸階三十餘級兩岸階二十六級闊計二丈四尺長三倍之其高出水面約四丈有奇如虹之垂如弓之曲至是昔之木橋今果變為石橋矣役既竣邑紳復請為之記余嘗謂蜀之橋甲於天下萬里之行武侯送費律之所經也題名橋柱司馬相如遊長安發軔之處也迄今讀一統志與華陽國志猶想當年遺跡焉今以金氏老人所有志未逮者其子與孫同衆人則樂爾繼成之此其勇於為善之念不俱深可嘉勉今而後在滋驟發大雨時行當不致臨流而歌無渡矣抑余用是有身焉天下事無難易為之則易合衆人以為之則更易以一橋之費不下數千餘緡而衆擊易舉一旦告成則用獨不如用衆可知矣余尤願居斯地者隣里和諧相親相睦一有羨舉此倡彼應用以厚人心美風俗此守土者所除望於斯民也

詎一橋也。戰事役也。督工之熱。金生為式。梁牛同升。金生建水與梅大琦張鐘鳴。金人信金玉鳴鄭興厚等諸人之方。為倍多云。此更難能而可貴者也。因書以誌勸。
咸豐七年丁巳歲孟夏月望一日

積善橋

水江石塲外北上九
黎坎俗名團扇橋

樂善橋

橋塘塲外南
通石牆塲弓

虹飛橋

魚泉河下流一
里即合口河弓

柏枝溪流域

趙黃橋

頭渡橋

頭渡橋塲外清乾隆時建同治初年水圯重修於民國十五年夏大水復圯。生唐銳記去縣治之南百六十里地名頭渡橋亦邑之一小市鎮也。其地兩山夾峙中通一溪來往行人每為溪水所隔。舊有木橋以代一葦之杭。咸稱便焉。第歷年既久漸就弟敗。

前歲溪水汎漲兩山之水溪不能容復大雨不止其水家高溢兩岸橋因毀折由是出其途者幾欲渡無由矣。雖小支木杓而厥材匪良難冀久遠。茲節兵燹年息之後得方中善士如張君海峯劉君蘭軒胡君芸田以暨同里之樂為善者僉議重修各捐錢百餘千以為之倡。前予主其家海峯囑為碑記予不敢以不文辭竊思蜀之橋如成都之萬里驢馬名人題詠至今流為美談。南邑雖小而此橋寔為通衢。况兩山遠近居民從此到市以便交易者尤肩摩足踵焉。其關係更為重也。諸君子鳩工庀材復作慈航之渡創始於庚午年前十月落成於辛未春二月。此人所共頌而亦遠行諸人所依賴者。子竊因之有說矣。凡事之有待於為者賴人以倡為之則更易又得人人以助為之則尤易。是役也為費不貲其功倍於萬非諸君子衆議僉同其尚能免於徒涉耶。由此而推之凡義舉之有益於一鄉一里者諸君子協力同心先為倡率鄰里息詞訟正人紀厚風俗皆分內事也。十君子得志則行善於國不得志則行善於鄉。修橋之舉其一端也。諸君勉乎哉。樂捐姓氏錄列於后以為行善者勸。

孝子河流域

復興橋

神童塲
塲口弓

石板橋

二郎橋境石
平上方斗山

新橋

石板橋下流
通蓮花石塲

二郎橋

亦通蓮
花石弓

三合橋

通石
蓮塲

小河壩塲大小橋

大橋跨柏枝溪
小橋跨三岔溝

玉成橋

陳家塢橋山弓本名徒溪橋鄉紳王體仁夫婦獨修陳家塢文生章雲記 積累以殖業者恆開積累以船橋者罕見船方半而欲捷其貨竭力戰之造未成不脛其年其後人復力體先志而踵成之橋之造其中阻撓牽引自民國四年經始迄七年而後...

三元橋

並修其外...

石梁河流域

石梁橋

大有塢北上馬嘴弓磨橋名如虹清末水毀鄉人重修...

警政香院作由山中十都生云遙執置乘輿於泊上能而渡津涉湖浩濶可觀樑說亦怪越是以先王下令成梁與除道有期...

博 嘴

...

銅漕溪流域

二龍橋

溪之上流大有鄉盧家營地

兩河口 大有鄉西北馬家溝入銅漕溪處

銅漕溪 大有場通圓村壩清咸豐時鄉人章才瀛兩次獨修

清溪河流域

歲茂橋 舊刀子口場外通萬盛場路

遇仙橋 清溪河下流

黎鄉溪流域

水洞橋 觀音橋土溪場交界

太平橋 太平場內

培濟橋 太平場外

茨竹溪流域

明新橋 土溪場石牛溪過太平場

彩虹橋 太平場外

諸小水

叢香橋 叢林溝中央

觀音橋 中場

太極橋 二橋俱在觀音橋場

兩涪南橋 一在石牛溪北一在冷水關東俱為南川涪陵交界之地

喜成橋 石牛溪東南小觀音橋水所經清乾隆中知縣寬宣明題額

卓家橋 鴨玉場上冷水關路

拖仙橋 東路樂村邊境大洞河中流

義渡

石灰崖 觀音崖 葫蘆塘 城北三十里石灰崖趙家嘴間大溪河岸三渡相距十里東過

蔡家壩黃淪溝等地附近殷實之戶秋成捐穀給船戶惟出穀之戶及貧人不取資

朱婆渡 鳴玉場東十五里大溪河流兩崖往來要津清乾隆二十六年鄉人陳佩章等捐資買業一股年收租穀五大石供船戶工食及慶祝水神底金立石刊名生員卓瑤爲序近因匪多停渡款項保存

清溪河王氏義渡 渡爲自萬盛場負鹽入黔之路舊係徒涉清光緒二十一年鄉人王培之年捐穀六大石供造船招工經費後以昏夜販夫強迫放舟致覆更定開船規約如下 (甲) 洪水漲至石梯四級不許開舟 (乙) 夜至三更後不許開舟 (丙) 往來人等不許篙工私取分文 (丁) 求渡者不遵議定章程倘有變故不與施主相涉 (戊) 不待篙工私行放船者憑衆議罰

小河壩義渡場外 西南過柏枝溪往桐梓獅溪口之路清光緒十五年本境謝氏及桐邑婁梁戴諸家募款設常年經費於桐境地名界牌所買公業內撥租穀六小石給舟人不足本場臨時補助

--	--	--	--	--	--	--	--	--	--	--	--	--	--	--	--	--	--	--	--	--

重修南川縣志卷一之二

方域

名勝

附見他類者不重載

尹子祠 清光緒五年邑令黃際飛舉人徐大昌創建地在城西五里龍濟橋東鳳嘴江自南來至此曲流成環抱其三面沿岸高下青楓翠柏參差森蔚上有石欄種竹夾道臨江一亭俯映波心顏曰活潑潑地遙望來遊關左右諸峯煙雲變化饒有山光照檻水繞廊之致晚送夕陽迎素月尤多清興階下梧桂兩行無雜樹虛堂無障隔溪行人如接几席廉幌但可望而不可卽耳白堂北左右角門出堂後北上土山密竹深樹中峻閣孤聳帶露迷煙鳥羽撲撲柯葉間宛如山林景象逾山梯而下建一草亭臨厓浹宜獨坐觀瀾垂釣看書下多盤石宜倨坐濯足左構橫樓三間迴檻四面樓之後檻外爲溝溝外石筍排疊成峯兩支交錯牆東北隅掘池積水引流自交錯處入繞樓左角伏流藤稍竹葉間注於樓前曲沼沼中爲舫齋長五丈窗牖四闢可望江流左岸綠楊紅杏人家及渡口一帶水鳥之飛鳴而上下也沼外仍蔽以竹與入門大道相隔其布置之妙一在前後易向以面爲背彎環折轉曲徑通幽入門所見躡足乃在

最後一在亭臺結構錯落卑俯面面軒豁玲瓏不使掩蔽花木不多聊以補闕所謂虛者實之實者虛之也今改爲學堂以適於校用不無變易增損矣祠出孝廉心構不關匠石孝廉詩文雄俊冠羣聯語尤見才氣其代人撰祠聯一短一長俱有風韻代邑令黃鶴樵云人來南域方知學客去西湖付與誰代刑幕徐星渠云公學樹巴國先聲笑茂陵封禪天祿美新楊馬亦文章一代六經誰羽翼我家在吳山橫處看螺障高撐龍祠對峙雪鴻徵想像大江兩點着金焦

涪陵賀子欽遊尹子祠書懷

五律十二首并序

十三年冬季弟濟芳奉黔軍師長彭公委權稅南邑聞將之黔因至南晤別欲尼其行偶偕同人遊祠有作

載訪南平勝城西別一天虹橋飛綠野螺髻點蒼煙田水車翻運江流郭護纏山花不媚客時有鳥聲喧 結伴渾忘倦行瞻尹子祠地爲隋廢縣人是漢經師俎豆儒林奉詩書教澤

遺文翁開化後繼起在西陲

流品高東漢祠堂媿宋賢

涪陵有宋和靖尹子祠

南涪輝井里汝洛別淵

源

漢尹子汝南許慎弟子宋尹子洛陽程頤弟子

代遠碑全蝕人亡跡未湮華陽遺志在望古意愴然

西蜀開疆後南夷

嚮學初荒陬尊秦斗故星禁樵蘇風雨名山席星霜有道廬菊花堪潔薦稽首拜通儒 南

中此冠冕人擬鄭公鄉開化羣斯進流芬久益芳地靈鍾井絡世變感滄桑願近先生宅常
持一瓣香 儒術迂疎誦如公炳汗青荊州嘗著績汝水早傳經圖緯深通奧粉榆舊有型
過閭人起敬不數子雲亭 六經拾煨燼明習漢儒功薪傳開鹿洞草昧啓蠶叢郭襄墳廬

近宋史龔南川人
傳易學於誰定

希夔矩矱同

明簡希夔以經教授鄉里從遊者衆因名簡市地與南川接壤

庭空音響寂日色冷青松

海內方憂亂郊

原壁壘多弭兵空有策愛國奈無柯壤僻紛紜誦民貧苦稅科斯人如可作禮讓化干戈

國勢奕棋似頻年未解兵將多唐鎮帥士少魯諸生祠宇興鄉校道南學
校在內巖疆埒武城鶡音懷

泮集自治盼羣英 遺俗斯鄉厚瘡痍劇可哀沙蟲談浩劫風鶴飽兵災香火千年在雲山

四面開漁樵營事業何必浪登臺 國粹由來重文明競美歐潮流傾世界風雨黯神州道

範羹牆近高齋竹木幽羣言終聖正斯道晦何憂 曠代心相感園亭靜不囂黃殘秋菊老

紅碎晚楓凋聖水源流遠佛山景仰高重來期後約留戀緩征輶

浴鳧池 城內后圃之北五畝圓陂滿種紅蓮波心砌一石臺上建小亭架石橋通來往一面

倚城垣餘三面築牆護之修竹垂楊翻風舞浪惟東西岸構屋數間遠不相屬東名半畝堂丸

石嵌地藤蘿遮簷著墨不多乃饒雅致亦徐公作也民國後或榜爲公園卒歸頽廢

奎星閣 東南城垣上清咸豐八年邑令黃際飛改建有記地高陵城可憑眺東面諸山記

余同治八年春仲令南川恭謁聖廟見宮門外奎樓地窪而穢非惟不足以昭嚴肅壯觀瞻而閱歲既深駸駸乎有棟撓懼爰改卜於城東南隅得良材數十章於明月寺以屬學博劉君錫堂職員李君吉六經營之自己巳冬迄庚午夏八閱月而落成計費緡千四百有奇悉都人士之樂輸也間嘗與都人士登樓而望金佛九遞香爐水井諸山蜿蜒百餘里外畢會斯樓以朝於大成殿若方伯連帥率大小諸侯入覲天子回顧西北翠嶺環列則又若屏若障若城垣藩蔽聖廟真所謂夫子之牆萬仞不得門不見宗廟之美百官之富者而皆於斯樓遇之洵帝之所會昌神之所建福也邑之人文其蔚然起歟其未有艾歟因記其事並記余不厚望焉

塔坡 城北十里迴瀾橋西岸小山上浮圖七級清光緒十七年邑令張濤建山溪幽靜登高

者趨焉

塔坡南二里有聚雲塔五里有凌雲塔塔坡南二里有聚雲塔三十里有交峯塔均久圯

興文亭 明太祖留心風俗教化洪武初敕天下邑里建申明亭旌善亭月朔里老召集鄉人

講明倫紀條約凡有善惡令一人書之以示勸懲戶婚田土鬪毆里老於此判決不由里老而赴縣衙爲越訴至宣德時已多廢池清代令地方文武各官于朔望詣城隍廟講聖諭十六條

久之亦無實行者舊志城內申明亭在武廟壩外已久徹餘惟裏隱壩場有其基址陳家場則亭猶在而棟宇朽敗民國八年張茂春等就地重修更名興文爲南平鎮議事及往來賓客遊燕之所茂春自作序記

序 鎮西南隅舊有亭曰申明構木爲六角式高二丈又八尺狀古樸不甚雕斲雖略具丹堊未嘗飾以金碧創始年月既不可考歷時既久風雨霜露之侵蝕無人整理修葺竟坍塌迄今三十餘年矣記兒時曾遊其下見夫荒涼頽廢之象雖黍離麥秀無以加亭上置魁星像一大抵爲修學求達者所頂祀聞嘗謂古之任官治事首重賢才其秩序由學堂遞升詳見禮記王制漢初重選舉亦兼明經射策自唐宋迄元明改爲科目爲帖括士之逐逐進取者至形諸夢寐相傳榜發當中則朱衣先點其額是斯亭之所以尊斯神者大異夫古人立學之意矣夫學也者明道也次則達德成材又次則致用非以爲待賈而沽之具也待且不必况出於求求已非道况傲福乞靈於鬼神而諂之然即使博學鴻文筆大如椽顧於立德立功一無成就則神必不佑人亦必不貴噫爲此者之計亦左矣抑予觀天下名都勝地非獨其山水清淑超曠爲可樂也必也藉亭臺樓館池沼之屬以點綴形狀風景然後能耐久

思以雅夫觀如嘉定之子雲亭姑蘇之西子亭西湖之湖心亭皆是人之臨其地者或覽山川幽趣樂風日情懷述古賢才之豐功偉烈胸懷惆悵發爲詩歌文章形諸丹青用垂百千萬世使激清揚濁其感發興起之功有爲保傅藥石所不能逮則亭之跡雖顯而取義深矣吾鎮東南方面相距不二三里兩峯對峙儼如屋之牆垣蓋天然之屏障矣惟西南一帶周圍二三十里間無峻峯峭壁聳人視聽遙望平原小坡若隱若現若起若伏又有翠林碧澗人家茅籬犬牙交錯其間假摩詰而繪此抑輞川之流亞擬欲因舊址改建一亭於上謀之邦人士僉曰可並冀速觀厥成爲述其梗概如左記 作序後之六閱月亭竟告厥成功張穀更爲之記曰是役也因舊地址建爲三重高樓環以甃柱十有二夾輔之直聳檐際柱內構成回廊周行無阻下闢正室一間鎮人事無大小皆可會議其中諸待解決亭西南隅開戶旋折而登木梯數十級通倚欄杆斜上至一層樓與正室之構造相似惟四壁多開窗櫺嵌以玻璃玲瓏透則視內外如一色二層樓式亦如之再上則爲絕頂置銅鐘一具使司事掌之時至鳴以警衆亭之旁有木棚所以禦鋒鏑者經此而右闕堂一所蔽以短垣中間穿鑿魚池所餘隙地擬悉栽種花木作公暇憩息之地此亭之大較也昔張季鷹有言曰人生

適志耳須富貴何時東坡羨陽羨山水之佳欲修亭以玩之如是則古今人性情欲咎樂安
豫不甚相遠也他如想孺子之爲人則有聘君亭景淵明之遺風則有仿陶亭其志趣又加
人一等然則斯亭之名以興文者抑又何說或言夏商尙質天下久治文敝於周末七雄之
世老莊荀墨孫吳尉繚儀秦韓申之屬各以學術爭鳴聳動人民惑亂時主及至漢室伏高
馬鄭出而傳經翹望大道甚於雲霓然其敝也各尊師說黨同伐異紛紜聚訟烈於水火魏
晉六朝隋唐一變爲詩賦詞章名雖曰文去道實遠迨有宋周程張朱之學出始知儒家真
象重實際不尙虛文吾儕之所謂興文者意在斯乎元明迄今斯文一脈又幾同燭火矣夫
文者道也六神之行世日月之中天也若雕蟲小技則壯夫不爲卽考訂師承之輩亦不免
附會膠柱景山東望雲霧漫天不禁愀然及之降至今日學風由西東漸學者謂國有舊粹
不足與爭存斯世似也亟改科目爲學校近又有十有餘年矣成效所在茫如捕風惟日趨於
輕佻浮動遺骨髓襲皮毛爲有識者所深憂其尤狂妄叫囂者則并欲將仁義道德根本剷
除以便縱恣不亦駭人聽聞乎合守舊趨新之失而裁之以求協乎中外古今之達德達道
斯文之責雖偏隅下士何敢不勉此命名之微旨也若夫春秋佳日花月清陰與鎮之縉紳

先生結朋呼侶左提榼右把盞登臨以賞夫田野桑麻談山林溪谷之美則其辭甚繁茲不
贅謹記

名吾亭 縣署後土阜上清乾隆二十三年知縣應士龍建道光乙未觀成重加補葺開拓置
怪石爲假山種竹繞之竹外立石筍三玲瓏峭厲又鑿池引流種花政餘奉母閒玩其中石筍
年長寸許若植物然因改名爲孝筍亭

應士龍名吾亭五言一首

此亭無可名僉曰名吾亭喜雨渾成夢醉翁終未醒千山對我碧兩眼爲誰青一視同今昔
浮雲薄暮停

城郭八景 舊魏黃兩志所載八景各爲圖說一在城內七在城外教諭張謹度舉人康作霖
袁藹如俱有題詠一曰金佛晚霞二曰白霧晴嵐三曰合溪夜月四曰孝婦湧泉五曰古渡流
金六曰聖水三潮已散見本篇山水井泉內茲不復述七曰石池臥象城內興隆街後傍城隅
舊陳氏園內陳爲清同光間黔省武員同教中人倚爲邑城內門署曰將軍第池畔巨石橫臥如象八曰徧佛晨鐘北門外數百步普澤
寺古名徧佛寺地勢高於全城疎遠清寥每半夜後曉鐘一鳴其聲悠揚遠聞人從睡夢初覺

百感未交心如淨水明月毫無渣滓朱子所謂平旦清明杜詩所謂欲覺聞晨鐘令人發深省也惟前三後一可稱風景餘四者一泉一石或虛或實祇算古跡歌詠流傳附載於後

邑教諭張謹度題 確是天台路龍標炫赤城愚公多恣肆移取到南平金佛晚霞 旭日上晴

峯嵐光吞白霧巖巖鎮八荒斬絕去來路白霧晴嵐 溪合月亦合月圓溪不圓千潭印明月明

月在青天合溪夜月 匹障猶全孝臨流淚涕漣泉聲時濺濺如誦蓼莪篇孝婦湧泉 至寶不埋光

精華浮點點無人古渡頭何日披沙揀古渡流金 時聞聖水奇執素尋雙鯉潮急不西流深心

落江水聖水三湖 清池藏石象巨齒護蒼苔得為焚身戒千秋不起來石池臥象 大叩驚天地荒

隅負此聲黃梁初醒後星斗落山城偏佛晨鐘

邑舉人康作霖題 形勝無可名嵯峨巖雲際年年秋風來日日多佳氣誰把牟尼珠最高

峯頭寄放出大光明霞色滿天地金佛晚霞 兩山不肯明晴山不肯暗陰陽變態中面目分濃

淡何如日當空煙霧彌霄漢窈窕復冥冥天風吹不斷白霧晴嵐 雙溪匯成渠一色淨如洗好風

吹月來影落碧潭裏皎皎白玉盤呈出明珠子是色亦是空法法浪不起合溪夜月 采蘋南澗

濱清流何瀾瀾孝婦留遺跡宛在水中止此泉長不涸斯人終未死飲水尚思源定有聞風

起孝婦湧泉 我聞獨孤園黃金佈滿地茫茫野水濱瑩先騰寶氣九紫間十赤一望渺無際試

問喚渡人可有披沙意古渡流金 汨汨其來時奔流勢奮迅曾得聖之清澄澈開寶鏡源頭何

處尋人疑海門近日日看潮生天地存大信聖水三潮 曲池傍城隈盈盈水一汴黑石大於牛

龐然具形體幾時渡河來長臥碧瑩裏安得黃初平叱之隨羊起石池臥象 登高發長嘯谷響

衆山應誰敲上方鐘歷歷生遠聽嚴城夜向晨芸芸且氣靜幾人醉夢中湛然見本性偏佛晨鐘

邑舉人袁藹如題 晚鐘敲罷老僧閒萬丈明霞縹緲間欲見金身親說法匆匆又被白雲

關金佛晚霞 遠山蒼翠據高城曉日瞳瞳霧氣生擬躡芒鞋登絕頂白雲堆裏看新晴白霧晴風

兩水交流幾許深金波蕩漾夜沈沈嫦娥應解分身法寶鏡雙懸照水心合溪印月 一片精誠

感百靈泉聲千載漱芳馨題詩當作閨箴讀說與人間婦女聽孝婦湧泉 寶氣分明一水隈貧

人渡此笑顏開我今久已床頭盡底事不流點滴來古渡流金 潮生潮落幾時閒一線分來在

此間何必錢塘江上去朝朝三度看銀山聖水三潮 一鼻彎環臥小池蓮臺說法爾應知如何

今日惟酣睡頑性由來竟不移石池石象 不必談元說苦空不須棒喝醒愚蒙喚回多少繁華夢

都在僧樓一撞鐘偏佛晨鐘

河圖八景 河圖形狀已見志水其地青邱環拱鏡水中流兩岸平夷原隰綺錯風景自佳鄉中尤多學行純篤之士龍川中流石橋西畔舊有河圖廟即涂家廟建自明代廟前古柏五株今存其四各大數圍殆千年以上物鄉人於廟外臨江建樓就柏作柱穿檐而出翠影陰森春秋佳日文人遊集披風觀瀾洵可樂也顧前輩好異因自右來之石乾溪水彎環偶似河圖遂直用圖書解說又取河干泉石動植物配爲八景採入重慶府志老儒唐啓蔚先生世居其地心頗閒逸略通術數作記一篇七律八首錄后

記 嘗思河以通乾出天苞洛以流坤吐地符圖與書一而二二而一者也古者庖犧氏之王天下也龍馬負圖而八卦始畫厥後不聞再見惟我邑距城八十里舊名河圖壩其地兩川交流酷肖太極雖非龍馬背負而其委宛蚰蜒之玄屈曲較諸通乾而出天苞流坤而吐地符者豈多讓哉蔚家世於明末拓居圖之下流至道光末年復置業上流竊思地靈則人傑人顯則地傳其人之不傑豈因地之不靈乎其地之不傳豈因人之未顯乎而不然也人之不傑地不任咎地之不傳人難諉責獨不見石韞玉而山輝水懷珠而川媚乎而顧謂河圖勝景以弗靈而見誣終於不傳乎噫同一河圖也古之河圖得其人而八卦成今之河圖

失其人而八景晦何今之河圖之不幸不若古河圖之幸哉八景維何圖之下有龜有魚即一六共宗也圖之上有寺有巖即二七同道也左有柏有水即三八為朋也右有石有山即四九為友也有此八景而先天之河圖乃見欲闡河圖而後天之八景宜明八景之與河圖相為表裏亦猶八卦之與河圖迭用剛柔也是不可以不記

古柏參天

龍川上流平橋左岸河圖寺前古柏五株某年大風拔一存四或豐年間寺樓將樹包入齋內直幹參天不誠武侯祠前

蟠根錯節傲江頭上出重霄十二樓老鶴眠酣驚月漏長蛇戲處足風流

有巨蛇繞繞於樹巖

周行示我

天無色野客談心夏亦秋有子丸丸皆佛性一回仰望一清謳

神水延年

關左大河（即龍州幹流）于有水可療疾延年同治年間尤著靈異遠近來汲者日數百人

橋井泉香事固奇河圖有水竟如斯爻占九五符中正世界三千化險熾短命都增仁者壽

沈疴反勝古名醫餘波所及原深遠轉恨不能治我癡

山纏象鼻

圖右一山似象鼻纏水土人呼為象鼻灣

一山突兀一山低彎復彎兮壓小溪半缺半圓天上月全吞全吐雨前霓環中屈曲封蛛網

絃外透迤視馬蹄每值波濤新漲後輕浮水面快攀躋

寺鳴晚鐘

河上流有潤壁寺
傍五鐘聲徹上下

梵宇撞鐘上下通遙知實大乃聲洪昇平雅奏乾坤定盛世元音氣象融月夜霜前驚鶴夢

山鳴谷應發人聾客來江上幾忘返萬古經綸具此中

石撐五介

圖右山巖巨石橫臥有五爪插入狀中
指長尺餘餘亦七八寸人呼五爪石

此石橫眠不計年披沙手段直攻堅高人舉動情何勁巨擘分明跡宛然刻入深深頑盡化
摸稜得得孔皆穿神乎技矣標奇異一旦品題萬古傳

魚戲三元

圖下流迴龍寺前深潭有巨魚數十
年一出從者千百戲至三元橋下

波臣爲伍石爲鄰數十年前一洗塵變化有時雲雨會深藏不露性天真鱗周六六應忘世
徑逼三三肯避人况復長川成樂國漁郎孰敢問迷津

蛇蟠巖畔

圖之上有石巖現紋如蟠蛇狀經風
霜歷歲月不晦土人呼爲老蛇巖

峭壁巉巖勢若撐霞光倒射十分明奇奇怪龍蛇狀色色形形蝮虺生際雨蜿蜒山石動
迎風活潑馬牛驚人遠視參疑信待我終宵暗點睛

龜踞江心

河圖下江心有巨石如靈龜狀水
落三四尺文折九五無異洛書

天生神物水中藏我願出頭據石梁千古常靈參造化九江獨孕洩文章泥沙淨盡山河鎮
日月交輝草木光太極憑君增羽翼邨前邨後兆禎祥

仁壽閣 石牛溪場西三里山上鄉中李王梁三姓共建地勢高峻四面石牆闢三門閣居中
高三重可瞰金佛奉文昌倉頡像下環以屋係三姓老人修真延齡之所兼以避亂清光緒三
十二年鄉紳唐文樟等稟辦高小學堂築室益增閱備

觀音閣 城北十五里羅秀壩東面龍崖江右岸峭壁臨江竹樹參差緣隈被嶺鄉人就巖半
建閣磬磴緣壁螺旋而上憑欄俯視雲影天光隨波上下覺有澹蕩夷猶心曠神怡之概

小金佛山 西路興隆場西六里本名金合山在白雲山後山形峻秀松林夾路青葱茂密民
國初鄉人建觀音廟玉皇樓於山巔可以周覽高原四圍形勢稱爲小金佛

小桃源 南路三匯場後數里白石鐘溪天生橋入山盡水窮更得村落僻靜不聞外事與陶
記中甚似惟彼由洞中此路出洞上小異耳陳氏世代居之讀書安貧有隱士風今茂才質斌
工詩文自爲記云 昔人以淵明桃花源記與詩爲寓言余初謂天地之大何所不有淵明非
漫無所據而憑空結撰者繼而思之大地固有空處日月從何照臨余性喜探奇嘗遊古佛

海孔金鵝諸洞類皆黑暗不見天日非燭不足以盡興淵明之說所以始信之而繼復疑之矣戊午春余輔之茂才爲吾邑佐丞聞其爲湖南桃源縣人急往問之則曰無有是也秦漢之時斯地尙未入版圖避秦者移居於此與中國不通所以不知有漢與魏晉也余聞其言與淵明之說大相逕庭尙不若余所居之地與淵明所言者若合符節嗟夫余數十年舍世居之桃源而求遠處之桃源可謂昧之甚也南平西關外龍濟橋溪上流卽石鐘溪也沿溪透迤而上六十里至三匯場其間或闔或開異境重疊難以悉記又西上二三里兩山合抱溪從中出旁無餘路前行數十步地稍平坦四山壁立復前行半里至天生橋山水皆截然止昔日遊者至此輒返以爲行到水窮處疑卽石鐘溪之源而不知此如黃河之星宿海元時招討使以之爲河源者也溪闊數丈自山足洞中出乘小舟從洞入半明半暗兩旁奇形怪狀似虎豹欲攫人者水聲激激四面響應如山谷崩塌凡人至此莫不心駭目眩廢然思返洞高數丈上懸石鐘有泉自鐘內出清冷異常每當夏日捕魚者入其中喧嘩沸騰聲息則水止而不流石鐘鏗然如金石人去聲息則鐘聲息而水流如故矣洞中四面皆深潭中起一沙汀鐘內之水落於汀上故其聲砰訇澎湃鏗鏘驚人當人聲靜息陡然而下疑爲洞

之崩圯者是以人罕至焉復前行數十步髣髴若有光則已至上洞口矣蓋洞口有石山以塞其衝是以下洞稍明而上洞最暗從石山上邊出於是豁然開朗別有天地矣舍舟登岸前行里許則阡陌交通雞犬相聞誠如淵明所記者也此中人多以種竹爲業不知人間有富貴爭鬪事自民國以來盜賊滿天下白晝大都內且剽吏而奪之金民皆苦於奔避而此中未見一兵未見一匪淵明所記武陵之源在此而不在彼矣昔先君子自號桃源主人竊以爲讀淵明之記而慕之耳不能因先君子之號而細考其所居之地習焉不察可知先君子隨在皆有所得而俗人終身由之而不知其道者多矣或曰此地雖靈而人不傑是以軒車袞冕未嘗至焉溪淺無魚漁人安肯問津乎曰淵明明言郡守使人隨漁人往遂迷不復得路此中之人魚躍鳶飛自適其性冠蓋之客如有周彥倫其人者固當假山靈扁軸戶掩雲關拒之豈反瞻候其車塵僕僕爲之生色哉

高壁遠眺 高壁山冷水關南下數里山冢墳起如雕而中平四角各一小峯登峯縱觀東至涪邑鳳凰山西至福壽場梁子北至涪邑禹王山南至水江鄉之反壁崖縱橫百里明寨四十八歷歷可數尤遠則邑東南之金佛山綦江之劉羅坪遙立天表亦得瞻其儀表焉鄉人以其

山小而能及遠列爲八景之一民國三年匪據冷水關肆行殺掠劉興奎營長進攻先屯此山匪遂遁去

三元灘聲 邑北石牛溪境龍川河流之三元橋其下整石爲潭寬丈許離橋數百步長石橫截如一字中窪處坎高數尺爲橫塘水盈科而復溢出下灘高丈餘盛漲時洶湧澎湃勢甚迅激然二三里內不聞其聲也及天久不雨澄潭已涸涓流中出僅如匹練或久雨將晴則十餘里外高處村莊其聲乃悠揚紆徐朗朗徹耳夜靜尤悉而近處不聞如故人咸疑之探訪員李華麟曰是何足異由地上空氣層布時疏時密陰雨日空氣濃密聲浪爲所阻遏故不能傳遠晴愈久空氣愈疏可行無阻也忽疾忽徐若若斷續者空氣震盪有緩急也近處反不聞者聲浪隨空氣出山越谷止能及高遠也夜間倍悉者萬籟俱寂聽愈真也本境人多據以驗晴雨而不明其所以故辨之

瀑布晴虹 大有鄉北境金佛山二磴一帶徧山出水春夏之交朝日映之一水一虹綠石崖而成彩真奇觀也

花灘子 鳴玉場北朱叟渡下游五里水中石灘長約一里水闊灘平灘面天然刻畫如古田

開溝治之形水至分流溝中水色青綠石色黃白兩兩相間遙望頗眩人耳目如簪花之鋪於紙上焉

古蹟附見他類者不重載

隆化故城 元和志隆化縣本漢枳縣地隋廢枳縣地入巴縣唐貞觀十一年分巴縣置隆化縣以縣西永

隆山得名元統志至元十二年併入南川於此置理據此隆化雖併入南川而即以隆化治為

南川治是不過易其名而治仍舊也今之縣城仍在永隆山東是知自唐以來未嘗遷移也惟

今城築於明成化嘉靖以前雖名曰城或無墉堞或年久而圯為不可知耳二十二年當作

明代藩封 明制皇子封親王第二世嫡長子襲封餘子降封郡王以下遞降為輔國鎮國奉

國將軍都尉凡八等皆給以祿親王鎮要地開府置護衛兵郡王即以親王封內郡縣為封號

而不之國太祖洪武十二年封十一子椿為蜀王就藩成都憲宗成化時第五王友垓之庶子

申鋸封南川安靖王終身仍在成都

龍崖城磨崖記 凡二二字大一尺刻寶祐四年上有旨築南郡四城南平守史切舉奉柁令

城馬腦山四月丁卯而栽作代切音再左莊公廿九年水昏正而栽謂設牆板至六月戊寅而畢一字大四寸凡一百五十四字

文云 宋寶祐乙卯上有旨城南平越三年守臣淮東都梁茆世雄戍羅播城龍崖畢事奉柁命領郡寄始至韃已及境正月賊酋重兵攻城二月再寇斬虜使焚僞書諸將擊賊敗而退獻俘授馘功不一書先是城池草創浚之崇之遂爲南方第一屏障相臺以全城卻敵聞之公朝上恩疊頒宰揆樞宜鈞翰踵至咸謂興築以來所創見也共事者鈐路趙全茆士龍王用寇青常喜樊文貴郭德何展朱珍劉儲傑江司總管雷震鈐路張福孟世英章喜汪興汪世雄興國王富前太守李奕承郡丞石大異僚屬劉應炳張正珪張善祥姚鼎發張熙載程師望楊鈞勾印文已傳張惠何友賢唐化龍馮炎之趙孟優章翔鳳張起南侯應申王韓開慶改元七月既望拜手謹書

按兩記記築城之始前爲宋理宗寶祐四年丙辰後爲三年乙卯蓋乙卯奉旨丙辰興役也前記既云四月裁六月畢矣後記乃自乙卯計算越三年戊午始戍羅播城龍崖畢事督役者亦前史後茆景史築初次草創未經完備茆守更從而增修耶至築城所防何寇記中明言韃已及境韃卽韃韃南宋人呼蒙古之舊號也且其言曰斬虜使焚僞書有使有書必係元人恫喝招降舊傳但以爲防禦播州蠻苗疏矣考通鑑及元史此數年中乃世祖呼必賚

時爲皇帝
專志宗

遣大將兀良合台率兵由西藏進滅大理擊烏蠻白蠻南取交趾縱兵貴州廣西間將出長沙與呼必賚會師故其小枝侵略遂及我邑之邊耳又按南平軍治棄銅佛而就隆化卽在此役前十八九年其時邊圍孔棘必非無故內徙亦明矣

官地 邑東三十里半溪之右香爐峯東北山半名曰官地相傳爲舊縣治或疑爲土司治皆無的據惟其地頗多疑蹟山足溪邊石壁近水處舊刻有李光吉三字廿餘年前居人猶見之今爲沙壅其對岸流水崖楊氏宅畔鋤土曾得甕磔墨硯等器磔面亦有李光吉字按宋史渝州蠻傳治平中有熟夷李光吉梁秀據唐南平獠地作亂僞爲生獠行劫築城堡繕器甲邊民患之熙寧二年轉運使孫固遣兵馬使馮儀等圖之進兵復賓化砦爲隆化縣據此則光吉乃作亂之夷首官地城或卽其所築當其擅據自雄時假稱某某官號強士民從而呼之遂以其地爲官地未可知也不然何以處處題名耶但別無明證或係姓名偶同亦未可知姑識於此俟他日地中有無發見乃可定也

榮懿鎮 南川綦江桐梓三縣間唐時有榮懿扶歡二縣統以溱州而榮懿爲州治所乃貞觀十六年從萬壽

當時江津
分出之縣

人牟智才請開山洞蠻夷所置唐末五代復沒於夷宋神宗熙寧二年

賓化既復並建榮懿扶歡兩砦隸恭州今之重慶七年熊本用兵後開拓地五百里乃增置開邊安

穩通安歸正四砦漆川一堡並隸於南平軍王象之輿地紀勝高宗紹興七年移土門巡檢於

此兼理砦事宋時邊陲所屬要隘或偏僻難治之地有砦官掌招土軍習武備防盜賊後移巡檢於曲岩隘扶歡砦官亦移於歸正二處遂但

爲市集今按二縣開於唐初泯於宋末扶歡爲今綦屬扶歡壩惟榮懿所在遵義府綦江縣志

俱指爲青羊市亦僅據趙牟氏墓碑揣度言之而吾邑萬盛場外大石壩傅氏宅舊稱榮懿鎮

距青羊市僅四十里或卽當日縣治所在未可知也又場側最近地名猶有大堂壩壩有石梯石獅有南

門橋九龍橋舊名過橋里許有武廟有東嶽廟稍遠山嶺上有文廟廢址一切規模形跡俱鄉市所無

惜無碑碣遺文爲之確證云

播州界 南路萬盛場外孝子河右岸有碑刻播州界三字考明史萬曆二十七年播州宣慰

使楊應龍反以兵八萬犯綦江破之以綦之母渡三溪南川之東鄉壩立石爲播界號曰宣慰

官莊

古花廳 東路圓村場內相傳土司舊居石柱高丈餘大數圍上有字浸滅不可讀

懷清臺詳本書列女

省耕亭 在縣署西清嘉慶二十年知縣徐名緝建楹聯云 層巖雲釀千家雨 繞郭晴開

萬戶煙

賽樂園 通志在縣西郭宋太守封固以邊境清寧闢爲遊宴之地有綠漪及賞心風月二亭

按綦江志職官篇載固知南平軍在紹興前以邊境清寧於南平軍西營賽樂亭云云據此
紹興年當南宋初其時南平軍尙在銅佛壩邑地雖其所屬然相距二百餘里園安得在我
境舊時省縣各志綦南兩邑地理混淆總由不考南平軍之遷移以籠統致誤今姑仍舊載
而志疑焉

飛雲閣 通志在縣北普澤寺內宋建舊志南川縣普澤寺有飛雲萬卷衍慶凝香四樓今廢

李氏園 名勝志縣東李氏園側有秋泉宋李紹隆倅是縣居之今不可考

青藤坊 東門外韓氏園中大可合抱今廢

海棠園 西路十五里往興隆場所經海棠一株大可合抱垂陰一畝清嘉慶十一年知縣蔣

作梅建有亭榭久廢今樹亦被伐惟碑書海棠園三大字可識周伯寅題句錄三 黃鵠啣來

幾百秋而今老去更風流梅花清骨桃花面合讓癡仙一例收 逸韻偏宜野老家植根閒處

飽煙霞朱唇翠袖堆金屋都是人間頃刻花 名花自古如傾國絕少紅顏到白頭還仗主人
勤護惜莫教佳郡數昌州

三岔溝汎地 南路百二十里小河壩場後三岔溝爲由縣城通金佛山南面之老路舊設千
總駐防年代無考地基土租十餘石裁撤後城汎接收民國成立提歸團練局

五弟壩 舊志引輿地紀勝治西北五十里宋熙寧時創邑任氏兄弟五人自蜀中來相其地
可耕種同力墾鑿因家焉今南路陳家場東南地名木地壩疑卽五弟之訛但不在西北耳古
籍所載方向未必盡確也據此則吾邑雖建於唐貞觀後經荒廢至宋熙寧而收復再創益可

徵信

老壩場 吐文壩南三星橋下里許建場時約在明代數十年前鄉農砌河岸洶出古碑無人

辨識棄之後爲淤泥所掩

陳巴場 南路陳家場爲邑首埠據其地王氏族譜當明季場多陳巴二姓地名陳巴村場曰
陳巴場二姓各居其半清初巴姓苦丁糧太重一夜舉族逃去陳姓追之不及始改名陳家場
今場外尙有地名巴家冲可證

流金鄉 邑前代里甲區畫都無可考惟有一二偶見之鄉名北路鐵村壩石牛河河圖壩西

路太平場俱名流金鄉 河圖壩唐氏族譜稱其地在明時為流金鄉白玉里河渡壩 南路萬盛場名石鵝鄉又邑中韋氏其始祖諱大

郎者當宋末景定年間來邑以軍功封松國鄉侯食邑千戶則松國亦舊鄉之一也

野人房 土溪場境大堡附近相傳明末寇亂一女子幸免逃匿林中亂定後駱姓來居每家

人畫出耕耘即有人為整理器具怪而伺於屋側果有女子赤身來舍執之能食不能言時地

荒人少因留共居與為婚後名其地曰野人房

地界碑 西路一百二十里土溪場北境碑記坪有碑刻永鎮江山四字相傳為明萬歷年間

立鄉人呼地界碑

卓家橋碑 北路七十里卓家橋有明季碑二一鑄督撫軍門喬示下云凡一應經過使客中

小飯即係糜給不得再索折乾公差員役既有糜給口糧不許復勒隨馬飯食該驛官吏馬不

許應承違者一併拿究不貸萬歷三十七年四月二十八日一鑄知縣吳主簿呂典史倪登許

送迎交界

永定金甌碑 北路五十里福壽場外一里許田邊石上鑄永定金甌四字相傳為明時縣界

然不應如此之近

舊志誤作金甌永固

銅鼓塘崖石題辭 塘在北路羅秀壩龍崖江中流由塘東岸上五里鳳頂山半崖石有七絕一首字間晦缺錄其可識者云石產檜紋翠列屏吾鄉正得口文星後人勿謂他山石輕把鏡口口口行後題嘉靖十八年冬十二月口口標口口營鎮相隔四五尺又有嘉靖十六年八月等字又崖半路旁小水蕩相傳名和尚井驟雨不溢久旱不涸井旁斜石亦刊篆文六七久經風化字漫滅不可讀矣半山草坪爲龍安寺亦萬曆時建後改名白雲庵久廢

三賢墓

邑北六十里鳴玉場石龍廟側古墓一所三函

墓頗高大石工完整時似不甚早者

清嘉慶四川通志舊縣

志俱云墓額刻濂溪明道橫渠墓所八字而無伊川因疑爲伊川謫涪時所爲全出望文生意此次修志重往調查墓門所刻實周張二程四位神主故亦稱四賢墓與記載不符此刻雖係清嘉慶二年里人周萬鵬等修墓後題然年代在兩志之先不知兩志所記八字題額或別有傳聞根據在萬鵬等重修前耶抑未曾親往訪查泥三賢之名而臆說也至無論三賢四賢固明知出於附會以慕先儒之名姑從而崇重之然欲研究其附會之由亦終不可得廟下居人程姓最多最近自清初落籍據乾隆二十九年舉人李光鑽撰廟中文昌宮敍但稱有刻石云

明道伊川二夫子墓所本無濂溪橫渠

所指石刻係墓內之底山

諸程是否二夫子苗裔不可知或以同姓而

樂附先代之名人是爲近理及嘉慶三年墓中函門圯知縣盛麟路過命周萬鵬等封固因釀金就役者爲周張程三族之人欲附己姓以爲榮乃並刻四夫子名是三賢四賢乃萬鵬等以私意爲之附會至墓門不題曰某某之墓而曰神主或疑程氏之先有教學廟中私崇二夫子而設位後因變故不忍毀廢急而納之虛墓中雖屬臆度尙爲近理邑志既認爲古跡不得不載故確攷而詳辨之附錄李紱於後

李光瓚文昌碑敘 南平之北距五六十里許有廟號石龍山明水秀刻桷丹楹數十年於茲矣又有石刻云明道伊川二程夫子墓所夫二夫子之墓其是與否固未敢知而舊跡宛然當亦有說鄉耆之好古者曰此勝境也葺而補之地可以靈人可以傑于是增修文昌宮而裝帝君像於其上董事周君萬鵬等屬予作文以記之予非不揣荒唐班門弄斧也亦聊以壯諸君子珍重古蹟尊崇文教之雅意云爾

駱大將軍墓 邑西觀橋鄉場左碑鐫唐朝勅封鎮夷大將軍駱公世華之墓十五字舊志載之雜識中不知世華爲何時何地人今考遼勅義府志引宋史徽宗本紀及地理志大觀二年

涪州大駱解上下族駱世華文貴獻地東西四百五里南北三百五十一里以其地爲珍州樂源郡復立樂源縣爲州治隸夔州路按宋所置之珍州樂源縣爲今正安縣沿邊與南川涪陵兩縣連界世華爲其地夷族酋長以地內屬而得受大將軍封號其沒也或因擇吉地而稍稍遠葬則邑西之墓爲此人無疑矣但史屬宋而碑書唐究不符合又遵義志雜記類載遵義人駱玉圖自序其家譜云駱賓王之第三世孫長世華次世芳世榮世華於唐僖宗二年封珍州長官司從江浙義烏縣遷居之世榮世芳亦入蜀隆昌長壽玉圖遂謂宋史所載乃世華後裔史誤繫以祖名爲失考是說也適與邑之墓碑相印證而志則以唐末地無珍州

唐之珍州置於貞觀十年廢於元和

二年以其所領縣屬涪州官無長官司駁之信史而不信譜古跡之參差難考也如是

八角墳 舊傳邑北羅洞坪李氏婦無子生女八人夫歿八女誓不嫁紡織供母後歿環母墳各葬一角前人題句云 一坏黃土永相親盡是阿娘脚下人生女生男都有益千年芳草共長春

貓山古墓 邑北七十里石牆場外貓山有古墓規模宏敞土人於泥中得碑石上刻宋御史韓玖結之墓八字餘漫滅無考父老云墓凡九棺玖結兄弟九人瘞此又邑南吐文壩有羅尙

書墓碑載尙書諱立政配蔣氏誥命一品夫人等字亦未詳其何時人姑存以俟考舊志

萬人墳 在萬盛場凡二一場左半里爲清咸豐末髮匪之役鄉人遭戮二千餘人叢葬之所

一場後大園子爲明季搖黃賊被官兵兜勦後積屍之所地去畲人坑甚近或以爲同役也塲按

境附近地名有兩大園子此指韓姓側近者

曬骨石 邑北冷水關塲外二里青龍嘴一石高三丈縱橫二丈形方俗呼曬骨石相傳明李

獻賊屠境暴骨其上按明季邑遭獻搖黃二賊屠慘殺人無數雖無文字記載可考而地名多

留紀念如此石及大有鄉之畲人坑搖黃口三匯塲之紅河溝羅洞坪之古家洞洞在石潤溝古姓避亂洞中全家盡

死是也惟萬盛場後之畲人坑則相傳係官軍擊殺獻黨收其積屍築爲京觀云

石海螺 一在元合鄉迴龍塲石人山側晴天吹之則鳴聲如海螺一在觀橋鄉木涼傘流水

崖正當崖泉下瀉一竅中空迎流而復噴之散爲瀑布晴久水涸人試吹之聲聞數里一在石

溪鄉福壽塲境卽四奇石之一一在石牆塲韓家坡大興寺後石長五丈餘闊丈餘中空如杯

吹之則鳴聲甚宏大

四奇石 邑北五十里福壽塲境有四奇石(甲)蓮花石石上現蓮花數十朵遙望鮮明可愛

近却迷離(乙)龜石山形如龜上有白石方高丈餘遠觀如白龜起立頭足欲活近視石也

(丙)海螺石形如海螺有大小孔吹小孔大孔出聲鏘然(丁)古字石即刻永定金甌字者晴

則字反溼雨則字反乾亦異跡也本境人作詩四首以紀之 花花世界尙新奇頑石都將粉

黛施大塊文章生意滿看來眼底炫迷離蓮花石重巒聳出怯天低香草奇花野鳥啼獨立不移

標柱石步瀛書許作雲梯石龜石生成九曲氣相通盤屈非關羊角風長嘯一聲清籟發山鳴谷

應極玲瓏海螺石湯盤郜鼎不同科永定金甌字若何晴雨潤乾參造化崑留勝跡鎮山阿古字石

火燒牌坊 清代知縣魏崧湖南新化縣進士博學多通九流百家下至曲藝賤工雜技傳授

源流訣要靡不洞曉著有壹是紀始一書凡我國公私雅俗故事皆能考其原起以道光二十

四年蒞任咸豐四年去中有更調舊志載其政績有創設義卷增修邑乘發倉粟平糶諸事志未雜識類又載南

邑向無豺患道光甲辰某公宰南巨豺率眾豺千數結隊成羣入門闖路食人無敢禦者十年之久巨豺被獵者射殺衆豺亦斂所記然性

酷暴獎差縱盜邑人至今言魏任時不可送盜送則盜先歸而失主被釋而與紳士為仇任人訐告動輒掛案被拘加以笞杖非刑

卡祭至死謂其審案不及訟事文士則令誦某某書全部僧道醫卜及執技藝者則誥以所業稍不能對則咆哮震怒立予笞杖有道

諂附者為立德政坊於城西大道其去也係以事被控上司委員提問諸紳乘此報復崧在縣凌暴紳糧及

紳反抗上控紛糾之事甚多
今故老云亡俱不能確考矣

千餘人追送嘗辱燒其牌坊未燼往時尙有遺跡咸稱其地爲火燒牌坊

云今得觀音橋人章同字和齋紀事詩三首錄後 回祿無端午夜來十年政績付殘灰如何不

肥窮民淚洒向坊頭救火災 入城歡喜出城愁無復崔嵬道差留他日來遊關下過勸君直

走不回頭 萬民貧瘦一人肥試問賢侯是也非還有去思碑欲豎祇愁無計避炎威

溪上浮田 冷水關南小溪鄉人沿岸修水碓呼爲水碓河下游兩岸平展農人陳某有巧思

用石板掩蓋鋪肥壤於上而耕之歲收穀十四小石不知者自上遊觀之則疑水伏地中自下

則疑水自洞出事雖尋常足見良農力耕之能用奇也民國二年駐邑劉營長逐匪至此匪急

藏槍於內當時無知者後乃被人察覺報告悉數取之是此河又有一種利用矣

石壁魁字 鳴玉場西十三里龍川河左岸石礮上陡壁黑色魁字縱橫各長三尺餘點畫中

可容五六寸器物且距礮上四尺許非人身直立所能揮灑久晴雨則暗天氣驟轉復明下臨

深塘故老相傳昔塘中有馬搭體闊如毡毛蠶鮮紅常湧浪捲過岸行人而吸其血害等潮鱷

行旅斷絕忽有乞人夜宿礮中遙見者以其無知處險必葬惡物腹矣越日往探乞已杳壁上

遂有此字係以馱炭畫成自此搭患永絕事疑附會而跡頗奇

全縣地名

城區東灌壩 硫磺溪 花墳山 黃泥堡 龍塘壩南 金家灣 讓水壩 觀音寺 福南

橋 窯鑛廠西 龍井壩 吳家壩 乾溪漕 鏡子塘 石篆坎 黃沙坎 芋頭溝北 周佛

壩 較場壩 烏龜石 下新橋 白果壩 安平壩 趙家嘴 羅秀壩 飯巴山 黃淦

溝 賈岑溝 茶土坎

半河鄉北土橋 大鋪子 西陽關 四十八渡南順坎 石壩溝 泡木灣 觀音崖東帽

子山 蕭家溝 風吹嶺西龍骨溪 大河壩 官地 人樂壩 半溪溝

水江鄉西螃蟹塘 水溪 麥子壩 冬筍壩 楊柳壩 鳳頂山 雙河場 鍋廠溝北甘

家壩 九盤坎 倉頭壩 鐵村壩 寺坪 黑溪河 大樓壩 貓山 石牆場 何家村

施家溝 鹽井壩 長嶺岡 冉家壩南魚泉河 濫壩場 棕廟二壩 前後三元 秦

家灣 盧家壩 廣南 段家山 樂村 九里漕 青龍洞東郭家壩 田壩 紅荷嶺

車壩 大鋪子 鐵窩溪 樓房壩 鹿井溝 松子溪 柳家溝 官家溝 八角廟 大

河溝 燕門石

大有鄉北馬嘴 水源 小河場 蔡家山東杜家壩 龍尾城 玉皇觀 劉家溝南彭家

營 銅漕溪 龔家壩西盧家營 長嶺岡 唐家山 小塔山

元合鄉北迴龍場 梅花溪 謝家灣 祠堂壩東天池岡 木瓜台 風洞場 時家溝南

合溪場 廣福橋 草壩場 三界山西魚池灣 蕨漕灣 竹林灣 唐家壩 芳桂園

德隆鄉東李家坪 大佛寺 大指拇山 茅坡北馬胡林 天台寺 金佛山西秦村溝

紅廟 兩河口 橋溝南杉樹岡 皂泥埡 火伴台 柏枝山

小河鄉東車圓壩 胡家灣 頭渡橋 半溪北涼水溪 花英台 廣家壩 濫泥箐西箐

壩 土地關 香爐灣 三岔溝南柏枝山 四坪山 天池壩 人毛壩

南平鎮東五弟壩 蘿葡坎 裏隱壩 三匯場北新橋溝 鵝母崖溝 吐文壩 胖埡西

鮮家坪 沙窩 三百梯 三根樹南九洞橋 界牌 叢林溝 刀子口 三層坎 東鄉

壩 青山

觀橋鄉東北木涼傘區域 木涼傘 汪家廟 車駟溝 胡家山 彭家溝 范家壩東南

興隆場區域 水深壩 海棠園 九間房 獅子灣 徐家壩 青桐極 暮鶴關 車陽

溝	黃家溝	針鋪	石鼓溝	篆塘灣	<small>正南</small>	<small>神童壩</small>	區域	沙河壩	黃泥岡	大埡寺
花灘子	二郎橋	沿湖壩	將軍壩	葛麻坪	<small>中央</small>	<small>二郎橋</small>	觀音橋區域	張鐵橋	官	
溪	漢昌壩	觀天壩	觀音橋	羅家壩	石壩子	觀音碑	黃秧墳	福祿關	周家	
灣	三叉壩	大石壩	<small>正西</small>	白沙井區域	田家橋	分水嶺	杭家溝	白沙井	平里壩	
鯉魚塘	黎鄉溪									
石溪鄉	<small>正北</small>	石牛溪區域	河圖壩	老鶴窩	五里岡	鹽井溝	彭高山	高廟子	盧	
家坪	千坵田	何家山	龜城	<small>西北</small>	乾豐場區域	高洞子	大面坡	千佛團	侯家店	
<small>正西</small>	太平場區域	伍家溝	高水缺	馬家壩	龍鳳坎	長嶺岡	廂房溝	向家溝		
鍾家壩	霍家溝	隨水壩	<small>正南</small>	土溪漕區域	土溪漕	東山漕	漆樹坎	碑基坪	慈	
竹溪	<small>正東</small>	福壽場區域	石盤壩	篆頭坎	石鼓坎	福興寺	鑼洞坪	馬鬃嶺	芹菜	
溝	樓子埡	楊家橋	羅巴塞							
鳴玉鄉	<small>東</small>	豐合場	三教寺	侯家壩	<small>南</small>	廟子塘	談家壩	千坵塆	尖石灘	<small>西</small>
鷹抱石	大廟	卓家橋	石龍廟	向家溝	<small>北</small>	獅子壩	鄧家橋	冷水關	秀村壩	合

口河

古蹟類補 隆化縣界分水 涪州志載老林口巖壁鐫此六字在今涪屬聚寶場往銅鑼鋪

道左按邑自唐初開置名隆化北境與涪連界較今為廓不知何時設冷水關就關立場兩邑

交界場中界限不甚明白兩邑人以無甚關係各照便近管理後涪契稅輕於南南界買地多

往涪送印益以紊亂清光緒二十六年始以收米市斗息起爭涪牧兩令會勘無可準據定為

南涪各半了案三十三年復以兩邑鹽店行鹽互控南邑人食涪岸關石鹽南城中店往緝私食鹽人因要往關立店從之涪店又不許鹽茶道委局

員及兩邑印官會勘涪人據場內禹王宮字庫上嶺東北場市屬涪西南空地屬南欲擴南界

於場外南生員周耿光夏鼎謂縣界當據志書即引此壁鐫以詰字庫題識乃近時涪人私為

不足用也兩方爭之力諸員莫能判以稟大憲取決後兩鹽局由私人調和息爭竟未上稟界

亦卒莫一定

重修南川縣志卷二

建置

土地人民政事三者相因有國者以土地人民爲基礎卽小小區域方六七十如五六必營城市建公所編里甲紳董吏胥承其臂指郵遞保團通其消息乃可施行政事其建置整齊畫一法制粲然者謂之文明國家清一統志指今涪陵長壽酆都南川同爲漢之枳縣考枳之名邑不始於漢秦史記蘇秦列傳蘇代說燕王曰楚得枳而國亡華陽國志巴子都江州或治平都其先王陵墓常在枳東周時楚常與巴通其得也必取之巴秦惠王遣張儀司馬錯滅蜀滅巴必并枳而取之故後數年錯泝涪水奪楚黔中地卽由枳入但古枳縣治在涪岷二江交會爲今之涪陵縣城我邑特其屬地有郡以來常隸於巴至東晉時枳已稍遷非復舊治北周廢枳同時改江州縣爲巴縣以枳地併入之逮唐貞觀十一年始由巴縣析出自爲一縣命曰隆化以城西永隆山得名揆形度勢卽今縣治爲合而東路偏南三十里有官地正東六十里有舊縣壩又有謂唐隆化治在今治北十里外兩路口者三說俱無遺跡可考官地舊縣壩幽阻閉僻無由望見永隆且荒山窮谷遮蔽陬阨不堪爲人物會集之

所按唐宋時邑雖內地而毗連黔邊究多獠苗彼此相防結寨築垣是據是守俗人不辨因

呼之宋史職官志一縣險扼之地置管官招收土軍閱習武藝防盜賊宋初隆化述邑建置沿革

為首之宋復也稱密化岩地理志隆化有七渡水特南境外有榮懿開邊等五岩鎮鄉自治及團務分區次之城池衙署局所市鎮又次之

沿革考

前漢書地理志巴郡統縣十一积第三

後漢書郡國志巴郡十四城积第七

華陽國志巴郡統縣七积第二在郡東四百里涪陵水會時多人士有章常連黎牟陽冠首志所

載為漢末三國時制

晉書地理志巴郡統縣四积第二

隋書地理志巴郡統縣三巴第一注後周廢积墊江二縣入焉

新唐書山南東道涪州涪陵郡統縣五賓化第二注下本隆化貞觀十一年置先天元年更名

玄宗名隆基避諱故改

注中下字隋制郡縣按地方大小戶口多寡仿禹貢分九等唐時有輔雄赤畿望緊上中下

之別宋時七等四千戶爲望三千戶以上爲緊二千戶以上爲上千戶以上爲中不滿千戶爲中下五百戶以下爲下

宋史蠻夷列傳渝州蠻者古板楯七姓蠻唐南平獠也其地西南接烏蠻昆明哥蠻大小播州部族數十居之英宗治平中熟夷李光吉梁秀等三族據其地有衆數千家以威脅誘漢戶不從者屠之沒其土田使充客戶賦稅皆里胥代納數以其徒僞爲生獠劫邊民官軍追捕輒遁去築城堡繕器甲遠近患之熙寧三年轉運使孫固判官張詵使兵馬使馮儀等圖之開諭禍福進兵復賓化砦平蕩三族以其地賦民以賓化砦爲隆化縣隸涪州建扶歡榮懿兩砦其外銅佛孺者隸渝州地皆膏腴自光吉等平他族據之朝廷補其土人王才進充巡檢委之控阨才進死部族無所統數出盜邊朝廷命熊本討平之建爲南平軍以渝州南川涪州隆化隸焉觀此則吾邑當唐末五季之亂必已陷於蠻獠或僅築一砦防守亦爲夷據至此始以兵力取之復爲隆化耳

宋史地理志夔州路南平軍同下州領縣二南川隆化南川下注云熙寧八年省入隆化元豐元年復置隆化下注云下熙寧八年自涪州來隸有七渡水砦

續通典大觀四年砦廢

歐陽忞輿地廣記南平軍屬縣二中隆化縣有永隆山羅緣溪熒溪胡陽溪

元史地理志四川等處行中書省重慶路下云至元十六年立重慶路總管府二十二年廢南平軍入南川縣爲屬邑

元史世祖本紀至元十二年十二月丙寅省重慶路隆化縣入南川

按紀志一事而相差十年初疑志誤然考本紀至元十五年三月四川行樞密院布哈招降

重慶等處得府三州六軍一監一縣二十通鑑同並載所降爲紹慶今彭水縣南平夔施恩播諸

州是十五年以前南平尙爲宋有元烏得而變置之本紀十二年乃二十二年因脫二字遂

至紛歧

續通典元至元十六年立重慶路總管府二十二年廢南平軍入南川縣爲屬邑南川縣下注

云按四川通志元至元十一年十二年亦二年之誤廢南平軍及隆化縣改置南川縣謹附識

附識通志云云卽疑隆化之爲南川係改置非併入也

明重慶府領州三縣十七綦江下注云元綦江長官司屬播州明玉珍改爲縣洪武中來屬南

川下注云洪武十年五月省入綦江縣十三年十一月復置

明史地理志所載同續通典但於南川下增注云縣在府東南南有南江北流爲綦江中有龍床灘在縣北東有四十八渡水流入南江南有馬頸關雀子岡關北有冷水關

按續典以邑水流入綦江者爲南江欠晰南江合三溪而成邑中入綦之水太微乃南江之一源耳謂四十八渡入南江尤誤

清一統志重慶府綦江下云漢江州縣地唐武德二年分置隆陽縣兼置南州統之先天元年

改縣曰南川宋初爲羈縻州慶歷八年改屬渝州皇祐五年廢州但爲南川縣熙寧七年置南

平軍嘉熙三年徙軍治隆化句縣廢元置南平綦江長官司屬播州宣撫司明洪武初

改置綦江縣屬重慶府南川下云宋以前見前從略宋初復爲隆化縣熙寧七年改屬南平軍嘉熙二年

徙軍來治元至元二十二年軍廢改置南川縣屬重慶府明及本朝因之又隆化廢縣條下引元統志云嘉熙三年徙軍治於此元至元

十二年併縣入南川於此置軍

清嘉慶丙子四川通志重慶府屬沿革表說綦江下云宋皇祐五年廢南州但置南川縣改屬

渝州熙寧七年置南平軍屬夔州路嘉熙三年軍徙隆化句縣廢元置綦江長官司屬播州宣

撫司洪武初改置綦江縣屬重慶府南川下云宋熙寧七年屬南平軍嘉熙三年爲軍治元至

元二十二年軍廢改置南川縣

右列元史地理志世祖本紀續通典四川通志清統志各條將以辨元史之謬證元朝一代之南川縣專屬吾邑也吾邑與綦江毗連唐宋兩朝邑爲隆化綦爲南川宋熙寧時收獠地置南平軍治南川邊外銅佛壩而更割兩邑隸之蓋宋之軍與州等應有屬縣故也及理宗嘉熙三年徙治隆化南平軍既移南川縣亦隨之而廢元人承之廢南平軍改隆化爲南川縣重慶府名借舊而地已遷吾邑從此歷明清迄今更無變革至先廢之南川縣則置南平綦江長官司別隸播州宣撫使司明玉珍據蜀改爲綦江縣亦歷明清迄今更無變革此清統志省通志所載兩縣各銜接始終未嘗併合牽混也續通典云廢南平軍及隆化縣改置南川縣語亦明瞭改置者以隆化爲南川也但不考舊南川之沿革虛懸無著則使人不疑併隆化入南川卽疑併南川入隆化而名以南川務欲合兩縣爲一以滋疑啓爭職此之由最誤者元史本紀地志一廢南平軍入南川縣一省隆化縣入南川縣不察舊南川之已廢但見元代有南川無隆化遂認南川爲仍舊而隆化入之兩縣舊志於元代皆自列爲南川縣綦志凡例第十五條力辨南平綦江長官司專屬熊本所收佛銅壩地而唐宋原置之南

川不在內審是則第當名南平長官司何故兼及綦江明玉珍又何故強奪南川之名名復置之隆化而改累代相承之南川爲綦江與長官司相混亂也本縣舊志辨譌亦謂南川之名唐宋元皆屬綦江明玉珍乃移以名吾邑辨譌而仍失之譌辨亦疎矣或謂南平軍自南平軍南川縣自南川縣軍移而縣隨廢可得聞乎答之曰可銅佛壩卽今之趕水與桐梓接正安仁懷亦甚密邇在當時爲熊本新收之夷地南宋之季國力衰敝強寇外逼苗獠乘之獠狃蠢動荒城危岌不得不爲內徙之謀軍府旣徹下流之南川唇亡齒寒何以能保蜀白余玠召還自壞長城日蹙百里鞭長莫及則聽其荒廢而已此雖史無明文當日情勢固應爾爾不然宋置此軍原以扞衛邊圉鎮懾夷獠而無故徙之不當衝要之隆化豈有是理哉又舊志辨譌歷述南平軍始末謂邑止可稱古南平地不可稱古南平軍其說尤舛夫縣統於軍縣地卽軍地一而已至嘉熙三年軍已移治隆化軍縣合一如曰不可將於縣外求軍乎

粵稽上世中國之西曰梁州梁州之東有巴夷南川於古中巴之南鄙楚人略之秦人荒之漢晉之世巴郡統縣有江州有枳江州治今巴縣接邑西枳縣治今涪陵接邑北故邑舊志指邑

為漢江州枳兩縣地乃準方隅形勢度之而清一統志省通志列表專以邑境繫古枳下者蓋當時江州據上游以今縣當之巴縣而外已跨江北江津璧山永川等處邑與長壽豐都於涪陵為近且地勢亦相搏結也南朝宋齊承晉之舊逮梁末蕭紀失敗巴蜀乃入北方西魏北周相繼有之周武帝武成三年改江州為巴縣同時枳縣亦廢其地大半割隸於巴邑境與焉自此以上吾邑皆附屬他縣未克獨立也及唐貞觀十一年始由巴縣析出自為隆化縣還隸涪州睿宗先天元年避玄宗諱玄宗名隆基改賓化縣唐末五代史無明文實已沒於南境夷族號賓化

嘗宋神宗熙寧三年以兵威夷征服南川今之綦江邊獠開地五百里約在今綦江接桐梓一帶置南平軍宋制於邊要地置軍管縣割渝州之南川涪州之隆化隸之時南平軍治在新收之銅佛壩為今綦江縣之趕水鎮南宋理宗嘉熙三年移軍隆化與縣同治故吾邑有古南平之稱也宋亡元興世祖至元二十二年廢南平軍及隆化縣為南川縣隸重慶府宋孝宗十六年升渝州為重慶府明及清代因之民國成立廢府而四川舊分五道今南川縣直隸東川道

沿革表

歷代

總隸

直隸

縣

三〇一四六四四〇五

唐

梁州 禹平洪水分九州
雷堯老舜攝時

虞

同前

夏

同前

巴國

竹書紀年夏后啓八年使孟涂如巴澁訟

殷

雍州 據爾雅釋地并梁入雍

巴國

華陽國志武王伐紂用巴師

周

雍州

巴國

華陽國志武王封宗姓於巴

秦

巴郡

枳縣

漢

益州

武帝置十三部刺史改梁為益

同前

同前

蜀魏

梁州 魏咸熙元年滅蜀分巴漢七郡置梁州

同 劉璋牧益州分巴為三郡暫稱中巴為永寧郡旋改巴郡

晉

同前

同

同前

宋

同前

同前

同前

齊

同前

同前

同前

梁

楚州

同前

同前

西魏

巴州

同前

同前

北周	楚州	同前	巴縣
隋		渝州巴郡 <small>文帝改郡為州 煬帝改州為郡</small>	巴縣
唐	山南東道	涪州涪陵郡	隆化縣 <small>賓</small>
五代		涪州 <small>屬前蜀</small>	賓化不 <small>可考</small>
宋	夔州路	南平軍	隆化
元	四川行中書省重慶路		南川
明	四川省	重慶府	南川
清	四川省	川東道重慶府	南川
民國	四川省	東川道	南川

南川釋名 古南川縣置於唐初實今之綦江因水得名黃氏今水經考岷江又東北過重慶府東南江水來注之水為南江故縣名南川以岷江自西趨東此水在其南也南江三源匯於綦之三溪直貫綦境歷江津縣地百二十里入大江曰南江口三溪之說無定綦江志以自桐梓松坎來者為夔溪一名夜郎溪自桐梓坡頭河來者為東溪自本縣蒲渡河來者為葛溪吾

邑水深孝子河蒲渡之上流正源也宋亡元興南川之名移於我邑得南江之一源不可謂冒

南川縣清代民國前後分畫區域表

編里甲團練辦事處

城鎮鄉自治團務分區

右列四日後二應入兵防志但自近年川康督辦飭辦門戶練漸次取銷常練另立大中分隊長專任追胥團務機關自團總團正下至甲長牌首皆承辦行政方面一切事項古比閭族黨鄰里鄼鄙之遺也故列諸建置

一里甲 舊志明以前區畫失考清代按里編甲南川分豐隆福祿二里福祿里七甲後四五甲各分上下豐隆里八甲後併為七甲而六甲分上下糧戶注册差役催科用之至今不改簡稱福里豐里

福里一甲 城內東南後三街 黃泥堡 半溪溝 西陽關 大河壩

福里二甲 城內西北中和三街 后圃 龍濟橋 福南橋 木涼傘

較場壩 周佛壇 圓塘 石盆 福壽場

福里三甲 羅秀壩 土橋場

福里四甲 雙河場 鐵村壩 豐隆場 石橋場

福里下四甲 鳴玉場 冷水關

福里上五甲 魚泉河 前後三元

福里下五甲 樂村 橋塘場 松子溪 水江石

福里六甲 馬嘴 大有場 小河場

福里七甲 迴龍場 圓村壩 合溪場 草壩場

豐里一甲 德隆場 頭渡橋

豐里二甲 小河壩

豐里三甲 陳家場 叢林溝 石蓮場

豐里四甲 三匯場 永安場

豐里五甲 神童壩 興隆場 二郎橋 田家橋 吐文壩 大興場

豐里上六甲 觀音橋 白沙井

豐里下六甲 石牛溪 乾豐場 太平場 土溪場

豐里七甲 萬盛場 刀子口

二城鎮鄉自治 清宣統二年奉文調查戶口按戶多寡畫爲城鎮鄉區辦理自治邑分一城

一鎮九鄉次年始陸續調查分畫就緒每區擇當道大場爲自治會所城區自治會舊專經書院召集人民有

選舉權者票選自治議事會正副會長會員及董事會總董董事知縣派員監視投票開票甫

告成立其保正團首牌首承辦地方公事仍舊適會反正停擱以後匪類衝突各地辦團練防堵用內務部新頒團練

章程初設保衛團局後更爲團練辦事處詳兵防篇自治事務力不暇及此種區畫除投票選舉議

員外無所用之其城鎮鄉分畫地段已見方域篇內

三團練辦事處 民國八年奉文廢保衛團制改設各區團練辦事處民戶十家爲牌有牌首

十牌爲甲有甲長十甲爲團正統於辦事處邑城區地段仍舊改十三保爲十三團後併爲十二

不設辦事處公事直接由縣團練局處理十六年秋始專設城區辦事處以外量地勢合三五團設一辦事處分爲

十五辦事處東路四區一半河場二水江石三大有場四圓村壩南路四區一陳家場二萬盛

場三小河場四德隆場西路四區一興隆場二觀音橋二白沙井四太平場北路三區一鳴玉

場二石牛溪三石牆場每區各舉團總一人或置副團總一人承辦地方一切公務奉縣知事

指令縣團練局知會以分布於各團正各團正以分布於各甲牌又得受所管地方人民呈請

報告小事專決大事轉呈縣團練局及縣知事但各分團地方窻遠形勢阻隔自成一區域者亦聽其自立辦事處不强合也此制凡籌辦公款整頓防務用之

四團務分區 民國十六年八月奉川康團務委員會令廢縣團練局及十五辦事處改組縣團務委員會行地方分區制度先設選舉事務所縣知事爲正所長邑紳二人任副所長派員九人分段調查戶口租石職業槍枝切實整頓以十花戶舉牌首一人十牌首舉甲長一人十甲長舉團正一人約以兩團正二千家之地就一大場舉場長一人以外不滿二千家而地勢偏畸無可湊合者得附大場別選副場長一人兩大場爲一區舉區長一人統轄場長以下辦理本區公務每區選團務委員一人輪番駐縣團委會推委員長一人議決全縣各區團務每路兩區合城區爲九都計全縣九區十七大場九小場五十七團四百六十二甲

土溪場甲數尚未考列

於

十七年三月各員出發辦理將竣值涪萬戰事驟起郭賴諸軍紛紛來邑暫時停攔仍用舊制

城隍

清嘉慶四川省通志城池門云南川縣舊無城古蹟門則有隆化縣故城注引清一統志云今南川縣治竊疑縣雖僻陋南宋季年移南平軍於此時當蒙古侵入龍崖山隘且築城以守豈

軍治而反無之特明以前邊邑之城皆以土年久則圯耳今城明成化中知縣劉裴築亦土外環以濠嘉靖九年知縣陳光道改砌以磚高一丈二尺厚六尺圍三里五分計六百三十丈垛口一千零一十七闢東西南北及小北五門以後歷清康雍乾間知縣張暉陸玉琮文運隆屢次培補咸豐三年寇警震動知縣魏崧奉文計費按丁糧加徵培修未竟十一年知縣王臣福任內始底完固自文令培修後連垛口高一丈八尺馬道垛脚寬八尺周圍五百四十三丈小北門不知閉於何時東門曰祥書南曰順德西曰望隆北曰躍鯉門各有樓又各建小礮臺安六八百斤礮各一尊北隅地勢獨高對山獨近另砌礮臺安一千斤礮一尊諸礮咸名爲某某將軍西南山高而遠東北丘近而卑半溪水自東來抱南西兩門天然濠塹北門內有皂角井水自城外余家洞流入味不佳而可備緩急門外左邊普澤寺距大城數十丈高逾城闌光緒二十六年知縣雷登閣集紳議用昭信股票退款三千餘緡築垣護之與大城犄角垛口二百四十每垛相距五尺高厚與大城埒周圍一百二十丈

按邑治居全縣之中內郭外山縱橫十里中央如砥四圍攢青有大小兩溪以流其惠觀音寺白楊坪之煤近在十餘里內源源運濟負郭上沃菜蔬肥美升望降觀莫宜於此

乾隆三十一年知縣文運隆重修南川縣城記

南川縣漢唐古邑卽宋南平軍地也城創於前明嘉靖九年陳君光道易土爲石環三里許計六百餘丈用壯巖疆頗稱鞏固至我朝定鼎猶仍其舊距今蓋二百餘年矣雖兩經修葺而歲月遷移風雨剝蝕風零傾圮幾有城復於隍之虞焉乙酉歲制軍阿公有新城之令上告天子大者動帑小者聽牧令倡捐補築前著縣仲公純信照賦攤輸僅得銀若干兩余下車正值經始之際核其檔案物料固已費不敷工重以陰雨淫霖續遭坍塌裂問簿書尙屬畫餅按章程亂若棼絲余甚懼大功之弗克有終也所幸時和年豐政簡刑措乃復勉捐冰俸倡導士民勸各場集量爲資助凡一切鳩工庀材咸歸節省越歲餘而功乃成夫天下事不難於謀始而難於有終仲公雖倡議於前而未遑就理向非繼起從事多方區畫則剗削消磨於百年之內者何由得此言言僉僉者耶或曰方今聖天子在上海宇清寧雖遐荒僻壤夜戶不閉似無庸亟亟爲捍衛計也余曰城成也一成而不可毀也易曰重門擊柝以待暴客蓋取諸豫我國家承平日久安不忘危凡所以持盈保泰者固不廢舉墜修矧南邑遠隄黔楚近輔巴涪固守之謀又烏在其可已哉且余聞之一家之興替視乎宅一邑之興替

視乎城南邑在前明文章人物炳耀一時經明末兵燹而後城郭荒涼人文落寞幾不可再振矣我朝休養生息百有餘年今復修治城垣以斂固其氣則清淑所聚鍾毓必奇行見賢哲挺生駢肩接踵又不僅聊固吾圉以作川東之保障已也是役也明於急公之義而不靳輸將者閤邑士民之情也趨事赴公交相勸勉者約保牌甲之力也董率工作會計出入終始其事者則趙生有珖街民劉步雲熊文友工攢符永載有足多乎而襄予部署井井有條則縣尉余君鑿龍實嘉賴焉若夫不勞民不傷財而使工浮於費得以適觀厥成者則余之慘淡經營其心亦良苦矣城身用石雉用磚圍五百四十三丈高一丈八尺厚一丈馬道寬八尺門仍其四舊以方名余按邑景易而署之東曰祥書南曰順德西曰望隆北曰躍鯉工始於乾隆丙戌初春成於丁亥秋仲落成之日爰纓覲而記之以見皇仁聖德涵濡已久雖山城小邑而攻築者亦無不樂效子來之忱有如斯也今而後勿隳厥功俾得與國咸休也桑永固是所望於後之蒞斯土者

光緒二十六年知縣雷登閣新修普澤寺小城記

我朝開國以來士民飲和食德歌詠昇平使其長治久安永享萬年有道之福豈不甚快耶

在有治民之責者亦孰不願衣租食稅與民相安於無事乃當閒暇之時必作非常之慮以動衆而駭俗是胡爲者不知盛衰者世運也剝復者天道也辨之不早必待臨境倉皇詔詔然與焦頭爛額爭功則何如思患預防者先作曲突徙薪之計之爲得也則甚矣未雨綢繆爲千古禦侮之良箴大聖人蓋有以語我矣丙申春予捧檄接南平篆下車之始躬閱城垣見其北關外有小山在焉舊爲古刹普澤寺按南邑之脉自金山透迤而來此地爲貼身過峽之區故與治城對峙而逼處勢力若有相爲表裏者閒登其極而俯瞰之則城中全局了然在目使非蔚爲關鍵與城聯爲一體設有警變則能不轉授窺伺者以太阿之柄乎聞之感豐辛酉遭髮逆之竄前升任王曾經架木爲城鎮以黔勇卒獲保全本欲建修石垣然爲款甚鉅因而中止復圍之以土奈風霜蝕剝久而復圯噫嘻是蓋南邑之缺點其有志而未逮者由來久矣予時亦以操刀新試萬緒紛紜未暇措手至戊戌春忽奉上憲辦理昭信股票之命已經籌勸辦妥旋又奉文停止退還捐戶又以爲數零星不一未果都人士於是咸請於予曰高寺城工久欲創修前苦無力今蓋卽以此款補之出之於上爲餘款出之於下爲樂輸上不負國下不負民又何憚而不爲哉予思其策善乃復申明大憲擇日興工并飭

兩廳督其勤惰俾無曠工命紳糧司其支出俾無浪費計城二百餘丈費數千金於是士民踴躍竟以數月而葢其事夫築城鑿池何時不有然何以文王之靈臺周民有歡樂之歌華元之築城宋人有于思之誚可知事出自上而卻爲民情所關然則是役也是前所欲爲而未能者予續成之卽前所已爲而未完者予補足之顯以收數百年未竟之功陰以造億萬姓安全之福予亦可告無咎矣今者瓜代有期予將行矣姑識其始末以勒諸石願與都人士共勉自時厥後凡事兢兢業業先幾而謹其始隨處而防其微俾宵小無從生其覬覦由是有備無患果得享萬年有道之福是則予所厚望也乎是爲序

贊曰成城以志不在設險昔懲莒公今師仁豈仁豈雖勇亦築受降十仞之峻百夫之防暴客突來閉門可禦懦夫獻疑毀垣勿遽

街坊

城內西北面負垣踞縣署及文廟之背曰后圃多院落無交易築宅閒居者萃焉餘六街以縣署外鼓樓壩爲中點右行爲西街半柵門西北上行通后圃由中點左行爲中和街街口右上爲東勝街左行狹巷西上亦交后圃直接向北平行爲北街由鼓樓壩前穿傘巷爲水南街

東南兩街相通之橫街爲後街一名興隆街地勢東街后圃兩面俱高中和街鼓樓壩最下余家洞水北入南出通以暗溝街道暴雨苦溢民國十四年冬官紳設市政公所督市民改修街道撤去篾篷貨灘中高旁下開展爽潔行者稱便東街布市後街紙市衣貨店南後街交會處三廟內米市南街肉市鼓樓壩菜市中和街雜貨藥市喧鬧繁盛西北兩街不逮門市鋪戶五百餘間一四七日通市建築日趨輪奐有洋式樓屋數架城外東街最長約二里貿易最盛以通黔路山貨故桐油鹽巴雜糧等市在焉西門次之以通渝城大道南門又次之北門寂寥短促如居鄉里

衙署

縣知事署創自明洪武年間近城西北隅正南向基址廣袤歷清知縣張景良張有孚張暄陸玉琮文運隆次第增修規模盡備同治十年知縣黃際飛益加增飾民國政體尙質取足辦公頽廢卽不復治非復舊觀舊時鼓樓壩有東西柵門中築照牆張貼詔諭今廢由外而內自下臻高門二堂四外正門曰頭門甃石堅厚乃懸書讀法之所上建樂樓且暮鼓吹乾隆中知縣冀宣明署曰清遠樓今存頭門內右通典史署女監在焉今仍舊左爲民壯候差室今廢並列

爲衙神祠今移次正門曰儀門左旁曰枷犯室今廢更左爲內監一名大監以收定讞罪犯今存相連爲外監一日卡房以繫盜賊疲民今移建對面曰改良監獄儀門以上中達建坊外書

清聖祖廣訓十六條內書宋太宗所頒戒石銘五代時後蜀主孟昶所作曰爾俸爾祿民膏民脂下民易虐上

天難欺今徹左廊列吏戶倉禮鹽茶五房右廊兵刑工承發四房民國成立革去九房名目總

爲民事刑事兩股移入署內辦公左列改建地方稅收支所右宿團練警衛之屬其上爲大堂

以行典禮聽大政如決罪犯催糧稅接呈辭開印封印之類警懸清慎勤三字官箴今存堂左蕭曹廟衙神亦移供焉右

差隊候差室內有管押所人民訟事未結交差鎖押無賄者閉置其中與監卡同酷二堂以理

常訟三堂以閱案牘四堂縣令居室其他門房花廳簽押房賬房廚房幕賓儼從之室環繞四

圍最後一層爲軍器火藥庫今存常平濟社諸倉民國九年以後燬於駐軍寸木不存獨倉神

一祠靈光巋然署後寬敞有山有亭山體積煤而成以備不虞上植老楸數株昏暮羣鳥來集

久居署中者謂城有警則散寧靜復來以驗休咎不爽亭爲清乾隆時知縣應士龍建已見名

勝舊典史署地址見前乾隆二十一年典史桂光國建規模略同縣署而較小民國承之爲典

獄署實業局亦寓其中

監獄見前清末迄民國初盜犯纍纍疑似牽連亦多暫繫外監常滿擁擠薰蒸不勝其毒先後有待質所候審處民事刑事看守所勸工局內有懲役場禁錮新監之設初意亦仿古制園土聚教罷民而容易收入轉滋弊竇名目紛雜莫非犴狴民國十二年縣議事會長羅雲程請於知事蒲劍自負全責從新改築首捐錢千貫定規制督工作十四年夏落成牆周三十三丈高二丈二尺獄室方二十三丈中設獄神堂及接見管理診脈養病洗澡寢食廚廁各室橫樓五間走樓兩面寬閒清爽又於東偏接築工場待籌款實行強迫習藝顏曰改良監獄

按監獄改良埽除清潔地勢寬綽流通空氣可滅癘疫誠善政也然囚之苦樂舒慘仍存乎監守之人吾國牢戶積弊深矣但使屋漏在上不照眼枯之淚痕屬垣有耳鮮聞終宵之呼

暑則仁甚

舊教諭署中和街口傍孔廟東北清康熙五十九年建正堂曰明倫旁豎臥碑臥碑戒士之制始明初以戒

飭入學士子文凡八條又刻清聖祖聖諭廣訓十六條士子行入學禮時跪聽宣讀本縣進舉五貢題名於版而懸之壁宣統初學官既撤設初等小學旋讓徵收局移駐 舊訓導署在西

街文昌宮側清康熙十一年建道光二十六年移西街後縣試院右光緒中年再移教諭署右
民國後邑紳改設仁社 舊汛署原在北門內清雍正時移南門內署外有箭亭營房久以出
賃市民設肆民國三年政府清查官產售作民居 舊行臺在南街爲長官因公來邑駐所民
國後改建商會

局所

徵收局 清光緒三十四年川省財政改制委員來邑以舊文昌宮津捐局爲經徵分局專收
田房契稅肉厘油稅酒稅四項革命初邑人暫行自設機關統收各項稅入旋奉文改爲徵收
課隸縣行政公署課長課員均邑紳受縣知事委任三年某月省令財政獨立廢課改爲徵收
局委員來住統收國稅後以防軍入紮移中和街後舊教諭署

地方稅收支所 立憲政治賦稅分兩類一爲國稅充政府行政經費一爲地方稅歸本縣地
方自治公用應各設機關司出納民國初庶事草創係財政課統收三年冬省令設徵收局委
員專收國稅地方稅亦暫託代收四年四月始設地方財政處劃出地方各款縣知事委邑紳
自理七年九月省令改爲公款收支所辦法仍舊十一年一月奉省財政廳通令并發章程改

爲地方稅收支所就縣署大堂外左廂從新建築正副所長各一人由縣議會議員票舉縣會
 有故時以五法團代舉年滿更換以下收支庶務文牘各一人丁糧股契稅股各一人所長雇
 員分任幫辦者無定視事繁簡所內接管前清三費局公產地名租石列後

地名	額租石	來由
毘廬寺	四十八石	清光緒某年提
萬盛場溪源	四十石	光緒某年買
小河壩	三十石	光緒十九年買
同前	街房一間	光緒二十二年買
灌壩	十石	光緒二十四年買
迴龍寺	五十石	光緒十一年捐
姜家場	兩股共十一石	光緒十五年十二月買
田家橋	十六石八斗	光緒十七年買
周家灣	五石	光緒十五年買

長五間

一股五十石
一股十五石

光緒^四十一年十二月買

神童壩

二股共四十石

光緒^{十三}十七年十二月買

叢林堡

四十石

光緒十四年十二月買

周佛壩

十石

光緒十七年十二月買

乾豐場

六十二石

光緒二十四年六月買

右公業共十四處額租四百二十一石

市政公所

民國十四年冬駐防本邑黔軍旅長楊光琛偕辦市政假城內萬壽宮建設一切光琛自兼所長內分總務市政文牘庶務四股每股正副股長一人由所長委任均盡義務股員量事繁簡雇用派城內外舖民分二等月出門戶捐及軍政長官隨時撥款作經常費已形支絀次年五月^{光琛}光琛去職川軍師長李雅材續委邑人黃莘牧吳讓夫先後接辦款益不敷陸續縮小範圍至十六年十月停辦 十七年十二月國民革命軍第二十軍軍長郭汝棟駐邑以市政屬一縣公益不容廢弛仍就萬壽宮成立更訂簡章十五條辦事區域以城廂四保為限分總

務公安工務社會衛生五科舊警察_{公安} 恤後亦隸其內所長一人由駐城最高級官委任各科科長一人所長聘任或委任科員量事繁簡科長薦達所長或委或雇另組市政委員會推縣知事爲委員長所長兼副委員長其會員以 本所各科長 城內各局所各會正副長 城廂四保團總團正 城廂四保市民每保各選二人 所長聘請富有學識經驗者二人至四人 城內各機關人員富有新學識者充之更由諸員互選常務委員七人副委員長一人其職務監察所內帳目籌劃款項議決本所應興應革一切事宜由所長會長及各員依法提案開臨時會議開辦經費暫就汝棟撥欸煙館罰金及縣中歸併市政各公務原有的款掙節動支不足時辦市政公債門牌捐

實業局 清宣統二年邑設勸業分所省勸業道委員來住假舊行臺辦事民國初停委縣公署內設實業課邑紳充課長旋改爲第三科事務之一姑存名目八年奉省公署文設實業所所長由省實業廳請省長加委假住典獄署邑舊有農事試驗場勸工局蠶桑局悉歸實業所管理十四年省實業廳成立改縣實業所爲縣實業局

蠶桑局 邑自清宣統元年卽設蠶桑傳習所佃西門外東嶽廟園土種桑以廟後殿爲所

地招自費生傳習所長由縣知事遴委民國初省令改爲蠶務局暫歸勸學所支款兼辦每年祇上季招藝徒實習六年十二月省委蠶務局長來邑毫無經費七年三月邑人章喬年接任始另籌的款茶包捐公告費之屬提東嶽廟桑土歸公以錢千串頂仁裕桑社清末邑人彭玉良陳鏡明等影辦桑株器具訂約五十年還土招實業生二十名局給食費兩年畢業八年邑設實業所蠶務局隸之局長初改稱技士後改稱勸業員十五年改蠶務局爲蠶業試驗場內辦蠶桑學校招女生二十名兩年畢業各費由實業所開支

附農事試驗場

舊以北門外較場壩官地爲試驗場係農會設備見農會條下八年後收歸實業局

僅存片土十五年實業局長另佃東門外灌壩良田開辦約廣六畝每年擣租穀拾肆小石試

植省外國外傳來各種雜糧菜蔬花果

菸酒公賣局 民國四年省財政廳委員來邑賃屋設局抽收菸酒營業及物品兩稅十六年

夏徵局稅務歸徵收局兼辦

上菸局禁煙稽征會址處

清光緒二十六年邑設煙釐分卡於東門外五顯廟川東道委員來辦二十七

年改隸涪州分局三十一年升東城外分卡爲分局另於陳家場設分卡抽收法詳食貨志宣

統三年革命局卡並徹民國十三年以煙患未殄設禁煙稽征查緝處寓禁於罰每兩抽銀四
仙四路大場立七分卡查緝處仍設東門外五顯廟十六年夏徹歸縣行政公署兼辦旋改歸
護商處

護商事務所 民國十一年川東邊防軍第一混成旅長湯子模創設於東門外五顯廟抽收
百貨四路設分卡十六處東黃泥堡大鋪子水江石南陳家場暮鶴關萬盛場福南橋小河壩
西來邊關張鐵橋白沙井太平場北趙家嘴兩路口石牛河合口河

礦務局 邑金佛山爲產礦區域清代初由重慶中營招商承辦創辦年月無考置店於小河壩每年納

官礦二百斤仍給官價光緒中年省城委員來邑賃宅城內設局坐辦領官本招金佛山土人採煉

解運重慶江巴督銷局年出十萬斤以上派丁緝私民國法制仍舊但不給本委員出資自辦
易名南川金佛山礦務採辦處督銷局亦無本吸收轉售重慶官礦總店但手續上採辦處仍
須備文投局一交一收以符定章 確與礦同類清季邑係招商開店收買民國初廢商歸勸
業所今併歸礦局兼辦

三費局 三費局者命盜重案吏役相驗招解緝捕等費也向時人命案發辦案公費一切責

之地方派及鄰里吏役藉以需索牽連數十家曰辦地鄰盜案獲送延擱時日民咸苦之清同治九年知縣黃際飛按田房契稅業價一千抽錢十文戶房經收繳署另櫃存儲委邑紳一人司鑰司帳縣官稽核除三事各費外並津貼廳官捕盜月錢二十千汎官拏匪月錢十五千卡犯粥食每日兩次章程詳密初辦時歲有餘裕際飛任內買業一契光緒十三年知縣張濤買業四契共收租二百二十三石民國成立隸財政科充司法經費科廢歸地方稅收支所兼辦專供卡犯粥食之用曰囚糧股盜案纒纒合內外監常四五百人田租收入尙不敷用撥山糧斗息狀紙附加每張二百文以助惟三費中已無招解一項其相驗獲送收支所照章開支

勸工局 清光緒三十二年就縣試院改設_{初名農工局}知縣何丙辰委邑紳康敷政任總理招工徒織布製竹木器油漆篾席草屨之屬出售民國因之局內先後附設罪犯習藝所懲役場戒煙所禁錮所以教疲民及左右新監以代狴犴拘係常數百人三年冬知事馬傳綸注重貧民教養工廠詳請停辦勸工局十年實業所長章喬年呈准再辦設局新城隍廟修造費一千三百五十餘貫訂簡章十二條辦事細則二十五條招藝徒二十名製造竹木篾漆等器十一年十月川東邊防軍第二團某營長來駐工料用物及新購織機多被焚燬無款彌補呈請再停

貧民教養工廠 民國元二年四川都督民政長迭令催辦貧民教養工廠安置無業游惰及解散之哥老會邑以籌款未定不果三年秋知事馬傳綸勸邑富紳明綺園金縷卿等十三人捐錢三千九百餘貫作開辦費提勸工局款及他項雜捐年約五六千貫作廠本即委綺園縷卿充正副廠長廠設新城隍廟廠長外有提調監工督工坐辦稽察庶務會計收支等員製造分十科 織造 木器 竹器 藤器 傘科 預備材料藝徒二百人以文昌會西街牌門口鋪戶爲售貨所初甚喧鬧旋以廠長離職收支非人五年十一月入款告匱藝徒減至二三十人僅留織布一科邑人交噴呈請縮小範圍七年決議停辦所撥的款來自何處悉歸歸還

會場

縣議事會 清宣統三年八月成立一城一鎮九鄉票舉議員二十五名復由衆議員票選參事會員四名民國元年一月開會旋因爭控解散二年十月改選選名增加得議員二十七名票舉參事會員五名以後爲長期會議歷次俱假地開會十一年會長羅雲程始就城內后圃舊賓興會地基建築十三年落成正向上下三層下層正中前面議場餘三面各二室中層正中後面爲集合室而虛其前左右亦各二室上層橫列二室左右耳房各一間後面長方室一

間日祕室階下繚以曲池中環土山種荷植柳兩渡弓橋左邊鐘樓與上層齊闊爽高明憑欄遠眺城郭山川歷歷在目十六年春奉重慶革命軍第二十一軍軍長令議會款項房屋悉交縣黨部

農會 宣統元年成立地借南街行臺會員約百人就北門外較場官地作農事試驗場民國

三年政府委員變賣官產僅留土一幅屋一所放佃收差今歸實業所民國多故久未更選十年十二

月知事郭先翁委實業所長章喬年籌備改組團練局長劉成渠協同召集新舊會員九百二十九人票選正副會長競爭頗烈會所移節孝祠呈請附加買業納糧立撥冊費及抽保牛捐充用奉批保牛捐止許抽買家每隻四百文畜牛賣牛販牛過道概禁勒索嗣後兩款均未實行

工會 民國二年四川民政長准四川總工會催飭各縣成立縣工會邑就原設之勸工局作會場會員二十九人擬簡章三十條呈總工會存查民國三年省總工會奉袁大總統令停止縣分工會隨之十五年冬各工舉代表人袁泗芳等遵省總工會是年恢復暫行條例第二條每工

額滿三十人就仁社籌備召集十九工成立分工會十六年四月十九分工會書備銅錫工製工

書員 木工 找紫 裁棉 文業 書畫 漆工 鐵工 厨工

代表集縣黨部成立縣工會票選執行委

員八人辦理會務

商會 清宣統元年五月邑創設商會會所就南街舊行臺以十八幫商人組織分舉會董三十人特別會董四人餘為會員再由各會董票選正副會長各一人俱名譽職以兩年為任期餘依中央政府所頒商會法自草本會章程二十七條呈農商部核准成立會費初由十八幫董分擔民國六年七月改組始由會內直接抽收各項雜捐約分四類見食貨篇是年為改組後第一次選舉楊光國劉成渠任正副會長川黔劇戰匪徒充斥始組織商團招丁四十名牌長一人統帶隨時擇近城要地住紮保護商賈值城郭有意外時協助團練防守年需餉四千串即於各項雜捐加抽劃撥又用銀五百元買行臺地址改建前為會場後客廳最後花園長廊三進內舍環列七年落成十年照商法設公斷處每次改選會長幫董時附選評議員十一人調查員二人處長一人解決調和商界爭執邑中公所惟此及縣議事會較為崇閩官紳集議要務多假坐焉

縣黨部 邑有黨員始於清宣統二年住渝中學堂川東師範兩校學生與內校各員悉入同

盟會協謀革命屢次秘密回邑聯絡學校地保同志散給證書俟時響應至九月杪又回縣實行組織義軍舉事十月初二反正功成乃正式成立國民黨以城內公園爲會所舉正副黨長聲氣甚盛同時法政卒業諸人亦成立共和黨均係社會自動組合二年以後大總統袁氏擅權忌黨迫脅解散及十五年廣東國民革命軍克武漢立中央國民黨部揭以黨治國之旨各省景從渝城立四川省黨部遂分總土地蓮花池左右二派春間邑人左派黨員汪石冥回縣立縣黨部於西門外羅氏私宅一稱青年社舉執行及監察委員中分秘書處與組織宣傳農工商民工人青年婦女各部有常務委員財務委員各部有部長附設女子職業學校四鄉亦開設區黨部區分部數處相應以是年六月告成稍後右派黨員彭革陳亦回縣另組先設籌備處於仁社十月舉執行委員七人入黨者約百餘人兩黨對峙爲成立之第一次左派奉文遷入縣議會地方說收支所照前議會按月支給經費右派失勢無形中解散未幾渝城三三一慘案發生左派畏累逃亡六月中央黨部通飭清黨渝城設登記委員會委邑人羅芷芳等爲南川縣黨部登記員章見凡爲指導員嚴格登記并及各鄉十月登記竣事得縣黨部員四百餘人各鄉區黨部四區分部十六乃以羅芷芳等爲籌備員十二月開縣代表大會舉

執行委員七人監察委員二人候補執行委員三人監察委員一人會所仍設舊縣會爲成立之第二次至十七年又奉中央黨部通令全國各級黨員尙須切實清理從前組織停罷由四川省黨部指導委員會另委邑人李德培等五人爲南川黨務指導員開指導委員會重新甄別登記得黨員八十餘人會內設祕書處宣傳部組織部訓練部又附設民衆訓練部俟結束後開會選舉執行監察各員爲成立之第二次茲將迭次登記指導成立期間指令建設大概列表於後

散解月四年六十五國民		月	年	年	成
人七等宏談彬啓余霖汝章鑿琢張白庚張冥石汪華慶曾		委員	執行	年	立
(詳未餘)輝燎李選懋王		委員	監察	月	立
該山部各官負書秘書員委務財員委務當由處建部各女婦年青人工民商農傳實		織	組	年	立
詳未		數	黨	年	立
詳未		二	部	月	立
內會議縣內城入遷後房洋氏羅外城西在原		點	區	年	立
			分	月	立

次一第 南川縣黨部一覽表之一

省池北連生發案慘一三三慶重因副黨總糾縣回令命部黨省池北連慶重受等吳在汪春年五十 (年六十在事) 解瓦形無響影其蒙遂亦部黨縣縣本亡逃率相良人責負部黨	備考
--	----

閉停形無月一年六十立成月八年五十國民

人七等亨仲陳延獻游生彥王三足劉鄉榮劉吾新章潑懷周	成立 年 月 東至 年 結 月 立
--------------------------	--

無 表上同 人除百約	負責 人 委員 執行 委員 監察 委員 無 組 織 日數 黨員 黨
------------------	---

詳未 社仁內城	區分 黨部 數目 詳未 點 地
------------	--------------------------------

上總等五月一年六十至立成月八至部黨總糾縣回令命部黨省池北總慶重受陳在彭月六年五十
 體解而之因遂亦部黨縣本散解部黨地

次一第 南川縣黨部一覽表之一

南川縣登記委員會一覽表

中國國民黨南川縣黨部籌備

月年及年日或月年結		登記	人員	地點	備考
登記	人員				
民國十七年六月二十日	凡建章	處登記	各在員	登記委託委	
	人百四約	數目	黨員	登記	
會議縣內城	地點			地點	
民國十七年六月二十日	凡建章	處登記	各在員	登記委託委	
	人百四約	數目	黨員	登記	
會議縣內城	地點			地點	
民國十七年六月二十日	凡建章	處登記	各在員	登記委託委	
	人百四約	數目	黨員	登記	
會議縣內城	地點			地點	
民國十七年六月二十日	凡建章	處登記	各在員	登記委託委	
	人百四約	數目	黨員	登記	
會議縣內城	地點			地點	
民國十七年六月二十日	凡建章	處登記	各在員	登記委託委	
	人百四約	數目	黨員	登記	
會議縣內城	地點			地點	

登記組員登記為八五等勞苦羅任委曉軍於會員委託錄川四立 設黨清議決部黨史中年六十
 束結布實畢完登記月十五會員委

束結月二十至立成月十年六十良

人五等國懋唐修正王鄉榮劉藩守楊芳芷羅

部黨縣立成會大表代縣開部黨分區各立成備籌

會議縣內城

月年及年日或月年結
 員委備籌
 務任
 地點

委員會
一覽表

備考

重慶區黨部 重慶市川西立成理隨東結 告實即會員委記發川西竣完理辦已既員黨記登縣各川西
會員委備籌部黨縣川南立成員委備籌爲方重羅任委達處

東結月五年七十五成月二十年六十國民

成立
年
月
及
結
東
年

八、七第字仲陳生彥王國懋唐鄉榮劉修正王藩守楊芳世羅

負責
人

人三等澄懷周平治楊五君蕭

執行
委員
監察

表一第同

織
組

人餘百四約

日數員黨

個六十分區個四部黨區

數
區
部
分

表前同

點
地

否新並地風周爲員委察監部候用師平澄湘要九監縣爲員委行執部候

備

攷

中國國民黨第二次南川縣黨部一覽表

東結未尙立成月十年七十國民

月東及年成
年結月立

人五等亭仲陳民純曾鄉榮劉修正王培德李 員委導指

共員委各) 會員委練訓衆民(責負長部部該各) 部練訓部傳宣部職組(責負員委務常) 處書祕分
(責負同)

人餘十八

數目 黨員 登記

定未尙現

數目 黨部 區分

表前同

點 地

悉填指務黨省都成月七年是動活止停律一部黨級各國全通務黨理暫定決部黨央中奉年七十
各立成體組員黨記票別甄新重在務任其會員委淋指務黨縣立成員委爲等培總李派委立成會員
部黨縣立成會大表代縣開總部黨分區

備 考

中國國民黨南川縣黨務指導委員會一覽表

市集

東路市集

黃泥堡 東門外五里屬城區鋪戶十一二家距城太近但爲食宿逆旅然縮半溪溝半河場
兩路之口負販往來頗衆夏初煙坭市尤旺

土橋場 正東路十二里舊有東昇場後移更東二里外龍崖江南岸屬半河鄉鋪戶約三十

家風俗澆薄無交易數年前曾立團局近設講理公所

半河場 正東路六十里龍崖江左岸屬半河鄉鋪戶五十餘家逢二五八日趕集貿易頗盛
現設東一區團練辦事處油稅征收處禁煙查緝分卡

馬嘴場 正東路九十里龍崖城西南三里龍崖城一名馬腦城故呼市爲馬嘴屬大有鄉鋪
戶十餘家逢一四七日趕集舊日尙有貿易近年遭匪蹂躪荒寂甚矣

大有場 正東路百二十里屬大有鄉俗呼大鍋廠鋪戶七十餘家趕集期三六九日貿易較
盛近爲東路收鹽蕩店設東三區團練辦事處

迴龍場 正東路百五十里屬元合鄉鋪戶七八間趕集期二五八少貿易
小河場 馬嘴場東北三十里距縣城東一百一十里通正安之三元場大礮壩屬大有鄉鋪

戶二十家趕集期三六九偏僻少貿易

圓村壩 一名復盛場正東路一百七十里屬元合鄉位圓村河左岸平地場外十五里米糧
極交正安縣界鋪戶三十餘家設東四區團練辦事處場在邑東邊境當衝要清同治二年民
國五年兩遭匪毀次第修復

慶元場 本名龔家壩原屬元合鄉後以辦事上便利劃歸大有鄉在大有場東南二十五里鋪戶六七家趕集期一四七僅有鹽米小市

風洞場 圓村壩東二十里通黔正安縣鄧家壩屬元合鄉鋪戶十餘家趕集期三六九商販入黔多由之尚有貿易

合溪場 圓村壩西南二十五里距城二百一十里當邑極東南合九溪總匯處為通黔大道屬德隆鄉 本屬元合鄉以與元村相合後屢次交爭竟為德隆所有地處極邊遭匪蹂躪戶少而窮瘡負派款與他區埒叫苦尤甚 鋪戶三十餘家趕集期三六九尚有貿易

以距德隆圓村俱阻山險聲息不通勉強自立辦事處地狹戶寡財力不支已於十七年秋仍劃屬南四區

草壩場 合溪場西南三十里德隆場東南五十里距縣城二百四十里鋪戶十餘家民國七八年匪類盤踞蹂躪居人逃亡近始少數來歸無貿易

水江石 一名龍見場東路偏北七十里在治平山西北魚泉河流所經也通涪陵之場壩平橋等處屬水江鄉場分兩段上老下新相傳修上流龍見橋時淘石水中現水江石三字因易今名鋪戶三百餘家貿易殷盛設東二區團練辦事處

魚泉河 水江石西南四十里距城東一百一十里間路通小河場馬嘴半河三場在魚泉河源右岸深谷中屬水江鄉趕集期一四七土貨茶漆油絲

騎龍場 縣城東百二十里水江石東五十里在樂村之讓水壩居深山中村舊有雙河場久廢民國十四年移建於此屬水江鄉鋪戶五間廟一座名騎龍趕集二五八荒僻之所以便居民亦有交易

濫壩廢場 舊志名青溪場距城東一百一十里水江石東南五十里路僻山高荒涼寒瘠久廢

南路市集

大興場 俗呼窩鑽廢正南路十五里屬城區鋪戶二十餘間舊時多人趕集廟店宏整近二十年無交易

陳家場 正南路四十里本名陳巴場相傳舊爲陳巴二姓萃處巴姓以賦役繁重一夜舉族逃去陳姓追之不及更名陳家場逢三六九趕集清宣統二年立爲南平鎮今又爲南一區團練辦事處有正街橫街鋪戶三百餘家邑場稱首向以造鐵釘發外爲業又爲運鹽入黔之路

多富商今衰矣場之團練能出境擊匪有名遠近民國十三年春悍匪數千撲場市肆幾燬其半於酒公賣禁煙查緝郵政俱設分局所

萬盛場 古有榮營鎮又名石鵝鄉正南八十里位三層坎大山下面臨孝子河屬南平鎮今

設南二區團練辦事處郵政分局禁煙查緝護商事務分卡於酒公賣分局鋪戶百餘家趕集

期二五八舊咎火焙紙發售有淮帮金堂縣 淮州橋帮簡州 石橋住辦又燒焦炭於場外築堰截流設閘蓄

水小船運出綦江蒲渡河今因工食昂貴抽重運艱消路被奪一切停貿一方經濟蕭索至極

石蓮場 陳家場西南二十里大青山坂舊有石蓮場小市歷二三十年無貿湮廢近以辦團

防匪籌款餉軍公事日繁紳糧銳意重興距舊場約十里鋪房二十餘間尙未定名

腰子廢場 界連桐梓萬盛場東二十里青溪河岸小市久廢腰子或稱刀子

三匯場 俗呼丁家嘴南路偏東五十里金佛山南麓石鐘溪左岸屬南平鎮鋪戶二十餘家

趕集期二五八

上新橋廢場 三匯場下流十里小市久廢

永安場 俗呼裏隱壩外山中平故名南九十里距陳家場東南三十里箐頂西北麓鳳嘴江

發源處屬南平鎮鋪戶二十餘家趕集期二五八

小河壩 一名永興場南百二十里柏枝溪域下流十里交桐梓界通獅溪口屬小河鄉鋪戶百餘家趕集期二五八交易筭漆爲大宗秋秒筭市最旺近設南三區辦事處禁煙查緝及護商事務分卡郵政辦事民國十二年冬匪徒犯場焚肆數間

頭渡橋 南路偏東一百四十里小河壩上游二十里屬小河鄉正當金佛山南麓從前爲邑中通黔首經之埠貿易繁盛石達開之役被焚自此蕭索鋪戶二十餘家趕集期三六九

德隆場 南路偏東一百七十里自頭渡橋往屬德隆鄉山貨產地尚有貿易趕集期一四七設南四區團練辦事處郵政代辦所禁煙查緝分所

西路市集

興隆場 西路偏南三十里踞高原上清乾隆時建屬觀橋鄉鋪戶五十六家逢二五八日趕集交易平常設西一區團練辦事處

神童壩 西路六十里距興隆西三十里踞孝子河上流東岸逾河卽巴縣界乾隆年間建相傳建場時苦無井用道家術童子降神以劍插地按插處掘之果得故名屬觀橋鄉近隸西二

區鋪戶六十餘家二五八趕集交易白布毛尖茶方連紙

觀音橋 正西六十里位龍川河流之左四圍平地屬觀橋鄉建自明清咸同之際焚於髮

匪幾盡定後再建鋪戶一百六十餘家逢三六九日起集繁盛次於陳家場土產交易白布苡

仁爲西二區團練辦事處設護商驗票卡及郵政代辦處學款經收處

白沙井 正西路百二十里場外八里交巴縣界屬觀橋鄉建自明末鋪戶七十餘家趕集期

二五八土產交易紙錠近設西三區團練辦事處護商驗卡禁煙查緝處并在場北數百步俗

呼井上

土溪場 西路偏北一百里舊有姜家場建自明代在今場東三里以不當要路民國十五年

移今地屬石溪鄉鋪戶十餘家團務隸西三區

太平場至觀音橋中途必經

太平場 西路偏北一百四十里又名隔渡灘兩山夾溪場跨溪之兩岸舊用船渡故名後修

橋清知縣冀宣明題額命曰太平西巴縣北涪陵界俱十里屬石溪鄉鋪戶九十餘家趕集期

一四七交易紙爲大宗近設西四區團練辦事處護商分卡禁煙查緝處

福興廢場 太平場西十六里對岔壩交涪陵界處清光緒中年紅黨

舊俗以黑夜行竊於家爲黑黨白晝行劫於市爲紅黨

匪

徒劫殺釀禍縣主飭令罷市

北路市集

石牛河 正北路六十里大溪河左岸一名鳴玉場以溪水聲如玉鏘得名原在場東北十里石龍廟清順治年間移建屬鳴玉鄉鋪戶約七十家趕集期三六九地沃富產雜糧人煙稠密趨市者衆近設北一區團練辦事處護商驗卡郵政代辦處

冷水關 正北路九十里高峯上與涪陵分管界劃不明清季迭有爭執卒以土地祠爲限

詳見屬鳴玉鄉鋪戶二十餘家貿易織染棉布民國五六年後匪患尤重市民移徙幾盡近三

方城年涪界團務認真有惡必鋤人皆復業

石牛溪 北路偏西九十里踞高地與石牛河俱以場外石形肖牛得名原爲石廟場在今場

西十餘里明天啓時建後遷大橋清嘉慶初遷梓桐崗距今場不旋被回祿道光初徙今地一名

迴龍場屬石溪鄉鋪戶七十家趕集期一四七設北二區團練辦事處民國十四年六月二十

九以祈雨迎神失慎全場灰燼恢復無幾十五年秋復有裨竈請禳之應團務決裂軍事踵興

兵燹之厄兩歲三邁改革以來較他區爲尤不幸

乾豐場 北路偏西一百三十里石牛溪西三十里場在九台山脊西面十餘里黃荆坪交涪陵界土人相傳舊場在高洞子名石龍明萬歷朝建清雍正四年遷石廟距今場半里易名石樑仍多不吉二十八年移今地易名接龍俗以故地名之呼乾壩子後復迭毀迭興光緒二年鄉人請於縣令黃公鶴樵更名曰乾豐近屬石溪鄉隸北二區團練辦事處趕集期二五八地處邊僻緣以荒山匪徒恣肆劫殺尋仇遺禍尤烈

福壽場 北路偏西五十里俗呼羅洞坪位高原上大溪龍川兩河夾之上下各二十里舊場名鄭家街相傳取苗地創建路旁鉅石鐫永定金甌四字今尙臥田畔明季遷老場坪去今場半里清乾隆五十年移今地更名福壽屬石溪鄉隸北二區團練辦事處鋪戶四十家趕集期二五八貿易洋線布疋紳首倡設團學講理兩公所

雙河場 北路偏東三十里鳳頂山東麓場跨黑溪河上流屬水江鄉隸北三區團練辦事處趕集期二五八河東西鋪戶各六七間舊極窮寂近以東路黔涪邊地糜食不敷來場購運漸有交易

豐隆場 北路四十里建高峯上創自明代鋪戶四五間荒廢年久近以附近鄉團交界地聯

合防匪駐民丁建屋宇招人貿易頗有溱溱氣象屬水江鄉隸北三區團練辦事處

石牆場 北路偏東五十里清道光十五年始建稱新場屬水江鄉設北三區團練辦事處鋪

戶二十七家趕集二五八

橋塘 石牆場北十里距縣治六十里臨魚泉河下流右岸清乾隆年間創建爲邑北通涪陵

各場運販往來要道屬水江鄉民國初年設北三區團務辦事處今移石牆場鋪戶二十間趕

集期一四七

松子溪 北路極東八十里橋塘場東南二十五里踞牛心山坂通涪陵百順場

橋即平屬水江

鄉隸北三區團練辦事處鋪戶十一家荒山小市見以輸米入涪陵來往漸衆

--	--	--	--	--	--	--	--	--	--	--	--

重修南川縣志卷三

職官

前代一邑職官莫重於令邑事無鉅細上司悉委焉下民咸聽焉爲地方治亂民生休戚之本故重也然其時吏治大率由舊守法吏例是師以生事擾民爲戒雖善爲政者自折獄明允復以餘力潤色文教外別無可以見長南川不當孔道事小民懦列於簡缺最稱易治且有契稅之贏供用養廉無所用其貪黷故久於其任者受代之日恆戀不忍去若尉若學若汎秩冗位卑事權不屬備員而已逮清季變法迄於民國裁尉學汎更置徵收教育警察實業團練等員分理庶務百廢具興與地方直接有審宜立事除弊興利之權小事專決大者具條教白諸令而通行之又組議事教育農工商會號曰法團邑人劉德宣謂法團名義無稽茲仍沿公府習慣代表民意咸得參與公事集議贊策故今日究邑事利病民生得失不專責令而在諸局所及法團矣惟令位諸局員上而監督之一邑奉爲奧主上司寄以耳目各機關建畫必得令之同意主持而後易施且民氣日伸政學分黨時起爭執亦賴令居其間爲之調酌以底於平故今日令權重不若昔而事繁奚啻十倍若夫軍興督促民生憔悴左右困難加以朝任暮更來去

僕僕而欲拊循安集息嗷蘇賴豈易哉邑宋明職官可稽者寥寥清末尉學汎諸員本籍及任事年月革命之際檔案殘佚無從次第就其可知者列之所謂抱殘守闕也循良之宰輿誦未湮而事跡多莫能舉難以特傳拾其可徵者不嫌碎略著於其人之下民國軍官駐防本無理人治事之責然權力所及噢咻尤易謹書其勇且仁者與循吏比宋代職官舊志著錄者六人一爲宋準開寶中知南平軍二爲趙與邁嘉祐中知南平軍三爲孫安國嘉祐中通判南平軍四爲曹琦嘉祐中知南平軍五爲史敏孫熙寧中知南川縣六爲茹孝標元祐中知南川縣按南平軍置於宋神宗熙寧八年開寶嘉祐皆在前焉得有此軍一誤也邑在兩宋爲隆化縣先隸涪州後隸南平軍屬縣不當載統部長官二誤也綦志載趙與邁知南川縣置慈惠莊以濟民石刻可據未嘗知南平軍三誤也綦志載曹琦南宋德祐時知南平軍元兵來攻被執逃脫制置使辟主管機宜文字重慶都統趙安降遂自縊死本末甚明舊志名宦下所載略同而訛德祐爲嘉祐又不載元兵攻破被執事以下又削去重慶二字但云聞都統趙安以城降敵不注敵爲何人是亦不免疏舛四誤也宋世之南川縣確係今綦江不容牽混五誤也舊志亦明知其非因與邁安國琦孝標皆祀邑名宦故備載之竊思

宋時吾邑既隸南平諸大尹樹政績邑民即與受其賜自當奉以馨香職官則仍當以親蒞
本邑為斷

元代廢南平軍改隆化縣為南川縣隸重慶府然一代八十餘年正佐職官及他事蹟一概無

攷元代南川縣治所在
邑建置篇中有攷

明代南川縣設知縣一員主簿一員典史一員教諭一員訓導一員武職無攷又明制縣設醫
學訓術一人陰陽學訓科一人僧會司僧會一人道會司道會一人清因之由其同類公舉稟
地方官詳請上司給劄印承充無祿秩官署人微事輕舊志不載民國並廢清光緒元年重修
北門外普澤寺牆壁掘出銅印篆文鐫南川縣醫學記背注洪武三十五年禮部造九字

明知縣

楊仕新山西太原進士天順三年
任後古蹟本邑子孫克盛

劉 襄江西人成化間
任始築縣城

陳光道嘉靖
間任

唐友道任常弘治四年辛亥
據城北普澤寺碑補

伍咸修嘉靖
間任

楊 崑隆慶
間任

陳 汴河南舉人萬曆間任舊志清廉仁愛
後升山東道御史祀本邑名宦祠

龍言書萬曆二十
二年任

徐天祐

據邑東河老龍洞內重修普濟洞碑記
補碑題豫章人時萬曆十七年己丑孟冬

趙宗孟

萬曆間任

張繩皋

萬曆四十七年任

韓應龍

湖廣襄陽人天啓間任舊志稱其愛民育士時永寧土司奢崇明叛亂陷重慶遵奉川東南諸縣多破應龍設防斬

邪教邑獨無事見朱
變元恢復重慶記

李世光

湖南貢生天啓間任時教匪正熾銅梁大足綦江璧山皆失守世光糾集義勇城賴以完後以病歸

按韓李二令同於天啓間來任吾邑年代相次正當土司奢崇明弄兵時邑介重慶遵義間宜備者奢而舊志專稱其防教匪者攷通鑑輯覽載山東妖賊徐鴻儒作亂條云是時白蓮教蔓延畿輔山東河南及陝西四川明史紀事本末亦載四川白蓮教妖賊洪衆劉應選白仙臺等蠱起助賊巡撫朱變元擒捕正法蓋其時必土司教匪互相利用裹合爲一衆等所助卽奢氏朱撫所捕二令所防亦合二寇言之不必區別也

陳我獄

崇禎二年任

張明昌

據邑東河老龍洞內新鑄神像碑補時爲崇禎八年乙亥秋

明主簿

王芝

見西城外蕪子元妻王氏節孝坊又北路六十五里卓家橋明代古碑二塊一刻萬曆二十七年四月二十八日立中行刻知縣吳主簿呂典史倪示按此地去城不遠出示之官必係南川足徵明代邑有主簿也

劉尙生

據半河老龍洞碑記
補陝西涇陽縣人

明典史

縣志卷之五十一

胡文忠 省通志景泰間任丈田畝定版築潞水利邑民永賴

沈枚 萬歷問任

蕭同華 見蕭王氏節孝坊

鍾祥傅 據半河老龍洞碑記補

明教諭

王汝玉 富順貢生見迪志

吳伯一 麟水貢生見通志

阮上卿 見蕭子元妻王氏節孝坊按通志富順縣萬曆乙酉舉人官至鞏昌府同知

明訓導

朱良瓊 見蕭子元王氏節孝坊

清代職官南川設知縣一員正七品年支俸銀四十五兩養廉銀六百兩典史一員未入流年

支俸銀三十一兩五錢二分養廉銀八十四兩教諭一員正八品訓導一員從八品年各支俸

銀四十兩駐防汎 把總外委 一員年支俸銀 一百四十五兩 光緒三十一年設勸學所視學一員設警察

局警務長一員三十四年設經徵分局委員一員宣統元年設勸業員一員宣統二年十月奉

文裁駐防汎三年裁教諭訓導 知縣衙門額設衙役三十一名每名全年工食銀六兩作一作二名每名三兩民壯十六名每名八兩禁卒八名更夫五名每名六兩捕役二名斗級一名倉夫二名舖司

八塘每塘二名共十六名每名六兩以上全年共給銀五百三十兩典史衙門衙役馬夫皂隸共六名每名全年工食銀六兩教官衙門膳夫門斗共四名每名全年工食銀六兩以上全年共給銀六十兩合前為五百九十兩同官俸廩餼文武醫祭祀於正糧火耗內留支列入徵解册報

按本邑清代職官康熙元年始見於冊是時清室定鼎已十八年此十八年中邑事無片詞可考不知是何景象然重慶邑所隸也綦江涪州邑之鄰也三域有事邑未有不同之者自順治元年獻賊破渝西上重慶旋為明將馬乾曾英一再恢復三年獻斃於西充餘黨孫可望等擁衆東下所過州縣悉遭殘破然旋自黔入滇清兵追及遵義亦以孤軍不利北反漢中上下川東明諸將復分守之袁韜等在重慶王祥在遵義忠涪以下為李占春于大海三譚之屬搖蕩賊及李赤心李自成之養子之衆俱稱十三家亦攙雜其間七年後可望復自滇反黔假奉桂王遣劉文秀白文選等連年攻川明室諸將次第消滅清兵亦未得利也直至十五年可望與李定國內鬪敗走降清清兵乃自保甯分三道取黔吳三桂由重慶遵義進全川始歸畫一此十五年邑中大約井湮木刊野無居人可望輩即閒置官吏亦如蜀難敘略所稱依鄉戶多者寄食宿焉耳史氏闕文即滄海桑田之大變遷閱者能無慨然

清知縣

劉德健

湖廣舉人康熙元年任

何正蘭

福建進士康熙六年任舊志興利除弊士民咸戴祀邑名宦

全 璋 康熙十八年任

吳成龍 康熙二十一年任

喬文錦 直隸進士康熙三十六年任 舊志愛養士民祀名宦

陳學聖 浙江舉人康熙四十六年任

趙承璟 湖北漢陽縣貢生康熙五十六年任

王國定 湖南永州府監生雍正二年任

吳 烜 貴州黔西州舉人雍正九年任

許元功 乾隆三年任

谷 謙 河南原武縣舉人乾隆六年任

應士龍 江西寧都州舉人乾隆十六年任 舊志創修隆化書院講求文淵祭器又設龍川鄉學親往集諸生講授上林仰之

文運隆 江西瑞昌縣貢生乾隆三十一年任

原敬德 山西榆次縣舉人乾隆四十年任 舊志廉潔恬退在官如在家

方應禱 廣東進士康熙十九年任 舊志清廉公正祀邑名宦

沈穎錫 浙江錢塘縣監生康熙二十八年任

張景良 河南歲貢康熙四十年任 舊志養民重十祀邑名宦

張有孚 安徽桐城縣歲貢康熙四十七年任 舊志重修學校勸民稼穡祀邑名宦

徐廷宣 河南杞縣進士康熙五十七年任

徐 東 浙江寧波府舉人雍正五年任

張 暉 雲南新興縣拔貢雍正十年任

談紹芳 浙江平湖縣舉人乾隆四年任

陸玉琮 江蘇吳縣舉人乾隆十年任

冀宣明 陝西維南縣拔貢乾隆二十八年任 舊志潔己奉公興賢育才成梁除道孜孜不倦按公允善書縣署頭門鼓樓清

仲純信 山東萊陽縣捐貢乾隆三十年任

倫顯聖 廣東南海縣進士乾隆三十五年任

馬 圻 原籍出身失放乾隆四十二年任

周原李 廣東三水縣舉人 乾隆五十二年任

軒轅華南 山東鉅野縣舉人 嘉慶五年任

十八渡之漲能文章諸所修建多其 自序後調西歲死事夷人為之立祠

白士鏞 陝西舉人 嘉慶十五年任

周宏濂 湖南湘鄉舉人 嘉慶十七年任 慈惠居心與利除弊善政然

胡光瓚 湖南寧鄉舉人 嘉慶十九年任 舊志培植學校清理積弊自題大堂聯云眼前百姓即兒孫莫謂百姓可欺須留下兒孫地步堂上一官稱父母漫道一官易做須盡些父母恩情

徐名緇 江西龍南縣監生 嘉慶十九年任 舊志廣置學田增修書舍飭吏訓民殷殷然擬官箴 四語編之掌呈曰報朝廷幾事榮父母幾事寬百姓幾事留子孫幾事舊時推為名言

周際隆 直隸昌平監生 嘉慶二十一年著

張敬福 直隸豐潤舉人 嘉慶二十二年著

彭履田 江西泰和縣進士 嘉慶二十四年任 舊志蒞任十餘載操守廉潔課士殷勤捐增 書院營火補修祠廟城垣建試院置鄉學實興設養濟院惠愛之及人者深矣

吳學周 貴州安南縣拔貢 道光元年任

張瑞瀚 浙江永嘉縣貢生 道光元年任 有吏才而存心豈弟憲事詳曲成仁民養上之政時邑南秦村溝氏章紹賢羅 筆虎等皆親鄰鄉教聚聚將作亂瑞瀚用在譯把總王揚廷率鄉勇往一舉平之邑廊榜楊榮封作張賢侯紀略

記曰少靈張明府浙之温州人也自少有 大志援例以同知用戊子夏攝篆斯土下車之始

盛麟 江蘇婁縣舉人 乾隆六十年任

蔣作梅 廣西桂林縣人 省通志作灌陽進士 嘉慶九年任 舊志實心任事培修文武二廟首纂縣志修半河山路以避四

康汧 山西進士 嘉慶十五年任

張聰慧 安徽舉人 嘉慶十六年任

羅涓 山西介休縣監生 嘉慶十八年任 建設濟倉以賑窮黎

楊國棟 浙江山陰嘉慶二十一年著

涂鴻儀 江西新城縣進士 嘉慶二十三年任 年少辦事真心愛民政簡刑請至今茲之

黃繼修 廣西靈川縣舉人 道光五年任

溫溫無所試或旬日不決一事或一日而決數十事人咸異之居無何邑有閩秀不白於堊語者公勤勤懇懇一再鞫之廉得遺語者置於法兩造俱心折公乃諷吉合好於堂徹已興蓋送之歸當是時觀者如堵蓋不特身受者之族氏頌公德公而已而公則心憂之曰以姻好而仇讎若此是尙有人心風俗哉毋亦學校未明而教化之無方耳因念書院者教化之本而學校之始事也緣於公暇進士子而課盈虛計所入僅足償所出設管鑰一非其人重以豐歉之不可知此舉必至於終廢爲沉思者久之先是邑之伯枝壩正南土著頻年擾害兩省大府親臨其間以地界南而又恐重貽之禍用是沒入於官爲東川士子膏火所以弭爭也會覲覲者委曲詭詞於渝迨郡守有售直之檄公特割俸易之以資隆化曰吾將與諸生更始也又無何邑之東隅與黔接壤者惑於異端浸謀不軌事機已露邑之人爭走避焉公曰彼固吾赤子也披肝膽以示之安知不悔過自新也乃未幾而敢於縱火矣敢於殺戮矣敢於抗拒矣蓋其積漸非一日而錮蔽者深矣公乃慨然曰殺人者倖免非刑也左道者不誅非政也以聖人之世而有叛逆之民非治也巉崖幽谷之鄉虎豹豺狼之性而守土者不能制非勇也乃會營弁率勇壯殲厥渠魁賢哉明府宜士女之遮道歡迎願見顏色也語

曰太上變化之其次利導之其次整齊之然後知公之不以事擾者才浮於事臥治之而有餘也則凡正人倫卽以正人心也崇學校卽以厚風俗也滌瑕蕩垢廓清境內皞皞乎登斯民於春臺而爲而不有有而不居使人知其然而不知其所以然耳而目者迄今稱道不絕

云

劉觀度

山西聞喜廩生
道光十一年署

鄧仁埜

湖南武岡州拔貢
道光十五年代理

唐金鑑

廣東新會縣進士
道光十五年署

觀成

滿州正白旗舉人
道光十五年任
舊志清廉愛民不輕准訟

汪耀文

浙江歸化縣舉人
道光二十年署

何咸亨

江蘇婁縣進士
道光二十一年任

金渭鏐

湖北京山縣進士
道光二十三年任

恆泰

奉天滿州拔貢
道光二十二年任
舊志勤理訟獄

邵文駿

廣西舉人
道光二十三年署

魏崧

湖南新化縣進士
道光二十四年任
咸豐四年始去中間更調

蕭鹿萃

直隸靜海縣拔貢
咸豐元年署
舊志居心仁厚務以德化

許延祐

廣西臨桂縣舉人
咸豐四年任
性仁厚受土重農訓令魏崧持才酷暴縱庇書差蹂躪紳士被許撤任士民憤集火

其德政坊幾廿廿心延祐溫慰蠲散下車盡反所爲人情以安任任時東南邊界有黔匪楊蔭喜之警辦軍需治圍練邑中漸多事

王臣福

山西汾陽縣舉人
在任約六七年咸豐五年任
好文禮士適當兵事擾攘之際石達開兩次臨城近則黔中正安燭

梓上匪鋒起雖未深入邑境震蕩時須防堵官軍來去無常供億不絕四鄉團練旗幟相望勞持拮据殆可想見公才不長於兵富石氏以如山如湖之衆憑臨最爾竟能保全良由天幸然公以勤勞得民心率士紳固守亦可謂盡瘁矣後祀名宦

澤寬

湖北荊州駐防鑲白旗滿洲附生
咸豐五年代理

蓋奇文

甘肅中衛縣舉人
咸豐五年署
舊志整飭學校案無留積月課捐廉優獎又捐廉倡修城西龍濟橋

楊昌錦 吉州平越縣拔
官同治二年署

鄧文治 江西宜黃縣監
生同治三年任

鄧 翔 江西臨川縣監生
同治六年代理

徐傳善 廣東廣州駐防正黃旗漢軍官學生同治六年任魯志愛
士恤民有聽斷才助塞上鄉試資斧甚厚去任士民賦詩

田 慶

劉敬業 貴州安化縣舉
人同治七年署

黃際飛 廣東文昌縣監生同治八年任中更調數次光緒九年去任公文謬寬弛平易近人豪紳蠹役不免縱肆然最急公益邑中惠民恤
上諸公業常款或為所創設或為所增益率先捐俸釐定條規其最為上司嘉許士民感頌者曰學田及三費先是邑兩學官俸薄

持歲計小試研進文武童生以銀為資然後備卷送復籍資者亦需四五十兩往往哭途窮公乃倡捐勸募及撥津捐餘款買田收租一千四百
六十小石為教官常年薪水及三年兩考送試之費其撥入府學者亦就銀七十兩以後入學者通費錢二三十緡而止督學張文震作勸置學
田說舉南川為各縣法三費見建置志公後由南川升知涪
州沒於任二邑皆美缺而宦囊無餘資其仁廉有足稱者

知縣黃際飛學田碑記

邑自明季兵燹後教化凌夷我朝崇儒重學聖相承二百餘年雅化涵濡罔不家絃而戶
誦特民貧地瘠歲科取進文武學二十餘名大率寒畯居多而兩廣文薪俸無幾全賴新進
諸生束修以助薪水無如境遇有限往往非咄嗟能辦取之雖不傷廉與之者每不勝其苦
矣公暇籌畫欲得一舉兩全之策莫如興學田商之孝廉徐君大昌駱君國恩咸稱善焉所
需甚鉅不能不藉資羣力乃傳殷實紳糧委宛開導使其量力酌捐而饒裕者莫不踴躍從
公樂襄盛舉復札飭二里甲保就近勸捐未逾年計得錢一萬八千一百六十緡有奇買業

凡十八處入租九百八十餘石又買穀填滿倉數撥出前買濟倉田五處連雜費共去價錢五千四百二十千得租二百五十餘石又撥傅垣西填還公帳之田價三千一百二十千得租一百四十餘石合三起田業二十六處共入租一千三百九十餘石歲揀公正紳糧責成經理而廣文一缺較前頗覺豐厚寒士進學亦不至終身負累矣從此士之遊庠食餼出貢起服銜科等事貧富均不費一錢其感興鼓舞更當何如耶除妥議章程備由申詳立案外質敘其崖略以壽諸石

邑歲貢生唐銳置學田記

國家重熙累洽二百餘年士氣奮興蒸蒸日上復漸廣學額歲科兩試名數較多於舊一時新取諸生與考列優等者必謁見學師仰資印給以登冊籍學師祿入既薄凡筆墨所需不得不取償於士士亦樂於承應以供學師之求情也亦禮也顧爲數之多寡不齊而各生之貧富靡定稍足於財者固無難色而其中寒賤之士往往竭蹶力辦而莫由從此負債受累不得已日求謀生因不復上進曠學而困於青毡者有之况每年所取新生富者或僅二二三而貧者輒居七八毋亦造物之意特假一介微名以償寒士而於富者故靳之耶此亦事之

不可測者也瓊州黃鶴翁刺史於同治己巳歲蒞任南邑培植學校備極殷勤數年中登賢書者有人捷南宮者有人古稱一邑人材半成就於良有司者此論誠不誣也歲甲戌集諸鄉紳而謀之撥別項公款復示士民樂輸得資萬餘金有奇買田額租以爲新進食餼出貢加廣之費及舉優報劣丁憂起復援例出學錄遺申文節孝義烈一切學中事件亦備於中按月致送學師無虞難繼下至書役諸人亦按歲給穀不使再索分毫於士勒碑列款眉目朗然而士之日勤本業無他顧慮者自得專力於學則學田之有裨於士豈淺鮮哉夫以數百年未有之舉而一旦有之則其事創以百餘州縣所未籌之款而吾邑獨籌之則其事尤易傳倘閩省之大果倣此以行之則我賢侯學田之利不特惠一邑且惠及全蜀矣可大可久其在斯乎現逢補修邑乘諸人士咸曰此事不傳無以勸吏治且欲使蜀之州縣皆欲仿此以濟多士也因記其略如此至奎閣之崢嶸膏火之豐盛與夫賓興之仗助皆有邑人士之口碑在不復贅

唐楚翹

湖南東安縣增生光緒元年署

牟思敬

貴州人光緒四年署明察果斷矯前令寬池之病約束吏胥風裁凜然去任邑立廉公有威德政碑頌之近世長官

卸任製繳立碑阿諛頌禱邑中亦成慣例多一二豪紳爲之鄉民不聞也惟王牟黃張數公庶幾無愧

何貽孫

雲南人光緒九年署

張

濤

雲南昆^明縣學大光緒十年五月任在邑調關差兩次合計十年習知地方風俗情偽事認真能得要領而有感^謝洞^洞奸^奸開^開府^府則^則悉^悉不^不待^待請^請也^也片^片言^言不^不待^待辯^辯也^也惡^惡役^役紳^紳忠^忠素^素我^我官^官法^法偽^偽出^出硃^硃單^單竊^竊威^威舞^舞弊^弊公^公下^下車^車稔^稔知^知之^之忠^忠橫^橫如^如故^故因^因事^事執^執干^干城^城隍^隍廟^廟對^對神

杖之三萬餘不死熟之記半日乃絕諸虎冠揚揚者不寒而慄半溪溝民符堂二木工也久備族人某家與其婦私某病死堂二遂葬反冒得某魂附身親^親鄰^鄰里^里會^會集^集多^多方^方警^警語^語動^動作^作及^及諸^諸秘^秘事^事毫^毫無^無破^破綻^綻始^始初^初伴^伴疑^疑而^而終^終傾^傾信^信遂^遂食^食宿^宿焉^焉惟^惟伯^伯兄^兄獨^獨懷^懷疑^疑某^某患^患交^交費^費勢^勢不^不能^能禁^禁認^認之^之官^官亦^亦為^為意^意聽^聽成^成夫^夫婦^婦數^數年^年矣^矣諸^諸以^以神^神道^道惑^惑衆^衆之^之徒^徒來^來觀^觀者^者日^日闕^闕於^於門^門搖^搖惑^惑濫^濫費^費無^無幾^幾家^家日^日耗^耗二^二益^益縱^縱肆^肆虐^虐前^前夫^夫子^子女^女伯^伯兄^兄不^不堪^堪聞^聞公^公明^明察^察復^復證^證公^公怒^怒一^一詢^詢吐^吐實^實并^并婦^婦責^責逐^逐以^以子^子女^女產^產業^業付^付其^其伯^伯兄^兄衆^衆始^始大^大悟^悟蓋^蓋公^公之^之簡^簡重^重直^直截^截聽^聽以^以聲^聲色^色人^人亦^亦懷^懷其^其聲^聲色^色魍^魍魅^魅駭^駭神^神先^先餒^餒而^而形^形自^自露^露也^也邑^邑差^差廉^廉徐^徐大^大昌^昌以^以文^文章^章才^才氣^氣雅^雅見^見推^推重^重然^然不^不敢^敢及^及私^私植^植文^文化^化不^不遺^遺餘^餘力^力初^初至^至即^即捐^捐銀^銀六^六百^百餘^餘兩^兩製^製文^文廟^廟樂^樂器^器集^集諸^諸生^生習^習禮^禮儀^儀數^數月^月後^後每^每祭^祭前^前一^一日^日必^必親^親率^率演^演習^習始^始終^終不^不以^以他^他事^事廢^廢一^一月^月數^數課^課十^十時^時外^外兼^兼試^試詩^詩賦^賦雜^雜文^文稅^稅加^加評^評改^改獎^獎資^資優^優厚^厚以^以邑^邑士^士不^不識^識古^古經^經古^古語^語岳^岳氏^氏相^相臺^臺刻^刻本^本數^數百^百部^部通^通作^作之^之後^後遂^遂款^款建^建專^專經^經書^書院^院延^延名^名師^師調^調優^優生^生常^常住^住愛^愛才^才尤^尤甚^甚遇^遇寒^寒十^十解^解衣^衣推^推食^食公^公款^款委^委謙^謙厚^厚紳^紳士^士管^管理^理自^自熟^熟會^會計^計無^無能^能侵^侵蝕^蝕者^者刻^刻公^公業^業闕^闕說^說八^八卷^卷垂^垂後^後開^開半^半河^河山^山路^路二^二十^十里^里整^整崖^崖燬^燬石^石化^化為^為康^康莊^莊公^公體^體豐^豐碩^碩類^類徒^徒行^行惟^惟步^步橋^橋水^水旱^旱數^數十^十年^年不^不懈^懈意^意念^念精^精誠^誠邑^邑自^自咸^咸同^同仰^仰後^後歷^歷十^十餘^餘年^年公^公至^至而^而元^元氣^氣始^始復^復歲^歲除^除民^民安^安及^及去^去旱^旱嘆^嘆盜^盜賊^賊駭^駭萌^萌樂^樂時^時局^局漸^漸不^不佳^佳矣^矣公^公起^起寒^寒士^士年^年十九^九登^登鄉^鄉薦^薦文^文詞^詞敏^敏辯^辯喜^喜吟^吟咏^咏與^與幕^幕友^友唱^唱和^和理^理案^案時^時一^一鄂^鄂楓^楓三^三四^四首^首善^善用^用韻^韻諷^諷諷^諷人^人咸^咸走^走且^且云^云惜^惜無^無遺^遺稿^稿今^今訪^訪得^得去^去任^任贈^贈別^別一^一篇^篇錄^錄後^後以^以誌^誌遺^遺愛^愛

知縣張濤留別南川縣士民

蟋蟀善吟秋鷓鴣善啼別二物自微族亦能識時節非必鳴不平有感聲淒切入耳弗關心
心真石與鐵我心既匪石此別能無惜驪歌已在門回首懷疇昔下車迄今日十年匪朝夕
素餐少建樹愆尤等山積士民遇我厚相見皆以心事關養與教衆撐方易行慷慨齊解囊
踴躍各輸金助我一臂力絃歌有餘音我思古良吏所貴易風俗食稅還衣租鄙人愧碌碌
臨別當贈言近爲邦人述良田種稻梁莫再植罌粟南俗素勤儉奢惰非所憂物力日已屈
道當反本求舉室吸鴉片禁戒當回頭本源能澄清餘者皆順流諸生誦經史要希賢與聖

爲學博反約操行大而正漢宋宜兼師言行貴交慎足不履公庭儒生名乃稱催科付里胥
最爲閩里害擾擾雞犬驚衙蠹串無賴後之賢有司自必深仁愛猶望縉紳中條呈相告誡
我慚福祿薄草木易衰朽親手調苓芎弱質等蒲柳隱疾歸故鄉故鄉免奔走士民餞我行
飲我一杯酒我辭士民去歸臥滇山巔翹首望南邑萬山渺雲煙極目不可見掩面淚漣漣
士民如念我聊寄詩一篇

周翊運

光緒十七年六月代
署十八年五月去

樓藜然

浙江諸暨縣舉人十九年六月代理十二月去儒雅清廉
別除弊竇懲治吏役不稍假貸審訟俾民盡詞而後以

折之不似張公之簡決其扶善嫉惡同也遂經學文尙高
簡每課士諸生稿未半擬作出矣雖在任日短輿論翕然

袁桂芬

貴州貴筑人十九年十二
月署二十一年二月去

倪錫庚

浙江拔貢二十一年二
月署二十二年二月去

雷登閣

陝西郿陽縣副貢二十二年
二月任二十六年七月去

雷橡榮

陝西韓城縣人二十六年七月署次年八月去時承前任庸
軟之後強盜敢行焚劫人心惶駭公捕而痛懲之鄉閭稍定

孟桂庭

直隸優貢二十七
年八月署年滿去

廣厚

旗人二十八年七
月署二十九年去

劉于禮

二十九年六月署
三十年八月去

楊燦

湖南清泉縣廩生三十年
八月署三十一年八月去

何丙辰

安徽舉人三十一年八
月署三十二年四月去

呂森

廣西桂林縣進士三十二年閏
四月任三十四年十二月去

汪承第

江蘇鎮洋縣附生光緒三十四年十二月署宣統元年五月調省公性峭直無一毫私曲行坦率無一毫矜飾署無幕友僚從惟親
信二人助理案牘食宿後終日自坐門房民呼冤吏白事開即出應見則與語口決手批須臾畢事客至無聞人傳達直入門房

於所遊手酌茶奉之如廁居奉客則吸一出入悉聽自便一足微蹇不時巡街市遇賭博者詬詈者服裝詭異者手持鴉片具者深交狎遊交易不平者舉棍痛擊過此亦不復問議公事獨步赴諸局所衣貌粗陋人罕識者及遇國家典禮則乘輿鳴道巍然長官矣始至歲抵各鄉市道路爭傳汪大老爺查填不法之徒咸備備欲跡若千百化身者然實未出城門數里究其謠駭之由乃公察街令人不測所至時方嚴鄉戶度歲宰豬漏筮之禁筮票交保正發收保正倚之資無賴作威舞弊窮民稱肉數斤亦被查拿非如竊盜以酷罰報其人素有局面公震怒痛杖六百因之於是勢豪革面者一洗心預備立憲詔下百廢待興公銳甚將盡力整頓如以猛藥攻積痞諸紳管公虧挪積欠立督核算不匄自繳禁煙於是皆讓驟進次年三月邑煙局員苛虐貪鄙經局丁市痞截路拿私勢同搶奪局中日夜聚賭羣小靡集邑人恨刺骨公亦惡之遂警員楊等馬少年氣盛夜率警兵入局以賄批至縣署街民蜂擁擊公出諭解散徐使典史陳金護歸局員奔訴於涪州總局長守之哭局長揭公總使途解任時邑初設經徵收契稅公游事僅四月因不能歸猶考試高小校學生給書扇獎資邑紳斂銀二百兩購公謝弗受寓貨於渝城育號聞公父曾任廣東知府公亦久遊大僚幕在川屢攝縣篆而負債甚重趙督爾巽初怒公終以爲廉能是年冬署永川宣統三年春雙流同志會發難公懲辦嚴厲屢有誅戮十月省城兵變公亦解任匪徒追戕之於道清未革命之變外官殉難者寥寥特旨贈知府

記者曰州縣吏爲親民之官能與民親雖不中亦必不遠與民隔如日月之下有霾翳焉視其所蔽之廣狹辨壅害之多寡雖至察不能無闇而况於矚近忘遠乎他有刑幕有籤押有門印有書差一尺之牘出入經數輩手若梯階然而公以一身了之士民謁訴如子弟見父兄親之至也又公政疑火烈然是時清鼎將革桴鼓徧地雖懦吏不能無誅公履任百餘日獨不聞有押市處決事亦自誓不忍殺人易曰小懲而大誡書曰刑期無刑今茲之政欲民鮮死吾思子產

孫守正 浙江紹興縣監生宣統元年五月署二年九月去

唐之聲 貴州貴築縣監生宣統二年九月署三年十月初二北路革命黨入城遷之普澤寺月餘始派人護送出境

典史

王朝珍 直隸人 康熙四十五年任

沈芳 浙江人 康熙六十年任

何仕懷 江西人 雍正十二年任

桂光國 浙江人 乾隆二十年任

潘觀龍 江西人 乾隆四十年任

楊鈞 直隸宛平人 乾隆五十七年任

朱廷獻 浙江人 嘉慶五年任

葉萬青 浙江人 嘉慶十一年任 舊志緝捕有方 佐理得宜 在任二十有餘年 卒

孔毓珍 山東寧海人 嘉慶二十二年任

涂偉駿 山東博山人 道光八年任

葛景夔 浙江仁和人 道光十年任

胡海昌 山西介休人 道光十七年任

魯步瀛 浙江會稽人 道光二十一年任

沈立 浙江人 康熙五十四年任

蔡渭 順天大興人 雍正十一年任

柳文光 直隸密雲人 乾隆十年任

余鑑龍 順天大興人 乾隆三十二年任

鄧聯奎 江蘇無錫人 乾隆五十年任

魏步雲 陝西人 嘉慶二年任

鄭煥 安徽人 嘉慶十年任

張廷桐 河南太康人 嘉慶十七年任

黃孝焜 安徽休寧人 嘉慶二十二年任

余良江 江蘇武進人 道光十年任

謝丙奎 順天大興人 道光十一年任 舊志廉謹自持 恂恂樞雅 久佐琴堂 民懷善政 縣尉中之傑出者

班士升 陝西富平人 道光二十年任

蘇萼 安徽石埭人 道光二十一年任

南川縣志

卷三 清代

九一 首都明明印刷局承印

趙德清 江西泰和人道光二十六年任

屈兆祥 陝西韓城人道光二十七年任

黃澧 順天昌平州人道光二十八年任捐俸置太平釘於街市以備不虞邑人咸以為惠

袁鴻宣 湖北黃陂人咸豐四年代辦

魏鉅 咸豐五年署

龍行雲 郎岱廳人咸豐六年任

劉勳 浙江山陰人咸豐十一年任

楊作楫 陝西富平人咸豐十一年任中更調數次至光緒中年病故在邑約二十年以外

周鼎銘 江蘇武進縣人同治六年代理

葉福會 浙江錢塘人同治九年任

李鴻恩 山西絳州人同治十二年代理

沙迪康 江蘇人光緒十二年任十七年丁憂去

徐杰 光緒十七年署

嚴世昌 浙江人光緒十八年任二十四年去二十五年復任二十七年去

王治 光緒二十四年署

陳金 光緒二十七年任三十二年去次年復任至宣統三年革命去以素性柔和邑人悅之不加侵犯

吳光奎 光緒三十二年署

教諭

何獻珍 浙江舉人康熙三十二年任

余開泰 成都舉人康熙三十八年任

陳元岳 萬縣貢生康熙五十九年任

徐值 資陽拔貢雍正三年任

張懋敏 遂寧副榜雍正十二年任

李樾 壽山拔貢乾隆八年任

傅亮叟

巫山解元乾隆十三年任

田澍霖

閬中舉人乾隆二十一年任

李陞俊

郫縣舉人乾隆三十五年任

侯於郇

營山舉人乾隆三十一年任

葉光宗

渠縣副榜乾隆三十七年任

余璿

郫縣拔貢乾隆四十二年任

周南

成都舉人乾隆四十三年任

廖希賢

金堂舉人乾隆五十四年任

鄧廣

永寧舉人乾隆五十六年任

張謹度

新繁拔貢乾隆五十六年任

王翊中

青神副榜嘉慶六年任

朱煥

邛州拔貢嘉慶九年任

婁佩蘭

漢州副榜嘉慶十六年任舊志素行端方賦性仁厚粗衣淡食口不言貧有古人風成就南邑人材極多有鄉黨文暨鄉黨講義諸書

胡淑南

慶符慶貢嘉慶十六年任

陳善書

富順歲貢嘉慶二十二年任

譚仁源

榮縣副榜嘉慶二十二年任

王步奎

簡州舉人道光十五年任

楊繼忠

瀘州舉人道光十六年任舊志培養士類訓課有方佐修府志廣為採輯多補舊所未備

常世璧

成都慶貢道光二十八年任

王用霖

字悅堂成都副榜道光已酉任舊志樸訥寡言品端學遠誠心教士人咸欽之在任十年告歸

許殿揚

華陽慶貢咸豐八年任

周能真

字樸齋宜州副首舊志性純篤勤課時值戎馬倥傯與謝學馮允謙勸捐軍餉匡邑令所弗逮賊臨城下親率邑紳登陴守禦晝夜弗懈

曾友德

新寧慶貢同治八年任

黃芳馨

字桂山綿州附貢光緒元年署舊志性剛儷喜吟咏有膽識勸學課監修縣志於忠孝節烈倍加意焉清年滿卸任

去

劉家駒

調中慶貢光緒三年

李樹勳

蓬溪貢光緒元年任

廖尙青

光緒四年任

林瓊

李起世

資州副貢聚徒教授絃歌滿室於士類極其親洽愛護

宋元樞

屏山縣慶貢以團練軍功保舉

陳九珩

富順縣副貢光緒十四年任

余樂盛

宜賓縣副貢署

李培仁

光緒十七年署

陳桂林

金堂縣慶貢

梁仲舒

蓬溪縣舉人兼任高小校長

李盛堂

宜賓縣舉人

訓導

康熙元年設

冉裕懋

西陽貢生見通志

魯宏中

平武貢生見通志

梁言

銅梁歲貢康熙元年任

馬如相

西充歲貢康熙二十八年任

周弼酉

洪雅歲貢康熙三十二年任

歐仲清

渠縣歲貢康熙四十九年任

蹇成椿

屏山歲貢康熙五十三年任

樂綱

南溪歲貢康熙五十六年任

陳璽堯

雲陽歲貢雍正六年任

陳俶

雲陽歲貢雍正十年任

譚孔信 萬縣歲貢 雍正三年任

陳于朝 遂州歲貢 乾隆四年任

劉仕偉 平武貢生 乾隆十九年任

蔣元宇 茂州人 乾隆二十二年任

楊國柄 彭山歲貢 乾隆三十年任

任文燦 灌縣歲貢 乾隆四十四年任

鄧榮舉 內江舉人 嘉慶元年任

張懷瓊 合州舉人 嘉慶十七年任

王守成 長寧舉人 嘉慶二十四年任 舊志性情醇厚 課十殷勤 邑中沐培植而邀鄉薦者數人

劉鴻光 璧山舉人 道光十年任

任瑞 彰明歲貢 道光十三年任

許士清 會理歲貢 道光十八年任

林炯 南充歲貢 道光二十一年任

陸化熙 冕寧歲貢 乾隆二十年任

饒裕 茂州歲貢 乾隆七年任

高雙元 綿州歲貢 乾隆二十一年任

劉廣宏 忠州歲貢 乾隆二十四年任

李其謙 通江舉人 乾隆三十三年任

陳世傑 新津舉人 乾隆四十八年任

徐堂 巴縣歲貢 嘉慶十七年任

李贊揚 西充歲貢 嘉慶十八年任

李觀光 安岳舉人 道光七年任

馮廷良 永寧歲貢 道光十一年任

張昱 新寧舉人 道光十七年任

熊澤基 新都舉人 道光十九年任

胡國瑞 忠州歲貢 道光二十二年任

湯耀昌 改都尉自道光二十五年任

改修城隍廟會侵占資興公地與學衆構訟邑令某有借押
急成不以具罪誰獨持不可上須得保全在任十九卒

馮允謙 字地山商州舉人道光二十八年任舊志稱才課士守己
不阿前邑令某撰疑士類文風不振謙盡力扶持同治間

江之屏 大足縣附貢
同治六年署

陳玉璋 會理附貢同
治五年署

冉正綱 太平舉人同
治八年任

王培楨 郫縣舉人同
治七年任

羅恆義 雙流廩貢光
緒元年署

王文燮 眉州歲貢同
治九年任

甯熙載 成都歲貢光
緒二年任

陳超然 安居恩貢光
緒元年署

林尙綦

王一貞 華陽舉人光
緒三年任

蔡玉成 華陽縣
優貢

蹇忠輔 光緒八
年任

毛際雲 資州舉人光
緒十七年任

蔡時攀 資州
歲貢

唐培齡 威遠縣
舉人

蘇廷勳 三台縣舉人在任久兼任專
經書院山長工時藝勤刪改

專城汎 道光以前均無考

王明福 行伍故補都司
道光元年任

高 俸 司哨道光
六年任

吳國柱 外委道光
四年任

周澤普 司哨道光
七年任

楊履亨 把總道光八年任

常金 千總道光九年任

湯聯陞 千總道光十年任

謝元培 司哨道光十一年任

陳五鼎 武舉補把總道光十二年任

萬承恩 世襲雲騎尉道光十五年任次年去二十九年復任

牟慶元 世襲雲騎尉道光十六年任

黃成圖 把總道光十七年任

保得功 世襲雲騎尉道光十九年任二十八年復任

張秀輝 司哨道光十九年任

廖慶堯 武舉拔補把總道光二十一年任

馬成功 把總道光十二年任

陳朝陽 外委道光十二年任

謝懷芳 把總道光十三年任

馬應祥 額外道光十八年任

徐占魁 千總道光十八年任

馬中馴 把總道光十八年任

杜鑑 外委道光十九年任

張兆祥 把總記名千總道光三十年任

李連升 藍翎儘先外委成豐二年代防

牟萬鎰 雲騎尉成豐三年代防

陳琅 把總升用千總成豐六年任

李占春 儘先外委成豐七年代防

周占熬 把總成豐八年代防

朱亮彩 儘先記總成豐十年代防

馬光裕 儘先都司成豐十一年代防

達飛鵬 把總備先守備同治元年任六年十一年復任舊志字雲程成都人世以武功顯性篤實多隱德雅歌投壺有儒將武喜接文人衛民有方髮黔兩匪之亂襄辦軍務盡力

包得勝 備先守備同治五年代防 王桂林 恩騎尉同治十一年代防

劉燦葵 雲騎尉同治十二年代防 黃得勤

蕭謙仁 牟失名

何源 遂寧人善快書 何正源

郭玉龍 杜祖春

溫仁樹 巴縣人 萬雲程

王興邦 吳興三

劉祖佑 麻鳳五

章才椿 本邑人 丁鴻恩

姚繼元 華陽人

經徵分局委員

駱本釗 廣東省拔貢光緒三十四年十月任 趙永清 浙江省人

全鼎元 安徽人

勸學所視學員

劉明昭 本邑丁酉科故貢朝考一等陸軍部主事光緒三十三年任

康敷政 本邑歲貢生宣統元年任

羅祖澤 本邑附生派遊日本宏文學院宣統三年任

警察局警務長

吳光奎 邑典史光緒三十二年兼任

陳金 邑典史光緒三十三年兼任

廖貞祥 宣統元年委

楊玉崙 宣統二年委

勸業所勸業員

夏慎徽 涪州舉人宣統二年勸業道委任

章汝楫 本邑人省勸業養成所卒業宣統三年委

民國職官職員 附所屬辦公人數差委各員不理民事者不載

南川縣設知事一員月支經費銀七百七十圓實支七成由徵收局按月開支所屬承審員一人案牘科長一人統計課員一人 十四年十一月裁 庶務員一人收發員一人民事股長一人股員八人刑事股長一人股員八人刑作一名左右班差隊各三十名 典獄署管獄員一員月薪五十

二圓實交七成所屬書記一人管鑰一人禁卒八名 徵收局長一員月薪一百八十圓所屬
雜稅股股長一人股員十一人契稅股股長一人股員一人雜稅股股長一人股員一人書記
股長一人股員一人 教育局局長一員月薪六十圓視學一人 見增一人分查全縣學堂 文牘一人收支
一人學區委員五人會計一人收發一人書記一人 警察局警佐一員月薪四十圓文牘一
人庶務一人司帳一人文發一人錄事一人巡長一名巡警十名燈夫一名清道夫四名 實
業局局長一員月薪四十圓勸業員一人文牘兼統計一人會計兼庶務一人雇員二人 團
務局局長一員參議十人文牘一人庶務一人司帳二人書記二人收發兼管卷一人調查一
人

民國元年革命之初邑人協議就舊典史署改設裁判所舉庭長一人陪審員數人專理民刑
訴訟旋奉文改司法署司法蜀軍政府委人是年秋奉文裁撤訟獄刑名歸縣知事兼理

按管獄徵收以下六員輔助知事爲佐貳分理庶務與舊學廳汎相當特前代自隋以下厲
行專制集用人之權於中央雖九品流外必命白朝廷銓於吏部又必易地以防流弊今則
稍復漢晉六朝之舊由長官辟署委任以名上聞或卽用本地人由地方團體公舉上請加

委爲不同耳至各正佐所屬皆有遞承襄事之人備官府八職自隋以來曰幕曰吏不得列於有位而且無祿準之古代則周禮之陳殷置輔孟子之庶人在官漢之斗食佐吏之屬也民國國體人人平等總統而下惟以職任爲區別無尊卑階級故凡出身服務者俱有夙夜在公之勞不容以其卑近而沒之古者通稱辦公之所爲官辦公之人爲吏所辦之事爲職周禮序官六官三百六十職都計二萬五千二百餘人前漢書百官表自丞相至佐史凡十三萬二百八十五人今倣其法悉載人數於篇用昭民國選賢與能天下爲公之體制

民國委任縣知事及知事佐貳職員法 民國三年大總統制定省官制第十六條巡按使

後改稱省長於所轄及政府委任各高級官吏縣知事在內按六個月將辦事成績出具密攷呈報大總統

攷核第六條凡各縣知事由巡按使呈請大總統任免並咨呈內務部 道官制第五條道

尹於所轄縣知事遇有事故或出缺時得委員代理并就分發該省之知事內遴舉數員詳請巡按使核擇薦任之 縣官制第七條知事得自委掾屬其置掌員額詳由道尹轉詳巡按使校定分別敘等註冊并咨呈內務部

民國十年四川川康督辦兼省長制定澄敘官方及輪委縣知事辦法縣知事資格五項（

甲) 在國內外專門以上學校畢業具有政治學識經驗者(乙) 曾經繼續荐任任職一年以上或委任任職三年以上確有成績者(丙) 曾於民國辦事有勤勞而具有相當學識經驗者(丁) 分發或保舉人員(戊) 各方面保荐人員經省長核准以知事錄用者以上五項資格遇缺出依次各補一員周而復始日試署任期一年為限其成績卓著者應予久任

縣知事

熊鄧隆 字兆飛本省新寧縣人宣統二年渝城川東師範校及中學校為革命黨人黨日鄧隆任教員九月下旬與邑學生數人潛至石牛門內迎入衆議鄧外縣八學為領事雖提而未得外耗人心搖駭時有影報鄉團喜事者絡繹至爭功索餉頗難應付鄧降性平善與邑人相共濟日安定十一月十三日為民國元年朔日蜀軍政府委歐陽恣來代鄧隆返渝任監察院事

歐陽恣

渝州人日本農桑學校畢業民國元年一月一日受蜀軍政府任始稱司令有膽略敢於任事革命之初內部分子複雜張恣不避危難折以理頭以威大局幸未破裂深倚賴之三月與熊鄧隆俱不受薪俸時邑務倥傯議推邑人韋蔭村任副司令其他分理重事者或稱某部建全蜀大定始奉軍政府文改設今制

鄧篤

字熙伯渠縣人川東師範校學生初借熊鄧隆來邑舉事革命成功任司法旋以事請假去元年秋接任知事時革命初定中央及各省漸立法制一事權為沉靜明瞭不激不懦二年九月重慶鎮守使熊克武紳士楊庶堪起兵應江西二次革命篤去

張惠風

駐邑第五師教營長委任視事十一日交代去

顏孔鑄

公推擬纂黔軍分道攻渝者始絡繹至孔鑄善於接待藉免騷擾邑中患盜始自光緒季年然不敢顯抗長官拒軍隊及入民國每

涂德芬

長壽人二年九月末奉熊楊委任視事二十日聞渝城失敗乘夜隨軍隊去

保全槍枝為幸近年軍事相定桴鼓西鳴聲勢洶洶城門且將書閉孔鑄奮力擒捕冒險察場果於誅戮於勢豪私黨夙稔其惡者毫無瞻顧鄉

民國之喜理辭訟不用部審案無留牒二年二月
去任五年七月以北軍驟退又接自視事者六月

李文敬 奉節縣人川東師範校畢業生
民國三年二月署八月卸事去

馬傳綸 湖南長沙縣人四川武備學堂畢業生三年八月
任時值兩歲旱飢呼鄰環集請賑籌款竭其心力

王承樑 浙江紹興縣人四年六月任先以遊幕來川嫻習法令處
事練達重輕適當值北軍來南一切供應預借團保紳首

譚畫措登兼隨地方事集而人不獲
辰五年六月以北軍將歸先解任去

董炯鑑 成都人五年六月駐邑北軍
委令暫代縣篆十餘日交卸

馬元焜 直隸人五年六月末北軍
委任暫代七月初交卸

吳永熙 五年十一月任
六年四月去

張 鈺 湖南人六年四
月任七月去

陳嗣煌 巴縣人六年七月任值黔川之爭駐邑黔軍撤防匪類肆
行團練不振人心惶惶以不要錢不怕死二語自勵說意

鄧邦植 涪州人七年八月任長於聽訟從容詳審曲
得其情使仕於平世亦材吏也八年六月去

姚文瀚 江蘇陽湖縣人民國六年
十二月任七年八月去

姜家場六處匪棚林立日夜捉人居民竄避地保乘賊入城雲下車方十餘日短衣草履親率警備隊團練局了所至調集鄉團合千餘人同
團練局長劉成渠大舉清鄉既歸復出幾危於煙廠坡八仙橋深人巢穴分路搜查或用計擒或說明仗先後獲匪首數人者數十人其餘分

胡 靈 字炳權隴縣人民國八年六月來任言貌外似平庸內
饒膽略謀慮時邑羅洞坪鳴玉場冷水關石牛溪乾豐塢

散遠被捉富民悉資送回籍凡在外兩月餘地方稍獲安靜鳴玉鄉人為立長生祿位於石龍廟清季匪徒雖悍不敢抗官民國不然此時之
警備隊團練局丁亦弱不足倚五日京兆本可畏難而止非慷慨為民置身命於度外必不冒此險也民國兵器不戢豪強結黨開擄殺之風長
官多敷衍了事冤橫莫伸靈遇案持法窮究不稍囁嚅亦時幸所鮮見高小校卒業親臨試驗實獎賞權以鼓樂彷彿昔年考試其好十作人
亦令人愛慕在任六月薪俸外一無所取與人言乃以足用為幸可謂廉退去之日紳民連電挽留數千人集文廟竭力阻交卸終格於例不許

石龍廟胡公長生香位跋語

北路一二兩區患匪久矣士輟於校農荒於野工曠於肆商阻於途父老昆季不遑啓處疾
痛愁苦不知所庇非趨而遠者鮮不為所刼殺或有訴者而匪乃伺軍之去來為出伏輒不

得選聞有選者而勝負常未果歸矣聽其跳梁莫之克治者八年於茲公來宰吾邑甫下車五日洞悉其情於是率領警備隊直達匪窟跋涉險阻風餐露宿艱苦備嘗旬弗稍懈凡匪徒故智而匿岩竇伏草莽者一一為所捕獲無或漏網矣加以恩威併用匪之盈惡不化者坐車罪織械投誠者全其生俾遠道未獲者怵於法而服其德潛為感化舉數載不克治者乃一旦而大平之德吾民者曷有極乎吾民實無以報其成德爰建祠祀之用彰厥德

云

吳雁秋

綦江人九年二月任三月交卸

凌霄

貴州貴定縣陸軍校畢業生九年三月任九月去

李正秋

安徽人九年九月任十月去

蕭傳爵

本邑人重慶法政畢業生九年九月十日代理數日交

陳玉麟

簡陽縣人九年十一月代十二月交

賈光榮

華陽縣清附生九年十二月代十年一月交

趙紫霄

十年一月任五月去

郭先翥

內江人通省自治研究畢業生十年五月任次年二月去

楊潤芳

西充人優級師範選科畢業生十一年二月任八月交

韋在商

本邑人十一年八月代九日交

潘樹勳

巴縣人十一年九月任十一月交

蒲劍

合江縣人十一年十一月任十二年四月交六月復任八月一日去在任時值軍隊爭逐倏去倏來焚索無厭劍

身受玷辱
神權心跡

王佐

眉山縣人十二年四月任六月交審判明決操守清廉不受勢力屈撓當軍閥交爭事機危迫時忘懷得失鎮靜安

恬常彈七絃琴以
自適襟抱儻然

張九川

貴州正安縣人清附生十二年八月一日暫代五日交卸

劉榮陞

富順人某軍團長十二年八月四日暫代五日交卸

黎師韓

貴州桐梓縣人法政專科畢業生十二年八月任十二月去

章 燁

本邑人十二年十二月任兩日辭去

呂心孚

忠縣人十二年十二月任老成明達留心政治銳欲力革宿弊拯民疾苦以軍府派款過重民力弗勝力請寬減圖

帥不從未兩月堅辭去所謂求改與而不得則反諸其人者在今宦途非良心充盛不能毅然力決也

廖 襄

仁壽縣師範畢業十三年二月任十四年一月去

鄧慶楨

貴州人十四年一月任五月去世家宦裔在任頗欲振作革除一切積弊以辦欵失軍府意得咎去

柳琅聲

貴州印江縣人日本早稻田大學官班卒業生前清民國屢任邑宰十四年五月來任存心仁恕操守清潔軍團有

委曲調解消患無形借續縣志用意尤殷十五年六月去

廖澤臻

成都縣人十五年六月任十六年二月交卸

袁 欽

鄰水人十六年三月一日任十六年六月去

吳金相

三百人十六年七月一日任十六年十一月十五日去

凌寅直

資中人十六年十一月十六日任十七年六月二日去

劉煥堃

合川人十七年六月三日任六月十七日去

時佛生

江蘇人十七年六月二十日任十月二十三日去

陳 詩

武勝人十七年十月二十三日任十八年一月三十一日去

謝題璪

榮縣人十八年二月一日任

徵收局長

李啓鵠

魏元孚

羅祥麟

楊秀如

曾省吾

方謙

楊時雨

易中

吳雁秋

丁開甲

徐獻琛

陳禹錫

楊鴻翥

王榮森

何鴻儀

楊質彬

胡傳甲

王九江

張九川

張遂良

王昌

揭荆偉

熊偉成

曹興乾

陳詩

劉開春

朱昆

袁仁

唐蜀藩

陳松

黃忠源

劉益

司法

鄧篤 渠縣人

段孟津

高崇 江津人

許炳輝 涪陵人

管獄員

劉銘績 元年十月任

劉恆璽 元年十一月任

夏鏊 二年五月任

蔣均 三年六月任

劉山英 四年九月任

屈厚護 五年十一月任

冷繼鑾 貴州貴陽監生 六年九月任

盧文忠 貴州遵義縣監生 六年十月代

慕世昌 七年六月代

湯茂瀾 貴州南籠縣法政畢業 七年七月任

程光熙 江津人 四川紳班法政畢業生 八年七月任

杜南生 江西吉安人 四川法政畢業生 九年十月任

曾餘慎 富順人 九年十一月代

謝璧如 雲陽人 通省自治畢業 九年十一月任

李含憲 巴中人 四川法政畢業 十年六月任

陳國柱 十一年二月任

章喬年

本邑人十一年十一月代

毛守光

江西南昌縣人十二年二月任

楊繩芳

十三年三月任

劉文燦

邑人重慶商業中學畢業生十四年五月代

許蘊之

貴州都勻人前清縣丞十五年二月代

羅伯英

涪陵人重慶官立法政畢業生十六年五月任九月去

教育局長

初稱縣視學總理全邑學務十四年更置局長視學專任考察學堂

羅祖澤

邑人元年續前清任四年五月復任

劉代俊

邑人川東師範畢業生三年七月任

譚化書

邑人川東師範畢業生七年八月任

王運乾

邑人九年十一月任

李陪榮

邑人北京法政大學畢業生十三年一月任十五年六月復任

警佐

民國初稱警察署長巡警廳長警務長三年奉文改稱警佐

梁隸如

十一年十一月任

李瀚

巴縣團練局長十三年一月代

郭鹿笙

仁壽縣人四川公業專門畢業生十四年一月代

楊雲璈

邑人四川通省自治研究畢業生十四年十二月代

吳德謙

邑人十五年五月代

羅雲程

邑人清增貢生四川通省自治研究所畢業十六年九月任

陳玉璠

邑人省城優級師範生二年任十三年七月復任

張壽南

七年一月任

陳延烈

敘永人清拔貢八年五月任十五年三月復任

楊超倫

邑人十一年十一月任

朱懋昭

威遠縣人十四年一月奉文改稱局長

李根固 元年五月任

張喜文 二年二月任
六年十一月復任

傅鴻達 三年十月任
四年十二月十五年一月復任

姚彥庥 三年八月任

許德培 三年十二月任

江桂五 四年十二月任

周鼎新 五年九月任

牛夔堯 六年二月任

羅厚讓 六年六月任

徐鼎 六年九月任

杜光昭 七年七月任

陳翰駒 八年五月任

陳安邦 八年九月任

向正策 元年十一月任

朱源 二年九月任

潘伯瀛 三年三月任

任桓 三年八月任

姚繼元 四年二月任

周慎 五年七月任

連元 五年十一月任

蔣子枏 六年四月任

曾一清 六年六月任

楊宗震 七年三月任

婁文秀 八年四月任

余鴻翼 八年七月任

施君諧 九年一月任

楊鴻猷 一九年十一月任

錢敦五 一九年十二月任

徐懋杰 一九年四月任

張澤 一九年十一月任

實業局所長

劉萬京 天津入政部公立農業專門農科畢業生民國七年任

吳漁舟 成都茶務講習所畢業生九年任

章喬年 四川公立農業專門學校甲種農科畢業生十年任

劉厚培 重慶商業中學畢業生十年任

周元鼎 四川公立農業專門學校本科畢業生十六年一月任

張智

團練局長 各團總團正票選省委滿二年交代

張貞齡 一九年十一月任

張際雲 十年五月副

劉成渠 十一年七月任十三年六月復任

楊光國 十三年二月任

羅雲程 十四年一月任

張茂春 十四年三月任

蕭傳爵 十六年四月任

附駐防南川客軍將領去思

客軍駐防南川始於民國元二年之交其來駐宗旨初為鎮攝領土縣為某軍某師鎮守地則分撥部隊駐防其餉由軍府發給繼為

因糧養軍民國六年以後始由防軍就地籌餉以名義言立於客位與前代營汛同稱駐防而職任稍別彼有城守專責此則行止自由不與地方內治而武力時

代挾絕對威權官吏之去就民生之休戚完全由之賢良將領肯為地方造福得慰閭閻時雨

來蘇之望者不外申嚴紀律以戢兵安民不憚馳驅而盡力打匪十六七年間有不忍塗炭之

仁貽吾儕以去思者得三人焉其一為民國三年劉營長興夔時值熊楊變後大匪數股橫行

涪南兩界營長兵力有限而視若私仇妻死不葬拚命追逐始於邑東水江石場彼眾我寡被

截包圍以數人力戰突圍得免因是愈怒退而整軍調重慶機關連再進跟蹤直至涪陵邊境將近彭水

發川歸而復出與匪徒三次迭占冷水關匪善竄劉善逐事機不順屢次功墮垂成然匪終不

得喘息黨羽潰散或遠飄省外或就他軍招安馳逐半年而後返五年春甘禦黔軍由大河壩

跋險出奇奪回馬嘴先為包營長所失雖以職任所在聽將驅策為北軍効力而慷慨立功可謂智勇

兼優矣聞其後以當先而戰殞於資陽死地未確否敵人知確否見旗而奔詩稱虓虎史號驍自戰用火器凡當敵皆主屈身

臥地放鎗即營長獨立前進以身為的洵聞其語見其人焉其二為十年來駐之王團長成章初到之日邑境匪四起

即分隊出，出實行驅除鄉團，有警得報，關差凡無心打仗者，得報後，應發兵而故事，紆遲度，其已飽費，乃一出以掩耳目，此兵家常調也。星夜馳援，常能及

事，和團防力，勤資以鎗械，盡力扶持，鳴玉場人立碑頌德，蓋在籍亦係辦團防，匪深，知地方塗

炭也，馭軍防範嚴密，親身巡查，勿敢作惡，街坊安堵，好文禮士，十年六月，邑中各校開觀摩會

熱心提倡，逐日臨場，布置獎勵，有需將風，其二為十六年之楊旅長國楨，先駐木洞，數月，即遙

門其軍紀，肅穆不拉夫，不禁民房，不强旬人家用物，及至果然勤求民隱，從善如流，聞城門設

兵，護察出入之弊，慨然徹去，深夜洞開，一年之久，亦無他故，軍士混取肆，間鉛筆混去一打，賣者，追索相還，猶缺

一立處鎗斃兵民，交接平易和藹，皆前此所罕也，深知時政，煩苛民生，塗炭特集，閱邑官紳，開

行政會議，將團練教育實業稅收，分日逐一討論，其宣言以扶助官紳，釐革非法，俾各公務循

軌道進行，減輕民病為宗旨，雖根柢困難，意見紛歧，無甚效果，然其痼瘵憂憫，發乎天良，亦可

謂盡心矣

補載 民國五年洪憲傾覆，北軍返旆，義勇軍入城，不久亦下涪陵，邑歸黔軍駐防，代理第一

混成旅三團二營營長周毅丞貴州思南人，保定軍官學校畢業生來駐，持躬廉介，治軍嚴肅，勇於除匪，時義勇軍欲

提團練，鎗枝賴營長保護，獲全石牛河悍匪王伯禎，石牛溪悍匪黃鶴林，黃雲香，兇威夙震人

莫敢擾營長決意拏辦次第就捕二匪交通最廣託多人關說許繳鎗枝若干納金若干傾家贖罪營長以利器不戢終貽民患待繳納齊仍予正法以快人心凡聞匪勢張處立刻親往且扶植團練邑人稱之至今無聞

補載 民國三年劉興夔營長逐大匪湯子模於冷水關請兵重慶十月初一排長余子芳以機關連至甫到關卽圖進攻營長謂宜稍休聚寶場地勢險峻須先探悉地理乃進子芳曰大丈夫上爲國家下爲生靈豈可畏死養賊且吾所運機關鎗一掃萬人營長第守此關盡駐防之職請看子芳以身殉國次辰遂領三十人乘大霧進午刻抵上場口向家墳崗安置機鎗先被場側一窮婦報知子模擁衆出戰機鎗一發數十彈立斃數十人子模負傷將逃方再舉而機關忽壞諸匪快鎗環擊子芳遂與部下十二人同殉劉營先調守高壁砦兵一排同警備隊由高橋進攻下場口限已時到亦逗遛不進故敗幸營長親率隊繼後得護壞鎗及子芳屍歸此人雖恃勇輕進實爲邑捐軀不可忘也

--	--	--	--	--	--	--	--	--	--	--	--

南川縣重修縣志卷四之一

食貨

食貨者政府人民胥託以爲命者也平地山澤之產衣食居處器用之資農耕虞出工成商通獲贏利以自贍身家而政府取其數之份以代民治事是爲養民立國之通義使一地之民常有平均之資產以盡遂其生而政府行政辦公收入支出一經定額更無增長則公與私皆可永久無貧急之患而無如勢皆有所不能也歷代開國之初土曠人稀田未盡墾山澤之利未盡出征收之制亦極闊疎而上下皆寬然有餘歷世滋久跡似承平然市井鄉閭間失業無賴者居半而盜賊流亡之患作焉國威稍替而備乃繁制作彌文而出倍鉅度支經費日日告乏則追呼搜括之令橫焉南川鄙邑也往時地僻俗靜政簡稅輕不遇重大之兵戈饑饉糧食斷絕則民與民相安官與民相忘雖謂爲不識不知之樂土樂郊也可至於今日父老昆弟相聚而言非驚物值之奇昂卽駭派款之踵至其一爲萑苻一爲追胥互執利器以爭生存者彼此熟視莫非同里同鄉故舊相識也噫嘻何爲而至此哉自來談足民裕國之術者不外開源節流今之政體民風流斷無從節而所謂開源亦虛張條教農之楛

工之蠲虞與商之艱滯無以異舊或且過之四十萬餘人之生計其何以舒志分食貨爲上
下篇上列稅捐以明出之多下察生業以見入之寡消息盈虛之概可睹焉惟條目繁雜考
查疎漏求核求詳力不能逮識其大較而已

戶口

古代重民數鄉閭歲書其登耗升之王朝藏之天府後世內政簡略於民生計多寡不求實
知加以執業非一轉徙靡常良難知攷清雍正以前以按丁徵賦人圖匿避而不得實雍正
以後滋生人丁永不加賦旋攤丁銀入地畝於是戶口虛實無關政要歲時校比保團以册
申於官州縣吏以帳達於部者皆循例估計而愈不得實民國辦自治選舉迭次調查統計
比舊稍核然喪亂遷流歲更月異莫可究詰終非確數也

舊魏志

清道光二十八年重慶府志載南川縣原額增添共三萬三千五百三十八戶十四萬九
千五百六十二丁口

男八萬零八百七十七女
六萬八千七百四十五口

舊黃志

重慶府志載南川縣原額增添共五萬四千九百五十戶十三萬九千九百九十四丁口

男七萬
三千二百

百八十四丁女五萬
七千七百一十口

舊魏志 今清咸豐元年查戶籍計男婦二十一萬九千八百零

志 舊黃志 今清光緒二年查戶籍計二十萬一千二百三十四丁口

按黃志後魏志二十餘年而丁口反少一萬八千有奇意者咸同兵燹小有損耗歟

新調查 清宣統元年戶房冊報六萬五千五百一十戶十八萬一千七百二十二丁口男十萬七千零九十九女七萬四

千六百三十二

宣統二年迄民國十四年縣署統計課迭次調查增至七萬二千九百二十九戶四十萬零二

千八百八十六丁口男二十二萬二千零九十一女十七萬八千七百九十五

分區計數表

區域	戶籍	男丁	女口	合數
城區	九零四五	二六三零四	二零二八九	四六五九三
南平鎮	一零八五七	三四九六零	二八九八九	六三九四九
觀橋鄉	一零三四九	三一零一八	二五零零二	五六零二零
水江鄉	一零六一六	二八六二六	二五七五四	五四三八零

石溪鄉	一零三零七	三零四一三	二四三七一	五四七八四
鳴玉鄉	五一五三	一六二九三	一二二零二	二八三五七
半河鄉	四三八一	一三三零一	一九八三一	二三一三一
大有鄉	四零七零	一二一八零	一九七零四	二一八八四
元合鄉	三九五五	一二三五零	一九零五九	二一四零九
德隆鄉	二二九七	七三六五	五四一七	一二七八二
小河鄉	二八九九	一零二零八	八二七八	一八四八五

稅捐

政府取財於民取之農田關市取之山澤園廛物有同異時有久暫數有多寡名目非一近時復增牲畜文券等類然可以稅捐二字括之因民殖產營業獲利而使納少數以供國用通謂之稅既納稅矣因其資富利厚更使出財以助公益通謂之捐政府制定經常收入含強迫義者謂之稅臨事籌款事已可罷含勸勉意者謂之捐故以總諸征斂至篇中分列各款則因其本名

清代田賦 (甲)地丁 清代田賦正額稱丁條糧稱地丁自清雍正七年攤丁銀入地畝合
 而名之其實取消丁賦加重田賦也舊志載邑原額稅糧四千七百五十七石七斗二升八合四
 勺八抄七撮四圭折銀上納雍正七年遣官吏量定額田地皆分三等上田七百六十二頃九
 十一畝三分六釐每畝徵銀一分二釐一毫六絲九忽六塵二纖中田七百六十九頃八十二
 畝九分每畝徵銀一分五毫四絲九忽七塵一纖下田六百零八頃六十九畝九分九釐每畝
 徵銀九釐一毫二絲八忽五微九塵一纖上地一百零六頃八十五畝九分二釐每畝徵銀三
 釐七毫五絲一忽八微五塵六纖中地二百七十七頃五十二畝六分一釐八毫每畝徵銀三
 釐二毫八絲二忽五微四塵七纖下地九十四頃五十畝九分九釐每畝徵銀二釐八毫七絲
 三忽四微二塵各計上中下田地二千六百二十頃 田二千一百四十一頃有奇地四百七十九頃有奇 三十二畝七分八釐應
 徵銀二千四百六十一兩六錢一分四釐六毫五絲三忽六微五塵六沙此正額也然民間以
 碎銀完納官吏傾銷成錠解赴藩庫分兩必有減耗故於正額銀一兩加征火耗銀一錢五分
 共徵火耗銀三百六十九兩二錢四分三釐八毫有奇遇閏年加正糧銀六十七兩九錢四分九
 毫有奇加火耗銀十兩一錢九分有奇合計閏年徵銀二千九百零八兩八錢有奇不閏年徵

銀二千八百二十兩零八錢九分有奇火耗全支各官養廉正糧項下應留支知縣典史教官

俸銀文武廟厲壇祭祀廩生廩價各衙役倉夫吏夫鋪司工食共扣銀八百四十二兩五錢二

分實上解銀一千六百一十九兩一錢零六釐據光緒三年知縣黃際飛造報清冊又須帶徵收糧解糧藩司道府知

縣戶房各項辦公費用自光緒九年張映南等上控委員來邑定案合一五火耗在內每正額

一兩附徵銀七錢五分祇以二千四百兩整額照加共加銀一千八百兩其徵收法民間無銀

許以錢合價每年春初知縣召集大紳議價其初隨糧帶徵之費較輕而合價特高當時市價銀一兩不過一千數百而

不許抬價明增暗減人便民之然每兩猶三千一百以備貼補虧累出示開徵戶房設櫃以待派差按里甲分催夏季掃解赴藩庫交納

民間多輸不及時戶吏挪銀墊解以後加息陸續收入名曰包解又曰抬墊清光緒間糧戶逃亡先絕隱匿蒙混正額已爛三百

餘兩每歲實徵正二千零數十兩而解司不准短缺即以帶徵合價贏餘彌補 (乙)津貼 津貼捐輸緣起本政府權時求助於民不認爲正供

及久行不廢亦列於田賦特爲四川州縣所獨耳初清帝入關革去明季加派雜徵順康雍乾

四朝時時詔諭勤求民瘼釐定稅則地丁外更無所取實爲寬大嘉慶初年四川剿辦教匪時

先有民間出銀幫貼運糧腳價臺站夫馬之費總督勒保因軍餉不足奏請援案辦理後經停

止咸豐二年川省軍食復急准總督裕瑞再請援案遂成常規每正糧銀一兩加徵津貼一兩

朝廷恐假手吏役滋弊特飭選公正紳士設局經收原議時局救平立即停止然自此軍興不息餉糈彌鉅津貼固不能罷捐輸且踵興矣邑舊志載奉文徵收津貼始於咸豐三年設局西街文昌宮委紳二人或四人經管歲徵銀二千四百兩遇閏照加與捐輸銀兩同解赴藩司衙門交納其中咸豐八年至同治五年二萬一千六百兩係縣令王臣福稟作本邑防務支用

〔丙〕

捐輸

捐輸者直令糧戶捐銀輸助軍餉也起於清咸豐三年其初祇作臨時捐款督

藩預算是年急需餉銀若干萬兩按全省州縣大小貧富區別攤派奏准指令分辦文告全係勸諭著名瘡苦及新報災荒之區豁免一戶捐至若干兩獎虛銜封典次者功牌其不及獎額者合併計算全省捐至若干兩廣鄉試中額一名一州縣捐至若干兩廣學額一名但以後卽爲定數而額不再廣藩司先一年秋季行文出示預辦限本年冬季解半次年春季全解能於本年冬季掃解官紳特別獎勵每銀百兩扣局費三兩一度既竣計須續勸必援案再奏再准故光緒以前每次名目銀數微有不同同治元年始按糧攤捐八分以下免如邑大戶太少亦許並徵小戶邑舊志載自同治六年起年復一年竟成長期至光緒二十七年各省分派聯軍賠款於是以舊派充軍餉者爲常捐以另案加派充賠款者爲新捐今仍仿舊志列可考之年度數目於左

年	月	捐名	銀數	年	月	捐名	銀兩
同治六	十二	復捐	五〇〇〇	七	七	接捐	四〇〇〇
八	二	展捐	四〇〇〇	八	十	普捐	八〇〇〇
九	十	酌捐	五〇〇〇	九	十	擴捐	一二〇〇
十	十二	續辦酌捐	三五〇〇	十	十二	續辦擴捐	一六〇〇
十二	七	備捐	五六〇〇	十二	七	擴捐	一一一六
十二	十二	接辦備捐	四四〇〇	十三	十	再辦備捐	四〇〇〇
光緒元		展辦備捐	四〇〇〇	三至九			四〇〇〇
十			五〇〇〇	十六至十九			五〇〇〇
二十四至二十五			六〇〇〇	二十六至二十七			六五〇〇
二十九		常捐	一四〇〇〇	宣統元		常捐	一四〇〇〇
以後		新捐	九〇〇〇	至三		新捐	九〇〇〇

民國田賦 民國更制改經徵局爲徵收局兼收田賦以清代地丁爲正稅津貼捐輸合爲副

稅邑中初仍原額二千四百六十兩六錢一分統收銀圓正稅每兩收銀一圓六角

銀圓一圓市平重七錢一分庫

平重六錢六分七釐納稅須用庫平每兩應納一圓五角尚餘五毫

副稅每兩收銀十七圓三角外加征解費一圓八角九仙局用四角一

仙六星總計每兩收銀二十一圓二角零六星元年知事羅廷光請免徵爛糧一百八十六兩

三錢三分十二年徵收局長胡傳甲請免爛糧一百三十八兩一錢零八釐兩次合為三百二

十四兩四錢三分八釐奉省財政廳指令爛糧正稅准其豁免以後每年以二千一百三十八

兩一錢八分為額副稅則應平均攤入有著之戶分担完納以免虧短其自元年至十二年短

收之爛糧亦限十二年

十二年

均攤補納從此每年每兩加徵補完爛糧二角五分一釐徵解

至二圓零一星八局用加至八角四仙八星副稅加至十八圓四角一仙八星常年每兩納銀

費加二十三圓二角一仙八星八總計一年收入約四萬八千九百圓又民國四年至八年另徵

省令收回兌換券費一圓八角十一十四十五十七等年加徵防軍清鄉費由三元

十一年至十

元

十四年

十三元

十七年

其用途除縣知事管獄員薪俸按月備文到局撥給外初照舊章全數

解省後由駐軍就地隨時撥支自十一年防軍始行預徵一年或連徵二三年今已預徵至二

十三年軍餉嚴急多令大戶先期墊繳給印票於完糧時限成數搭扣

爛糧三百餘兩兩次上請僅免正稅而攤入有著之戶未爛者反緣此

加重其請免時開出戶名糧冊上應遵令劃除因准行後戶間有小戶忽然來上者徵局遂主張存留以待所收得者為無著贏餘

契稅 川省州縣徵收入款以契稅為大宗清嘉道以前政府不甚注意本邑歲解銀一百零

四兩八錢八分嘉慶時總督札飭加徵贏餘銀二百兩以後增一千兩續增至二千六百零九

兩七錢六分解赴藩庫交納邑令徵諸民間初為四分八每價銀一百兩徵稅四兩八錢錢價照推外有種種規費藉名

巧取光緒九年張映南等上控委員來縣集訊定為六分四至光緒二十七年攤認庚子賠款

又加二分共八分四每契粘布政司發契尾一張納銀一兩零四分二釐餘惟契格撥糧等小

費除解額外為知縣羨餘藉以充用買田時鄉人多暫用白紙及送印乃取契格錄入官派差

催印由差手代投鄉民或久匿不投或瞞價少書被人報告必加重罰而匿瞞者究復不少貪

婪之官許差役及賣主捏報某家應賣某家應買已有成議特價值未定官即出硃單粘簽喚

至強迫成質或係荒土墳墓無良之徒以此傾陷付差押逼苛索樸懦者聞風逃竄甚至尋死

謂之准簽卸任官託言上司索稅甚急減半招投謂之放炮光緒三十一年委員來縣查是歲

常稅業價為二十九萬二千九十八兩炮稅為六萬八千九百四十五兩次年常稅減十萬兩

炮稅減一萬兩三十四年總督趙爾巽奏准各縣設經徵分局委員專收而提公費給知縣

民國初立邑中自設財政部收一切公款稍定縣公署設財政課三年冬省令設徵收局委員

駐辦契稅仍舊八分四盡數解充國稅業價銀百圓徵稅銀八圓七角五仙三星

八元四角外
係補庫平

官

契即契一張一圓四角三仙八星契格一套兩張一正一副徵銀八仙買家呈稿局內代錄正

存局備查副送驗後發給業主為據三年加收驗契費

縣知事
驗加印

銀百二十圓錢二百貫以上為大

契徵費四圓四角不及者為小契徵費一圓二角其他騰寫撥糧印花等費或銀或錢業價百

圓之契約需銀卅五圓內外自防軍就地坐支不復上解

肉稅舊名
肉釐肉本無稅清光緒二十二年川督通飭各州縣抽款辦團練邑屠戶宰豬一隻抽

錢四百文供團練經費二十七年攤籌庚子賠款省札抽錢二百文專名肉釐製票交各保正

收繳縣署上解

初止抽市屠不
久使普及鄉戶

三十四年歸經徵局團款亦託代收宣統元年奉文解款加抽二百

合為八百文民國初因之解款屬國稅團款屬地方稅三年八月省令提地方稅一百文入國

稅四年省令正稅徵銀三角前提之一百文亦改徵一角五年加徵一角共五角自各軍隊駐

防即就近提用十一年全川視學會議撥充省教育經費飭徵收局交縣教育局代收繳省未

數月仍歸防軍徵收局之手十五年川康督辦嚴令申促乃實行焉其收法城內由局直接鄉

場有代收包收兩法代收舊令屠戶每另隻繳手續費二百文今於收入數內扣百分之五

油稅 邑東南山地頗產桐捲漆蠟運油出河傍城種芸藁各鄉皆有油房清光緒末年始奉

文徵稅每榨定七十觔每觔錢四文徵收局收解民國四年奉部定章程每觔抽銀四星

菸酒公賣 清代初無酒稅凶歲禁釀捕廳查漕房例繳釀具秋熟後解禁發還光緒季年始

徵漕房計月計桶由漕房自認一年煮幾月一月煮幾桶每桶納錢四百文各團保按所管給

據收繳縣署解省扣百分之五作徵收經費三十四年移歸經徵局徵解民國五年省委員來

縣設菸酒公賣局酒稅陸續增加漕房每月一桶桶三百觔徵銀三元七角五仙菸草上市每

觔徵銀一仙二星五毫兩項每年收入約一千八百圓此外有營業牌照稅分兩種 甲種國戶分售零市者每年納稅四

十圓 乙種零售又自分三種(一) 開店專賣者每年十六圓(二) 開店搭賣者每年八

圓(三) 設小攤及沿街沿途散賣者每年四圓

權鹽 南川食鹽引課明以前無攷清雍正八年始認行射洪水引四十三張十年增引四張

共四十七張乾隆三年如縣倫顯聖請增行擬爲水引四十四張合爲九十一張招商承辦名

目計案以計口授鹽給引得名 商人領引自往產地按引買鹽每張五十包每包天平一百三十五觔由巴

縣木洞登陸運入射鹽每張徵稅銀三兩四錢零五釐羨餘銀四兩八錢九分截角銀六錢紙
硃銀三釐脚力銀四釐引每張惟羨餘銀徵二兩零九分五釐其餘稅銀截角紙硃脚力皆
同射洪總計二起每歲徵銀六百九十六兩一錢三分七釐除羨截項內准撥銀二百五十七
兩九錢三分六釐補支各官養廉另解布政司交收外餘悉解交鹽茶道光緒四年川督丁寶
禎奏改川鹽爲官運商銷置南長鹽局於木洞又於綦江置邊岸運富順鹽入貴州改邑南路
萬陳石永小頭德合八場爲邊岸過道由此富鹽流行南界味較射鹽鹹美民食爭趨時邑恆
益豐充計岸鹽商因請用原引掉配富鹽綦江木洞兩路並入名計暗邊至清末邑遂全銷富
鹽民國因之射隄鹽從此絕跡矣惟北路石牛溪冷水關一帶距涪陵蘭市爲近常被涪引侵
入舊時所謂私鹽民與商常起衝突者也

民國成立徹岸廢商就場徵稅任人採買運售有直往富井者有在江巴一帶接買者稅課卽
加入買價中惟沿路兵團抽過道護商層層抽剝如蕉如繭商民皆不勝其困三年省城特設
鹽運使招公司畫地運銷邑南路八場屬綦邊公司陳家場開承銷店承辦餘地屬瀘南公司
城內裕茂林承辦將規復引案之舊五年八月奉文取銷公司仍聽商販隨地自由買賣

權茶 權茶之法取諸園戶曰課征諸商販曰稅然防園戶自報隱漏難稽仍令商販照買數代納於買價中短扣茶商先繳銀領引赴產地網茶後向縣署請驗運外銷售邑爲產茶地上銷川北合川遂寧一帶沒及成都下行涪豐忠墊梁各縣清雍正八年奉上諭代銷榮經茶邊引二十張每張網茶百觔課銀一兩七錢二分五釐稅銀四錢七分二釐又征羨餘銀一錢一分七釐截角銀一錢四分二釐十年知縣張暉請增茶腹引一百七十張乾隆三十六年知縣倫顯聖請增茶腹引一百張每張課銀一錢二分五釐稅銀二錢五分羨餘銀九分一釐截角銀一錢二分紙硃銀三釐脚力銀四釐合邊腹引二百九十張共征銀一百七十七兩三錢一分內於羨截項下撥支書巡三名銀十八兩又撥補支各官養廉銀十七兩零五分另解布政司衙門實解銀一百四十二兩二錢六分同鹽稅赴鹽茶道交納縣署特設鹽茶房司驗記文卷光緒甲午加隨引票十張每張征銀一兩零八分二十八年川省分認賠款鹽道議詳茶腹引票照舊每張加二成本縣共加稅課銀十八兩八錢七分三十三年省設勸業道縣設勸業分所茶商就本縣分所納課領票民國無引案由省財政廳刷運銷票交各縣徵收局代辦旋改於要埠設茶稅處每票一張網茶一百一十觔繳銀一圓六角實業局驗包不拘輕重抽錢

一千文邑茶旺年約出四五千包滯年不過二千包

礦稅 邑東南兩路諸山多產煤鐵二礦前清時礦探概無抽收惟冶鐵之廠每年納銀四十

兩於縣著合計年入六百兩爲知縣漏規清光緒十一年知縣張濤稟捐作生童

前代謂土人已錄入府縣學者爲文

生未錄入而應試者爲童文

月課獎資清末及民國勸學所接收各廠次第歇業所收無幾宣統二年省城勸業

道委礦務員於各縣收煤鐵經費規定煤廠出煤一噸一千六百八十斤征銀三分五釐民國初年停委

三年由縣徵收局代收五年遵照部頒條例分區產兩稅區稅按掘煤地面積一畝每年收稅

三角省實業局委員到縣親歷地調查提解產稅煤千觔抽銀三仙五星鐵每噸天平一千

六百八十觔收庫平銀五分以後時有增加

當課 邑舊無當舖清光緒二十年邑令張公海樑設專經書院籌捐款基本五千貫謀存放

生息特商邑富紳集股並領捐款開兩益當年納課銀五兩時因籌辦豫省河工飭各當舖預

納二十年之課許以後逐年坐扣旋奉文增當課爲五十兩除年扣五兩止納四十五兩光緒

末年本虧鋪閉民國前後勸工局附設公質店商會會董集股本開集益公店照例納營業稅

一百圓均不久即閉

印花稅 人民公私交涉文據須貼印花其制歐美久行在中國爲創辦清光緒二十三年御史陳璧奏請做行以後草訂章程至民國元年經參議院議定辦法十三條財政部飭各省國稅廳通告施行三年八月增頒人事憑證貼用印花條例六年三月奉文人民訴訟遞呈亦必貼印花票一角邑中縣署徵收局及各辦理財政局所承領分貼經手之件銷數多寡不定十三年八月督銷處派定按月銷五百圓嚴促照解十四年三月處長自鑒限令太迫各縣實係行銷不及減爲一百圓十五年五月委員陳英來邑專辦商帮以巧立名目違法勒銷憤激疊控撤還接委張維禮仍蹈前轍益拂輿情現已停委按印花稅法本輕政府以爲積羽成緇民力易勝政費有補而條目繁瑣鄉民罕能了晰易生流弊茲將國稅廳所頒稅法十三條揭後

第一條 凡財物成交所有各種契約簿據用爲憑證者均須遵照本法則貼用印花方爲適法之憑證

第二條 各種契約簿據分爲二類額如下

甲類十五種 發貨票 寄存貨物文契之憑據 租賃各種物件之憑據 抵押貨物字據 承種地畝字據 當票 延聘或雇用人員之契約 以上七種價值銀圓十圓以上

各貼印花一分 鋪戶所出各種憑單 租賃及承頂各種鋪店之憑據 預定買賣貨物之單據 租賃土地房屋之字據 各項包單 銀錢收據 以上六種價值銀圓十圓以上各貼印花二分 支取銀錢貨物憑摺每個 各種貿易取用之帳簿每個 以上二種各貼印花二分 乙類十一種 提貨單 各項承攬字據 保險單 各項保單 存款憑單 公司股票 包票 期票 遺產及析產字據 借款字據 鋪戶或公司議訂合同 以上十一種紙面銀數十圓以上未滿百圓者貼印花二分百圓以上未滿五百圓者四分五百圓以上未滿千圓者一角千圓以上未滿五千圓者二角五千圓以上未滿萬圓者五角一萬圓以上未滿五萬圓者貼印花一圓五萬圓以上無論累加若干貼印花一圓五角

第三條 國家所用之契約簿據不貼印花但有營業性質之官業仍依本法貼用

第四條 契據應貼之印花由授受人於立契前貼用加蓋圖章或畫押於印花票與紙面騎縫之間如係合同兩造各繕一紙依本法各貼印花蓋章畫押然後交換收執

第五條 帳據憑摺應貼之印花由立帳簿憑摺人於使用前貼在開首寫年分之處將某

年字樣寫於印花票面再依第四條規定加蓋圖章或畫押每個以用至一年爲限如過一年仍舊接寫須更貼印花作爲新立憑摺

第六條 應貼印花之契據憑摺如不依本法貼用蓋章畫押對手人須卽退還若任意收受該契據及憑摺於法庭上無合法憑證之效力但對手人願依本法第八條規定補貼蓋章畫押者不在此限

第七條 應貼印花之帳簿如不依本法貼寫蓋章畫押者於法庭上無合法憑證之效力但立帳簿人願依本法第八條規定補貼者不在此限

第八條 應貼印花之各件如不依本法貼用或貼用時未曾蓋章畫押者按照應貼數目罰貼印花百倍如雖貼而不足數者應照補貼之數罰五十倍以儆效尤

第九條 印花票種類 (一) 赭色一分 (二) 綠色二分 (三) 紅色一角 (四) 紫色五角 (五) 藍色一圓

第十條 已貼之印花不准揭下再貼如違照偷貼之數罰貼印花三百倍

第十一條 偽造或改造印花票者按照偽造紙幣刑律處罰

第十二條 印花由財政部頒發各省行用

第十三條 財物成交在本法則施行以前者免貼但遇有訴訟時仍須按照本法第二條

稅額補貼

司法經費 立憲政體分舊地方長官行政司法職權為二縣知事總持所轄地方庶政而審判辭訟別置司法故須籌行政司法兩項經費邑改革後暫設裁判所於舊典史署蜀軍政府委員來蒞改稱司法署司法旋以地僻訟簡仍令縣知事兼攝延承審員帮審案件凡關於辭訟刑獄開支皆屬司法費舊三費併入而上級所設高等檢察審判兩廳使費亦須屬縣分擔取之狀紙及裁判費狀紙即由高廳印刷發給縣署照章領解而本縣司法之費取之附加茲將上解章程列後其每年所解多寡無定不得而稽也

狀紙

取費

民事訴狀辯狀每套

六百元

民事上訴狀存查狀和解狀委任狀保狀結狀領狀

四百文

民事公證狀

三百五十文

南川縣志

民事交狀限狀	二百文
刑事訴狀辯狀	五百六十文
刑事上訴公證狀	一百六十文
刑事存查委任保結領各狀	二百文
刑事店保狀交狀限狀	一百文
關涉財產訴訟審判費	
不滿十圓者	三角
十圓至不滿二十五圓	六角
二十五圓至不滿五十圓	一圓五角
五十圓至不滿七十五圓	二圓二角
七十五圓至不滿百圓	三圓
百圓至不滿二百圓	六圓
二百圓至不滿三百圓	八圓

三百圓至不滿四百圓	十圓
四百圓至不滿五百圓	十二圓
五百圓至不滿六百圓	十四圓
六百圓至不滿七百圓	十六圓
七百圓至不滿八百圓	十八圓
八百圓至不滿九百圓	二十圓
九百圓至不滿一千圓	二十二圓
一千圓至不滿二千圓	二十五圓
二千圓至不滿四千圓	三十二圓
四千圓至不滿六千圓	四十二圓
六千圓至不滿八千圓	五十五圓
八千圓至一萬圓	七十圓
過一萬圓者	每增一千圓加收一圓

不關涉財產訴訟審判費

依照前列第五款

三圓

關涉財產辭訟審判後強制執行其執行物須拍賣者照拍賣金額納執行費

不滿二十五圓者

三角

二十五圓至不滿五十圓

五角

五十圓至不滿百圓

一圓

百圓至不滿二百五十圓

一圓八角

二百五十圓至不滿五百圓

二圓五角

五百圓至千圓

三圓五角

千圓以上

每一千圓加一元五角

執行物不須拍賣者準執行物金額價額照前規定減納十分之五

附加稅 起清同治三年邑令黃際飛創設三費局於田房契稅項下每業價一千貫抽錢十

文供用託名補底不謂附加也逮光緒三十四年預備立憲各地方籌辦自治行政學校警察

團練實業諸務事事需費乃以田賦業契屠宰等項原額征解者爲國稅依倚國稅增加帶征供本縣用者爲地方稅中央明定限制田賦附加不得過國稅百分之三十營業稅附加不得過國稅百分之二十民國以來事務日益擴張經費日益浩繁有超過國稅全額二三倍者每次議決上請多被斥駁然事不可廢而孔無旁出駁者自駁加者自加各行其是而已二十年來法令屢改稅項亦彼廢此興極其複雜難以徧舉今列表於左止錄見行之項

田糧一兩附加

團練費

六圓

民國六年十月詳准正糧一兩附加錢二千文九年增爲二十九千十一年成立五區隊增爲五十五千十五年撤區隊後

乃減爲一千合銀六圓今銀價漲兩倍扣錢五十千

縣教育局經費

一圓八角

縣黨部經費

六角

舊縣議會經費

清鄉費

十一年十四十二年十二圓十四年十圓十五年十四十七年十二圓以後停止

契稅業價

銀一百圓附加

行政費

百分之二

警察費	百分之一
司法費	千分之六 <small>即前清之三費</small>
公款收支所經費	百分之二
兵差費	百分之一 <small>即實業捐百分之一原係百分之三後撥百分之二充留學貸費</small>
川東甲種工業中學解費	千分之四 <small>即清末府學契底</small>
縣教育經費	百分之五零一二三
縣留學貸費	百分之二 <small>即實業捐三分之二</small>
省留學貸費	千分之五
實業所公告費	百分之二零一 <small>本縣用千分之一九五餘六分解省實業廳</small>
重修縣志經費	百分之一 <small>年解重修省通志局經費六百四十圓</small>
平兒院教育費	百分之二
聯中川師兩校解費	百分之一 <small>即中資捐</small>
縣黨部經費	百分之一 <small>即選舉中資捐舊縣議參會經費</small>

肉稅宰豬一隻附加	二角
縣教育局經費	一角
公款收支所經費	一角
重修縣志經費	一角
各鄉前期小學教育費	一角
半河油一挑附加	以下三種附加俱未列護商過道
縣教育局	二百文
公款收支所	三百二十文
商會	八十文
鹽一挑附加	二百文
商會	二百文
茶一包附加	一千文
實業所	一千文

商會

銀三星

狀紙附加

司 民刑上訴及本縣司法
狀辯狀公證存查各種

七百八十文

法 民刑和解委任
保狀結狀領狀

七百元

民刑交
狀限狀

六百五十文

經 民刑事
公稟

六百元

費 民刑事
副狀

五十文

囚 民刑上訴及本縣訴狀
辯狀公證存查公稟

三百文

糧 民刑和解委任保狀
結狀領狀交狀限狀

一百文

費 店保
副狀

五十文

孤貧費 民刑上訴訴狀
辯狀公證存查

二百文

租石捐 民國初立各鄉團練丁防匪每月派管內糧戶出錢充費間或按租抽捐仍合成錢

價十二年裁各團常練編五區隊由縣團練局統籌加抽附加糧稅取銷各團雜派擔負之重

不減於前而法制畫一民情便之十五年解散區隊獨留中區一隊六十人歸縣團練局調遣
奉省團練總局令各鄉專辦民團而慶地大團常練未盡徹
編區隊時要地大團仍就原招常練編入稍損其數以符定額門戶練新章亦許相地暫時存留
即無常練之團亦因公事日繁在在需用不得不按租抽捐
從前按糧附加之團練費因物價逐年增長用途繁重區隊雖減大半收入仍不濟用
六年夏行政會議議決定為至多百分之五至少百分之三一律抽租石捐並採屬地主義兼
抽客租

護商抽收 護商之名自清末匪徒行劫商貨商販請得力團練護送出境量貨酬勞原本私

人交涉民國十一年駐邑川東邊防軍第一混成旅長湯子模就地籌餉乃設事務處於東門

外五顯廟四路要地分設驗卡十六處查拏偷漏
東路 黃泥堡 大鋪子 水江石 路南 福南

橋 陳家場 小河壩 萬盛場
西路 暮鶴關 來遊關 張鉄橋 白沙井 太平場 路北 趙

家嘴 石牛河 合口河 兩路口 一切貨擔入境出境照物值納百分之三初係銀錢兩

收十四年始一律抽銀十五年川軍第二師師長李雅材允商民籲請改為值百抽二每歲收

入約二萬元左右

鴉片罰金 舊志載清咸豐九年邑奉大憲札辦洋藥釐金一千兩自十一年至同治十年共

解一萬一千兩嗣後停止時邑種吸未盛禁令亦弛惟長官痛惡煙館時出查拏至光緒季年
普徧種吸煙患乃熾二十六年川東道委員來邑東門外設分卡煙販運煙出口每兩抽釐錢
二文加至四文六文本地人民買賣不滿百兩一律免抽但局員多不遵章農戶入市零售亦
不獲免並派丁拏私重罰三十一年改爲煙釐分局於南路陳家場設分卡清廷旋與外人定
十年革盡之約地方官吏雷厲風行種者拔販者燒光宣之交及民國二三年邑境幾乎淨盡
惟黔邊種煙尙多私販冒禁犯險時時輸入不能禁斷本邑每遇一次政變戎馬倉皇鞭長莫
及毒卉卽復蔓延貴時每兩二十餘緡革絕復種之年種子與金銀同量人民或破家喪身或
平地暴富皆此物致之官紳屢次持法決意刈殄而分途督劇不能不委之胥役兵勇窮樸羅
辜狡猾漏網弊竇叢伏其中佃農貧瘠青黃不接非藉種煙活動卽賒貸無門雖明知鴆毒不
能不飲故以二十餘年之嚴刑猛制終不能根本撲滅也民國八九年來始行寓禁於罰之制
分種販吸三種 (甲)種戶納窩捐由防軍定全縣總額銀若干圓各團局分擔先派富民墊
繳然後清查種戶窩數登冊照收每窩初辦攤錢不過數文近數年至二三十文 十年王成章團長
創辦總額五萬一
千餘圓十二年湯子模旅長實收十五萬餘圓十三年楊其昌旅長初派四十萬後減收
四哩爲二十四萬圓實收二十一萬圓有奇十七年楊國楨旅長飭種戶繳銀十二萬圓 (乙)民國十三年省城設禁烟

稽征查緝總局各縣設分處邑於東門外五顯廟委員開辦四路大場徧設驗卡與護商同不論販賣喫戶自十兩起每兩罰金四仙十六年夏歸併護商辦理 (丙) 煙館燈捐向時城內或歸警察鄉市或歸團防十五年一律歸禁烟查緝處每月每家點燈一盞初罰銀二圓近加至六圓

商會經費 約分四目一布疋每件一百文 二黃絲每觔八十文 三茶包每包二百文

四山貨每脚二百文其他尚有官秤肉稱松油煤炭稱鹽挑油挑上二已見附加紙錠之屬均商會商團

合收分支城內於商會設櫃或蓋圖記或給捐票四路於白沙井小河壩半河鄉設分收處及驗票

牲畜捐 縣城豬牛水牛每隻抽錢六百文黃牛四百文豬不計大小每隻二百文羊每隻收銀一角歸教育局補助學款至各鄉場抽收有重於城區者有相埒者有稍輕者多充團學費用

記者曰一縣執業之民莫良於農莫苦於農質而言之今日繁重至極之稅收十九皆由農出農之効忠於公益可謂肝腦塗地矣田租既昂終歲胼胝自食無幾僅倚圈牢牧畜稍獲

孳息而耕牛尤為全家第二生命本錢多係借貸而來近查農會卷宗竟有請抽保牛捐者且有欲抽之於牧養又抽之於市易者嘻亦甚矣哉不保牛民尚有牛若一牛而歲易數主屢保之後民失牛矣幸當道猶不為已甚用一緩二而我邑則概未實行讀至終行不禁轉悲為喜

斗息 縣城米市斗息每小斗抽錢十文歸教育局每年約收錢一千餘貫雜糧斗息每小斗取粒一角四角為升歸公款收支所作補助囚糧費鄉場米雜糧多係同處充學費

春帖捐 教育局招人分送每年抽錢一百二十千

臨時特別捐 清代中央政府有臨時經費需民捐助即開特別捐例有常設捐例為收入經常費之一有捐貢監

捐虛銜捐實職捐花樣實官之頭銜比本官高一二品及捐蓋翎花翎捐級俱為花樣之別往往減價招徠名器由此日濫至本縣公益

則長官傳集大戶勸捐不及中戶以下惟防務不然光緒三十一年川督錫良奏辦川漢鐵路初係本省官辦經紳

民爭還官督民辦官統三年清政府強迫收歸國有革命由此激起有股捐和捐兩種股捐以五十兩為一股派富戶認購租捐普及鄉戶

收租十石出穀三斗折價納銀九錢自繳捐之次月起對年認息四釐於次年繳捐數內即扣頭年之息又許路成行車後照本分息已成集股營業性質惜無好結果耳及民國多故歷年

駐軍換防徹防有開拔費倉皇去來常款不繼時有火餉有軍米本地辦團招常練有鎗支費子彈捐修築駐所有營房捐警急調集護城有城防捐調查戶口有門牌捐辦市政公所有門戶捐警察有街燈捐或普及全縣或但屬一城但屬一鄉其次數及每次數目多寡無從悉記

倉儲

邑中三代官民奉承詔令儲粟備荒類別凡四曰常平倉曰社會倉曰濟倉曰積穀縣署特設倉房司卷牘在城者知縣新舊交代鈎考盤查稟報在鄉者保正倉正稟請貸糶填還歲一報銷知縣隨時派人考查稍有差缺卽受處分法至嚴也民國擾攘過軍因糧在城顆粒無存在鄉捐耗大半記載益然方策未泯良規具在時局救寧終當修復

常平倉 舊志常平倉在縣署後東偏建設年分無考原十一廩清雍正九年增八廩連年採買填實共貯穀五千二百七十三石五斗八升咸豐三年糶賣二千五百石解充軍餉餘倉六廩貯穀二千七百七十石光緒二十九年奉文盤查大數相符清制管理常平權責完全屬官民國元年知事羅廷光將署內各倉合併盤查常平六廩社會十二廩濟倉十二廩共得市斗穀一萬五千零八十六石三小斗八小升六合悉交濟倉首事一手經管每歲照例報銷一

次以備存查至十三年年因過軍籩食消滅見後

社倉 社倉法創自朱子置倉鄉社民間自舉社首司出納受官監督本以防弊然積久而在民之弊日滋反以在官爲得所邑中社倉清乾隆九年創設豐福二里十四甲建倉二十一處共貯穀六千二百四十六石一斗咸豐八年知縣王臣福以寇匪及境悉令移入署內與常平同處共十三廩穀如原數光緒二十九年盤查仍如原數民國後與常平混合同歸消滅

濟倉 清嘉慶二十四年邑令彭履坦奉文集紳富勸捐買田收穀貯倉以濟凶年故曰濟倉初辦時或買或捐得田二十五處歲收租穀四百五十三石七斗五升九合以四百二十八石入冊報銷城內北街鋪房三間年收房租錢十八千文倉在縣署後西偏凡五間貯穀五千五百京石道光二十年增建三間其時完全歸官管理道光二十九年川督琦善奏奉諭旨聽民自司出納始委紳董專管租穀多寄存佃戶至光緒三年川督丁寶楨檄飭清理各項倉穀知縣黃際飛委紳切實調查創辦時民間所捐當業多被原主先後贖還加以災荒蕪廢見土有買業十五處當業四處倉內存穀除軍米平糶及他公項借撥無力歸還實存一千四百九十一石二斗四升原佃額租太重不能滿收從新酌定減爲三百五十一石無論豐歉不准短少

升合每年以三百石存倉入册專備濟荒他公不得挪借以五十石供完糧給薪耗折雜費各租仍悉繳入署倉妥儲董事開倉封倉須逐一稟官黃令即據此稟復批准以後無論何項需用均另行籌款不得挪借升合在案光緒十二年知縣張濤清理公業載入圖說業止十二處而年租收入爲京斗三百五十四石三斗五升本縣市斗二百五十三石四小斗與黃令定額相符是股數有併合也舖房止一間在西街年收租錢六千文正光緒二十九年盤查濟倉實存原額京斗穀三千零二十三石五斗合接年收入京斗租穀共六千五百三十一石一斗九升八合八勺辛亥十月反正義軍雲集以後每遇倥傯震驚鄉米不至軍隊嗷嗷即開倉籌食倉板代薪至十三年遂與常平社倉同盡惟濟田在鄉收穀即存佃家首事經管報銷而兵燹荒蕪水利不修收入大減三十四兩年共得穀二百九十二小石饑年助賑特別緊急公務需用發生仍向借撥見存倉止十餘小石公業圖說所載濟田各業地名及額租列後

大地名	小地名	額租	押佃
羅秀壩	牛心山	四十八石	二百串
較場壩	小河壩	六十石	七百串

百川畧記

李炳士灣	陳家溝	三石七斗	無
羅洞坪	夜鶴溝	二十石	二十串
興隆場	唐家溝	四十石	四十串
興隆場	趙家溝	四十石	三百串
西城外	吳家壩	九石	無
高岩	冬筍灣	二石四斗	無
二郎橋	新橋	十五石	五十串
大路岡	王鬚子灣	<small>五石二斗五升</small>	無
田家橋	米房	十五石	一百串
楠木園	無	十五石	十串
西街	鋪房一院	六千文	六十串
<p>共計租 <small>穀市斗二百七十三石三斗五升</small> <small>錢六千文</small></p>			
<p>積穀 清光緒初年川督丁寶禎以縣州倉儲無多禦荒難恃札飭各地方官督率保團或就</p>			

糧加征或勸募糧戶建倉儲穀舉倉正一人管理

查光緒時報銷册多係保正兼管

邑令黃際飛奉札協同官紳勸

辦至八年乃告藏事統計全縣儲穀九千零八十三石常年交夏一半存倉一半出貸保內

貧農秋收加穀息二分填還凶年一半貸農一半平糶

照市價減十之四五

發斂均須稟官批准年終報銷

一次長官隨時派人盤查倉多置殷實人家經管人以私挪活動或握糶錢不卽買補被查重罰嚴追受累者常常有之終必填足乃已清末興學無款間有稟明出貸收息補助學費者此穀因四散各鄉歷年蹂躪未徧半存半亡十四年春知事鄧慶楨分路派員切實根究非經變故損耗確有實據者一律賠補具結存案粗有恢復基礎十七年夏國民革命軍二十軍第二三五師及獨立旅自涪來縣人數逾萬私儲告竭不得已仍派員分路督籴自此縱有餘粒一時未暇清查亦不足紀矣

The image shows a large rectangular frame with a thick black border. Inside the frame, there are several vertical lines that divide the space into approximately 12 columns. The lines are evenly spaced and extend from the top to the bottom of the frame. The background within the frame is white, and there is no text or other content inside.

南川縣重修縣志卷四之二

食貨下

農業

糧食 邑人常食隨地之產水田產稻山土產包穀紅苕雅名番薯冬季田土皆產麥金佛山半寒

瘠從前獨產洋芋今已絕種下地亦多腐於地中五者皆正糧然以稻包穀紅苕為大宗紅苕不擇土不甚費肥料種之包穀行中一季兩獲窮民全藉以代穀米為功

不西北兩路正南路自城外至萬盛場及東路近城一帶水田居十之七山土十之三南路起筭頂東路

起半河低地田土參半山半土多於田高山有土無田稻米以吐文壩羅洞坪鐵村壩至橋塘

諸地為美質堅耐碾色白多脂重量每挑四小六十觔二十兩稱不受症之年十斗穀得熟米五斗

三四升次亦五斗他地十斗穀得米四斗五六升色香味重量皆遜邑量穀十斗為石八斗為

挑四斗為背質重之穀以挑計以一人運遠止能勝八斗也質輕者以石計以一人能勝一石

也山道路崎嶇不用擔而用負一器所容一人所勝不過四斗也收晚少日主佃多分溼穀于田中溼者較重高地食包

穀者籩之碾之以粗穀飼豬俗呼麵麵飯質剛耐飽惟家富年老得專食稻米次者兩和貧

者純食包穀以有為幸下地種土窮戶向時亦多恃雜糧兼湊度日近年社會消耗增加雜糧

常貴於米寧以易米不常食之矣他若高粱惟萬盛場所產較多苽麥小米宜於初墾火燒之地間亦種之非大宗也

雜產 糧食而外農家專力經營獲利者數種附城地蔬菜碩茂多園戶薑藕荸薺賃良種田

之美歲利渥於殖穀以外大宗一曰葉子煙菸草俗名附城周圍及各路諸平壩家割以石斤百計稀行

深溝肥料須油粃頗費貲本人力種賣於秧亦一專業成林後朝暮看蟲拔鬚注定諸幾皮餘藥始生即滅之築巔可刈三次然

以初刈為有價值二三次葉小味薄地質不厚者一刈後奄奄斃矣二曰靛西路白沙井觀音

橋尤饒北路次之多種於山土六月中摘初次曰伏葉八月摘二次冬月刈莖拔葉浸諸池數

日夜汁盡出撈去渣滓乃下石灰兩人用木齒長扒奮力對攪稍息汁澄於底啓池角孔洩水

凝者為淨靛隔一晝夜留之不急俾者宅中掘坑貯之愈陳愈佳然後束莖藏地窖中溫暖處次年春中植焉宜易生土其原

植則撈松毛厚覆之來年時至而發曰回頭靛性最畏霜雪葉未刈一夜霜即無汁種留土中

霜重必死雖善保種鮮有逾三稔者價賤時百劬三四千文今昂至五六千文近有洋靛冲

入價稍低而色薄易晦染工用以攪和人終賤之三日苽苽俗呼五穀米一曰苽仁西路觀音橋特產實大

味濃而香興隆場陳家場較遜種亦較寡每年穀雨下種須用溫水澆過否則不生與稻同熟

連稈刈歸露積旬日脫其粒密室四周堆磚鋪竹簍撒粒其上炕三日夜一碾去殼再碾求精

穀厚粒微每斗得米三升每年約收一千大石價三倍稻米售諸渝商獲銀萬圓左右四日燈草亦產於觀音橋年出數萬觔宜沃田冬種夏收刈歸晾乾去殼抽心以燃燈裹燭不抽心以編蓆出售遠近年就原植所發餘孽刈而更栽不須種子觀音橋人織蓆者多與織布同資生活五日芋片金佛山麓饒磨芋土人切細曬乾曰芋片以三匯場爲市巴渝南岸有商來辦年售銀四五百圓惟棉花一物舊產於萬盛場不知係何年代久已絕跡清宣統元年知縣孫守正自外購棉子若干分發各團農戶未講種法一概無穫及民國以來漸有試辦者木涼傘人滕某自漢口攜美種子色綠結果大吐花長數十粒歸試種於本境復分貽其戚屬北路雙河場劉君漢屏兩處俱年有豐穫俱未再辦不過略種數塊上作試驗延及近隣二三十家惟鄉人泥故粗心多不依法且或值天時不利以致耗敗則歸咎於非土宜俗情固如是也今錄滕某所談種棉法於左有心人無妨

小試

每年春初擇向陽傾斜之沙土鋤深五六寸暴露數日至清明穀雨間擇綿子尤堅粟者和以草柴灰攪拌散播土中每窩五六粒兩窩相距一營造尺蓋以調和豕穢之柴灰火灰面上再撒穀皮十餘日發芽出土長至三四寸拔小弱留強大者一二株耨之施豬糞嗣遇

大雨後輒耨使土益疏鬆益善惟施肥不可過量多不過三次至四五寸摘其巔使多發旁枝交秋

開黃花結實如桃皮裂吐白絮摘回晒乾以機軋去其子而人功畢

高粱脂麻甘蔗俱為萬盛場熱地產物高粱釀酒脂麻榨油甘蔗不成莊但供閒嚼近有外河

場師挾桃梨橘橙諸果秧來售代蒔代接附城人多購植尙未收效

農時 農功早晚一以地別地低氣熱者早高寒者遲邑南萬盛場東鄉壩最早以春分播揆

夏栽揆秋穫縣城周圍及北路石牛河橋塘等處次之餘地又次之高山則播不甚晚而穫已

過秋分與最早者相差兩月僉佛山二燈以上高寒無穀惟種蔬菜以夏為春以秋為夏一以

種別有所謂七十早者一名自栽至穫七十日其次白早揚塵早亦先他穀十餘日陝西穀羅

漢穀早貴陽粘之屬次之最遲諸種自下田至登場約須百五十日中等田地高低肥瘦冷熱得中不可貪

太早則受氣不足而寡收過高之田須買早秧於下地以避秋風自箬頂以南農家皆年買早

秧於南平鎮境內此種之早晚當因地而制宜也低熱之田播後三十日即栽曰栽嫩秧高寒

之地播後五十日始栽曰栽老秧包穀早遲相差尤遠下地五皮早發五皮集即結實栽秧後播於麥土

交秋已收在土不過六十日七皮早栽秧時播立秋後收高山大黃包穀春分後種九月尾始

收古謂黍稷先種後熟曰種後種先熟曰種包穀亦以黍名殆種種之屬歟

下地包穀後稻而種先稻而熟高山先稻而種後稻

而熟稀見日家編平竹排比若席於火爐上炕之

農功 農人出資本勞力用之三事曰耕耨曰肥料曰水利三者並到勿取巧而偷其穫罔不

多功孟子教民深耕易耨荀子戒農桔耕桔耘倣載南畝欲善事先利器耕具載於文籍渾曰

耒耜俗析為三日犁把曰犁圓曰鐮口三物合一人所運以起土也曰牛打脚曰耨擔曰犁疆

曰繹索曰牛鼻繹五事成備用之駕牛挽三物以前行者也以此破固結之土圻而為塊曰犁

田犁後以堅木作架下排鐵齒上繫柱續柄曰耙子仍前法駕牛挽之使前以破粗整之塊為

細碎之泥曰耙田 把制大而小別者有探把有木把有砂子把以揉泥面砂以融泥底 良農秋冬春夏各一犁一把揉泥如羹是曰深耕

三耕三耙已為偷力減是者直等於不耕其他田畔歲必剝舊泥敷新泥築之以防漏高坎必

砌石以防頽提泥餅糞堆播散田中利用扒梳秧田尤重要播種必勻先用板刮之平之既播


三日種已甲拆決水墮之曰晒水五日注水養之曰關水秧深而蟲生編篋篋縛長竿上每晨

往刮之分秧競捷行欲直文雅人亦善為之栽後三十餘日初耨 俗曰 手拔稗去草足著力揉

泥使根踈蕩水使根活苗已姪再耨初出穗一耨寧增勿減是謂易耨穀熟用木板為方斗縱


橫各四尺中置架竹藩圍其三面三人刈禾益把兩人握把向斗架對擊脫其粒曰打穀農家
 大厄莫過收天當穫雨兩登場者蔭在田者芽五日損半十日全失預備不虞宜作炕竈前清
 川督其憂民之切頒發炕竈圖如後

煙囪



炕竈房式

按造炕穀屋法用四面土牆瓦屋一間將窗戶閉塞地面開成井字火溝房外打竈須先掘一坑深淺視竈之高矮爲度如漕房染房地竈務使竈面與地平前係竈門進炭竈背煙窗橫接溝口發火之後竈上安鍋仍可煮飯竈門一關煙即平走溝內無論一竈兩竈房後出煙之口祇宜一處橫出地面上接直筒煙窗高出房頂至房內地而除溝面必鋪磚石外如磚石價廉滿鋪更好否則用三合土築地亦可此係修竈打溝並不費事費錢之法至於燒柴燒炭又當因地制宜聽憑各處簡便總使煙走溝內煙氣即火氣火溝即煙窗嘗看人家竈上煙窗一經發火煙窗外而即熱不論烘炕何物頃刻即乾溼穀水氣雖重不過半日房內所炕數十石斷無不乾之理



按做溝法宜寬深尺餘溝之兩旁及底能用磚鋪砌更好否則作土溝亦可溝面必用磚蓋
 宜薄不宜厚不可有縫以免漏煙溝開井字式再加斜溝三條者使煙火之熱氣回環徧繞
 地中隨處皆有能多炕穀但四角石板必須製成活蓋以便隨時取開易掃溝內一切灰土
 肥料宜充視地所有邑山農於夏秋間草木榮生氣旺剗地皮燒火灰積之池和牛豕糞春耕散之田曰

擔土糞春刈豆麥苗及他生葉泡之田曰秧青秧田宜極肥俗語穀從秧上來狗矢人穢惟其

有搗油粃燒豬骨牛骨灰二骨灰宜冷水沙田或麵或人穢粘秧把插之尤美近聞磨豆漿和糞為肥料冠

插秧後土瘠水冷肥料耗散撒揚塵及石灰可生熱吸糞要之牧畜蕃而後肥料充農貧多盜

則牧畜難孳耕種田宜水牛力大能深犁山土宜黃牛不憚陡險今農多貧不能畜牛擾竊尤衆是地方盡力防盜亦以利農也

水利為農田生命河渠溝澗史有專篇然在邑中則有急有不急耕者有修有不修惟鳳嘴龍

崖兩江半溪魚泉河下流龍見橋以下沿岸多水車截流砌堰注水激輪縛筒百水翻頂而傾受以木

笕托以木又笕笕相續可達千畝時有損壞歲一修治暴漲撞碎則須改作獲此利用專屬澤

農其餘大山之麓小溪之澗或導蒙泉或截流水引而為渠夾其皇澗迺其過澗更番輪換限

以日夜涓涓灌注利澤均沾書入契約歷久湮廢同力修復曲防竊灌乃啓械鬪邑北路羅秀壩七星堰道光年間農


家爭水與訟經魏令堂判將判詞立碑水為分定據碑云南川縣正堂魏傑諭查七星井周圍悉是劉詩矩之業在劉姓自應以己業內之井

業已業內之田惟不應於堰內安車耳再查七星堰亦其來源係由鳳頂山高樓溪茶土坊三處而七星井之水亦流注堰中若於堰內安車則

三處之水悉被截留下游無水良田必渴只許劉姓於岸上架板不得於堰中安車至於分日輪派特定為分注合注

皆有水溝四日四夜輪流周照此辦理倘有不遵准其錄諭稟究切切此諭道光二十九年十月初一日遵示刊至於陟我高岡

藝如鏡法預備之虞古之善教顧周覽原隰相遇恨疎或惜財力而不浚或貪涸澤而盡耕
 惰農之罪大矣若夫挹盈注澗損下益上則有車名龍骨可四足踏可兩人挽一軸中轉全身
 動搖以板刮水銜尾而上如龍天矯家家咸備外有長繩小籠如瓢取飲名曰戽斗其得在器
 輕而輪速其拙在取少而勞多也脫粟出米亦有利器為籩為碾為碓置諸迅流之濱藉水駛
 以轉輪因輪動以觸器旋舞不停一啄一起可省人力皆農家利用宜與堤堰並載附圖說於
 後




水籬子 係利用碾子旋轉之力減少人工而籬穀子之機械也如圖分甲乙丙三部甲爲籬子上扇乙爲籬子下扇丙係木筒爲之下端有夾口用此騎在萬年棒上上端亦有夾口此夾口所夾之鐵鏟上接圓鐵棒通過乙圖內已及戊以至上丁鐵鏟丁至上丁即舊式籬子之籬心也已爲乙固定之樓板戊係籬心中之方鐵板自丁至上丁由戊通過中央通過處又能活動辛爲籬羅庚爲辛中央之小條孔法先將穀子盛入甲內又將丙下端夾口騎在萬年棒上利用水碾之旋轉力丙亦隨萬年棒而旋轉因丁夾於丙與上丁連接上丁亦必隨之而旋轉戊係固定不動中央通過圓鐵棒之圓孔不大不小與圓鐵棒適合以防穀子下落但圓鐵棒在內恰能活動當未旋轉時先將甲圖合在乙圖上上丁即由庚之小條孔穿出如壬圖此時若上丁旋轉甲必隨之而旋轉穀在上扇內因碾子旋轉以致上扇旋轉穀即去穀爲米及糠而出籬穀之多寡以旋轉之速度爲正比例至籬內天秤亦同人力籬子製法但將天秤加在上丁之鐵鏟上即得如工人精良天秤亦不可不用

水碓 水碓之制合碓與車兩大部分而成碓之部分與脚碓同而碓身輕長其法於溪邊急流處用石砌岸距水面高二尺許平築碓基臨水方面微缺其唇傍壁方面窰大石白謂

之碓窩上用尺許過心堅重木質爲碓身頭大腰小尾扁於頭端鑿眼植堅木杵爲碓啄末投鐵碗謂之碓碗從頭量過碓腰三尺三寸橫鑿貫木棒兩端長短合度爲碓手再以木杈或石鑿凹形窄植缺唇兩旁謂之碓椿然後將碓手攔置其上若脚碓則碓尾謂之碓踏只長一尺八寸人踏其上而碓頭自揚水碓則碓尾宜長始便接受水車十字架之壓力車之部分與水車同而車盤較小先於溪中欹斜築隄逼水勢緊趨岸邊用石灰砌中空通水上豎四柱八橫木架天窄地寬期於穩固若水碓之車只用兩柱六橫屬碓之方面橫木四根卽寄於砌岸木架之上用尺餘過心之堅木爲車心兩端參錯鑿眼兩兩相對植小木條爲車桶桶之長短多少以車之大小爲度若水碓之車極小桶長不過八九尺多不過二十根車桶近稍處兩兩相交用竹圈靠於桶稍仍分兩層用竹絞圍車邊每空縛一篋摺攬水以重水力沖動篋摺而車動矣再車心屬於碓之方面必長仍寄於砌岸用石鑿碗形使車心活動近岸尺餘或二尺許鑿車心置十字架車心動而架隨之轉十字更替壓碓尾而碓頭之起伏極速舂米與糠極便更有造一碓房將米或糠放妥鎖閉直待熟時始開門取歸更

覺簡易

水碾分天灌地冲地盤二種天灌係水由上冲動機械地冲由中冲動機械地盤由下冲動



機械着力點雖各不同利滑水爲原動力則一將三種如圖說明於左

天灌 如圖甲乙爲水車崙乾車之支點係鐵製成各置於鐵製之馬鞍橋上水車崙乾車皆備置用木製成同一車心水車圓周概製成水背夾盛水崙乾車圓周皆有輪齒與平乾車圓周輪齒合度相交接平乾車位置在崙乾車之側亦係木製成平置圓周亦有輪齒長短大小距離與崙乾車輪齒均相等且與崙乾車輪齒合度相交接車心係正立向上與地心引力成一直線上端接萬年椿丁通過戊處之頂心石此處係用力旋轉礮子之支點下端接丙_釘丙之下置有銅碗取其堅硬不易鑽穿且又爲平乾車用力之支點萬年椿上貫以礮杆礮杆一端貫以管家婆如庚中通以己己係木棒爲之一端固定礮子之圓心固定圓心處係正方形以便礮子隨己旋轉一端通過管家婆但通過處接以圓鐵棒因在管家婆內旋轉用鐵乃能經久圓鐵棒通出管家婆之外端有一小孔加鐵錢於上由小孔貫以鐵釘但鐵釘必固定於鐵錢以便鐵錢隨礮子旋轉及礮子不致有前仆後仰之患以辛爲礮杆繫木棒之繩壬係礮杆對礮子之着力點癸爲碾礮礮子置於碾礮內萬年椿在碾礮圓心中周圍距碾礮相等故各部機械一動礮子卽以碾礮爲軌道而旋轉至旋轉方法

先將米置碾磑內開起水之來路水卽由子處流入水車之水背夾內以矢形(∨)示力動之方向甲乙兩點爲水車崙乾車支點水一盛滿水背夾重量增加水車兩端因力不平均必如矢形方向旋轉盛滿水之水背夾旋轉至下面盡行將水傾出因此兩端之力一輕一重時常轉動來水不息水車轉動不止崙乾車與水車同一車心同一支點水車轉動不息崙乾車亦同一方向轉動不息崙乾車圓周有輪齒與平乾車輪齒合度相交接平乾車輪齒受崙乾車輪齒之動力平乾車亦必如矢形方向旋轉平乾車車心上接萬年椿丁下接拐釘丙戊與丙卽爲力之支點車心亦旋轉萬年椿卽隨之而旋轉礮杆貫於萬年椿萬年椿一轉動礮杆必隨之而轉動礮子圓心固定於木棒木棒接回鐵棒之一端活動於貫礮杆之管家婆內但鐵棒出管家婆外面之小孔貫以鐵釘固定於鐵錢若礮杆一行動着力於木棒之處如壬必向前進壓礮子礮子因是圓形受壬之壓力必於碾磑內循碾磑而行糙米裝在磑內必受礮子之磨而成熟米如米已熟將水閉去則全部機械均停地冲 用水比天灌多地不高指水來之地而水大之處多用此種名雖不同所用機械及安置部位一律皆同所不同之點係水由水車半腰流入水背夾內冲動水車水車一動各部機械

同天灌作碾米

地盤 用水比地冲尤大如地低指水來之地而水尤大之處即用此種其法將天灌所用之水車

崙乾車截去不用只將平乾車圓周輪齒一律改成水背夾置于水流冲之處將水開起直

冲水背夾水背夾受水流壓力猶之受崙乾車輪齒壓力以致萬年椿旋轉壓碾子循碾磑

行動碾米以上各圖只能繪得各部機械四圍牆子未能繪出總之碾子之炮臺碾磑係重

在崙乾車平乾車之上而由四圍牆子撐着水車崙乾車平乾車車在炮臺碾磑之下面被

四圍牆子包着

堤堰

東城外灌壩官堰寒婆堰 二堰截半溪河流官堰循右岸東行又分支溉壩之東北寒婆循

左岸南行溉壩之西南各二三里

吐文壩上下堰 上堰自起鳳橋下流截石鐘溪流右行沿西華葑山麓長五里灌田三千

畝下堰起橋下流三里左行沿九龍山麓長二里灌田約二千畝

羅秀壩七星堰 源出壩東北田邊七星井井底七眼上湧光耀如星鄉人就此開溝傍山

麓東南行至觀音閣旁約長三里壩南三潮水王家溝各就山下泉源開堰一道灌附近田畝

羅洞坪東石澗溝堰 自山左北下灌陳家壩談家壩一帶約長十里 古家洞堰自山西下一支左行灌炭廠坡一帶約長五里一支右行灌大土大嵐凹一帶約長七里坪西楊家橋堰灌茶園廟灣一帶

鐵村壩大碑堰 截黑溪河流過大院子土磚房踰小溪貫徐家壩約長三里奇灌田穀二千石

石牆場堰口河 引自場來之小溪灌倉樓大樓壩一帶下流曾家堰灌七孔石倒石橋一帶

二匯場幹流石鐘溪五堰 (甲)王家堰 (乙)合口塘堰 (丙)羊角塘堰 (丁)撩葉

溝堰 (戊)倒角塘堰 左支紅河溝四堰 (己)溝口堰 (庚)廟岡堰 (辛)洗馬塘

堰 (壬)炒炭坵堰 右支陶家溝二堰 (癸)崖頭堡堰 (子)洞上堰

水江石龍家溝下流大堰冉家堰

石牛河安山寺一堰 (甲)發源倒角溝灌白楊灣一帶 (乙)發源馬欄溝七根樹灌靈音寺官田灣一帶 (丙)發源崖子頭灌魚池灣向家溝一帶

圓村壩西穿洞河背塘溝堰一道 東北長溝水堰一道灌楊柳壩張家溝一帶二千餘畝
場南黃泥洞水灌毛家壩田壩一帶田千餘畝

農占 農家占驗歲之豐歉天之晴雨有原於陰陽五行者有近于格物致知者雖一知半解虛揣臆度有驗有不驗然確出一班農人留心審測而儕輩揣鋤對語藉草坐談以此相教告詔先知多叶音韻有古風焉略摭數則勿忘稼穡艱 豐歉 陰陽一氣先造化總由天但看

立春日甲乙是豐年丙丁遭天旱戊己損傷田庚辛人不靜壬癸水流川立春占 月得三子主

蠶多若得三卯果豆多三巳小旱三午大三亥溪澗湧洪波三得占 四月無立夏新米大過陳

米價以下雜占 六月冷穀斷頸 要喫來年飯八月初一看初一晴米價平初一雨米價起重陽

無雨確內無米 春壬子雨人無食夏壬子雨牛無食秋壬子雨魚無食冬壬子雨鳥無食

驚蟄雷鳴米價平九月雷鳴主穀貴冬至雷鳴豐年有慶無雲而雷大饑大疫 雪花六出豐

年可卜二月大雪主來年豐來年當指本年以耕種期在後故曰來 冬至節內雪殺地中蝗子雪入地一寸蝗入

地一尺雪入地一尺蝗入地一丈來年無蟲災 霜降一朝散主來年歉霜降三四續主來年
 豐 霜有鋒芒吉平者凶 晴雨 四季甲子不用雨四季丙寅不用晴 立春要晴立夏
 要雨清明要晴穀雨要淋 雨灑二十五下月無乾土 立夏不下犁扒高挂 六月六打傘
 蕎子得個光程程 五月二十三落大乾細落細乾不落不乾重陽無雨望十三十三無雨
 一冬乾 白露成雙乾穀上倉 八月有三卯牛喫爛穀草 久雨逢庚晴久晴逢戊雨 日
 沒臙脂紅無雨也有風 烏雲接日西明日不似今日朝太陽西閉時雨 月暈主風缺在何
 方風起何方 月色黑水色青濺色赤旱色黃吉 雲如人頭在月旁白主風黑主雨 雲橫
 截新月來日雨 一欄星與定晴 夏夜只密星稀雨 雲走東一場空雲走西披簑衣雲
 走南雨消消雲走北黑一刻雲形似魚鱗主風早燒雨晚燒晴 朝暮見霞無水煎茶 朝霞
 褐色主雨暮色乾紅主晴 電閃西南晴閃西北雨閃東南風 山罩雨河罩晴 山戴帽雨
 必到 水面上青靛天公色必變 行水邊忽聞異香及腥氣皆主雨 鷓浴主風鵲浴主雨
 一鴿晴二鴿雨三鴿四鴿漲大水 鳩鳴有還聲爲呼婦主晴無還聲爲逐婦主雨 牛囓
 草望天主晴 狗飲水於河主雨 犬食草晴貓食草雨 蚯蚓滾沙主雨 蟻遷高主雨遷

低主藉 夏至日螞蟹上岸主大永侵岸 蠅忽集雨 蛙鳴聲大雨

佃租 客戶代耕人田須交銀錢押主手以防逋租退佃時領還邑押佃悉以錢田肥省力者

重田瘠倍力者輕以出田穀一石押錢一貫為適中北路石牛河橋塘一帶押佃較貴占田價五分之二以壤沃故地主富裕寧減押佃

以實租地主窘急則寧短租而加押故無定率近日穀價驟昂舊押太輕紛紛加取為臨時一

大進款至有與賣價相埒概不收租者曰加大押佃邑中佃戶困窮無見押佃者甚多近時地方派款或議抽及佃戶名租穩捐若果行之所得無幾而佃益苦矣田主

取租向時瘠田多係平分有溼分田中乾分兩議各就事勢之便今則多係攜租有雖攜而實

同平分者必係最瘠之田肥田攜租定規或主六客四或主七客三尚不為過然近數十年來

客多貧惰主多貪婪有等田虛張租額實收無幾而主必取盈故有客止一二者有盡數歸主

尚不滿額而外貸人向外借轉貸人向主借以足之者若不認貴則無田可耕而失業并無宅可徙而失

家此不得已之苦况也喪亂以來佃農困迫無賴子弟年長力強不逃而投軍即散而為盜由是耕者日少而田愈荒盜賊饑饉兵戈三事連結而盜益長矣故有主張一律分租以安佃農而寒盜源者佃安則主安而田不荒誠保富之善

策也 山土為附帶品隨田者向不攜租惟專種則有之而較田為輕種土力艱於田而利不及前清時赤貧之戶

有錢五千十千賃山土一幅屋二三間兼外出作工傭力夫婦兒女三四口即可終身過活今

土租漸廣漸昂而雜糧隨貴所獲亦足相當故此等勞民比產業少而派款重之中戶反覺樂

生惟不可遇凶荒耳

按佃租一項以隨年之上下或主客平均或主六七客三四照議分收爲近情合法乃地主一因防佃戶或偷惰不力或掩匿爲欺或先期濫費一因買田太多秋穫時間不能一一往分故變爲攜租可杜一切弊端而亦涉簡易有良心者量己田產穀之實際酌中定額歛年又稍稍減讓未爲不可乃近來人心殘刻以爲地權在握可制貧農之死命也所定租額多照一二最豐之年或三四十十年前地方充厚之時歲歲執以求盈佃客亦因賃田之艱忍痛受虧勉強承認遂至終歲勤動盡入主人之倉不得以養其父母妻子債累叢身永無伸腰之日此古代國君施於人民猶謂之暴今則以人民施於人民羣視爲當然而或且爲之保護此亦社會中不公不平之一大端言之令人憤疾者也然古語馬窮則佚人窮則詐人無論有何等威權逼人至於無路未有能永久束縛之者今日樂享素封之地主已處於至危之地惟恃此二三效勤竭力之佃戶爲所依倚萬一杼柚其空半菽不飽輟耕隴上何地不可求生而必枵腹作牛後耶已田之豐齊年之登耗豈不知之或明攜暗分或徑不貢而微利益均沾未爲非福願爲我倉旣盈者進此藥石也

蠶桑 邑中蠶桑一業祇算平常十產青桑葉小而厚多漿荆桑俗名草桑大而薄又名黃桑馬蹄桑葉大而厚色青多漿宜飼小蠶翻眼

後不用東路有水桑油桑兩種皆易生之物田隅土角隨處有之附城周圍及東路蠶戶較多婦女習勤作私積不爭多而利穩即氣候不適之年徒勞無獲亦無大損清末各地提倡實業湖桑嘉定桑自外買秧來

植旋即自養東嶽廟官辦蠶桑傳習所園村壩辦蠶桑學堂清末西門外乾溪磔有仁裕桑社私人

移合北門外普澤寺有儒釋桑社僧俗集股成立各栽桑株製蠶具私人用沃土種至數千株以上者亦數

家皆以飼蠶過多人力不到或氣候不調往往失利漸歸衰歇惟水江鄉童子敏等善於經營每年賣繭賣絲得利數百圓至今不衰民國

九年統計課調查全縣春繭約計二千八百餘劬每劬價高者一元四角低者五角通計約售

銀三千六百七十七圓九角竊意本邑氣候寒暄適中鄉野間田宅而外均多曠地蠶桑之利

乃所應有勸業者宜課鄉戶普徧種植一律飼養而不可貪多器具精良法參新舊仿古人百

畝田則五畝桑之制每年各鄉定期為絲會勤勉有功者加以物品獎勵當種不種能養不養

鄉長里老勉加勸告強迫如此分不見多合則成市雖迂闊之談實古聖王良有司敦俗勸功

之遺意想亦政府設勸業專員應盡之職務也 邑東南山岡多櫛櫟二木遵義志辨二木同異之點甚詳俗統名青桐皆可飼

蠶其雙名扶櫟者自為一種叢生櫟林中似櫟而小葉粗大而色青不宜飼蠶亦閒養山蠶以種貴而難於保護人憚投資不如黔省之發達

擬設農民銀行說

記者曰南川僻邑工商之業不易振欲裕民生首宜注重農務農務何由重將舉農工商部所頒之條教由實業所宣布督飭見諸實施耶抑申令各地組織農會互相研究勸勉耶若斯二者法令久具惟未直接察視農民生活之利害而爲之謀故如與餓夫談珍膾之美凍叟誇狐裘之溫實際上乃毫不相關焉農業之美惡繫於農功之修廢農功之修廢視財力之有無有其財力而不修農之罪也欲修而無財力非農之罪也方今凡百藝術確有新優舊劣之分欲爭優勝必舍舊研新惟農事不然選種施肥耕耘之早晚潤燥之調勻土各異宜經本地老農閱歷試驗精確而來財力充足如其教而黽勉收效如操左券縱有新法愈於舊法可以增加不過如錦上添花非其根本而無財無力尤爲畫餅空談今觀吾邑農業之退化大患有三其一曰兼井富人積財貪不耕而穫之利以一家占數家數十家之產委之窮佃平日子種口糧肥料之有無渠堰墜隄之治否一切否問惟俟秋穫而勒課其租入甚且縱紀綱之僕以換佃爲利市而婪索其賂賄佃窮無財因以無力名曰業農恆藉他業餬口除應時勉強播插外未嘗一至田間

播種之時無種子口糧失時者比衆

而田荒矣荒則收寡主人預防其狡

賴而高張租額以待佃戶預防其初收而藏匿減少以要互弄機智主防佃如防盜佃欺主如欺官而田則並聽其無押佃少則盡扣不足以償債負逼則新穀剝肉而賣主客同歸於無奈而已尤可惜者一地之產不止稻粱潤濕境坳宜栽桑竹牆畔隄邊可養梓桐吾邑五土其備阜物膏物核物英物叢物何一不阜方今物質文明最精用宏何利不厚然佃戶則業非本有孰肯代爲主人則地苦遼隔不復兼顧貨棄於地閉庫患貧牛山濯濯槎枿必斬此農業竄敗之一因也二曰鴉片鴉毒殺人於農尤甚自種自吸不待外求最易傳染於是勞農化爲煙客尪弱困憊夏懾炎暑冬畏寒霜芒芒然歸苟且了事肥料則分以種煙活費則移以囤煙培植嘉穀之本悉爲煙奪稱貸青苗之錢恃有煙償田旣不能不涸稼又何從而茂此農業竄敗之二因也緣此二害農之業遂不可爲農之苦尤不可耐寧舍耰鋤以嬉於市井初散而爲狹邪再散而爲盜賊及革命前後乘政局之動搖官威之墮地蜂起行劫竄踞山鄉已不能耕則亦已矣乃以我之戴牛佩犢不容人犁兩鋤雲跼之徒葛之民白晝洶洶闖入入室黍肉則奪之抵禦則殺之係累其父兄遷移其重器由是苗爲鼠食巢讓鳩居老翁踰牆而走嬰兒倒縋而逃昔十室之邑今無四五焉向八家同井今無二三焉甚至

煙斷火絕荆杞橫生畚田熟土化爲狐兔之場黃鳥言旋孰結沮溺之耦我徂東山觀於大有元合諸邊境沿嶺而南放乎草壩場啣原隰一斤荒涼有採訪員婁定三者年已七十粗通文字以爲續修縣志探風問俗得以閭閻疾苦上達有司冀蒙當道矜哀念流氓之始歸耕桑之未復稍蓄羊毛俾蘇頰尾言言淚字字哀鄭俠之流民圖也漫叟之春陵行也由此觀之先民沐雨櫛風披荆抽棘所墾拓以藝黍稷者今復爲草木宅禽獸居矣兼以逐鹿方酣連營召募力田男子朝揮短帚夕荷長鎗昨胼手胼足以食人者今呼庚呼癸乞以食於人一縣不止數千一鄉不止數百夫如是收入焉得不減富歲焉得不饑至於凶年而道殣相望升米萬錢十三年又何怪焉此農業蘇敗之三因也今不祛此三患而空談整頓實業雖神農復生從何著手然必欲解除乃無一易易惟冀真正革命早日成功總挈政綱實行改紀裁兵而還我壯丁齊出南畝弭盜而招我流亡共服西疇鴉片則舉國一律嚴行刈殄俾無遺育敢不戒絕者殺無赦政府威德所能逮也若富豪兼井地權遏絕勞農生路爲秦商鞅所特許根柢深固不能於一朝間驟取而均之况今之富民亦顯頽凋傷非猶昔日寬裕一歲之入半充稅餉亦無大慝三民主義殷殷於此謀和平轉移之法而目前未易措

手也邑中貧民無慮二三十萬而佃農勤苦力穡尤為可憫且不先扶拯之無以善其事而足衣食興禮義也衣食不足禮義不興盜源不可清而弭也竊惟富民之兼并貧民不僅在地權尤在財權富民有土即有財貧民無土即無財一歲勞力所穫悉以供租退而自覓衣食及措置第二次穡事不得不向人稱貸於是富民得而挾制之穀不易倉錢不易手而納息數倍就油熬骨燃箕煮豆慘莫甚焉管子權輕重耿壽昌置常平以及荆公青苗朱子社倉近代濟倉積穀皆欲奪富民挾制賒貸之權以輕貧民負債償息之累也惜其為數不多又操於官吏團保之手種種扞格有名無實且所惠者區區數斗之粟而今日民用之急不專在粟也

濫公與荆公爭青苗常平得失謂貧農所急在粟不在錢由常平生活簡單錢貴物賤民間不用錢與今日社會情形相反

今日中等人家一歲銷費雜用十倍於饔飧及耕稼而外別有企圖所得金錢之活動周轉不可今年四月記者起草及於食貨適劉君泗英自京漢歸來晤談及此君謂莫如辦農民銀行農民銀行者由一縣公舉多數公正巨紳以公民資格籌款開辦擔負損失請官監督不挾商務性質以救濟農民扶植農業

章程兼及低等工業謂需數十貫錢作工本以造器物者

一毫不作別用貧農苦佃有銀一圓可存之行以生息差銀一圓可借於

行以濟窮法至善也

歐美諸國銀行最多各因人因事而設以活動金融扶助民業有平民銀行普及窮民有實業銀行凡辦實業皆倚之二者皆可辦目前力不能及姑專從農民下手

惟籌款尙未決

定且時值搶攘幸而得款保存尤艱劉君所擬卽集客戶壓佃爲之亦散漫參差阻撓欺隱徒滋紛擾如有他策易之庶幾推行盡利振起農務不止一端要以金錢爲先爲要故邀劉君擬一簡章標明大旨以請教於邑中諸君子

附擬農民銀行簡章

一本行係根據國民政府明令組織各縣農民銀行及南川農民之急切需要故定名曰南川農民銀行

二本行爲救濟貧農振興實業活潑社會金融發展國民經濟起見得辦理下列各種性質之事項

甲信用借貸事項 專限於低級農工

乙不動產抵押事項

丙農工儲蓄事項

丁商業匯兌事項

戊代理地方金庫事項

已管理社會積穀及貸與或平糶賑濟事項

庚其他

三本行資本暫以各佃戶交付地主之壓金全部繳存本行及城鎮鄉之社會積穀一併收歸本行作爲資本其不足者得向本邑募集再請省政府補助或省農民銀行之貸與及全國各地平民銀行及各種合作社之挹注

四本行設總行於本邑城內設分行於各鎮鄉務期普及於窮鄉僻壤商業部分不在此限五每年當青黃不接或遇荒歉時本行得以最低利率一分最高不得過二分貸出或完全出於救濟放賑平糶尤特別注意山地農民其償還時間半年以上乃至三年但每人貸出額至多不得過五十圓或穀十小石墾荒不在此限營手工業者得與農民受同一之待遇

六地主將佃戶壓金繳納本行後本行對於地主與佃戶間得負相當保證之責但以所有壓金爲限如更換佃戶時仍依下佃付上佃習慣但須通知銀行註冊移轉其主權仍在地主遇地主賣出土地時只須通知本行註冊遇有收回自耕者本行得退還佃戶之壓

金

七本行分農民商業兩部關於農民部分以董事會爲最高主權機關商業部分以股東大會爲最高主權機關其資本劃分清晰應以商業部分補助農民部分不得以農民部分挪作商業部分之用其董事會股東大會詳章另訂之

八本行服務人員完全取有給制除董事會所產出之總理經理外概須經本行之考選訓練並須有確實保人或證金

九各分行得成立董事會以直接監督支配該分行但須向董事總會負責分行總經理仍向總行總經理負責

十本行所成立地方政府當一律取締各該地之因利局及高利貸以及一切類似大利盤剝之舉

工業

南邑舊時地僻俗儉本地製造皆樸陋粗拙之器物亦周日用今則精巧便利者自外源源而來有以新滅舊之勢焉不亟圖改良蜀都賦注裁木爲器曰鈇錡音劈裂帛爲衣曰針管皆仰他人民窮財匱何以

挽之

門市工

印刷

石印鉛印二
家餘皆舊法

照像

城內共
四家

裱焙

找紮

帽鋪

鞋鋪

線鋪

裁縫鋪

織襪

機織
二家

印花

銀樓

錫匠鋪

木器鋪

油漆鋪

坐家工

編布

觀音橋冷水關最多前數年城內
外亦衆編粗紗順紗細紗三種

織毛毯

觀音橋章國安家用狗
毛織成每牀售銀壹圓

染房

織絮衣

橋塘場人抽繭絲織爲束身短袴不
用剪裁縫紉夏涼冬溫耐久便力作

傘鋪

布傘行市
紙傘將絕

篾工

織席及他竹器
水竹席最貴

草席

觀音橋產燈草
專業者數十家

織履

石牛溪石牛河
貧人專業發販

鐵爐

有高爐地爐之別
製器粗細不同

釘工

二三十年前陳家場人專業不下數百
家歲出萬包今止十餘家歲出數百包

轎匠

近來改製新式涼轎
滑杆舊笨重式殆絕

皮匠

外來皮鞋行市舊
釘鞋釘靴將絕

竹麻

半溪溝一帶產竹之區貧人
專業每歲輸出數十萬斤

編笠

雨笠用器至微然亦能成庄凡三種一為細竹絲夾皮紙曰亂績麻一為薄竹片夾皮紙塗以柿油者曰胡椒眼一用籬葉(俗呼也)實籬葉竹葉一作籬邑各地皆有業者觀音橋數家專製年約出一萬個

觀音橋人掘黃荆及雜木根狀類鳥獸人物者加以雕琢修飾染以槐子連往渝城紳商家購作陳設玩具

藤工

採青藤蒸洗脫皮曬轆几及用器之柄

紙廠

紙廠

邑四路皆產竹類別約十餘種最多而適用者尤推慈竹編器造紙皆以之慈竹又分數種本地種曰甜慈曰揚扇慈曰苦慈一名鈞慈外來之種曰料慈(昔有地師游江津杖一斷節竹歸種之而活以宜造紙遂至蔓延)專以白紙萬盛場一帶所種者是諸慈

所造之紙細級潔白者曰毛編毛編之美者曰鈞編白少井石牛溪叢林溝太平場俱有廠法於秋冬交砍最嫩竹入池和石灰澆之一月取出洗淨蒸熟木棒搗柔調制殼輪米漿又蒸多次入斜槽揉細然後入水槽下溜藥筒以竹簾焙於籠上使乾薰以硫磺使白二百張為

碼十碼李十六碼為挑每挑值銀十圓以外其次色黯而厚肥光潔者曰涪河紙(以涪涪川河故名俗號為桐殼紙)萬盛場人專辦法用嫩料入池醃以石灰與毛編同但須泡至半年曰水料撈起擇地晒乾曰乾料既乾又浸之清池數月取出碾馬淘馬為至再至三而後

可謂獲揭又張貼諸竹謂而乾以火曰火焙此紙涪州以上作焚化用舊有涪州石橋金堂懷州兩處商人來場住收以四十五張為一合二十合(一合每張重一兩)近有省中商號請涪路為江安涪州所製竹山皆掘為田上矣其三日方產紙本邑人焚化用之曰

印刷紙佛道家用之料曰黃薄法前易不用火焙三層場吐文場人以爲生業不下數百家以二十張為一合十合為一捆十捆為擔每擔見約值銀三元其四西北路地巴界各場所製竹山皆掘為田上矣其三日方產紙本邑人焚化用之曰

外涪涪陵長壽食業之眾出貨之多與南路漳河方篾不相上下金佛山周園用刺竹平竹水竹箭竹拉雜為之實益粗價益賤涪涪本境紙必用竹物質相同而製造不肯改良此鄉俗通病裹脚簾窄小至極除焚化外無他用舊詢曰紙匠何故不改寬簾無能言其故者近陳

家場人銳意研究毛編改庄數年前蒞某僧往來江調查數月歸仍未得當十六年葉樹猷楊秉知等再往歷銅梁夾江數處歸而試辦已出紙數百萬質厚色白俱勝舊製而裏尚粗今年暑假復治裝出期底於精粹乃已如克有志竟成數十里筵絲琅玕可望復活將以紙業

富一方焉皮紙兩種出東路水江石一種長方籠用大棉皮(人棉)即詩小雅之殺小棉即列子之棉參以桑皮稻草法採原料泡水中數月取出漿以石灰火蒸脚踩各二次手捏成團透以清水取出刀切確務令極細極柔再淘去渣以下各焙與竹料同涪川東上流各

縣一種引紙(質粗色黑)應室小為火礱引線純用小棉皮一泡一蒸一淘即可下槽不求潔白細緻故功亦簡略紙殼秋後束稻草泡深水田中三四十日取出自用田水屢洗粗質盡脫柔如麻絮至清水乃止取出或曬或吞手捏成餅入大甌撒石灰合蒸至熟投水缸中

合泡細者沈底粗者在上以次漚入槽中加滑藥先自粗者為粗貨後自細者為細貨此紙粗厚硬脆大張色黃用以包裹碎物雅名金裝紙吾邑近城一帶開廠造之者尚不乏人

松煙廠

東路肅家溝一帶常有數家煙涪瀘州及銅梁榮昌以上供製墨及

紙扇

石灰窑 自由山灰河灰兩種山灰礬能骨石河灰揀溪中碎石為圓窰以煤燒之河灰鮮白細嫩一稱礬灰

焦炭窑

萬盛場人專業用油煤煨成碎個無煙耐燃俗稱炭花商人收陶由小河運出禁江

碗廠

松子溪白沙井水潔淨處

瓦廠

兼燒二磚燃料煤柴兩用

陶器

北路楊氏崖西路福祿關東路慶元場俱本色粗質惟北路何家村黑釉稱良勞備速住巴基黔者當百餘人製法用白粘泥車(俗語謂以刀削物使圓為車聲為法字

瓢廠盆廠箱廠

鋼廠

本地煉者為皮鋼性硬脆取其經久不捲口相重鐵器用之

鍋廠

兼鑄鐵鐵鑪廠亦有分門專辦者

沙鑽廠

原料用鹽煤馮細米油發溼模範成形平地掘開溝周圍作坎置鑽其上中放燃料以次蒸其四面至將筒鋪松毛於炭上煙起淋以冷水溼煙四撲著器即成青色

玻璃廠

萬盛場外前數年五家今只一二家一廠分工用人甚多其製造必需之物首曰石粉成玻璃之原料也一曰皮硝以融化石粉使有液也一曰桐炭灰以引火入質也一曰石灰以發光也合此四物入砂石罈中用煤火煨之三日夜鎔為柔軟晶瑩之

疑質受以木身鐵口之圓筒吹之成形冷後出用金剛鑽石畫之成磚成片寬窄隨人需要

傭工

木工石工篾工縫工

土匠

築

泥水匠

塗壁蓋屋作窰

籐子匠車匠

修水車

機匠

編麻布

絲匠

絲取

絮匠

絮彈

櫻匠

補鍋匠

糖鑪匠

鐵廠用之身價最昂松煙廠之爐師亦然

鈎油匠

礮匠

造土礮

勞備 以日計者曰零工以月計者曰月活以年計者曰長年俗語勞力曰做活路蓋以勞力為生活之路也則備力之人為賣力備

商業

十九幫 民國十六年商會第六次報告會內凡十九幫曰錢業曰布疋曰鐵廠曰棉紗曰綢緞曰鹽業曰山貨曰絲線曰藥鋪曰油行曰菸鋪曰茶業曰棧房曰南貨曰漕房曰紙鋪曰染房曰屠行曰衣貨

公司 清光緒二十九年渝城人楊俊卿來邑萬盛場設溥利公司捆辦焦炭資本五萬圓今

廢

通惠局 清光緒季年邑人倚託補助公益稟設通惠局 又改名因利局 放債取息其法數人集資開辦

認年提贏利若干歸公其出貨自一千文起三日一場 逢十隔四日者俗名轉角場 貸錢一千者每場還錢五十

二十一場還清民國成立一概停止

按此法因地方無平民銀行為社會經濟小小活動取利甚巧便於小貿易及有急而求者若又藉其贏以補助公益害少利多尙屬可行今私人挾贊乘人之急短借以取大利或三場五場甚或隔一二日遂數倍其本名曰抬錢雖干厲禁然剜肉補瘡逼不暇擇私相授受

莫能止之當平民銀行未成立時准設此局猶愈於縱市槍之盤剝也

鴉片 邑中近三十年大宗貿易惟在鴉片外來客販本地囤戶以千兩為一挑多者由數挑

至數十挑整庄買賣以百零五零三零二為百兩謂之百兩以下或多或少寡鮮不藏煙之戶遂為匪類垂涎殺身破家相隨屬

厲禁森嚴時往黔省私販者尤不憚犯險以資生命作孤注厚利所在怯夫奮臂

貨幣

銅錢 清代邑中本地交易通用制錢惟商場銀錢兼用貨物不拘多寡貴賤悉以錢論價每百九十九

文十百為貫又扣串底一文姦民私鑄劣錢攙雜不能禁止且有差數市僧無良倚此漁利惟

交涉認真必要索掉補故有差數毛錢賭咒還錢之語光緒二十七年後各省改造銅圓錢局

停鑄來源已絕民國初年與小銅圓並行始有小錢之目五六年後物產質稍貴者始不以小

錢給值第供小費及補零之用精好者常被銅工銷鑄器物日益寡少及十二三年各防軍握

鑄造權專鑄當百當二百大銅圓出重價吸收小錢改造小錢一千抵大銅圓二千僅有者以市用不得優價

匿不肯出市面突然告乏小資困難十五年二月商會提議咨明縣署一面示諭各路禁運小

錢出境一面由會印行小錢票四種十文四十萬張十五文十萬張二十文十萬張五十文五萬張總額一萬貫發行邑境通用權時救

濟終非正式辦法他區從而效尤轉生紊亂十六年九月復提交政務會議議決小票由商會陸續收回提高小錢價值以四當十仍申小錢私售私銷之禁隱匿者稍出僅足維持然勢終不能持久也且因濫幣流行微瑣物價日益增高將以銅圓爲單位亦不甚需小錢矣

數百年後有略外圓

內方之制錢者將與錯刀契刀同爲古玩也

銅圓 清光緒末年省鑄當十當二十銅圓發行至縣民國元二年通用民國三四年當五十銅圓至縣五六年通用五六年當百銅圓至縣九年十年普用十四年黔軍總司令鑄當二百銅圓至縣銀圓一圓價兩年間由三千餘漲至九千有奇惟城區及西北路通行南路陳家場永安場小河壩等處八折萬盛場六折東路白銅漕溪以南回村壩合溪場等處七折銀圓價低四分之一十六年秋新當百銅圓較前鑄當百尤小初至與舊當二百兼行尙未普及不久又將以新減舊每新鑄分兩比較遞輕於舊新鑄既行舊鑄卽無形消滅十餘年間家藏當十當二十已爲罕見物聞次第運往上海漢口宜昌新漢等處及造幣局吸收改鑄新式矣

銀錠銀圓 邑清乾隆嘉慶年間買業老契多係銀價似其時多數物值用銀爲普通咸同以來無復書銀者民間藏儲亦多錢少銀其幣式係傾銷作錠形如半月頂銳底平面多小孔九

兩以外為大錠四兩內外為中錠數錢一兩為滴水珠大錠價值較高重量納稅用庫平私市用官平官平

每兩比庫平減四分二厘用銀必經官平秤定輕重辨真偽

其質有足色九九九八之別不及九八為劣價亦隨低其不使用由輕重

高下之無定用數微者須宰作碎件至完納公款補平補水火耗諸苛索由此而起光緒三十

一年各省始一律改鑄銀圓其制為一圓五角二角一角四等鑄皇帝年號及名稱分兩背面

鑿龍形除天津造幣總廠所鑄外各省須鑄省名川省鑄成後藩司行文分發各縣一律行使

民間初甚阻尼所謂難與應始一二年後通行民國之初四川軍政府鑄有漢字銀幣俗稱漢板北京所

鑄有袁總統肖像俗稱和尙外省所鑄流入者廣東湖北江南北洋通用惟雲南作八折本省漢字

兩種銀字金旁帶草者用楷畫分明者不用五角一稱半圓四川滿龍者為老板通用四川漢

字者為新板不用一角二角民國初年偶一見之今已絕跡銀圓便利十倍銀錠惟真贋難別

利於偽造害又甚焉

軍用票 民國二年川軍第一師營長劉興夔駐防南川省城發來關餉每張一圓總額無考強迫

商店通行不久價落每張換錢七八百文又許以三成搭用商家拒之若仇五年省政府籌款

交渝城總商會截角收回

清季 民國 本邑重要物價一覽表

年 度	銀 一 兩	洋 銀 一 圓	租 田 拾 小 石	穀 一 小 石	米 一 小 斗	穀 包 一 小 斗	麥 一 小 斗
光緒初年 至二十年	一八〇〇	無	上 田 二〇〇〇〇〇 中 田 一六〇〇〇〇〇 下 田 一四〇〇〇〇〇	一五〇〇 至 一三〇〇	三六〇 至 三〇〇	二六〇	二五〇
二十一年 至末年	一二〇〇	七〇〇 至 八〇〇	同 前	一二〇〇 至 一六〇〇	三〇〇 至 三八〇	二八〇	二六〇
宣統初年 至末年	一六〇〇	一二〇〇	同 前	二〇〇〇	四六〇	四〇〇	四〇〇
民國元年 至五年	一七〇〇 至 一四〇〇	一二〇〇 至 一七〇〇	同 前	二〇〇〇 至 一〇〇〇	一九〇〇 高 價 至 三八〇 低 價	一八〇〇 至 三七〇	一七八〇 至 三五〇

至末年	二十一年	光緒初年 至二十年	年度	民國十一年 至十六年	民國六年 至十年		
二七〇	二五〇	二五〇	黃豆 一小斗	無	二六〇〇 至 二九〇〇		
同前	八〇〇 至 一二〇〇	八〇〇 至 一二〇〇	白布一件	一三〇〇 至 九四〇〇	二一〇〇 至 二一〇〇		
八〇 至 六〇	五〇	五〇	鹽一斤	十一年 三六〇〇〇〇 十四年 一〇〇〇〇〇〇 十五年 一七〇〇〇〇〇 十六年 一七〇〇〇〇〇	六七八年 同前極賤 九十兩年三四 〇〇〇〇增價		
同前	六〇	六〇	肉一斤	十五年 五〇〇〇〇〇 十六年 三〇〇〇〇〇	七年 四〇〇〇〇〇 八年 五〇〇〇〇〇 九年 五八〇〇〇 十年 二五〇〇〇〇	四年 五〇〇〇〇 五年 二〇〇〇〇	
五〇 至 四〇	四〇	四〇	燒酒一斤	一一〇〇〇〇 三〇〇〇〇	一〇〇〇〇 至 一〇〇〇〇		
同前	五六〇	五六〇	白糖一個	一〇〇〇〇 至 六〇〇〇	七〇〇〇 至 四八〇〇		
同前	三二〇	三二〇	黃糖一個	九〇〇〇 至 五六〇〇	六六〇 至 三五〇〇		

宣統元年 至末年	二十一年 至末年	光緒元年 至二十年	年 度	民國十一年 至十六年	至十年 民國六年	民國元年 至五年	宣統元年 至末年
一〇〇 八〇	同前	七〇 八〇	桐 菜 油一斤	六〇〇〇 九〇〇〇 至	四六〇〇 六〇〇〇 至	低價 三五〇 高價 一七〇〇	三八〇
同前	同前	二〇〇 四〇〇 至	煤炭十斤	二一〇〇〇 七〇〇〇	六七〇〇 三四〇〇 至	三一〇〇 二一〇〇 至	一三〇〇 一六〇〇 至
同前	同前	三〇〇 二五〇〇 至	鐵一石	一〇〇〇 四〇〇〇 至	二二〇〇 二三〇〇	一五〇〇 一〇〇〇 至	一〇〇〇 至八〇〇
同前	同前	五〇〇 四〇〇〇 至	尖 毛 茶一斤	二四〇〇 五〇〇〇 至	四〇〇〇 二〇〇〇 至	一八〇〇 一四〇〇 至	一二〇〇 至八〇〇
同前	同前	一六〇〇 二〇〇〇	山 象 絲一斤	一二〇〇 四〇〇〇 至	三〇〇〇 二〇〇〇 至	一九〇〇 一八〇〇	一〇〇〇 至六〇〇
同前	同前	七〇〇 六〇〇〇 至	漆一斤	一九〇〇 三四〇〇 至	三二〇〇 一六〇〇 至	九六〇	六〇〇
同前	同前	三四〇〇 二四〇〇	燒紙一石	九八〇〇 二五〇〇	二四〇〇 一一二〇 至	六四〇	四〇〇

宣統元年

民國元年	二一〇	四〇〇	四〇〇〇	三〇〇〇	一〇〇〇	四〇〇
至五年	一六〇	五〇	七〇〇	二四〇〇	一二〇〇	五〇〇
民國六年	三八〇	五〇	一〇〇〇	四二〇〇	一三〇〇	六〇〇
至十年	一八〇	六〇	一五〇〇	三二〇〇	一五〇〇	七〇〇
民國十一年	四〇〇	八〇	二〇〇〇	四〇〇〇	二〇〇〇	一三〇
至十六年	二六〇〇	三五〇	九〇〇〇	三〇〇〇〇	九〇〇〇	二五〇

右列清光緒初元至今民國十六年邑中實用貨物價值

子生也晚清嘉道以上邑中阜安淳厚景象不得而睹惟自咸同間髮匪黔匪連年倣擾之後至光

緒中年安息休養年穀屢豐黃張二令皆賢良吏元氣始復雖不及高曾享受熙洽然實無大患苦故其時物價亦極平且低

祇求大較不差以近一二年比從前極低下時有

漲至二十倍四十倍者雖賦稅苛盜賊熾人盡為兵生寡食衆法應增長然又因政體分裂

幣制紊亂減輕銅質強行使所致邑中見時已無小錢但地方交易本自來習慣用錢鄉

人猶援以定物價當百當二百銅元一枚重量實值僅抵從前小錢十文二十文而強以一

百二百名之物值不受其欺故從而驟漲所漲非物之真價彼漲三四十倍之物若悉以銀

計不過二三倍而已惟邑同幣同相距不及百里而或通用或不用或六折或八折如此紛

歧殆古今中外歷史上所絕無者

度量衡

日中爲市交易始自神農同度量衡要政即舉於虞狩蓋人民既有交易即有貪心不同此三物無以平爭而塞詐也爰逮戰國王制廢弛諸侯力政步畝斗斛恣意改更已開紛亂之

漸後世一王御宇非不考定黍律頒發一式然行於官不行於私清雍正時以縱黍定尺一黍爲分十黍爲寸一以尺定權一上下

四旁各方一寸與量一而底方八寸深四寸九分三釐七毫五絲容積三百一十六寸爲斗由工部鑄造銅秤鐵斗頒發各省布政使司及凡掌財賦衙門并飭市廛里巷商民日用度量衡皆如式製定有違制私造增減成憲者皆論如律一見大清會典一但中國政府從不干涉民間私人交涉故清季民國國奏請畫一度量衡者已屢見報章今邑中度量衡以商會遵照

清光緒二十九年農商部下勸業道勸業道下於各縣者爲正式以外有因物而異因地而

異兩類特分列爲表鄉場地別一表但列其不同於縣城商會者如左按畫一制度有二善焉一則國中無僞五尺童過市莫之或欺也一則省用腦經紛紜記憶種種區別也如銀幣改錠爲圓即具此二善

物別

度

公議尺舊時雜貨帮所定較商會尺每尺短八分現經商會規定後每尺短五分

營造尺灰匠石匠木匠所用每尺比商會尺短一寸尺大清會典載工部營造尺爲縱黍百黍之是營造尺有官民兩種也

鐵板尺舊時布帮所用比商會尺每尺短五分今已經商會規定改與商會一律

裁尺 縫工所用與商會尺等

量

縣城米斗 大斗熟米重天平稱四十斤小斗減半

縣城雜糧斗 較米斗每斗大二小升

菜子斗 同米

桐子斗 即雜糧斗搗尖斗凡貨粗值賤之物兼用擣者類推

衡 舊時邑中所用九八三法碼清光緒二十九年農商部定頒行者係照庫平用九七法碼邑中秤戥一律遵照

官稱 二十兩為一斤本地所出貨物用之

天平稱 以十六兩為一斤外河來之貨物用之按天平本指兩端懸盤用砵碼與貨物平衡者其以十六兩為斤乃古人取

天下太平四字恰十六畫也今引而申之凡以十六兩為斤者雖用稱錘亦謂之天平

山貨稱 以二十二兩為斤漆笋絲楮牛皮豬毛之屬用之凡自川黔邊境而來之貨通曰山貨

邊鈎稱 以二十二兩為斤舊時屠宰用之今已改為二十兩

廠稱 以四十八兩為斤煤鐵等廠極粗重之物用之

石灰煤炭稱 以二十四兩為斤市面買賣用之

菜桐油稱 以十八兩為斤棗油漆脂用官稱

松油稱 整挑二十四兩為斤零售二十二兩為斤

鴉片稱 或百零二兩或百零三兩或百零五兩作百兩

地別 度

量

衡

陳家場 一尺比縣城商會稍大

米 雜糧 每斗 小一升 大升半

因物而異 與前表同

萬盛場

用大斗大石

外河來貨天平 本地土貨官稱

石蓮場

一尺得縣城九寸

米斗比縣城大一升半

同萬盛場

小河壩

每尺短於縣城十之一

同石蓮場

同萬盛場

三匯場

每斗比縣城少升半

元合鄉

每尺比公議尺短十之二三

每斗比縣城大二片

德隆場

每尺較公議尺短十之二三

同前

油漆肉十六兩為斤算漆二十二兩為斤二十四兩

興隆場

每斗比縣城小一升

上溪場

每斗比縣城小半升

太平場

比縣城市一升

比縣城商會稍大銀圓正七錢一分

鳴玉場

每斗比縣城市十片

冷水關

每尺比縣城商會大六分

比縣城大小片

石牛溪

每尺比縣城商會短四分

石麟場

每斗比縣城市半大半斤

豐隆場

每尺比縣城短二分

每斗同鳴玉場

橋塘場

每小斗比縣城
市斗小半升

松子溪

每小斗比縣城市斗大二
升與涪陵百順場同量

借貸及利率 借貸有借銀借錢借穀三種城市商場借銀還銀借錢還錢舊時利率通常每

月二分最重三分過此為大利法律不許當舖二分 民間以來無當舖惟有私押當舖安費不可言 存款一分近日市面

銀緊錢荒非三分不借鄉居有田之家及佃農借錢以穀為息不論借期早遲息穀俱於秋收

摺付對年還本過期者按月計利須以田及押佃為抵押品防狡賴者直立為當約及押紅契

利率自時穀賤通常本錢十千取穀八斗 其時穀入斗值錢一千二三
百文故其息最輕不及二分 重者一石過此亦為大利民國

以來穀價驟昂十三四年間息穀已跌至一二斗每斗售銀八角每角換錢三百猶獲利五分

以上因此遂處啓爭 惟窮窘愚懦之民為豪右所制當此時期尙有仍取八斗一石不敢少升合者資發殘刻令人髮指 近兩年更跌至一斗或八升然穀價已

落息又將漸長矣借穀鮮長期惟於青黃不接時每石取息三四斗秋穫本利並償漕價奇昂

之年雖加至四五斗猶無貸處萬不得已有合作錢本而仍取穀息者即聶夷中所謂剗肉補

瘡也

按鄉里借貸純係錢本穀息穀價起跌無常此極不公平之事貧農受虧莫過於此然欲強

禁則借貸不行而困益甚惟各鄉多辦社會積穀及平民銀行通惠局之屬管理得人軍隊不縱威強提可以紓之

集會 邑人經濟活動之法莫如聯會不知創自何時何人倡首邀集者爲請會其人爲會長相應湊成者爲搭會其人爲會脚以集財一次一人接衆人上爲一會卽爲一脚自始至終至少須六脚以上或八或九十一十三至二十餘脚爲最多各因數目制美名

如蘇公七賢八仙十三賢十八學士之屬 大

同小異不下三十餘種限脚不限人有數人棚一脚者有一人搭數脚者會資或銀或錢或穀會期或一年或數月或一月

一月一會必數日極少乃可

其占脚先後除會長外有由自認者有以穀搖者有前

數脚搖後數脚認者認占之會上錢必係前多後少以次減輕搖占之會前數年必係均攤分上中數年已接者重上未接者漸減漸免後數年不但減免且得分收總額之餘謂之開鈎其總額有每會如一者有首會或前數脚多接後數脚少接者大概請會居首者純爲借債搭會居尾者純爲放債存款居中者對已接者爲放爲存對未接者爲借請會之利在一次總借次第分還年就總借之數生息以上會而有餘會畢則債清俗謂騙本還利搭會之利在年放小款積少成多一次收還利微而錢不停空故俗謂存錢之方所病惟在期久人衆一脚失敗則

全局破壞耳謂之爛會邑人無貧富莫不請會搭會者窮獨之夫搭有數十百千之會為終身資產

虞業

一邑土質所生人力所成以厚生利用田畝而外尚有山澤近來政府發令整頓實業類別
曰農工商礦竊以礦業專及土石不足包山澤所出周官有山林川澤之司分為虞衡史記
言農食虞出工成商通故以虞毀三業後

材木

葬埋料 山木巨而材可為棺槨者杉與柏為大宗柏多以為槨杉多以為棺亦可通用枇杷
紅椿香樟紅豆紫柏黃荆之屬為雜木巨者不可多得為棺尤貴柏無地不產杉及諸木東南
諸山為饒然皆昔盛今衰銷路出巴縣江北江津曰上河料出涪陵長壽以下曰下河料析而
名之上曰蓋又曰天平下曰底兩旁曰輪兩頭曰絡以整塊為尙價值特優數塊合成曰十合曰三
鑲價輕且不外銷業此者曰辦大木本邑及外縣均有之

建築料 建屋樑柱楠木最佳明季清初川黔二省採辦皇木以楠為首清雍正四年四川巡

撫憲德疏陳產楠十餘縣南川與焉今各鄉地以楠木名者猶多而成材者鮮矣其次楓香白

楊青楊刺楸師栗泡桐之屬近又有灰楊種自外來長速而質堅然以松爲普通

二百年前老屋巨柱過心二三尺今

不可得產地最廣距今五六十年前漫山徧野莫非巨幹高數丈大數圍者不過值錢一二千今

亦須二三圓可知其耗乏矣白菜酸棗梨桐等質細緻而堅橫直有力宜製器用謂之小木牆

陰河畔壩頭往往有之邑工人專辦木材木器發售者亦復多家惜皆因其自生有耗無繼

燃料 松樹生大如碗即可鈎油三四月間以鈎刀鑿其頭節半面之皮約二分許鈎一次爲

一刀 樹仍不死 雖不甚長至五十餘刀脂滴瀝而下凝結成塊六月後收頭次八月後收二次三年而竭樹

雖活不長其理與鐵廠煙子廠瓦廠邑多松林 故松油爲土貨大宗銷售外河本地資以

膠燭照夜自油外銷價昂鄉村中等人戶全用此物繼明每斤前值錢二三十文今四五

文青樹樹燦雞生肥地多亦與松埒以燒白炭除本地自用外亦銷本洞涪陵往時每斤值錢

八九文今長十餘倍不止至觀橋鳴玉兩鄉鐵路既通復乏山木儲蓄之昂等於蘭桂吾儕終

歲家用者十分計筆炊爨居其三支持殊非易易

雜類

桐油 桐油香地俱產仍以東山路爲盛 桐油每家多者歲收十餘石 半種宜平地向陽熟土

子繁質多樹復耐久冷地荒山反之且歇年其殼燒灰爲醃售之染房亦可獲利

棗 一處烏柏產東南路野生平地河坎土墻圍九十月落之去殼出子榨油與漆蠟合以膠

燭價值亦相上下

漆 產東南山地有大小木二種大木野生高山荒林內十餘年乃可割割法同至汁竭而止取

子榨油爲漆蠟小木殼無母樹旁根截節長約一尺或九寸埋熟土中每株相距丈餘覆以厚

泥種土之便隨時糞壅七年可割端陽後開刀五日一度重陽節止約割二十刀每割以合州

圓薄蚌殼本地產田中產亦多拾以出售者承瘡口俾汁注其中旋割旋收割一年必停一年早枯者三四年耐割

者六七年有開刀中刀尾刀搬刀之分欲割時爲搬刀搬刀漆尤佳惜不多大小木漆用各有宜亦可攪

和上銷成重下銷夔屬每斤見值銀一圓四五角

五倍子 倍俗書作倍非是山中有鹽膚樹俗呼爲膚鹽一類兩種一種葉大一種葉小春

暮氣暖葉新有蚜蟲飛集其背葉大者尖果名角倍又名泡倍八月可摘葉小者圓果名肚倍一名鐵倍

五月可摘果內滿盛白色敗灰蟲卵雜伏灰中枝稍復結如雞冠形之倍花繇綴成餅倍花內藏之質及作

用與倍果同惟形狀異 邑東南諸山爲土貨大宗本係野生聽人私採歸或用沸水澆過或用火烘蟲斃即

以發客出售論輕重角倍以製顏料肚倍以染青布倍花質價俱較二果低下次年自有遺種
布散樹葉結果如故不皆繁盛惟專辦營利則須購秧栽植如種穀蔬留不漉不烘之種包裹
次年春初掛之樹枝果殼自裂卵中蟲出卽能蔓延近年官紳提倡實業邑北福壽場人范寶
三周君琦談龍淵匡宏鈞組織林業公會合資買王家嘴三倒拐地方購秧滋殖已達四五萬
株計畫每株工本五文若無他損壞五年後每株可摘倍角數斤每斤售錢五六百文不啻拾
金於地卽作至少估計每株得錢五十文利已十倍范君又研究掛種改良法附載於後

南路實無地不產特
須栽植乃能滋多

五倍罐
盛於東

倍角成熟時擇其圓大者皮紙包裹粘以米泔藏棕袋中懸通風而無煙火之地使日光直
射之夏至節倍專指取下去裏將殼捶碎封以麻葉懸樹上小蟲聞麻葉香而出必多結角

又三匯場探訪員猶才燁論辦實業須顧土宜舍木棉蠶桑種倍樹杉樹其言切近可行錄後
今之提倡實業者莫不曰蠶桑宜廣也果樹宜植也木棉宜種也然一二熱心家不憚竭全
力投鉅資闢土試辦究之多歸失敗反爲惰農所詬病者無他不顧其土之所宜人之所習
而強爲之也夫吾鄉之土非無所宜也人非無所習也奪其所宜所習而授以不宜不習無

惑乎壽陵學步反失其國能矣以鄙意度之不如實事求是就各境固有之利而推廣之易生之材而滋殖之庶勞不極而功倍費不鉅而效捷我境土地寒度太高蠶桑本棉果樹不易發達惟森林最適若榲栗青柁隨處皆有然爲樵子任意砍伐非設法保護顧蓄難以成林顧其尤易培植者莫如倍樹杉樹倍樹向係野生野採無論倍果倍花野人爭先採摘不待成熟每年約數千斤值洋數百圓如能設法維持必待白露節後長圓始准入山取實則倍果分兩必數倍重於倍花每年即可多一二倍出產近有人移植宅近隙地做照掛白蠟法於立春前預將母果掛樹暖風一嘯果口自裂蟲出四散每年即可多結多收此森林之可推廣者一也杉樹喜半山冷地_{山過高者不殖}但由其自生成林者鮮巨材僅供梁柱不中棺槨如取大料必蓄至五六十年始能合度惟仿照果樹移植之法二十餘年即可斬伐每歲雨水節前後就山中樹秧徑寸成材者徙植溝邊荒地掘土深二三尺灌肥料桶許覆以泡泥築使穩固每株相去六七尺其樹較自生者茁壯敏速力皆加倍若每家每年植二三十株三十年後每年坐得百餘圓厚利木料中惟杉免朽蠹便工作銷售尤廣此森林之可培植者二也至若松可取油竹可造紙美利在山尤不一而足亟望有心人不厭其爲尋常起而圖

之

叶二母子 山中雜木之一樹皮外黑內黃卽染料中之洞綠邑小河壩所產尤多常有遠商前來採買成包運輸出外

茶 南川夙以產美茶著蜀典引茶譜涪州出三般茶賓花最盛製於早春其次白馬最下按

賓花乃賓化之誤邑在唐開元名賓化屬涪州白馬卽今涪陵東南之白馬河也譜所載爲邑

茶無疑至清代邑中先輩種茶至京師馳名者猶得隆化早春之名可見其爲美種近時邑產

四路俱備以東路半涪溝爲最多北路雙河場九益坎爲最美多數爲叢生灌木茶字入草部貝類什草木之間曰

叢茶俗稱家茶涪州所產一種名蘭花茶每斤計抽一次內微炒兩次入茶甌中煎正立形似首葉香而蘭花採之其早於雨水節前者曰雨前茶卽雀舌

也俗云陽雀製之帶者有紅茶綠茶兩品紅茶製法以稍粗茶葉三四斤盛茶蓋內一或用籠兜內以絲絮蓋好一微火烘出汗珠手揉數到以茶汁流出爲度揉一回晒一回屢揉屢晒最後發汗一

次待茶帶色紅而其味甚濃錫口俄一綠茶製法造籠一掛置鍋內五口各盛用調炭煖烘取細茶葉入第一口鍋一搓一抖次第轉入各鍋仍一搓一抖微火烘乾視色爲潤綠而止其味濃其氣清香錫口長江下流以遠靈美二茶皆重慶商人開歲特來製辦皆外

商專辦非普通茶之極細者曰白毫大月白毛尖本地及外交商販運銷重慶合川遂寧西

及成都下銷皆長艷整等色清香質麗年出四五千包今減至千包上下此指納課者言法於園內採歸

入鍋微火洒水烘之約半時許取出手搗散置於茶販收之復雇人揀擇勻細燻以最濃之

茶膠火烘如煎然後裝包運外清代每斤不過三四百文粗者百餘文今增價十倍一種喬木特生如桂葉名白茶俗呼老茵茶味較淡而清香產數不及叢茶之多北路邊境亦運銷涪陵以下

櫻 形質見後風土篇其製櫻鞋櫻索蓑衣野豬噬其心則死

方竹筍 生金佛柏枝二山高寒之地
愈高竹愈密 茂生筍愈早 竹竿小而質脆硬無他用處
亦緣地高寒人稀而產多也 惟以

生筍富人買筍山與買田同不勞種植糞溉惟於六月抄雇土人入山剔攘
過老過嫩 皆皆砍 一次名佃

林佃畢即採土人著粗草屨蹠之一蹠一斷拾起小刀一削去籜負回廠中先煮後炕
編案竹如 牀架室舖

筍其上下 燃煤爐 成乾筍即裝包出售於小河壩秋秒冬初客販來集從前旺收之年出六七十萬斤近

年盜賊騷擾廠主不敢入山聽僱工為之年出二三十萬斤百斤一包售銀二十餘圓筍山一

年旺為紅山一年衰為黑山又聞數十年內必盡化一次化後嫩苗須二十餘年始復成林故

買山者備備懼及

諸竹 邑中竹類蕃育最有用者慈竹外惟斑竹
斑竹有 斑點 長四五丈圍一尺有奇質堅厚為竹類

長雄每年有人辦往鹽井汲水每根值銀五六角其次水竹織簾金竹黑竹製器亦稱美品平

四一第... (vertical text on the left margin)

竹箭竹刺竹叢生金佛山四周纖篠蒙雜葺屋炊飯無不用之

菌 竹參生于斑竹林中者居多從前不知其味近二十年來始見珍貴高二三寸長足小冠如囊下覆冠之下半如織成之絲網橫緯縱經纖維勻稱聞其足不入泥若黏於土上殆所謂芝草無根歟味清香本地每兩值銀三角收往渝城加倍至北京與銀對稱 香菌以大脚菇爲主足大於蓋三倍同類相似而較劣者有黃蠟餅土蕎巴牛腿菇之屬以之攪和統名曰香菌有人收買每年鄉戶零探出售販往渝城者不鮮

藥材 藥苗萬族生於高寒之地下溼之墟五穀鮮少以之療病所以濟天下之窮以之營業所以救瘠土之窮也邑產藥之饒首推金佛其餘深林窮谷亦復蔓延非專家不能盡舉茲錄其衆著者人力經營不過數種餘皆野生茲山既屬高寒來日終屬荒曠如能審物性順土宜投貲滋殖庶無棄地

黃連 大黃 防風 獨活 續斷 紫菀以上人種 泡參 川芎 瓜萸 穿心蓮 甲蛛香

木香 山豆根一名閉蛇參一名胡豆逆 山花椒 厚朴 荊芥 紫蘇 杜仲 常山 木通 懷通

大血藤 玄參 黃柏 梔子 馬兜鈴 金鈎蓮 白芷 天門冬 紅牛膝 澤蘭 雷

丸 金辯線 蜈蚣漆 一口血 小血藤 竹根漆 肉柱 山烏龜 岩烏 蘭花漆

蟲草 金盆 石蓮薑 鐵掃帚 接骨丹 土茯苓 白蓮薑 升麻 花粉 赤角 荷

香 小苘 桃仁 桑寄生 茯神 側柏 地骨皮 金銀花

種黃連大黃法 黃連種於高山生地載芟載柞掘盡陳根鋤泥極細高壟深溝栽秧後四角

釘木椿上搭方竹棚俾風日雨露能通獨雪霜不能入一歲數耘去草務盡壅以石隙中之泡

肥泥不須別種肥料置人看守三年一稔做棚拔苗去節留根炕乾出售騰出空土續種大黃

接種黃連土須另闢新地 法大同而稍簡單可施肥邑人頗有以種二黃致富者

崖蜜 人家置桶招蜂釀蜜昔多今寡亦物產衰竭之徵也惟金佛山二塔居人於春分節置

木桶木櫃或竹篔於崖巘蜂自銜花來住作工四月取菜花糖八月取穀花糖皆含藥味一器

所得約十餘斤有多至百斤以外者

礦石

煤礦 南川煤鐵二礦在川中各縣亦推富厚之區以勢揆之全縣地底當普徧蘊蓄然尙無

專門家精確之調查其容積多寡種類粗脉苗遠近但據本地採辦者談說謂二礦相連上

有煤下卽有鐵驗之金佛山及南路一帶良然惟北路雙河場至松子溪有鐵無煤或者脉有正斜引有深淺伏而難見歟邑產煤地面偏於南路及東路之前部以金佛山至縣城對面諸山爲中幹由山而東歷半溪溝土橋度龍崖江經火石塢煤塢華耳山以至水江石由山而南經小河壩裏隱壩陳家場叢林溝以至萬盛場蘇亘百五六十里皆一脈聯貫若背脊然餘惟城北二十里內彭家溝飯巴山城西五里外之石篆坎皆與正脊附近稍稍發見東境元合大有西北觀橋石溪鳴玉五鄉皆無之西路七十里神壩場外河中大石穴內有煤甚良沒水可見惟無法採取北路九十里石牛溪場外觀音岩近曾開採據礦師云其不蓄煤甚富然竟以不能及泉無功而止其來脈有二說一謂自南境外桃子蕩而入山南而東其初油質甚重過河一度油卽漸解是以南路皆油煤過吐文壩縣城而東漸變爲糠煤然多家皆不主之謂實自黔中正安縣煤炭溝發脈歷蒲扇臺過羊心灘至新州場而入邑境柏枝山接至金佛由金佛分一小支南旋柯門寨小河鄉極邊復入黔之獅溪口又分一小支東行越半河鄉而達水江石正支乃由金佛下垂於半溪溝白霧坪鵝母崖邇迤南行傍吐文壩蘿荷坎過五弟壩上高壩子充塞乎叢林溝萬盛場由是出境達綦桐界之桃子蕩四稜碑青羊市而後終焉至陳家場叢林溝之西面自鮮家坪至雁石臺以煤質不同油最重又自爲一支云油與糠之別油煤鬆脆易燃煙大火軟質然

未盡已解散融液而為渣餅惟用燒炭法入器煨之則為焦炭煙油俱盡堅逾金鐵火力武勁萬盛場辦以出河者是也糠煤油枯質緊煙少引火遲而耐久灰燼乃已火力適銳鐵器燒久亦至飽敗水江石一二十里內為半油半糠金佛山前東至暗子山西至吐文壩皆純糠煤裏

隱壩小河壩間半油半糠陳家場叢林溝萬盛場皆油煤德隆場頭渡橋附金佛南麓一帶亦

為糠煤二煤之美惡視夾硫磺質之輕重重者劣輕者佳萬盛場鮮家坪之油煤觀音寺南城鵝

母崖鏢耳山邑近城西兩華耳山傍盤塘溝之鏢耳山三區俱產煤俗通稱為華耳此在榜富壩者之糠煤俱為上等以磺輕也金佛山為下等以磺

重也專供燒硫磺惟上等可鑄鐵器鑄鍋煉鋼其體積有大塊有個子有散麵散麵須和黃泥水築

之乃凝其長成有鋪山左右上下皆可掘天平煤在頂上立漕向行明清見出地面金佛山人家於宅外用時始採便易如掘土上連下連獨連

頭連外連三連諸別煤洞久掘太空易崩陷須用架木太遠黑暗須燃燈燈不得風不燃須風

簸簸風窪下處有水潴池須水車車水磺氣鬱攸一見即發故多火災邑產雖富近來以掘費

增抽稅繁辦者需者俱不易易採訪員周世梁曰金佛山之煤俯掘即是蘊蓄深廣不可計量

而道路崎嶇人煙稀寥炕筒燒磺外無所用之因與硫磺相間掘磺不得不掘煤大磚若盤自

崖而委之於壑隨流銷沈歸鳥有惜哉惟筒山忌燃煤煙煙薰則竹盡死故不能兩利也

鐵礦 鐵礦之質區別甚夥最上者大紅礦紅礦煉鋼必以之惟產於涪陵之飛沙場地在邑東境邊界

邑鋼廠購用焉三斤礦可得兩斤鐵而贏 邑產分牢礦肥礦半牢半肥三種鐵亦如之青礦礦質色青成個細嫩光潔可愛 為牢礦

之一可鑄鍋及鑄北路鐵村壩之小河土松子溪之六井溝羅秀壩之磨刀溪下新橋之雙水

井西路水深之三百碗產焉有散個有長連以外為大礦散個為雞窩大礦如窩為煤炭連大礦

周家灣石龍門及萬盛場域內所產皆牢礦也其次為大連小連雞窩連背連皆半牢半肥之

礦東路半溪溝北路樓房壩及南路各區每與大礦雜出最劣者黃礦棋礦即肥礦獨用不能

成鐵然有等牢礦亦須兼脆者以調和耳如用藥然惟西路礦產稍弱金佛山孕蓄宏富未經

開採從前有廠一二間今已荒涼險阻久停 其脈則謂一來自涪陵散布於東北一胚胎金佛發洩於東南傍大溪河

兩岸即不易觀焉美礦難得鼓鑄者多用牢脆相兼其鐵曰夾馬子聞邑中鐵質以堅硬勝其

不能常占優勝以無純粹之礦也近來漢陽萬縣鐵入鐵爐爭購之釘子亦用洋釘本地繳廠

增鉅炭礦艱難鐵雖貴而滯銷次第歇業清代邑人以冶鐵為大貨盛時常四五十家民國初

年猶二十三四家今更減十之三四矣凡開鐵廠以礦為紅山炭為黑山招勞工勞備給錢米

採辦每年礦炭運齊鼓鑄一二次每次視材之多寡爐之好壞晝夜不息期長者百餘日次七八十日最短者二十日一日為一個火生鐵百斤為一石向時以一個火得八石以上即夠本十石以外即得利十六七石以上大利運佳者架火既久石數又多數年可致富起家者多由之然資本少用人誤而失敗者尤眾無精良之法故無必勝之權也一廠之開可養勞工傭一二百人能發憤出外游學專門研究並入中外著名大廠實習而歸求富於山人已兩利前代以閉坑治為引盜之策今則反之

硝 硝生於斥鹵之地有洞硝皮硝二種而洞產尤佳金佛山各洞最饒皮硝生於陰冷老宅刮後旋產以製火藥洞硝力勁達遠過皮硝三分加一價亦如之製法掘硝泥置大池內貨少者但用木

桶透以清水於大池外稍下築一小池兩池間通以竹管使硝質隨水從管流入小池澄清後舀水入鍋熬凝為毛硝和桐殼灰蘸調勻再熬舀入市袋濾之接以瓦鉢屢熬屢濾雜

質盡去冷定成磚是為淨貨向由硝商收買近歸礦局按時定價私漏者正復不少以提煉次數多寡硝質精粗有朴硝芒硝硝石之別作用亦因而微殊煉未成塊色微青者為朴硝煉成盆中有芒者為芒硝芒硝之澄底者為硝石

硫磺 硫磺稟太陽火石之精氣性善流通而色黃故曰硫磺最毒烈為七十二石之將李時

珍曰凡產流磺之處必有溫泉作硫磺氣又屬火山其上草水皆焦又硫磺有數種曰石曰土

曰日本

一名倭硫磺色白不甚臭烈

邑產木石質鎔化而成產地金佛山中曰瓢灣蜂子灣官斗山土漕絲瓜壩

煤炭溝長溝礦漕煤炭漕等處限於官辦採取無多然未用之化學銷路亦有限也產磺之土

其面爲煤煤下爲似煤非煤之黑石

礦工謂之夾子

石下爲礦礦大者如碗中如碟小如杯色外黑內黃

其煉法係由本地礦工自燒磺鑛上鑛曰天鑽高二尺許上下有小口而大其腹下鑛曰地鑽

高六寸許形如天鑽有底就平地開溝一條寬二尺長六尺深八寸引水注之取地鑽或六或

十二排列溝中用水調稀泥敷其周圍與鑽口平然後捶礦碎如指拇裝天鑽中以瓦片塞下

口累於地鑽上四面堆煤燒之一日夜礦液已盡注入地鑽始退火將天鑽徹去俟地鑽稍冷

掘出急傾液入模池冷三小時而凝成硬塊天鑽中所餘惟磺渣抖出可再用磺最易引火其

不至爆裂燃燒全仗周圍注水之力礦工以三人爲一棚一日定燒十五斤給錢米若干

石膏 邑南永安場外二里許有石膏洞入洞數百步掘土一二尺或三四尺即得石膏大小

零整厥狀不一有一塊重至數百斤者以色白放光起青欄絲者爲上等色闇無文理者爲下

等磨麵入口嘗之味回甜而柔軟者與廣石膏無異任人採取運售重慶綦江所出不可數計

惟湖路崎嶇滑無中有坎窞易致顛隕

五月

—

重修南川縣志卷五之一

禮儀

曲禮曰敖不可長欲不可從禮之用所以節人之欲而淑身成德抑人之敖而弭爭息亂也古聖賢欲立人道奉禮爲修己治人之良規講求不遺餘力然不能強人之必由卽由矣或崇其虛而利其實藉以掩慝飾僞且三千三百之節文委曲繁碎不適於人之自由故老莊之徒首出而摺擊之周公所制孔子所傳周末已不能盡行矣秦漢而降時移事殊異端漸出古禮僅存其髣髴多迂闊難行且殘缺難考今日州縣士庶所通行者若嘉好喪祭多參以佛老二氏地師星士巫覡諸方術兼夷越羌胡流入之異俗非禮之禮雜糅而成所以使事體順人情也然鄉黨間故家遺俗彝倫未泯廉恥猶存男女別於堂帷長幼序於宴集與人結婚必問其有無家教笑人粗野必曰不講禮卽農樸蚩愚亦知教小兒習拜跪揖讓藉以戢其縱恣跳踉之習無刑威監督而不敢妄爲未嘗非禮教維持之力也民國成立傾向歐化細文崇質事神接人務從脫略簡易而禮益微然必以其用爲可徑廢則恐未然禮之大類五鄉俗士庶所得通行者吉凶嘉而已今以官吏學校社會家庭所行依類次第之

古禮一 國家定制官吏奉行之祭禮

祀天 中國舊典自虞夏迄明清君主專國奉天臨下自謂天之元子元子即長子古代宗法惟長子得主先人祭祀首以祭

禮別尊卑惟天子得祀天地然自漢末道教流行齋醮祈禱道士直以表疏上達於天士庶家

堂亦奉天地君親師人人皆得直接祀天地也久矣民國三年冬至日大總統袁世凱制祀天

通禮代表全國人行於京師並令各地方官代表所管人民行於治所國民自行於家庭藉示

人人平等之義本縣奉令舉行於南門外高等小學校儀制如後 縣知事祀天禮 歲冬至

日知事代表全縣人民祀天於南郊掾屬陪祭地方紳士執事就南門外近而高潔之處掃地

為祭所以尤高處為祭壇壇上陳祭品設讀祝案福胙案主祭者立位壇下設主祭者陪祭者

拜位外列樂舞設望燎所燔柴所祭品用一牛俗曰特牲籩豆各十有二所實物見周禮天官

籩人醢人登一以實太羹肉汁不用鹽醑二實以稻梁簋二實以黍稷俎一以盛牛鑪一焚香

鑪二燃燭尊一爵三壺一以盛福酒盤一實福胙樂器鐃鐘特磬各一編鐘編磬各十有六分

設壇下東西列懸以樂縣東應鼓一祝一麾以詔樂之起西敵一以下琴十瑟四簫十篪即六埴二

箎六排簫二笙十搏拊二旌二以詔舞之起千戚羽籥各六十有四皆東西分列祭前主祭

陪祭官散齋二日致齋一日前一日執事官書祝版遂省牲視宰展器祭日味爽執事官先往
陳設祭品樂器正舞位省盞如儀第一節行燔柴禮主祭陪祭官就拜位舉燔柴樂工奏樂歌
始和之章各官四拜薦毛血不司饌者奉毛血奠於案樂止第二節奠帛奏奠帛樂樂作歌宣
和之章引贊引主祭官升壇就位正立奠帛樂止降階復拜位第三節奉俎舉奏俎樂樂作
歌成和之章執事者盛羹熱湯於壺升壇引贊引主祭官升壇正立司饌者執壺以羹沃俎者三
俛舉初獻樂樂工舉節詔舞干戚之舞樂作歌維和之章引贊引主祭官升壇正立進爵詣讀
祝案正立樂暫止讀祝辭曰大總統令某縣知事某代表某縣人民敢昭告於上天曰蒼蒼者
氣叩聲臭而無聞芸芸衆生託鴻蒙以資始雖天無私覆匪係於方域之親而民有秉彝不忘
於本始之祭時維冬至陽氣初生敬以幣帛犧牲義同盛庶品備茲禋燎祇薦潔誠嗚呼維
玄有宰無間元元之心至誠感神咸懷昭昭之象尙享樂復作主祭官復拜位四拜樂止武功
之舞退文舞執羽籥進第五節亞獻奏亞獻樂舞羽籥之舞樂作歌協和之章主祭官升壇奠
爵退復拜位如初獻第六節終獻如亞獻奏終獻樂歌永和之章主祭官復拜位文德之舞退

第七節飲福受胙徹饌奏受福胙樂樂作歌綏和之章引贊引主祭官升壇詣福胙位正立司福胙二人左右立一進一接主祭官受而拱舉退復拜位四拜樂止舉徹饌樂樂作歌熙和之章有司徹帛爵籩豆各一第八節望燎奏望燎樂樂作歌泰和之章有司奉祝帛酒饌送燎所引贊引主祭官詣望燎位望燎畢禮成各官各執事皆退 國民祀天儀每歲冬至日國民得祀天於家主人或主婦主祭除庭院向外行禮祭品生熟隨宜焚香四拜民家不得燎柴故照他祭焚香三獻爵皆拱舉飲福受胙四拜焚帛四拜

祀孔子 往時一邑祭典祀孔尤嚴邑孔子廟在中和街北明世宗嘉靖十四年知縣伍咸修創建初僅有堂廳清知縣十餘人陸續增修始臻美備其外南北兩門北開南閉北曰聖城南曰賢關廟垣四周塗以朱色壁書萬仞宮牆四大字俗呼紅牆壩舊有奎星閣以奎宿星文明祀孔時兼以酒脯祭之年久朽墜清同治八年知縣黃際飛移建後街城垣上廟門墜下馬碑內鑿池注水曰泮池仿古諸侯學曰預宮水環兩面之義渡以三橋過橋爲櫺星門據緯書天鎮星一名靈星主得士科舉時代取爲吉徵左右二坊額曰德侔天地道冠古今東北西北兩隅建鐘鼓二亭中階上爲戟門始於宋太祖列戟十六以示威嚴門左一室祀名宦十五人宋

孫安國曹琦茹孝標職任見職官志明知縣陳汴韓應龍清知縣何正蘭方應禱喬文錦張景良張有孚
王臣福四川按察使董教增學政陳希曾重慶知府汪日宣廣西提督向榮聞清光緒時知縣
黃際飛張濤俱經士民上請准入然訖未設位門右二室一祀鄉賢三人漢尙書郎荊州刺史
尹珍明福甯同知蕭顯御史胡謙一祀忠義孝弟二人明孝子吳仕坤章志通以上左右兩廡
各爲一長廊分奉先賢先儒神牌正殿外露臺下刻蟠龍石左右石級行禮者左升右降大成
殿內懸清八帝御書扁額聖祖萬世師表世祖生民未有高宗與天地參十三年時中立極仁
宗聖集大成宣宗聖協時中文宗道齊幃載穆宗聖神天縱德宗斯文在茲宣統登極頒位育
中和匾額因鼎革而懸挂不果殿宇高闊丹楹數抱由殿東序後入崇聖祠清康熙四十年知
縣張有孚建春秋二丁祭費清康熙時奉文本縣地丁項下支銀十六兩每歲報銷然有名無
實光緒十二年知縣張濤以文廟祭豬向派城內屠戶供給城屠轉派鄉屠不免滋擾查邑西
龍王廟康熙時買田一股租十二石常年無用處爲差役漏規特撥充文廟祀田署內經收承
辦民國後田入教育局孔廟及各廟壇祭物俱教育局供辦祭器樂舞器舊時貯學署今貯教
育局舊志載嘉慶十一年知縣蔣作梅購置年久無存光緒十年知縣張濤屢任捐縣署應收

鐵廠兩年紅銀千二百兩按文廟禮器圖招工製造器成集諸生演習數月嗣後祭前一日必親率演祭倘錯有罰光緒三十二年特升爲大祀降儀見後民國三年釐定祀典加以變通然兵事

擾攘有司奉行不力徒成具文物損缺大半前後軍隊屯紮其中位序顛倒塵穢狼藉苟且將事人人惋嗟至十七年春祭教育局竟以款絀暫行停辦然煌煌大典舉行已二千餘年歷代尊崇禮數有加不可以弗識也摘錄其尤要者於下 古者設立學校天子曰辟雍諸侯曰

頴宮每歲國子及俊士春秋入學習樂舞必釋菜於先聖先師釋舍也取蘋藻之屬以告虔而已始立學人主視學及以大事告則釋奠有牲有樂所奉先聖先師爲何人說禮家聚訟自孔子道尊德重沒後魯哀公就所居闕里立廟漢高帝十二年過魯祀以太牢爲帝王致祭之始自後尊孔之典日隆日密然除闕里一廟外皆祀於學校唐高祖武德二年始詔國學立周公

孔子廟

太宗貞觀時房玄齡等高宗顯慶時長孫无忌等屢次定議停開公祭專祀孔子

太宗貞觀四年始令州縣學皆立孔子廟致祭然雖特別

立廟亦與學校相依故渾稱曰學宮自皇帝皇太子及學校地方官吏以禮奉祀通稱曰釋奠民國成立學校非一各就地勢開學散學咸向國旗行禮與孔子無涉從此學堂孔廟離而爲二不得復稱學宮釋奠但云祭孔子廟耳其稱號漢平帝時諡褒成宣尼公魏孝文帝改文聖

尼父隋文帝時稱先師尼父唐高宗乾封元年贈太師玄宗開元二十七年封文宣王宋眞宗咸平三年加諡元聖大中祥符五年改元聖爲至聖元武宗更加大成二字明世宗嘉靖九年稱至聖先師孔子清順治二年加諡大成至聖文宣先師十四年仍復明舊其祭禮定春秋二仲月上丁自唐開元二十七年始歷代帝王致祭皆以太牢宋時定用十二籩豆舞樂八佾明世宗時禮官謂孔子雖至聖聖亦尊天不得與郊天同儀降爲中祀牲仍太牢十籩十豆樂舞六佾爭者皆被貶黜郡縣學隋唐以來或牲牢或酒脯增損不一要視國學差降至清雍正三年乃詔州縣丁祭悉太牢光緒三十二年特升大祀籩豆十二文舞八佾外加武舞八佾新製祭文宮殿器物增益文飾與郊廟等夷崇聖祠亦用太牢當國體動搖之時爲此曠舉用意有在而州縣事務倥傯未盡奉行民國三年大總統更定祀典易九叩爲四拜文廟改稱孔子廟

稱文廟始於宋太祖

去上香儀

以爲古祭禮所無

餘同清季至先賢先儒配享從祀

受業孔孟之門及宋五子稱先賢未及門而從祀者稱先儒

雖肇自唐宋

而稱號位序確定於明嘉靖下至清末人數陸續增多而已獲從祀亦有被議退黜者前代從祀必有講說著述發明經義之人至清代而名臣賢輔德業充盛者如諸葛亮李綱文天祥之屬皆得入焉明嘉靖時始建啓聖宮祀聖父清雍正元年改稱崇聖祠並祀前五代追封王爵

祭有牲牢而無舞樂禮時爲大民國二年中央頒地方祀孔典禮今所遵循全載於篇 縣知事每歲依夏時仲春秋上丁日於所管縣主孔子廟祀爲正獻官以掾屬或公立學校教員爲分獻官陪祭官及糾儀崇聖祠以掾屬一爲正獻官學校教員或地方員紳爲分獻祀前各官散齋二日致齋一日飭廟戶潔除殿戶內外供張正獻官率執事人入廟習儀以掾屬一人爲執事官省牲眡割戒具眡滌濯陳設省盥如儀 大成殿內至聖先師正位南向復聖顏子回述聖孔子偃東位西向宗聖曾子參亞聖孟子軻西位東向兩序先賢東閔子損冉子雍端木子賜仲子由卜子商有子若皆西向西冉子耕宰子予冉子求言子偃顓孫子師朱子熹皆東向兩廡先賢東公孫僑林放原憲南宮适商瞿漆雕開司馬耕梁鱣冉孺伯虔冉季漆雕徒父漆雕哆公西赤任不齊公良孺公肩定鄒單罕父黑榮旂左人郢鄭國原亢廉潔叔仲會公西與如邾巽陳亢琴張步叔乘秦非顏噲顏何縣賈牧皮樂正克萬章周敦頤程顥邵雍西蓬瑗澹臺滅明宓不齊公治長公皙哀高柴樊須商譯巫馬施顏辛曹卹公孫龍秦商顏高壤駟赤石作蜀公夏首后處奚容蒧顏祖句井疆秦祖縣成公祖句茲燕伋樂欬狄黑孔忠公西藏顏之僕施之常申枏左丘明秦冉公明儀公都子公孫丑張載程頤先儒東公羊高伏勝毛亨孔

安國毛襄杜子春鄭玄蕭葛亮王道韓愈胡瑗韓琦楊時謝良佐尹焞胡安國李侗呂祖謙袁
 燮黃幹輔廣何基文天祥王柏劉因陳澧方孝儒薛瑄胡居仁羅欽順呂枏劉宗周孫奇逢黃
 宗羲張履祥陸隴其張伯行湯斌西穀梁赤高堂生董仲舒劉德后蒼許慎趙岐范甯陸贄范
 仲淹歐陽修司馬光游酢呂大臨羅從彥李綱張栻陸九淵陳淳真德秀蔡沈魏了翁趙復金
 履祥陸秀夫許衡吳澄許謙曹端陳獻章蔡清王守仁呂坤黃道周王夫之顧炎武陸世儀均
 北上東西向以上四配十二哲先賢先儒共一百六十八位崇聖祠殿內中墜聖王木金父左裕聖王祈父
 右論聖王防叔次左呂聖王伯夏次右啓聖王叔梁紇皆南向先賢孔孟皮曾點孟孫氏東位
 西向顏無繇孔鯉西位東向先儒東廡周輔成程珦蔡元定西向西廡張迪朱松東向俱北上
以上神主位次大成殿上正位籩豆案一其前俎案一又前香案一皆南向籩豆案上爵墊一其前登
 一寶以太羹鉶二寶以和羹簋二寶以稻粱簋二寶以黍稷籩十有二寶以形鹽蕘魚棗栗榛
 菱芡鹿脯白餅黑餅餌粉粢豆十有二寶以韭菹醢醢菁菹鹿醢芹菹兔醢筍菹魚醢脾析
 豚拍醢食糝食俎三寶牛一羊一豕一香案上設鑪一焚以降香燭臺二燃以絳燭四配東配
 二籠西向西配二籠東向籩豆案俎案香案東西各二籩豆案上每案爵墊一其前鉶二簋二

簋二籩八豆八其實比至聖位前各去後四味俎實羊一豕一香案上鑪一燭臺二十二哲東

序一龕西向西序一龕東向籩豆案各六俎案及香案東西龕各一籩豆案上爵墊一銅簠簋

各一籩四實以形鹽棗栗鹿脯豆四實以菁菹鹿醢芹菹兔醢俎實羊一豕一香案上鑪一燭

臺二殿正中少西視案一南向東面尊案一接桌一福胙案一西面尊案一接桌一俱北向帛

九正位一配位尊四正一配爵十有二一尊三爵設東尊桌接桌上帛八配二尊三配二爵九設西尊

桌接桌上凡帛皆白色王位四配各異篚十二哲東西各一篚凡尊實以酒承以舟蒙以疏布

幕勺具把酒之器壺一實福酒爵一盤一實福胙設福胙桌上正位配位哲位北旁俱設饌桌以上殿內陳設

東廡先賢四十位先儒三十八位共設籩豆案二十有九二位共一案每案簠一簋一籩四豆四先賢

先儒位前各統設俎案一實以一羊一豕各設香案一置鑪一燭臺四均西向西廡先賢三十

九位先儒三十七位陳設如東廡之數俱東向兩廡兩旁各設饌桌一南北向門內之南各設

尊桌一北向尊桌上設帛二尊二虛爵六篚幕勺皆具其器爵以銅籩篚以竹豆俎以木以上兩廡陳設

司樂設樂縣於殿外兩階上搏鐘一編鐘十六在東特磬一編磬十六在西琴六瑟四簫六篴

同節以導舞六箎四排簫二塤二笙六搏拊二旌節各二旌以詔舞干戚羽籥各六十有四大成門內左設

更衣所外設盥洗所以上階上陳設正獻官一人拜位階下正中分獻官六人或四人甬道左右司祝

一人立祝案西東向司帛四人司爵四人捧福胙二人立東案東西向司帛三人司爵三人接

福胙二人立西案西東向通贊二人立階上東西向引贊每官一人立正獻官分獻官右糾儀

一人立殿左門外西向司燎一人立燎爐旁各官廟門外下輿入殿門由右以上行禮位次崇聖宮正

位五每位前各設籩豆案一香案一共設俎案一籩豆案上爵墊一銅簠簋各二籩十豆十香

案上鑪一燭臺二俎案上牛一豕一東配位前設籩豆案三香案三俎案一籩豆案上爵

墊一簠一籩一籩四豆四香案上鑪一燭臺二俎案羊一豕一西配位籩豆案二香案二俎案

一案上陳設如東配位之數東廡先儒位前籩豆案二香案一俎案一籩豆案上簠簋籩豆香

案上燭燭臺俎案上羊豕如東配位之數西廡先儒籩豆案一香案一俎案一案上陳設如東

廡之數其餘正殿讀祝案尊桌接桌略如大成殿不飲福受胙階下設盥洗正獻官稱承祭官

以上陳設行禮先崇聖祠祭之日味爽引贊引承祭官入祠垣右門分贊引分獻官隨入階下盥手

通贊唱執事各司其事承祭官分獻官各就位北向立闕門迎神承祭官分獻官均四拜贊奠

帛爵行初獻禮引贊引就帛爵案司帛者捧帛司尊者舉幕酌酒引贊引承祭官入殿右門詣

肇聖王位前正立司帛奉篚司尊奉爵承祭官受篚受爵拱舉奠於塾中以次詣左右四位奠帛獻爵詣讀祝案正立司祝奉祝立案左讀祝詞維某年月日某官謹以牛一羊一豕一清酌明粢致祭於肇聖王木金父公裕聖王祈父公詒聖王防叔公昌聖王伯夏公啓聖王叔梁公曰維王垂裕後昆光開聖緒爲層冰之積水作大輅之椎輪既祖功而宗德必有達人亦木本而水源不忘數典茲屆上丁聿修祀事配以先賢孔氏孟顏氏魯曾氏魯孔氏魯孟孫氏尙饗讀畢引贊引承祭官出殿右門降階復位行亞獻終獻俱如初獻惟不讀祝贊徹饌送神各官俱四拜贊奉祝帛酒饌送燎承祭官避立西旁俟過復位贊闔戶禮成退位引各官由右門出大成殿行禮引贊引正獻官由櫺星右門入分獻官隨入詣盥洗所盥洗司祝奉祝版正獻官恭閱署名鼓初嚴各執事就位再嚴燃燭焚香三嚴正獻官就拜位北向立分獻官陪祀官各就位北向序立執事各司其事闔戶迎神司樂舉麾贊奏迎神樂歌昭和之章詞曰大哉孔子先覺先知與天地參萬世之師祥徵麟紘韻答金絲日月既揭乾清坤夷工鼓祝樂作正獻官四拜各官皆拜司樂偃麾工曼致樂止通贊贊奠帛行初獻禮司帛奉篚司爵揭尊罍以勺挹酒實爵贊舉初獻樂歌籥和之章詞曰永懷明德玉振金聲生民未有展也大成俎豆千秋春秋

上丁清酒既載其香始升樂工舉節舞干戚之舞引贊引正獻官詣獻帛奠爵位進殿右門詣帛案前正立司帛進篚司爵進爵正獻官受篚受爵拱舉退同時司帛爵各奉篚實爵引贊引分獻官分詣四配十二哲先賢先儒位前正立受帛爵拱舉退復位引贊引正獻官詣讀祝案前正立樂暫止司祝捧祝立案左讀祝詞曰維某年月日某縣某官某名謹以太牢清酌明粢致祭於至聖先師孔子曰維先師德參化育道貫古今集羣聖之大成炳前知以垂憲天下爲公中國一人之量生民未有六經千載之心循宮牆而瞻美富入室升堂隆俎豆而奉馨香光明後法茲當上丁祇率懿章肅展微忱聿將祀典以復聖顏子宗聖曾子述聖孔子亞聖孟子配嗚呼聲名所在血氣莫不尊親光景常新禮樂明其禋祀尙饗讀畢退樂復作引贊引正獻官復位四拜衆官皆拜樂止武功之舞退文舞執羽籥進行亞獻如初獻樂工歌熙和之章詞曰式禮莫愆升堂再獻響協譔鏞誠孚疊獻肅肅雍雍譽髦斯彥禮陶樂淑相觀而善畢行終獻禮如亞獻樂工歌淵和之章詞曰自古在昔先民有作皮弁祭菜於論思樂惟天牖民惟聖時若彝倫攸敘至今木鐸樂止文德之舞退通贊賜福胙引贊引正獻官詣飲福受胙位正立通贊贊飲福酒執事進福酒正獻官受爵拱舉贊受福胙執事進胙正獻官受胙拱舉退復位

四拜衆官皆拜通贊贊徹饌司樂舉徹饌樂奏昌和之章詞曰先師有言祭則受福四海巽宮
疇敢不肅禮成告徹毋疏毋瀆樂所自生中原有菽樂作執事進徹各器稍移故處樂止送神
司樂舉送神樂奏德和之章詞曰冕繹峨峨沫泗洋洋景行行止流澤無疆聿昭祀事祀事孔
明以化蒸民以育膠庠樂作正獻官四拜衆官皆拜樂止司祝奉祝司帛奉篚司爵奉酒饌預
設饌盤取簠簋籩豆之實置其中以備恭送燎爐正獻官轉立西向分獻官陪祭官俱退立拜
位東西竢祝帛過復位闔戶禮成各官皆退 孔廟祀禮畢清時派教官民國派分獻陪祭或
學校教員地方員紳數人分祀名宦鄉賢忠義孝弟節孝四祠祭品皆少牢四簋四豆鑪一鎗
二壺一爵三帛一禮惟一獻上香獻帛奠爵讀祝前後三叩首今代以鞠躬祝名宦祠曰於維
羣公懋修厥職澤被生靈功垂社稷今值仲秋謹以牲醴用申明薦鄉賢祠曰於維羣公孕秀
茲邦懿德卓行奕世流芳今屆仲秋謹以牲醴用申明薦忠孝祠曰維靈秉賦貞純躬行篤實
忠誠奮發貫金石而不渝義聞宣昭表鄉閭而共式祇事懋彝倫之大性摯莪蒿克恭念天顯
之親情殷祿萼楷模咸推夫懿德追崇特表其幽光祠宇維隆歲時式祀用陳樽簋來格几筵
尚享節孝祠曰維靈純心皎潔令德柔嘉矢志完貞全閨中之亮節竭誠致敬彰閭內之芳型

茹水蘖而彌堅清操自勵奉盤匱而匪懈篤孝傳徽國家特致其欽崇祠宇昭垂於令典祇循歲祀式薦尊醪尙享

清乾隆八年教諭李樾補修文廟碑序

聖朝重文教法制周詳學校之外並立書院而又頒發五經性理諸書俾士子朝夕肄業絃誦弗綴衣冠文物蔚乎稱極盛焉茲逢各上憲加意振興留心栽植務使學校整齊毋致怠斃無非爲養育人材地也而牧民之長類以催科簿書爲急春秋祀享朔望拜謁僅循故事於講武修文之事略而弗問比比然矣乙丑冬邑侯陸明府奉簡任蒞邑恭謁文廟見牆壁傾頽規模缺略訝而問焉余言曾倡議捐修因寡和不克有終侯慨然曰是誰之咎歟卽捐俸購木若干瓴甃若干勦堊之屬若干庀材鳩工於正殿之朽者易之缺者補之東西廡及明倫堂戟門泮池次第修理舊制無宮牆圍繞更不設大成門不特往來褻越亦宜且瞻仰不肅並爲添造嚴嚴翼翼壯偉閎耀至丙寅十有二月告成侯卽獨吉率僚屬展拜于文廟考鐘伐鼓薦醴陳牲俯仰進退咸肅於禮乃進諸生而告之曰爾知學校之重乎自古致治之盛衰視乎學校之興廢學校成斯來學者有藉討論講習時涵泳去澆薄而就醇謹士

氣之克振殆基諸此矣余申諭之曰誠哉侯之言也爾等果有禮讓興行彬彬乎悉爲有道之士不必沾沾於取紫題黃得時從先生長者後聽鄉樂飲獻酬以詩頌天子太平之盛不亦美哉誌其事用著侯功且以勸後之繼侯而起者若侯蒞任以來造士之勤政治之敏持躬之介且和則有都人士之口碑在不復贅

嘉慶九年知縣蔣作梅重修文廟碑序

皇上龍飛之九年梅出宰南邑甫下車祇謁文廟俯仰周視怒焉未安蓋已駸駸乎有上雨旁風之慮矣顧因陋就簡既予所不樂爲而取多用宏又非咄嗟可辦以故遲久而有待也越二年雨暘時若物力豐盈爰集諸紳耆創議改建而邑人士尤踴躍歡欣無後時亦無廢事經始於丁卯孟春落成於戊辰仲夏計費萬四千纏有奇自大成殿而崇聖祠而兩廡而戟門而櫺星門而泮池宮牆以逮鄉賢名宦祠靡不瑰偉其材崇宏其制寸甄尺木咸與維新蓋所以經營籌畫者皆務屏乎因仍苟且之計以求慊乎備物盡飾之誠尊師重道理則然也雖或刻桷丹楹善美未盡而回念兩載前所時時往來於心者其景象奚若一旦若此亦前此所不及料也而予心乃可以稍安矣工既竣邑人屬予記其事竊意修廟碑序代不

絕書况形容盛德更非尠見寡聞者所敢贊一詞惟是崇儒勸學上以副聖天子右文之化下以慰後學景仰之忱則區區素願所不能已者繼自今馨香薦以明德譽髦著爲菁莪予於邑人士其能無厚幸耶或曰宮牆外應建忠孝節義兩祠廟中禮樂器亦不無缺陷然予以奉調去任未克蒞厥事此又邑人士心所未安者也行將別矣書以告來者

乾隆四十二年重慶知府陳大文重修崇聖祠記

洪惟我國家崇儒重道欽若先師恪承成憲於大成殿後並建崇聖祠上祀五世俾學官弟子咸知追遠報本以溯明德之淵源春秋報享永世勿替甚盛典也南川縣文廟基舊在治東地勢高特據形勝歲久而圯乾隆二十年前令應君士龍卽故地新之殿庭堂廡門階戶牖一遵定制增飾崇麗惟時殿後崇聖祠以楹桷尙完因陋就簡未遑改作至三十六年倫君顯聖急急復古會軍興於役傲外未竟其志衆共惜焉四十二年春原明府敬德以書來告曰崇聖祠歷年多幾圯矣前令議鳩工而未集閱今又六載召邑人士謀之皆曰吾邑如川主城隍諸神廟凡載在祀典者靡不度宏規而大起矧茲祠所以奉祀先聖祖考崇德報功以妥侑神明都人士將於是不急修整致煩長吏旣咨於衆悉協乃與僚屬倡

捐廉俸然後資家力聽其樂輸邑人士踴躍恐後伐木於山取瓦於陶審曲而勢垣墉塗茨不日而成工既成思所以垂久遠者皆曰傳世行遠者莫如文歐曾諸公學記人書萬本至今學賴以傳郡伯陳公有道而文者也盍請諸敬德謹從衆所欲願得鴻文鉅製勒諸貞珉用垂不朽余重承君之請不敢以不文辭凡人可與樂成難與慮始斯祠頽廢以來歲釋奠於先師其誰不瞻仰宮牆而興茂草之嘆乃閱廿餘年而始得煥然一新豈非難與慮始之故哉夫嗟率諸生修廢舉墜賢府之事也彰善紀績傳之無窮大守之職也今祠幸已落成後有作者以時補葺踵而增之以上副聖朝尊崇之典而慰邑士大夫仰止之思余尤有厚望焉

大成會 孔子生日向聽學校民間自伸慶祝光緒二十八年教諭陳桂林訓導蘇廷勳知縣雷橡榮倡建大成會先後募銀一百二十兩錢五百五十三貫交紳士充會首領放生息歲有餘存民國九年買田租五十四小石二小斗屆期請知事主祭各員陪祭如二丁儀祭畢班昨於各執事及捐款之家

訓導蘇廷勳大成會序

國朝祀典之隆惟文廟爲最文昌宮次之每歲春秋二祭用太牢儀同而禮器樂舞文廟有加焉顧文昌夫子二月初三生日特頒一祭而先師孔子誕辰獨未之及論者或謂爲闕典光緒辛卯勳司訓南川癸巳教諭淮南陳君洺任見聖誕之期廟廷寂然輒憫憫如有所失因共商爲慶祝捐積底金乙未邑孝廉劉公藜先籌捐得錢三十釧數仍甚微每年息入不敷牲醴費用勸助殊難辛丑權南川縣事關中質亭雷侯慨然倡捐鉅款一時樂輸者爭先恐後蓋雷侯世代書香科名踵接以純儒出爲循吏尊崇先聖報饗之誠有以動之也會既成是秋舉行慶祝禮會同人飲福酒歡甚淮南暨勳請於雷侯曰今之與斯會者皆捐有底金者也邑中貧士居半而極貧之士約十之一二數年來目擊之久矣夫讀聖人之書身列膠庠至貧病交加艱難困苦幾於不可爲生殊堪憫惻此會蒙侯大力積底多金年中子母權算除供慶祝費外不無餘剩酌量分撥周恤寒峻推聖人之惠以濟聖人之徒其可乎侯首肯當囑妥議條規存案永遠遵行所願後之經理斯會者矢慎矢勤勿起念侵漁勿徇情借放愈積愈厚沾被尤多庶足仰副侯意卽聖人在天之靈亦藉以稍慰焉吾知文昌夫子丹桂籍中必登其名子子孫孫食報無窮矣爰序其顛末并捐貲名數勒諸石

節孝祠 北門內上殿三間外立總坊一清乾隆二年知事許元功建成豐二年知縣王臣福募捐改修所祀節孝婦殉節殉難烈婦烈女約千人姓氏見烈女傳表祭期祭儀見上

祀關岳 武廟起原唐玄宗好邊功欲激厲將帥開元十九年詔兩京及天下州縣立太公廟春秋仲月上戊致祭牲用太牢肅宗上元元年進爵爲武成王以張良配享仿釋奠孔子以顏回配之禮後選白起韓信等十人爲十哲又以管仲范蠡等至唐名將七十二人侍祀擬七十二賢關侯與焉宋元因之明初禮部請立武學及武成王廟太祖謂分文武爲二途是輕天下無全材遂罷太公之祀隋時民間已有關廟稱漢前將軍宋真宗祥符中進封義勇武安王元世祖遣使祀前將軍關侯爲帝王致祭之始文宗天歷二年封顯靈義勇武安英濟王明太祖詔革前代追封神祇爵號關廟仍稱漢壽亭侯憲宗成化三年立廟京師神宗萬歷二十三年從道士張通元掌道經廠太監林朝請封三界伏魔大帝神威鎮遠天尊爲錫帝號之始四十二年始崇祀武廟代太公清帝入關首崇侯祀順治元年建廟北京地安門外封忠義神武關聖大帝官其後爲五經博士雍正三年追尊侯三代曾祖爲光昭公祖裕昌公父成忠公仿崇聖祠制祭於廟之後殿七年詔各省州縣一體立廟春秋上戊及五月十三一歲三祭牲用太

牢籩豆各十三獻九叩以後每帝累加尊號至光緒時曰忠義神武靈祐仁勇威顯護國精誠
綏靖翊贊宣德關聖帝君咸豐四年升爲中祀樂用六成歌曰格平翊平恢平靖平康平彝平
之章舞兼文武皆八佾晉前三代爵爲王八年定其稱爲武廟侯原諡壯繆繆字古假爲昭穆
之繆諡法布德執義曰穆又假爲謬戾之謬三國志謂名與實爽曰繆侯剛而自戾以取敗究
不知原諡時何讀清高宗初改諡爲神勇後抄錄四庫全書特詔改侯傳及他書壯繆字爲忠
義民國三年釐正祀典去帝號題神牌爲漢關壯繆侯以岳王並祀則讀爲昭穆之穆也四年
令以漢張飛趙雲晉王濬謝玄隋韓擒虎賀若弼唐李靖尉遲敬德蘇定方郭子儀李光弼梁
王彥章北宋曹彬狄青南宋韓世忠劉錡元旭烈兀郭侃明徐達常遇春馮勝藍玉戚繼光周
遇吉二十四人從祀東西序其典例有四一曰忠武可風二曰史傳有徵三曰通於流俗四曰
身爲將帥岳王冤死後孝宗淳熙元年諡武穆嘉泰四年封鄂王理宗寶慶元年改諡忠武明
景泰時勅建廟原籍湯陰縣賜額精忠民國議禮謂關岳皆讀春秋通大義不僅以武改稱關
岳廟而殿及門則曰武成各縣以春秋分後上戊日推文武職官中最高者一人主祭正殿次
者二人分獻東西序同城軍警各官一體陪祭廢後殿之祀祭儀仍清舊惟籩豆止十主祭官

行一跪二叩禮五年改二廟別改受福脬為受振一鞠躬

古代出師征伐先祭告社神所領之肉曰禘祭關岳意在厲武改用軍禮

兩旁從祀

少牢銅簠簋各一籩豆各四預糝燔於神位西北祭畢祝帛酒饌送瘞而不送燎祝文樂章

以今兼祀二人一律改製祝詞曰惟神武功彪炳偉烈昭垂達大節於千秋振英風於六合忠

誠正直麗河嶽而長留智仁勇功與日星而並耀潔淨香而合祀德量同符肅俎豆以明禋心

源如接惟祈歆享克饗精誠荷享迎神奏建和之章曰懿鑠兮神功震華夏兮英風義勇兮河

東惟湯陰兮與同隆祀典兮方州行降歆兮禮官初獻奏安和之章曰神來兮格思風馬下兮

靈旗量幣兮初呈薦芳馨兮玉冠瞻仰兮版儀如在兮軒墀舞于成之舞亞獻奏靖和之章曰萬舞兮

洋洋禮再舉兮陳薦靈昭昭兮既留庶幾舞同獻降康兮降康兮終獻奏康和之章曰名世兮鍾靈炳

河嶽兮日星祀事兮三成肅駿奔兮廟廷舞同獻徵饌奏蹈和之章曰告徹兮禮成神其受兮苾

芬明德兮維馨播聲威兮八述靈神奏揚和之章曰雲駕兮高翔神將歸兮九閭受福兮蒸民

導我武兮維揚後殿同崇聖祠但仍少牢五月十三日有牲牢無祭器樂舞邑關廟在南街明

成化時與城同建關殿正中前殿奉城隍川主舊稱三廟有川關城會明季邑人張道元捐田

一畝年租二十小石於白雲寺後寺歸廟統管田亦入之清乾隆十八年買田租三十小石往

83-1571-00000000

時祭期用以頒昨民國初年縣議會議提歸仁社同治二年邑令楊昌錦移城隍廟於后圃故此廟又得老城隍廟之名中尙有龍神火神雷神財神諸龕及昭忠祠嘉慶時知縣蔣作梅更修有序今復朽壞難支急待修復舊時廟外照牆書忠義二字絕大今已燬去祭費清雍正五年八月奉文於地丁銀內扣留十六兩供用乾隆十二年奉文撥二兩祀厲壇存十四兩民國後祭典教育局供備 昭忠祠木主祀四川重慶鎮總兵奮勇巴圖魯袁國璜邑人江南協標守備吳純俊同知銜勅授奉直大夫韋紳卿勅授修職郎候選教諭優貢唐洵修職郎候選州判拔貢鄧卓南陣亡鄉勇二十二名蔡貴劉天寵鄭陽應鍾富賀順舒貴袁志鳳徐正富楊倫袁榮陳忠陳耀先張貴羅陞吳貴胡萬張明學許學懷吳森銳吳謹貴周必光黃之秀

重慶知府陳大文修三廟合記

古者成民而致力於神神之載在祀典者皆能爲生民捍災禦患民亦兢兢敬畏罔或攸斃上之人因其敬畏而勸之懲之又可以輔政之所不逮故崇其德而報其功匪徒求福田利益也考省志南川縣城南隅有川主城隍兩祠蓋前明遺址也乾隆二十年乙亥前令應君士龍建祠於舊祠基內供奉關帝附以川主城隍既神像雜聚一堂而廟門復共之人知其

非體也。而因循未改者垂二十年。越丁酉大尹原君敬德既建文廟之崇聖祠。以其餘力集僚屬及邑中老成人經營結構。盡變其舊制而增大之。不逾年告成。其中爲闕帝殿改舊門額。以武廟西爲城隍廟。東爲川主祠。各建廟門。而川主祠內火神馬王附焉。戊戌夏。寓書於余。乞一言以記其事。余惟明有禮樂幽有鬼神。幽明一禮也。使人於官廨寺舍尊卑雜沓。出入一門。則無不謂其近於褻者。迺闕帝川主城隍分位不相及。而居處溷雜。無所分異。揆之情與理。其可乎。原君深有得於人事鬼神之理。門庭殿廡亦既區以別矣。由是致其禋祀而神用享之。與民並受其福。豈非諳於掌故。知大體者哉。抑蜀東多淫祀。得賢明府講明而釐正之。使民皆知典禮。無非族之祀。則又政教之所寓。而人心風俗繫焉者也。

邑令蔣作梅改修武廟碑記

自古志士仁人忠貞義烈。其精神氣燄激人肺肝。生人歌泣。昭燦寰宇。震蕩古今。自王公以至於士庶人。自巖廊以至於山陬下邑。罔不知其名。懣其神。崇以廟貌。奉以馨香。不知其所。以然而然。未有如聖帝之盛者也。本朝自順治元年以五月十三日特祭。九年加封號。雍正三年追封三代以公爵。春秋二仲薦享。與文廟同。於是薄海內外。遵國典而敬祀者。無不至。

也南邑武廟舊在城東南隅左川主右城隍稱三廟焉規模雖具而制度狹隘且附祀之神叢見疊出甚非所以崇德報功也丁卯春定志改建詢謀僉同度地庀材鳩工選日高其闈闔厚其牆垣正殿聿新而前堂後寢之制亦莫不美奐美輪秩然大備至左右二廟一律創修務極崇肅他如神農觀音昭忠之屬皆奉以專室各得其安今而後事神之心可藉是稍慰矣聖帝之磅礴宇宙浹人肌髓者固不徒在區區迹象之間然入廟生敬行庭如見於以勵忠盡之貞操篤綱常之正氣使生千載以後者勃然而興肅然而起有所恃而不恐有所憚而莫爲則夫作宮成寢其有益於人心風俗爲何如耶余甚喜其功之成而並欲昭示來許也於其蒞事爰壽諸石

祀社稷 社土神也土神卽地神也然地與天配其體大古時惟天子得祭之與天合祭則統曰郊分祭則天曰南郊地曰北郊土與穀配民託以生其功宏自天子至庶人皆得祭之祭與穀神合曰祭社稷鄉民二十五家卽得合而立社春社以祈豐年秋社以報農功自鄉俗崇奉道教變而爲土地廟故土地神可稱社公古祀天神地祇皆於野外神尊者築土爲壇神卑禮殺者除地爲壇一縣祀社稷爲一縣之人春祈秋報也邑壇在西門外二里趙家塘壇制坐南

向北方二丈五尺高二尺四寸陞三級外緣以周垣塗以丹祭者從北左門入右門出石主長二尺五寸方一尺埋於壇上正中近南露圓尖於外歲仲春秋上戊知縣致祭設兩神牌以木

為之高二尺四寸闊四寸五分座高四寸五分闊八寸五分朱漆青字社右稷左祭畢藏之祭

禮上香三獻共一少牢各吊一鏹二簋二籩四豆四爵三迎神三跪九叩送神同祝詞曰

維神奠安九土粒食萬邦分五色以表封圻育三農而蕃稼穡某官恭承守土肅展明禋時屆

仲秋敬修祀典庶丸丸松柏掌盤石於無疆翼翼黍苗佐神倉於不匱尙享

祀神祇 論語禘爾於上下神祇凡屬乎天之神皆曰神風雲雷雨其著也凡屬乎地之神皆

曰靈嶽竇山川其著也歷代皆列祀典分合不一清嘉慶十六年始合為一加以城隍總曰神

祇壇風伯雲師雷公雨師神主位居中本境山川之神居右本縣城隍之神居左以春秋仲月

諷日致祭分設三案餘儀與社稷同祝詞曰維神贊襄天澤福祐蒸民佐靈化以流行生成永

賴乘氣機而鼓盪溫肅故宜磅礴高深長保安貞之吉感依登固實資甘饗之功幸民俗之殷

盈仰神明之庇護恭修歲祀正值良辰敬潔豆籩祇陳牲帛尙享邑壇在趙家塘與社稷同處

祀先農 邑先農壇在東門外三里花墳山下清雍正四年頒定壇制高二尺一寸寬二丈五

尺壇後有室二門中以藏先農神牌祭時迎而奉之壇上東貯祭器農具西招耕夫住守外有藉山四畝九分以牆圍之每歲卜仲春亥日知縣及佐貳官咸詣行禮祭以一羊一豕銅簠簋各一籩豆各四尊一爵三帛一色青迎神三獻徹饌送神望瘞樂歌七章曰永豐時豐咸豐大豐慶豐報豐慶豐每章八句句各四言迎神初獻奏千戚之舞亞獻終獻奏羽籥之舞其祝詞曰維神肇興稼穡粒我蒸民頌斯文之德克配彼天念率土之功常陳時夏茲當東作咸服先疇洪維九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥幾九穗雙歧上瑞頻書於大有尙享祭畢乃依部定時刻耕藉知縣秉耒九推九返佐貳官執青箱播種耆老一人牽牛農二人扶犁事畢望闕行三跪九叩禮成而退民間儀制仍舊惟不望闕跪拜本邑竟爾停祀向例藉田所入須報布政使司按耕藉之禮古代所重其義二一謂天子諸侯之尊必親耕以勸農也籍藉二字古多通用訓藉田者多引孟子助者藉也爲藉民力顧孟子所釋乃指井田中之公田借八家之力耕之若藉田乃重在天子諸侯親耕何得爲借禮記月令義疏引史記臣瓚曰蹈藉也又或直以爲典籍之籍於義較協祀龍神 山海經黃帝征蚩尤遺應龍攻之冀州之野應龍蓄水應龍神名也春秋桓五年傳

龍見而岑指龍星也然其意皆以龍能興雨故其神與星皆與雨水相關至蜀都賦神龍潛於菹澤應鳴鼓而興雨則真水中之龍也其祀典自唐開元二年十八年從禮官議置壇及祠堂於興慶宮龍池祀之筮日設籩豆牲用少牢樂用鼓鐘是爲常祭以後遇旱祈禱有應地方官民皆爲立廟請朝廷加以封爵而龍王之祀遍中國宋徽宗時封靈順昭應安濟王又封天下五龍神皆王爵清雍正二年勅封四海龍王東曰顯仁南曰昭明西曰正恆北曰崇禮五年勅分送各直省龍王神像建廟奉祀乾隆九年奉文各省府州縣舉行祀典以仲春月辰日主祭官二跪六叩迎神上香三獻送神望燎祭品羊一豕一帛一爵三果實五盤祝詞曰維神德洋洋寰宇澤潤蒼生允襄水土之平經流順軌廣濟泉源之用膏雨及時澤奏安瀾占大川之利涉功資育物欣庶類之蕃昌仰藉神庥宜隆報享謹遵祀典式協良辰敬布几筵肅陳牲幣尙享民國五年定制易二跪六叩爲兩鞠躬邑龍神祠附武廟內其官民祈雨有應自立之祠數處列左

附康熙四十七年連歲大旱邑令張有孚禱於邑東半河老龍洞有應立廟奉祠以距城太遠就城西五里龍濟橋西立廟築室三間買田租十二小石招僧焚獻有記後廟中兼奉多

神爲里人醮賽之所光緒中年邑令張濤以廟租無用提充文廟祭費

張有孚記 縣治東當四十八渡之半有龍洞焉曰普濟其龍神具多變化在昔宋理宗時
宮殿災龍致雨救之封得道龍王至明萬曆時亦然今洞中碑記可考也康熙戊子余承乏
茲土越二年歲旱四年又旱士大夫相與謀於予共往禱焉悃緒方陳而甘霖立至不稍爽
時刻龍之應亦何遠龍之功亦何偉歟爰議立廟祀之僉謂洞狹小不可施棟宇且僻處山
陬卽朝夕瓣香之敬亦不能至奈何曰神所憑依在德矣亦如水由地中無所往而不在也
何必在洞中耶迺治西龍濟橋成因度其西偏隙地建屋一間塑像於中又慮其難以久也
更買田數畝以備住持之用約先後費六十金皆予力所獨成者工起於癸巳季秋成於甲
午仲春告成之日率紳士往祭是日也天高日朗絕無纖雲乃祭未畢而時雨忽降豈非神
靈歎慶有感斯通之一驗耶爰敘其始末而記之既以見龍之靈更爲我邑人預卜大有於
無既

邑南九十里楊村溝水源老龍洞一名金鵝洞相傳明初燕京失火龍顯靈救熄勅封金角
龍王萬曆時加封行雨得道龍王清康熙五年復救京師火封普濟龍王光緒五年大旱綦

南兩縣令禱雨獲應協稟川督上請獎錫頒歲年大茂匾額十年邑知縣張濤稟川督奏請勅封宣仁龍王前九年里人鄧卓熙等募款立廟洞口並構旁室供來禱者炊爨住宿買洞外荒土墾田收租十二小石招宣講生常住

邑南九十里管頂山北麓亦有老龍洞爲鳳嘴江發源處無廟宇神像近鄉民間往祈禱不若金鵝之盛

邑東五十餘里龍崖江左岸老龍洞舊碑載明萬曆十七年知縣徐天祐禱雨獲應修廟立碑教官王納賢作記稱宋天聖時救火宮掖已受勅封但未言所封何號而稱洞爲普濟故舊志謂封普濟王也碑明載天聖時救火乃北宋仁宗年號而舊志指爲理宗朝不知何據至明時碑止言徐令禱雨而舊志謂其時亦救火燕京封金角龍王事跡與南路楊村溝金鵝洞混疑俗人好誇神異一事而兩地爭附之也惟邑中遠近祈雨必往是洞就洞修廟內倚石壁匾頗湫隘年久桷柱潮溼朽腐不支屢建屢毀清光緒十六七年知縣張濤捐廉二百緡命邑紳王家現伍朝相重建劉光祖作記仍不經久民國十四年夏知事柳琅聲往禱立應首捐錢百緡更令各團紳分募數百圓移基向外新之琅聲亦自作記次年六月兩次

大水雖被淹灌間架幸存

王納賢記 洞以龍名仿於故宋朝所封建也封之者何天聖時宮掖罹火之變龍神化顯

灼抹焚有功封之是也歷宋及今五百餘年南川僻處夜郎之區其含哺鼓腹以嬉以遊自

宋南平軍奄有此域以來僭隆郅矣狀或歲時飢饉旱沴荐至人以吽誠干澤者應捷桴鼓

龍之德施綿亘如一日也寧忘報乎邑故無誌訊之耆舊足徵之家云洞下有寺洞中有碑

今寺卽刼碑石亦羽化二尹楊君蓮幕傅君欲恢復以存靈勝古蹟未之竟明年夏豫章徐

公來蒞茲土命名大祐時農務方殷旱魃爲虐公閱之政勸勸中口暮籲天躬行南北壇爲禱

雨抃濟計已而屬傅幕君詣洞請水俄而雲油甘澍降而民大悅林林之生賴以安堵此固

公與幕君精誠所致然而龍之賜居多也迨七八之間又旱苗將斲然就斃公勞瘁皇皇命

走作禱雨文詰且公詣洞乞水比達洞未幾而滂沱降苗槁者復起噫嘻民有枵腹懸磬嗷

嗷待哺者終保於無恙龍之有裨於茲土也豈渺哉歲孟冬公語此蹟當重葺命工鐫石俾

里人報龍之功以貽不朽之澤意厚遠矣走不敏掇數語以識歲月之顛末云

劉光祖記 龍之爲靈昭昭也嘯氣成雲揚善作雨易曰雲行雨施品物流行觀象玩占藉

非六龍之御天安見生民之被澤功用若斯之宏耶邑東六十里老龍洞源出金佛絕頂其山蜿蜒奔騰猶神龍之赴江勢不少遏及洞而止有清泉自洞口出宛若龍涎四時不竭洞有石田數十頃其流灌溉相接俗名龍田旁田若淵應其方之旱無不符合邑有旱災卽輒應宋時曾於宮中抃火理宗特旨勅封得道龍王至明萬曆龍復顯靈燕京朝廷神其功績歷代屢著靈異固不特一時一邑始得被其恩澤也攷殘碣舊有廟年久傾圮前邑侯海槎張公因改修四十八渡河道經此慨慕者久之去夏適旱公挈官民往禱比返甘雨隨車溝澮皆盈官吏相與慶於庭農夫相與忭於野僉以至誠歸公公曰嘻豈余之力哉固吾民感召之捷亦神龍之不可度思也鄉曾割俸創建金鵝洞神祠矣聞土著嘗探此洞得龍骨金丹信有此乎慨然以養廉所餘出二百金囑職員王君家現伍君朝相購木平基立祠洞口以祀乃鑿斷甬具而公以文闈調幾有鮮終之慮家現朝相會計落成工未及半懼無以善其後也今春以情稟袁主由公局撥餘款四百五十餘緡俾得蒞事工竣後領費報銷列帳呈稟存房是夏復旱袁主憂民之憂卽祠默籲如響斯應轉歎爲豐袁主謂家現等曰神之霖雨蒼生至矣公局報効之餘閭邑所樂輸也以邑人之入祀共賴之神善莫善於此矣於

是立案歲撥三十金招看司奉承香火神享其誠民樂其利豈特南土是保哉典既舉邑人劉光祖爰以靈跡誌諸石用告後之待澤者固知在此不在彼也謹序

柳琅聲記 昌黎文云天池之溜大江之潢有物得水能風雨上下於天此物何物也禮祭

法凡山林川谷邱陵能出雲爲風雨見怪物皆曰神此神何神也殆不問而知爲龍矣故世之禱雨者必於龍特是山川百源皆龍之宅民各就所近而祈究有應有不應則以神棲之有在有不在于耳今歲夏初予蒞官茲土覽邑志訪邑人知半河老龍洞龍神宋明兩代救火宮掖顯靈受封心爲聳異未往謁也旋遭奇荒乘以大旱人心惶懼予亦早夜焦灼乃卜吉五月二十七日率士民數百人奔籲於神正安道士韓德珍虔請如法歸途雷電隱約彤陰密布雨將作矣乃水在天上陰爲陽畜其占曰需予歸益傍俚夜深稍寐有物修然蜿蜒牀稜間昂首向予如訴驚寤益異之私念此非禮經所謂物耶神耶凌晨步詣雨壇以語道士及諸紳耆皆曰信有之昨已現形洞中狀與夢符是殆有望於公也予恍然曰命之矣予官此土以民生爲生神如與予同敢不聿新廟貌以咨鴻庥卽率衆跪祝越日大雨沾濡溝渠全涌以後縣延間作遂以有秋糶價頓減十之六七按洞舊碑神祠創建於明萬曆改作於

清光緒皆因陋就簡風雨侵漏地址潮溼宋桷摧腐斷難仍舊予首捐錢百緡衆紳分募約得千緡命李紳稟華團總王顯文董其役措傾易朽拓基較廣而鞏數倍之匝月工竣予自愧不德蒞事日淺無實政以迓和甘惟神念爾南民世服先疇風俗淳樸誕敷膏澤爾士女而予亦藉歲豐人和免獄訟盜賊之滋且尸善禱名是不可以不報抑聞之民非神弗祐神非民弗饗嗣後爾民其益竭股肱藝黍稷潔黍豐盛永邀靈貺於無疆焉可

邑北偏東七十里九盤坎山麓二泉洞爲禱雨較盛之所廟外里許有何老爺廟祈雨者先往祝而後反洞取水舊傳明有方士何標與嫂鋤於野戲謂洞中有龍嫂喘之標入騎龍出嫂駭呼標名龍遽返而壁合嫂亦能術煉一雞卵擊壁流泉湧出浸灌稻田亢旱不減

記者曰龍之有靈能致雨否吾不得而知萬川百源其共一龍神或各一龍神主之吾不得而知且水族中有龍與否吾尤不得而知惟當旱魃爲虐粒食將斬生靈震懼吁嗟就泉源而哀籲藉以鎮人心繫喁望此計之窮而爲事所應有卽使子虛烏有得擅天功何害

祀火神 火神之祀古代有四其一南方赤帝號赤標怒爲五天帝之一天子親祭以人帝中之炎帝神農氏及顓頊氏掌火之官曰祝融者配享其祭禮或以夏季築壇南郊或以秋季合

四帝大享於明堂僅降郊祀吳天上帝一等孔子告季康子曰天有五行水火木金土分時化育以成萬物人尤稟五行精氣而生故以隆禮報之其二周禮夏官司燿職率民季春出火季秋納火凡祭祀時必祭燿注爲報其爲明之功也其三二十八宿中東方蒼龍之中宿曰心一書大火古時分星分野之說大火營河南商邱地高辛氏封子闕伯於商丘主大火之祀至周室宋國承之宋仁宗時修大火之祀以闕伯配蓋謂宋以火德王又宋太祖肇基地故祀之其四天有五星繞日而行亦爲五氣之精火星曰熒惑秦漢以來爲壇以祀宋徽宗信道竝封爲火德真君詔天下建廟號曰聖明宮以立夏日記乃今火神之祀所由昉也邑火神祠在關岳廟前殿清康熙二年定制祀以六月二十三日祭儀少年三歲以祀神同其祀曰惟神德著離宮光昭午位廣陽亭之運象啓文明彰變理之能功參化育土以生而水以濟丙丁之大用常昭府既修而事既和歲夏之九功惟絳龍茲萬物實賴化成又我生民感賁利用仰邀神貺虔咨鴻庥爰遵祀事之儀式舉明禋之典肅陳牲幣敬布几筵侑享民國官吏不復舉城居之民以防火災故於火神之祀特隆亦於夏正六月末建醮數日擇日以小兒扮火神太子四人舁以遊街冠服儀衛儼然王者道士入宅作法禳火市人追隨聚觀極其曠鬧

祀城隍 城隍卽城池也有保民捍患之功宜列祀典清乾隆時秦文恭公作城隍考歷代奉祀源流備悉後唐廢帝清泰二年封爲王宋建隆以後城隍之祠徧天下明洪武初封京都開封太平臨濠四城隍爲王餘以次爲公侯伯縣城隍稱顯祐伯二年詔去諸神封爵但稱某某之神而民間已相沿稱爵不能復改夫地方城池有廣狹神因之有升降大小亦宜也惟洪武二十年已定制神像前設案判事旁塑吏持簿書役操刑具府州縣官到任必先齋宿謁城隍神對之設誓則用官管陽神管陰之說非徒多其保障功矣邑城隍廟原在南街武廟外殿西偏隅時知縣伍咸修趙宗孟張繩皋接續修建清乾隆四十九年知縣原敬德重修嘉慶九年知縣蔣作梅改修同治二年知縣楊昌錦移建后圓稱新城隍廟深廣壯麗費二萬餘金神有行坐二像行像奉於前殿坐像奉於後殿旁室有刑器內眷諸像儼然官署也城隍之祀既合於神祇壇內廟中卽不應復行故清會典通禮俱不載然縣官倚其森嚴以怖吏民則自祭之仍於春秋二仲同諸壇廟舉行以外上任朔望行香首及之民負冤抑曖昧有約往神前設誓者有具豕首黃帛爲詛咒者光緒末年知縣呂森更於兩廡塑冥府十王殿

甲史城隍誕節五月十一日

鹿川主

李公冰守蜀治水或以爲張儀所薦

劉正甲李公父子治水記略

當秦惠王時或以爲巴東人涉正

所薦當始皇三十六年父子皆有神術其鑿孽龍鬪神牛皆冰爲主而子二郎佐之蜀人立廟奉號曰崇德本民間私祀其列國家祭禮懋典據文獻通考載五代孟蜀封大安王又封應神靈感王宋開寶七年詔修廟改封廣濟王皆封冰也清雍正五年禮部題請四川巡按憲德疏稱灌縣都江堰廟祀李二郎未有封號應請勅賜是年九月初六日奉旨封李冰爲敷澤興濟通祐王二郎爲承續廣惠顯英王乃父子並崇今川中各縣各場莫不有川主廟惟灌口之地以前殿奉二郎後殿奉冰其餘單設一像者依祀典則應屬冰俗人則不知有冰而咸目爲二郎是父子之祀混其一尙缺其一也又隋楊帝時嘉州刺史趙昱其治水立功得道顯靈事跡與李氏父子大同宋真宗時亦封川主清源妙道真君蜀中廟祀者甚多是蜀地所奉之川主究其本源尙有半數屬昱而非冰非二郎者也若夫宮號萬天爵曰護國救民大帝此道家言儒者稱述典禮不敢輒和邑川主廟在武廟前殿東偏知縣一歲二祀以春秋仲月諏日禮用太平遶豆各四簋簋各六帛一爵三民國仍舊

廢祀 (甲) 零祭吁嗟求雨也清乾隆七年定制各省府州縣不立零壇每歲孟夏就先農壇設山川社稷諸神位行常零之禮本縣素未舉行 (乙) 禳祭清乾隆七年定制歲苦旱則零

苦澇則崇祭城南門伐鼓用少牢一跪一叩奉邑亦未舉行惟用漢董仲舒法久晴求雨閉南門久雨求雨閉北門禁屠宰街坊延道士設醮禱日曰太陽會近且用礮轟擊北門外余家洞以勝陰霾之氣焉 (丙)祭厲舊厲壇在北門外花墳山下俗稱無祀壇祭諸死不得其所及死而無主後者一歲三舉以清明日七月十五日十月初一日知縣委典史先期告於城隍稱遵禮部劄付欽承皇帝諭旨云云求其代爲祭主卽用鼓樂儀仗迎城隍像至祭所位於壇上祭用羊一豕一上香獻帛奠爵一跪一叩設無祀鬼神二位於壇下東西向祭用一羊一豕切作穀截米飯二石湯羹酒楮又有告文一道與前大同小異祭畢奉城隍神還廟民國二年奉內務司文通飭省道縣取舊舉行但地方官主祭不迎城隍以祛迷信本邑從此罷祀按明制京師立泰厲壇令郡邑鄉皆祭厲今鄉人建醮必賞孤又凡男婦老幼小恙必用香燭紙錢肉飯於宅外焚之曰鋪花盆撒水飯卽祀鄉厲也 (丁)祀文昌其神考溯源流者甚衆而以清嘉慶時惲子居新喻縣文昌宮碑陰錄爲尤詳晰大抵文昌起原當以史記天官書北斗魁前戴筐六星名文昌爲根據六星中五日司命六日司祿與人之壽命祿位有關然自屬天星非人身且未嘗掌文教而歷代朝廷尊崇奉祀則以梓潼嶺七曲山張亞子戰死後自晉唐宋以

四川通志卷之五十一

來屢次顯靈助順之故唐玄宗僖宗幸蜀宋真宗時雷有終張詠平劉亂至清嘉慶七年因三省教匪戡定與神有地理關係

收祈禱功益從而張大之制詔省府州縣春秋二祭牲用太牢樂以文舞六復進崇其先三代

立後殿不知名氏但題神牌曰文昌帝君之先代與孔子關帝鼎立其為文士所皈依兩相牽合則一由元代用道士說

封梓潼神為輔元開化文昌司錄宏仁帝君而神號與星名混一由星名司祿而士流應舉覬

在得祿暉氏謂唐宋時蜀士入京過嶺祈禱於神多得顯達於是附會膠合以惝恍迷離之一

神司全國文化幾奪周孔之席久矣今雖廢祀而道家書流傳臨壇降筆著文勸世猶紛紛然

故略辨之邑舊文昌宮在城內西街康熙十年知縣何正蘭創建清末附設津捐局於內民

國初收賦稅者因之近遷學署讓為防軍駐所

重修南川縣志卷五之二

禮儀

吉禮一 人民會集崇奉禮祀

古禮祀上下神祇壇而不廟以廟自戰國秦漢始見楚辭及史記封禪書廟之別曰宮曰觀曰殿曰閣道士

主之若寺與庵本僧尼以之奉佛後世民間三教並崇就地皈依取其便事萃神佛於一字住

守者為僧或為尼為道為雇不復區別要為近地人民祈禳報賽之所則同也天主福音別一

宗教無醮祭而有禱祈文壇同善雲沙變更道士禮神舊式降乩飛鸞虔叩休咎吉凶皆屬神

道故悉以類從焉

廟宇

萬壽宮 城內興隆街江西會館以外鄉場多有

天上宮 中和街福建會館

觀音堂 城內西街別稱曰寺曰廟曰殿曰閣曰庵西鄉最多

所奉為佛教之六祖慧能大師禪師中國當南梁時達摩自印度來傳法東方為初祖至五祖弘忍大滿禪師將選徒授衣鉢時慧能在寺方執

禹王廟 西街三楚公所鄉場多有

純陽觀 城內

南華宮 中和街廣東會館向不知所奉何神劉健菴茂才原籍廣東宮即其先世來南於清乾隆年間舉本籍人同建具言

但化衆乃反更創紅教井中有梅花花字古傳華後神遊粵東顯靈異護衆生稱活佛信徒建道塲奉之即名曰南華爲成佛紀念也廟成後旬縣倫顯聖顯曰南天佛地後邑舉人劉榮光題聯云心動旖旎飛一初六祖未受法時五祖一日見道塲旖旎問諸弟子曰旖旎乎風動乎對者各有所執六祖獨曰乃心動耳於風旖何與五祖首肯者再已定傳法之意何處塵埃獨領得箇中妙趣緣空由鏡朗本來無物果修成頂上圓光

五顯廟

東門外市街之左廟神爲華元大帝而像則五其說不一遵義府志遵義五顯廟下引靈應集云即金木水土五行與天地相爲本始又專司火政是以里社崇奉以九月二十八日誕辰祀之此一說也夫既云五行之神各司一氣播於四時何得又皆專司火政綏陽縣五顯廟劉春鳴記亦主五行之說謂即周禮兆五帝於四郊之祭後世合而祀之廟中道家因附會爲罔祿一帝殿有五人而以五顯名之其神以唐光啓時降於整源王瑜家要求血食瑜遂營廟奉祀至宋大觀乃封以王號此說較詳李雨村童山文集旖旎縣象鼻嘴五顯廟記則謂五顯來歷出自三教源流乃蕭姓兄弟五人皆以顯名最少者顯德尤著靈異降妖安民故後人祀之如此則與火無關且其人行五而非五人也

丁公祠

丁道亨清乾隆時募江東溪道士舊志載其中年棄儒學道所爲必矢精誠沒降神於邑之東鄉壩興隆等處藉即休咎屢著靈異邑人信仰之殷他神莫比謂之丁仙惟係隨地設壇迎奉至近二十年時局不靖驚擾頻來叩問者無虛日乃於普澤寺內設像稱爲丁公祠云

東嶽廟

一在萬盛塲外五里一在城西三里土阜上舊名迴龍山明萬曆中年創建清初毀於兵燹康熙二十四年重建最宜休憩嶽帝前四立像魁梧森動觀者以巨指微抵搖搖欲活及三四人頓足撼之屹不爲動 明萬曆重慶進士倪斯蕙新建東嶽廟記

萬曆二十四年僧曾香棟邑西清齋坪欲創東嶽廟未果越明年丁酉乃遷於迴龍山岑神像巍峩殿宇不稱值已亥播亂欲更未決甫平有倡義者捐貲先換正殿於二十九年三月壬子而增大之三元閣三官神像十二殿並拜廳海邊以次舉焉盡力齊心雖未完備然數百年缺典一旦創造蓋已崇祀事極輿論也且廟余而記之余觀南中士懋純修民循善習卓有古風不憚修祀者何蓋播賊逆命戮暴陽邑人驚懼賊竟不窺境夫誰禦之意者泰山擬賊膽而福南人未可知也故今勝狀環游層構灑誠爲泰山而獨尊者則鎮南邑而令士庶惕然有省者其在茲乎夫廟之成不成於人而成於神之享不享以文而享以心倘織瑕點瑜神隨譏諷即有釐舉終墮塵緣檢閱洵溇畏天修行則廟宇借以不替世有精神合邑賴以又安亦世有永茂也太史公云天道無親常佑善人又云明德而薦馨者迨是之謂歟君子瞻斯廟而求諸心焉則

亦庶乎知所以祀神而復修其所未修也是爲序 清康熙時邑令陳聖重修東嶽廟記 蓋聞興廢之故自天主之而實自人爲之也其興也必有興之由其廢也必有廢之之漸而所以轉廢爲興者其人之功不可泯而其人其之姓氏未可忘也余奉命來川補授南邑甫下車日擊城郭荒涼居民寥落欲訪舊時飛雲永興諸成蹟渺不可得因太息者久之而城之西約里許地則有高閣凌雲飛臺極目巍然獨峙於山半爲邑中之巨觀父老告余曰此西宮也至師旅蹂躪野無甯宇數十年於茲風雨之飄飄鳥鼠之所掘穴簷阿剝落漸失其舊矣未之春有陸

子者客南幕不惜捐貲而以身肩其事陸子名宏昌浙中雨上人也與余同郡雖未獲識面觀其行事慨然想見其為人凡所為扶危濟弱仗義急公者諒不足為陸子難今見是廟之榛棘含煙趾廳棟棟能漠然不一動念而忍令頽垣廢瓦日沈淪於荒煙蔓草間哉爰謀計前令張公景良賢邑中神者等鳩工庀材卜吉重建而殿楹廊榭遂刻日以新余因之有感矣我鄂定鼎以來宅爾宅田爾田凡以為南民謀者不為不久且宰是邑者後先相望不下十數人乃以千百眾之財繼以各當事之力而不獲一振而陸乃以莞莞布衣偶來茲土輒奮袂爭先獨創斯舉而羣為之落成所云與廢之故亦視乎人其然乎其不然乎余茲待罪南邑見夫爨序之鞠為茂草也河渠之湮塞如故也蕪樓之荒廢已久也方將次第而舉石之以觀陸子乃有先得我心者故不辭蕪陋而為之記 清光緒初培修東嶽廟募捐序(邑舉人徐大昌) 古天子東巡至泰山柴而望祀無所謂嶽廟也語侯惟魯祀之亦無廟後世郡邑爭建祠宇祀青帝庶趨踏朝夕水旱疾疫必禱若其神真能以禍福生死人者昌竊疑之謂其發于禮而惑于俗也後讀白虎通班氏之言曰岱宗者萬物更相代於其方也王者報功告成必於岱宗然則太空之天太皞之職實權衡庶幾始終萬物受其得失之成而等其詳謂理固無可疑者神在天上如水在地中何往而不在哉民之應祀也宜援神契曰泰山天帝之孫也主召人魂知人命之短長夫八荒之中神意輒流濇羊豕能何所不有灌壇風雨宋廟謠誦皆足以害物穹窿在上高而無為用假神柄尊則天帝之親雖則五岳之長以資攝御無俾民逢其不若而又雲行雨施是作是長腐寸之雲立沛天下金篋之策不爽八年人命長短神實主之而况知之乎俗謂能禍福生死人者非誣也吾邑近年來時和歲豐無天札之厲五行之愆城西街有岱廟亭殿剝落非所以致民願迎神麻也里之善士金君雅堂張君蘭廷請於邑侯黃公簡樵壺修之各助錢五百緡以屬明君其役頗費鉅匪一二人力凡我同人沐浴於神之宮澤其同有是心而興其事不敏輒序其事於前難以告助於四方同志不自知其言之謬也 邑人周立椿九日偕同人游東嶽廟七律二首 石磴盤紆鳥篆纖破苔雙履痕粘坐鏡白髮揮談塵天放黃花壓帽簷雨後山容彌瘦勁醉來詩律更森嚴諸公共借長風便一路扶搖萬勢尖 昨宵猶記雨纖纖利時雲下兩袖粘萬中晴問丹作曉一樓煙繞碧飛松心因愛菊功名淡佛為拈花法界殿莫摘茱萸鬢兩

萬天宮 大場 多有

關聖廟

顯靈廟 多處祀 靈官

老君廟 陳家場

壽佛殿 陳家場 湖南衡州府人會館初衡人至場以楚籍求入馮王廟廟眾執之衡人憤誓自立禹眾復激之曰汝力安

地母廟 南路二郎橋 梁山寨內

四聖宮

山川廟 多處祀 川

玉皇觀 多處或稱 廟或稱觀

裝十分秋 意上眉尖

能衡人請曰若吾能當立汝外禹衆仍以為強辭也姑許之於是人出錢二百生息數年得數十緒與工男女老幼自食於家而就晨夕趨奉菜基將踐約禹衆託人告哀至再乃立於其旁落成且有餘蓄置田租數百斛

五通廟

東路迴龍場浸水埕一說淫邪之神能魅人婦女民俗奉之或稱五郎神或稱爲五顯靈公或稱爲五聖一說明太祖與陳友諒戰後夢陣亡軍士請恤太祖令其五人爲伍江南以尺五小廟祀之處處處血食十說本無其神因昔人有神仙五通不死佛具六通無

生無死之說而道流誤附會爲神名

眞武觀

東路圓村場神爲眞武祖師本北方玄武七宿之神龜蛇之家宗眞宗避玄字改爲眞武此神自唐宗久爲道家附

會歷代帝王崇封詳見明史

黑神廟

圓村壩祀唐忠烈士南霽雲

孔聖堂

南路德降場側

三聖廟

北路冷水關鄧家橋

河圖廟

已見名勝

龍川廟

已見志水

石龍廟

北路石牛河場北六里明萬歷年間創建初止一室三龕所奉靈官神獨顯靈異遠近奔走自清光緒中至今增修左右前後四殿樂樓十王殿中元上元會所丹漆光采田有數十石道場香火逐日臻盛

彌勒廟

西路太平場原名高崇寺又名三教堂民國九年重修易今名但設牌位無偶像

大廟

石牛河場西北二十里山上清乾隆年間建民國七八年鄉人解聯輝率衆據以避匪改築增高添修兩廂善堂樂

樓有榜旁關廟舍其上各爲危樓三重常居者數十家荒山之巔突臻雄勝

威靈廟

冷水關高壁山下光緒中年里八安炳燧等重修涪陵羅宿作記 記曰神之威靈因人而著者也然非其地則不

顯南已威靈廟成安君炳燧乞余文以記之余恨未至其地炳燧爲余言其形勢且繪圖示之而山川如在目中矣遠勢由冷水關蟬聯疊下結爲高壁山斗然壁立蓋土人築砦以避亂者山下抽脉二支而居中之坳小山當其前狀若覆釜前其獅子壩後爲秀村壩平曠相接村即交錯不下數千家遠望龍頭嘴綿亘十餘里外蒼山在雲霧中矯若神龍之出游而金佛晚霞反射高臺層檐杳杳若畫圖洵雄據一方之勝而爲山川靈氣所鍾者也舊有土祠祠每值祈禱旁撐篾棚安君應洪苦其不使光緒乙亥間乃出修正殿三間中祀文昌川主靈官殿前獨置樂樓越至辛丑安君炳燧等復翁議增修黑煞雷祖魯班財神觀音及送子等像配以兩廂接燕速厦爲齋廚所四週繚以垣牆丹碧輝煌金彩炫耀而規模於是大備及壬寅春落成費金六百餘緡廟成而祈禱者便遠近之趨赴彌衆香火甚盛此威靈所由名歟余思神之爲道憑依在人先王制禮有功德於民則祀之所謂明治以禮樂幽治以鬼神也近日世局一變禮教不行大則干戈四起憫然思以財力自雄小則帶刀橫行詞喝詐財利明不避刑誅陰不畏鬼責甚至鼓其邪說以誘人心卽韓子闢佛所謂天地神祇昭布森列非可誣者亦以爲幻妄難測悉欲掃而滅之

甚矣人心之惑矣不知神人不知天災亦不見水旱頻仍盜賊滋熾劫大亂所由始也安君舉衆而成此舉豈非其地人心風俗猶近於厚呼籲能靈實見神之孔赫而人皆鼓舞歡欣樂與有成思答靈贖於無窮也乎後之人誠能無墮前功於風雨所剝蝕而新之神之威靈將自此而常昭昭也他日里人報賽演雜劇以娛神余將隨衆以往觀凶得覽其山川之勝先就安君所述而爲之記

騎龍廟 樂村

金聖殿 迴龍場

滕家廟 觀音橋

靈川廟 官地

華茸廟 東路東華山麓

龍勝廟 東路人樂場

寺院

報恩寺

東路山界場田壩中清順治十七年建雍正元年重修因竹柏叢茂中建經樓五間可遠眺知縣王國定題額曰慈

普澤寺

北城外百餘步左邊高地一名佛明寺明成化九年知縣劉某建後弘治嘉靖萬曆及清代培修六次自上而下凡五重蕭疎曠遠寶殿煙霏石境旛轉終日閑寂頗有禪關幽意近復園以小城環覽一周近郭遠山歷歷在目第二重垣內古柏二株上疎少

枝斲若虬龍始千物民國十一年知事呂心孚題碣於下正殿大雄寶殿圓通法界二額俱爲書家贊賞

松林寺 南城外三里

明月寺

一在北城外羅秀場東面山上 一在鳴玉鄉境內

中興寺 東路半河場外

洪恩寺

一在半河鄉松林堡 一在西路興隆場境

迴龍寺 處多

澄山寺

馬嘴場牛心山下

朝天寺 大有鄉朝天溝

祈祥寺

龍骨溪內斗石梯民國初建常設亂筆臨壇者自稱前明道士鄧法清常開藥單爲人療病頗效遠近往叩木來或直揭問者隱匿嚴厲斥責令人神悚信仰之衆與丁仙埭

鐵佛寺

東路傍蟹塘冠岌山半松林蒼翳十餘里山境清幽明正德三年洪憲創修初名香雲寺地在前明有龍門溝明月關之名

雲都寺

一在東路龍尾城山上二在西路木涼傘境內二處風景俱佳西寺尤著邑士人往遊多有題詠周士忠遊西雲都寺結茅雲外

看雲生雲去人間雨復晴滿院西風黃葉下僧房時有落棋聲棋榮封雲都寺時眺登臨風味我頻貪每約朋儕至再三半嶺松濤疑作雨羣峯霞彩鳥投沙宿山鐘出寺鳴西風一橫笛吹下江城周立綸遊雲都寺避暑

忽成嵐閣香入坐芳心遠蕉葉當窗綠意酣漫說嬾殘煨芋熟十年卿相我何堪

龍泉寺

一在河鄉水井山上明崇禎元年創建清乾隆五年嘉慶二年補修今燬風景見志山一西路玉崖鋪後貢生鮮

天台寺

一東路元合鄉彭家營一南路德隆場北境

鳳凰寺

金佛山中央清涼頂下明代創建久燬近年僧煥然募貲重修未竣

金佛寺

金佛山東每歲季夏朝拜之盛為全縣冠寺屢建屢毀今復修

鐵瓦寺

金佛山西最高處明代舊刹久圯清末重修乾隆時知縣原敬德往遊題二絕句去天尺五躡層峯漫我茫茫萬

古胸下界陰晴看倏忽眼前三百六芙蓉人到空濛寂歷間白雲長為護松關斷岸幽擊神仙窟不數江南淺淡山

蓮花寺

金佛山東最高處已毀復修寺外合抱大椒十餘株石筍卓立山下數十里外猶望見之舉人周伯寅題句椒葉

椒花春復秋莫將零落問來由空門自古無文字祇有天龍一指頭

福壽寺

東路魚泉河境

樂源寺

舊志作洛延東路圓村壩

清涼寺

大有鄉水源村

平安寺

圓村壩

隆興寺

同上

寶峯寺

元合鄉風洞場境

興台寺

元合鄉木瓜台

洪椿寺

德隆場境

楊柳寺

同上

大佛寺

德隆場境大指拇山附近明代建

朝陽寺

小河壩境

淨石寺

頭渡橋境金佛山麓

幫巖寺

頭渡橋境

寶象寺

永安場境明代建清咸豐五年重修

萬壽寺

南路吐文壩明萬曆六年建清乾隆九年重修四面平峙法注如鏡一刹居中竹樹蒼鬱白鷺翔集千百為羣寺僧

普現勤儉培蔕蔬果花木多種喜延客遊憩者日衆

金象寺

土門壩原名雲際寺明崇禎二年建知縣陳我猷題額曰金象光輝清同治五年增修改今名

釋道寺

叢林溝北紅白二崖之後石徑崎嶇藤竹雜樹掩蔽茂密迴隔塵囂明萬曆三十七年建有鉄鐘二一口徑二尺一口徑三尺八寸

新開寺

一在叢林溝後新雨必先往寺觀之乃驗一在西路水濠南境

天堂寺

萬盛場境明萬曆時建清雍正十一年增修乾隆五十年前修先後年月備列所鑄大鐘上

飛爐寺

萬盛場東三十里

順水寺

萬盛場境

古佛寺

萬盛場境

崇興寺

石蓮場境

天星寺

石蓮場夏家嘴

董江寺

陳家場西三里

白雲寺

興隆場境

馬蹄寺

同上

德天寺

同上

伏虎寺

同上

福慧寺

同上

鷓子寺

同上即舊志鷓林寺

香爐寺

同上明正德年間建以掘土獲石香爐得名

清波寺

興隆場金合山下地勢清曠

金竹寺

興隆場西二里白雲山下寺舊在山上明季僧德海居之寺中人出拾薪地面發見鐘紐掘之得洪鐘一口又獲白

石多塊上繪花草人物極精緻以為祥警而遷居嵌石為屏至今保存德海勒儉善居精致鉅富場境山原相倚風景故佳寺藏深阿背青案面綠時加以人工布置益臻優勝寺外半甲許清潭禁注沙路石橋常若汎埽涉橋而西修築老樹間琳宮珠宇僅露一角山門外巨獅左右蹲對後山蒼煙繚繞竹森森而松九另浮一種葱蘢濃鬱之色入寺層遞而上崇階甚傑實實枚枚曰三聖殿大佛殿觀音堂凡三重正殿磨石為柱花圍藥樓禪房客廡各得其所寺僧三十餘人款接遊客有專司近年各學堂旅行常集於是為邑寺之冠清代設僧會司總領一邑釋教民國廢之組織佛教會皆寺僧任之邑中公務捐田租尤多

金銀寺

西路觀音橋西八里金銀石附近

清平寺

一在觀音橋境一在白沙井境

陽橋寺

木涼傘東隅地勢最高

永佛寺

同上設前期小學

中江寺

同上

銅坎寺

同上

真如寺

同上

玉泉寺

福祿關側

大埡寺

西路神董壩

松峯寺

二郎橋境

東林寺

一在萬盛場一在二郎橋

普照寺

一在興隆場境一在土溪場碑記坪

釋斌觀

同上

黃村寺

白沙井境龍鳳山下明代古刹僻靜清幽松竹層疊知入畫境

石洞寺

一在白沙井杭家溝一在石牆場附近

龍台寺

土溪場獅子山上明代建原名西禪寺清乾隆時重修寺外鐵字庫高八尺三重八角形似浮圖刻為明代鐘大鐘一口高三尺餘口徑二尺上講大明國巴縣懷仁鄉湖笋里等字聲大而遠聞

小寺院

太平場靈官埡明天啓六年創建碑刻地名流金鄉白玉里太平場觀音庵僧廣富傳置買治平田地山場等字寺在山埡松柏雜樹白雲冉冉封其外綠蔭萬稍蒼煙鬱鬱迷其阿不聞鐘磬雞犬聲未知山門在何處也

淨土庵 太平場境

金冠寺 太平場境

恒山寺 太平場河沙嘴明成化年間創清乾隆時重修前輩劉雲堦先生授徒處謝鳴謙宿

千佛寺 北路乾豐場九臺山上寺後巨石刻佛像千餘

華藏寺 乾豐場

佛源寺 乾豐場境

活顯寺 乾豐場境

大興寺 北路石牛溪境

澗壁寺 同上舊志作健筆

上清涼寺 同上

下清涼寺 同上

竹壩寺 同上

清寧寺 北路福壽場

福興寺 福壽場境

雲從寺 鳴玉鄉境

金華寺 鳴玉鄉境

安山寺 鳴玉鄉向家溝開山和尚裔松創建

靈音寺 附近安山民國八年以清匪被焚十三年重修

朝龍寺 冷水關境內設小學

興佛寺 冷水關合河口原名法華寺

臨江寺

龍興寺 鐵村壩一名莎草寺後殿鐵佛一尊

三教寺 鳴玉鄉南高嶺上正殿奉孔子釋迦老君金像額曰皆古聖人書法古幹又一額曰教如鼎立筆勢亦佳門外古柏

參天洵人天勝境也

右載邑境民立福廟宮觀寺菴其中雜塑神仙佛像會館建自客籍尤崇關係本籍之神謂為家廟餘廟本地衆人募貲公修均於營造外或置田租或存款生息平日招人住守焚獻貲產主權廟首操之佛寺基產初係一姓布施招僧尼住持僧尼來住須出貲交地方首人若農夫之壓押名曰頂頭遂為永業不許出售若係僧侶私積自購典賣遂得自由與平民無異人民歲時就近祈禱最普通者一曰清醮會傲古大攤為一方祈福禳災於春初行之既于廟寺中建醮復用道士一人法衣仗劍紙船鉦鼓隨入人家作法呼叱驅逐貼符門首而去一曰保禾會於夏季行之或昇田祖像巡行阡陌書符掃除蟲蠹或招傀儡演劇娛神二六九月之觀音會俱於月之十九日八月初三之竈王會婦女主之百工藝徒各祀立法垂教之神亦於誕辰行之惟多附會古聖賢英傑或仙道嘗託是業者不盡創始者也上九上元中元冬至亦多設醮祈福酬恩消災免劫若地方晴雨不時瘟疫流行則歸咎於不做會最糜財者皇經教劫大會期間延長動至二三年倡首募貲者以為大功德

教堂

天主教真原堂在城內興隆街清光緒末年新建宣統三年統計課調查教民男三千零二十

一丁女二千零一十三口

耶穌教福音堂城內西街舊在西門外舊宅民國初年新建宣統三年統計課調查教民男二百零三女

二十

善堂

同善社雲沙會大旨相近其起原因儒釋道三家晉唐以來並行于時愚者同信智者互爭如韓

歐之徒崇儒攻釋老六朝唐宋帝王或信佛滅道或信道屏佛或崇佛道崇儒而孔老釋之書窮究天人性命頗有其相通相混者宋明道學家講

性理推先天尤與二氏出入遂有人出而融合之以道家為基礎而按儒釋之學以說教旨納

入其中互相證證為中國渾合集成之新宗教其事業作用分為三一曰靜修二曰慈善三

曰禱祈三者俱以神命行之不奉偶像惟書至德備佛神聖之香位男女皆可入會有正副會

長求入者跪壇下次第遍拜諸神會中教師代為禱視稟請以紙帖書兩關一收一否使跪者

拈之一次不收可再可三既收即為會員為弟子授以收視返聽凝神靜坐之法一晝夜必練

習二三次在會在家聽自便要以在社練習受教師指撥易於獲益進步以後隨時聽教師講

演粗者五倫八社一德六行精者存誠過欲修真養性務澈三教一源之旨謂其收功可以卻

病養生志。清明精力強盛而至於神一歲內必作幾次祈禱奉表諸神爲衆人懺悔愆尤求福祥。饑災難北京有總社各地設分社須遵總社章程呈請本縣行政官立案保護。邑社就東街楊姓宅。民國七年成立信徒極衆鄉場往往有分社。

雲沙會一稱明達善堂亦立於民國七八年間會所北門外較場壩左買地建築。

文壇

中國古代祭祀視位分尊卑位尊者祭權亦重天子有天下代表民族祭百神以下遞殺至庶民對於祖先有薦無祭對外神家庭中止一祀或尸或竈惟鄉里公祭得成羣立社春秋報歲終大蜡索饗萬物而止以外不得濫祭是其時雖崇信多神在上不在下也及戰國秦漢時封建制亡祭權開放往時天子所主之祭無人不得行之國土開拓民族同化楚越蠻苗羌胡夷貉之俗流入華夏燕齊迂怪之士以求長生祈胤嗣蠱惑帝王無根無據之神逐日增加又未幾而道教踵興佛法東來各立宗教信其教者必奉其神奉其神必用其儀於是二氏出而代民家主辦喪祭參以日者地師巫覡專藉慎終追遠崇德報功之典爲人祈福禳災復推及死者爲之懺悔罪愆俾升天堂道冥罰迎合人人趨吉避凶之心理流行遍海宇奪周公孔子

之席雖謂張道陵目蓮和尚郭景純楊救貧爲中國禮教革命大首領可也惟一二薦紳通經好古疑爲虛妄不安於心欲脫離之南宋朱子本司馬溫公程伊川輩所訂更加斟酌著家禮一書採古儀禮戴記之文稍變通以就時宜概無禱祈懺悔一掃漢晉以來異端矯誣之說則又爲復古反正之豪傑猶宗喀巴之興黃教日耳曼路德之播福音也公以道學領袖此書既出儒家宗之比於五經三傳謂可化民成俗明邱瓊山附以儀節楊升菴詳爲校訂皆欲奉此恢復典禮中興孔制然終於獨唱寡和不克推行其故有三一由公書猶泥於古之廟制宗法易難於儆行一由王張祭祀不祈概不參以神道絕人覬福免禍希望一由無專門習儀之徒入人家代辦今之喪家雖延鄉校生徒做祭文行三獻禮然皆苟且具文非所重要鄉人卽欲用之苦於不習其事及近今清同治年間銅梁縣人蔣鼎立夏純一等復取家禮及康熙帝性理精義中寇昏喪祭儀節合爲一書稍加刪易務求合禮通俗受人歡迎名曰儒典正宗凡六卷首卷去祠堂深衣諸制易以家庭八則清溫定字傳介傳外出告反面朝舉拜家堂拜會長男女內外之別長幼稱呼五六卷增入祈禱超度兩類卷二教孔李釋迦以下諸大佛神並祀土地城隍龍君卷三疏上表疏誦經懺與道士建醮無異惟改用儒家祭奠儀式不歌唱吹螺鳴鈺而已師徒專

門傳習待人延請不受金錢酬勞名曰文壇風行遐邇其書自序有曰一洗敲鐃擊鉞之鄙陋不事咒水書符之荒唐又曰易禪宗為儒宗變釋典為禮典則見其表未察其裏也以其關係禮儀宗教風俗之變遷故詳著之

降鸞

邑中降乩常有降鸞罕見清宣統三年大有鄉人涂學周建皇經救劫會於家中樓上迓神來格呈紙求字須極清靜祕密果書一大福字高一丈二尺闊六尺四張宜紙鑲成自署四大君王龐劉苟畢同書又諭眾當鐫諸巖壁修亭以覆鄉人以為神降之福不勝慶幸即如諭安置十四里外朗然可見本年金佛寺亦有此舉已設醮三年為首者方訂期會眾齊集恭祈書字有識者知其詳也

吉禮三 祠堂清明會 家庭雜祀

中國人類聯合注重家族自堯典教親臯謨教敍而敦宗睦族為倫理之一仁義之本宗必收族族必依宗三代猶然及秦漢以來世家廢宗法亡乃以祠堂代之一祖之裔集合一堂祀先報本序昭穆聯兄弟以明恩厚因而整頓族綱立族規推族長執行欲以私家自治輔

朝廷官吏之不逮使果能率由禮教以中養不中以才養不才未始非維持風化磨勵人才之一助惜民德不興積習日靡一族之內智愚良莠萬有不齊舉家庭學校政府直接糾繩尙不能驅而納之善况恃貌親情疎利害各別之族人以爲之坊其收效能幾何哉今之祠堂清明會求其不以財產啓爭興訟亦云幸矣但聞善爲治者修其教不易其俗齊其政不異其宜宗法雖敝既爲吾人數千年固有之組織亦無舉祠會解散廢弛之理陳規具在善者因之莫如就祠田會產經營滋殖興學校工業啓其愚魯收其游惰俾先蒙合族之利乃可施以教誨約束尤在爲族首者公正無瑕足以服其心關其口庶幾族規族約不同於畫地之餅乎

祠堂

城內 楊氏

北街

章氏

同上

吳氏

同上

趙氏

西街

東門外 楊氏

周氏

李氏

劉黃溪楊氏

東路 梅壘曾氏

水江石金氏

鄭氏

梅氏

冉氏

魚泉河劉氏

裴氏

程氏

馬嘴上天坪張氏

水源馮氏

小河場李氏

龐氏

程氏

盧家營李氏

江家灣江氏

蔡家山程氏 圓村壩韋氏 張氏

南路 大興場鄧氏 吐文壩鮮氏老祠 鮮氏新祠 何氏 羅氏 三匯場張氏 嚴氏

陳家場鄒氏 郝氏 王氏 胡氏 楊氏 萬盛場傅氏 王氏 張氏 德隆場童氏

趙氏 黃氏 頭渡橋王氏 廣氏 李氏 小河壩謝氏 曾氏

西路 興隆場張八溝許氏 周氏 獅子灣唐氏 神童壩劉氏 觀音橋場側張氏

周家灣周氏 官溪羅氏 白沙井張氏 分水嶺章氏 土溪場古柏莊陳氏 石壩譚氏

胡氏 太平場鍾家壩龍氏 崔家溝霍氏 靈官壩李氏 箱房溝向氏

北門外 王氏

北路 羅秀壩斑竹灘劉氏 雙河場蕭氏 吳氏 石牛溪雷劈石王氏 高廟子郭氏

大興團劉氏 雲都寺李氏 楊家廟楊氏 乾豐場王家溝劉氏 石窩子張氏

香爐屋基謝氏 冷水關秀村壩夏氏 石塌子陳氏 倉頭壩張氏

祠堂之祭以清明節為普通故未特建堂宇借私家集合者曰清明會是日男丁盡往昇酒饌
書祝詞或備鼓樂旗繖輿馬遍適先壟拜奠懸紙標於壟首為幟曰掛清然後返宅序齒設燕

醉飽而散中元冬至優於財者亦可再聚設醮焚楮普及服親

家庭奉祀

家庭奉祀祖先外神合而爲一中堂設香龕中行多書天地君親師位六字左右錄列先代昭

穆考妣及諸神號

亦有但供先代神牌不及其他者

龕下或供長生土地瑞慶夫人正門兩扇書神荼鬱壘或畫兩

武像以鎮禦百邪數處平日早晚童子焚香以元旦上元中元歲除諸節及先代生日忌辰奠

酒饌焚紙錢致敬專酬外神則用熟脯一方置刀撒鹽設位向外叩拜農家稻熟擇日薦新首

向外敬天地乃轉獻祖宗齋際書東廚司命竈王府君香位特別媚竈以臘月二十三夜獻茶

謂神於是夜赴天曹奏家人罪惡也元旦雞鳴時必出外擇吉利方向行禮致敬曰開天方拜

行道之神也上元夜內室圍圍道路皆燃燭一歲作業之始無所不禱也此皆主人自爲惟每

歲必延道士一人普酬諸神一次最簡者曰上清吉錢稍繁費者曰酬福謝土蓋以一歲一家

獲神庇祐而酬謝之也舉行婚喪大禮必特別安神曰安香火告有事謝驚擾也以上俱爲常

祭至於祈禱之類則有因覬財利幸福祈神佑者預許羊戲遂願後擇期酬答必殺羊豕或道

士兼操巫術或專用巫者爲之塗面衣繡扮靈官土地諸神登臺揚鞭發符令召遣謂之鈎願

羣巫歌舞演劇賓主踞地勸酬飲啖須一夜一日畢事俗云唱發財戲疾病危篤急招道士請禱曰做延生稍緩者亦禱神求佑待愈而酬曰還願俗云打鑼鑼既許願雖不效必酬乃已不然家人復有災厄叩之術者必曰某願未還也若微疾及小不安但用竹篩木盆鋪紙錢搗杯盤酒飯黑夜出宅外焚盃以飽諸鬼曰鋪花盆簡盞者但用冷水和飯撒之曰潑水飯屋宅見怪及空中流星下墜必禳火星果遭焚如又須退火星爲父母建醮向北斗祈壽曰朝斗祈之於遠廟諸神道士讚唱前引一步一拜曰燒拜香凡有求於神不用道士但入廟焚香曰上香以財託僧道代焚一二年者曰盤香父母已沒遇生日猶建道場爲祈冥壽曰祝陰壽其他尙有跳壇拴胎收駭爲小兒上鎖過關及女巫男覘攝神像入人家詛咒厭勝者又有作法走陰遊冥觀花觀亡探吉凶生死者尤鄙俚迷惑不足道而婦女信之尤篤士人明理守孔子訓於神祇無所請禱惟對於祖先父母歲時伏臘當捧奠以展孝思文公家禮大精通禮會典俱載士庶薦寢儀然稍泥古制卽窒礙難行須照鄉俗居室習慣及中下人家財力職業稍加變通卽可屏除佛道實行儒家典禮茲特採錄於後附以私議數條與諸同志者商之

附禮書家祭節略

凡庶士

前清時舉貢生監今有子弟入高小校肄業之家

家祭之禮於正堂北為龕以版隔為四室奉高曾祖禰

四世排列表序家禮有中圖一為從

右至左(以上視下)首高祖考妣次曾次祖次考妣一為高祖居左祖居高祖之左為昭會祖居右顯考妣居曾祖之右為穆四位皆考左妣右因此嫌祖妣與高祖考相接故須以版隔

皆以妣配南嚮

儒典正宗鄉俗先代未題主香龕未為此四室

者臨祭用黃紙為牌位以代

前設總香案一服親男女

上至高祖下至玄孫九世正系旁支俱為服親

成人

十年二無後者

有後者自有子孫奉祀故不須耐食 按行輩書

紙位耐食

妻先歿者亦在耐食之列

男東女西相嚮

祭後

歲以春夏秋冬節日

家禮從古時祭以四仲月日用丁及亥或二分二至均可須備三獻而以元旦清明中元等為

俗節祇從簡畧隨便獻食

出主而薦黍盛二盤肉食果蔬四器羹二飯二前期主人及與祭者兄弟姪子孫咸致齋沐浴

更衣不飲酒茹葷弔喪聽樂及諍煩雜事家禮定為三日勤儉不到惟前一日可耳

前夕主婦盛服治饌於房中厥明夙興主人吉服率子弟設香案

燃燭設供案二昭東穆西南嚮

須盥洗啓櫥出神主置几上案前

設耐案於兩序

東西壁

置耐位其上男東女西主人

立東階下眾各依行輩東西序立主人詣香案前上香一跪三叩主婦率諸婦出房薦今之羹匙俗名

箸醯醬跪叩如儀退子弟奉壺主人詣兩案以次酌酒薦熟子弟分薦耐位皆一跪叩興就

位跪祝讀祭文訖主人以下叩興再獻主婦薦飯羹二獻薦餅餌時蔬餘如初儀畢家禮上香前須參神三獻後須

俎食(主祭者自侑非如俗禮用孫)祝噫歆(祝其饗祭)獻茶飲福受胙祝致殷辭告利成然後四拜辭神竊為諸紛紛儀節與其不習當從減去惟參神辭神似不可少

主人率族姓一跪三叩即辭焚帛祝

文耐位納主徹饌退行燕飲餃餘

食神所享之餼曰餃餘

之禮

可就此期多延宗族會聚

其餘朔望日及家有吉事但盥洗

燃香燭獻茶一跪三叩庶人之禮更簡不必行四仲月祭但逢節序薦新止一獻二跪六叩家禮

用四拜二拜通
禮用三叩一叩

但仍奉高曾祖禰四代出主納主祭饌四器與庶士同

家禮士庶對外神惟有四仲月擇日祭土地之神

報其生物
養人之功

歲暮祀竈神

報其火食
養人之功

皆二拜三獻讀

祝四時祀土神於宅
外按四方設位

稱為土地之神司竈之神

按禮書所定士庶祭儀已極簡單然猶有不能行者由民俗久崇佛道二教而議禮者猶拘

於古制居室神位器物一切不合故雖一二薦紳有意復古脫迷信而亦礙難中止也竊謂

祭以盡誠禮時為大何必沾滯謹杼管見擬祭議數條於左

一議世數 通禮會典士庶祀先限以四代揆之古禮猶以為過惟家禮擬冬至祭始祖

祭專

立春祭先祖

高祖以上始祖以下俱為先祖
且係併高曾祖考四代合祭

季秋祭禰祖始祖惟大宗子

始祖下每世
之嫡長房

得祭先祖惟高祖

下之小宗子得祭書成後又疑為僭躋踏不決今俗香龕統書歷代昭穆祖考妣佛道追薦

禱祝亦籠統舉之頗有探河源於星宿尋山脉於岡底之意竊謂人無貴賤同有祖宗彼自

不忘遠源以飲食進奉何僭之有今擬惟生日忌辰情有專屬不容普及其餘節序即自始

祖以下合而獻之可也惟鄉俗香龕書奉天地君親師及諸神號者自不合用即書某氏堂

上歷代昭穆祖考妣者亦未妥洽昭穆二字乃古人廟制區別太祖之廟東向以下南昭北

穆昭取南方顯明穆取北方幽遠周人稱文王武王爲昭考穆考猶曰穆廟之考昭廟之考其子孫爲文昭武穆亦以廟次數之廟制存然後昭穆可用今奉先止一香龕而曰歷代昭穆祖考妣猶云歷代南北左右祖考妣可乎有始祖而後有昭穆昭穆輕於始祖故昭穆廟親盡則毀而始祖百世不遷今日歷代昭穆豈不反遺始祖乎故今欲釐義正名當書爲某氏堂上歷代或先世祖考妣而後可統稱既定通祀用之若生辰忌日及他故專祀一代有主者奉主香龕以奉主非享祭之所祭時須於龕前設几藉以氈披茵褥啓櫺出主置几上前臨供案方合古人几筵之制卽神牌亦須自龕移至几上享畢復故所無主者以色紙爲牌位書稱號祭畢焚之亦可凡不用佛道教供靈牌者人亡卽當題主古人謂之作主止擇美木按尺寸善書者沐手書之卽可供奉仍與書靈牌無異世俗因敬重此事必迎請大賓借重鴻題視爲特別舉動以致煩費憚難審肯不題是爲因噎廢食其實何必如此卽近世禮書所載亦惟於喪柩臨穴時宗親一人書之昇以還寢而已靈牌之不可用因佛道家主張供奉不久便要燒化使亡人升天以後家堂中遂無可奉祀也

二議祭期 宗家禮者以四仲月及冬至立春季秋忌日清明爲大祭邱瓊山增元日端午中

元重陽臘日除夕既有除夕臘日可刪以其期太近也生辰朔望之類爲小祭大祭三獻小祭一獻俗名祭或獻茶果

此亦與時俗不合今日鄉里中等人家財力有限勞役紛繁不能舉多次祭祀大祭又須人

贊禮

行禮須贊因主人不習禮而設若家庭常祭父兄弟預爲學習則不須此

愈覺煩難四仲時祭冬至立春季秋禮均久廢如何能行生

日慶祝世俗所重而反輕於忌辰亦難強易今擬欲舉大祭者於考妣祖考妣生日忌辰一

年可任自擇舉行一二次與俗存時做生歿祝陰壽相合大祭之期可先通祭歷代亦用三

獻則報恩追遠一舉兩得其餘俱爲平祭穉密舉否聽人自由惟既名大祭卽須鄭重整齊

略用音樂三獻祭品須每次更換新鮮

其儀注擬繪志事於另集諸書編訂一册以質同志

紙錢止用一帙承以竹筐而燒包

可廢古代未鑄錢時生人贈送通用束帛禮神亦然

古人用帛二丈爲端兩端合捲爲一兩又爲一疋五兩爲一束長二十丈

漢後錢幣流

行送死者多置錢棺內謂之瘞錢神前仍舊獻帛家禮謂紙錢始於殷長史里俗稍用代瘞

錢至唐肅宗時王璵以左道祀神得幸爲禮部尙書始用紙錢施於祠祭當時帛貴紙賤流

俗便之乃至今日以多爲貴一年所化不知若干以有用之美材供無益之消費同乎毀瓦

畫墁有識者咸知其誣然古代祭禮既廢欲奉事鬼神舍此又似無物可將從俗作僞聊復

爾爾今既遵禮祀先潔粢豐盛於心咸校是尙不可已乎且省去延道士燒紙錢之費以辦

祭品綽乎有餘矣

三議設位 會典通禮左昭右穆之制亦本於古人立廟無論數代各立一廟不相近故無

嫌也今民國普通無廟平時奉主於香龕以板隔為四室鄉居既無辦法祭時又須每代各

設几以安神主筵即供案陳列祭饌家禮用八案簡亦四案會典用兩案昭穆各一亦笨重難於安置當以家禮從右至左依世次順序為

便即總設一案亦可但求祭品豐潔鬼神享誠何必每人一棹也

四議耐食 設位耐食之禮與時俗普通燒包請薦用意相同惟禮限於本宗服親服制有本宗母黨妻

黨之別惟姑姊妹女雖外嫁喪服亦列於本宗之無後者會典品官以上耐食及三等錫子庶士庶人限於成人年二十為成人此亦失之偏人無貴賤私恩一也此古人偏重男統以為神不

歆非類至成人有後者彼自有子孫供血食無庸代祭其實禮緣情制父母妻三黨生時既

彼此往還慶弔款密事死如生家祭耐食豈遂獨不能來今擬東西序耐位均分為兩列男

東女西本宗前列異姓後列使人得展其私以當燒包請薦其牌位用紙祭畢而焚二次又

須更製人必憚煩檢存亦苦不潔易破壞不若用木牌題名祭畢移懸高處至妻先夫亡亦

在耐食之列此亦拘泥家無二主指主祭之制若妻已有子於心不安當聽子依禮自祭為是

子太乳釋亦可抱可代以從事

五議薦食 古人祭祀必夫婦親之故季女有齋見美南國通禮三獻主婦率諸婦薦醢醬

羹飯餅餌叩拜而退今俗祭婦女久不襄事殊失內外相承之義然習慣難矯能行固美不能可勿強也

吉禮四

碑坊墓

政事德行節操表揚前徽以勵後世碑坊之用一也周封比干之墓齊護柳下之壟沒者何知而必修復保衛過而下焉拜焉酌焉與上二者將無同

漢儒尹珍故里碑

尹子歷史見於後漢書西南夷傳及華陽國志後書但著郡志乃云尹珍

字道真毋斂縣人也

毋讀與無同

漢武帝通西南夷置牂柯郡屬縣十七後漢省都夢屬縣十六其地

北接巴郡荒遠寥闊有今黔省之大半欲確知尹子故里在今何縣必先攷漢時之毋斂爲今何域而古今遷變畫疆制邑差錯不符故一尹子而綦江南川正安綏陽桐梓皆附之尤異者清一統志既載之四川綦江又載之貴州平越又載之雲南曲靖幾若三一化身者然攷牂柯古郡雖與蜀鄰而今之南川綦江究不得指爲昔之毋斂毋斂烏在遵義府志據漢書地理志毋斂下言剛水東至潭中入潭剛水爲今都勻府之都江

發源獨山州名獨山江

潭水爲廣西柳城縣之柳

江柳城縣卽古之潭中而指都勻兼黎平之古州荔波等處與廣西接境地爲毋斂縣在貴州

四川通志卷之九十一

極南不特於四川州縣無與卽貴州遵義各縣亦限以烏江若風馬牛之不相及也至於古跡

則正安縣新州場有務本堂明統志在真州長官司西六十里尹珍因其俗以耕殖爲業建有草堂正安州志有尹子墓在江里三

甲務本堂後知州趙宜霖履勘訪查本地紳耆咸稱尹氏世系不存頗未因據碑碣皆無不敢妄指有樂道書館遵志以爲後人懷仰先生所建綏陽縣望草里有明萬曆知縣詹淑

掘得唐廣明元年七月播州司戶崔勣所立漢尹珍講堂碑淑以創修公署掘得遂重建講堂仍就故石碑爲銘正安有毋斂壩

尹珍宅故址古珍州唐貞觀時置地約在今桐梓仁懷間有降珍山州以山得名山以先生得名遵志悉以爲先生講

學流寓處蓋古之縣界不可求而水道莫能易也邑祀之鄉賢舊志復載之人物載其里載其

墓今惟於鄉賢不得而議餘不敢從而引舊籍攷據於此邑清代舉人袁肅如已作尹珍攷知

其不在綦南而不敢斷其究在何地也

袁攷 謹案先生姓尹名珍字道真後漢之縣牂毋斂人也自以生長偏隅未漸庠序乃遠

從汝南許叔重授五經又師應世叔學圖緯通三才還以教授於是南域始有學焉夫漢之

盛朝廷重賢良文學之科士之通一經者一藝者得與公車或位至丞相或仕至二千石由

是以儒術飾其吏治故得人之盛炳然與三代同風然思兩漢諸儒莫醇於董江都莫雋於

賈長沙而莫鄙於匡衡劉歆谷永至揚子雲作美新論又不足言矣先生處遐裔之中獨能

克自振拔不遠數千里從師訪道卒得其微言妙義以教化其鄉人使樵魯之俗盡變爲彬彬之觀且不惟一時而又使數千百年後之人頌尊衣冠尸而視之雖言論風采史缺不傳而要其教澤孔長竊以爲出兩漢諸儒之右矣昔人稱文翁化蜀顧翁守也爲民父母自有教化斯民之責先生則以鄉人教其鄉其事尤尠且翁之石室僅見於成都錦江書院此外郡邑並不聞有翁專祠而先生何以獨能若是非其流風餘韻實足以感發乎數千百年後之人而能若是乎至先生故里實係牂牁毋斂自舊志誤屬之渝故至今咸以先生爲余南邑人昔游綦水瞻仰宮牆見其石碣題志則又以先生爲綦水人雖綦南在漢均江州枳縣地然實疎于攷證及讀後漢書及華陽國志而不覺爽然失也夫以數千百年之偉儒宿學而割裂其里居攘爲兩地所有是猶會稽人爭禹穴而不知禹實生於蜀之石紐山東人爭李白而不知白實生於蜀之彰明不亦可愧之甚哉雖然何愧之有天生蒸民好是懿德自古聖賢奇杰出處之地山川亦爲生色後之人每樂考其閭里談其軼事以誇耀於世而何况先生然則以先生爲綦南兩邑人者雖舊志之誤要無非後人公好之心所感而動焉者也亦可見先生之足以令人欽仰者如此之甚也且又安知當日先生教授之時黔蜀兩地

相接其裁成樂育之至意不風動乎綦南兩邑之人也又再考漢書及華陽國志先生以經術選用歷尙書丞郎出爲荊州刺史然則先生當日固赫然經師之望故能名動九重任以方面與公孫宏蕭望之輩後先輝映是又合醇儒良吏而一之矣而舊志乃傳之隱逸不尤誤之甚哉余故爲之正其里居詳其出處以洗從前相沿之謬並以誌嚮往之私云

明孝子章志通神道碑 西城外

清守備吳純俊神道碑 重慶黃葛壩

清刑部主事章杰生神道碑 西城外五里龍澗橋

清舉人浙江温州永嘉鹽大使周伯寅神道碑

清縣尉劉文修神道碑 東路十五里虹濟橋

鄭公神道碑 西城外龍濟橋字跡剝蝕不顯

清陣亡鄉勇周必元黃之秀碑 東路大有塢

清知縣王公介堂德政碑 西城外南平保障金銀石白沙井福南橋利濟羣生玉岩鋪就明岩鑿修牌坊間架分明雕刻精美

清知縣黃公鶴樵德政碑 觀首橋場側嘉禾生庭白沙井黍雨棠陰龍濟橋眞民父母西城外土地塘所在民樂所去民思太平場好惡同民西城外十四里船溪鋪民之父母

清知縣許公受之德政碑 西城外 二里

清知縣牟公思敬去思碑 西城外廉公有威 觀音碑績比文龍

清知縣張公海榭德政碑 西城外慈 惠之師

清知縣雷公橡榮德政碑 西城外大 畏民志

清教諭王公星橋去思碑

民國十年駐邑陸軍團長王公成章德政碑 鳴玉場外 大樹蒙陰

民國十年縣知事郭公先翥德政碑 鳴玉場外 井加遺愛

周文讓妻唐氏 西城外 節孝碑

唐正萃妻傅氏 西城外 二里 節孝碑

洪興序妻陳氏 西路六十五里 觀橋鄉金銀石 節孝碑

吳純福妻鄧氏 北路二十里 趙家嘴 節孝碑

劉德宣妻周氏 北城外三里 大路旁 節孝碑

李天塔妻鍾氏 南路陳家場外 節孝碑

金公廷華百歲坊 東路水江 百場外

吳光孝妻李氏 清光緒三十一年 東路黃泥堡 坊

節孝總坊 西城外 二里

張訓祿妻李氏 清道光二十一年 大有場 坊

金廷藩妻楊氏 清嘉慶二十九年 水江石 坊

李輝元妻許氏 東門外坊

馮地啓妻楊氏 大有坊

章建業妻張氏 清光緒十六年圓村壩坊

周文高妻章氏坊

章仕馨妻唐氏 清道光十年圓村壩章氏宗祠側坊

尹人懷妻劉氏 清道光二十年大興壩坊

張朝用妻李氏 清道光十六年陳家壩坊

胡明謙妻氏 清光緒二十一年頭渡橋坊

廣士璉妻唐氏 清道光十五年頭渡橋坊

蕭子元妻王氏 明萬曆二十年西城外坊

楊天申妻鮮氏 西城外坊

楊慎五妻陳氏 西城外上地塘坊

楊世報妻羅氏 西城外坊

婁聯允妻章氏 西路木涼亭坊

賴華福妻張氏 清道光二十一年西城外窩溝坊

唐早霖妻許氏 清光緒二十六年興隆坊

張盛孝妻龔氏 清光緒四年坊

張祈琯妻周氏 清光緒十八年太平坊

李興珩妻唐氏 與上張周氏共坊各題一面聯云綺歲勸貞操撫孤子登堂親樂苦冰寒五十年完亮節熙朝降錫命大甲問揚姓氏龍章鳳詔九重天下闡幽光坊

張天模妻黃氏 與上張謝氏共坊各題一面坊

張運勳妻謝氏 清光緒十八年太平坊

劉合序妻宋氏 民國十六年石牛溪坊

謝餘信妻李氏 同地坊

曹道善妻任氏 北路鳴玉都場外坊

張揚義妻王氏 北城外三壩坊

曹迪光妻羅氏

地同坊

王光輝妻楊氏

清康熙時西坊路觀音橋

陳國讓妻楊氏

清道光十一年北路永生橋坊

節烈婦坊 楊坤喜妻周氏

東城外楊氏宗祠側又有碑在節孝祠內

節烈女坊 王九姑

明墓

承務郎福審府同知蕭顯墓

公名顯一名顯用成化十九年癸卯科舉人官至福審府同知入祀鄉賢祠墓在邑西雙河口白土塢(通志在邑南十里)葬於嘉靖十年辛卯後十四年乙巳邑令自署浮梁雙溪子為之誌 嘉靖

甲辰春予令南川乙巳冬桂齋建於公之墓後予往勞其工迺出公之行狀以乞子為銘子與公有相好之雅誼不可辭讓按顯用公諱也名世公字也南溪公號也關西靈堂令清公之租也志通公之考也以祖任生於靈堂歸補邑庠弟子員中成化鄉薦厄於甲第授闕之福其同知公之履歷也自為兒時聰穎過人事親克孝及長勤學好問至忘寢食居必正襟危坐待賓客終日無惰容或橫逆來未嘗與較誨人必盡其所知在官飲食衣服無異寒土公之行業也在福寧信恕平允先禮教後刑罰吏民競勸邊境清寧公之治狀也孺人楊氏以淑孝稱公之配也瑞珍公之子也桂齋字廷聘授貴池令以直道受劾奉調遂不復仕其所操者公之訓也儀鳴翔昇翹紳鳳公之孫也正統丙寅七月公之母也公墓前塚公五世祖以順也其地其實桂齋恢拓以守公之墓也誌而銘其墓者浮梁雙溪子也銘曰端而靖足以有守敬而敏足以有為胡止於閭之福甯而不展其施惟後有人克昌厥基我銘斯石以詔無期

御史胡謙墓

南路吐文壩清嘉慶時裔孫育生世奇重修

知縣楊仕新墓

南城外龍門井

湖北荆襄道周家相墓

北路石炭崖原籍失考以湖北荆襄道致仕來邑

總兵曹雲鵬墓

北路鳴玉塲側四里地名皂角樹

將軍石琳墓

治西六十里石家溝年久碑碣失考

張武舉墓

公名時仁治北流金鄉

傅知縣墓

公名拱章治南八十里東鄉壩

鮮教諭墓

公名自潔治南四十里鮮家坪

傅知縣墓

公名近川治南八十里東鄉壩

龔主事墓

公名賢遂治西城外他家境

吳孝子墓

名仕坤治北十里羅秀壩

章孝子墓

名志通治東園村壩梅花溪

清墓

教諭朱煥墓

治西二里土地塘墓地一塊招佃一戶年收租錢壹千文自道光十年起教諭譚仁源訓導王守成議作掃墓之用

州判周萬殊墓

治西六十里紫柏坡

武舉唐欽明墓

治西五里乾溪漕

守備吳純俊墓 治北十二里吳家灣因公歿於陣兄文生純傑由湖北
縣搬取髮履奉旨歸葬有神道碑在渝北黃葛埡

知縣陳純道墓 葬綦江縣
未移回

縣尉劉文修墓 治東二十
里永鎮橋

訓導龔政墓 治西城外
龔家壩

知縣周士孝墓 在涪州南
城外雙碑

舉人李光瓚墓 治西六十
里觀音橋

州判周士禧墓 治西七十
里石龍塘

訓導胡大衡墓 治南三十
里土門壩

知縣周士潔墓 治西六十
里雲都寺

訓導唐和驥墓 治西三十
里獅子灣

教諭唐徵瑞墓 葬永甯任
所未移回

進士周立瑛墓 治西六十
里楊家溝

知縣章洪瓚墓 治西十里
鏡子塘

訓導王正祥墓

治西百二十里
太平場馬桑橋

教諭周士岳墓

治西六十里
紫柏坡

武舉王國棟墓

治西太平場張家壩

知縣謝鳴謙墓

治西太平場馮家灣

舉人楊浚三墓

治西十里
來游山

鹽大使周伯寅墓

治西六十里
紫柏坡

訓導熊伯裁墓

治北流金鄉十里
獅子壩

主事章杰生墓

治西七十里
老鷹岩

訓導章洪堅墓

治北六十里
鐵村壩

訓導唐玉瓚墓

治西三十里
獅子灣

舉人袁藹如墓

北十里
秀壩

武舉王兆元墓

治西百二十
太平場

典史桂光國墓

治東華容
山塘壩

教諭周立模墓

治西六十里紫柏坡

舉人莫秀榮墓

治西六十里觀音橋

訓導章仕英墓

治西七十里龍川廟

協鎮陳永揚墓

治北六十里鳴玉塲

千總王揚廷墓

在治東十五里東昇塲

舉人周士壽墓

在黃沙崗治西七十里

舉人周石蘭墓

在涪州青溪塲石牛山

舉人周立矩墓

在涪州黃溪口後羅家塲

武舉李春元墓

在治北三十里雙合塲

縣丞張

翼墓

在治南一百八十里柏枝壩三匯塲壩

優貢唐

洵墓

治西五里乾溪溝死髮賊之難祀昭忠祠

州判楊榮封墓

治西五里夏家籬

州判周立椿墓

城西南隅白鶴坪

舉人康作霖墓

治西六十里金鰲山

州判王家賓墓

治西六十里觀音橋

拔貢鄧卓南墓

治南八十里萬盛場死髮賊之難祀忠義祠

知縣周仁恬墓

在城西南隅白鶴坪

教諭劉

鈞墓

在巴邑

奉直大夫周士廉墓

治西黃沙崗

文林郎周士節墓

治西雲都寺

舉人王永傑墓

治南陳家場

百齡金廷華墓

治東水江石

把總金克明墓

治東水江石

奉直大夫章紳卿墓

治東圓村塢

鹽提舉楊全翊墓

治南劉黃村

按經歷吳華川墓

治北鐵村塢

縣丞熊從涓墓

治西神童壩

訓導唐玉琳墓

治西三十里獅子灣

訓導李長齡墓

治西六十里

奉直大夫章仕英墓

治西六十里

訓導章巨鏞墓

奉直大夫章惠卿墓

治西六十里

訓導章鼎慶墓

治南四十里陳家場

舉人駱國恩墓

在治西六十里觀音橋

貞女童辰姑墓

以上舊志

舉人劉黎光墓

治東土橋場

游擊王泰源墓

治東牛河場高關

進士傅承憲墓

治南大興場八角廟

舉人傅公秩墓

治南劉黃村

把總王銘臣墓

治東半河場棕嘴

舉人韋

燦墓

治南郭外

奉政大夫羅明友墓

治西五十里金家灣

教諭蘇廷勳墓

治東五里河坎

御史韓玖結古墓

邑東北七十里貓山碑刻有宋御史韓玖結之墓

叢林溝古墓

黃泥堡官山墓門久圯每當夕陽雨霽有二白兔出遊居民李兩亭百計捕之但逐至墓前即不見

余巫師墓

在叢林溝雁石台大路側里人云余善祈禱死後墓多靈異鄉人因修一祠祀之羅匪建臣陷陳場之役鄉人禱之四鄰蹂躪殆徧惟雁石台一帶無遺匪者

嘉禮一

官儀

慶賀 清代以元旦冬至皇太后皇帝萬壽為三大慶節至日設龍亭香案於萬壽宮黎明各官齊集排班三跪九叩衙署街坊紮牌坊懸彩燈易門聯早晚鼓樂慶賀於萬壽尤為喧盛期以旬月名辦皇會民國元旦改用陽歷是日為民國第一次臨時大總統就位南京之期又十

月十日為國民革命起義武昌之期此兩日各署局所官紳俱集縣署或駐軍部公所懸國旗作樂唱國歌向旗行三鞠躬禮起義之期俗名雙十節城內外男女學堂教員學生畢會前後提燈游街三夜

開讀

清代皇帝頒詔

登極大婚建儲大喪並壽旬期等事

於各省府廳州縣詔使所過城池五里內地官文武官跪

迎百姓伏道左候過受詔之地方官具龍亭綵輿出郭迎接詔使下馬捧詔置龍亭中各官一跪三叩鼓樂前導至公廡門各官先入立簷下排班龍亭至樂作一跪三叩使者捧詔授展讀官跪受開讀衆官跪聽仍捧至龍亭衆官三跪九叩乃用黃紙謄錄先滿字後漢字凡兩道貼各官著照熾民國大小長官對屬員百姓以令行事署姓名於後

授時

清制每年時憲書前一年二月欽天監推定進呈御覽

皇太后皇帝皇后妃嬪在京王公及百官府各一部

四月驛送布

政使司十月布政使司頒之各道道頒之州廳縣募人照式繙刻轉售民間民國初由北京觀象臺推定內務部發各省公署省公署發各縣勸學所勸學所刊刻多張飭各團保繳費領售近因團保疲玩仍募人繳費沿戶送售改用陽曆以冬至後十日為歲首民間習用陰曆坊間私刻陰陽合曆出售

救護 歷代朝廷及地方官吏有救護日月蝕之禮清制逢日月蝕結綵於縣署儀門大堂設香案於月臺金鼓於儀門兩旁樂工執器立月臺下各官拜位在月臺上俱向日陰陽生報時至樂工作樂各官朝服三跪九叩班首官上香衆官跪班首官擊鼓三聲衆鼓齊鳴再上香三上香衆官暫起立上香畢復跪鼓聲不絕陰陽生報日月復圓鼓止各官三跪九叩禮畢退位民國官署禮廢然鄉俗市廛好事亦紛紛鳴鉦鼓喧闐沿門燃香燭猶以習慣間一行之某年秋各鄉防匪禁無故放礮適值月食礮聲競作遠近震動按日月地球運行有一定軌道輪體掩蔽有一定時刻舊時災變迷信之說既經勘破掃空官吏即應出示剴切曉諭禁止喧嘩方成政體

迎春 禮月令四時迎氣不詳其儀世謂迎夏秋冬惟於立春日迎春東郊祀青帝白芒明太祖闢五帝之說但祀芒神卽句芒東方春氣生萬物者草木屈生日句始生日芒今之造芒神者執鞭立牛後則象耕夫矣清因明制州縣官迎春東郊邑行禮於東門外先農壇前期製芒神土牛用五行家法按年月日時于支爲神及牛之形體顏色立春前一日與芒神土牛又雇農夫牽牛各官乘輿衙署吏役都邑士女簇簇景從城內外街坊分辦綵亭旗幟裝扮小兒

盛飾乘馬餘皆華服鬪靡誇多鉦鼓之聲鐘磬不絕至壇設案於芒神土牛前陳香燭酒果各官一跪三叩禮畢昇神及牛還置縣署大堂次日各官復集鳴鼓以綵杖擊牛碎之觀者競掬其泥曰鞭春俗言打春民國二年奉文但於春前一日祭勾芒免諸繁飾然好事長官仍如舊儀行之

官紳合行儀

開會 民國最重開會各局所會場成立開幕及特別紀念主辦者預定行禮地點秩序通知官紳齊集會堂懸國旗搖鈴奏風琴唱國歌采古樂歌序立脫帽行三鞠躬禮主席一人報告宗旨請來賓演說或致祝詞訓詞先官後紳先尊後卑次本主席團體演說或致謝詞奏樂唱歌散會學堂開校學生卒業有校旗校歌校長來賓例有訓詞學生有答詞學生向校長校員行三鞠躬禮學生分班相向行一鞠躬禮餘同開幕紀念

講演 明洪武中令天下州縣城邑市集里社人民萃聚之處建申明旌善二亭民有善惡則書之以示勸懲凡戶婚田土鬪毆常事里老於此剖決宣德七年陝西按察僉事林時奏今亭宇多廢善惡不書小事不由里老輒赴上司獄訟之繁皆由於此二亭命名之義旌善專主旌

別淑慝彰善癉惡以示勸懲申明則宣布條教重申禁約率民讀法皆周禮閭胥族師黨正之職邑舊志載申明亭在武廟壩今廢陳家場永安場均有申明亭遺址而不聞旌善想二亭作用相同必係一處特先申明而後旌善故人但呼其一以概之耳清代孜孜講約順治六年頒臥碑六條曰孝順父母恭敬長上和睦鄉里教訓子孫各安生理無作非爲令各直省府州縣官及所屬地方設立公所講諭開解康熙九年頒上諭十六條其目曰 敦孝弟以重人倫篤宗族以昭雍睦 和鄉黨以息爭訟 重農桑以足衣食 尙節儉以惜財用 隆學校以端士習 黜異端以崇正學 講法律以儆愚頑 明禮儀以厚風俗 務本業以定民志訓子弟以禁非爲 息誣告以全善良 戒窩逃以免株連 完錢糧以省催科 聯保甲以弭盜賊 解讎忿以保身命 十八年浙江撫臣衍輯直解奏進曰鄉約全書雍正二年復頒聖諭廣訓萬言於直省通行講讀士人應試入場摘出一段通令默寫邑以城隍廟爲講約所設聖諭牌每月朔望地方文武教職齊集排班就位三跪九叩禮畢分班坐地率軍民人等聽講鄉村則推一人爲約正一人直月置二籍一曰德業可勸一曰過失可規直月掌之每月朔日直月約同鄉人夙興會集相對三揖以齒序立直月抗聲宣讀然後約正推說其義鄉內有

善行及有過者直月提出約正逐一詢問無異詞乃命直月分別書之善籍對衆宣讀一遍過籍公閱默視一遍直月收掌歲終考校善過多寡彙册報於府州縣官設法勸懲乾隆時迭有詔諭飭令實行此等制度在朝廷固爲留意教化而迂遠淡泊咸以無味目之久廢不舉惟鄉里有宣講生者哀集因果小說編以俗語肖其歌哭鄉民有所禱祈對神許願則請其宣講委巷婦孺甚樂聽之及革命變法提倡者欲啓迪民智灌輸新理萬衆一心乃注意講演隨事隨地登臺演說不獨維新事業藉之宣暢卽言語論辨亦資以磨練而進益焉

上任 清制縣長官上任預示接印日時屆時衙署街坊服公務諸人排儀仗導引詣城隍廟陳牲酒香燭一跪三叩讀祝自誦誓詞反至署儀門內祭門如城隍廟儀又進至月臺設香案望北闕三跪九叩謝恩謝任官遣人送印至行拜印禮一跪三叩升公座吏役行列參見畢乃退以後次第謁各廟上香往拜各佐雜官並及局紳詣學署偕教官升明倫堂集諸生選一二人講書擇日闔城閱獄點卯

按簿點衙役名數以備署辦公須於卯刻齊集故名

考代書遂理邑事卽可通行之禮亦多從簡略

惟拜門拜印受所屬參見不廢

雜儀 清制知縣及佐貳官每月朔望必詣祀典所載各廟行香孔關文昌等廟三跪九叩餘

廟一跪三叩往返沿路民人攔遞詞狀每月三八日坐大堂放告訴訟者面遞詞狀可免承發房傳遞費勤者閱詞面訊不應受理者擲還或加申斥四月掛農忙停訟牌不被告八月復舊十二月二十日封印次年正月二十日開印與上任拜印同儀逢皇家忌辰閉儀門半日民國悉廢

鄉飲酒 舊日各掌故籍籍俱詳載鄉飲酒禮此禮古人所重以尙齒尙讓尙德尙賢爲宗旨先儒遍考禮經謂其別有四一曰鄉大夫三年大比賓賢能二曰州長春秋以禮會民習射飲酒於序三曰黨正以十二月大蜡屬民飲酒以正齒位四曰鄉大夫士飲國中賢者第四條語涉籠統似通上三者而言之呂氏大臨謂鄉人凡有會聚皆當行此禮是也其儀之載於儀禮義之陳於戴記者古今宮室衣服器物迥然異制不可拘執漢晉六朝間行之學校唐宋乃特用以餞鄉貢進士偏於興賢而尙齒尙讓之意微矣明清兩代改之詳定儀注飭州縣正月十五月初一歲再舉不與科場餞士相涉以在籍紳士中年高德厚者一人爲大賓次者一人爲介介助也助賓行禮庶人中年老忠厚者數人爲三賓衆賓地方長官爲主人儒學官秉公選舉賓介知尙齒德俱優生平無一毫取疵開具事實履歷詳呈布政使查考報督府備案至期就儒學署講堂行禮如不

得其人即詳明停止不得苟且塞責因此州縣官憚其繁難非甚好事尙文鮮有行者

其儀注詳載儀禮鄉

飲酒篇及歷代禮書各縣舊志

吾邑則概乎未聞惟鄉黨間會聚飲食筵席坐次稍知敬讓者或序齒或尊貴禮之

根於人心者尙未一概消亡耳

嘉禮二

民儀

冠禮 邑人從無行冠禮者而父爲子結婚用柬延客謂之加冠義亦可通蓋古者年十五至

二十皆可加冠既冠爲成人今人年十五至二十皆可完婚既婚始理男事前清時富家男子

雖庶人婚日亦許戴金頂謂之喜頂服袍靴與古冠禮再加皮弁服三加爵弁服以士禮待之意正

合民國以來鄉俗間長幼尊卑冠服混淆學校少年多不著冠尙何冠禮之可言又古者子生

三月父命之名年二十加冠賓命之字而勉以成德既有字非至尊親皆呼字不呼名今人有

幼穉時其父即名字並命殊失尊長師友藉字勉德之意惟十餘歲讀書曉事漸有交游始求

師長字之爲暗合古禮但名字紛歧人有知其名不知其字者有知其字不知其名者交接稱

謂時啓異同選舉投票尤爲障礙不如祇用一名之簡而確也惟女子古時有許嫁笄而字之

禮 古女子之加笄猶男子之冠自此爲成人變幼時服飾

而名不出閫內鮮有呼者今則女學生競以姓名刻名片圖章自達於

外或冠夫家姓於其上

婚禮

古禮男親迎女入門必於昏時後世加女旁而時無定禮有舊式新式舊式邑婚禮

仍今

多從舊俗

初由媒約向男家提議或男家招媒氏示意乃往女家請婚女家必託人密訪數次乃約

期受聘及期男家用媒氏充使其聘祀禮拜四書以香帛酒告女家先靈以食品饋女父母並

備女全身服飾

省約者布數端錦數色尤約者香帛炮燗食品

女家亦以書柬食物及塔冠帶或翰墨數事付媒還報謂之插

香卽古禮之納采名問納徵也

聘定後男家欲娶具庚帖遣媒或塔親往女家求示女生年

月日時謂之請庚女家書示謂之發庚

不欲速嫁則不發庚

得庚付日者擇吉期迎娶書以報女家謂之報

期古禮之請期也

期前一日男家具書柬儀物厚於納徵雇彩轎彩旗鼓樂役夫隨媒氏往

謂之交禮次辰女家延尊屬老婦代女加笄謂之上梳女必歷述親屬恩愛盡情哭泣衣景

俗名

坐轎

紅巾蒙面然後升輿役夫舁嫁物後隨一人當之謂之押禮女輿入門暫停男家陳酒脯

奠妾太公階下一人跪祝謂之還車馬女輿升堂男家預延尊屬宜子夫婦二人一扶女出輿

一燃燭謂之牽新結蠟男左女右向香龕行交拜禮謂之周堂男去女頭巾牽新者扶入室燃

小燭寸許對坐謂之坐燭女行後女家親屬男婦或二人或四人踵至謂之送轎是夕男家賓客少年羣入女室觀新人索食物且撈塔強女行觴爛醉乃已謂之鬧房翌辰主婚夫婦率塔女謁香館有祝詞曰廟見然後遍拜族姻送女者致寄託詞謂之拜客後一日塔女偕往謁女父母皆有饋贈有遺謂之回門即春秋傳之反馬而婚禮畢矣

新式婚禮傳自西人稱爲文明結婚惟學生喜行之惟學生族外自娶始能完全行之至在本地間有仿者不過於成婚日略采儀式未經習慣老輩舊俗多不悅之鄉閭間則概未之見中西國俗本不相同其瑣碎之節有爲吾國斷不能從且不必從者惟彼族之於婚姻首在聽男女自擇而加以明信之約誓俾免後悔用意亦各有在鄉俗多不知之今特舉其關係之大者以諗我輩

一託異西禮初或男子欲與某女結婚而告之父母或父母欲爲子娶某女而告之子總以男子自願爲主然後央媒入女家道意一也女父母聞媒言必以告女女子有意然後約地使男女會晤互相可否二也而相後雙方同意然後男家實行求婚並將異日夫婦相要條件提出訂約三也求婚既允男子直往女家相見以鑲帶女指女既受鑲永無翻悔四也成婚日必就地方長官或教堂主教爲之證婚宣布證書男女畫押永遠存據又男女互著指

鑲刻夫婦姓名成婚年月五也如此堅明締約層層固結而異日終不和諧仍許離婚六也成婚之禮有證婚人主婚人母父介紹人母父男女賓男女親黨各有位次壻婦交拜後尊者致訓詞賓客致祝詞壻婦致答詞濟濟一堂雍容詞令較吾俗以人倫大典而故蒙面含羞新婦入室之初不食不言者實為大雅謹列其成禮位次及贊禮儀注圖式如後

男 族 全 體 贊 樂

男族主婚人 副時 副時 贊樂

介紹人 禮 壻婦

證婚人 禮 壻婦

介紹人 案 贊樂

女 族 全 體 贊 樂

贊禮儀注 奏樂 司儀者即贊禮者入席北面立 男賓入席北面立 女賓入席北面立 男

族主婚人入席南面立 女族主婚人入席南面立 男族全體入席西面立 女族全體入

席東面立 證婚人入席南面立 介紹人入席南面立 糾儀人入席北面立 男女賓相
 引新郎新婦入席皆北面立 奏樂 證婚人讀證書 證婚人用印 介紹人用印 新郎
 新婦用印 證婚人爲新郎新婦交換飾物 新郎新婦行結婚禮東西相向立 一鞠躬
 再鞠躬 奏樂 主婚人致訓詞 證婚人致箴詞 新郎新婦謝證婚人三鞠躬 謝介紹
 人三鞠躬 男女賓代表致頌詞贈花再鞠躬 新郎新婦謝賓再鞠躬 奏樂 女賓代表
 唱文明結婚歌 男賓退 女賓退 新郎新婦謁見男女主婚人三鞠躬 謁見男族全體
 再鞠躬 謁見女族全體再鞠躬 男女賓相引新郎新婦退 男女主婚人退 男女族屬
 全體退

證書式

某國某省某縣人 男姓名 女姓名

年 月 日 時生

今由

某某某先生介紹於 國 年 月 日 時在 國

省 縣 地結婚恭請

某某先生證婚咸速恆久日吉辰良宜其室家齊眉偕老此證

結婚人

某某某
某某某

證婚人

某某某

介紹人

某某某

主婚人

某某某

按夫婦居室人倫肇端中西同一注重但中國重禮力求有別以防淫佚故以父母主之未
婚之前不但終身之托不得自主且教之含羞避面掩口諱言若秦越人不相聞知其失也
拘西俗重信力求同好以泯怨尤故使本身主之未婚之前不特知名不待行媒交親不待
受幣且故使頻頻接席握手戀愛狎暱其失也放然使人格未優情欲不制防閑雖峻未必
足杜淫佚之私血氣未定愛憎靡常異日花落色衰士貳其行即誓明皦日未必足堅好合
之志二者各有得失孰文明孰不文明未敢擅斷不若各循禮俗之舊而矯其過偏去其已
甚為足已室家之訟致好合之祥也若中國婚姻之失尚有數端而家庭專制不與焉一日
年齡太早一日儀物太多一日有嗣納妾一日怨耦強合諱言離婚

舊習以士人為入書離婚約
官長判人離婚俱為損陰德

雜婚 一曰養媳 女子家貧定婚太早親屬盡亡舅姑不得已迎至家養之謂之閒坐俟成年乃延賓與子成婚此固由早聘為累然遇舅姑仁慈善教習於勤儉後多能佐夫成家無大害也 二曰上門 小戶婦人夫死薄有貲產有子女不樂再適依人則招鰥夫入門行夫婦禮倚之應外以後生育女子乃為後夫之裔然上門之夫多游蕩無業藉此耗婦貲產或為婦所棄或為前夫族人所驅易合易離不敢爭較不如正式童婚之膠固也 三曰小叔承嫂 與兄同居兄死即就兄妻作室亦小戶所為宗族鄉黨皆得干涉之然已成事實難於強離往往納賄以免狡黠者本無正倫之實心而藉此索財倫之所以益不正也

相見禮 儀禮正義士相見禮於五禮屬賓然禮記王制以冠昏喪祭鄉相見為士庶人所通行也古者出任之士或已仕或未仕執贄求見卿大夫或士人求見有道德之鄉先生略如今之拜望至其廣義則

見人見神見父母尊長莫不有禮禮莫先於揖拜揖輕而拜重揖不過作相見表示故天子臨

朝三揖臣下汲黯見衛青長揖不拜拜則屈身致敬周官大祝九拜惟肅拜近揖鄭注但俯下手又曰拜低頭也朱子

則解為兩膝跪地手至地而不低頭未知孰是據左傳卻至三肅使者則鄭說為合稽首頓首皆包拜內拜以四為重以再為常一為輕亦間有三拜

者清代易名叩首九為特重三為重一為輕拜又以稽首為重頓首為常空首即拜手先以兩手拱向下頭低至手不至地俗

曰長揖 爲輕邑俗舊時參神三叩卑幼見尊長慶賀上學或一叩或三叩俗名磕頭拜前後加以長揖

婚期壽筵人拜其父子必還拜以謝之城市中人客來申賀歸後主親往其門謝步喪子無所

不拜此禮意甚可嘉以人皆爲弔葬其父母而來雖卑賤不敢輕也惟至親之尊長父母祖對卑幼不答拜亦必屈身以手扶之兼祝以簡

單之吉語疎外者雖尊必答拜拜以右爲上敵體之人賓主俱爭左互相推挽然後主人就右

受拜且有復易位回拜者婦女相見先斂衽屈身然他人拜之亦從而伏地至書柬則曰斂衽

曰正容曰端肅下皆繫以拜字卽周禮鄭注之肅拜也鄉俗崇尚禮讓雖粗野之家教誨兒童

亦注重拜見尊長以不能爲慙此禮之存於鄉俗者也民國成立改爲脫帽鞠躬民國元年禮制館草案三鞠躬最重除賜

神拜國旗外惟見大總統用之其次重者再鞠躬躬輕者一鞠躬儀既簡易惟於公會行之平常相接雖對尊長咸尙脫略鄉人則循

舊拜跪卽不跪亦必長揖尙存恭敬卑讓之遺教焉

記者曰吾國古人之制拜跪也將以抑少年粗野驕悍之氣使能降心處下謙謹循法亦由

其時席地而坐起身必屈膝向前著地卽不爲行禮亦成跪勢故拜伏爲甚易主客同在席

上不污衣服及席地制廢而拜跪始艱今依西俗改爲脫帽鞠躬有三善焉不過屈卑幼之

人使匍匐地下一也既不席地地多不潔不跪免污衣服及冠飾墜地失儀二也年老人筋

力已衰免僕僕答拜或至顛躓三也但時人競尙脫略名曰鞠躬實同點頷且對外人不宜過屈可也父母師長族姻老輩彼此同一點頷於心究覺不安可否易以長揖輕一重三稍對親長伸敬商之

凶禮 葬祭

葬 邑俗治喪衣衾棺槨以斂其身哭泣祭奠以哀其死俱稱家爲之尤重要者延堪輿覓葬地日者擇葬期請道士通告上下神祇禳凶邪開道路以安死者之魂魄謀生者之吉利而已進一步則爲死者多誦經懺焚紙錢消罪愆作功德一面求解脫以離地獄一面求超度以升天堂而已據二氏作法似人一死卽有無數凶煞惡鬼叢集其間又有無限冤孽債負將與對簿者而一祈禱間卽萬惡俱釋九天立登何轉圜之易易也初病危將絕所親守候扶坐牀稜必徹臥帳旣逝環哭畢移尸涼牀或木板上以紙掩面燃燈其下婦女幼弱守護壯者出治具懸紙錢門外表示有喪文士書訃狀布告親友襲衣略備乃沐浴屍身焚楮包計死者之年一歲一帙曰燒老賻以後大斂入棺成服有財力者子婦以生麻布爲衰草索束腰爲帶竹圈粘白紙加於白布帕上爲喪冠截小竹筒粘白紙爲杖以外至親卑幼則以白綿紗布爲衰視葬

具之備否及葬期之遠近道士至書引魂旛靈牌供紙屋中設几筵待弔客鳴螺開壇文士作祭詞告方相神行三獻禮不速之客腐集炊不待熟爭席而食曰坐夜紳富好禮者題主書銘旌給弔客白布裹頭垂項送葬捧香執紼前導祭障祭彩輓聯輓屏及找紮家所為旗繖牌輜之屬飄揚炫爛鼓樂紙炮聲震沿途以鬧熱動人稱羨撒紙錢買路又須立陰契買山至葬所祭告后土俟道士作法畢弔者散喪子視窆累土有事亦歸留一二人守夜三日喪家親眷往哭墳並招請其魂反宅受奠獻雖方位年月不利亦姑出殯至緩不過逾年卽落壙鮮停柩者按古人初喪變服飾在首者男有免音問女有髻麻髮合結曰髻鄭注士喪禮云免制未聞舊說以為如冠狀廣一寸用麻布爲之自項而前交於額上朱子家禮小斂主人主婦袒括髮免髻於別室邱氏儀節齊衰以下同五世祖者皆袒開上衣用布纏頭蓋括髮以麻繩免以布巾繩約其內而巾纏其外古人頭蓋滿髮結束自當加密及大斂後成服在五服內者易而用絰纏頭束腰者皆曰絰出世服一世則免免輕於絰故大傳曰五世祖免殺同姓也至於六世親屬竭矣服制之所不及爲弔客者自著素衣素冠而來喪主不以凶飾加之今俗喪家於弔喪助喪之人普給以白布裹頭垂餘於背曰散孝帕強人從己變服家富者於外姻卑弱亦爲製孝衣揆之禮意已屬不合究其實乃以酬答賻贈

勞力懷利相交當給不給輒相怨怒及其得之當場一著旋作他用此亦非禮之禮也見值布價昂貴每疋二三圓中產遭喪此項應酬極不經濟近有易以黑紗五寸束袖紙花一朵佩胸者大雅輕便良足表示弔客多者用之尤為適宜治大喪者所當毅然提倡推廣也

祭 古者新喪未葬有朝夕奠無祭有牲樂祭 詞曰祭後代不拘清會典大斂後亦有初祭大祭邑中喪

祭仍名曰開奠行於未葬者即前所稱告方相行三獻及親族外姻各以酒饌致祭是也其計

狀末曰舊式訃文首曰不肖某某罪孽深重弗自殄滅禍延顯考妣云云此三語中含舊道德倫理一謂人之死由積罪孽鬼神降罰使疾一謂父母有罪過人子當引而歸己又謂尊親之死臣子當以身代做周公金縢祝詞此係舊日人子自責已甚之辭揆之情理殊

覺未當今宜更正用新式云不肖侍奉無狀痛遭顯考妣云云男等即備衣棺親視含斂停柩在堂即於某夜家奠敢煩族戚友誼臨期

光降指示禮儀其因葬期促迫不及行者則移於反葬訃曰擇吉某日展奠敢煩云云蓋不敢

邀外人來奠但子孫目奠求其指示禮儀云耳實則祭而非奠且即延客受賻受祭以屏聯輝

煌光耀死者惟不願致客則曰凡屬七七之期概不煩駕俟後擇期以推謝之近日多用死者

親友代為書帖曰某月某日某人身身故某時出葬不用樂不普帛凡屬親友概不煩駕尤為簡

明謝客之一法其次曰燒七自死日起算七日一舉富者仍延道士行之謂之薦七至近族姻

有代主薦七以伸哀敬者凡七度四十九日而止三日燒靈自亡人既葬以道士所書靈牌為

魂魄憑依設几筵供之堂隅哀哭獻食示不忍遠離之意然終以靈魂當往西天不得久留則

擇期盛作佛事一月半月九日七日短者三日多具冥財紙製僕婢輿馬旌旗器用焚之水濱賓客族姻重行致賻

致祭與開奠同喪禮於是告終以後百日為百期一歲為周年死者生日旬期為陰壽孝子報

親之厚薄視財力之多寡俗語錢官司紙道場按古代儒家最重喪制孔氏弟子游子夏曾

子尤專精講習禮記儀禮二經喪服學幾居半後代朝廷編纂禮書亦載之綦詳節文雖繁概

要可舉病者告終子孫婦女擗以手拍胸踊憑死者側號哭急使人持死者衣登屋呼號招其魂氣來歸

曰復猶道士之招請浴尸停牀去舊衣加新衣曰襲以金玉實口曰含稻米實口曰飯家禮貧者以錢三文米三抄三次進越日

更加衣及絞衿衾俗言老被蓋巴謂之小斂遷尸牀堂中三日昇尸入棺謂之大斂用帛一匹結為人

形以象死者累似頭及兩手足曰魂帛以此宵死者之身於棺東設靈牀棺前設靈座晝奉魂帛於靈座朝夕設酒

脯飯醬而奉之曰朝夕奠夜奉魂帛入靈牀置枕席象其睡眠用帛長六尺舊制三品官以上八尺五品以上八尺六品以下七

尺大書死者稱號曰某某之柩以竹竿懸靈座右曰銘旌自此當受賓客弔祭喪家內外成服

各就喪次喪男子柩東婦女柩西夜男子中門外別室婦女中門內別室或柩側服制區別甚繁最重者古時子為父斬衰三年為母

齊衰三年女未嫁及既嫁被出而大歸者同明太祖以父母恩無輕重同為斬衰三年自此齊衰無三年服由是

遷推期年齊衰九月大功五月小功三月總麻細親近者布粗期久而哀重疎遠者布細期

短而哀輕由本身上推四世至高祖旁數四房至統於高祖之兄弟胞兄弟從兄弟一俗稱堂兄弟一下

推四世至玄孫皆合本身計為五服為正服以其人於我至親死當哀痛也然高祖服三月曾

祖服五月皆齊衰俗計文書大功服曾孫小功服玄孫者誤以其為直系尊親也高曾祖父對子孫曾玄為報服以我死

彼為我重服彼死我當服以報之特以其為卑幼比正服降一等服莫重於三年子先父母歿

未及服則嫡長孫代之為承重為加服三年以外服不重則不承也出繼他人為後對所生父

母及親屬服皆降一等為降服以重在彼則輕在此不然名為出繼實無區別且極哀痛之重

服一身不可多也惟於本身父母稱號經宋明兩朝議定仍為父母不改稱伯叔所謂服可降

名不可沒也女子出嫁為夫家之親服重故對於本生亦降而減等也若未嫁或既嫁而還後

家終老即與男子無別以同受養育之恩且別無重服也婦為夫家之親子為繼母庶子為嫡

母姪為伯叔父母父母為媳祖父母為孫媳之類非直接之親因父母因夫因子而推及之曰

義服恩輕而義重也父族母族妻族外姓之親惟最近者有服亦比本宗減二三等稍遠即無

以彼自有人服重也期服中之恩深者杖以哀痛之切杖而後能起也雖當服期年而不杖者

田三南三長廿九廿一

不至過哀也服制紛繁禮圖分為九類今雖不實行然可以明親疎長幼特附錄於篇後成服後葬地既定葬期已臨製明器象生時常用之器物即今外壇

製功布白布二幅長三尺柩行時使二人牽以前導辨路途之高低平頗引布送葬者其執以挽柩奉柩或魂帛辭香龕曰朝祖具饌哭告餞行曰

祖奠古人遠行先祭路神曰祖後世直謂餞行曰祖柩車既駕載柩之車名曰大鑿復設奠哭告曰遣奠至葬所祀后土題神主然後入

壙下棺曰窆加銘旌於棺上然後掩泥曰復土神既有主魂帛勿用埋之墓側即以靈車載主

還家內外大哭曰反哭於堂中設几筵奉主卽於是日行三獻之祭曰虞祭虞者安也恐魂魄

之徬徨失所而安之也其祝文曰日月不居奄及初虞夙興寢處哀慕不甯云云自此罷朝夕

奠柔日再虞乙丁巳辛癸剛日三虞甲丙戊庚壬百日而卒哭卒哭者哀痛有節以後但心中思慕不復

哭也自初喪計算交十三月而小祥言哀毀已久四氣一周衣食居處漸去凶惡就吉祥也又

曰練練即今之白綢去麻衰絰服練衣練冠也交二十五月而大祥完全去凶從吉也然餘哀未亡猶

不敢驟且疑於急求自安故又逾一月共二十七月而行禫祭禫者澹也思親而不甚哀澹澹

然也祭後乃舉喪服喪器焚之毀之是謂除服自葬畢反哭至此亦與佛道教招請薦七燒百

期週年及除靈相符然彼所以興此所以廢由彼能以福禍吉凶動人此則一於哀傷思慕自

盡子道而已彼使喪主但出貨財道士爲之代辦此須自身勞動刻苦富者不勝貧者不暇宜

士大夫猶以為難也喪服久成具文聊用以出計然列之於圖猶可辨親疎長幼焉至寢苦枕塊食粥易衰於死者無益於生者有傷漢文遺詔短喪實為近情達理期功之喪一人之身次數太多若必實行殊防人事惟不用堪輿日者佛道而葬求周慎妥貼非見家禮司馬溫公程伊川先生論之詳矣祭務整潔真誠盡人皆能由之

舊服制圖

一 喪服總圖

斬	三	年	衰	至用粗麻布為之	縫下邊
齊	五	月	杖	稍用粗麻布為之	縫下邊
大功	九	月		用粗熟布為之	
小	五	月	功	用稍粗熟布為之	
總	三	月	麻	用稍細熟布為之	

二 本宗九族五服正服之圖

高祖	齊衰			
曾祖	齊衰			
祖	齊衰			
父	齊衰			
己	斬衰			
長子	期年			
嫡孫	期年			
曾孫	無服			
元孫	無服			
元孫	無服			

伯叔父母	伯叔父母	伯叔父母	伯叔父母	伯叔父母
堂叔父母	堂叔父母	堂叔父母	堂叔父母	堂叔父母
族叔父母	族叔父母	族叔父母	族叔父母	族叔父母
兄弟	兄弟	兄弟	兄弟	兄弟
堂兄弟	堂兄弟	堂兄弟	堂兄弟	堂兄弟
再從兄弟	再從兄弟	再從兄弟	再從兄弟	再從兄弟
姪	姪	姪	姪	姪
堂姪	堂姪	堂姪	堂姪	堂姪
再從姪	再從姪	再從姪	再從姪	再從姪
姪孫	姪孫	姪孫	姪孫	姪孫
堂姪孫	堂姪孫	堂姪孫	堂姪孫	堂姪孫
曾姪孫	曾姪孫	曾姪孫	曾姪孫	曾姪孫

伯叔父母	伯叔父母	伯叔父母	伯叔父母	伯叔父母
堂叔父母	堂叔父母	堂叔父母	堂叔父母	堂叔父母
族叔父母	族叔父母	族叔父母	族叔父母	族叔父母
兄弟	兄弟	兄弟	兄弟	兄弟
堂兄弟	堂兄弟	堂兄弟	堂兄弟	堂兄弟
再從兄弟	再從兄弟	再從兄弟	再從兄弟	再從兄弟
姪	姪	姪	姪	姪
堂姪	堂姪	堂姪	堂姪	堂姪
再從姪	再從姪	再從姪	再從姪	再從姪
姪孫	姪孫	姪孫	姪孫	姪孫
堂姪孫	堂姪孫	堂姪孫	堂姪孫	堂姪孫
曾姪孫	曾姪孫	曾姪孫	曾姪孫	曾姪孫

凡姑姊妹女及孫女在室或已嫁被出而歸服並與男子同出嫁而無夫與子者為兄弟姊妹及姪皆不杖期

禮記卷五 郊禮

五〇一 首都明明印刷局承印

		父 三月 母		父 五月 母		祖 不杖期 母		母 三年		身		衆子 子期年 婦大功		衆孫 孫大功 婦總麻		曾孫 婦 無服		元孫 婦 無服	
		在室總麻		在室小功		在室期年		在室期年		在室期年		在室		在室小功		在室總麻			
		曾祖姑 出嫁無服		祖姑 出嫁總麻		姑 出嫁大功		姊妹 出嫁大功		姊妹 出嫁大功		姪女 出嫁大功		姪孫女 出嫁總麻		姪曾孫女 出嫁無服			
		在室總麻		在室小功		在室期年		在室期年		在室期年		在室小功		在室總麻		在室總麻			
		族祖姑 出嫁無服		堂姑 出嫁總麻		姑 出嫁大功		堂姊妹 出嫁小功		堂姊妹 出嫁小功		堂姪女 出嫁總麻		堂姪孫女 出嫁無服					
		在室總麻		在室小功		在室期年		在室期年		在室期年		在室小功		在室總麻		在室總麻			
		族姑 出嫁無服		堂姑 出嫁總麻		姑 出嫁大功		姊妹 出嫁大功		姊妹 出嫁大功		姪女 出嫁大功		姪孫女 出嫁總麻		姪曾孫女 出嫁無服			
		在室總麻		在室小功		在室期年		在室期年		在室期年		在室小功		在室總麻		在室總麻			
		再從姊妹 出嫁總麻		再從姪女 出嫁無服		再從姪女 出嫁無服		再從姊妹 出嫁總麻		再從姊妹 出嫁總麻		再從姪女 出嫁無服		再從姪女 出嫁無服					
		在室總麻		在室小功		在室期年		在室期年		在室期年		在室小功		在室總麻		在室總麻			
		族姊妹 出嫁無服		再從姊妹 出嫁總麻		再從姪女 出嫁無服		再從姊妹 出嫁總麻		再從姊妹 出嫁總麻		再從姪女 出嫁無服		再從姪女 出嫁無服					
		在室總麻		在室小功		在室期年		在室期年		在室期年		在室小功		在室總麻		在室總麻			
		族姊妹 出嫁無服		再從姊妹 出嫁總麻		再從姪女 出嫁無服		再從姊妹 出嫁總麻		再從姊妹 出嫁總麻		再從姪女 出嫁無服		再從姪女 出嫁無服					

凡嫡孫父卒爲
嗣父母承重服
斬衰三年若爲
曾高祖父母承
重服亦同

凡同五世祖族
屬在總麻絕成
之外皆爲祖免
親遇喪葬即服
素服尺布纏頭

三妻爲夫族服圖

夫爲祖父母及
高會祖父母承
重者並從夫服


夫高祖總				
夫會祖總	夫會伯叔祖父母服	無		
夫祖大	夫伯叔祖父母麻	夫族伯叔祖父母服	無	
舅	夫伯叔父母功	夫堂伯叔父母麻	夫族伯叔父母服	無
妻斬衰三年	夫兄及妻功	夫堂兄及妻麻	夫再從兄弟服	夫族兄弟無
長子婦期年	夫姪婦大功	夫姪期年	夫堂姪婦小功	夫再從姪麻
孫大功	夫姪孫總麻	夫姪孫小功	夫堂姪孫總麻	
會總	夫會姪孫麻	總		
元總				

首川系卷五 凶禮

五二一 首都明明印刷局承印


						父		母	
						夫會祖姑		無	
				夫堂祖姑		無		父	
				出嫁無服		夫祖姑		在室總麻	
				服		無		功	
		夫族姑		無		夫親姑		小	
		服		無		功		年三	
夫族姊妹		無		夫再從		夫堂姊妹		小	
服		無		服		麻		功	
				出嫁無服		夫堂姪女		在室期年	
				夫再從姪女		在室小功		功	
				在室總麻		出嫁總麻		功大	
				出嫁無服		夫堂姪孫女		在室小功	
				出嫁無服		在室總麻		孫	
						出嫁無服		總麻	
						出嫁無服		孫	
						夫會姪孫女		麻	
						在室總麻		孫	
								麻	

謹案為夫之姑
姊妹小功堂姊
妹總麻降於夫
者已多不得再
降故圖內不分
在室出嫁



四川南川系

五 出嫁女為本宗降服之圖



六 外親服圖

妻爲夫外親
服降一等

母
祖
父

服 母 無

謹案圖內己身
及子孫字皆兼
男女言惟女之
出嫁者降等

母
之
兄
弟

功 小

外
祖
父
母

功 小

母
之
姊
妹

功 小

堂
舅
之
子

服 無

母
舅
之
子

麻 總

己
身

總

兩
姨
之
子

麻

堂
姨
之
子

服 無

舅
之
孫

服 無

姑
之
子

麻 總

姨
之
孫

服 無

謹按外親專指
母黨言姑之子
孫父黨旁親也
圖特附見故遞

姑
之
孫

服 無

下一層不與舅
姨之子孫並列
以示區別

七妻親服圖

		妻 祖 父 母 <small>服 無</small>			
妻 之 姑 <small>服 無</small>		妻 父 母 已 身 <small>麻 總</small>		妻 伯 叔 <small>服 無</small>	
妻 之 姊 妹 <small>服 無</small>		為 壻 總 麻		妻 弟 兄 及 婦 <small>服 無</small>	
妻 姊 妹 子 <small>服 無</small>		女 之 子 <small>麻 總</small>		妻 兄 弟 子 <small>服 無</small>	
又 圖 內 女 之 子 兼 男 女 言		女 之 孫 <small>服 無</small>		謹 案 妻 外 祖 父 母 妻 之 餘 親 也 壻 及 女 之 子 孫 非 妻 親 今 亦 附 及	

八 三父八母服圖

類 齊衰三月	叔 兄弟之	身 亦有伯	有 子孫已	親 謂繼父	兩 有大功	同居繼父	類 期年	叔 兄弟之	身 亦無伯	無 子孫已	親 謂繼父	兩 無大功
		也 人隨去者	死 繼母再嫁	從 繼母嫁 父謂	居 母與繼父同服	自 來不 會隨	不同居繼父	居 齊衰三月	同 居今不 同	先 曾與繼父		

慈 母 謂所 生母 死父 令別 妾撫 育者 斬衰三年	繼 母 謂父 之後 妻 斬衰三年	嫡 母 妾生 子女 稱父 之正 妻 斬衰三年	養 母 謂自 幼過 房與 人 斬衰三年
--	---------------------------------	---	---------------------------------------

出 母 謂母 親被 父出 者 齊衰杖期	乳 母 謂父 哺奶 妾乳 者即 母 總麻	他 人 齊衰杖期	再 嫁 人 齊衰杖期	父 死 齊衰杖期	母 因 齊衰杖期	謂 親 因 齊衰杖期	嫁 母 因 齊衰杖期
		所 生 子 齊衰杖期	嫡 子 齊衰杖期	妾 子 齊衰杖期	有 子 齊衰杖期	庶 母 齊衰杖期	父 謂 女 齊衰杖期

月系 卷五 凶禮

五四一 首都明明印刷局承印

九 爲人後者爲本生親屬降服之圖

案律例無爲人後者服圖通禮於爲人後者服制增載甚詳多歷來禮書及會典所未備者原定各圖於出嫁女爲本宗降服既有圖則此圖自不可少今據通禮增繪一圖附律例八圖之後

爲人後者爲本
生母之父母兄
弟姊妹爲本生
姊妹之子及女
在室者均服總
麻
外姻之報服亦
加之

高					
祖總					
曾	曾伯祖 叔祖				
祖小	麻	母	父	無	
祖	叔伯祖		堂叔伯祖		
父大	麻	母	父	總	服
齊	叔伯父		堂叔伯父		從堂叔伯父
衰	功	母	大	總	服
爲人後者若所後同高曾祖父母仍從本服	兄弟		堂兄弟		從堂兄弟
	妻	弟	弟	弟	弟
	麻	總	功	大	功
	麻	總	功	小	總
姪		堂姪		從堂姪	
婦	姪	姪	姪	姪	
功	小	功	大	功	
服	無	服	無	服	
姪孫		堂姪孫			
婦	姪	姪	姪		
服	無	麻	總	服	
姪曾孫					
麻					
<p>本生親屬 爲人後 者報皆如 其服</p>					

						父	母	麻
						會祖姑	無	服
				堂祖姑	無	出嫁無服	在室總麻	祖母
				從堂姑	無	出嫁無服	在室大功	不杖母
				族姊妹	無	出嫁無服	在室大功	為本生父母持服期年
				從堂姪女	無	出嫁無服	在室大功	為人後者為本生父母庶子之為人後者
				堂姪女	無	出嫁無服	在室總麻	
				堂姪孫女	無	出嫁無服	無	
				從堂姪女	無	出嫁無服	無	
				族姊妹	無	出嫁無服	無	

為人後者之妻為夫之本生父母服大功於夫之本生餘親各從本服降一等報亦如之

女出嫁為伯叔父兄弟及姪之為人後者服小功從兄弟之為人後者服總麻

南川縣重修縣志卷六之一

風土上

風俗土產因方隅氣化而殊先王省方觀民觀於風俗而知民之貞淫良莠焉觀於土產而知民之生活職業焉然後從而施養與教之政故措無不宜後世政府於民自賦稅刑罰而外一切非所聞知則太史之陳職方之掌皆爲虛矣然土產有定者也雖天演進化本地舊種常爲外來新種所驅顧非通數千百年細心考察其跡頗不易見惟風俗則常常變易或三四十年或六七十年或百年前後已迥若易地異族其變也有厭陳久而慕新奇者有舍陋劣而求優美者前者可變可不變者也後者不容不變者也而人之好變不好變乃各異其情好變者其一爲識時知道急於變以圖進化其一爲希世逐末巧於變以圖炫俗不好變者其一爲敦崇本實以存古風其一爲株守固陋而護習慣今日吾國吾邑正好變與不好變者爭執意見之交關也其有爲厭舊喜新而變者乎其有爲棄陋取美而變者乎或極喜言變而事事提倡或極惡言變而矢口抵禦皆不免任意氣而非義之與比乎舊志於土物但列名稱於風俗尤寥寥數則皆附之輿地聊備一體茲編特立爲一門瑣瑣言之私冀

邑人酌其當變不當變勿膠於一而啓爭焉耳

風俗

通論

華陽國志江州以東其人半楚姿態敦重

元統志民力稼穡士喜靜退其風淳質近古

通志風俗淳樸服養簡質

重慶府志士習書藝民守本業

舊志撰服食儉薄簡樸成風其編氓多負山營宅而居士讀農耕女勤紡績有敦龐之俗焉

右五條舊黃志

節序

獻歲發春正月元日家長家衆鷄鳴夙興汲井水燒淨茶相競以早日搶銀水茶熟獻香火家堂

神龜之別名及竈神大開重門按陰陽家所推今歲喜神方向出外燃香燭行禮曰開天方新婦嬰兒初出行俱須擇日擇

方向始往親舊家是日禁掃地傾水忌兆財出早饌後家長具衣冠向祖宗神祇拜年卑幼亦以次向尊

長拜年然後往近處墳墓

臘月除夕正月上元亦往墳墓燃燭俗曰亮墳

是日惟伯叔兄弟家可拜年往來不入外姓宅縱兒

童作種種戲樂自第二日起乃分遣子弟婦女攜食物拜年於遠近姻戚盡正月止豪富家或

預約一日拜年以便款待自初一至十五為家庭過年期間好樂者裝財神

以人扮財神塗面執鞭隨以鑼鼓入人家踞高坐說

吉利主家灌以酒不許辭非善飲不敢充也

挽假獅

以竹編獅頭蒙以紅色布緞為身及尾兩人伏其下搖頭弄尾又以一人帶和尙面亮前導却行執帚誘之入人家設高棹數重以能踰而上下為勇捷

燈

製略如假獅一人為龍頭數人為龍尾及腰裸上體裹紅帕手執竹籠上綴紅綾中插小燭傍晚則出鉦鼓相隨所至之家用硝磺鐵毛子潮腦等物舂碎築入斑竹筒中燃之專向挽龍者之身白光數丈銀花萬蕊上衝霄漢紛紛散落者燒至數十筒夾以火炮誠鉅觀也

遍遊人家兒童譁婦女聚觀限於元宵前後三夜自元日預封賻包至上元日燒之普祀宗

祖及門戶諸神曰過大年向晚然燭於堂室圈牢園圃道路取散陰鬱求吉利之意家長囑咐

家人曰火燒門前紙各人尋生理此後農備耜士入學賈設肆

城內貿易稍大之店必二月初旬間乃擇吉開張

深得古人好

樂無荒之意民國成立政府改用陽曆以冬至後十日為元旦軍營官署局所紮牌坊換門聯

懸國旗致賀以名帖叩新禧鄉間因舊習慣債帳未清學堂未放遠人未歸不能從也

清明節有祠及會者必合族祀先會食已見禮儀篇其餘私人非職業羈身道里遠隔必歸而拜掃

懸紙標於墓龍表示有後近年城內外學堂及實業所改前一日寒食為植樹節整隊遊行擇

地人植一株亦藉以踏青焉

端陽中秋為商家收債付債關期端陽普通懸蒲艾於門首用

粽葉裹角黍飲雄黃酒中秋惟城市中饋餅賞月鄉村農收忙迫勤苦儉嗇無所謂節 七月

十五 以正七十三月望為上中下三元起於唐代出自道家今俗惟以上元中元為節日多移於十四日 為中元節家必燒賻包祀先祖諸神與上元同 歲暮

萬物已息百業當休城郭煙戶稠密招巫賽神者夜夜不絕同類相好結會之人約日團年春

官挨戶說春散來歲日曆臘月二十三夜送竈神上天往時雖中等人家必預畜一豕宰之曰

殺年豬或包穀或稻穀一二小斗釀酒曰烤小酢酒肉既具延親故宴集曰請年酒終歲勞苦

儉嗇藉此為歡有餘存蓄以待賓客犒傭雇不輕於沽酒市脯洵山樞蟋蟀之遺風也及清末

設吏征權酒稅肉厘年豬小酢亦不獲免緝私查漏拏獲重罰而民生益蹙矣至貧下戶終身

蹙蹙衣不掩肘天寒歲暮鹽米是急債負是憂反有不願過年之感想

居處

邑戶散居木材陶瓦簍時儘敷應用故多木架房屋 其純用土築者多係貧儉之家規模狹小名曰土口 舊式曰四火頭三火頭

四合天井 前後廂房 樂樓下廳 九柱長五間七柱三間一正兩橫單向三重堂兩重堂等名二百年前老屋

馬桑白楊楓香作柱其大數圍地墻階簷 階當簷下故名 通用砌石以礎承柱窗格刻花卉人物見時城

廂建築取材須在三十里外遠山亦告空虛故多用火磚儉者築土 外土牆內木架曰金包銀 草房惟以招土

戶亦不甚多城中鋪房及鄉間大戶洋式房屋僅三四處不甚堅固金佛山中平竹爲瓦方竹爲梁破竹爲壁乾竹爲燎爲薪東路極邊連涪陵正安產杉甚夥剝皮蓋屋能熬霜雪支十餘稔墳墓石函灰墳土墳三種治安時代富人積財無所發展恆以建屋修墓窮極高廣爲能事及遘亂離或火於盜或火於窩盜鳴玉鄉冷水關爲甚卽幸免焚如而主人盡室遠竄徒留佃戶居守長廊深奧伊威在室蠨蛸在戶景况淒涼不堪回首

衣服

邑人渾樸不尙修飾京洛仕宦所謂四時衣服者雖富紳亦鮮備咸同以前袍褂一稱袍套衫料綢緞外常用毛織物羽毛大呢嗶嘰哈喇之屬質料粗厚堅牢光緒以來織造改易諸料絕市新織物名色繁多參用絲棉麻草毛羽變化爲之光澤柔軟輕巧細緻工巧價廉而不耐久凡新市貨物皆然清代禮冠夏季出示戴涼帽形上銳下闊而圓如覆釜內有綉結領下一種專名涼帽編草爲篷圓周無絛染聲爲麩白頂四披下垂平人著之一種名緯帽形式如前圓周有絛編篾爲篷外蒙以羅內蒙以綾綢之屬外或用紗細之竹絲紅線爲麩紳士官僚著之秋季出示戴煖帽一名其形外圓下小上闊如仰盂中隆起高與外齊或稍高適足覆首亦以紅線爲麩官紳平人同用簷之深淺

傍圍屢變其式禮衣內袍外套四面開岔項圍高領領在衣外結於下長條下垂腰束扣帶足著緞靴早時有護膝者博寸餘長數寸

兩端有束膝以便久跪搭辮自頂垂背辮髮之四周留中下垂童子日八九歲時即蓄初纏以繩十五六時髮長下垂過背乃分為三股衣

服通體俱尙寬博下垂足耐老輩雖居鄉里歲時謁見祖先期會慶賀親友必著禮冠惟涼帽不能盡有暑

天亦以冬帽代光緒以來漸趨苟簡惟首不冠而帕尙禮者猶嘗之舊時惟山僻勞民多束帕自鴉片流行著冠者日少民國新式行禮冠

服鄉人無著者少年人競不冠年老者畏寒者仍著舊時小帽俗名瓜皮帽雅名六合帽相傳清太祖創製身穿馬袴

卽足爲禮其袴亦清制爲武員禮服以其緊短便於乘馬故名短裝西裝少年遊學來歸者尙焉履舊時前覆有單梁有雙梁

蒙以黑絨二色之皮惟用布緞層疊盤旋作雲狀者無梁清末已改爲淺覆朝鞋無作梁者自

橡皮鞋自轉便離水舊製釘鞋釘靴淘汰將盡矣邑人製草履最工其用棉線苧麻竹麻精緻

者見舊錢千文得布鞋半價履鞋木屐間或有之女子舊時六七歲必纏足八九歲必穿耳

今日開通頭上束髮金銀之飾頗繁通用銀飾者金飾者銅飾者居少數以勒圍額平者用帕以瑱懸耳以釧束腕以

簪蓋指下二指男衣短裙長裙惟嫁時普通以外罕著領袖縐縐周圍緣另有花袖籠於本袖之外更繞以金線花縐之屬俗名

欄民國女學生頭不用飾身一衣一裙反覺清儉大雅民國某年城兩等女校提倡剪髮從者十餘人衆論皆以爲非遂復舊已放足之婦

女禮履與男無別未放足者亦同男子著襪而履如故舊時新婦頭覆紅綾俗名蓋身披紅衣

名坐今去紅衣而頭如故交拜後男子終之服忌用皮緞俗呼緞為緞子以其聲同斷子諱之

飲食

鄉村飲食尙儉通常曰平頭席曰乾菜席豐美者曰洋菜席見時洋菜太貴亦或不用惟豬肉外或雞或羊或魚必滿九器俗呼九大碗若海參

魚翅富家大宴特辦數棹以款貴客鄉間廚人不善烹調不如普通洋菜加豐之為美也惟城中四五十年前簡質與鄉村等自清光緒末至今日由參翅而燒烤而罐頭其費由四五元而

至十餘元其器至數十盤碗包辦者常十數家酒樓餐館呼朋入坐至簡薄亦須二三元僻鄉小市莫不

有酒大抵官紳酬酢及有事請託無不辦席身膺公務者一日數主趨赴不暇又習於遲晚客

非日落不集非繼燭不舉人皆不謂為然而莫能改也惟前知事袁欽尙約尙早洵能力行矯

俗者最費者莫如紙煙合水旱鴉片而為四清光緒時官宴必食老酒有甜苦兩種邑能自釀者一二家後以其致

病去之更用大麩香花鄉間釀料常用包穀高粱較優而少鳴玉場一帶用稻穀或就田畔設釀具煮之曰煮田坎酒

統名燒酒清代常禁屠牛無敢顯然設肆者惟東門外二里地名花斑竹為冒禁屠牛之所官長加差查緝得賄輒縱即被捕苦禁禁釋仍復故業天主教回教例外民國前

後弛禁抽捐秋後夏前牛肉滿街矣不禁屠牛則竊盜多而農家苦非僅佞佛

交際

嫁娶慶弔禮尙往來嫁女宗族姻婭餽送女子服飾器物名曰添箱人情廣者親疎畢賀娶婦主婚人具書柬請客有借此以限客者其不預請而聽客自來者曰隨客前一日卽備席棹款親戚隣近曰請幫忙成婚之日賀新房次辰新夫婦廟見謁拜親長亦設席款客曰復筵一連三日宴飲最稠生日卑幼爲尊長治筵祝壽具柬請客二者賀儀向時至厚不過一二千文普通一二百文見時鄉間至善亦須四五百城市非一元半元不能出手至親祝壽另獻衣服冠履壽者必轉資以銀錢曰打發弔喪紙燭火炮爲普通誼厚者祭饌輓聯屏幃喪主按名酬以白布數尺爲散孝薦七燒靈則寄經懺賻包民國以來舊文學日就湮廢而對聯序跋之贈反盛於前娶婦祝壽弔喪主人稍顯者無不錦章金字光輝盈壁世風重交際尙應酬十倍往日

戲劇

舊時邑有城隍廟戲有各廟會各工商幫願戲皆以酬神爲題其貲各廟有會底工商各幫派運每歲春夏之交必接班演戲四五十日任人入場縱觀民國各廟會底解散消滅願戲亦廢聞有數人聯絡開戲園賣客坐者地方貧瘠期間不久學堂每有期會演說運動外必演新劇而街坊鬧鼓甚盛一般人專習人家吉凶慶弔及他節序期會團坐高唱知音者賞焉官紳之

室嘉賓竝坐則有留音機器演幻術逞技巧者曰把戲把戲起源甚早吞刀吐火諸術秦漢時已有之來自西域穆罕等國問時一來鄉村

報賽田祖有秧苗戲或木偶或用人裝扮祀神祈福有羊戲一人獨演炫弄者有猴戲以馴猴銜面亮跳舞而人發聲有桶桶戲

設小布帷一或一手弄諸小木偶一手馬諸樂器而換口角戲角談話甚巧而巧皆最簡陋者也

會集

法定諸會載建置篇 觀摩百載學校篇

盟黨 清代政府不許私人集會結黨禁止燒香結盟尤為嚴厲拿辦盟首律予死刑俗有大爺二爺見不

起太爺之語然禁之愈嚴其勢愈固入其中者變易其言語稱號相見儀節又制定種種忌諱以為劫

制之法使不敢畔畏仰拜兄嚴於君親師傅然確能私相衛護恤窮救難有任俠風其人皆剽

悍機警捷於交通者流消息靈通故能於重法密網之下掉臂游行自樹一幟邑中黨人其初

若隱若現千百中之十一至光緒季年黨最盛勢最強行役遠道必自附於黨所至投謁得其

當事大爺當家管事者一言一刺雖齎萬金走千里無錙銖之失縱失猶可歸還否則被殺被刦飲恨

而已此黨人勢燄達於極點之日也是時婦女亦或效尤城中有十姊妹者最老最著及革命

成民國立黨禁解黨徒濫風氣所趨傭夫牧童無人不盟不黨然趨赴太濫不如前之固結矣

盟黨之興由舊社曾不公官吏富豪受壓窮弱激之使起故以中等若級奔走四方者為多

耆老會 城廂中近有耆老會七十歲以上老人相約為會每月一度輪遞作主會聚談笑飲食為盡日歡同年而生者或結同庚會亦與耆老會類

文社 舊時除官設月課外鄉市間有文會或每月或每季會集作文一次請人評閱好事

者稍捐貲作獎石牛溪文曾見王奔慶傳水江石亦會行之城內清季有詩社近年學生卒業試驗行會考之法集數學堂

於一處合試定甲乙頗能鼓勵

運動會 體育會 俱樂部 新學生往往邀集成立然鮮鞏固歷久者

家庭

鄉村愚陋之民未嘗讀書識字相聚而談不離孝字為頭想爾身從何處來十月懷胎娘辛苦

孝順還生孝順子忤逆還生忤逆兒等語足見吾國重孝深入人心萬口同傳認為無上道德

而實能盡孝與否則存乎人確有勞苦傭工日磨筋力得錢買米孜孜奉養出於至誠較富厚

家兒尤為無憾至鄉人迫望有子生養尚非所急惟以他日無人送老歸山燒錢化紙為慮蓋

迷信陰比陽同死後亦須財用說最篤也人以心理疑為夢寐每於歲時節序多夢死者求財又人亡久不燒靈則靈牌無故顛仆兄弟同居謀

長久和諧者主張不積私財私財之母多藉娶婦陪奩不積者入門即提作官用待父母沒然後分異間亦有之多數娶婦後陸

續撥出既分異惟最富者父母始留田作膳業其次盡產分撥令平均搗穀若干貧者依長幼挨輪迎養平均搗穀之法往往自失主權不免窮賈 兒女生年月日時犯星命家種種凶煞互拜他人爲父母曰寄拜拜者爲乾兒女招乾兒女多者至數十彼此足財往來親密饋送豐厚死亦披麻哭泣貧者一拜之後他日路人而已又有以兒出繼兄弟求其攜帶長成者伯叔父母稱謂互易曰假過房生子久不育而假兄弟之子爲之先者曰押長 祖父欠債雖歷年久遺子孫當負債還責任子孫飄蕩外借多金可預出逐話或存案以脫干係然使家貲果裕亦難支離 詞人生男曰讀書自謙生男曰放牛詞人生女曰千金 按稱女子曰千金殊非鄭重之義但不知因何而起 曰繡花自謙生女曰繡畫曰喫閒飯待過男女尙無偏愛偏嗜卽有嫌女過多者亦不至於溺棄爲男聘婦曰贏家以得人又得財也爲女求婿曰輸家以失人又失財也嫁女賠送比爲男娶婦費須加二倍鉅富之家惟律不許以田產賠嫁 謂有賠產者止可少許兄弟爭勢力強得出而謂阻故善而得之多速傳易錢以免訟累 其餘銀錢衣服器用不啻舉家而遷焉雕鏤之床徹壁毀門而後能入男家先期迎嫁裝拾盒數十架昇夫數百人中下戶衾綯箱櫃枕簟釵錫之屬各一衣服數套名曰遮身決不可少總之富家一女之費貧者以嫁數十百女而尚餘母愛女則必求多女貪財則必爭多鄙人娶婦確以

資裝多寡為愛憎故五女資家非虛言也至晚節父母貧而女富力能迎養則有翁姑妯娌之妨勉強相依徒取厭賤其能稍獲報償者寥寥無幾

記者曰父母撫女懷育男尤為艱辛須善長則以之歸人彼自有夫有家以食以衣何必更

用財資遠至男家娶人之女以為內助延似續得利已多又何可更望女家之資送邑俗女

家受聘不索聘財已為大雅而必如此厚贖富室可也中產以下勉強措辦至於負債鬻產

舉家受累鄉人以嫁女耗家產者甚眾不亦過乎今之夫家婚嫁裝薄者動曰一無所費度身而來此言楚無理之言也

婦女

邑婦女舊習當改良者莫如纏足不求識字中國婦女以此二缺點凡男子強弱之事業或勞心或勞力女子俱不能之所以弱居下也清季諸紳提倡天

足會毫未收效民國既立城內女學興起第二節通行解放已釋者亦後史編式惟鄉間尙未普及然亦不

效從前之力求纖眉矣向時惟世家女間或讀書識字者不過千中之一舊時富貴家女不執勞役惟專習針黹殊屬無益不

如移此心力讀書識字近來城內及南平鎮專設女校餘尙無之幼女間與男生同讀年長則止舊家風重

禮教終以男女同校為疑識字者可得十之二三欲謀女學普及非各鄉大場及煙戶稠密之

區多辦女子師範不可自由結婚惟出外游學者行之或男或女往往置父母預定之婚於不

能退遂之地

記者竊謂此事如義當自由父母即不可為預定業已預定則不當復談自由主持政教者似當提議解決明定一是以杜室家之訟總之釀爭之源尤在早婚如能俟二十歲內外而後議婚無論父母本身俱不至多悔

離婚重

婚或許或否亦無明確可據之禮律今日女界學說動謂女權卑弱受男抑壓不得平等自由

實事殊不盡然男女強弱視其稟性剛柔鄉里間男子軟懦受制閨門丈夫無能女子代操家

政者亦復不少如能讀書習算尤足卓然自立至於職業惟富家婦女專司內治生計窘迫者

居市營貿在鄉勞力無一不同於男子惟未耕田作工耳

舊時貧家婦女多業紡織近來紡業久停多改學編布

多數赤貧婦女

能力不逮男子而必執苦役求活負芻運炭蓬頭垢面衣不掩體比貧男尤無生人趣極為可

憫迷信神道女多於男奔走募貲或徑往寺廟善堂男女同處帶髮修真往時官長地方或加

禁止今則風氣尤熾徑途尤多禁不勝禁矣

兒童教育

兒童最重教育又須分家庭社會學校三種邑中積習家庭教育無普通研究

舊惟三字幼儀等書近之但皆泛談倫理且未

家誦戶說惟任父母性情所向嚴則失之不情慈則陷於溺愛而教非其所當教者尤多社會老成

人非天性特別峭直者不肯糾正他人子弟子弟亦不樂受外人繩墨惟學校教師專負教人

之名而又偏重文藝於立身為人或概不之及

塾師長者亦能隨時告語但彼此洪視為例外求學目的不在是也

新學制初立修身一科

引先正言行爲訓及以品行記分久之亦同厭爲迂闊未甚收效此教育上莫大缺點也舊時
兒童六七歲入塾首授四子書日課背誦幾何習字若干畢卽散學不爲解釋一字能久讀者
待四五年四書及詩書易三經略畢始爲開講首四書朱注外兼聲律啓蒙唐詩三百首及淺
短時文試帖從二三字對聯一二韻五言詩時文起手之破題二承題三句至五句學起不能久讀者
卽概不知字作何用後來聰慧者略能記帳寫信反從社會薰染得來謂之政俗簡靜時代小
民伏居鄉野文字需要不甚急切無論貧富半數不肯送子就學識字人所由少也改制後社
交紛繁概不識字頗受痛苦風氣漸開人知向學惟鄉立初小籌款艱難一保數百家三四十
里之遙僅得一所村居僻遠必須私塾舊師補助鄉人篤舊仍主讀四子五經卽送入新校者
亦極力要求兼誦衆口同聲雖明令廢經驟難改步今日所憂在新舊教材俱形缺乏青黃不
接加以兵盜擾攘普及進化目前勢難辦到至多數貧寒之子七八歲卽須勞力牧牛負薪補
助生活雖官校不徵學費亦無力就學卽不得受一毫教育社會環境惡劣易入非僻此非整
頓財源使貧富稍均人獲生業雖欲沐以文明末由也已

附私塾讀書議

大戴禮人生八歲而入小學履小節焉學小藝焉束髮而入大學履大節焉學大藝焉古人

爲學所謂小節小藝必有一定課程適合蒙童程度內則六年教之數與方名九年教之數

且十年出處外傳學書計幼稚教育法次第尤爲井然書計卽今習字習算也周禮保氏教

國子以六書卽漢說文今字典等書也惟學記一年視離經辨志注謂離絕經句始有入學讀

經之說然義疏以此爲大學課程且此係漢人專門習經以後語漢以前無名何書爲經者

秦有天下廢古書同文字說文序能其不與秦文合者是秦雖未特別造字而於古字有廢有存古經書子書所用之字後世多不復用必自秦時始也李斯趙高胡毋敬作倉

頤爰歷博學三篇漢楊雄賈勳輩衍之湊成一部字書凡一百二十三章七千三百八十字

每章十五句每句四字練成文語如說文序中引幼子承詔是也卽今之千字文百家姓正蒙字義之類也秦

既黜古書又須人習文字必以斯等所作爲普通讀本明矣漢初沿秦法重律令律書凡九

千字郡守縣令用以試滿十七歲之學童能讀能綴爲文義始得補書史與近代考取

童生無異而十七歲以前闈里學校必以此九千字爲教本讀本又明矣凡兒童入學闈蒙

必先習散字單字此一定之法不遽授以專書也然則初入塾門便讀五經果始於何時乎

竊揣最初由孔氏弟子受師六藝之傳爲儒家專門之學既講專門必童而習之然限於儒

家一派未達乎全國也其次漢武帝罷黜百家置五經博士弟子以經義試士取才雖第行

之太學未嘗令天下蒙誦先讀經書而名利動人風行草假自此小學便習大學之書舍字

書從五經始而童子蠟等矣又後宋周程張朱提倡大人之學合學庸語孟為四書尊之過

於五經至謂為初學入德之門古人為學次第必由是而學焉程子所謂入德之門係大學之初非指發蒙認字也明清

帝王專崇宋儒拈四書章句考試士子凡有志科第者不得不從此入手科舉學術簡單資質聰敏者但讀一部四書幾篇時

文選首試帖曰描舞弄即可得舉人進士故雖窮寒村野子弟既入學堂便自習第希望教者使授以經書學作詩文俗讀三字經云孝經通四書熟入六經始可讀此即

謹遵程子之訓蒙童必先讀四書四書又先大學所由來也即有鄉愚窮民自言其子無功

名希望但求略識之無供俗用俗語止求寫人情而教師功課但從多數仍一律教授久之且

謂供俗用亦須讀四書乃順口迎合之詞鄉人篤信之此今日考試廢學費增窮寒子弟功

名望絕而鄉俗父老猶必要求讀四書五經不悅教科書所由來也先入為主習非勝是難

以口舌爭亦有送入官學或教員怠惰或子弟愚魯數年不通一字則益咎新而護舊不思

從前讀四書五經時如此者亦正多多竊謂從前普讀四書五經在希望富貴利達今日改

授教科書在求開國民普通智識俱與鄉人求供俗用宗旨不合而多識應用字眼通曉世

故人情則教科書爲切近讀四書五經者真冤枉子弟至子弟之得字不得字則視教員之勤惰明闇學生之智愚馴野與書無關也記者竊譬古書如燈教科書如日二者俱能明目試問求明者願黑夜照燈乎願白天對日乎然鄉俗專授教科書亦有二難向時鄉人習慣以多請爲功子弟粗野妄動全恃多加背誦爲繩束今教科書課短字少實不尙讀懶惰教員藉以了事別無管理訓育之法聽其跳躍奔放病一也教科書逐年更變僻遠之地初買到手時已成廢紙邑城僅一二售書處時時缺乏一本書寥寥數十字動輒需銀數角貧人措錢實艱病二也主持新教育者似當設法解此困難以慰鄉人之望

稱呼

愚俗稱生育本身之人曰父母者十之七八稱爹媽者十之二三有稱父曰爸爸

或曰八又爲未知是否

爺爺者稱母爲娘爲奶

上音轉爲乃字陰平

者父對兒女自稱老子

古代年老之人通自稱爲老也俗則尊之

稱祖父母爲公

本當作翁

婆者居多亦有稱祖父爲爺祖母爲媽者稱曾祖父曰祖祖更上通曰老祖稱庶母或曰

姨娘

姨娘爲妾之通稱夷者平也謂其尊與娘平也

稱母之姊妹亦曰姨娘或曰舅

與母之兄弟同稱也

伯仲叔季本兄弟次第之別稱

父之兄弟當曰伯父叔父俗語從省單稱伯叔口呼伯父母多稱伯伯呼叔父母曰幾爺幾娘

有特呼叔母曰嬭者呼季父曰么爸土音轉為入聲若八呼兄曰哥呼三爺者三字土音轉為

腮呼他人行三者則仍本音夫妻間當面無稱但曰你我今大雅家婦女亦以字顯則夫妻儘

可呼字矣妻妾和譜以姊妹相稱婦人書柬拜翁前稱某郡某氏今自著姓名而冠夫姓於

上兄公爾雅釋親夫之上為兄公稱弟媳曰弟妹媳婦不便則從子女之稱曰某叔娘翁姑稱兒媳曰某幾女

稱外祖父母當曰外家公婆俗從省但稱家公家婆或更省但稱家重言為家家母姊妹之夫

曰姨父之姊妹曰姨夫曰姑謂之姊妹曰姑婆其夫曰姑公舅父之子姑爺之子姨

爹之子互稱為老表稱姊妹之夫曰某幾哥女父母稱塔同從子妻之兄弟依年長幼仍稱兄

弟女之父母塔之父母及其兄弟行互稱為親家塔稱妻父母直稱父母或稱親爺親娘寄拜

之父母或直稱父母或稱保爺保娘齊東野語對姊妹直稱弟對姑直稱姪可也其異姓之別自有上款在而俗必稱為母家弟母家姪以別於夫家之弟姪反覺不妥女子亦有父有母而姓則受之父今但曰母

家將謂女子無父乎藝徒稱師曰師夫夫似當為父以稱其妻為師母知之外人普通乃稱為師夫貿易之徒及凡用文字之藝徒與學校之師

同稱先生學校受業之徒尙禮者特稱師為夫子旅客稱主人曰老伴土音伴稱店中執炊爨

者曰么師本呼火泛稱少年人曰小夥向時稱富貴人曰老爺稱其妻曰太太其父母曰老太

爺老太太男曰少爺女曰小姊向時百姓稱知縣曰大老爺自稱曰小的呈詞稱蟻稱捕廳曰

太爺

抽應代知縣問案時必改稱太老爺

汎官曰總爺民國後人人平等除私親外凡有職業者各以其職稱之

惡俗

淫 邑無娼寮妓院外間所稱江湖蕩子鮮有來者風俗甚美

賭 清光緒以前賭之鉅者曰搖寶開歲春初大市招賭之所公然揭帖布告遠近賭客挾貲

而來輸贏甚鉅足以傾家近二十年已罕為者以下擲骰非搖寶者但名擲城擲錢鬪牌均牧奴戲前兩

類最誤鄉里窮漢勞力得貲頃刻而盡典質衣褲而市井無賴則倚為專業誘人以求衣食所

謂強盜出於賭博也官吏官吏抽應有賭之專責保董嚴厲正俗必先革賭然亦有故縱以取利者自清末

麻將傳入舊賭漸廢上流社會公務員餘非此不樂以外推牌九勝負之鉅亦相伯仲酒煙賭

三物代煙流行咸同以前之人嗜酒光緒時代之人嗜煙清末民國之交嗜賭然從前煙盛而

酒衰近時賭興而煙不替

盜 已見社會狀況

訟 清代衙門中人自他縣來者咸謂邑中訟簡盜稀差事少官好做然詞訟一項今較昔為

尤少矣昔時各鄉俱有健訟峻訟兩種人皆與衙役勾結健訟者專以告訐拖累鄉鄰一次批

駁屢控不休唆訟者以為人證訟為生活惟嚴明之吏親接控詞面訊真偽情虛詞遁擲還加

罰則健訟者窮審訟或專訊兩造不問旁證或專訊旁證窮加研詰則唆訟者窮清光緒時黃張二令俱稱賢吏然黃

不如張則以黃寬而察斷惟干證差役是聽張嚴而察證與役俱畏懼不敢健訟也至鄉人牙角小爭不值一訟而輕於告狀亦有二類一為好氣爭

勝遇善良公道人為之調解不滿所望慳悍不肯聽有寧寒牢門不聽判費之語即不肯在鄉稍屈了事必被唆訟者聳息

挑激構成大釁而後已一緣社會傾欵一知縣外餘人無判斷權良懦之人或被豪霸橫悍欺

凌難堪或狡猾無良撒潑估騙或首人訟棍搥索無厭或藉端誣訐牽連拖累有訟事本為一人爭費而與然即藉此牽連多

人以洩忿且有與差通謀以圖辦錢者聞詞者不察一律準理及審訊時知無涉已受累極矣縣公署訟費重審判遲有因告準及應審時反申吏役停案不送亦為拖累人之狡計此訟所由多

而差橫民困也民國法制以警察彈壓街市以團練局捕繫盜賊以商會清算債務以實業所

保護山林下屬各鄉亦設投理所評議員皆得分印官之勞受鄉人呈請報告了息小訟費省

而聽速實便民之美政與古專設齋夫里正耆老之制合惟須詳定章程罪非盜賊不得擅威

拘繫自鄉里多盜團甲之權日漸得用拷掠及暗室禁錮又自若干數目以上不得濫罰乃可久行無弊又前代

官聲之美惡觀差風之消長貪吏庸吏必獎差明賢之吏必盡力懲差惡差倚官藉訟以毒民

鄉人恆視為虎狼蛇虺彼亦以虎狼蛇虺自居恣睢搏噬民國後改為差隊用差之事較少名

額減汰過半故患亦稍輕矣

鬪 邑俗稱用手徒搏曰打架五六十十年前鄉人有爭動輒打架或兩家對手俱豪不受屈則各聯黨徒打大架一次不勝二次再舉曰復槌曰撈稍打後或興訟受笞或旁人調解敷湯藥不懲也至用刀矛成羣械鬪惟東南邊界有之豪強之家及地方首領或率人或派人執械擄其穀米或質田鬻產而後釋之今日二者俱息仇殺暗殺時有所聞由時局紛擾火器便利故也從前又有一顛預之俗女子出嫁為姑嫂凌虐則母家婦女羣往打之家長亦不禁止不幸女子情急自盡或受傷身死則親族姻婭男婦俱往說人命阻止葬埋要挾滋鬧壻家紛紛逃避地保親族出而說和承認如何殯殮如何燒靈包墳而後了事後屢被壻家先往控告官長大怒拘繫懲辦其風乃息蓋死者雖無辜然不控官而糾眾相脅且意在索賄故反為違法也

苗俗

邑南陳家萬盛兩場常有苗民往來皆苦身力作多係綦邊青羊市舊種至邑則孝子河外青山素傳為苗族土著地今已消磨式微祇三四家對岸羅家山一帶凡六七家皆居高地賃土而耕概無地權自言為紅花苗有熊楊陶羅馬五姓居後山羅家山小地名熊姓者為之長稱壇司主葬埋特往訪之得

其風俗大概如下 裝束 男子與漢族無異女子以藍白紅花色布短巾白內而外每層疊根逐漸加長

裹頭錯名色見至四五十層為一大盤頂之周圍封以白布巾挽髻束以簪亦有不封布者上衣或棉或麻純白圓

領無鈕扣腦後披肩下垂至背或用花線或用紅線扎成万字下體長約三尺用蠟點花邊成縐鑲以紅青

白各巴布白布裹腿亦結成人字赤足草履富婦頭戴欄天網以綵線綴珠如旒下垂耳際左

右各一復以綵線紮成回鬚交於胸前身帶銀鈎形如新月 語言 同族相談音清而長初

聽雖明細審皆有音無字呼日若倉落月若西肉若吉食若撈起若收走若夢睡若鋪呼祖父

若右祖母若鏡父若爹熊苗自言先世亦有文字遭張獻忠亂後斷絕子弟不入漢人校讀書

惜未習其不讀書之故甘於愚劣自取弱亡 結婚 亦用媒灼男女皆有副貳日伴郎伴娘

可以弟及去弟及用妹或去妹女家允婚男偕副者及媒攜飯一包至女家女家設三盆九瓊并飯列棹男與副者

同起禮神畢闔室就食女家易飯男持歸遂定及迎娶男家宰鷄二隻熟之男偕副者及從

人至女家屋側設宴道上置鷄一於棹拜而後食日接風食畢返而先導女偕伴娘著新衣新

草履手執新傘與送親男婦多至二三十人後隨至中途又取一鷄并飯陳設新郎及副者祭食如前日

還車馬至家預設長棹置酒殺女與兩黨諸客雜坐其上聽唱歌曲一度男偕副者離席下立

拜跪畢更唱列坐附和然後暢飲盡醉曰周堂夜深席罷女偕同伴娘三宿送親者及伴娘辭

歸夫婦乃同寢焉 喪葬 苗族音樂六笙與鼓六笙以六縱管插大橫管中六管長短不一每管皆有孔笙隨時吹以取樂者

歲時節序沿門吹以乞濟鼓非喪葬不用且惟壇司主葬者乃有之壇司熊苗任之據言鼓無故作聲必有死者人死停屍中

堂棺殮悉同漢族惟足必著草屨壇司擊鼓於側勸食飲一日三次既葬而返衆人前壇司後

掬泥沙四撒曰出魂退煞葬後仍如漢族緩期除靈宰豬打牛用黃犢於靈前擊鼓吹笙跳舞一次用笄打牛頂心三打而牛斃相率至

野外平原以篋條擇死者遺衣服彌於篋篋下象死者真容前豎竹竿竿係一二竹鵲曰招魂

陳設酒肉壇司吹笙跳躍於前曰祭鬼每日三次三日焚紙錢與漢族同而散頒牛肉於親族

家各一方曰散季 祭神 一苗族家神用竹竿一長八尺繫豬下腮骨安置於正堂中柱禁

人撫摩接觸曰觸則磨神怒神必降臨每家畜肥豬一隻至可殺時殺而烹之邀集各家老

幼至曠野歌舞敬神男女雜坐歡飲而散曰散時豬苦齋烹食不盡之肉悉以饋人不售錢也

二每年春初各家男丁團聚操雄雞一隻酒一盞各持茅草一皮黎明往曠野靜地焚香馬桑

樹前陳鷄設酒跳躍拜舞含水噴四方殺腰刀砍馬桑樹以一砍兩斷爲吉滯則擇日更行既

斷復跳躍畢各藏茅草於暗處歸家歡飲行野時不許外人見之 居處 其居處飲食衣服

俱好潔淨漢人偶與往來款待豐洽好飲酒入市必爛醉近來窮困日甚惟恃挖山種雜糧有終年不見米者

邪教

邪教託鬼神以惑衆其始微其畢鉅其初但云清修其終必釀殺劫大概姦民與愚民劑合而成姦民藉此作活愚民至死不悟故雖羣嬰屠戮嚴申法禁終於祕密流傳火斷而煙不絕自元末至今最盛者曰白蓮教清嘉慶大創後改儀式變名稱曰天理八卦紅燈皆白蓮餘孽近日楚蜀之交相傳有神兵者擾攘已三四年不知其爲何教恐亦不外布穀生鷓鴣生鷓鴣久復爲布穀一脉之嬗蛻耳邑人對於此種迷信傳染尙輕惟清光緒年間乾豐場連巴縣界神拳一次發見作慝未果已就夷滅其他尙有數種祕教私相傳習男女自失信善清修者多入其中宗旨大同而儀式各別非爲之徒莫能辨也舊載關係法禁者數則列後

明萬曆天啓間邑有教匪滋事經韓應龍李世光二令捕斬平息已載職官志時明政衰亂川省盜賊流行多挾邪教萬曆十六年有饒巡撫禁戢左道惑衆示舊志載藝文

重慶南川縣奉督撫四川饒爲左道惑衆嚴行禁戢事照得蜀省法弛政寬民情奸詐尤喜

崇尚異端壞俗釀禍急宜痛懲近有白蓮邪教名曰拜燈煽惑庸愚使無賴匪徒身託齋戒心存叵測如簡州民黃楠者習學前教自號佛尊又以其女立爲佛婆招延劉廷春等各立佛號造寫經文雕刻印記以拜燈爲由談魔說法密念妖術符咒駕箕飛身或偶見佛像而無知小民信以爲真卽投入教中聽其重誓朔望費餽崇奉皈依約集數百人攜帶妻女望壇禮燈夜聚曉散甚至夜半舉念妖咒男女昏迷便擇少俊數婦就榻受戒姿肆淫亂尤爲可憾若非鄭朝鈞忿妻張氏受汚而發其奸則魑魅魍魎之術誰能察之嗟嗟無知小民被其蠱惑先斂其財繼淫其婦女至其後又必釀成大禍以殺其身而所謂佛者終不可得而遇愚亦其矣何物黃楠敢於蔑法亂道傷風敗俗乃爾業行嚴究正罪外合行勒石曉諭爲此示仰軍民人等知悉前項左道邪術明係騙財宣淫兩端並無昇天成佛之事且律禁森嚴務必崇尚正道各安本業慎勿輕信誘惑自投法網如有怙惡不悛或保甲地鄰容隱不報者定必依照律例從重究擬白干無等重辟悔不可追矣凜之戒之

清嘉慶初年白蓮致徒擾亂三省蜀中以川北郡縣蹂躪最烈浸及川東江北長壽涪州皆有騷動邑以偏遠幸未及難清仁宗御製邪教說頒行天下

先聖王以仁義道德禮樂刑政裁成輔相化育萬方使民日趨於正道恐爲邪說所誘也自二氏行於中國始有釋教道教之名因其說亦皆吾儒所撰大旨亦精微玄妙勸人爲善戒人爲惡輔翼王化無大差謬是以聖帝明王姑存此類不加沙汰至於白蓮教之始則爲騙錢惑衆假燒香治病爲名竊佛羅仙錄之語衣服與齊民無異又無寺宇住持所聚之人皆失業無賴之輩所以必流爲盜賊是又僧道之不若矣然天下之大何所不有苟能安靜奉法卽燒香治病原有惻隱之心在朝政之所不禁若藉此聚衆弄兵漸成叛逆之大案則王法之所不容故查拏之始原因逆謀之一二人如劉松宋之清劉之協首犯耳劉松宋之清皆已伏法並未株連而劉之協自扶溝脫逃所辦者仍此一犯而地方官有奉行不善者有苛求圖利者胥役徇書四出滋擾閭閻無賴藉案吹求將正犯反置於不問妄繫無辜名曰欲辨白蓮教以致起於襄陽由豫入陝而川省達州徐添德王三槐亦乘時蠢動互相勾結自此遂東奔西竄疲我官兵苦我良民傷心慘目實難備書現今賊營中非盡教匪也亂民乘勢圖劫掠耳夫官軍所誅者叛逆也未習教而抗拒者殺無赦習教而在家持誦者原無罪也卽如劉之協雖爲白蓮教教首其未謀逆以前若俯首就擒其罪僅止發遣耳脫逃後

至湖北糾約姚齊二逆並同教人等定於辰年辰月辰日辰時起事是真叛逆斷不可赦矣
起事後伊又潛往豫省漏網七年之久若從此安靜匿藏原可倖免孰意又糾約李傑等由
寶邨起事此由罪大惡極天神共憤使之自投法網得正憲章豈人力哉故白蓮教與叛逆
不同乃顯而易見之理設若賊營中有一二僧道豈盡行沙汰二氏乎有一二生員豈遂廢
科考之典乎然則白蓮教之爲逆者法在必誅其未謀逆之白蓮教豈忍盡行剿洗耶白蓮
教與叛逆不同之理既明則五年以來所辦理者一叛逆大案也非欲除邪教也然聚衆斂
錢終流爲不靖是在良有司實心訓導宜揚正學漸仁摩義蹈矩循規化其暴戾易俗移風
庶幾小康民安本業朕實有厚望焉

清道光九年邑南秦村溝

金佛山南麓
廣德同鄉城

人章紹閑羅聲虎等倡親聯教

取親戚
聯合意

又因須用清水一碗

吞符自稱一碗水教一勞力窮漢無資無謀據荒山胡鬧數月坐待擒戮

雖云已具兵器製旗幟究未
出山發動不知其對跡若何

故邑志紀載甚略今於遵義府志年紀中載正安州知州陳五色拏獲匪黨章紹淵訊出其教
由在雲南開化府種山僑民陶月三傳授當卽稟明貴州巡撫移咨雲南總督派員往開化提
陶月三父子到省嚴訊得月三所供各節已將伊教大旨肇亂原由了悉惟紹閑聲虎等作亂

反被擒一段遵志不得而載仍茫茫也據供其教係用清水一碗焚香念咒以手指畫符三道合水吞之頭二道止能治病治瘧吞第三道卽有神附體自能舞拳弄棒名爲少林神打月三紹閑聲虎俱南川人起教師爲正安李添成月三前曾質於正安患病得添成如法治愈遂爲之徒後以在本籍窮困聞開化地廣人稀種土利厚卽攜妻子至開化府安平廳落水洞地方佃住久之仍不聊生乃以術傳傭偶得謝資度日

謝資甚微多不過錢一二千文少數百文

所傳多南川同往之人

據此邑人因

流亡他境者多

紹閑後以販碗往亦學於月三時開化方嚴緝叛逆要犯趙應龍王士材等紹閑懼累

約月二回南川傳徒求財兼可聚衆搶掠如被發兵逮捕則逃匿越南小朝

與越南接

月三

畏禍從紹閑獨歸聲虎但學於紹閑未往開化月三尙不識也後由川督依律定讞月三雖

未從紹閑回南川謀逆但私習

白陽白蓮八卦等

邪教傳徒惑衆爲首應絞立決實聞紹閑約同反叛而

不出首與知情無殊應流一事犯二律一輕一重應從重擬絞立決月三子陶澍子徒韋洪周

等五犯習教已成輾轉傳徒年未六十發回城大小伯克

回教理事官名

及有強力能管束之回子爲奴

楊老八馬雄鼎等雖經習教係被誘哄後因治病無效已悔不再習概未傳徒情尙可原發極

邊煙瘴地方充軍發配折責安置張有祥楊老七等因不能畫符學習未成應照爲從罪量減

也
一等各杖一百徒三年失察牌甲照例責懲以上俱在開化及地方被獲但習教而未謀反者

紅燈教卽義和拳

義和拳乃教中之一派

其念鄙俚咒語

率引諸神以關聖爲之主

降神附身打拳弄棒

能舞平日力不能勝之大刀依法砍殺

與

一碗水相類起於山東省諸無賴

同教異派爭勝相仇

以順清滅洋爲幟志山東巡撫毓賢素嫉外人首獎

勵之遂致蔓延直晉豫陝北方數省清太后欲廢德宗別立溥儀

端親子載濤之子號爲大阿哥外國公使均不贊

成遂欲倚邪黨之力驅逐在華外人以達目的暗中縱使召八國聯軍之禍時在庚子歲六七

月間其傳至我邑已在是年之冬大駕出奔陝西後間有人炫其靈異而試爲不過作戲弄亦

無邪黨來傳故不至壞事然於大局之因此潰裂則不了了也次年辛丑省城內外各屬乃招

搖惑惑若鬼驅賊行清廷簡岑春煊來督

代旗人全俊

風霆鎮壓立歸熄滅越二年邑中乃有堯松屏

捕李太元之案松屏乾豐場人充保正隣巴涪二縣連界地兩路口老荒溝民余化龍李太元

暗習神拳結黨二三千人製銀鎗拾鎗

時鄉里尚未有快鎗

鐵鏢刀叉各若干令旗令箭斗方告示刻日擄

擄從松屏下手黨夥郭潤之弟立子向松屏貸穀種探動靜松屏微聞未察乃以甘言誘立

子與之盟誓然後吐實隨派人往探果已聚集百餘人祭旗歃血推化龍爲元帥矣一面太元

反來城誣報松屏仇殺謀亂縣令半信半疑札詢松屏適松屏已齊團捉獲堯惠川郭潤等十餘人及種種證據並於城內天主堂獲太元一律送署囚禁疑始得釋未五日重慶知府又派張筱亭團練局管帶帶勇再往調查搜緝於太元住宅內搜得鎗刀叉矛多件火藥沙子數挑繳案優獎松屏詳稟府道了結獨化龍遠逃始終未獲

土音土語

吾國文化之難普及論者歸咎於言文之不合一有其言者或無其字有其字者或無其言人生稍長無不能言而不得讀書識字者衆矣卽幸得之教師授音授義必另換一番口吻逐一告諭互相訓釋而後能通資鈍者出語則工學文則拙是以難也然文有文字文詞之別文字廣而文詞狹有是言無是字有是字無是言其不能合者永不能合如焉哉乎也之文與咧哦嗎呢之語是也今人造新字者如克普及將來或無無字之言若亦係綴文字以成句成詞而出自殊方駛舌之口齊東稷鏡之談爲聖賢經傳王府典策所弗道不得列於煌煌簡編是謂俗語今日白話語雖俗而實有其字則認爲文言而用之與不認爲文言而屏之權固操乎人也今教育家見西人文言統一之利且本國村市間演義小說勸世文戲曲本子純用俗語田夫竈嫗

俱能領解故主張用白話爲文既已風行各校矣但文言爲一國所同吾國自周秦以來久歸統一白話則五方雜出隨時增改即一方一族今語亦不盡同古語也文言有共讀之書供其材料白話則全憑耳食童稚之年接觸未廣腹笥尙形枯竭不足轉達一切事理是應用猶有缺點也又有一種語言本有文字而土音輾轉遂訛依聲尋之而不可得者遂由有字而轉爲無字卽依白話執筆時必告匱窮是蓋由不反其本也邑志例載方言記者將平日耳聞之白話拉雜搜集由單字至長語湊成一篇其因音訛而字晦者亦用意揣求如捉迷藏逐逸馬十得五六可入文不可入文者皆備載之不曰方言而曰土音土語以其鄙俚粗俗無有過是者聊以助邑人解頤云爾

單字

整 與零缺對凡物體數目完具曰整邑土音遂讀若耿遂不得其字又土語設謀用法害人曰整人作事不循法曰亂整近時暗地人曰暗整皆此整字本安排整頓以作此事之意而引申之今人強用亂字者非是 揣 暗中以手探物曰揣邑俗語引申藏物於懷袖亦曰揣而音轉爲陰平遂不得其字又引申以小杵舂鹽椒薑等物於臼中使細亦曰揣 屈 人

身正立臀向下兩膝著力高聳兩足頓地曰屈到起土音多讀若哭又或轉陰平若姑 伸

由屈而伸曰伸起來土音遂作去聲讀若寸 若由平地而起用蹲字亦可蓋自地起必踣其膝也 卽讀陰平者亦多遂若稱 車

此字惟居又兩音土音讀爲怯之陰平車輪圓轉而行土語引申凡器物圓轉爲車 如車轉車開是

又由自動引申爲人動以刀削物使圓亦曰車 爲人掩罪設詞解釋曰他車 稀 乾之對曰溼密之對曰稀土

音乃以不乾爲稀如稀飯稀泥稀糟是蓋飯泥等物浸於水中則實質稀故以稀代溼也 拋

土語物質硬之對爲帕之陰平不得其字記者疑爲拋字而土音稍遂也蓋物生硬則質緊

縮熟則拋起卽冷縮熱漲之義 引申爲物柔軟爲拋和 至謂物質鬆散者爲泡則象水球之外實內空也

又拋音亦或轉若泡如出言作事不精細曰拋茅是也 瓢 土語人精力不健曰瓢布疋稀

薄亦曰瓢 俗云絲瓜寬 象瓜之瓢 胖 去聲音半半體肉也平聲音槩大也人體豐碩曰胖當從平

聲土音轉爲旁字去聲章氏新方言體充肥曰厖廣東謂肥大曰厖壯至俗呼體瘦細曰躄與

胖對讀浪之陰平按字書躄字力登切音楞解但云身也與俗用音義俱不合記者疑本爲浪

字蓋人腰身瘦小則行搖如浪也 撈 俗語竊取人物爲勞字陰平蓋卽撈字而音遂也凡

竊取者不暇詳盡但以手撈之 呼竊盜爲撈哥 水 火 土 山 柴 俗語謂人困窮衣服敝薄曰

水起水了水起的水引申作事不堅固亦曰水衣服美盛曰穿得火用物多曰泡火水之反也服用言

語不脫俗皆曰土不悉外間風氣也身胚大衣裝盛而氣象粗曰山象其笨也又曰柴象其笨

而立也皆譬喻形容詞 蘇廣 從前外來服飾之物蘇州為美故土語通稱人物文雅脫俗

曰蘇氣曰蘇派且直曰姑蘇蘇州古山名又曰江湖意同自清中葉西南洋貨物來華自廣東入故通

稱外來貨物精巧者曰廣與土對今則不曰廣而曰洋至人聲音曰廣起廣起則以廣東人音不同也灑 此字史矮

史啞兩切入九蟹二十一馬兩韻內同酒邑多讀從史啞切俗語以手拋物向遠及周旋拋之音史矮切似當

用此字蓋本灑水而引申俗乃用甩字字書無之乃俗人臆造又字書有摔字釋為棄物於地

及灑脫證以摔手摔袖即俗語拋物之義而音為入聲疏聿切記者竊疑率又為古帥字兼入

去兩聲帥本為佩巾人身佩巾亦周旋搖曳帥與俗語拋物字為一聲之轉上去則古或直謂

拋物為帥用率字因人手拋而加才歟又俗語謂無事遊戲及以手弄物為耍亦史矮切邑人

亦讀史啞切與灑兩音並同此字晚出疑本亦灑水之灑蓋灑者周旋四散有無事戲弄之態

若瀟洒洒落洒脫則無事之態也 蹺 以一膝加一膝上曰蹺二郎腿當作二樓腿以足掌提高向

前曰蹺脚累物高而不穩曰高蹺蹺皆陰平土音又轉為陽平長物橫臥中高不能貼地曰蹺

起用橋字亦可象兩頭下而中高又轉為去聲或一頭或兩頭不平均曰蹺如蹺尾巴蹺鬚子蹺嘴皆此字路之曲

者曰幾灣幾蹺三橋塘有三蹺灣俗寫作窠非亦此字 就 以繩索纏束一帀為一就禮記大路大車繁纓一就

先路三就次路五就注五采一帀為一就引申挽髮曰挽就就挽至數就愈上愈小形似螺螄

曰螺螄就又孩子形狀似之因謂小孩為就就加一細字曰細就就土音皆轉為陰平遂不得

其字 又引申人性不直而橫曲亦曰就幾轉又引申為動詞竹膝堅硬之實用力屈之為繩索亦曰就土音則轉為上聲又以兩指拈人之肉而曲之如就痧就包亦是此

字總為挽直使曲之義 小兒含乳不放曰就奶雖不用指而用口亦使乳頭曲也至孛字 一作揪字惟用之以手擒髮無使曲義 撞 兩

硬物相搏曰撞 蒲孟切按孟字音更切音悶敬韻邑音多讀如夢送韻撞亦隨之誤如俗語一撞頭 人每忿極以頭搏堅硬物之謂小兒打撞錢不期而遇曰撞

著成敗得失不能預測而必為之曰撞命運皆是土音又轉為龐之上聲義同 如撞頭 撞 物

不用而置之曰擱 俗言擱錢擱帳有事擱擱土語引申置物於高處曰擱音轉為去聲如課 又如言擱擱放即將此項事擱放在某人肩上也又

轉為陰平如科 俗言事不忙做曰擱到起又以掌擊人曰擱他幾下聲皆為陰平 蘸 以物投水而水反躍起也俗語話不投遭反對

曰蘸轉來 畫 碎物積聚或以棍或以手散開應是畫字土音轉為陰平引申有利之物我

欲操權猶占不許他人近前曰畫他開畫到起又以刀畫竹起篾斧破木為柴亦是畫字土音

轉為陰平若華惟即用華字亦可華古花字如花朵本圓而析為數片也禮記為天子削瓜者

華之注四析也周禮無有華離之地蓋整物析裂則如花片 鄙 就一國言邊邑曰鄙就一

邑言邊境曰鄙鄙之人物必粗野不美鄙與鄙對 鄙美也 引申凡物不好皆曰鄙土音轉為劈字去聲遂

不得其字 儻 吳人鄙中州人為儻父宋明帝呼王玄謨為老儻儻者身長大而舉止粗也

邑語亦謂無禮節曰儻粗 邑語容貌不美曰儻儻頭 儻腦 俗語引申做醜事曰儻人面目被羞辱曰招儻土音移讀若

臧遂不得其字 奘 與馵莊上聲 音義皆同馬粗大曰馵人粗大曰奘俗語譏人笨實曰奘棒當

用此字戇字乃性直硬固執對尊貴有勢者不肯阿附逢迎俗言直戇當用此字至不聽從教

訓商量土音轉為江字去聲亦是此字 惑 人心不能辨理曰惑土音轉近化字上聲化之上與惑為

雙聲故轉 謂不聰明曰惑呼此類人為惑子又惑何雙聲土音以詐偽之術惑人讀如呵蓋由惑轉

何由何轉呵也如言惑人哄人惑哄駭詐皆作何之陰平至恐人不從己姑以有利之言欣動

之亦是此字說文有詫字託何切引方言沈州謂欺曰詫此乃偏方後起之字 投 以物與

人曰投誘人及動物者必姑以物投之士音轉若兜如釣魚餌曰投食戲弄小兒曰投娃娃是

皆以投為誘也 呆 人不敏捷活動曰呆代字 陰平 俗人不達以呆字代以為若木之立也字書

呆乃古梅字 言 人心不明理當曰蒙曰瞢音蒙不 明也 蒙茫雙聲土音既轉為茫之陰平不得其

字遂以音字代之字書音字玉篇使人問而不肯答也楊子方言沅澧之間使之而不肯答故從亡口按使之不肯答乃不願意非心不明也惟今小兒或年老不能自進食可直用此字曰音飯音羹取彼雖有口不能自食猶之亡口 惰 曹不明也音蒙一作惰音悶不明也土音轉為陰平行事不言曰惰到起行事不使人知曰惰到行用瞞字亦合至俗言蒙頭行三字全轉若捫歎興 慙 呼甘切漢之陰平俗言慙癡慙頭慙腦慙非甚愚但不知取巧轉變 枝 指趾手足之枝也手足身之枝也俗語引申名詞為動詞凡伸手足及指趾皆曰枝音移若癡鼻梁單而高出亦面部之枝故作事有失收不轉來曰支鼻子 衝 並列之物獨著力向上向外曰衝土音轉為去聲今雖有銃字乃火器專名字屬後起轟字初屋切入聲義為高出而音不合今人有用以代衝起者 狡 土音轉為陽平意亦稍移為人不馴之稱 担 一作擔側加切楊子方言南楚之間取物溝泥中謂之担以手爪援物也俗言担錢担飯吃担扯當用此字抓字乃側巧切音蚤搔也杜甫詩注玉搔頭今之抓頭乃找之本字 挖 烏括切點韻本作挖俗以鋤取泥當用此字土音或轉為陰平如以鋤挖土以爪挖人是也 搨 渴 誦切尤韻字有數義一作投也乃以手擲物向外 莊子以瓦搨者 巧以鈞搨者 憚 一作提也曲禮兩手搨衣一作探

也藏物於懷而探取之惟第三義爲用手取物亦與以爪深入鈎取之義不合而俗用之如摳背摳泥摳水之類皆爲以爪深入又引申爲狀詞音轉陽平攪利深入一毫不肯放鬆曰摳如言摳錢摳米打摳算盤之類又以繩索挽圓圈俗語用彊字曰打彊曰挽彊彊記者謂此二字俱可直用鈎字鈎之爲用亦曲而深入 挑 以鋤以棍去地下攔塞之物曰挑土音用鋤則移若滔 游 物動不定也土音轉爲去聲物頓未穩曰在游遂不得其字 尖 土語謂聰明爲尖鋒尖則能入木心尖則能入理 扁 物形不圓曰扁扁者團之對土音全移遂不得其字 拌 人於有情誼者之器物不給值而勻其與曰拌音爲聘之陰平拌字本胡官切與聘之陰平爲雙聲又轉上去兩聲其義有所棄也俗言拌到命不上算拌到家當不上算則從上聲若但言拌命跟他兩個拌則從聘之陰平本爲與者不得直而空棄曰拌俗語求者不給直而空求亦曰拌蓋求人拌也 肘 手足幹轉彎用力處也俗語引申以手用力扶人物使上曰肘如言肘起他人服肘是因必用手肘出力使上也土音又或轉爲湊字陰平如肘上臺肘住起是又出力推開亦曰肘如肘他開肘倒他是惟助人成事曰湊合湊他一把之力當是湊字土音亦轉爲陰平 撐 上覆之物將下墜須撐之土音或轉若寸曰撐住起撐起去 墜 土音或轉爲

陰平若佳如墜崖墜官司

語非人之利故彼人告而涉之曰墜

康

音康上聲物有蓋有底蓋下覆曰康

匡 古

盛物之方器說文飯器也以竹爲之後因加於詩筐之宮之但注方曰筐圓曰宮後世無宮之名而名圓者曰筐如家用斗筐是其非竹者但作匡如目匡蟹匡是凡匡之形邊高而中陷俗語引申邊實而中空若洞若眼者皆曰匡如衣被中有大孔曰匡匡音稍移爲狂之陰平 絆

以索繫牛馬足曰絆俗語此物觸彼物亦曰絆

如挨絆與沾絆

倒

傾器中物出外曰倒蓋必倒器

而後出也土音轉爲去聲

招

以兩指甲入人肉音近恰

凹

音葉穀豆之屬外有殼內

無實曰凹殼腹空曰凹肚皮山形左右高中陷亦曰凹又於交切音坳無鴉音今俗於山之嵐

凹凹口則讀若鴉

或代以埵字按字書埵字音五同陽又解曰小障曰厚城音義俱與山缺不相合

於坳則讀爲去聲若傲

舞

本以手作勢爲

戲方曰舞曰弄土語普通以手用物作事皆曰舞曰弄如自認作事曰我去舞我去弄及招人

作事曰你來舞又曰你來弄而轉弄字爲陰平

馬

馬者高大之物俗語用作形容詞凡物

堆積高大曰幾馬堆積之曰馬起計大數曰馬一下至不許他人搬運曰馬到皆指積聚高大

之物也用符號計數曰號馬曰打馬子則本古投壺禮以記數之籌曰馬亦謂略計大數也

等 待人爲等人待時候爲等時候章氏新方言謂待等字皆從寺古侍字服侍人君者曰寺

人服侍人者行動不敢自專必等待其主 足 身之下體曰足俗語移爲凡立物之下體亦
 曰足重言之曰足足又曰落足卽落脚也而音移若獨遂不得其字 挾 弱者被强者挾制
 曰受挾或曰受挾磨以勢力挾制人曰挾人土音轉爲陰平若鰈 負 糊 欺負人之負
 轉爲陰平若呼以僞語糊人之糊亦轉若呼曰糊哄 眨 仄夾切土音麥略視也廣坐中卑
 賤者妄發言尊長者不便顯然呵責則略視以止之 映 子葉切音接目旁毛也土音讀若
 雜曰眼映毛又引申作動詞目屢開合也俗言映眼睛 瞿 陰平音娑土音轉爲入聲若朔
 私視也 擔陰平音單以兩肩荷物也去聲音但兩肩所荷爲一擔衡百二十斤爲石量十斗
 爲石人力一擔能勝一石故可謂一石爲一擔而石無擔音又俗以担代擔亦非担拂也擊也
 拴 此緣切音刪以繩索之屬捆物也 擗 祖含切以兩指拈毛也一作擊 蒙 以
 紙布之屬掩器物曰蒙土音轉爲陰平又轉讀若們雙聲也又轉爲蒙之上聲若以手掌掩物
 或掩耳曰蒙到事祕密不使人知亦曰蒙到然又轉爲蒙字去聲若夢縫衣者以布補肩曰打
 蒙肩形聲字從蒙者甕中蟻蠓亦作上聲曰長蠓子 快 曼 俗語謂速曰快凡快意者無
 不速也遲爲曼曼長也作事怠慢者必延長今直作慢 跨 一足在物後一足越物前曰跨

土音轉為入聲入人屋曰進屋 搬 以手用力移物曰搬俗語引申以手弄物亦曰搬至用心

亦曰搬心以故事來歷詰人曰搬條 逼 土音或轉為陰平如逼人使移曰逼開逼上坎

跳 足行不依步曰跳跳者行必急俗語因謂急行為跳而音轉為陽平若條如言跳塘子時

設郵遞之號曰塘子 某人已經跳了是但用跑字亦合 翻 土音或轉為上聲若板如小兒身不安靜曰

激天翻地及將死而身亂動曰翻命皆是 激 水離地上行曰激土語引申人離地上躍起

亦曰激音若卽 礪 本作礪石自高圓轉而下俗語凡物體圓轉而下皆曰礪音轉為陰平

萎 音威草木將死曰萎人無精力亦曰萎 苗 秧之後禾之先曰苗苗矛雙聲矛聲之

轉為務土音因呼苗若務苗茂曰務仗好 嘔 人有憂傷氣鬱於胸而後出口嘔氣俗人不

達乃造急字 捲 物體不伸曰捲本作卷 土音或轉為陰平若捐如捲脚捲腰幹圈字亦從卷也 是又用

娟字亦合象桑蟲之屈也 鬱 氣不伸曰鬱土音或轉為越字陰平而用諸物體如受鬱

逼打鬱頭釘子是屈竹木為圓形曰鬱攏來 談 與人長話曰談土音轉去聲若嘆 喚

呼人聲輕曰喚土音轉為上若罕更造呼字 絮 俗語謂人吝嗇音若絮疑即絮字蓋其出

財物零碎微薄若絮也 按 以手探物為揣以手據物為按引申本情以探未知之事為揣

據理以斷未定之事曰按俗語乃以憑虛臆度為按義似稍差然凡揣度者莫不有所據蓋以心按之也而聲轉為陽

平 下 凡舉動一次曰一下 裂 土音或轉為上聲如將整物用手力裂之為裂破字書

有搥字乃後人所造 搥 入聲尾革切以手揉物也 帶 衣外加帶帶隨身者也用作動

詞繫物於身曰帶以物隨人之身亦曰帶如帶信帶東西求人攜帶本牽引隨身不甚用力之

義俗語或但取牽引隨身而反用之以兩手用力牽引隨身亦曰帶而轉為上聲如今捉人曰

帶人不許人行兩手捉之亦曰帶 罪 土語呼盜賊之首音為罪之陽平清季呼太中向不得

其字今思即罪人或大罪省去人大等字但呼為罪聲又轉平耳 朋 人與人相從為朋引

申以身倚物如倚時倚曰朋土音轉為陰平至邑中搭會數人共一脚正宜用朋字不必用棚字

以下摘引 火炙曰燒又曰燒 鼻塞曰壅 目略視曰瞶音苗曰瞧俗言瞧得起瞧不起 魚網曰異音旋 皮膚

起皺曰皺音村 土高起曰埧方體器物之邊曰稜船邊曰舷土語通謂器物之邊曰舷以刀磨瓦盆上曰鑿 以辛香料和食物曰馨

物堅硬而微裂曰剝 五金器物漸消磨曰銹 割牲畜曰騞 舂米曰籩 流質堅結曰凝

讀若 以皮冒鼓曰鞞音瞞讀苦門 以手推人曰擡 狗耳垂曰搭 物體中破曰斯 鞍荐抽箱

皆曰屨音替 高出曰轟沖之去聲 短衣曰褌短木曰褌 草木密曰纂纂 田間通水木槽曰筧 搓麵

成條曰擗音快 箸曰箴音快 手挽曰撻音俗作 手裂物曰搥 得利曰賄 行止粗率曰体音去聲

拈毛曰擎音全一作擣 蟲螫人膚曰蠹音雀極蠹人之蟲曰蠹辣子 屈體曰蝟 以器厭物曰馨 肉皮起瘡曰

皦水膿皦皦 果實之核曰覈音弗 以刀去瓜果之皮曰雪音用削字亦可 刮淨曰剗音用剗字亦可 甌底箴器

曰筭音閉 履中模範曰楦音炫 禮倦張口舒氣曰打呵咳 汗穢曰沬音惡俗言沬濁又轉作去聲若穢衣服汗濁曰沬沬了 冷

飯變味曰餽臭音轉若斯 物氣鬱於器中而臭曰馊臭 物極臭曰臙臭 極香曰馨音蓬之去聲 香

鹽鹵曰膽音即膽水以其味苦如膽俗人用并字係為造 足掌貼地進退曰跣音茲 足踈曰躡音立之陰平 牙齒露外曰齟 背負物

曰背音土音轉平聲若悲 線條曰結音柳 物溼而黑腐或起癩生毛曰黴 小兒曰崽 唾人聲曰啡音坏配二音

傷痕曰痛瘡 聲不清圓曰暖音亦近花 呼人曰焯音今牧童呼人聲 飲聲曰欬音骨俗言敵的一聲 食物毒人曰撈音郎到切

以瓢汲水為盃音變字上聲 以物沿溝水向上曰屛 應聲曰欸愛字上聲聲長曰欸乃 言詞不

聽從曰響音去聲 以篾束物曰籬 以釘入壁曰釘音下釘讀去聲音定 鋪底曰壩 牡牛曰牯 閉門短木

曰櫃音誦 以力逼取物汁曰罽音擠 撒麵或灰於他物上曰揆音厭 以鐵燒紅入水發聲曰粹音翠

手探曰撈音勒 小兒手據地伏行曰趨音土音若跋 口吃曰蹇音簡 以鹽漬生菜曰醃音上聲 齒畏曰

噤 築泥堵水曰迓音作 跛行曰趨音料 總家中器物曰家私 齒齧骨曰齧音恐 穀穗曰稌

生卯之生去聲 舟著地不能行曰滄珂去聲 脫穀壳出米曰磴五對切音內 牲畜肥脂曰臙

指文曰嗝土音若樂 脬胞同字 火爆物而騰起作聲曰炘音作 天熱肉皮生癩曰痂子 母豬母

狗母羊皆曰草 豬項肉曰臙頭音曹 兩手相切曰按音奴禾切又作按土音轉為去聲若諾

兩字俗語不喜單字於名詞為一字者多加一字以足之

冰曰凌冰周禮令凌人掌冰詩藏冰之室曰凌陰水之積而不化者曰凌 氣凍而成冰曰逞凌土語以寬長之物外擊曰逞如逞耳巴子逞條子逞灰逞是按逞字有舒展之義若以上數詞用扇字亦可扇者寬長搖動之

霧曰罩子 電曰火暎虹音轉為枉之去聲 又曰火連圈 極冷曰霏冷 極熱曰霏熱文言及土語多作霏似因霏紅為紅之極

而引 午曰少午 謂時間不多以代須臾俄頃曰下下蓋狀以物之一下其時不多也 上元節曰大年 境遇

事業不順利曰背時又曰背陰 講謠言曰扯風 婦人分娩後一月曰坐月稍有生活者此月概不行動作事是坐一月也

又呼為月母子此一月母子不離也 土曰泥巴物體寬平皆曰巴言手可把也 外門曰財門 廁曰毛廁 堂外階上曰廳口 室隅狹

處曰胯胯曰角角俗有榘榘二字按字書榘字泥展切音義與榘同榘字同恩切田器是二字皆為石物也人物身骨深狹處曰角角地地形深處亦曰角角角角當是借身體字作形容詞 山圓而高曰帽

帽 地低而廣容水曰蕩蕩俗講造迷字 山寬平處曰壇壇本應作堂字詩國風有紀有堂堂山寬平處也 下地寬平曰

壩壩古代霸王占地寬 山之缺口曰嵐凹山氣曰嵐 歧路曰义俗用岔字 呼家貓曰吼子吼音轉陰平又

曰壽頭 外方呼驟馬為牲口邑呼雞為牲口 頭曰腦壳 耳曰耳朵朵音轉為平若 臉曰臉朵

桑音轉為陰平若兜

頷曰下齏

牙根曰牙齦骨頷內曰下齧骨

手掌曰耳巴

凡小物面積寬長者皆曰巴把也言手可把也

肱曰倒拐

胯曰夾孔

小兒溺器曰蟲蟲

足肚曰螺螄骨

足根裂曰皴口

土音訛疑為冰

瘧疾曰擺子

又曰發冷的 聳成人

賣牲畜者曰偏耳

婦人曰堂客

傭工傭力求食曰邱二

不知其義疑為求兒

劫盜曰老一一

若輩自稱 白晝

市中行竊曰瞧趕又曰埋頭

譏富翁曰肥鱉

劫盜劫質說錢曰肥豬

窮極無賴曰乾人

無錢害人曰光棍

棍 嬰兒下地無聲曰悶生

瘦弱極曰樣人言僅有人樣也又曰形人言僅有人形也

土音轉形為陰

平若與物不堅實曰形巧事不堅實曰形得狠

文人曰老酸

鬼曰落魄

言遇之使人落魄也土音落魄為陰平魂轉為呵

窮極無業閒游市中曰鞞身

言兩手常鞞也

不直曰扭襟

扭音轉為歐

小兒不馴曰干犯

土音轉若千翻

言語不柔和曰骨董

土音轉若鈔動 做

事待人不留情曰萬到日老火日埤塹

逞能曰行市

土音市轉為製行市猶言擊行也

又曰行家

三字曰行家錢俱熟悉交易之意

小兒能自遊戲不挽其母曰離娘土音轉若利朗

引申為凡物離開不辨簇之詞作利朗亦可

飲食服用言語不屑

樸直曰樣假土音轉為央甲

乾淨之反為洩濁土音轉若窪租

二字俱在麻韻 作客稱謝曰打攪

作客辭同伴曰相別土音別轉若編

聞成都人語曰有編似仍即有別也

用力曰搭

徒感切手動也 勁

取巧曰耍尖

避事曰躲漩

藏身避捉曰藏覓

離間人將成之美曰攪頭

言語行止詳細土音轉為

下些 以身下人曰下鬱土音轉鬱為越之平聲

心內不服口中念念有詞曰咕嚕

說詐

事曰談別土音訛爲嘆白 未事之先預出不祥語曰放快 口語不潔曰撒村 言行通達
 美好曰漂亮 買物出貴價曰上當上猶過也價在相當之上也 買物去低價曰相應土音
 轉應爲平聲若因買物者不肯謂低但曰物與值相應也又謂物貴曰值價亦不肯認真之語
 值價者適得其值何貴之有又謂人遇禍不逃避亦曰值價言不屑苟免若物之貴重有價值
 也 色難 俗語此二字極文而深而土音轉難若賴幾至不可曉如言色難人家色難得狠
 皆謂作太過情之事或人之色難或己之色難卽言面子上轉不過也自就過甚之意引申爲
 至極之辭如言色難好色難遠遂離其本意且不可通矣 常語有意屬一面而詞兼帶對面
 以求圓者如意專言有急而詞曰緩急求人玉成者意專屬圓而詞曰方圓嘆險惡能爲我害
 而詞曰利害是也用者疑利字不合改爲厲害非是 通稱家用器物曰家私土音轉私爲事
 又曰東西以其滿室殺列也 誇人明敏曰玲瓏面面俱空之意土音瓏轉陰平 作事手足敏捷曰趨
 靈曰快當 不簡淨爽朗曰噉以聲雜爲喻 寬剩剩音轉若身寬敞寬長敞長音轉若朝 反語
 諱不祥如人老而弱反稱康健失火爲失水墜水爲墜灰失財爲長財財物用盡爲發財是也
 強改發爲乏失其本意 布置家用曰補納有艱難之意如補衣納鞋土音二字俱轉爲陰平 翹音

笨遭儉土音打杵失格受方皆同意方不入圓卽人不順己意也 疙痞皮膚腫起 人物容貌顏

色好看曰精緻 保護土音轉爲包福析之曰包得到福全失本義凡俗言包定包他本皆保字後易以包畧通 說話隱

隱欺人曰蹊蹺 營業贊本曰本頭土音本轉爲陰平若烹以贊本貸人曰放稍 教導土音

轉若交招 嫁女曰打發又曰交徹 夢曰魂囑土語轉若混老 玩假土音轉若完格 尊

長以吉祥語預許卑幼曰封贈

三字

雹曰雪彈子 呼天曰天老爺 語不沾實曰款天話 夏時暴雨曰偏東雨說文東動也不專指東方 細雨

曰霖霖雨土語作毛毛雨 幸免危害曰天星高 徧地謠言曰地皮風 取利大盡曰刮地王 身短小

而多機詐曰地孔鑽地胡椒 水中死屍曰水打棒 有勢者得利而已徒奔走效勞曰夏侯

惇疑爲下候等 暗中唆弄曰噉弄子土音噉轉爲取之陰平若蛆弄轉爲羅之陰平 漢大心直被人

噉使曰徐大漢 被人指使當場出熱曰當草包 暗中設謀曰拏蚊帚 隨身附和曰當吼

班曰打旗旗 在一羣中稱雄曰充吼吼 無所依賴曰賴食侯依賴他人而食 又曰乾雞子 紈袴子

弟曰花公爺 輕鄉人樸質曰鄉壩老 一事提手之人曰舵把子 稱鄉人年老曰老皇帝

年老而雄有小輩輻輳曰老太王 飄泊求食曰流勾王句音蓋亦 語言行止不鄭重曰糞

頭子 無精神曰陰司鬼 未事多言而不實行曰啁山雀 富豪不久曰亮火蟲 好虛飾

曰假斯文 土俗曰土巴條 伏山林劫人曰嚙嚙子 性急曰沖天礮 性不平和曰稵稵

子 妄行惹禍曰飛天棒 眼細開斜視曰乜滅字上聲土音轉為陰平 眼睛 妻淫之夫曰尖腦壳 老不

管事曰窩裏老用瓊崖小兒事 空喫人飲食曰蹺胡子 少年仗勢好凌人曰轟搭搭 赤身曰光董

董 無錢曰乾黃蟬 多言曰打卦婆 作事遲緩曰薦皮骨 傭力曰賣力傭土音傭轉若

淵又曰打鼓子 青鋪鋪 青簇簇 青幽幽 綠陰陰 白森森 紅東東疑為凍物凍而色益明 紅

霏霏紅之細碎 黃爽爽 烏秋秋凡從秋之字皆含不舒意象秋氣也 短杵杵 寬片片 窄條條 輕拋拋 重騰騰

土音 高蹺蹺 矮屈屈土音若哭 淡泊泊 毛撐撐 漫騰騰 懶癡癡懶則不速進行象若癡 惡楔楔槌薄木片入縫

曰楔音辟楔開之縫必不寬引申凡箱篋微開一縫曰楔開音轉為陰平人怒作惡說必微開其目而斜視也 蕩拍拍鳥翅下垂為拍翅故人無精氣手向下垂與蕩近而非蕩亦曰拍土音轉為上聲 肥曰肥腩腩腩音突土

音轉 瘦曰瘦莢莢 閒談故事曰龍門陣曰王百六 嬰兒曰奶米米米米狀其細也土音轉為陰平小兒多曰米子 做

事不實曰做過場 借故欺飾曰扯揀子扯綱綱 徒尙虛文曰虛圈套 同事不出財力曰

扯乾乾 外面好闊曰玩牌子土語挽玩二字俱作舞弄用音俱轉為陽平若頑 乾瘡曰乾疙痞 指搗曰雞爪風 寒病

曰麻啄頭 喉痛曰長蛾子 瘡症曰零活路因每日一次 勞而無功曰空彈琴 羣吼曰打呵邊

事急無策心慌妄行曰竄草雞 己勞動人坐而得利曰攆山狗字書無攆字姑從俗 空言稱頌曰送

財神 戲言曰訕談子 文言敏捷曰即口流 文篇短促曰狗飄尿 鄉里窮人曰苦瓜皮

安坐不動曰安禪態土音轉禪為山 欄腰詆人之短曰奪二絃 倚仗有勢力之人曰抱大腿倚仗在

家有人助勢曰搬門方 小作為曰小法事碎雜貨物曰小丁當 出語不潔曰帶把子 言

不順理曰挪橫條 立刻發怒曰火臉貌 咒人短壽曰打嫩顛 形狀舉動可笑曰活把戲

人精神不爽曰不伸眉不新鮮 故事不如意曰不逗頭不順稍 後不如前曰不跟絡

目不明曰不相看耳不聰及有疾亦借用之土語音看微移若干有疾則不出門與人交接故可借用 事無妨害曰莫來頭 隱

忍喫虧受累曰閉口沙 結婚曰打親家 行步不穩曰打亂竄土音亂竄俱轉為陰平 做事半途而止

又執他端曰馬咬牛 以事之要訣驗人能否曰考金石

四字及長語

相去甚遠曰遠天十里 小兒大膽妄行曰瞞天過海 多人囂鬧曰呵火連天 弟子叛師

曰打翻天印 善惡無報曰天莫眼睛天嘶渴睡 本地人鈎引盜賊曰地頭毛子俗呼獼為毛子用捕魚者也

挾己所憑要求厚給不肯稍降曰死抱天牌 取物從上而掠其大要曰撈天一爪 呼夜

間為夜晚住家 處事不固執常理曰隨灣就灣 又名灣灣 田灣灣 農人苦作曰臉朝黃土背朝天

妄想非分曰餓老鶴想喫天鵝肉 醜賤之夫娶醜賤之婦曰餓老鶴啄魚鰍 窮人急望得

財曰餓猴極了 使同事人出財本身取巧曰扯鋪蓋蓋脚 出了錢不得見場面曰有了肉

飯下糞 出門就事不敢索高價曰貨到地頭墜 土音墜 轉陰平 勉人勤業以待世用曰頓得歪歪貨

自有賺錢時 仗恃有人當大禍患自身偷閒曰幾多長桿抵住天 大言無根據曰飛天玄

黃 以事之要訣首先提出試人曰跨門經 譏人在羣中不居重要而亦與列曰和起和起

把壽拜 即南郭 吹竽意 語無倫次曰扯張爬李 逐處求人曰投張募李 作事發言不踏實曰張市

王場又曰過市囓場 鬧上音 轉若郎 言語舉動不直切曰牽斯擺文 按斯文二字不可斷而俗 語析之以求長展整齊也 教人作事勿

戲玩曰振一作二 嗤人藏物多而雜曰七娘八老子 撈三雜四 講五講六 說七說八

七七八八 攪三和四 五搶六奪 說一不道二 挨三遞五 講七講八 與說七說八 意旨略不同 七長

八短 七撈八攪 七糟八爛 隔官府遠土豪逞強曰山中無老虎猴三稱霸王 禍患相

連曰鴨子躄秧一路行 做事先硬後軟曰鷄公高屎頭節硬 得此失彼曰猴三搬包穀

妄自尊大曰老鼠子爬稱鈎 盜賊出必有獲曰老鼠子不打空倉 勸同僑寓之人莫爭主

權曰叫甸子爭岩嶮天亮了是別個的 賣物賣藝不求人售曰姜太公釣魚願者上鈎 代

人付錢捏在手中私用曰驗溜滑馬上語作騎劉黃馬未知孰是 貪得甚切卒然失望曰貓的眼睛綠了 勢

衰隨事被人反對曰騎烏龜都打蹶子 說話不順理曰彎刀殺豬橫起鋸上音以刀無斷物為結字去聲未得其字恐為無音之移

索現錢曰千年穀種望眼時生秧 求利須本日投土音同兜 羊子都要把草又曰打斑鳩都要

貼團泥巴 毫無田產曰打斑鳩的泥巴都莫得 勸父母寬子之罪曰惡老虎不喫兒 一

邑荒邊土豪擅威不怕官曰山高皇帝遠反之曰伸手摩得沙帽枝 熟人輕易生隙曰一絲

頭髮遮著臉 不容再說曰關門抵槓 無精力曰因因循循土音轉為仙按因循乃作事不能自立意土語以狀精神病全離本意

又曰萎頭擺頸土音頭轉為兜如蓬草一頭曰兜 微聲如蟲曰囁囁噲噲曰咄咄嗚嗚 微行有聲曰些些梭梭

疑為細細縮縮 細密不清晰曰擠擠麻麻 物零碎微末曰丁丁點點 似滴雨聲曰丁丁東東土音俱轉為上

聲曰頂頂素董 耳聾聽不明白曰顛顛東東 不明瞭曰模模糊糊土音變為馬胡 作中立人不偏駁一面曰

會砍豬頭不傷邊 一家人易於和好曰熱肉易生 聽不明好話曰對牛彈琴 量財力營

業曰有好多泥巴捏好大個佛 對親切人要說真話曰真人面前不燒假香 收效之日尙

早曰八字不見兩篇 教子弟不求急效曰一斧腦砍不起觀音菩薩 老年人多經驗曰薑

是老的辣 法術利害曰癆人的藥不在多 得利甚穩曰端起豬頭打勝卦 凡以兩手捧物皆曰端 蓋取其形端移狀詞為

也動詞 拐人婦女曰騎高脚騾子 兄弟宗族不相和曰徹了籬笆等狗鑽 勸人兄弟勿起

爭曰牆倒莫望外揪 對待人須有分曉曰提刀割肉起眼看人 譏人自誇曰誇口太醫無

好藥 幫人做的事自家還要請人做曰自家的端公槓不了自家的神 事求速效曰吹糠

見米 應濟人須量力曰打米量家箕又看有好大個肚喫好多醋 權力能為人了事故意

放縱稽延曰放陰陽火 事由別人主權我但附從曰唱和和神 以道士為喻 嫌人語長曰長篇古

文又曰長根百舌 有父母在曰大樹脚下好遮陰 他人之事暫移我身曰轉肩打杵 求

利務盡曰鑽孔尋蛇 營利無獲曰水中摸鹽 利益甚微曰針顛上削鐵 用盡方法曰想

方設計 惜財少用曰緊把細捏 作事不懈曰止見辦事 土音轉若 尺見八斯 以怨報德曰打反巴掌

求人不應曰觸一鼻子灰 意氣驕傲曰大起尾巴 諂媚貴人曰摸鬍子捧玉帶 輕怒

曰吹鬍子鼓眼睛又曰紅眉毛綠眼睛 作事能發不能收曰做支鼻子 不能而強謂能曰

假充份舞生 何幸如之曰怕幸不得 怕土音 轉為巴 武力時代不講理曰秀才遇到兵有理說不伸

南川縣重修縣志卷六之二

風土中

動物

家禽

鷄 徐鉉云鷄稽也能稽時也春秋說題辭鷄爲積陽南方之象故陽出而鷄鳴以類應也風俗通祝鷄翁善養鷄故呼祝祝俗每以雌鷄叫且雄鷄生卵爲不祥然人家往往有之亦無大應驗李時珍謂殺之卽已其異種色兼黑白多斑點者曰梅花鷄肉味不佳雄鷄冠淺如雌者曰鳳頭鷄不善鳴羽尾而身背皆毛者曰狗毛鷄易於肥大又有一種羽黑白相間其末帶紅小於常鷄者半曰太和鷄僧寺多畜之以其催曙尤早也

鵝 李時珍云鵝鳴自呼江東謂之舒雁似雁而舒遲也古代婚禮用雁大夫贊雁皆鵝也有蒼白二色及大而垂胡者並綠眼黃喙紅掌善鬪夜鳴應更能啖蛇及蚓故養之以避蟲豸本草拾遺犬咬以鵝糞敷之不爛不痛癰疽無頭用新生鵝蛋壳燒存性爲末醋調敷立穿吾南人家畜者不及鷄鴨之多

鴨 禽經鴨鳴呶呶自呼其名本草名鶩音木李時珍曰鶩通作木鴨性質木無他禮庶人摯匹匹雙鶩也覺能高飛鴨舒緩不能高飛雄者綠頭文翅雌者黃斑色亦有純白純黑者雌鳴雄瘖俗呼雄者爲鴨青人病聲帶不足曰鴨青聲氣其症曰鴨青瘖別種有洋鴨建昌鴨
鴿 張九齡以鴿傳書目爲飛奴李時珍曰家家畜之亦有野鴿名品雖多毛羽不過青白皂綠鵲斑數色眼目有大小赤綠色而已吾邑兒童弄鴿用小木丸空中外粘竹片繫其翅膀縱之高飛聲鳴嗚然雖遠能自還家

野禽

雉 俗呼野雞斑色繡翼雄者尾稍長而禪雌者尾較短而尖寇宗奭曰雉飛若矢一往而墜故字從矢黃氏韻會曰雉理也羽成文理故書稱華蟲宿於坦坡淺草不入深林人逐之則埋頭入草中以爲可免故俗云鑽頭不顧尾性好鬥獵者捕其同類養馴籠以適野使鳴以誘之曰雉媒野棲者尋聲而至遂入網中按雉爲山野諸雞類之總名左傳有五雉爾雅分爲五方又有翬翟二種一身而備五色邑但就土產斑色短尾者呼曰野雞羽長而有光彩者曰翰雞以外色多紅者曰紅雞色白而有麻點者曰花雞尾長略似翰雞周身色黑頭有二小角者曰角雞大不過一斤其

聲喚羽黑而麻身小而肥重不過四兩

哥哥熱之多脂

宿於馬桑林者曰馬桑雞羽毛似青桐葉者曰青桐雞皆雉

之屬也惟吐綬者特別見後

竹雞 一名山菌子一名雞頭鶻一名泥滑滑李時珍曰山菌子味美如菌也蜀人呼爲雞頭

鶻南人呼爲泥滑滑肖其聲也多居竹林形比鷓鴣差小褐色多斑性好啼好食蟻諺曰家有

竹雞啼白蟻化爲泥柱生蟻惟畜此可免見其儔必鬥捕者亦以媒誘

吐綬雞 禽經謂之避株以其行避草木也古今注謂之錦囊蔡氏詩話謂之眞珠雞倦游錄

謂之孝鳥詩經邛有旨鶻傳鶻綬鳥也大如家鷄全身紅毛雜以黃白圓點如眞珠斑項有囊

內藏肉綬每春夏晴明先出頂上兩鞏角二寸許乃徐舒其肉綬向日擺之長闊近尺紅碧相

閒采色煥爛踰時悉斂相傳此鳥不知反哺邑東山林往往有之亦有畜而玩者

雀 俗呼老而斑者爲麻雀小而黃口者爲黃雀李時珍曰雀短尾小鳥也栖宿簷瓦間又名

瓦雀馴近階除如賓客然故又名賓雀頷嘴皆黑頭如顆蒜目如擘椒尾長二寸許爪距黃白

色躍而不步其視驚瞿其目夜盲邑中諺云雀向旺處飛鄉村人家亦有無此雀者

鷓鴣 俗名黃脰雀本草綱目名巧婦又曰桃蟲又名蒙鳩又名女匠楊雄方言自關而東謂

之巧雀或謂之女匠自關而西謂之襪雀或謂之巧女燕人謂之巧婦江東謂之桃雀鳩性拙
鷓性巧故得諸名李時珍曰鷓鷯處處有之狀似黃雀而小灰白色有斑聲如吹噓喙如利錐
取茅葦毛毳爲窩大如鷄卵繫以麻髮至爲精密懸於樹上此謂巢林不過一枝者也一種更
小者名偷箱吾邑市井紈綺每畜黃脰競鬪出重金賭勝負曰打飄其勇怯有種種辨認亦鬪
鷄之類

燕 本草釋名有乙鳥玄鳥鷺鳥游波天女諸名李時珍曰燕字篆文象形也乙者其鳴自呼
也玄者其色也鷺鷯食之則死能制海東青鷓故有鷺鳥之稱能興波祈雨故有游波之號京
房云人見白燕主生貴女故燕名天女其形大如雀而身長籥口豐頰布翅歧尾背飛向宿銜
泥避戊春社來秋社去巢於梁棟間吾南諺云燕子不進愁門燕來營巢人皆有歡迎之意

斑鳩 本草釋名一名錦鳩一名鷓鳩一名祝鳩李時珍云鳩鷓其聲也斑錦其色也古者庖
人以登尊俎謂之祝鳩其形似鷓惟頭小胸凸尾短翼長灰白色有斑文如梨花點爾雅鳩鳩
鷓鷯左傳疏卽今斑鳩性慤孝而拙於營巢天將雨輒逐其雌鷓則呼而反之當四五月鳩呼
搗溝瀦水爲雨徵外有岩鷓雞一種色似鳩較大頭嘴尤大多棲壁鳴聲宏大金佛山產焉

鶯一作鶯

俗呼黃老鴉

舊志黃老鴉俗呼沙和尚

詩名黃鳥鳴聲嚶嚶故一名鶯其色黃而帶鰲又名黃鸝月

令名倉庚爾雅作商庚准人謂之黃伯勞李時珍曰處處有之大於鸚鵡雌雄雙飛體毛黃羽

尾間以黑立春後鳴音圓滑如織機聲乃應節趨時之鳥

百舌 俗呼牛屎八形似鸚鵡而氣臭又名反舌月令仲夏反舌無聲常居樹孔窟穴中色灰

黑微有斑點喙灰黑行則頭俯好食蚯蚓立春後鳴轉不已夏至後止

鳴鳩 形似斑鳩而帶黃色牝牡飛鳴以翼相拂擊月令鳴鳩拂其羽為農家候鳥本草釋名

一名布穀一名鵲鷦一名獲穀又名郭公皆各因其聲而呼之如俗呼阿公阿婆割麥刈禾脫

却布袴之類其鳴時可為農候

伯勞 本草釋名名伯趙又名鳴伯勞以其聲也伯趙以其色也趙皂音近禮記五月鳴始鳴

幽風七月鳴鳩即今之苦鳥大如鳩黑色其鳴曰苦苦又名姑惡人多惡之俗以為婦被姑遣

苦死所化吾邑鄉村小兒直做其聲曰狗阿俗遂以狗阿雀呼之

鸛谷

音劬欲

周禮謂之鷓鴣從勾從欲省廣韻謂之唼唼鳥唼唼其聲也天寒欲雪羣飛如告

又名寒皋皋者告也南唐李後主名煜臣下避嫌名改呼八哥李時珍曰五月五日取雛剪去

舌端能斂人言吾南執袴子弟多畜之視如珍寶

鴛即啄木鳥俗呼啄木鳥為啄木官本草釋名名劉木又名鴛李時珍曰此鳥劉裂樹木啄取蠹食

故名禽經鴛志在水鴛志在木異物志啄木有大有小有褐有斑褐者雄斑者雌面如桃花剛

爪利嘴舌長於味其端有針刺啄得蠹以舌鈎出食之吾南各山均有坤雅鴛善為禁法能曲爪畫地為印穴之寒者自開俗傳盜欲退人

家門覆俟鴛飛去故以木塞其穴而布灰於地鳥還即灰畫符因以討其法焉

烏 本草綱目有慈鴉孝鳥寒鴉等名李時珍曰烏字篆文象形鴉亦作鷓禽經鴉鳴啞啞故

謂鷓此鳥初生母哺六十日長則反哺六十日故有慈孝兩稱謂之寒鴉者純黑小嘴羣飛作

鴉鴉聲冬月尤甚吾南各區都有縣署後煤山青毬樹上夜集尤多

鴉 本草釋名一名老鴉又名大嘴烏李時珍曰烏鴉大嘴而性貪鴉腹下白不反哺善避繪

繳古有鴉經以占吉凶師曠以白項者為不祥吾南亦處處皆有俗以其聲濁憎之聞其驟鳴

不休方中必有死者按烏與鴉名不免相混烏兼得鴉名而鴉不得兼烏名俗語不別統呼老

鴉

鵲 俗呼鴉鵲本草名飛駁馬又名喜鵲又名乾鵲李時珍曰鵲鳴啞啞故謂之鵲鵲色駁雜

故謂之駁爲人報喜故謂之喜性最惡溼故謂之乾大如鴉而長尾尖嘴黑爪綠背白腹尾翻黑白駁雜上下飛鳴以音感而孕以視而抱善爲巢季冬始構巢開戶背太歲向太乙知來歲風多巢必卑下鄉人借以占風季冬啄食土中物種甚爲害農家

畫眉 全身黃黑色矯捷善鬪修眉短尾生灌木間居藩籬上似黃雀而稍大音巧而換速渾似人言而圓滑自如或教之語靈巧不及鸚鵡人之多言而滑利者以此鳥嘲之弄鳥者常飼養之縱其互鬪以賭勝負與黃脰等外有一種名唱歌郎鳴聲極清利金佛山產之

向火雀 卽土畫眉形似黃脰惟腹毛紅色兼金黃爲異頭背尾皆黑善鳴常集人家籬落

山鷓 俗名山鷓本草釋名曰鷓音汗均曰輶音汗均又曰赤嘴鳥狀如鷓色黑白相間有文采赤嘴

赤足尾單直而長不能遠飛亦能搗雞雀諺曰朝爲叫晴暮爲叫雨說文以爲知來事之鳥性喜花春中桃梨花開羣翔其間歡鳴不去惟櫻桃熟時多被食耗人多惡之外有木山鷓一種頭有毛如髮形與山鷓等毛多白

點啄長喜食魚多產水邊

鶻音音 俗呼鶻子一名鶻嘲或名晴雨鳥爾雅名鶻鳩左傳名鶻鳩又名屈鳩陸佃云凡鳥朝

鳴曰嘲夜鳴曰啜劉禹錫曰鶻嚙似山鶻而小尾短有青毛冠在山林間飛鳴翾翔常作啜啜聲東都賦鶻嘲吞鳴是也吾南諺云一鶻晴二鶻雨三鶻四鶻漲大水能應氣候而報晴雨屢試屢驗

鷓鴣 本草又名越雉禽經隨陽越雉也形似母雞頭如鶻臆前有白圓點如珠背毛有紫赤浪文飛必南翥其名自呼早晚稀出性畏霜露夜棲以木葉蔽身向雨對啼俗謂其鳴曰行不得也哥哥孔志約曰鷓鴣生江南吾邑山間亦有之

杜鵑 俗名陽雀本草釋名一名杜宇李時珍曰蜀人見鶻而思杜宇故呼杜鵑以俗傳望帝之魄化為此鳥故也其他有鸞周子規鷓鴣催歸諸名皆因其聲似各隨方音呼之狀若雀鷄而色慘黑赤口小冠春中即鳴夜啼達旦至夏尤甚若曰不如歸去其聲哀切鄉俗則但狀其聲曰舉舉陽每候以興農事

竹鳳 小鳥也常見於竹林中全身備五色與陽雀馬相似而尾較長尤美麗

陽雀馬 黑頭花冠鳥背黃尾毛羽燦爛小於陽雀飛而不鳴先陽雀而來隨之而去若陽雀所乘之馬故名

馬伯勞 多見於田邊覓蟲食喙銳而堅短足健羽尾長一尺黑白相間綠背黑腹白頭項翠綠

茶兜雀 極小營巢於溪路邊叢棘上形似茶兜故名

鷹 本草名角鷹又名鷓鴣鷹以膺擊故謂之鷹項有毛角故曰角鷹性爽猛故曰鷓鴣少皞氏以鳥名官有鷓鴣氏爾雅翼在北爲鷹在南爲鷓一云大爲鷹小爲鷓隋魏彥深鷹賦有嘴同鈎利脚等荆枯身重若金爪剛如鐵之句宿於荒岑巉崖善攫鷄鴨雖供食鄉村婦孺見則呵之

隼 禽經云小而擊者皆曰隼俗名鷄子鷹類中最小者毛色斑紋俱與鷹同惟胸腹白略帶赤色性甚鷙猛飛極矯捷亦好攫人家雞兔下則以翅砍之有謂鷹亦畏之者

鵬 山海經謂之鷲說文謂之鷲音禽經云鵬以周之鷲以就之鷲以搏之皆言其擊搏之狀也或謂之鷲鷲飛戾天亦鷲鳥類似鷹而大嘴短尾長矯悍多力飛翔翼不動盤旋空中作大環狀尾常開展或斜或平以調其勢俯視人家雞雛無細不睹陡然下攫趨捷異常喝呼護救亦莫之及鄉人統莫能辨鵬亦以鷲呼之

鳴鶴 俗呼貓頭雀呼鬼冬哥又名春哥春將至則先鳴俗謂之調春又呼夜食鷹本草釋名有角鳴怪鳴鈎鶴等名陳藏器曰鈎鶴即爾雅鷓鴣有角怪鳥也夜飛晝伏頭目似貓鳴則雌雄相喚聲如老人初若呼後若笑所集多不祥莊子鳴鶴夜拾蚤察毫末晝出不見邱山故多夜出求食肉可療瘡及小兒疳疾

鴉 鴉與鴟二物也周公合而詠之後人遂以爲一鳥誤矣鴉即梟也本草釋名又名梟鴉梟長則食母故古人夏至饗之一名鵬賈誼賦之以爲入室主人當去此鳥盛午不見物夜則飛行常入人家捕鼠食少美好而長醜惡狀如母雞有斑紋頭如鸛鶴目如貓眼總不祥之鳥也吾南耳聞目見人多惡之

水禽

鵝 本草一名皂君李時珍曰鵝字篆文象形背尾色黑故陸機詩疏有皂君負釜黑尻諸名狀似鶴而頂不丹長頸赤喙毛色外灰而裏白巢於田邊高木與白鷺同林其飛也奮於層霄旋繞如陣仰天號鳴主有雨詩鵝鳴於垵是也常於田間延頸以俟捕鰕魚爲食鄉人呼爲餓

老鵝以喻人身長而瘦者

外有青鵝一種其形較小色綠而青喜食園蔬善鳴雖係山禽附記於此

信天翁 詩云惟鵝在梁卽此鳥也本草名鵝鵝頸長尾短酷肖鶴而色青白往來田澤畔攫
鰕魚爲食或以頷下大胡竭水取魚又名淘河或終日癡立不易其處俟魚過乃取食之田間
人呼爲青椿人之佇立不移者每以此嘲之

雁 禽經云鴉以水言自南而北鵝以山言自北而南張華注鴉並音雁冬則適南集於水
干故字從鴉春則嚮北集於山岸故字從岸李時珍曰其狀似鵝有蒼白二色今人以白而小
者爲雁大者爲鴻爾雅謂之鵝鸚古詩八月書空雁字斜秋深日落時恆見之飛鳴有序

鳧 野鴨常見者色青白背上有紋短喙長尾體肥多脂善沒十餘或數十成羣泛泛於陂塘
及江浦間俗呼水鴨其同類異形者有鳳鴨頂有紅肉冠特大者撲鴨色白而斑黃鴨色黃重三四斤

紅鴨色紅大如家鴨比常鳧特小者扁鴨俗呼牛屎鴨又有一種水麻鴨似水鴉鵲而脚高色
麻每值大霜雪獨立田邊乍見如泥椿餘時罕見惟山鴨宿於草林中身長嘴扁臭微臊獵犬
尋之其飛窅然非是人不得見也

鷺 禽經鷺飛則霜鷺飛則露命名以此鷺鷥絲禽雪客百鳥諸名外更名春鋤見爾雅李時
珍曰此鳥步於淺水好自低昂有如春如鋤之狀林棲水食羣飛成序潔白如雪頸細而長脚

青善翹高尺餘解指短尾喙長三寸項有長毛十數莖蕤蕤然如絲欲取魚則弭之邑俗咸呼爲白鶴

鷓鴣

爾雅名鷓

音

按盧與茲皆黑色此鳥色深黑故名鷓者其聲口呼也處處水鄉有之色

黑如鴉長喙鈎曲善沒水取魚日集洲渚有兩種邑土產者野不能馴漁戶畜以捕魚者買諸鄰水鄉人通呼爲水老鴉

翡翠

爾雅謂之鷓左氏春秋鄭子臧好聚鷓冠俗呼翠鳥或云雄爲翡其色多赤雌爲翠其

色多青飲啄水側穴居生子似魚狗稍大陣藏器曰魚狗卽翠鳥也大者名翠鳥小者名魚狗以善於水上取魚故也狀如燕雀喙尖而長足紅而短背毛翠色帶碧翅毛黑色揚青可爲婦女髻珥之飾吾邑溪澗水涯多有之又一種名魚虎似翠而非俗呼土翠頭紅身黑尾綠飛小溪中極迅捷目明見魚一插入水聲如投石轉瞬銜魚出

秧雞

如雞而小重不過二兩白頰長嘴短尾背有白斑夏末入秧林搗秧爲窩育卵俗名風

簸雀殼黃不知所往一種鷓雞亦秧雞類大如雞而長脚紅冠雄者大而色褐雌者稍小而色斑夏來秋去聲曰骨董俗呼爲水雞公

水葫蘆 大於瓦雀頭花腹白背黑俗呼花臉雀見人卽沒水中泗二丈遠乃出卽盡吐其水
水燕 形色大小同家燕棲溪邊石縫天極暑乃出而旋飛須臾必暴雨

點水雀 細如瓦雀頭花身黑尾白飛而點水一沾卽舉兩兩相偕

家畜

豕 許氏說文豕字象毛足而後有尾形林氏小說豕食不潔坎爲豕水畜而性喜穢也牡曰
豨曰牙牝曰彘曰羆曰羆牡去勢曰羆四蹄白曰羆豬五尺高曰豨豕之子曰豬曰豚曰彘解音

家字從豕無豕不成家無家不畜豕邑俗謂牝而生子曰草豬稚而閹之不令生子者曰奶架

牡曰牙豬一種通體白毛曰隆昌豬肉味較糯也

狗 李時珍曰狗叩也吠聲有節如叩物也或云爲物苟且故韓非云蠅營狗苟卷尾有懸蹄

者爲犬齊人名地羊許氏說文云多毛曰龐長喙曰獫敏音短喙曰獫歌音去勢曰猗高四尺曰葵

狂犬曰獬折音長喙善獵用爲田犬短喙善守用爲吠犬邑俗不食犬肉與牛同忌一種最小常

如犬子者曰金狗洋狗

羊 本草釋名一曰羴一曰羝又名羝說文羊字象頭角足尾之形董子曰羊祥也故吉禮用

之曰柔毛牡羊曰殺曰羝去勢曰羯羊子曰羔五月曰羴古今注謂之長髯主簿吾邑東南兩路草場稍寬畜牧最多肉價稍低於豕

牛 許慎云牛件也牛爲大牲可以件事分理也其文象頭角三封尾之形供祭謂之太牢牢

爲豢畜之室牛牢大羊牢小又曰一元大武元頭也武足跡也李時珍曰牛有犛牛

邑呼黃牛水牛

二種犛牛小而水牛大犛牛有黃黑赤白駁雜數色水牛色青蒼大腹銳頭角若擔才能與虎鬪亦有白色者邑犁水田多用水牛力大能深犁山田及土多用黃牛不懼陡險東南山地宜牧畜黃牛稍多縱令野放傍晚自歸貴州邊境牛爲土產大賈由邑過道往重慶以上者絡繹不絕

馬 許慎云馬武也其字象頭髦尾足之形牡馬曰騶牝馬曰騾去勢曰騶名色甚多詳見各經傳馬應月故十二月而生其老穉與牛皆以齒別邑呼牡馬爲騶母馬爲騾卅年前鄉有牧馬武試既罷產與乘者皆稀東北路間用以運煤麵房粉房用以旋磨

騾 牡驢與牝馬相合而生軀幹大小與馬無異惟馬鬣長騾鬣短皮肉較緊湊四蹄較捷筋骨堅強能行險仄一足踩虛尙不顛蹶較乘馬爲穩健邑富家間畜之

驢 李時珍曰驢臚也臚腹前也馬力在膊驢力在臚長頰廣額磔耳修尾聲大聞數里善馱負有褐黑白三色其品劣於馬諺云別人騎馬我騎驢仔細思量我不如吾邑間有來自他域貓 貓苗茅二音其名自呼陸佃云鼠害苗而貓捕之故字從苗清異錄貓名鼠將禮郊特牲迎貓爲其食田鼠格古論一名烏圓有黃黑白駁數色狸身而虎面柔毛而利齒相貓之法以尾長腰短目如金鈴及上齧多稜者爲良睛可定時正午乃圓鼻端常冷惟夏至一日則煖爲家畜不可少者

兔 魏子才六書精要云兔字篆文象形一云吐而生子故曰兔禮謂之明眊言其不瞬而瞭然也事類合璧兔大如狸而毛褐形似鼠而尾短耳大而銳唇缺而無脾鬚長而前足短善於營窟古稱其狡本係野獸有取而飼於家者久之遂自爲一種

野獸

虎 格物論虎山獸之王也狀如貓而大如牛黃質黑章鋸爪鈎牙鬚健而尖舌大如掌聲吼如雷風從而生百獸震恐爾雅虎淺毛曰薹音棧白虎曰彪音含黑虎曰臙音育似虎而五指曰羆音偏似虎而非真曰彪似虎而有角曰彪音斯吾邑荒山有之俗分扁担花楊塵鈎兩種專用藥癆者

稱虎將聞一得之數年來或逼落消洞或因冰凍墜崖而獲者售其皮特獲厚利

豹 狀似虎而小白面團頭其毛文如錢者曰金錢豹宜爲裘如艾葉者曰艾葉豹次之吾邑猛獸虎少豹多山僻單戶常入人家攫犬豕近數年尤常常出游捕之以藥餒者多鎗斃者少皮賤於虎

馬老虎 此物於書籍未得定名說文穀犬屬音穀腰以上黃以下黑食母猴或曰穀似牂羊出蜀北礪山中犬首而馬尾食猴探訪員江君效先以爲卽馬老虎邑金佛山及大有元合二鄉山中皆常見之近時尤多馬頭羊尾虎爪色黃其出或十餘或數十成羣功在能除虎豹惡在殘害耕牛其搏噬之法一當前一躍上背伸爪樞兩目使盲一當後一躍上臂伸爪樞大臟遂盡損其腹內物食之而棄其壳諸物見之無不股栗其逐捕深得用兵之法一爲分圍四路使敵窮於所往一爲沿路置候輪番替換使敵疲於奔命故其捷不如野豬而能斃之至牛亦有知識山地牛野放成羣見虎來卽相貼而立四面環列成陣以自固竭力嘶鳴以求援久之牧人不至遂不得免亦可哀矣然此物亦有愚而近仁之性爲其敗著彼甚愛其羣以計捕其一姑置勿取匿而俟之須臾羣來輾轉嗅視以冀其復活又擒之如前法尙可多獲雖不食人

見白衣則逐之山路荒涼一人踽踽獨行恆有戒心

黃楊狸 乃黃鼠狼木婆之類比馬老虎尤小四足五爪遍身黃毛常棲樹梢其悍疾凶殘悉與馬老虎同養牛家尤苦之信夫天之生物善惡皆有其偶也

野豬 寇宗奭曰形似家豬但腹小脚長毛色褐大牙出口外其重有至二三百斤者猛能與虎鬪羣行殘食五穀山鄉包穀尤被其害捕之急則怒而撲人邑羣山中此物爲多獵人所逐小則黃麂大則野豬每於冬暇結隊裹糧而入寄宿山家曰打山法一人由正路吹角縱犬驅獸使出餘人分扼要路以待曰坐點獸依路來奔曰上點獵者須伏林中旁立放鎗若迎頭恐其撲傷也人與獸俱迅捷一二十分鐘已環騰數山山獸野豬肉最美不臊臭炕腊尤佳

熊 李時珍曰熊者雄也熊字篆文象形俗分豬熊人熊馬熊爾雅翼熊有豬熊形如豕有馬熊形如馬卽熊也頭長脚高猛愍多力能扳樹木虎亦畏之遇人立而攫之俗呼爲人熊邑惟

金佛山偶亦有之與猴同食包穀

趙精一居古佛洞多年嘗言二十年前曾親見之

麂 似麝而小牡者有短角鬣色豹脚脚矮而力勁善跳越其行草莽但循一徑皮極細靴靴鞋貴之山海經女几之山多麋鹿卽此

麝 一名麝李時珍曰麝喜文章故字從章陸佃云麝性驚憚故謂之麝爾雅麝牡曰麝音牝

曰麝音栗其子曰麝音助大者曰麝音慮秋冬居山春夏居澤似鹿小而無角黃黑色有有牙者有無

牙者有牙出口外者其牙不能噬嚙俗稱牙麝孟詵曰往往得香如栗子大不能全者亦治惡

病本草正誤李時珍曰麝無香有香者麝也吾邑所產或有香或無香其特稱為香麝者麝也

麝 爾雅名射父李時珍曰麝之香氣遠射故謂之麝或云射父之香來射故名亦通其形似

麝俗呼香麝陶弘景曰麝形似麝而小黑色食柏葉又啖蛇其香在陰莖前皮內別有膜袋裹

之五月得香往往有蛇皮骨今人用蛇蛻皮裹香則彌香夏月食蛇蟲多至冬寒香滿入春臍

內急痛以白爪剔出著屎尿中覆之常在一處不移曾有拾得至一斗五升者其香絕勝殺取

者

狸 本草釋名即野貓埤雅云獸之在里者故從里寇宗奭曰狸形類貓李時珍曰狸有數種

大小如狐毛雜黃黑有斑如貓而圓頭大尾者為貓狸善竊雞鴨其氣臭有文如豹而作麝香

氣者為香狸俗名青鬃皮可為褥吾邑農夫牧子嘗有自野而歸自嗅衣間似臭非臭似香非

香者謂染野貓尿氣致之至青鬃一種吾邑獵人時有捕獲者

狐 埤雅云狐孤也狐性多疑疑則不可以合類故其字從孤其狀似狗而小頭尾皆長性極狡獪有黃黑白三種白色者尤稀尾有白錢又者佳白晝伏穴夜出竊食聲如嬰兒氣極燥烈毛皮可爲裘腋毛純白謂之狐白此獸邑中處處有之藏土穴中捕者以草煙薰出之呼爲毛狗

狼 禽經云狼逐食能倒立先卜所向獸之良者也故字從良爾雅云牡爲羴牡爲狼大如狗蒼色其腸直鳴則諸竅皆沸其糞爲烽煙直上不斜性善顧而貪戾老則其胡如袋所以跋胡蹇尾進退兩艱又狼足前短能知食所在狼足後短負之而行故曰狼狽按狼與豺同類惟以後二足稍短尾粗大下垂爲別俗云花豺狗短脚狼邑豺狗最多土人不能詳別安知其中無狼也

豺 俗呼豺狗字說豺能勝其類又知祭獸可謂才矣故字從才埤雅云豺柴也俗謂體瘦如柴李時珍曰狼屬也形似狗而頗白尾長體瘦而健猛牙如錐而噬物羣行虎亦畏之又喜食羊邑中野獸惡物以豺爲魁以其多於虎豹時時多數橫行鄉村窮戶小兒往往遭噬然其出也每與世亂相應時清平則稀見舊志載道咸間魏令橫暴豺結隊成羣數以千計一巨豺率

之直入人家掩其不備奪懷中背上之兒執炊之婦銜之竟去道路戒嚴殘殺甚衆及魏令解組巨豺被殺其患乃息此一次也光緒初年兵禍始息豺患又起記者爲兒時亦屢遇之秋冬之夜煙雨悽迷其聲嗚嗚甚哀而長山居聽之益增亂離之感光緒十年甲申昆明張公蒞任出令斃一豺昇驗賞錢三千數載遂無踪影此二次也往時豺與豹不同山有豹則無豺至近三四年不然德隆場一帶二患並熾敢於呼羣嘯侶相率過市城外較場壩亦常常邂逅傍晚獨行人懷惴惴蓋由死人太多屍血狼籍若輩逐臭尋食至於如此以豺之行藏隱見覘時治亂安危不爽

貉 字說云貉與獾同穴各處故字從各寇宗爽曰貉形如小狐毛黃褐色李時珍曰貉生山野間日伏夜出捕食蟲物出則獾隨之其性好睡人之好睡者呼爲貉睡俗作渴睡誤矣其毛深滑可作裘狀如狸頭銳尖吾邑呼爲箭貓

揮子 狀似大犬尾極長毛灰黑性善升木喜食拐棗白菓酸棗之屬性畏炎火獵戶於此二木結實漸熟時積草樹下伺其登樹而焚之卽不敢遁鎗斃烹食味美於他獸肉吾邑各處皆有

野兔 形狀與家兔無異毛各色皆有常居山穴及平原墓田中狡獪善走環山而奔健犬或莫之及吾邑鄉野麥豆種播後被害最甚農人以水調石灰灑土邊石上以懼之

獾 俗名狗獾又名天狗李時珍曰獾又作狽亦狀其肥鈍之貌蜀人呼爲天狗穴土而居形如家狗而足短皮可爲裘李時珍曰獾豬獾也獾狗獾也二種相似而略殊狗獾似小狗而肥尖喙矮足短尾深毛獵人獲而剝其皮售作裘領頗溫暖豬獾次之吾邑不特東南深山多產卽西北淺山產亦不少有銅獾鐵獾之別

獺 俗名水毛子本草名水獺水狗字說正月十月獺兩祭魚知報本返始獸之多賴者故字從犬從賴李時珍曰狀似青狐而小毛色青黑似狗膚如伏翼長尾四足水居食魚能知水性爲穴鄉人以占旱潦如鵲巢知風然凡業漁者必畜以捕魚卽有以捕獺爲業者

豪豬 俗呼刺豬本草釋名有蒿豬山豬獠獠獠豬鬚豬諸名說文豪豕鬣如筆管者能激毫射人郭璞曰吳楚呼爲鬚豬星禽云壁水獠豪豬也李時珍曰處處深山中有之多者成羣害稼狀如豬而滿身棘鬣長近尺許粗如筋其狀似筍白本黑端吾邑鄉村婦女每以插頭呼爲刺豬簪

泥豬 與豪豬同類又名滾豬色灰或黃身矮形似犬而以豬名夏季專食包穀紅苕極狡捷肉不美

鼠類

家鼠 李時珍曰人家常鼠尖喙善穴故南陽人謂之鼯鼠壽最長故俗稱老鼠人性疑而不果曰首鼠嶺南人食而諱之謂爲家鹿形似兔而小青黑色有四齒而無牙長鬚露眼前爪四後爪五尾又如織而無毛長與身等其生最蕃新宅有人居鼠卽隨至將有火災則相率而去俗通呼耗子

田鼠 俗呼山耗子本草名鼯鼠又名鼯鼠又名隱鼠月令田鼠化爲鴛別錄鼯鼠在土中行陶宏景曰此卽鼯鼠也一名隱鼠寇宗奭曰脚絕短僅能行尾長寸許目極小項尤短許慎云伯勞所化最爲禾黍害詩歌頌鼠指此

竹鼯 本草又名竹狔李時珍曰食竹根之獸也形似家鼠大過之色灰黑牙尖銳爪利如錐穴竹林下善開隧道嚙老方竹拖入穴中寸斷蓄以御冬性狡善遁捕者審其所在橫塹前後乃向隧道掘而得之肉味鮮美脂入藥竹籛鐵錐深入人膚不可拔以脂塗其上立自退出邑

金佛柏枝兩山產方竹必捕以除害

貂鼠 爾雅翼名栗鼠又名松狗羅願云此鼠好食栗及松皮故呼栗鼠松狗大如獺而尾粗毛深寸許紫黑色性極趨捷最善升木過樹如飛用皮爲裘帽風領寒月服之得風更暖吾邑呼爲貂鷹又俗呼木婆

鼯鼠 俗呼黃鼠狼本草釋名又名鼯鼠廣雅卽鼯也狀似鼠而身長尾大黃色帶赤體柔若無骨能鑽窄縫與狸俱常入人宅攫雞鴨但吮其血而棄之健於捕鼠毫可爲筆筆工常於吾邑收買

蝙蝠 俗呼簷老鼠宿陰溼洞中挂崖壁上最多本草一名伏翼又有天鼠仙鼠夜燕等名舊以其有翼能飛列禽類今科學家以其肉翅獸毛列獸類形似鼠灰黑色有薄肉翅連合四足及尾若一夏出冬蟄晝伏夜飛食蚊蚋能自生育遺矢雜沙中入藥極良曰夜明沙

催生 似蝙蝠而較大色黃黑四爪兩翅遍身生毛介禽獸間搆巢岸上卵生身小翅大而厚攫雞不擇巨細皮厚可爲臥具又取翅燙水可催生產故名

猬 本草釋名一名彙古謂字俗作蝟爾雅彙毛刺又名謂鼠說文彙字篆文象形頭足似鼠故有鼠名

毛堅硬搖動與豪豬同類而身較小俗呼刺編

水耗子 雅名水虎形狀似黃鼠獠宿田畔石縫中以魚爲糧遇偏東雨則出往來田間以鼻接雨灌滿而噉噉畢而藏最善穿穴毫爲筆絕佳

崖鼠 居硝磺煤鐵諸洞大者數斤尾現金光優伶之服用之常食掘礦燈油燈燃時日必數至掘者以爲吉利以飯飼之不許驅逐一日不至洞必崩

猴類

獼猴 白虎通云猴候也見人設食伏機則憑高四望善於候者也猴好拭面如沐故謂之沐猴後人誤沐爲母又誤母爲獼愈訛愈失矣猴形似胡人故曰胡孫莊子謂之狙養馬者廐中畜之能辟馬病李時珍曰獼猴處處深山有之狀如人眼如愁頰陷有噉音藏食處也腹無脾以行消食尻無毛而尾短手足如人亦能立行近時科學家發明推究猴爲人類未進化者故頭部圓而無毛眼圓有光指尖而銳口吻突出之噉俗稱猴兒包其性躁動害物畜之者鞭朴旬月乃馴其類有數種小而尾短者猴也似猴而多鬚者虞也似猴而大者獼也大而尾長赤目者禺也小而尾長仰鼻者狢也似狢而大者果然也似狢而小者蒙頌也似狢而善躍越

者獬狢也似猴而長臂者援也似援而金尾者狨也似援而大能食援猴者獨也今將簡篇所載各種附列於后以備考覽吾邑金佛柏枝諸山獼猴千百成羣分青黃兩種分界竊食包穀羣醜所至全土爲空人犬追逐既不能及又善聽鎗聲而避之土人無如之何六七月村鄰集合老幼同出朝夕巡護擊柝鳴鎗不敢稍疎收穫乃已此閭里三害之一也從前有以專捕爲業者今無之愚謂鄉人正宜講習捕法環而攻之以羣力爭勝雖不能盡要勝於縱彼貪饕奪我生資

虞

郭璞云大如狗狀如猴黃黑色多髯好奮頭舉石投人西山經有獸如禺而長臂善投名曰舉父即此也

猱

音却老猴也色蒼黑能人行善攫持人物又善類盼故謂之猨純壯無牝又名攫父善攝人婦女爲偶生子又神異經云有獸名猱大如猨狀如猴善緣木純牝無牝居要路執男子合之而孕此亦猨類而牝牝相反者

禺

音遇南州異物志有獸狀大於援其體長可三尺而尾長過頭其目赤其毛長柔細滑白質黑文如蒼鴨斑毛之狀以爲裘極其溫暖羅願所謂大者爲然爲禺也

狄

音抽或作狄李時珍曰或言猶豫之猶即狄也其性多疑見人則登樹上下不一其至奔觸破頭折脛故人以比心疑不決者鼻孔向天雨則挂木上以尾塞其鼻孔爾雅雌音疊仰大而長尾即此也

果然

郭璞云果然自呼其名羅願云人捕其一則舉羣啼而相赴雖殺之不去也謂之果然以來之可必也李時珍曰果然仁獸也居樹上狀如援白面黑頰多髯而毛斑斑尾長於身其末有歧雨則以歧塞鼻喜群行老者前少者後食相讓居相愛生相聚死相赴

柳子厚所謂仁讓孝慈者是也又名仙猴

蒙頰

一名蒙貴乃狄之小者也紫黑色畜以捕鼠勝於貓

獬狃 音漸胡許氏說文作獬豸乃援雄之屬黑身白腰如帶手有長毛白色似獬狃之狀蜀地志云獬狃似猴而其捷在樹上款然騰躍如飛鳥焉

援 援善援引故謂之援俗作猿產深山中似猴而長大其臂甚長能引氣故多壽或言其兩臂相通此伸彼縮誤矣臂骨作笛甚清亮其色有青白玄黃緋數種其性靜而仁慈好食果實其居多在林木其行多羣善啼一鳴三聲凄切入人肝脾

狨 戎俗二音狨毛柔長如絨可以藉可以緝故謂之狨陳藏器曰似猴而大毛長黃赤色人將其皮作鞍褥楊億談苑狨出深山中其狀大小類援長毛作金色俗曰金線狨輕捷善緣木甚愛其尾人以毒矢射之中毒則忍痛自嚼其尾

獨 李時珍曰獨似援而大其性獨一鳴即止能食援猴故諺云獨一鳴而援散獨夫蓋取諸此或云即黃腰者也

鱗蟲

蛟 任昉述異記蛟乃龍屬其肩交生故謂之蛟裴淵廣州記蛟長丈餘似蛇而四足形廣如

楯小頭細頸頸有白嬰胸前楮毛背上青斑脇邊若錦毛有肉環大者數圍能率魚飛類書云

蛇與雉交而生子曰蝮似蛇而四足能害人陸樞云蝮音梟即蛟也禮記月令亦言伐蛟據諸

書所載固實有其物然普通究未目見邑中東南諸山為溪澗之源岸峭流狹屢次大水鄉人

動傳出蛟否亦謂有蚯蚓蟹螯等物成精作慝未知確否

守宮 本草釋名一名壁虎一名壁宮一名蝮虎又名蝮蜓陶宏景曰蝮蜓喜緣壁籬間蘇恭

曰蝮蜓又名蝮虎以其常在屋壁故名守宮又名壁宮狀如四脚蛇而灰黑色扁首長頸全身

細鱗四足鈎爪疾走壁上善捕蝮蠅故得虎名處處人家有之陰溼塵垢之壁往往成羣

蛇 李時珍曰蛇字古作宅俗作蚺有余移佗三音篆文象其宛轉曲屈之形其形委佗故名
為鱗蟲類之一體為圓筒狀修尾無足以肋骨伸縮而行全體細鱗年年脫皮曰蛇蛻入藥甚
良本草集解在禽星為翼火在卦為巽風在神為玄武在物為毒蟲種類甚多吾邑常見者有
烏稍菜花鏢頭尖乾竹搞青竹標三稜子水蛇紅蛇野鷄項等類其他未常見及見而不識者
尚多

蜥蜴 俗呼四脚蛇本草名石龍子又名諸婆蛇又名蛇舅母李時珍正誤曰生小石間者曰
石龍即蜥蜴俗呼豬婆蛇似蛇有四足頭扁尾長形細長七八寸有細鱗金碧色生草澤間者
曰蛇醫又名蛇師又名蛇舅母蛇有傷則銜草以敷之又入水與魚合故有水蜥蜴之名吾
邑山石田澤間處處有之

魚 鱗有十字文理故名體扁鱗大有觸鬚背脊黑腹微黃蘇頌曰其腸鱗一道從頭至尾無大小皆三十六鱗每鱗有小黑點諸魚
惟此最佳長至三四尺能躍出水面三四尺者為孝泉鯉陶宏景曰鯉為諸魚之長形既可愛又能神變飛越江湖是以仙人琴

魚 鮒魚 本草又名鮒魚陸佃埤雅云鮒魚族行以相即也故謂之鮒以相付也故謂之鮒
能乘之也本育於溪流即轉入田畝畜之池塘亦 能乘息故邑河魚種多田魚惟鮒鯉鱸三者而已 保昇曰鮒所在池澤有之形似小鯉色黑而體促肚大而脊隆大者重三四斤李時

珍曰鮒喜假泥不食雜物故能補習冬月肉厚子多其味尤美鄺道元水經注新州有林湖鮒
魚大二尺方湖神異經南方湖中鮒魚長數尺吾邑稻田最宜鮒魚而長大至尺者少矣

多有北地時或有之似鮒而背青所 白魚 俗呼白甲魚本草名鱗魚李時珍曰白魚亦即鮒魚白者色也鱗者頭向上也劉翰謂
鱗即此吾邑鳳嘴龍崖麻江以此魚為大宗 鮒生江湖中色白而昂大者長六七尺形窄腹扁鱗細頭尾俱翹肉中有細刺吾邑各

區俱多惟長至一二尺者亦少
鰕魚 俗呼桃花魚古詩桃花流水鱖魚肥李時珍曰鰕也身體不能屈曲如僧然形扁腹闊口大鱗細與巨口細鱗之

靜聽候水響即從而捕
吹沙魚 本草名落魚一名蛇魚一名沙溝魚李時珍曰此非海中沙魚乃溪澗中小魚也居沙溝中吹沙而游唯

黃白色有黑斑點又背有黑刺甚硬其尾不歧小時即有
鰻魚 亦名鰻魚陸佃云鰻好攀行相與也故曰鰻相連也故曰鰻傳曰魚屬連

邑大溪小
石斑魚 俗呼斑石塔李時珍曰生溪澗水石處長數寸白鱗黑斑

也繁聚也其色也鯢其性也江湖中小魚長僅數寸形狹而扁狀如
金魚 李時珍曰金魚有鯉鯽鰕鰻數種鰕鰻尤難得獨金鰕耐久述

柳葉鱗細而潔白可愛性好攀游荷子有言曰鰕浮陽之魚也
細鱗魚 為鱗魚之一種無觸鬚鱗極細腹肥

者又名龍眼魚前人罕畜之畜之自宋代始今人家養於宅內魚缸中供閒玩者惟此為宜
石巴 形如蚌蚌長二三寸許住溪澗流水

種鱗魚與鰕同而味不同鰕稍寬大鱗較窄小鱗魚爾雅謂為鰕歸郭璞謂為妾魚婢魚崔
七星魚 俗名烏魚本草名鱧魚又有

以手搬石急以米篩承之稍緩即失淨肉甚美
角魚 形較鰻魚短較鱈魚長大者尺餘重

圓頭尾相等細鱗立色有斑點花文頗類蠅蛇有舌有齒有肚腹背有鬚連尾尾無歧形狀可惜氣
鱈 一作鰕俗名泥鰕本草亦名鱧魚陸

息腥惡食品所卑惟首有七星者朝北斗有自然之禮吾邑水田中尤多常處田闕下大至二三斤
黃鰻 寇宗奭曰鰻腹黃故世稱黃鰻異苑

韓保昇曰鱧魚生水岸泥窟中似蛇而無鱗有青黃二色李時珍曰黃質黑章體多涎沫
白鱧 本草名鱧鱧又名蛇魚許慎說文鱧與鱧

鱧則其子皆附於鱧鱧而生故謂之鱧鱧與許說相合李時珍曰鱧鱧狀如蛇背有肉鬚連尾無鱗有舌腹白大者長數尺脂膏最
鰕 李時

多背有黃脈者名金絲鰕鱧此魚亦善穿深穴無吾邑河中不若黃鱧生於田池之多而易獲且惡其形色無有食之者

鰕音霞俗作蝦入湯則紅色如霞也江湖出者大而白溪池出者小而青皆磔鬚鰕背有斷節尾
鰕 李時

有硬鱗多足而善躍凡數種米鱧鰕以精粗名也青鰕白鰕以色名也吾邑西路泥河中產馬鰕

介蟲

龜 許慎說文龜頭與蛇同故字上從它古蛇字下象甲足之形李時珍曰甲蟲三百六十而龜

為之長龜形象離其神在坎上隆而文以法天下平而理以法地背陰向陽蛇頭龍頸外骨內肉腸屬於首能運任脉廣肩大腰南越志龜大如拳而色如金上甲兩邊如鋸齒爪至利能緣

樹食蟬夏或游於香荷冬或藏於藕節並藏穴導引呼吸空氣壽可千歲吾邑溪澗田池有銅

龜牛屎龜兩種銅龜色黃取以熬膠肉糯滋陰然鮮食之者牛屎龜壳黑最賤

鼈 俗名團魚其行蹩蹩故謂之鼈又名神守淮南子云鼈無耳而守神命名以此甲蟲也水

居陸生穹脊連脇與龜同類四緣有肉裙故曰龜甲裏肉鼈肉裏甲無耳以目聽純雌無雄以

蛇及鼈為匹吾邑及溪邊沙洲多產之夏日或釣或簍取之甚易

蟹 俗呼螃蟬傅肱蟹譜蟹水蟲也故字從蟲以其橫行名螃蟬狀其鳴聲名郭索以其外骨

曰介士以其內空曰無腸公子二螯八跪利鉗尖爪殼脆而堅有十二星點雄者臍長雌者臍

團腹中之黃應月盈虧其性多躁引聲噴沫至死乃已生於流水者色黃而腥生於止水者色

紺而馨吾邑山澗亂石中尤多

蚌 俗呼蚌殼爲軟體動物其殼兩片爲長橢圓形肉體扁厚以鰓呼吸李時珍曰蚌與蛤同類而異形長者通曰蚌圓者通曰蛤故蚌從丰蛤從合古人用之燒灰以塗牆壁邑兩種皆有蚌較少生溪中頭銳尾尖如蝌蚪殼厚而堅無甚用處蛤較多生於田中殼最薄外輪尤銳利可割收漆者用之陷入割口以承汁然以合州所產者爲佳

蜆 俗呼蚌殼兒李時珍曰蜆蜆也殼內光耀如初出日采也隋書劉臻父顯嗜蜆呼爲扁螺陳藏器曰如蚌而小黑色能候風雨以殼飛吾邑沙邊溪堵及山土卑涇處敗殼俱多不知死自何時空自何時海南介語蜆在沙者黃在泥者黑蜆老則肉出小蛾其殼之空職此故也

螺 俗呼螺蛸本草別錄名田贏陶宏景曰田螺生田中及湖濱岸側形圓大者如梨橘小者如桃李李時珍曰螺蚌屬其殼旋文其肉視月盈虧故王充云月毀於天螺消於淵易說卦離爲贏爲蚌爲龜爲鼈爲蟹皆以其外剛而內柔也吾邑田池中多有之若魚缸魚沼尤必養此物以清水惟湖南人恆取而生食若珍味焉

蝸螺 俗亦呼螺蛸本草別錄蝸螺生溪水中小於田螺李時珍曰師衆多也其形似蝸牛其類衆多故有二名處處湖溪有之大如指頭而殼厚如田螺惟食田水陳藏器曰此物難死合

汚泥塗入壁中數年猶活也爛殼名鬼眼睛吾邑亦處處有之

蝸牛 古今注蝸牛陵螺也一名蜒蚰本草謂其行延引也爾雅謂之蝸贏孫炎注以其負羸

殼而行也生池澤草樹間形似小螺色白頭有四黑角行則頭出驚則首尾俱縮入殼中其角

一對長如牛莊子所謂國於蝸角是也遍身有涎能制蜈蚣鄉村竹林池沼牆壁間多有之

昆蟲

蜂 蜜蜂 本草釋名一名蠟蜂一名薑李時珍曰蜂尾垂鋒故謂之蜂有禮範故謂之范禮記范則冠而禪有綏化書云蜂有君臣之禮羣

王元之蜂記蜂王無毒窠之始營必造一臺大如桃李王居臺上生子於中王之子後盡為王歲分其族而去王之無毒似君德也營巢如臺似

建國也子後為王似分封也擁王而行似衛主也王所不整似遵法也王失則潰守義節也取惟得中似什一而稅也小人貪其利恐其分而刺

其子不仁甚矣吾邑人家養蜂昔盛今衰舊桶庭階俟其來向宅而招之來既不可強去亦不可留

土坎 大黃蜂 本草釋名黑色者名胡蜂一名靈蜂一名瓠瓢音鈞斐蜂又名瓠蜂李時珍曰凡物黑色者謂之胡其靈瓠瓢皆象形

極多 謂山林間大蜂結房大者如巨罅其房數萬層吾邑有結房如水桶大內外凡數十層者

細腰蜂 本草名蠶蜂音啣翁詩經名蜾蠃爾雅名蒲盧陶宏景曰此類甚多雖亦名土

於人屋牆壁及器物竹管間作房生子如粟米大一種無雌取草上青蟲化為已子時疏蟻給食

至死非人家屋下小小蜂房也其房有重如樓臺者或名七星蜂最猛烈吾邑名大馬蜂

赤翅蜂 李時珍曰此毒蜂穿土作巢者陳藏器曰狀如土蜂翅亦頗黑穿土為巢慣食蜘蛛蟻知蜂來皆狼狽藏隱

倍常蜜吾邑山野竹林中多有之

蠟蟲 汪機曰蟲白蠟與蜜蠟之白者不同乃小蟲所作也李時珍曰唐宋以前澆燭入藥所用白蠟皆蜜蠟也此蟲白蠟則自宋元以來人始知之蠟樹枝葉狀類冬青四時不凋五月間白花成叢結實纒纒大如蔓荊子生青熟紫其蟲大如蟣虱芒種延緣樹枝食汁吐涎粘於嫩莖化爲白脂結成卽蠟質也人刮取蠟渣煉化濾淨或甑中蒸化瀝以器待凝成塊則爲淨蠟文理如石膏吾邑呼其蟲爲蠟種亦曰蠟子皆白卵如細蟣一包數百次年立夏日摘下以箬葉包之分懸各樹芒種後包折卵化蟲復延矣惟樹雖多而放種者少未成質

五倍蟲 本草一名文蛤一名百蟲倉李時珍曰五倍子宋開寶本草入草部嘉祐本草移入

木部人雖知其生於膚木上而不知其實乃蟲所造也膚木卽鹽膚子木吾邑倒呼膚鹽或訛爲膚煙生叢林處五六月有小蟲如蟻食其汁老則遺種結小毬於葉間如姑蠟之作雀甕蠟蟲之作蠟子也初甚小漸漸長堅大者如拳或小如蔓形狀圓長不等初時青綠久則細黃綴於枝葉宛若結成其殼堅脆其中空虛有細蟲如蠟蠟霜前采取蒸殺之以出售供藥及染皂爲吾邑土產大宗

留種不蒸次年葉包懸樹上復延曰掛種

螳螂 爾雅莫緝蟻蟻不過螳螂也故本草釋名一名螳螂一名不過其子婢蝻郭璞曰江東

呼爲石蠅李時珍曰螳螂兩臂如斧當遠不避故得當郎之名俗呼爲刀郎又謂之拒斧又呼不過也韓保昇曰螳螂卵名螳蛸多在小桑樹及叢荆棘間三月中一枝出小螳螂數百枚長成驪首奮臂修頸大腹二手四足善緣而捷以鬚代鼻喜食人髮能翳葉捕蜂吾邑刈穀時處處有之

毛蟲 本草名雀甕陳藏器曰毛蟲作繭形如甕故名雀甕韓保昇曰雀好食其甕中子故俗呼雀兒飯甕陶宏景曰蛄蠲毛蟲也好在果樹上大小如蠶背有五色斑毛有毒能刺螫人欲老口吐白汁凝聚漸硬如雀卵其蟲在甕繭中成蛹如蠶之在繭也夏月羽化而出作蛾吾邑鄉人以形狀可憎於每年四月八日剪紅紙作十字形書字書符粘貼壁間驅之謂之嫁毛蟲蠶 李時珍曰從替象其頭身之形從蝻以其繁也又曰蠶孕絲蟲也種類甚多大小有烏白斑色之異喜燥惡溼食而不飲三眠三起二十七日而老白卵而爲妙自妙蛻而爲蠶蠶而繭繭而蛹蛹而蛾蛾而卵卵而復妙其繭有黃白二色現時養蠶尤以擇種爲要自有專科山蠶粗槎倍家蠶繭皆黃色

蛺蝶 本草亦名蛺蝶一名蝴蝶蛺蝶輕薄夾翅而飛葉葉然也蝶美於鬚蛾美於眉故又

名蝴蝶俗謂蠶爲胡也大爲蝶小爲蛾其種甚繁皆四翅有粉好嗅花香以鬚代鼻其交以鼻交則粉退古今注謂觸蠶化蝶爾雅翼謂菜蟲化蝶埤雅謂蔬菜化蝶酉陽雜俎謂百合花化蝶比戶錄謂樹葉化蝶丹青野史謂綵裾化蝶皆各據形似而言實爲蛄蝻烏蠋等小蟲所化蜻蛉 本草釋名一名蜻蛉又名螭李時珍曰蜻蛉言其色青葱也蛉虻言其狀伶仃也又名紗羊者言其翅如紗也大頭怒目短頸長腰尾驪翼薄如紗食蚊蠅飲露水造化權輿羅願曰水蠶化蜻蛉蜻蛉仍交於水上附物散卵後爲水蠶也

斑蝥 本草釋名一名斑貓一名盤蝥蟲一名斑虻音斑言其色蝥刺言其毒如矛刺也亦作盤蝥俗訛爲斑貓又訛斑虻爲斑尾詳考此物凡四變太平御覽引神農本草經云春食芫花爲芫青夏食葛花爲亭長秋食葦花爲斑貓冬入地中爲地膽芫青嘴尖色青綠額有紅點地膽如大馬蟻有翼黑頭赤尾居地中其色如膽惟斑蝥嘴尖處有一小赤點背上一畫黃一畫黑韓保昇亦謂葉上甲蟲也長五六分所在有之吾邑豆土中七八月一望皆是

蜘蛛 王安石字說蜘蛛設一面網物觸而後誅之知乎誅之義者故曰蜘蛛爾雅作蠶叢從黽黽者大腹也李時珍曰蜘蛛布網其紗若繞其類甚多大小顏色不一嚙人甚毒人家簷角

籬頭陋巷敗壁間遺尿著人令人生瘡爲節足動物分頭胸腹三部腹部圓大如囊胸部有足四對肛門前有瘤狀物絲由此出抽絲制網井然不紊蟲類最有機智者種不下數十

壁錢 一名壁鏡皆以巢形命名陳藏器曰壁錢似蜘蛛作白幕如錢貼牆壁間北人呼爲壁

繭李時珍曰大如蜘蛛而形扁斑色八足而長亦時蛻殼其色光白如繭吾邑俗呼花蜚蛛

蟻 蟻有君臣之義故字從義亦作螳大者爲蚍蜉亦曰馬蟻楊雄方言齊魯之間謂之駒蟻梁益之間謂之玄蚰幽燕謂之蟻蟬夏小正十二月玄蚰奔謂蟻入蟄也有大小黑白黃赤數種穴居卵生其居有等其行有隊能知雨候後魏時兗州有赤蟻與黑蟻鬪長六七步闊四寸赤蟻斷頭死則離騷所謂南方赤蟻若象者非寓言也吾邑反正以來城郭鄉村屢睹蟻戰兆兵戎焉

蠅 蠅飛營營其聲自呼李時珍曰處處有之夏出冬蟄喜煖惡寒蒼者聲雄背金色者聲清

青者蠶能敗物蓋糞卽細卵蛆由此生蛆入灰中又蛻化爲蠅此種害蟲不加防備遺穢入食

物百病叢生關係至大

蟾蜍

蛙之大者本草有鼃

音屈

鼃

音施

鼃

音若

鼃

音龍

蛟

音何

癩

蝨

諸名邑俗呼癩

白狗說文蟾蜍作詹諸云其聲詹諸其皮鼃鼃其行鼃鼃韓詩云得此鼃鼃註戚施蟾蜍也戚音蹙後世名著蠶其聲也蚶蚶其皮壘壘也多在人家下溼地腹大背上多疥磊行極遲緩不能跳躍亦不解鳴其皮汁甚毒犬嚙之口皆腫然取其疥磊中白液則爲蟾酥取法或以手捏其眉稜或以蒜胡椒納其口中則蟾身白汁自出以竹篦刮下以麵和成塊乾之

蝦蟆 一名螿蟆王荆公字說云俗言蝦蟆懷土取置遠處一夕復還其所雖或遐之常慕而返故名蝦蟆一說蝦言其聲蟾言其斑也爾雅作螿蟆常在陂澤背有黑點身小能跳接百蟲解作呬呬聲舉動極急一名錦襖子吾邑有呼爲闕蟾者

鼃 俗呼青闕蟾寇宗奭曰鼃後脚長故善躍大其聲則曰鼃小其聲則曰蛤其性好坐又名坐魚爾雅蟾鼃俱列魚類東方朔傳長安水多鼃得以家給人足鼃好鳴其聲自呼狀似蝦蟆而背青綠色尖嘴細腹俗謂之青鼃亦有背作黃色者謂之金線鼃外此或謂土鴨或謂石鴨或謂水雞下江人以爲佳饌號爲田雞邑人鮮食之者

蜈蚣 本草一名螂蛆又名蜈蚣又名天龍莊子螂蛆甘帶淮南子騰蛇遊霧而殆於螂蛆蜈蚣也爾雅蜈蚣蜈蚣也皆一物而異名也爲節足動物之一種春出冬蟄節節有足雙鬚

歧尾性畏蜘蛛以溺射之卽斷爛陶宏景曰蜈蚣嚼人以桑汁和鹽塗之卽愈吾邑有被蜈蚣毒者以烏雞屎或大蒜塗之亦獲奇效

馬陸 本草有百足百節千足馬蚊刀環蟲諸名魯連子百足之蟲死而不僵陶宏景曰此蟲寸斷尙復能行寇宗奭曰百節身如槎節節有細蹙文起紫黑色光潤死則側臥如環如小指大因名刀環古牆壁中甚多李時珍曰大如蚯蚓紫黑色其足排比至百而皮極硬節節有橫文如金線首尾一般觸之卽側臥如環不必死也吾邑人呼爲草鞋蟲

蚯蚓 本草有蠶蟻音頃引胸臆音蘇問音蘇蛩音院曲壇土龍地龍子歌女諸名李時珍曰蚓之行也

引而後申其壞如丘故名蚯蚓爾雅謂之蠶蟻巴人謂之胸臆皆方音之轉蛩蟻曲壇象其狀也東方虬賦云乍逶迤而善曲或宛轉而蛇行任性行止擊物便曲是也術家言蚓可興雲又知陰晴故有土龍龍子之名其鳴長吟故曰歌女平澤宮壤地中多有之爲蠕行動物之一種夏出冬蟄雨則先出晴則夜鳴吾邑人謂曲蟻滾沙必雨屢試屢驗

蛞蝓 俗呼漩搭蟲形似蝸牛蝸牛一名蝸贏蛞蝓一名蝸蝓背負殼者曰蝸牛無殼者曰蛞蝓性均能刺蜈蚣俗名托胎蟲又名鼻涕蟲吾邑鄉村婦孺有訛漩搭蟲爲漩媽蟲者

水黽 一名水馬陳藏器曰水黽羣游水上水澗卽飛長寸許四脚本草拾遺水馬四五月出浮水面身硬脚長池沼中甚多性喜食蠅卽吾邑鄉人所呼爲水巴蟲大腹背硬者是矣

水蛭 寇宗奭曰水蛭大者爲馬髓腹黃者爲馬蠟生水田中柔滑無骨附農人足脛能食人血有誤食入腹者爲害甚大惟以田泥或搗黃土水飲之數升可下又以牛羊血同豬脂飲之亦可下本草釋名有螞蟥螞蟻等名吾邑農夫牧子統呼馬蝗

蜚蠊 一名蠹蟲俗呼牛蚊子大者曰馬蚊食牛馬血牧子見則撲殺之又有牛蝨一種本草一名牛蝨生牛身上狀如蠅麻子有黑白二色或有用作預解毒之良方者

蠹 本草釋名一名主簿蟲一名蠹尾蟲酉陽雜俎江南無蠹開元初有主簿以竹筒盛之過江故稱主簿蟲長尾爲蠹短尾爲蠹許慎云蠹蠹尾蟲也吾邑草木春生時各處多有之

蟻 本草一名蟻蟻一名蟻蟻言其狀也陶宏景曰大者如足大趾以背滾行乃駛於脚陳藏器曰蟻蟻居糞土中身短足長背有毛筋從夏入秋蛻而爲蟬飛空飲露能鳴高潔其未蛻之初吾邑有名爲地蠶者

木蠹 食木蟲也俗呼老木蟲一名蝟一名蝟蟻一名蝟蝟爾雅蝟蟻蝟也蝟蝟也陳藏器

曰木蠹一如蟻螻節長足短生腐木中穿木如錐至春雨後化爲天牛未化時皮肉白瑩詩頌如蝨蟻是也腐木中此蟲甚多

竹蠹 竹蠹生諸竹中狀如小蠶老則羽化爲硬翅之蛾俗呼筍子蟲生斑竹者小生慈竹者大淮南萬畢術云竹蠹飲人自言其誠高誘注云以竹蠹三枚竹黃十枚和勻每用一大豆許燒入酒中令人飲之勿至大醉叩問隱事必得其誠邑小兒最肯捕筍子蟲燒食之

蚱蟬 王允論衡云螻蟻化腹蝟腹蝟折背出而爲蟬名腹蝟者育於腹也蟬者變化相禪也蚱蟬聲也一名蝟其音調也詩鳴蝟噉噉一名齊女崔豹古今注言齊王后怨王而死化爲蟬故名李時珍曰蟬諸蝟總名也皆自螻蟻腹育變化方首廣額兩翼六足以脇而鳴吸風飲露四五月鳴而色紫青者螻蛄也七八月鳴而色青者蛸螻也九十月鳴聲甚淒急者寒螿也二月中便鳴者蟬母也似寒螿而小皆蟬類也吾邑各處均有之

蜚蠊 本草釋名一名蝮蝮一名推丸莊子云蝮蝮之智在於轉丸喜入糞土中取屎丸而推却之故俗名推丸崔豹古今注謂之轉丸弄丸又呼推車客其蟲深目高鼻狀如羌胡背負黑甲狀如武士故有蜚蠊將軍之稱吾邑鄉村俗呼推屎跋以土包糞轉而成丸雄曳雌推置於

坎中覆之而去數日有小蜚蠊出蓋孚乳於中也

蜚蠊 詩蜚蠊之羽李時珍曰蜚蠊一名渠略似蝓蛭而小大如指頭身狹而長有角黃黑色甲下有翅能飛夏月雨後叢生糞土中朝生暮死或曰水蟲也狀似蠶蛾卽吾邑所呼爲漲水蛾者

天牛 陳藏器注云螻蛄卽蝸蠹在朽木中食木心穿如刀錐口黑身長足短節漫無毛至春雨後化爲天牛李時珍曰天牛處處有之大如蟬黑甲光如漆甲上有黃白點甲下有翅能飛目前有二黑角甚長前向如水牛角能動其喙黑而扁如鉗甚利亦似蜈蚣六足在腹乃諸樹蠹蟲如螭蟻等所化也夏月有之出則主兩吾邑鄉農呼爲牽牛蟲以鳴聲長短卜歲豐歉

螻蛄 周禮注螻蛄也此蟲氣臭故名一名螻蛄同蟬名一名螻蛄同蛙名一名石鼠同碩鼠名一名梧鼠同飛生名皆名同物異也寇宗奭曰此蟲立夏後至夜則鳴聲如蚯蚓月令螻蛄卽此李時珍曰螻蛄穴土而居有短翅四足雄者善鳴而飛雌者腹大羽小不善飛翔吸風食土喜就燈光又有仙姑之名吾邑俗名土狗

螢 本草一名夜光一名熠燿並有夜熠宵燭等名寇宗奭曰螢常於大暑前後飛出是得大

火之氣而化故明炤如此體黃頭黑有複眼翅鞘柔軟尾端有發光器呼吸空氣入內光愈美麗李時珍曰螢有四種一種茅根所化月令腐草爲螢一種有光無翼乃竹根所化一種名蠲俗名螢蛆明堂月令腐草化蠲者是也外有水螢一種居水中唐李子卿水螢賦彼何爲而化草此何爲而居泉種種皆吾邑所有

竹蠹 一名竹佛子一名天厭子李時珍曰竹蠹生竹及草茅之上初如粉點久便能動百千成簇形大如蠶蒼灰色或云溫溼氣化或云蟲卵所化即吾邑農圃所呼爲蠹者

牛蠛 本草即牛蠛蠅亦作婢呂忱字林蠛嚙牛蠛也李時珍曰牛蠛生牛身上狀如婢麻子有黑白二色嚙血滿腹時自墜於地吾邑或有用作解痘毒方者甚效

鼻蠹 此物有數種鼻蠹其總名也江東呼爲蚱蟻謂其瘦長善跳窄而猛也陳藏器曰鼻蠹狀如蝗蟲有異斑者李時珍曰鼻蠹在草上者曰草蠹在土中者曰土蠹似草蠹而大者曰蠹斯似蠹斯而細長者曰蠹音許雅鼻蠹蠹蠹也草蠹負蠹也蠹斯蠹蟻音松也蠹蠹蠹蟻音笑也土蠹蠹音蟻蟻也數種皆類蝗而大小不一長角修股善跳有青黑斑數色均能害稼吾邑農

人呼爲蚱蟻音訛音訛爲游雜母

竈馬 本草綱目名蠓本草拾遺一名賊郎穴竈而居酉陽雜俎云竈馬狀如促織稍大脚長好穴竈旁俗言竈有馬足食之兆又有偷油婆者亦多在食櫃及廚竈間大如蟬而身扁色赤而黃有翼不能遠飛常緣竈行俗謂能解蜈蚣之毒吾邑廚竈多有

促織

俗名竈雞李時珍曰促織蟋蟀也一名螿

音

一名蜻蛚韻會蜻蛚蟋蟀陸機詩義疏云

似蝗而小正黑有光澤如漆有翅及角善跳好鬪立秋後夜鳴幽風七月在野八月在宇九月在戶十月蟋蟀入我牀下吾邑城鄉小兒及無賴子畜之竹筒使彼此相見卽鬪以較勝負

塵蟲

本草釋名有地鼈土鼈地蝨蠓蠓蟲蚘蚘蟲過街諸名陶宏景曰形扁如鼈故名土

鼈寇宗奭曰今人呼爲蠓蠓蟲亦象形也陸農師云塵逢申日則過街故名過街袖珍方名蚘蚘蟲鮑氏名地塊蟲好生鼠壤中及屋壁下或泥灰中與木石壓處黃黑色大如指頭似鼈無甲而有鱗吾邑小兒多捕以負物爲戲有呼爲地烏龜者有呼爲金龜者

水鼈

一名水端公如土鼈而小居水中浮沉自若水涸則上陸尋水草居之吾邑田池均有

蠅虎

爲蜘蛛類灰色如豆徘徊牆壁候蠅蚋集其處一躍而攫食之潛確類書一名蠅豹嘴

有雙肉爪攫蠅而食兩目似虎爛然生光人家牆壁多有之

地牯牛 體小數分頭有觸角如牛好居古牆灰沙中作漩渦如豆物至則直上攫取食之其

背有刺能倒行又稱倒行狗子吾邑小兒多以爲戲玩品

負蟻 俗呼叫姑姑此蟲善鳴卽詩所謂嘒嘒草蟲者也較蝗爲大前翅右下左上相重疊接

合處堅硬透明摩捺作聲雌者翅短尾端有產卵器凸出不能作聲一生凡數十子吾邑小兒

每製草籠將雄者閉置其中采南瓜花飼之又呼荒瓜蟲夜掛牀頭更定後鳴聲嘹唳清幽成

韻頗爲兒戲中之一雅趣

金龜子 大如乃豆頭面似鬼其甲黑硬如龜狀四足二角身首皆如泥金裝成蓋亦盡蟲所

化者段公路北戶錄云金龜子甲蟲也五六月生草蔓上大如榆莢背如金貼行則成雙死則

金色隨滅故以養粉令人性媚竺法眞羅浮山疏云山有金花蟲大如斑蝥文彩如金形似龜

可養玩數日宋祁益部記云利州山中有金蟲其體如蜂綠色光若泥金俚人取作婦女釵環

之飾鄭樵通志云爾雅蝻音蟻也甲蟲大如虎豆綠色似金四書所載皆一物也吾邑歷夏

及秋時有此物小兒捕獲呼爲木兒修修以線一端繫足一端執手聽其飛旋拂拂有聲如紡

綿狀亦趣戲也

叩頭蟲 蟲大如斑蝥而黑色按其後則叩頭剝剝有聲本草拾遺出南方者小而力微北方者大而力厚能入人耳灌以生油則出劉敬叔異苑云叩頭蟲形色如大豆呢令叩頭又令吐血皆從所教吾邑小兒亦每捕之以爲戲

壁蝨 俗呼臭蟲以其氣腥穢觸鼻故名本草拾遺人家稍不潔卽生此物亦有遠行於旅店驛舍中帶入衣被歸家卵生極易繁育一日夜生九十九子與蝨斯同形如半粒宛豆老則黑次則棗皮紅初生色黃便囓人其狡黠十倍蚤蝨昔人謂暑時有五大害蠅蚊蝨蚤臭蟲也然惟臭蟲尤衆而毒潛身牀蓐及几棹間善說人氣嚼其膏血腫塊纍纍若貫珠惟勤潔之家可免此患

蜜虎 似蜂而大首尖身圓狀如橄欖有兩翼亦如蜂翅遍身生毛花斑色尾有短毫鋪張如鵝尾鼻端有鬚二根喜入花心中以鬚鉤取花蕊其鬚能伸縮屈曲如象鼻以捲物本草拾遺或呼古路哥子或呼蜂虎入蜜蜂巢則盡食其蜂吾邑養蜂人家最惡之

螿螿 狀亦類蝗原蟲螿之一種爾雅又名螿蚶身青綠或黃頸長翅大細腰修股以指搦其後二脚全身遂上下不定俗稱尖擔姑鄉農謂荷草之杖銳其兩端曰尖擔螿螿之體長而頭

尾俱尖似之

伊威 詩伊威在室鄭玄言家無人則生本草名鼠婦陶宏景曰爾雅作鼠負言鼠多在坎中背貼負之韓保昇曰此物多在甕器底及土坎中常惹着鼠背故名俗亦謂之鼠粘因溼化生又名溼生蟲寇宗奭曰溼生蟲多足大者長三四分其色如蜎背有橫紋李時珍曰形似衣魚稍大灰色吾邑有呼爲地雞者又有呼爲地蠶子者

衣魚 蠹魚三食神仙字衣魚卽蠹魚也本草一名白魚一名蟬魚一名蛎魚又名壁魚寇宗奭曰衣魚久藏衣帛及書紙中形稍似魚其尾二歧故得魚名李時珍曰白其色也蟬其狀也丙其尾形也壁其居處也衣中猶少書卷中甚多色白粉厚粉以手觸之則落段成式云補闕張周見壁上瓜字化爲蠹魚因知列子朽瓜化魚之言不虛俗言壁魚入道經中食神仙字則身有五色人得吞之可致神仙唐張易之之子乃多書神仙字碎剪置瓶中取魚投之冀其蠹食而不能得遂致心疾書癡可笑又方士云衣魚食神仙字者三則化爲脉望夜持向天可以墜星求丹雖異於吞魚覬仙大抵謬妄古法芸草辟蠹吾邑有用蒿苳及菸草者

—

南川縣重修縣志卷六之三

風土下

植物

穀類

禮記月令注五穀黍稷麥豆麻周禮六穀黍稷稻粱麥苽酉陽雜記九穀黍稷稻粱三豆二麥爾雅翼梁者黍稷之總名菽者豆之總名稻者漑穀之總名三穀各二十蔬果各二十爲百穀茲就邑中農產各穀列左

稷稻 俗呼粘穀一名秬稷與秠同稷者硬也與軟糯之糯相對而得名稱類甚多邑有桂陽

粘紅邊粘烏脚粘白油粘百日早麻穀早三百粒陝西穀金城稻一名紅羅漢穀馬尾粘陽線穀

大雷粘小雷粘白風粘十月黃大葉粘一名藏白幹粘八十早冷水早陽塵早紅邊早脫穀等

共二十餘種老農云肥田不如換種汪穎食物本草穀得天地之和氣同造化生育之功

糯稻 俗呼糯穀性質軟糯故名又名秠又曰稌方言稻音之轉汪穎曰糯米緩筋令人多睡

以其性糯也邑有早糯大糯油糯紅殼糯尖刀糯竹杼糯黃絲糯湄潭糯矮子糯半邊糯米形中分半粘

半糯有呼為
半邊粘者 粘子糯諸種

玉蜀黍 俗呼包穀本草又名玉高粱又名御麥以曾經進御故也莖高六七尺葉生於節花著於巔莖腋生包包端鬚如垂纓包內實如搗捶長五六寸實外排粒繫繫然如茨色有黃紅白種別甚多大小早遲不一大概分粘糯二種粘者充糧釀酒糯者第以當蔬邑東南各區尤專賴之

蜀黍 俗呼高粱本草又有蜀秫蘆稌三農記稌亦名稌蘆粟木稷荻梁諸名李時珍謂種始自蜀故謂

之蜀黍汪穎曰蜀黍穀之最長者南人呼為蘆稌莖高丈許狀似蘆荻而內實穗大如帚粒大如椒紅黑黃白雜色兼備米性堅實有粘不粘之分邑萬盛場一帶多種

小米 黍稷之俗名本草釋名赤黍曰藇音藇曰糜音糜白黍曰芑黑黍曰秬一稭二米曰秠稷一

名稌又名黍李時珍曰稷與黍一類二種黍粘而稷不粘粘者亦可作酒不粘者可以作飯均以三月下種六月收四月下種七月收五月下種八月收皆有赤白黃黑數種足見黍與稷均

為小米猶稷與糯均為稻也莖葉花實無甚區別古之中原今之北方以為正糧南人專種稻食稻遂多不識黍稷為何物考辨紛如益覺混茫不知詩言彼黍離離彼稷之苗又先種後熟

曰重後種先熟曰穆皆合黍稷言之明其爲一類而稍有先後早遲耳南邑所種爲黃小米性
粘蓋黍之屬也

大麥 一名牟麥說文天降瑞麥一來二牟牟大於來本草陳承曰今人以粒皮似稻者爲大
麥古詩四月南風大麥黃吾南俗名穀麥又名老麥

小麥 本草名來亦作秣象芒刺之形天所來費今作也詩云貽我來牟莖葉均似大麥惟實端
芒疏而短可以磨麪造醬及作餅古詩麥隴風來餅餌香用途較大麥廣

穞麥 俗名米麥似小麥而粒色青黃作麵脆硬成熟期較早又名三月黃吾南貧農恃此接
濟饑殍間有穗出六稜號六稜麥者有粒端無芒號光頭麥者有粒端芒短號蝎辣子麥者皆
與米麥同類異種

青稞 俗名苜麥葉類粦而深青穗類穞而子離一名油麥穗散子結枝旁芒殼包粒米小而
長磨麵細膩和蜜或糖調服極佳三四月種六七月收因其稭多實少吾邑種者無多且於莖
葉勃茂結實未堅時每刈以飼牛馬俗呼回麥

蕎麥 俗呼甜蕎本草一名菽麥一名烏麥又名花蕎赤莖綠葉莖高三尺葉形三角花小而

白結實亦有二稜老則色烏黑用以磨麵滑細如粉亞於麥麵用以作飯須蒸使氣留年可種
收兩季秋蕎於立秋前後下種邑農每遇旱年種之乾田以救荒

苦蕎麥 苦蕎於春社前後種之莖青多枝葉似甜蕎而尖花帶綠色結實亦似甜蕎稍尖而
稜角不峭其味苦惡農家磨搗爲粉蒸使氣餹滴去黃汁乃可作爲饊餌聊濟饑荒邑中雖有
種者不及甜蕎之多

胡麻 俗呼脂麻作芝麻非是本草釋名一名巨勝又名方莖以莖形名又名狗蝨以米形名種由漢張騫得自大

宛故名胡麻實含脂甚富故名脂麻有遲早二種黑白赤三色秋開白花亦有帶紫者節節結
角陶宏景謂八穀之中惟此爲良純黑者名巨勝李時珍謂取油以白者爲勝服食以黑者爲
良

蘇麻 圖經本草白蘇南方呼爲蘇北方呼爲荏莖圓葉有尖四圍鋸齒色有紫有白收子以
白者爲勝入藥以紫者爲良秋開細白紫花成穗作房實如麻子榨油黃白色製煉以塗帛紙
遮塵禦雨甚柔軟光澤以塗竹木器華美生油可燈和蠟可燭沙州記云乞胡處之地不種五
穀惟食蘇子吾邑用子炒熟拌錫糖與脂麻同用

大麻 俗呼大麻李時珍曰大麻卽今火麻亦曰黃麻剝麻收子有雌雄雄者爲臬雌者爲苴曰漢麻者以別胡麻也又曰牡麻者卽雄曰孳麻者卽雌狀如益母草一枝七葉或九葉五六月開細黃花成穗隨卽結實子可取油剝其皮作麻其稽白而有稜其蕒爲米穀上品吾南農家先取其稽水泡數日然後剝皮晾乾以備繩索之用

黃豆 廣雅曰菽爲莢角類之總稱黃豆同他豆皆以夏至前後下種苗高一二尺葉團有尖開小白花成簇亦間有赤綠二色結莢長寸餘實有大小兩種可作腐榨油造醬炒食邑中各區皆種北路鳴玉鄉一帶最盛

黑豆 黑豆亦有大小二種本草綱目陳藏器曰黑大豆炒食極熱煮食甚寒作鼓極冷造醬及生黃卷則平牛食之溫馬食之冷製造不同性亦數變本草拾遺逢原云細黑豆亦名稽豆俗名料豆多以飼馬俗又呼馬料豆從新云料豆形長微扁黑小豆渾圓另是一種與之迥別大小黑豆吾南均有種者

赤豆 俗呼紅豆苗高尺許枝葉似豇豆葉微圓峭而小至秋開花仍似豇豆花而小淡銀褐色有腐氣結莢長二三寸比綠豆莢稍大皮色微白帶紅本草名赤小豆李時珍曰此豆以緊

小而赤黯色者入藥最佳吾南間有種者

綠豆 本草李時珍曰綠以色名舊本作菘者非此豆處處種之三四月下種苗高尺許葉小有毛秋開小花莢如赤豆其用甚廣可作粥飯磨而爲麵澄濾取粉可作糕餌爲食品要物水浸生芽又爲佳菜

白豆 本草釋名飯豆俗又呼大米豇莖葉莢實均似豇豆惟實色純白莢較短硬而微曲蔓延不如豇豆之長其熟在秋初約與爬山豆同類同時可用以作飯亦可作腐

時季豆 葉似綠豆而色淡嫩可茹食花白如粉蝶狀結莢長二三寸如蛾眉豆而小飢膚滑潤自根至梢繁衍生莢其色淡碧子鮮紅色亦有白者每莢中或三五粒早於諸豆年可種兩季故名二季豆俗則呼爲四季豆吾邑貧農春季種作蔬食外恆藉以救荒外有一種泥鰍豆俗呼洋四季豆莖葉花莢無異惟莢稍直而色微白耳

刀豆 本草釋名挾劍豆李時珍曰以莢形名也蔓生引一二丈葉如豇豆而稍長五六月開紫花如蝶翅莢長五六寸形似皂莢扁而劍脊三稜宛然嫩時煮食醬食蜜煎俱佳老則收子如拇指頭淡紅色煮食尤美邑人多種之

爬山豆 宜種山坡故名蔓生莖較綠豆細長葉較綠豆柔滑莢實亦如綠豆但莢微長而實色赤可麵可粥可煮食吾邑西北一帶多種此以濟青黃不接之食

豌豆 本草有胡豆戎菽回鶻豆畢豆青小豆青斑豆麻累諸名李時珍曰胡豆豌豆也其苗柔弱宛宛故得豌豆名種出胡戎嫩時色青老則斑麻故有胡戎青斑麻累等稱爾雅戎叔謂之荏菽唐史畢豆出自西戎回鶻國地孫思邈千金方青小豆亦名胡豆今則蜀人專呼蠶豆爲胡豆而豌豆名胡豆人多不知嫩時合莢煎煮老時去莢取子常食外提粉尤良與黃豆蠶豆均以北路鳴玉石溪等鄉爲蕃

蠶豆 本草釋名名胡豆李時珍謂豆莢狀如老蠶故名王楨農書謂當蠶時始熟故名太平御覽張騫使外國得胡豆種歸卽指此也邑人多種常食外晒醬磨粉

黎豆 俗呼貓豆又呼狗爪豆本草釋名狸豆一名虎豆以豆莢老則黑色露筋如虎狸指爪蔓生葉如豌豆但文理偏斜六七月開花成簇一枝結莢十餘長三四寸大如拇指有白茸毛吾南間有種者

菹豆 音扁 本草釋名沿籬豆一名蛾眉豆李時珍曰菹本作扁其莢形扁沿籬蔓延籬落間蛾

眉象豆春自理也葉大如圓蓋而花如小蛾有翅尾莢凡十餘樣或長或團或如龍虎爪或如豬耳刀鎌種種不同皆纒纒成枝嫩時可充蔬食老則收子煮食並入藥用邑人或於園圃邊種之

薏苡

本草釋名有解蠱芑實

音

米回回米薏珠子諸名圖經薏苡葉似蠱實而解散又似

芑黍之苗薷米乃其堅硬者有蠶強之意救荒本草名回回米又呼爲西番米俗名草珠兒馬援在交趾得之載還被譏以爲珍珠者卽此南邑西路觀橋鄉爲產區歲收約千餘碩二三月播種五六月抽莖開花結實收其實用竈炕乾以手碾取淨米爲吾邑出售大宗

穆子

俗呼鵝掌稗本草有龍爪粟鴨爪稗二名周憲王救荒本草穆子生水田溼地五月下

種八九月抽莖有三稜莖開細花簇簇結穗而分數歧子如黍粒而細色赤其稈甚薄其味粗澀邑人間或種之以救饑荒

罌粟

本草釋名米囊子一名御米一名象穀李時珍曰其實狀如罌子其米如粟象穀可供

御故有諸名秋種冬生嫩苗可作蔬食葉如白萱三四月抽莖結青苞花開則苞脫花凡四瓣大如仰盞罌在花中鬚髮裹之花開三日卽謝而罌在莖頭長一二寸大如馬兜鈴上有蓋下

有蒂宛如酒器中有白米極細可煮粥和飯水研瀝漿同綠豆粉作腐食尤佳又可榨油其殼入藥功用尤多是此物爲我國固有惟作用不同今處處種之吾邑東北附郭二十里內尤宜俟器老刺其皮出汁收同乾而煮爲膏名曰鴉片煙臥牀吸食沉溺黑海遂不免指爲毒物器粟其任咎乎

蔬類

爾雅其草木可常食者謂之蔬

菘 俗呼白菜陸佃埤雅云菘性凌冬不凋有松之操故曰菘俗謂之白菜其色青白其葉似蕪菁大面白嫩二月開黃花如芥花四瓣三月結角亦如芥子色灰黑其最肥大者曰牛肚菘蕪菁 俗呼青菜本草有蔓菁九英菘諸葛菜等名劉禹錫嘉話錄云諸葛所止令兵士獨種蔓菁云有六利至今呼爲諸葛菜塞北河西種者名九英菘吾邑鄉人但呼青菜外有紫菘一種俗呼紅青菜

菜菔 俗名蘿蔔本草釋名有蘆肥雹突紫花菘溫菘土酥諸名爾雅突蘆肥孫炎注云紫花菘也俗呼溫菘似蕪菁大根俗名雹突一名蘆菔是也王楨農書又謂蘿蔔冬曰土酥言潔白如酥也六月下種秋采苗冬掘根春末抽莖開小花紫碧色夏初結角子如大麻子五月亦可

再種俗名熱蘿蔔本地種形圓近自外來者橢而長大重量二倍金佛山及農場種之俗呼洋蘿蔔

蕓薹 俗名油菜惟唐本草名蕓薹本草綱目亦名油菜李時珍謂此菜易起薹須采其薹食則分枝必多故名蕓薹子可榨油故名油菜准人謂之薹芥種來自羌隴氏胡謂之胡菜種之冬寒能歷霜雪又謂之寒菜其葉形色微似白菜冬春採薹心爲茹深春老不可食開小黃花夏初結子如芥子灰赤色炒過榨油極佳邑人因有油利種者頗多

芥 俗呼蕓菜子又名金黃菜子王楨農書云其氣味辛烈菜中之介然者食之有剛介之象故名芥李時珍曰芥有數種青芥又名刺芥似白松有柔毛大芥亦名皺葉芥大葉皺紋色尤深綠味更辛辣馬芥葉如青芥花芥葉多缺刻紫芥莖葉皆紫如蘇石芥低小皆以八九月種次年三月開黃花子大如蘇子研末開水泡發以和肉食辛香可口謂之芥末又可榨油邑俗呼大菜子

白芥 本草釋名一名胡芥一名蜀芥李時珍曰其種來自胡戎而盛於蜀故名韓保昇曰胡芥葉大子白且粗入藥及啖最佳邑人多種於土邊采薹食如蕓薹

薑 說文作疆禦溼之菜也王安石字說能疆禦百邪謂之薑苗如初生嫩蘆而葉稍闊似竹葉對生葉亦辛香秋社前後新芽頓長如列指狀采食無筋謂之子薑秋末冬初則愈老愈辛矣吾南向時由外河運至現城區一帶種者亦多

葱 葱有三種一名冬葱夏衰冬盛莖葉軟美無子種皆分蒔邑呼分葱一曰四季葱葱苗粗硬挺直狀如牛角邑呼爲牛角葱一名火葱葉細長叢生根下有子瓣如蒜栽時先以火燻貯藏本草釋名名朶又有菜伯和事草等名朶者草莖中空有孔故字從孔此物諸食皆宜故云菜伯和事

蒼葱 本草釋名山葱爾雅蒼山葱李時珍云山原平地皆有之生沙地者名沙葱生水澤者名水葱細莖大葉香美異常邑中貧家婦孺恆采入街市售賣人皆喜食之

蒜 本草釋名小蒜別錄蒜李時珍曰蒜字從祿象蒜根之形中國初惟有此蒜自漢人得胡蒜於西域遂呼此爲小蒜以別之伏候古今注蒜茆蒜也俗謂之小蒜胡國有蒜十子一株名胡蒜俗謂之大蒜吾南鄉人統謂爲大蒜於特大之一種謂之桐子蒜乃五葷之一許氏說文謂之葷菜

蕪 俗呼苦蕪本草釋名蕪子又名菘音鈞子因其根白故呼蕪訛為菘葉狀似韭非葉中實而

扁有劍脊蕪葉中空似細葱葉而有稜根如小蒜一本數顆相依而生白樂天詩酥暖蕪白酒

謂以酥炒蕪白投酒中也吾南家家種之

辣茄 俗名蕪椒李時珍謂蕪味辛辣如火焯音罕火乾也人故名藥檢云辣茄入藥亦入食料莖高

尺許夏乃花白色五出倒垂如茄花結實青色熟則朱紅奪目有大如橘者長如指者種種不

一入藥惟取細長如象牙者一名番椒又名秦椒吾南種作常食或醃或擣每飯不離

茄 段成式云茄音加土音轉若缺陳藏器本草茄一名落蘇五代貽子錄作酪酥以其味似

酪酥也莖高二三尺葉大如掌自夏至秋開紫花五瓣相連黃蕊綠蒂其實有團如栝樓者有

長四五寸者有青紫白三色白者名銀茄諸茄至老皆黃入藥多用黃者邑俗黃者作種餘均

作菜茄

菘菜 俗名厚皮菜吾南呼牛皮菜葉似白菘而短莖亦相類但差小耳微作土氣四月開細

白花結實如菜萹狀

蒿苳 一名蒿菜李時珍謂自島國來故名本草又名千金菜葉莖俱青折之有白汁粘手四

月抽莖高三四尺煮食生醃俱宜紫色者俗名紅蒿苣

白苣 俗名蒿筭本草釋名石苣又名生菜陳藏器曰白苣似蒿苣葉有白毛折之仍有白汁

抽莖較肥大剝皮切片用鹽醋拌食

莧 陸佃埤雅莧之莖葉皆高大易見故字從見蘇頌曰大者爲白莧小者爲人莧其子霜後方熟細而色黑紫莧莖葉通紫吳人用作染料惟此莧無毒不寒又有赤莧謂之花莧莖葉通赤食之甚美邑人多種之

九英菘 俗呼大頭菜本草綱目李時珍謂九英根大而味短削淨爲菹甚佳孟詵曰九英菘出河西今處處皆種邑產不甚肥碩

韭 本草一名草鍾乳一名起陽草陳藏器曰鍾乳言其溫補也鄭玄言政道得利陰物變爲陽故葱變爲韭葱冷而非溫侯氏藥譜因名起陽草又按說文韭字象葉出地上之形一種而久生故謂之韭吾邑農家產而不多

巢菜 俗呼苕菜本草拾遺名翹搖陳藏器曰幽州人謂之苕搖李時珍曰其葉柔婉有翹然飄搖之狀故名蘇東坡云菜之美者蜀鄉之巢故人巢元修嗜之因謂之元修菜食必先以酒

烹之否則令人心跳頭暈蔓生如豌豆即俗所謂野豌豆也蜀農植以糞田甚於蠶矢南邑麥
田野生農人無種者

草石蠶 俗名地鈕本草釋名一名地蠶一名土蛹又名甘露子李時珍曰蠶蛹皆以根形相

肖名甘露以根味而名苗長尺許方莖對節狹葉有齒微皺有細毛四月開小花成穗結實如

荊芥子其根連珠如老蠶狀浸以鹽水食之吾南間有種者

蘆葵 本草綱目一名香妥一名胡葵可以香口張騫使西域得種歸故有此二名俗呼蘆葵

葵者其根多鬚綏綏然也蘆者莖葉布散之狀齊民要術云六七月布種可竟冬食王楙農書

云胡葵於蔬菜中子葉皆可用生熟俱可食吾南家家種之

茼蒿 圖經云葉綠形如列缺微似白蒿本草一名蓬蒿均取其形氣同夫蒿也八九月下種

冬春采食四月起臺高二尺餘花色深黃狀如單瓣菊花結子繁衍成穗詩云呦呦鹿鳴食野

之蒿人見鹿食而健是以收種為蔬吾南種者亦居多數

芹菜 本草名苦蕒一名水英又名楚葵陶宏景曰蕒字俗作芹二三月作英時可作葅肉食

香料李時珍曰其性冷滑如葵故爾雅謂之楚葵又曰芹有水芹旱芹兩種水芹生陂池之涯

旱芹生平陸吾南兩種均有

菠菜 本草名菠薐一名波斯草唐會要云太宗時尼波羅國獻菠薐菜類紅藍方士隱名波斯草圖經云莖柔中空葉綠膩軟厚傍出兩尖直出兩尖根赤長數寸又名赤根菜吾南俗呼甜菜以味美也

蘿菜 圖經云幹柔如蔓中空葉如菠薐菜李時珍曰性宜溫地畏霜雪九月藏入土窖中三四月取出壅以糞土卽節節生芽一本可分蒔一畦

冬苋菜 本草名東風菜又名冬風言東風者先春而生也言冬者得冬氣也莖高二三尺葉圓而稍長極厚微有細毛節間有小紅花莖葉宜作羹食香氣似馬蘭吾南家家種此

芋 本草釋名土芝又名蹲鴟史記岷山之下野有蹲鴟至死不饑注云芋也芋魁狀若鴟之蹲坐芋類雖多苗并相似莖高尺餘葉大如扇有水旱二種水芋宜田旱芋宜土南邑種水芋者多

馬鈴薯 俗名洋芋原產於南美之智利國高二尺許葉爲羽狀複葉以大小二種葉合成暮春莖端開花或紫或白地下莖生塊狀圓形一窩多至數十枚少亦數枚如馬鈴故名吾南種

食已見農業糧食下水淘去皮磨粉與藕粉同惟色不甚白

魔芋 本草拾遺名鬼芋本草綱目名蒟蒻又名蒟頭名鬼頭俗呼爲大豆子以磨作漿和石灰煮爲腐而後食與黃豆同其根穿土蔓延掘不易盡故種後不須更植以鬼魔名者因磨時或無故不下漿近於邪魔也

甘藷 俗呼紅苕本草拾遺名甘儲一作薯又名米薯以其皮間有紅色者山海經郭注藷儲薯語有輕重耳二月下種宜高沙地莖長數尺至丈許節節生葉至四五月剪而插之三葉爲一株相間尺許其原種母莖隨長隨剪至六七月尙可陸續栽種絲絲不絕惟結實早多而晚少耳栽後莖蔓漸長宜隨時翻覆勿令浮根入土結實橢圓大者如鵝卵小者如鷄卵有皮白心紅者有皮紅肉白者味甘可代米穀與洋芋俱有舊新二種新者味薄於舊而碩大倍之農家競種新而棄舊亦物競天擇之一證也番薯本產於交趾粵東吳川縣人林懷蘭攜種以歸遂蔓延全國粵人立番薯林公祠以紀念之

山藥 俗名脚板苕根大多枝狀如人脚故名卽本草薯蕷之一種唐時避代宗嫌名改稱山藥李時珍曰入藥以野生爲勝供饌則家種爲良四月生苗蔓延莖紫葉綠有三尖而光澤可

愛五六月開花成穗均淡紅色實圓根大霜後結實蕃種炕火邊至春大者切爲數片窖土亦生與洋芋同

胡蘿蔔 李時珍曰元時自胡地來氣味微似蘿蔔故名俗呼紅蘿蔔六七月下種生苗如邪蒿肥莖有白毛辛臭如蒿不可食冬月掘根皮色紅形小而長至次年三四月莖高二三尺開碎白花攢簇如傘狀似蛇床花子亦如蛇床子吾南惟城區多種之

南瓜 呼荒瓜無義疑爲肪瓜以較他瓜肉厚切之類肢肪不然則適當六七月繇繇碩大亦可濟荒本草集解李時珍曰南瓜種出南番故名二月下種宜沙沃地生苗引蔓可延十餘丈節節有根近地卽着其莖中空其葉狀如蜀葵而大如荷葉開黃花如喇叭狀結瓜正圓一莖可結數十顆皮色綠或白或斑老則轉黃剖之其中瓤赤子藏瓤內肉厚味甘子晒乾煎食亦香吾南家家種之大者重十餘斤

冬瓜 本草綱目冬瓜經霜後皮上白如粉塗其子亦白故又名白瓜賈思勰云冬瓜正二三月種之若十月種者結瓜更較春種肥好李時珍曰冬瓜生苗引蔓葉圓而末尖葉莖皆有刺毛結實大者徑尺餘長三四尺嫩時綠色亦有毛老則蒼色有粉皮堅厚而肉肥白可茹可蜜

惟吾南種者不及別瓜之多

黃瓜 本草名胡瓜陳藏器曰北人避石勒諱改呼黃瓜至今因之李時珍曰張騫使西域得種故曰胡瓜按杜寶拾遺錄隋大業四年避諱改呼黃瓜與陳說微異其種二月生苗引蔓葉如冬瓜亦有毛花色黃結瓜圓一二寸長六七寸熟居諸瓜之先

絲瓜 本草釋名曰天絲曰天羅又有布瓜蠻瓜魚鱔三名李時珍曰此瓜老則筋絲羅織故有絲羅布等名昔人謂之魚鱔或云虞刺種自南方來故曰蠻瓜二月下種生苗牽蔓圃中作棚架植竹竿木條引之葉大而有尖角其莖有稜花色黃而五出結實圓徑寸許長五六寸綠色皺紋子嫩白近瓠犀老黑而扁嫩時去皮烹食老則大如杵筋絡纏紐如織可以滌器吾南老圃或以線瓜呼之

地瓜 其莖蔓生春暮播種葉大而圓背白面青似苧麻五六月開小花紅白色似胡豆花花落生長莢含種子數粒根入地結實肥圓大者比巨碗重一二斤次亦四五兩與苕芋同類皮淡黃肉白秋季掘而煎食味生脆 邑舊產近二十年傳來遂爲園蔬大宗惟年需購外種本地所蓄不佳

苦瓜 救荒本草一名錦荔枝一名癩葡萄周憲王曰錦荔枝卽癩葡萄蔓延草木莖長七八尺葉似野葡萄開黃花五出結瓜長二三寸或五六寸不等遍體痲癩色在青白之間生醃及煎食或用蜜漬尤佳子黃白色外有紅膜包之

金瓜 根莖葉皆似南瓜較小至秋結實形扁圓而色赤不作蔬食只供玩品種者少

菜瓜 本草名越瓜又名稍瓜陳藏器曰越瓜生越中大者色正白越人當果食之處處皆有二三月下種生苗就地引蔓青葉黃花如冬瓜結瓜有青白二色皮堅硬而有瓣紋以醬漬之味甚脆而鮮吾南又呼八稜瓜種較金瓜稍多

匏 瓠 壺盧 一物而形味作用有別其一短頸大腹味苦用以盛酒濟水爲筴諸書多謂爲匏說文從夸包聲取可包藏物匏瓢音近且瓢字從瓜古代舀水之器多以匏爲之然亦有謂之瓠者莊子之大瓠爾雅之康瓠是也其一瘦長首尾粗細略同味甘專以供食諸書多名爲瓠然亦可謂之匏說文匏下云瓠也足見其爲互訓其一上部細長下腹圓大別名懸瓜晉人呼長柄葫蘆邑人土語呼爲疙瘩家用以舀酒醪者也至壺盧簡稱曰壺詩八月斷壺是壺瓠一聲之轉實爲匏瓠之通名瓠廣韻戶吳切一作洪孤切皆平聲正字通辨之謂作器者當讀若胡平聲充食者當讀若互去聲其用以爲器如鴟冠子之一壺千金用

以充食者如幽風之八月斷壺今必執定孰爲匏孰爲瓠孰爲壺盧不相通假稽之古書祇自取困難耳三者邑園圃中皆間種之不如就俗名瓠子疙痞壺盧爲區別較易曉然

果類

桃 李時珍曰桃品甚多易於栽植且早結實五年以刀剗其皮出其脂液則多延數年其花有紅紫白千葉各色之殊其實有紅桃緋桃碧桃細桃白桃烏桃金桃銀桃胭脂桃皆以色名者也有錦桃油桃御桃方桃扁桃偏桃以形名者也有五月早桃十月冬桃秋桃霜桃皆以時名者也竝可供食惟山中毛桃小而多毛質粗味惡不堪入口然其仁充滿多脂可入藥吾南惟以白花桃仙桃爲佳至於毛桃則覓於山野以備移接

李 羅願爾雅翼李乃木之多子者故字從木子李時珍曰李綠葉白花樹能耐久其種近百其子大者如杯如卵小者如彈如櫻其味有甘酸苦澆數種其色有青綠紫朱黃赤縹綺胭脂青皮紫灰之殊其形有牛心馬肝柰李杏李水李離核合核無核扁縫之異諸李早則麥李御李四月熟遲則晚李冬李十月十一月熟吾南偏僻不過青翠李雞血李麥李桐子李諸種熟時以五六月爲多產地以近城二十里內爲盛西路九間房一帶種江安李味特甘美多者一

家歲出百餘擔利與種田數十畝等夏季之食用賴以接濟誠不耕而穫之美利也

杏 李時珍曰諸杏皆圓而有尖二月開紅花結實黃而圓者名金杏甘而有沙者爲沙杏黃而帶酢者爲梅杏青而帶黃者爲柰杏惟金杏大如梨黃如橘吾南各種俱有

梅 陸機詩疏梅杏類也樹葉皆略似杏葉有長尖先衆木而花其實酢或云梅者媒也媒合衆味故書云若作和羹爾惟鹽梅吾南城市製賣鹽梅者頗多

栗 事類合璧栗木高二三丈苞生多刺如蝟毛每枝不下四五個苞青黃赤三色其中實又自有殼色生黃熟紫每苞容實或單或雙或三或四殼內有膜裹仁九月霜降乃熟其苞自裂而子墜乃可久藏吾南鳴玉鄉河邊及東南兩路出產最多

棗 陸佃埤雅云大曰棗小曰棘棘酸棗也棗高故重束棘低故並束束音次棗棘皆有刺鍼會意也李時珍曰棗赤心有刺四月生小葉五月開小花白色微青結實橢圓色始青白達成熟期則轉紅吾南人家宅畔園中多有植者蜜之爲餅乾之爲藥酸棗則爲材木之一

梨 梨者利也其性下行流利俗人謂之快果樹高二三丈尖葉花膩有細齒二月開白花如雪六出李時珍曰上已無風結實必作故古語云上已有風梨有蠹中秋無月蚌無胎吾南有

青皮黃皮兩種質不甚脆

木瓜 本草釋名一名楸爾雅楸木瓜郭璞注云木實如小瓜酢而可食故名楸從林矛諧聲也李時珍曰木瓜可種可接可以枝壓其葉光而厚其實如小瓜而有鼻汁多津潤味不木者爲木瓜圓小於木桃味木而酢濇者爲木桃似木瓜而無鼻大於木桃味濇者爲木李亦曰木梨吾南鄉人多混爲一

林禽 或以爲卽花紅或以花紅爲林禽之一種又與蘋果亦大相類似本草釋名名來禽以此果味甘能來衆禽於林故名又名文林郎果唐高宗時紀王李謹得五色林禽似朱柰以貢帝大悅賜謹爲文林郎人因以爲名其葉橢圓緣邊鋸齒暮春開白花五瓣微紅夏末果熟形圓有紅暈味甘酸其實沙鬆樹易栽植蟲害甚多惟埋蠶沙於樹下可免北方稱沙泉吾南花紅甚多夏季與桃李同市

柿士音 李時珍曰柿從弟音滓諧聲也俗作柿非高樹大葉圓而光澤四月開小花黃白色結實青綠色未熟時味極澀八九月熟時則紅味甘可作柿餅一種爲油柿其膏汁可塗物吾南多生摘置罈中押好倒置水盆十餘日取食味美可口

石榴 本草名安石榴博物志漢張騫使西域得塗林安石國榴種以歸故名五月開花有紅黃白三色古詩所謂五月榴花照眼明也事類合璧實大如杯皮有黑斑點皮中如蜂巢有黃膜隔之子密比成窠形如人齒淡紅色亦有潔白如雪者潘岳賦云榴者天下之奇樹九州之名果千房同膜千子如一禦飢療渴解醒止醉吾南處處有之

橘 孔安國云小曰橘大曰柚

俗以橙爲柚者非

事類合璧橘樹高丈許枝多生刺葉兩頭尖綠色光面

大寸餘長二寸許四月著小白花甚香結實至冬黃熟大者如巨盃皮中有瓣瓣中有核味微酢吾南地氣稍寒向時植者甚少近始購秧推廣期成林獲利

柑 本草名木奴李時珍曰南方果也閩廣温台蘇撫荊州爲盛川蜀雖有不及之其樹無異於橘但刺少耳柑皮比橘色黃而稍厚理稍粗橘可久留柑易腐敗柑樹畏冰雪橘樹略可耐此其異也吾南有皺皮柑廣柑數種

橙 本草一名金毬陸佃埤雅云橙柚屬也可登而成之故字從登又諧聲也事類合璧云橙

樹高大過橘有刺其實大者如盃頗似朱欒

柚之大者謂之朱欒

經霜早熟色黃皮厚香氣馥郁其皮可以

萐鮮可以薰衣可以和麴醞可以爲醬蠶可以蜜煎可以糖製爲橙丁可以蜜製爲橙膏嗅之

則香食之則美誠佳果也吾南家家宅畔植之惟無以上種種食法

枇杷 寇宗奭曰葉形似琵琶故名郭義恭廣志云枇杷易種葉微似栗冬花春實其子簇結有毛四月熟大者如雞子小者如龍眼白者爲上黃者次之楊萬里詩云大葉聳長耳一枝堪滿盤荔支分與核金橘却無酸頗盡其狀吾南多數人家植之飢年窮戶剝皮磨麵充腹

拐棗 樹高二三丈幹皮略如烏柏葉似構葉而薄四五月細花成簇色青白實如箸頭大長半寸許曲拐無常簇結枝間肉內有筋於實端或拐處結子如椒狀以手按之則殼去仁爲兩瓣酷肖棗仁因名棗九十月黃熟必拾其自落者味甘可口否則澀而難食以熟未到樹點也但未落時多爲野獸獐子等所食吾南獵人多於樹下掩取之

枸櫞 本草釋名一名佛手柑李時珍曰木似朱欒欒大者爲朱欒葉尖長枝間有刺植之近水乃生其實狀如手有指俗因呼爲佛手柑皮如橙柚而厚皺而光澤其色如瓜生綠熟黃核細味不甚佳而清香襲人蓄花木者間植之園內

櫻桃 樹不甚高春初開白花繁英如雪葉團有尖及細齒結子一枝數十顆三月熟時須守護否則鳥食無遺禮記仲春羞以含桃荐宗廟卽此李時珍曰其類如瓔珠故謂之櫻而許慎

作鴛桃謂鴛所食故又曰含桃邑人每於宅旁牆下植之生食外以蜜漬及和糖作羹尤美
白果 本草綱目名銀杏李時珍曰葉似鴨掌本名鴨脚子宋初始入貢改呼銀杏因其形似
小杏而核色白也今名白果樹高二三丈葉薄有刻缺面綠背淡二月開花成簇青白色二更
時隨開隨落人罕見之一枝結子百十枚狀如棟子經霜乃熟爛去皮肉取核爲果其核兩頭
尖三稜爲雄二稜爲雌其仁嫩時綠色久則黃此樹須雄雌同種近能相望乃結或雌樹臨水
或鑿一孔納雄木一塊泥封之亦結陰陽相感之切如此吾邑東南如半河大有元合德隆小
河各鄉多產之

師栗 本草綱目暨拾遺皆名天師栗宋祁益州方物志天師栗青城山中有之云張天師學
道於此所遺蓋因名而附會也形質似栗而味美惟獨房若橡爲異耳李時珍謂今五當山所
賣婆羅子恐卽此物猶作擬議未定之詞本草拾遺直謂一名婆羅子前清秋闈赴省曾親見
成都市所售婆羅子俗呼汗珠子其形圓若山中大橡實其色黑與吾南山野猴師栗一種頗
肖猴師栗外又有一種葉似柃皮似玉蘭開花成簇結實如薏苡火炒去殼食之甘香其材亦
略似橡材橡卽青桐吾南農家以爲鋤柄斧柯與橡木同堅硬

茱萸 茱萸處處有之入藥以吳地者爲良故有吳茱萸之稱俗呼純黝子枝柔而肥葉長而皺其實結於梢頭纍纍成簇而無核一種粒大一種粒小小者入藥爲勝淮南萬畢術云井上宜種茱萸葉落井中人飲其水無瘟疫懸其子於屋辟鬼魅桓景九日避災作絳囊盛茱萸卽此吾南人家宅外多種之男婦氣疾作恆吞食多效

蜀椒 本草釋名一名巴椒一名漢椒一名川椒李時珍曰蜀古國名漢水名今川西成都廣漢潼川諸處是巴亦國名又水名今川東重慶夔州諸處是川則巴蜀之總稱蜀椒肉厚皮皺木高四五尺似茱萸而小有針刺葉堅而滑可煮飲食四月結子無花但生於枝葉間顆如小豆而圓子色光黑如人之瞳人因謂之椒目吾南鄉村種者頗多味劣者曰水椒臭惡者曰狗矢椒

核桃 本草名胡桃又名羌桃其果本出羌胡漢張騫使西域得種還故有二名李時珍曰胡桃樹高丈許春初生葉長四五寸兩兩相對三月開花如栗花穗蒼黃色結實至秋如青桃狀堅如鐵捶碎乃得肉仍有硬骨間之吾邑東南兩路爲多

葡萄 漢書作蒲桃造酒飲之陶然而醉故有是名圓者又名草龍珠長者名馬乳葡萄白者

名水晶葡萄黑者名紫葡萄漢書張騫使西域還得此種古詩年年戰骨埋荒外空見葡萄入漢家但神農本草已有葡萄或漢前隴西舊有特未入關耳剪節插之即活與番藟同李時珍曰葡萄折藤壓之最易生長春月萌苞生葉頗似括樓葉有五尖生鬚延蔓引數十丈三月開小花成穗黃白色繼續作實星編珠聚七八月熟有紫白二色吾南人家園亭藉作涼篷實堪蔽喝消暑

無花果 本草釋名一名映日果一名優曇鉢又名阿𩚑楚音李時珍曰無花果凡數種映日果

即廣中所謂優曇鉢及波斯所謂阿𩚑也枝柯如枇杷樹三月發葉如構五月不花而實實出枝間狀如木饅頭其內虛軟可生剝食可以鹽漬壓食味甘如柿吾南人家間有之

橄欖 梅聖俞集名青果紀事珠名忠果王楨農書名諫果其樹高可數丈葉似檉柳二月開花八月成實狀如長棗兩端俱尖其色青核亦兩端尖而有稜核內有三竅中有仁可食吾南西關外東岳廟有樹一株每年結實甚多

水果類

蓮藕 爾雅荷芙蕖其莖茄其葉漚其本密其華菡萏其實蓮其根藕足以入藥供食者惟蓮

與藕李時珍曰蓮者連也花實相連而出也花葉當偶生不偶不生故根曰藕或又云藕善入

泥故字從耦耦者耕也大抵野生及紅花者連多藕劣種植及白花者連少藕佳吾南種植白

花居多數惟城內浴池係紅蓮盛開之年飽觀奪目其葉其華其實其根無不清美擬之君子誠當

菱角 本草名菱實李時珍曰其葉支散故字從支其角稜萌故謂之菱俗呼為菱角也三月

生蔓延引葉浮水上葉下之莖有股如蝦股一莖一葉兩兩相差如蝶翅狀五六月開小白花

結實有三角四角兩角無角數種吾南陂池所種兩角者多

勃臍 本草名烏芋一名覺苳並有覺茨黑三稜地栗諸名李時珍曰烏芋其根如芋而色烏

也覺喜食之故爾雅名覺苳後遂訛為覺苳又訛為勃臍至三稜地栗皆形似也其苗三四月

出土一莖直上無枝葉狀如龍鬚吾南農家以稻田種之利倍於稻

慈姑 本草釋名有河覺苳白地栗剪刀草箭搭草槎丫草燕尾草諸名李時珍曰慈姑一根

歲生十二子如慈姑之乳諸子故名作茨菰者非河覺苳白地栗所以別於烏芋之名覺苳地

栗也剪刀箭搭槎丫燕尾均象葉形又曰慈姑生淺水中人亦種之三月生苗青莖中空其外

有稜葉如燕尾前尖後歧霜後葉枯根乃練結冬及春初掘以為果可以充饑惟須灰湯煮熟

去皮食味乃甘甜而不麻澀吾南多自生水田中無種食者

蔣草類

棉花 本草棉有二種木類者產於廣東福建樹高七八丈棉弱如柳絮色黃褐可實裊褥而不可彈紡或疑爲禹貢島夷卉服者是也草類者名吉貝本印度產南史作古貝或以爲唐時或以爲元時入中國現在普種者是也莖高二三尺葉掌狀分枝花黃結實如桃熟時綻裂花挺露采取用機繳去其子彈之爲絮紡之爲紗織之爲布子可油滓可糞枯可薪葉飼牛吾南近時漸有種者

枝藍 爾雅葳馬藍本草蓼藍葉如蓼以枝栽土中卽生三四月苗漸高至二三尺許葉大而皺黝色深青桔圓有節節間生葉葉卽出綻歲凡三采葉入水浸四五日將腐下石灰點之則成錠乃染色必需之品吾南如白沙井太平場鐵村壩雙河場石牆場等處出產頗多農人賴以獲利

苧麻 李時珍曰可以續紵故謂之紵凡麻絲細者爲紵粗者爲紵莖高七八尺葉如楮葉而無叉面青背白有淺毛夏秋間着細穗青花歲可三刈采莖剝皮以刀刮去內白瓢外面粗皮

自脫縛作小束日晒夜露三五日自然潔白劈之成縷績之爲布吾南女紅以此爲第一要務
甘蔗 野史呂惠卿謂凡草皆正生嫡出惟蔗側種根上庶出故字從庶穡含草木狀作竿蔗
謂其莖如竹竿也李時珍曰蔗皆畦種叢生莖似竹而內實爲竹蔗長六七尺根下節密以漸
而疎抽葉如蘆長三四尺扶疎四垂可充果食亦可榨汁作糖又一種紅色者名紫蔗卽崑崙
蔗止可生啖吾南無種者卽竹蔗亦種植無幾只供啖食無製造糖房

菸草 俗名葉子菸一名淡巴菰其種於明代由呂宋傳入中國莖高三四尺其葉可製捲菸
鼻煙絲煙等故謂煙草製法先採葉晒乾又令濕潤發酵俾生香味後用藁草捆束吾南種多
者動至千餘斤少亦數百斤或數十斤

落花生 本草拾遺一名長生果福清縣志出自外國昔年無之蔓生沙土細葉黃花謝時
其中心有絲垂入地結實故名一房可一二粒炒食味甚香美一說康熙初年僧應元往扶桑
覓種寄回亦可壓油現有新種俗呼洋花生較舊種結實肥大但米粒多不充實味亦稍遜向
惟產於長江兩岸及重慶以上各縣今吾邑亦多種者然新種多而舊種少矣

菱筍 俗呼高筍本草名菰又名菱草名蔣草說文菰本作苽從瓜諧聲也呼菰爲菱以其根

交結也又名菰荷又名菱白根生水中央葉如蔗荻久則根盤而厚中心生白臺如藕狀似小兒臂而白軟中有黑脉堪啖晉張翰思吳中蓴菰卽此

燈草 本草綱目一名虎鬚草一名碧玉草苗叢生莖青圓細長開細心白花結子初秋刈莖折抽中心白瓢引長若線用爲燈炷不抽心可織席其爲綿軟邑西觀音橋特產外有水燈心草一種莖長尺許野生只供藥引

蓆草 本草名石龍芻一名龍鬚以此草生水石之處可以刈束養馬故名述異記周穆王東海中養八駿處有草名龍芻韓保昇曰俗名龍鬚草可以爲蓆李時珍曰龍鬚叢生狀如荔枝苗直上夏月莖端開小穗花結細實並無枝葉今人多栽蒔織蓆吾南有種之者

葵 俗呼向日葵以其圓朶隨日東西傾向之也本草釋名名露葵又曰滑菜古人採葵必待露解故名露葵呼爲滑菜言其性也王楙農書謂爲百菜之主其莖高丈許葉大如扇背有粗毛緣邊有缺刻莖端結一大盤徑七八寸外花內實花瓣鮮黃子密排於中用杵敲下晒乾剝食其仁吾南種之者多

萱草 本草釋名有忘憂療愁丹棘鹿葱宜男諸名李時珍曰萱本作諼諼忘也詩焉得護草

言樹之背謂憂不能自遣欲樹此草玩以忘憂也吳人謂之療愁董子云欲忘人之憂則贈之丹棘一名忘憂故也其苗烹食氣味如葱而鹿食九種解毒之草萱乃其一故又名鹿葱周處風土記云懷妊婦人佩其花則生男故又名宜男五月抽莖開花六出四垂朝開暮萎吾南種者采取蒸熟晒乾名黃花又有金針之名以和肉羹味極鮮美

黃連 本草又名支連以其根連珠而色黃也苗似茶叢生一莖生三葉高尺許凌冬不凋花黃色六七月根緊始堪采李時珍曰李當之本草惟取蜀郡黃肥而堅者爲善吾南金佛山藥材以此爲大宗貴品

大黃 本草釋名一名黃良一名將軍陶宏景曰黃良其色也將軍之號當取其駿快蘇恭曰莖高六七尺而脆味酸堪生啖葉粗長而厚根紅者狀似羊蹄大者乃如盃長二尺其性溫潤而易蛀壞火乾乃佳吾南金佛山廣種之

野草類

艾 王安石字說艾可又疾故字從艾醫家用灸百病故又石醫草李時珍曰此草多生山原二月宿根生苗成叢其莖直生高四五尺其葉四布狀如蒿分爲五尖極復有小尖面青背白

有茸而柔厚以五月五日連莖採取曝乾備入藥之用

菖蒲 本草釋名菖蒲乃蒲內之昌盛者故名典術云堯時天降精於庭爲韭感百陰之氣爲菖蒲故又名堯韭方士因其葉形肖劍又名水劍草蘇頌曰春生青葉長二三尺許葉心有脊似劍無花實均以五月五日收之其根盤屈有節狀如馬鞭李時珍曰一種生於水石之間葉亦有劍脊瘦根密節高尺餘者石菖蒲也入藥以此爲良古詩九節菖蒲石上仙

芭蕉 本草名甘蕉陸佃埤雅云蕉不落葉一葉舒則一葉焦故謂之蕉曹叔雅異物志芭蕉結實其皮赤如火其肉甜如蜜四五枚可飽人而滋味常在齒牙間故謂之甘蕉李時珍曰甘蕉卽芭蕉乃草類也望之如樹株大者一圍餘葉長丈許廣尺餘至二尺根如芋魁其葉用以裹物蒸粍氣極清香吾南家家培之

茵陳蒿 陳藏器曰此蒿經冬不死更因舊苗而生故名因陳後加蒿字耳李時珍曰山茵陳二月生苗其莖如艾葉如淡色青蒿而背白九月開細花黃色結實大如艾子吾南田土邊生之

青蒿 本草釋名又名香蒿李時珍曰青蒿二月生苗莖粗如指而肥軟莖葉色並深青其葉

微似茵陳而面背俱青其根白硬七八月間開細花頗香結實大如麻子中有細子吾南野生極多俗名苦蒿

夏枯草 本草又名鐵色草朱震亨曰此草夏至後即枯蓋純陽之氣得陰則枯故名蘇恭曰冬至後生葉似旋覆三月四月開花作穗紫白色一穗有細子四粒五月便枯吾南處處有之鼠耳草 形如鼠耳故名詩人謂之卷耳爾雅謂之蒼耳廣雅謂之藁耳陸機詩疏云其實如婦人耳瑤因又名耳瑤草李時珍謂其葉如藁麻又如茄故又名野茄周憲王救荒本草云葉青白類枯縹菜葉秋間結實比桑椹短小而多刺熱水浸淘拌食可救饑吾南處處有之

蒼葉 本草名箬李時珍曰箬若竹而弱故名其生疎遠故俗呼蒼節籜與葉皆似蘆荻葉色青青面淡柔而韌新舊相代四時常青吾南間有取葉作笠及篷者至端午節包米糉必用之車前草 爾雅云茅苴馬爲牛遺車前陸機詩疏云此草好生道邊及牛馬跡中故有數名春初生苗其葉布地累年者長及尺餘中抽數莖作長穗如鼠尾花甚細密結實如葶藶赤黑色五月採苗七八月採實昔人常以爲蔬今只入藥邑中道左遍地皆是

馬鞭草 本草又名龍牙草鳳頸草蘇恭曰穗類鞭鞘故名馬鞭李時珍曰龍牙鳳頸皆因穗

取名下地甚多春月生苗方莖葉似益母對生夏秋間細花作穗吾南處處有之

升麻 李時珍曰其葉似麻其性上升故名春生苗高三尺以上四五月着花似粟穗白色六月以後結實黑色根如蒿根紫黑多鬚吾南各區田野多生之

益母草 本草名茺蔚以其充盛密蔚名也其功宜於婦人及明目益精故有益母及益明之稱莖方類麻又謂之野天麻郭璞注爾雅云葉似荏方莖白華華生節間節節生花實似雞冠子黑色夏至後即枯亦有夏枯之名吾南田野極多

牛膝 陶宏景曰其莖有節似牛膝故名李時珍曰本經又名百倍隱語也言其滋補之功如牛之多力也其葉似莧其節對生故又有山莧菜及對節菜之稱紅者爲佳吾南野生往往有之

麥門冬 李時珍曰根似麥而有鬚其葉如韭凌冬不凋故謂之麥門冬又有烏韭愛韭馬韭羊韭禹韭忍冬諸名可以服食斷穀故又有禹餘糧不死草之稱吾南竹林邊及宅外道旁沃土多生

紫蘇 李時珍曰蘇從穌音酥舒暢也蘇性舒暢行血和血故謂之蘇其莖方其葉圓而有尖

四圍有鋸齒肥地者面背皆紫瘠地者面青背紫嫩時采葉和蔬茹之吾南有宿子在地自生鮮有種者

半夏 禮記月令五月半夏生當夏之半也生苗一莖莖端三葉淺綠色頗似竹葉八月采根其實乃大吾南白沙井田家橋等處多產之

葛 本草又名鹿藿李時珍曰葛從曷諧聲也鹿食九草此其一種故又名鹿藿春生苗引蔓長一二丈紫色葉頗似楸葉而小色青七月著花粉紫色似豌豆花不結實根形傍大如手臂紫黑色采根磨作粉及曝乾入藥俱良吾南鄉村近宅週遭多野生者一莖可掘數斤

土茯苓 李時珍曰按陶宏景注土茯苓亦名禹餘糧昔禹行山乏食采此充糧而棄其餘故有此名外有仙餘糧冷飯團名亦其遺意蔓生如葶莖有細點其葉不對狀頗類大竹葉而質厚滑如瑞香葉面長五六寸其根圓大如鷄鴨蛋其肉軟可生啖亦可入藥吾南山野多有之栝樓 詩果羸之實栝樓卽果羸二字轉音羸與羸同許慎云木上曰果地下曰蔬栝樓蔓生附木故得兼名三四月生苗引蔓葉如甜瓜葉而窄作叉有細毛花似葫蘆蕊淺黃色實在花下大如拳其根直下年久者長數尺有粉名天花粉吾南山等深密處多產之

天門冬 爾雅薺藤冬注云門冬也一名滿冬抱朴子云一名顛棘或名地門冬春生藤蔓大如釵股長至丈餘葉如茴香極尖細而疎滑有逆刺其根白或黃紫色大如手指圓實而長二三寸許可入藥亦可蜜餞吾南陰山岩壁多生之

菟

音卑

麻 俗呼冰麻葉似大麻葉而尤大結子如牛婢莖赤有節如甘蔗高丈餘秋生細花隨

便結實殼上有刺狀類巴豆青黃斑褐每枝結實數十顆其刺攢簇如蝟毛而軟榨油以養印色醫家或用子或用油吾南農家多聽其落地宿子自生

蕁

音毒

麻 李時珍曰蕁本作蕁杜子美有除蕁草詩俗呼蝎麻生於籬落溪厓間葉類麻多毛

刺螫人手足腫痛至不可忍墨莊漫錄云川陝間有一種惡草羅生於野枝葉拂人肌肉卽成瘡泡浸淫潰爛土人呼爲蕁麻采之而沃以沸湯可以已風可以肥豕吾南處處有之

獨脚連 本草拾遺載獨脚黃連苗葉如土大黃面青背赤根直色黃生於宅外隙地蛇虺不敢過吾南間亦有之

水蠟燭

叢生池澤畔莖葉略似小米莖端葉心抽穗直挺酷肖蠟燭居然紅色故名李調元

詩竟是天生燭居然照滿川吾南農田汚池邊間有之敷刀傷神效

見腫消 一名土三七初生苗葉面青背紫秋開小黃花如菊垂絲可愛根似芋魁吾南人家宅畔多有之

千里光 本草釋名一名九里明一名黃花草綱目名千里及按千里光爲外科聖藥諺云有人識得千里光全家一世不生瘡立夏後生苗一莖直上高數尺葉類菊不對生背有毛枝幹圓而青秋有黃花不結實吾南淺山道旁多生

香附 本草亦名莎草其根相附連續而生可以合香故名香附子葉如老韭葉而硬光澤有劍脊稜五月中抽一莖三稜中空莖端復出數葉開青花成穗如麥中有細子其根有鬚下結子二三枚轉相延生子上有細黑毛采取燎去黑毛暴乾入藥吾南土院壩多生之

木類

松 王安石字說松與柏爲百木之長故字從公李時珍曰松樹磔柯修聳多節其皮粗厚有鱗形其葉後凋二三月抽蕤生花長四五寸結實棕色狀如豬心密齒層疊葉有張牙列瓣二針三針五針之別俗云冷松熱柏邑中產地極廣

柏 柏猶伯也史記柏爲百木之長故字從白其樹聳直其葉堅硬其皮薄其肌膩其花細瑣

其實狀如小鈴霜後四裂中有數子大如麥粒其材可爲器械棺槨吾南廣產時有運出境者

按土產柏類尚有紫柏筆柏（葉周圍圍茂密而未說純似毛筆）側柏（葉皆扁形側生爲婦科要藥）觀音柏數種較常柏小而美觀

杉 寇宗奭曰杉幹端直大抵如松冬不凋李時珍曰杉木葉形扁如針質硬如刺結實如楓

實吾南東南各區產此木尤多有一種名錯節杉爲棺槨更宜

桂 范成大桂海志云凡木葉心皆一縱理獨桂有兩道如圭故字從圭陸佃埤雅云桂猶圭

也宣導百藥爲之先聘通使如執圭之使也爾雅謂之侵者能侵害他木也故呂氏春秋云桂

枝之下無雜木吾南人家多於階下及牆外特植之取其濃陰經冬不凋也

楠 李時珍曰楠木生南方黔蜀尤多其樹直上童童若幢蓋經歲不凋花色赤黃實似丁香

木質極堅紋理細膩近根年深向陽者結成草木山水之狀吾南亦多此樹特生無成林者明末

清初採辦皇木以楠爲多邑列產地之一故邑地多以楠木爲名今則鮮成材者

樟 陳藏器曰江東舸船多用樟木漢郡豫章因木得名吾南亦多此樹大者數抱肌理細而

錯縱有文宜於雕刻氣甚芬烈俗呼香樟

楓 李時珍曰楓樹枝弱善搖故字從風俗呼楓香枝幹修聳大者數圍其木甚堅有赤有白

白者細賦其實成球有美刺吾南建築房舍多覓此木爲柱不生白蟻

杜仲 本草綱目一名思仲一名思仙又名木綿李時珍曰昔有杜仲服此得道因以名之思仲思仙皆由此起義其皮中有銀絲如綿故曰木綿前五六年皮價驟昂邑人割以出售者多獲厚利

椿 本草釋名香者爲椿集韻作樛夏書作純左傳作楸皆椿也易長而多壽莊子大椿八千歲爲春秋雖寓言亦有所因其木皮肌實而赤嫩葉香甘可茹俗呼春芽吾南人家宅畔多有之

漆 韓保昇曰漆樹高二三丈皮白葉似椿花似槐子似牛李木心黃崔豹古今註云以剛斧斫其皮以竹管承之滴汁則成漆也凡驗漆者以物蘸起細而不斷斷而急收更有塗於乾竹上陰之速乾者並佳又試訣有云微扇光如鏡懸絲急似鈎撼搖琥珀色打着有浮漚吾南東南如半河大有元合德隆小河等鄉多大小木二種已見食貨虞業

梧桐 爾雅謂之櫨因其可爲棺也樹似油桐而皮青不皴音鵠皴也無節直生理細而性緊枝短葉似油桐而稍大光滑有尖其花細蕊莢長三寸許五片合成老則裂開如箕俗呼桐麻盤其

子綴於上多者五六少者二三大如胡椒其皮仍皺晚春生葉早秋即凋古稱鳳凰非梧桐不棲其樹幹之皮剝取水浸可製爲麻以搓繩索吾南人家園亭多特植以藉濃陰云

油桐

本草拾遺名嬰子桐

實狀似罌

又名虎子桐

言其毒也

又名油桐

言其可榨油也

幹多拳曲枝遠揚而稀晚春

開淡紅花至秋實大而圓去殼二層中有白米堪榨作油殼燒灰作鹼吾南東南各區實爲廣產販油成帮運出縣境者號大宗焉

苦楝

羅願爾雅翼云楝葉可以練物故謂之楝其子如小鈴熟則色黃其實名金鈴子木高

丈餘葉密如槐三四月花色紅紫芬芳滿庭實如彈丸生青熟黃吾南近山人家多植之

槐

爾雅槐有數種葉大而黑者名穠槐晝合夜開者名守宮槐葉細而青綠者但謂之槐木

材堅重花未開時狀如米粒炒過煎水染黃色甚鮮吾南間有之

皂莢

俗呼皂角廣志謂之雞栖子曾氏方謂之烏犀外丹本草謂之懸刀其樹高大葉如槐

葉瘦長而尖枝間多刺夏開細黃花結實有三種一種小如豬牙一種長而肥厚多脂一種長

而瘦薄枯燥吾南以肥厚多脂爲貴用以熬膏洗衣

柳 陳藏器曰楊樹枝葉短柳樹枝葉長俗統呼楊柳者非余宗本種樹書順插爲楊倒插爲

柳春初開黃蕊花中結細黑子蕊落絮出因風入池沼卽化爲萍近有灰楊柳一種自外傳入枝幹葉色俱灰白長成甚速邑人爭購秧植之作屋材尤堅

白楊 寇宗奭曰本身似楊微白因名白楊非如粉之白也木材高大葉圓似梨肥大有尖面青而光木肌細白性堅直用以雕刻器皿極佳吾南間有此樹

水楊 本草釋名一名青楊一名蒲柳又名移柳俗呼麻柳爾雅揚蒲柳也宜水浚蒲葦之地其枝勁韌可爲箭葇崔豹古今注白楊葉圓青楊葉長柳葉長而細移楊葉圓而弱水楊卽蒲柳莖可作矢吾南水邊多有之

黃荆 本草名牡荆又名小荆又名楚蘇恭曰牡荆不蔓生故稱爲牡蔓荆子大牡荆子小故呼小荆古者荆杖以荆故字從荆其生成叢而疎爽故又謂之楚又說文謂之楚木枝莖堅勁而對生一枝五葉或七葉葉長而尖有鋸齒五月杪間開花成穗紅紫色其子大如胡荽子而有白膜裹之吾南山中間有大者爲最材之木小弱生路旁者無用暑天行人折枝作圈冒首蔽日

楸 周憲王曰楸有二種一種刺楸其樹高大皮色蒼白上有黃白斑點枝梗間多大刺李時

珍曰楸有行列莖幹直聳可愛葉大而早脫故謂之楸其木濕時脆燥則堅確係良材吾南所有卽此種

櫻 本草名櫻櫚又名楸櫚木高一二丈無枝條葉圓如扇本合而末歧萃於樹杪寒暑不凋莖直而脆葉下有皮重疊裹之皮本寬平如掌末散爲鬚色赤黑每皮一匝爲一節細絲錯綜如織每年剝取一次析之搓之可爲繩簑墊之屬吾南處處有之

烏桕 李時珍曰烏白烏喜食其子因以名之本草又名鴉白俗名椴子樹高數丈葉似梨杏五月開細花黃白色子黑葉可染皂子可壓油澆燭然燈極明吾南處處有之而東南各區尤廣爲土貨大宗

巴豆 本草名巴菽李時珍曰此物出巴蜀而形如菽豆故名木高一二丈葉如櫻桃而厚大初生青色後漸黃赤四月舊葉落盡新葉齊生卽發花成穗微黃五六月結實作房生青至八月熟而黃類白豆蔻專用入藥吾南白沙井田家橋一帶與巴縣雙勝姜家兩場毗連處多產桑 桑字從叕從木叕同若木名淮南子若木在建木西徐鍇說文解字叕東海自然之神木卽搏木桑也故桑字從之加木於下本草李時珍曰桑有數種白桑葉大如掌而厚雞桑葉小

而薄子桑先椹而後葉山桑葉尖而長吾南舊有之桑葉大而厚色深青而筋紋少者俗呼馬蹄桑葉小而薄青色稍淺而筋紋多者俗呼金桑及清末民初蠶業進步新種湖桑葉大而厚嘉定桑次之本地有草桑或用于撒種或剪枝壓條待其長成斷本幹接以湖桑惟種桑者雖竭力推廣而養蠶獲利不穩反有失本者

楮 陶宏景曰卽今構樹本草釋名一名穀音構亦又名穀桑酉陽雜俎云穀田久廢必生構葉

多澀毛剝皮擣煮可以造紙亦可緝練爲布吾南隨處有之不昏紙者多取葉以飼豕

卮 俗呼黃梔子李時珍曰卮酒器也卮子象之故名俗作梔司馬相公賦鮮支黃爍註云卽梔子故本草又名鮮支方書更有名越桃者木高三四尺葉如兔耳厚而深綠春榮秋瘁入夏開花皆六出大如酒盃白瓣黃蕊隨卽結實薄皮細子生青熟黃殼有直稜仁可煮水染黃供染家用吾南山野多生之

酸棗 陶宏景曰卽山棗蘇恭云卽棧棗高數丈徑圓一二尺木理極細堅而且重樹皮亦細而硬又似蛇鱗其棗圓小而味極酸其核中仁微扁味與形均與大棗不同大棗入果類酸棗吾南無以爲果者間有一二樹供野獸獐子屬饜耳其木則材

女貞 本草釋名一名貞朮一名冬青又名蠟樹李時珍曰此木凌冬青翠頗有貞操故以貞女狀之又以冬青名之近時以放蠟蟲故俗亦呼爲茶蠟樹五月開細花青白色九月實成似牛李子葉厚而柔面青背淡立夏前後取蠟蟲種裹置枝上半月蟲化遂成蠟質采取蒸化而蠟成矣吾南西北石溪鄉等處此木最多又雜木中有爆蜚蚤者亦可養蠟蟲吾南兩種俱產而放蟲者少他邑志書有卽以爆格蚤爲茶蠟者似誤

接骨木 俗名接骨丹本草一名續骨丹均以功用名葉如陸英花亦相似樹高一二丈許木體輕虛無心斫枝插之便生吾南人家多植之

合歡樹 本草名合昏又名夜合陳藏器曰其葉至暮卽合故有數名俗呼訛爲夜蒿其樹葉似皂莢及槐極細五月花發紅白色上有絲茸秋實作莢子極薄細吾南山谷田野多有之

黃楊木 俗呼千年矮李時珍曰黃楊生山野中枝葉櫛簇上聳葉似初生槐芽而青厚不花不實四時不凋其性難長俗說歲長一寸遇閏則退今試之但閏年不長耳木質堅膩巨者作梳剗印最良吾南人家園亭多栽插之皆矮小不逾二尺

青桐 榭櫟 二木同類而小別邑中產地甚廣皆野生混雜而成林其葉皆可飼蠶

山蠶利厚於家蠶而

種實一必實河南種一妨害多易先收故放者少 其實皆可燒炭其實皆呼為櫟櫟道義志作櫟櫟 磴殼水浸去澀磨漿火熟為腐為線

可食土人用漿粘幾片膠松脂作蠟可代油 惟青桐木質堅硬宜為用器之柄櫟櫟繇軟不能及之而燒炭善於青桐

其大別也比而觀之青桐皮厚直皺多裂起痱瘡葉缺多齒密子圓而大櫟櫟皮薄皺而不裂

幹老猶光滑似栗枝葉缺少齒稀子長而小質之古書青桐本名櫟即詩之櫟後語轉為櫟

檉又省一字而為櫟別名栲名山栲名心有心能同溼江淮間以作柱俗以葉倍櫟大又名大

葉櫟是也櫟櫟本名櫟別名栲名柔同名柞名械其實名櫟盛實之房一名棗一名櫟斗用之

染皂遵義志以為水青桐或彼地獨有此別稱耳邑多數之青桐俗呼米青桐其別種有袍皮

青桐又名貓皮易生蟲不甚成材似即遵志所指為苞櫟而彼俗名扶櫟者有水青桐甚少葉

較大而青有紅青桐皮內質色帶紅堅硬同米青桐而燒炭則輕脆不甚熬火按此木別境有

專種營利者若邑則第就原植之萌別攘修除不妄砍伐七八年即可放山一次

茯苓 寓木也史記龜策傳作伏靈得松之雲氣伏結而成仙經言下有伏靈上有兔絲故又

名伏兔李時珍曰下有茯苓則上有雲氣如絲狀山人亦時見之非兔絲子之兔絲也老松獨

出一枝針葉攢簇茂密異他枝於晴明之晨日光朗映一絲遠射審其落地之點掘之則得邑

北鐵村壩特產

桑寄生 亦寓木也李時珍曰此物寓於他木而生如鳥立於上故曰寄生高者二三尺葉圓而微尖厚而柔色青而光滑背淡紫而有茸人言川蜀桑多時有產者必將莖折斷出青煙者始真吾南石牆場雙河場鐵村壩等處產之

青毬 粉榆之一種按爾雅疏云榆類有數十種葉皆相似但皮及木理有異耳詩晨風隰有六駿注云駿梓榆也其皮青白如駿爾雅謂榆曰粉李時珍亦謂白者名粉其木甚高大葉似山茱萸葉而長尖枝幹紛歧本草謂葉嫩可食吾南鄉人謂青毬嫩葉飼豕頗佳縣署東煤山有樹數株大皆合抱蔽日陰濃儘堪消暑

黃葛 本草拾遺又名榕王阮亭居易錄名黃果益部談資黃葛樹葉似桂稍大團變陰數畝冬春不拘以某月種每歲必至某月始換葉發芽幹則擁腫不中繩墨根皆蟠露土上若石崖之側則似全不借土生者莊子謂以不材而壽柳宗元詩榕葉滿庭鶯亂啼者也吾南溪邊橋頭多有之

茶 郭璞云早采爲茶晚采爲茗陸羽云其名有五一茶二檟三藪四茗五薺今則通謂之茶

吾南有叢茶白茶二種均春中始生嫩葉摘歸蒸焙去苦水曝乾供飲叢茶俗又名家茶采早而芽細者有兩前雀舌白毫諸名晚采而芽粗者通謂之毛尖白茶俗又名老茵茶叢茶樹小而叢生白茶樹高丈餘特生叢茶價常高於白茶爲吾南出產大宗已見食貨

花類

牡丹 花品以牡丹爲第一芍藥第二故世稱牡丹爲花王二月於梗上生苗葉三月開花歐陽修花譜所載或以地或以人或以異或以色名凡三十餘種吾南人家園亭所有不過朱紅及粉口等色他種罕見

芍藥 世稱花相李時珍曰芍藥猶綽約也此草花容綽約故名羅願爾雅翼制食之毒莫良於芍故得藥名鄭風詩云伊其相詭贈之以芍藥韓詩外傳芍藥離草也董子云芍藥一名將離以之贈別俗呼花之千葉者爲小牡丹吾南養花者必植之

玉簪 本草名白鶴仙二月生苗成叢高尺許柔莖如白崧其葉大如掌團而有尖葉上紋如車前葉青白色頗嬌瑩六七月抽莖上有細葉中出花朵十數枚長二三寸本小末大未開時如白玉搔頭形吾南家家園亭有之

鳳仙 俗名指甲花本草又名急性子又名金鳳花又名菊婢李時珍曰其花頭翅尾足具翹然如鳳狀故以名之其子老則迸裂故有指甲急性諸名張宛丘呼爲菊婢苗極易生三月下子五月可再種吾南多以隔年宿子生苗高二三尺莖有紅白二色大如指中空而脆葉似桃柳葉而有鋸齒極間開花或紅或紫或碧或白或雜色自夏初至秋盡開謝相續結實纒然如櫻桃狀生青熟黃子似蘿蔔子而小褐色此草不生蟲蠹蜂蝶蛇虺亦不近其毒可知

菊 陸佃埤雅云菊本作鞠從鞠鞠窮也月令九月鞠有黃花花事至此而窮盡故謂之鞠本草釋名名節華亦取其應節候也李時珍曰菊之品凡百種宿根自生莖葉其花色品不同菊譜亦難盡收吾南雅人家多羅致培植矜多貴艷

雞冠 李時珍曰以花狀命名三月生苗入夏高者五六尺矮者亦一二尺其葉青柔頗似白莧菜而窄其莖赤色或圓或扁有筋隆起六七月梢間開花有紅白二色穗扁卷而平儼如雄雞之冠吾南處處有之

蠟梅 梅以子可食列果類李時珍曰此物本非梅類因其與梅同時香又相近色似蜜蠟故名蠟梅小樹叢枝尖葉種凡三臘月開小花而香淡者狗蠅梅也經接而花疏含口者磬口梅

也花密香濃色深黃如紫檀者檀香梅也吾南狗蠅梅居多

蘭 本草釋名別名不勝枚舉要之春芳者爲春蘭色深秋芳者爲秋蘭色淡葉如麥門冬而闊且韌長及一二尺四時常青花黃綠色中間瓣上有細紫點開時滿室盡香與他花有別吾南家詩野生俱多

珠蘭 花經云珍珠蘭一名魚子蘭又名雞爪蘭枝葉似茉莉花發長條細蕊與建蘭同時香亦相似而濃郁過之取其蕊焙茶極妙吾南園亭多植之

玫瑰 本草拾遺有紫白二種紫者入血分白者入氣分莖有刺葉如月季而多鋸齒高者三四尺入藥用花瓣勿見火吾南園亭籬落多植之

木槿 本草釋名曰假曰槿曰薜曰日及曰籬落草曰花奴曰玉蒸李時珍曰此花朝開暮落故名日及曰槿曰薜猶僅榮一瞬之義也爾雅云椴木槿槿木槿郭璞注云別二名也或云白曰椴赤曰槿詩云顏如舜華湖南北人家多種植爲籬障魯齊謂之玉蒸言其美而多也其木如李其葉末尖而無極齒其花可食其本可種可插吾南多生於田塍間

木芙蓉 本草一名地芙蓉一名木蓮又名拒霜李時珍曰此花艷如荷花故有芙蓉及蓮之

稱八九月始開故名拒霜插條卽生小木也叢生如荆高者丈許葉大如桐有五尖及七尖者冬凋夏茂秋半始着花類牡丹芍藥有紅黃白三色吾南人家籬落間有之

山茶 李時珍曰其葉類茗又可作飲故得茶名樹高者不過丈許枝幹交加葉似茶葉而厚硬有稜中闊頭尖面綠背淡深冬開紅花黃蕊吾南頗多

水仙 又名金盞銀臺李時珍曰此物宜卑溼處不可缺水故名水仙金盞銀臺花之狀也其葉似蒜而長花香甚清九月初栽於肥壤則花茂瘦地則無花莖頭開花宛然盞樣吾南多於花時以盆盛土蒔之

辛夷 本草釋名一名木筆一名侯桃又名迎春李時珍曰夷者莢也其苞初生如莢而味辛也陳藏器曰辛夷花未發時苞如小桃子有毛故名侯桃初發如筆頭故曰木筆其花最早故又呼爲迎春俗呼牛心子花開繁則似蓮花吾南林園多植之

晚香玉 苗似萱草六七月出花莖長三尺許莖端成苞成穗長二三寸瑩白如玉從頭開至末約一二月時間放時香氣襲人靜夜無風其香尤甚吾南惜花者植之

荷花 一稱蓮花爾雅曰芙蕖葉未花曰菡萏既花曰芙蕖葉圓如蓋高出水面花色粉白亦有

艷紅者花片嫩勻長二三寸許生池沼中香色俱優李白詩荷花嬌欲語但吾南農家種之利在掘藕已詳水果類

紫薇 木高丈餘皮極滑澤葉爲小橢圓形對生花色紅紫或白瓣極小簇聚枝極鮮艷美麗一名怕癢花一名猴刺脫夏開秋謝又名百日紅

海梔子 陶宏景謂梔子亦兩三種小異海梔子幹高尺許枝極盤結葉細長而尖有光澤四五月開小花如梔子結實橢圓兩端尖長甚小生長極緩吾南人家多以瓦鉢蒔之花時香溢滿院

杜鵑 俗名映山紅格物論一名石榴又名山躑躅又名謝豹樹高二三尺葉橢圓深綠色夏開紫紅花四瓣蕊心黃色春晚盛開遍山皆是故名

夾竹桃 常綠灌木高丈餘葉作箭鏃形斷之有白汁夏月開紅花類杜鵑但花片較長色亦較淡間有白花根葉似竹而不勁

瑞香 枝幹婆婆柔條厚葉四時不凋俗或呼爲萬年青冬春之間開花成簇長三四分如丁香狀有黃白紫三色格古論云瑞香高者三四尺有數種

茉莉 本草釋名一名奈花稽含草木狀作末利蓋末利本胡語無正字隨人會意而已李時珍曰莖弱枝繁葉圓端尖初夏開小白花重瓣無蓋秋盡乃止不結實有千葉者紅色者蔓生者其花皆夜開花序有尖瓣圓瓣二種均芬芳可愛女人採以插髻或合面脂晉書都人婦女簪奈花爲織女帶孝吾南雖有不多

木犀 桂花之類花鏡有黃金桂白銀桂紅丹桂皆以花色命名吾南桂花以紅丹爲多又有四季桂月桂本草拾遺四季開花結子者乃真桂也八九月開花無子者爲木犀花凡四瓣甚香鄭志宏詩清芬十日來天闕世上龍涎不敢香

紫荊 本草一名紫珠李時珍曰其木似黃荊而色紫故名陳藏器曰卽田氏之紫荊也高樹柔條春開紫花甚細碎而繁花罷葉出至秋子熟圓如小珠故又名紫珠吾南大宅門外多植之

仙人掌 常綠灌木產於暖地雲南通志仙人掌葉肥厚多刺色綠層疊而生纍纍多數高至丈餘盛夏開紅黃花多瓣名玉英其實如桃名曰仙瓜可食幹液可去油膩傷痕吾南人家牆頭多植之又按羣芳譜仙人掌非草非木亦非果蔬無枝無葉並無花土中突發一片與手掌

無異膚色青綠光潤可愛掌上生米色細點每年只生一片植之家中可鎮火災

仙人球 爲仙人掌之一種其形爲暗綠色之圓球毛刺甚多甚利又名仙鵝蛋球側出肥大花枝莖端開花紅色吾南園亭多有之

雪蘭 一名素心蘭草本單子葉一箭一花箭短俗名撲地蛾花心雪白香氣噴溢吾南種蘭者首重此花

扇蘭 白根長葉有花不香如本草所謂馬蘭者但馬蘭葉有缺齒入夏開花此則葉長大如羽扇而無缺齒一枝十數花早春開放青蕊紫色不亞於他蘭而芬芳遜之其葉深青勃茂覆盆四垂葱蘢合抱吾南不論雅俗人家多種之

海棠 嶺南隨筆海棠本無香惟肇慶瓊羊峽春海棠其香特盛有名荷包海棠者葉與秋海棠無異莖色青紅花色粉紅俱四瓣兩瓣甚短兩瓣圓大相吻合成爲荷包形其黃色下垂者俗乃呼爲垂絲海棠吾南培植園庭者必蒔之

秋海棠 嶺南隨筆亦謂海棠無香清遠歸猿洞秋海棠香氣特盛羣芳譜一名八月春草本花色粉紅甚嬌艷葉綠如翠羽花有二種葉下紅筋者爲常品綠筋者開花更有雅趣花鏡以

爲秋色中第一吾南培花園者亦多植之

六月菊 爲菊花之變種莖高二三尺葉稍圓有微缺至六月花開如菊皆如舌狀無管狀者色如朱紅藕荷烏紅菜綠不等吾南名勝叢林如金竹寺萬壽寺等處多植之

金盃菊 菊叢生若羹杓狀其色深青五六月由根部出花梗花序舌狀花片深黃色生蕊之周圍醜有盃形故名之吾邑名園亦多植此

金蝴蝶 爲匍匐莖植物葉爲複葉四月開黃花髣髴如蝴蝶狀翅上有斑點縱紋其種類甚多或紅或紫或藕荷色外有邊如鋸齒色白如蝴蝶者名銀蝴蝶邑中園亭亦多培此

滴滴金 本草綱目名旋覆花酉陽雜俎名金錢花以狀名也爾雅名盜庚花庚者金也謂其夏開黃花盜竊金氣也形似菊花又名夏菊莖青而香葉青而長尖而無榦高僅二三尺花色金黃千瓣最細凡二三層蕊心一點微綠六月至八月苗自陳根出則徧地生苗由花稍露滴入土卽生新根故本名滴滴金也吾南園圃處處生之

燕脂花 爲匍匐莖植物其節膨大葉圓端尖四五月作花如喇叭狀蕊心下垂管狀有五色實如胡椒而色黑其中有粉俗名粉子花蒸之數次晒乾研末和冰片可充香粉其根卽花粉

可以入藥吾南處處有之而城堞四圍生尤蕃衍

扁竹花 本草綱目名扁蓄陶宏景亦作扁竹許慎說文作扁筮節間有粉亦名粉節草多生道旁亦名道生草其苗叢生葉長而寬四五月作花如舌狀烏白色蕊心有紅白點吾南小兒采花抽蕊倒插蒂管浮之水面戲呼爲鴨兒花

刺牡丹 莖高六七尺其葉尖圓枝幹互生皆有刺四五月作花如洋粉團色深紅吾南園亭多植之光極嬌艷香氣稍遜

朱藤 本草綱目名紫藤莖長數丈徑可六七寸葉爲複葉深青色四五月開紫花如蝴蝶狀結莢長四寸許扁而有毛引蔓作棚氣極清新吾南凡園亭有葡萄架者必併植朱藤綠陰倍濃相傳植此遠毒蟲

月季花 本草釋名一名月月紅李時珍曰處處人家多栽插之亦薔薇類也青莖長蔓有芒刺極硬葉爲複葉小於薔薇花色深紅似玫瑰逐月開放雖不結子而婦女月經不調和酒服之甚效吾南人家簾落間多有之

藤蘿花 本草綱目名松蘿別錄名女蘿詩云葛與女蘿施於松上毛詩女蘿兔絲也吳晉本

草兔絲一名松蘿古詩君爲女蘿草妾作兔絲花百丈托遠松纏綿成一家二者附物而生有時相結古樂府南山霧霧兔絲花北陵青青女蘿樹由來花葉同一心今日枝條分兩處其花莖無刺葉爲掌狀五六月開花似野薔薇而大葉片較小附樹生根吾南山野多生之

棠棣花 花序卽詩常棣花一莖高四五尺葉尖圓爲直射脈枝條叢生幹心綿軟而白如通草吾南俗呼通花嘗以之切片墊壽靴壽枋其幹四月開黃花大如錢凡人家籬落間多有之南天燭 常綠色灌木本草名南燭又名南燭草木以其木而似草也株高三五尺葉類苦楝而小凌冬不凋七月開小白花亦有紅色者秋深則實赤如丹夢溪筆談南天燭人多植於庭檻間

六月雪 樹高三尺許枝幹叢生葉橢圓而小密每節小枝開花五瓣細小粉白六月盛開望之如雪吾南名勝園亭多有之

玉蘭花 瀕湖綱目辛夷集解下云有花白者人呼爲玉蘭一幹一花皆著木末春初開花九瓣大而厚色白包以厚苞其苞密生細毛花落始生葉又一種花片內白外紅俗呼紫玉蘭吾南園亭多種之者

年經花 葉似秋海棠多皺紋微有細毛冬暮出莖長數寸而色紅開淡紅花經年不窮故名吾南間有之

繡毬花 其苗叢生莖間有黑斑點葉大而尖圓微有缺刻四五月莖端簇聚成花後漸舒放生小花四瓣無雌雄蕊復由多數小花攢簇成團周徑三寸許始作青白色既而現深紅園亭籬落多植之

鳳尾花 爲玉簪花之一種但葉較小數莖叢生莖端花苞長寸許開時若蝶翅而紅色鮮艷可愛吾南培花園者或誤認作玉簪

虞美人 本草名麗春草一名仙女蒿又名定參草爲罌粟別種其花酷肖惟莖幹叢生多葉有刺高八九寸至一尺一名麗春花吾南養花家多蒔之或直以爲罌粟者誤

荷包花 本草拾遺一名肉餛飩一名金鑰匙百草鏡云二月十月生亂石縫中葉如芡實大蔓延貼地於枝頭引鬚吐花中空形如荷包故名邑中園亭石砌假山多蓄之

八仙花 樹高四五尺葉對生橢圓平滑花大而艷多數叢集如圓珠其萼能變種種顏色俗呼洋繡毬吾南培花者間有之

夜來香 莖蔓生葉尖圓而稀花四瓣作十字形色微青香氣噴溢夜間尤甚其花可食味極芳甘吾南花園完備者必植之

滾水紅 苗高數寸葉細花如夏枯草花而小色紅以沸水浸之花不焉而色更艷採而藏之
久不變色如造作者吾南雖不多見亦間有之

雁來紅 本草拾遺一名老少年雁來紅者雁來時紅也老少年者其葉嫩時青黃至老而始紅甚艷也

老來紅 花鏡其苗初出似莧菜葉穗子與雞冠無異至深秋本高六七尺脚葉深紫而頂葉大紅鮮麗可愛愈久愈妍如花秋色之最佳者又有一種少年老則頂黃紅而脚葉綠爲別一種枝頭亂葉叢生有紅紫黃綠相兼雜出者名十樣錦一種根下葉綠頂上葉純黃者名雁來黃種種異色非花而美麗無殊吾南培植花園者必珍惜如花而備蒔焉

含羞草 一名見面羞葉如皂莢細碎對生嫩綠色其梗可五六寸花園無人時分合自如偶見之或以手探之葉遂合而不開如羞見人也

金邊玉 葉長六七寸狹而厚潤色青邊際黃如金因以名之
豆刺無莖亦無花

美人蕉 形狀頗似芭蕉但葉小而葉色深紅葉心抽莖花出莖端四瓣參差挨次開放極其茂盛色紅如火又謂之紅蕉經月不壞大是嘉卉吾南園多植之

陽雀花 杜鵑鳴時發葉故名謂有小刺其花酷肖蠶豆花而小色黃一葉一花金光成串其味甘美可食吾南山原土壁皆產之春時多采為茹

金銀花 本草綱目名忍冬釋名又稱為鴛鴦藤鸞藤老翁鬚左纏藤金釵股通靈草蜜桶藤陶宏景曰藤凌冬不凋故名忍冬李時珍曰其花長瓣垂鬚黃白相半而藤左纏故有鴛鴦

以下諸名金釵股貴其功也土宿真君云蜜桶藤陰草也取汁能伏硫制汞故有通靈之稱其莖附樹延蔓色微紫對節生葉葉有濇毛三四月開花長寸許一蒂兩花二瓣一大一小如半邊狀初開蕊瓣俱白經二三日色變黃兩色相映故呼金銀花吾南山陰土畔多產之外有一種花白肖卍字形邑人多植之假山俗呼卍字金銀

子午蓮 本草拾遺謂綱目入水草部以為卽大葉之蘋也一名四葉菜一名田字草夏秋間開小白花故稱白蘋古人以為食品祭用蘋蘩卽此今人呼為子午蓮水澤陂池中生之葉較荷小缺口不圓入夏開白花午開子斂子開午斂故名吾南園亭池沼或宅畔腴田中多產之

荷小缺口不圓入夏開白花午開子斂子開午斂故名吾南園亭池沼或宅畔腴田中多產之

竹類

說文竹生草也。釋名竹。釋草山海經有云其草多竹近詩科學家入木本引

甜慈竹 每歲夏秋間生筍其節上稀下密其質幹直心空性極堅韌用途甚廣吾南處處植

之一名子母竹一名義竹又謂之孝順竹

料慈竹 與甜慈相似惟枝葉不下垂肉厚體肥作製紙原料

斑竹 因籜有斑點而名其根多節由節生筍筍長丈餘陸續即生枝葉籜解而竹成外部節

文端正內部節平少凸凹狀莖幹參天直而不屈圓徑有至八九寸者其一種皮有斑點者名

花斑竹又一種小而堅者名鐵斑竹宜作橋杆

樓梯竹 葉似芭茅節似甘蔗或以為即蘆葦鄉人用揉資巴俗呼為資巴竹性極脆弱他無

用處

刺竹 節間有刺草圓徑可六七寸高有三四丈用作草屋棟樑或通節作過水汲水之用頗

佳

鳳尾竹 形似水竹月月生筍可製筆管

籐竹 叢生猶灌木高不過四五尺可作掃帚

棕竹 莖與葉皆如棕根有三股狀似牛角土人握取爲杖名曰拐牛生金佛山夏季朝山者必採作扶老之具

平竹 一名嫩竹亦可製紙樓梯竹以下數種均產邑東南諸山

方竹 竹莖方而厚性硬脆專蓄以生筍不作他用

花竹 係甜慈之一種莖有青黃紋理粗細不一吾南各區間亦有之

金線竹 一名觀音竹與花竹相似惟莖不甚高大人家種之園庭以供賞玩

黑竹 莖葉均與金竹無異惟通體色黑質尙堅硬以製器具

金竹 莖色黃故曰金節短葉疏質極堅韌製器耐久頗見貴重

水竹 莖與金竹黑竹相似惟色較青光滑圓潤節較長而不露爲編席最良之原料

苦竹 筍味極苦故名苦竹莖色灰白節頗長質較脆以製燭心最宜

淡竹葉 春生苗高數寸細莖綠葉其根一策數十鬚鬚上結子與麥門冬無異但堅硬耳隨時採之以根苗搗汁和米作酒麴甚芳烈

植物類補

僧軒雲別號定泉成都什邡人八歲削髮於邑之水井寺年四十受戒成都文殊院性酷嗜花以研究種花爲學問生涯清四川按察使黃雲鶴遊青城山買地結廬爲別墅覓種花者得定泉爲之培蒔主守數年棄去雲遊川中東行至重慶花匪民國六年來南邑年近七旬不棲寺廟賃城內萬壽宮側小院以居雇一僕充役傍城隅闢圃種花自娛間以出售或贈顯者邑人辯斯道者莫不師之呼爲花和尚圃花多異種菊類數十上品居大半特浼僧辨其香色名稱錄後

木本植物

夜落金錢

在水江石金絡承花園內高約三丈大可合抱六月始花朵小似桂色黃如金結果若錢每於夜間始落故名相傳已植百餘年矣

鐵像樹

樹在水江石大橋樹高而大皮黑色似鐵葉如椰子他處罕見

白玉楠

高二丈餘約抱大三月始花白色花片長約三寸每朵五六瓣先花後葉此爲真玉楠花名玉楠片其樹在金絡承花園內相傳有百餘年

金邊蘇瑞香

高約三四五尺不等葉青而秀邊綴黃色春金四月始花結果如豆

白杜鵑

又名白紫楊高同前仍三月始花其色白出金佛山

黃楠花

五月始花其色黃餘與白楠花同

金梔子

開花色黃如金葉不凋

黃杜鵑

又名紫紫楊高約二三四尺不等三月始花色黃與白杜鵑同出色東金佛山

白楠花

由玉楠靠下長能合抱五月始花白色花片約長二寸如黃葛包葉似玉楠折而佩之可解暑氣

草本植物

竹節梅 其形似竹葉短而多正骨不逾一尺四月始花葉小向日能結子

金邊梭羅 又名外國油葱每根葉五六皮葉尖長尺餘內青色邊黃如金似仙入掌只無茨五月始花與車前草花同

紫梭羅 與金邊梭羅同惟葉全青邊無金緣

紅丑牛 花分紅白三種各以爲其種名葉小藤長花園內以藤編成門戶或牌坊

文竹 深約一尺葉小如米五月始花色白似雪

金邊釣竹蘭 葉稍似竹節梅內青邊成一綫均黃色四月始花白色白如銀

紫邊釣竹蘭 葉長約四五寸與蘭葉相似四月始花色白

洋蝴蝶 葉細花葉甚小能向日有十餘種如粉蝴蝶花色蝴蝶朱砂蝴蝶三類四月始花

蘭草類

黃蘭草 葉深二尺餘每年正月始花帶葉黃色出自金佛山別縣無之爲是蘭類上品

清明蘭 花比黃蘭草稍寬清明始花色白微有香氣

朱砂蘭 正月始花紅似櫻桃

雪蘭 正月始花白色白似雪

水紅蘭 葉不甚深正月始花色水紅

吉祥草 葉深二尺餘每年三月始花如墨冬花蝶四月結果色青而秀

送春歸 又名九子蘭二月始花一枝能開九朵其花白而略帶青色

百子蘭 又名四月蘭葉寬而短四月始花其色黃而略帶紅與扇蘭相似

兔耳蘭 五月始花洗如雪蘭花結枝幹上不其香

春素 以下四種按季開花均白色

夏素

秋素

冬素 以上春夏秋冬四種蘭名四季草多出金佛山

菊花類

白菊 葉大現缺形重九始花色白如銀

泥金奎龍 葉大多缺形花時同前而如佛金裡似未似

黃鳳尾 花色甚黃形如鳳尾

白玉片

朱砂奎龍

臙脂奎龍

紫芍藥

白鵝毛

白繡球

珊瑚鈎

玉指針

花菊 以上十八種均變花不現心為菊類之上品花色稍同內分濃淡及花面不同以別種類

金寶塔 九月始花色黃似金

銀白奎龍 葉極大冬至節插次年端午始花其色白

黃繡球 花桑圓其色黃顏色雖同內分濃淡以上六種均變花不現心為菊類之最上品

象牙黃

黃羅傘

淡黃菊

金紐絲

清心白

黑麒麟

黑臙脂

桃花片

梅花片

茶花類

天鈞紫袍

第一品花瓣內紅
邊緣如金缺形

玉頂紫袍

第二品花
可冒樓

平瓣紫袍

第三品花
瓣平形

鳳尾紫袍

第四品花瓣有
鬚形如鳳尾

臘脂紫袍

第五品花瓣現
鈎形似臘脂色

芙蓉紫袍

第六品花
瓣尖形

右六種為茶花中之最上品通係紅花色分濃淡其花自冬季始開至次年二月

通草片

冬季始花其
色白如通草

朱砂片

花瓣片片
紅似朱砂

臘脂片

花色紅
如臘脂

花五寶

花分濃淡有
五色故名

南平公學新種羣芳錄

虞美人

一名美
國藥業

八重虞美人

紅花亞麻

夏開開花子可榨
油稱亞麻仁油

藍花亞麻

石竹

已有八十餘種每
年尚有新種出現

八重石竹

麝香石竹

花較石竹細作傘
狀花形嗅之微香

荷蘭石竹

小石竹

三色堇

堇菜科歐洲原產花冠
常備三色美麗可愛

各種金魚草

其色不一花冠作龍頭狀俗名龍頭花

除蟲菊

白花單瓣花陰乾為末用以除蟲甚效

櫻草

亦名年盡花於年盡春初開花現有紅白共四種

萬壽菊

西番菊

蔦蘿

駝葉蔦蘿

花較蔦蘿為大狀類駝蹄

秋海棠

高雞冠

各色

矮雞冠

各色

風船蔓

月下草

剪春蘿

剪秋紗

紫茉莉

一花數色同株之上亦有純紅或純黃者

曼陀羅

江西菊

翠菊

夏秋開花有藍紫碧與紅白等色

百日草

鳳仙

佛頂珠

鳳仙之一種花冠殊紅重瓣花常自各枝頂開而故名

三學士鳳仙

為本年新種花冠重瓣一花數色亦有純紅或純白者頗極鮮美

八重白鳳仙

牽牛

花翎草

大牽牛

飛蝶花

波斯菊

雛菊

大波斯菊

紫羅蘭

龍眼菊

蜀葵

六月菊

矮身波斯

洋檳菊

八重蜀葵

筑玉根草

金菊葵

一名千層葵
色金黃菊形

日本鳳仙

天人菊

花春菊

反掌葵

銀茄

金雞菊

孔雀草

雁來紅

哥哥里比

美人纓

小紅朝顏

茼蒿菊

仙人骨

石碱草

麥莖石竹

藍絨球

南洋牡丹

仙人指

仙人掌

仙人拳

仙人鞭

金邊婆羅

銀邊婆羅

百及

各種草蘭

魚子蘭

觀音草

各種美人焦

觀音蓮

棠棣花

各色大麗花

色頗多花有單複之
別一稱天竺牡丹

玉簪

紫微

木本

南平公學秋菊各品目錄

玉面嬌	鳳凰衣	白玉笋	魚眼睛
洛陽錦	玉脂	玉蓮喬	豹金葵
翠綠雀	玉手挑脂	紅血球	紫芍藥
白松針	紫重樓	翠綠衣	黃松針
硃砂蓮	紫挽捲	玉麻姑	玉獅墜
杭菊	粉芍藥	金背紅	紫蒺藜
金螃蟹	白獅吼	粉羅傘	粉牡丹
銀背紅	紫毛菊	紫葵	大笑白
玉蘭秋	黃牡丹	紫袍金帶	粉粧蓮
金銀捲	香花葵	雪景桃	金蝴蝶
黑麒麟	血灌腸	大喬	青心白
玉盤雪	紅秀巧	胭脂片	飛龍爪
金潑墨	玉瓊瑤	金盞銀台	海棠紅

燕子點雨

頂心白

金毛獅子

玉瑤台

紅樓蟹

紫蟹爪

鐵雞尾

魚肚白

淡紗芙蓉

獅子樓

報君知

烏金葵

縷金粧

淺白芷

淡黃袍

白牡丹

粉綉球

泥金蟹爪

黃金釵

白銀針

金綉球

白於玉

粉海棠

嫩面嬌

榮黃奎龍

魚鱗白

鵝兒菊

白秀巧

粉桃紅

紫金鈎

白玉碗

黃金塔

玉芙蓉

銀紅松針

紫牡丹

金綉球

銀綉球

金翠微

仙鶴毛

醉楊妃

紫如意

懶梳粧

白毛菊

黃羅傘

玉如意

粉蝴蝶

紅羅傘

鳳尾

月下白

黃玉蓮

玉麒麟

粉如意

白虎鬚	金火管	白金錢	瑪瑙葵
水牡丹	粉麻姑	玉青心	泥金牡丹
黃金錢	黃奎龍	老來白	偶合蟹爪
粉紅丹	花生菊	火鍊金	金魁蟹
玉玲瓏	粉燕兒	白獅馱	佛手蓮
綠牡丹	金鳳凰	玉天香	粉西施
白玉蓮	落朝衣	沉香片	泥金奎龍
玉壺葵	粉小喬	玉蓮獅子	黃白富貴圖
金雞頂	玉蟹爪	粉麒麟	玉重樓
碧玉釵	金蜘蛛	銀芍藥	粉粧樓
白玻璃	紫陽鍼	黃雞冠	玉獅子
黃虎鬚	黃玻璃	紅玉片	金棋盤
白鸚鵡	白鳳凰	剪刀喬	紫玉片

黃金鈎

紫金冠

百鍊金

紅玻璃

鳳頂冠

黃金甲

碧玉簪

地延花

紅蟹花

美人髻

南平鎮農場新植花

木雜錄

紫色楊柳

灰色柳

大金柳

洋槐

黃葛蘭

玉蘭

筆柏

側柏

柳杉

棠梨

綠萼梅

文杏梅

硃砂梅

照水梅

三學士桃

碧桃

白桃

水紅桃

夾竹桃

朱藤

轉針蓮

金銀花

卍字金銀

法國葡萄

玫瑰

廣柑

墊江柚

無花果

香櫛

蘆竹

文竹

筆竹

棕竹

棲鳳竹

石榴

八重石榴

白石榴

西湖柳

樹綉球

亞藍紫荊

鬼箭羽

木瓜

粉團花

兔雪梅

楊度梅

狀元紅

狀元白

四季桂

刺牡丹

薔薇

樹蘭

夜合

金綫十字

南平鎮農場新植花草雜錄

花輪菊

簪性翠菊

複瓣天人菊

女郎花

矮性翠菊

金盞花

矢車菊

河西柳

大輪白粉花

小町櫻

勿忘草

含羞草

孔雀草

不知大力士

千日紅

千日白

松葉牡丹

日日草

安求紗

花薊

背細工

路得必杏

可斯末司

洋拉浪

山上雪

魯生必亞

起絨草

高地大福

夜來香

小洋檳榔

柳葉蓮

藍金雞草

重瓣茉莉

胭脂豆

矮生茉莉

銀邊翠

紅蓼花

射干

三桃草

八重金盞

紫荆

小手奎

牡丹

芍藥

望江南

馬齒莧

天桂香

金榜

菸葉牽牛

棕心菊

晚香玉

藏紅花

鴛尾

水仙

石蒜

鐵色箭

萱草

草梅

月亮花

晚化粧

牛角蘭

落地梅

鐵線蓮

瓔珞牡丹

重修南川縣志卷七

學校

記曰古之王者建國君民教學爲先又曰君子欲化民成俗其必由學乎粵稽古代興學之指非專造士也於化民尤亟亟焉專造士學不妨少欲化民雖窮鄉僻壤有人之區卽應有學虞夏商周之學制有國有鄉國學造士者也天子曰辟雍侯曰頰宮一而已矣鄉學造士而兼化民者也故家塾黨庠州序鄉學層遞林立歲農功畢餘子皆入學冬至後四十五日乃傅田事其父兄亦時入飲酒讀法而行齒讓使當時制果實行草野間必無不識字明理之耻何減今之歐美東周喪亂青衿失所秦人暴戾厄於焚坑自是以降郡縣設學始於漢生徒定額始於唐專官教授始於宋然皆爲士設不爲民設以榮名利祿誘之一邑數百里地僅置教官一二員三年中錄弟子二三十員而止其鄉俗遺子從師卽總角之童皆爲學文應考計抱一希榮干祿思想匪是則自擯於黻門外卽終身不辨之無可耳俗蔽民冥胥原於此近二十餘年乃更舊化宏新規縣立高初兩級小學爲國民普通教育且無問男女悉加陶鑄局所以督之專員以勸之覺世牖民不知者以爲維新知之者以爲復古惟是公

集之財力有限荒村僻野仍恐有徒無師學款操之保董舉比等於傭雇情勢不無扞格欲謀闔縣普及盡力擴充責在黎獻夫學一而已矣明體達用古今中外共貫同條而國制民趨形式上究有舊新之別故以上下篇分隸之

篇上

清代學制 清代沿明舊制邑設教諭一員訓導佐之知縣居主體一邑皆稱曰師專司教育而聚徒升坐實行講授者寥寥惟掌入學諸生冊籍備文送試報丁起復補廩出貢旌表祭祀諸事每月普通課士一次邑中撥隆化書院租穀八十小石充獎資無論已未入學皆作文就正焉此肄而非教也辰戌丑未年歲試知縣集文士試五場知府試四場縣府試首場有名者提督學政按臨都會然後學師送往應院試先已入學者曰考等第邑額設廩生二十名增生二十名餘稱附生附生等第優先者遇廩增生缺挨次填補廩生歲領餼銀三兩二錢本縣地丁開支增附無之歲試每次取廩生年久名次最先者一人貢之京師得注册選教職從此出學未補廩而衰老者以無志上進懇免歲試稟於學政准給衣頂與職官告老休致同意未入學者試以時藝一篇

實經義也因體製不同古代文故曰時藝

試帖六韻邑初額取八名咸豐時捐助粵西餉銀一萬二

千餘兩廣額一名重慶府設教授而無學生於屬縣增取撥入本縣歲試增取一名撥府共十
名學政試取後彙名報部下考案於本縣名紅案知縣召集新生等先率謁孔廟次謁學師跪聽
讀順治時頒臥碑八條康熙時頒聖諭十六條乃退是爲入學平時優免雜派有罪罣案知縣
須移文學師上詳學政除其名籍乃得施笞杖桎梏凡刑喪替冒娼優衙役諸下賤家子弟不
許應試入學臨場時以廩生保認之子午卯酉年科試廩增附生考列一二等乃得應鄉試錄
科黜後者學政還省城更收一次曰錄遺才不願赴鄉試者不强其他補廩入學悉同歲試惟
不撥府學光緒中年學政瞿鴻機以邑文多佳卷省他縣府學一名入南川科試亦取十名若
遇朝廷慶事廣額三名不爲例武舉始於唐武學始於宋明崇禎十年合天下州縣皆設武學
生員提學官一體考取清因其制武人習馬步射挽強弓運刀石其應縣府院歲試入學場數
名額悉同文士惟無科試及增廩貢生武生亦列膠庠受學師之管束與納資入國子監者俗
稱三學十二年學政考取廩生優者一人貢京師曰拔貢三年調考案優者旋省再試通省只
取四人曰優貢拔貢優貢皆得應朝考歲考當貢之年朝廷有慶加恩多貢廩生一名曰恩貢
鄉試舉人額滿而文佳者取得一二十名附榜後貢之曰副貢鄉試名義本做自漢代鄉舉里

選之制隋唐變爲科目與學校貢士殊途然自宋而後必學校諸生乃得解送遂混合爲一矣此等法制今已弁髦棄之然郡縣阡陌之民未嘗不欲聞封建井田之故其時學官教士之外則有書院鄉學

縣試院 知縣歲科考校士子及每月課文初就縣署道光三年知縣彭履坦於城內西街後面創建試院俗稱考棚規模同官署地段寬闊外有東西轅門照牆鼓樂亭正中外爲頭門次爲龍門於此點名門內東西文場號舍排列同治三年知縣鄧文治培修考試罷後初改設農工局入民國防軍駐焉武試馬射在北城外較場壩有演武廳馬道今廢

彭公履坦創修試院記

朝廷設學校以造士卽有春秋兩試以取士典至鉅也而升秀必先命鄉則雲程發軔實自童子之科始南川山水奇特戶口繁殷童試不滿千人心竊怪之夫勸學無異於勸農果能優恤之以安其身斯不難激勵之以作其氣數年來書院膏火已兩度增加惟試院未及創修嘗憫其扁試署廷旣躬親負戴之勞且難免風雨之苦爰捐廉倡建邑人士感奮樂從工旣竣集紳耆宴其中共慶落成顧而樂之笑謂諸生曰山燦若眉水環如帶上棟下宇莊麗

崇閎以此勸士有不足濬其藻思而騁其椽筆者乎此後銜枚壯士非惟一鼓作氣會當餘
勇可賈矣抑余更有說焉士先品性而後文藝聖賢立身行己吉凶悔吝之道備於六經而
大暢於宋儒之語錄誠能日有孜孜勿忘勿助於以博其旨趣究其精微而又本六經之所
以爲教反而求之方寸之中設誠而致之無愧於大廷無慚於幽獨則讀書與立品相輔而
他日舉於鄉升於國以仰副造士取士之意而自成爲有本有末之才是則余之所厚望也
若夫興作之程堂舍之規經營之數則有邑人士之記在余不贅

邑進士章杰生建考棚碑記

古之稱循良者莫不有惠民之政史載循良諸傳可考而知也然而父母之心不可以僞焉
唯仁人能設誠致行因其地之所關而畢爲之謀藹然有覆載栽培之意而得其後先緩急
之方此非好大喜功徒飾耳目者之所能及也邑侯裴埜彭老夫子以豫章名進士奉簡命
蒞茲土庭有懸魚案無留獄留心撫字於今七年如平治街道補修城垣捐俸倡建永生橋
無一不以利民便民爲務而春秋課士之勤尤無間於風雨顧念南川山水所鍾不乏髦秀
而考棚未建非所以辨幪多士也爰以道光二年九月集紳耆議修以百餘年間邑人士志

有未逮之舉不階尺土而身任其勞其意可不謂厚歟夫一邑之文風視乎宰治之培植而培植之方學宮爲重書院次之考棚何獨不然邑侯之下車也先於學宮改建聖域賢關二坊諄諄以升堂入室爲諸生望次乃兩度增書院膏火今又創爲斯舉萬間廣廈有其具矣繼自今白袍鶴立依仁宇以同升未絀方來聽頌聲之喜起風教所涵有不蒸蒸日上者哉是役也邑侯飭董事募捐先割俸百金爲之倡邑人感奮樂輸踰月得一千餘金乃卜基縣署之西卽以其年十月二十四日經始督工董事一乃心力越明年四月歲事計費工二萬有奇門堂階級亦如郡城試院之制東西文場號舍前後各兩層約容千餘坐垣其四周而黜聖之邑侯於公餘之暇相其陰陽口講指授如伏波聚米茂先畫地結構經營罔不殫然在目於以嘆賢父母才識之明厚於學術以養以教有以深入乎士民之心而生其慕義急公之忱故信而後勞如風之行如草斯假能使頑者廉懦者立歡欣鼓舞以相與有成也是爲序

隆化書院 書院今所謂公學也起於唐末五代至宋而顯逮元明清而盛其初鄉里間有學問道術之儒招友聚徒講學名山石室幽靜之地聲望既高郡縣官吏從而慕之爲之購田築

室聚書久之其人且由官吏延聘具脩脯遂化爲官學稱山長

惟元代山長由政府選授

與教官等夷而士林

趨向過之以其人爲學界山斗非政府例授也自南宋以下道學名流仕宦而歸無不爭迎以掌書院者惟一邑不止一所鄉人公立者亦不盡主於官及其敝也大紳主席或爲勢利攀援交通官府之地講習之事反涉虛焉邑隆化書院在城南二里鰲頭峯清乾隆二十二年知縣應士龍建有序初時已稍置田產後歷知縣蔣作梅徐名緇王臣福黃際飛益培修齋舍添買田租爲延師束脩課士獎資之用歲仲春知縣躬送諸生入院行釋菜禮山長除私授住院諸生外每月通課邑士文兩次知縣亦月課文一次別於試院扁門考試而必用書院名義蓋以教士之主體自任猶今之地方官監督學務云耳光緒三十二年變更學制就地改建縣立高小校

知縣應士龍隆化書院碑記

書院以隆化名何昉乎南川古稱隆化而書院教化士民建於乾隆年間因時與地以取義此隆化所由名也記有之君子如欲化民成俗其必由學又曰一年視離經辨志三年視敬業樂羣五年視博習親師七年視論學取友謂之小成九年志慮通達強力而不反謂之大

成夫明體達用處則爲純儒出則爲良佐此設學儲才之意也以其學問發爲文章特餘緒耳至尋章摘句博取科名亦末矣後之君子顧名思義務期道隆雅化庶不負余之厚望也夫是爲記

知縣徐名緝捐置隆化書院田業記

嘉慶甲戌三月予謁選得黔之鎮遠引見調南川是年予兄充會試同考官南川進士周名立瑛以對房謁予兄予因與接見詢及書院事始知邑有隆化書院係前邑令應公創建第歷年既久漸就傾圮且未設有膏火故肄業寥寥予聞而識之迨下車諸務未皇也詣書院視房屋尙可修葺亟令興工更因餘地增修學舍嗣清查舊置學田僅若干廼集紳士勸捐爲設膏火計又置田得若干畝而館穀歲入之需凡案器用之屬次第具舉予甚嘉邑人士之贊勸以有成且若此速也爰延師開館進生童而課之則遠近負笈者接踵自是邑之書院殆將廢而復興矣諸生請爲記且垂久遠予用是有說焉書院之制昉於宋代之義學蓋自士與農分而乏恆產其中寒門單戶無講席之地薪火之資雖有良材子弟多至廢業於是爲有司者躬爲措置學舍備膏火俾一邑寒賤皆得以成其才質故曰義學卽今之書院

也顧其法良意美更有進焉者夫士爲民之首風教之根本也心術正而后品行端品行端而后坊表立孟子曰經正則庶民興故諭以理義導以彝常此君子之事也昔朱子知吾鄉南康軍復白鹿洞學規由是理學彰明一時聰明俊傑之才悉軌於正讀其語錄尤爲世道人心之衛南川何獨不然今書院既立吾願與多士講明而切究之讀聖賢書以治其身心而闢乎訛謬如鐘之覺如鐸之懸則崇正黜邪之功不愧化民成俗之學揆諸隆化之名其庶有當焉是爲記

知縣王臣福培修隆化書院記

蓋書院爲培植人材根本人才之盛衰胥由於書院之興廢邑隆化書院建自前宰應公及榆次原公及江右徐公彭公皆能隨時措置加意振新以畢其所未備數君子皆大有功於鄉人士者也故當時之膏火贏餘寒畯奮志人文蔚起其科名之鼎盛甲第之蟬聯實嘉賴焉使繼起者守之勿替而董其事者復能潔己奉公罔敢冒濫雖百年如一日可矣乃上下廿餘年前宰久大之規日漸銷蝕書院幾有名無實倘不急爲整飭勢必舉今之僅有存者亦日腴而月削之將何以爲培養寒畯作育人才之資余自咸豐乙卯蒞任之初詢及邑中

數科無領鄉薦者半由書院之廢弛難資培植卽欲力剔其弊無如視事數月旋調崇陽及至捧檄重來謂庶幾畢吾夙願乃桐匪不靖逼近邊陲軍務連年津貼捐輸絡繹頻仍更難於兼顧天下事之不盡如人意竟如斯乎今者時稍暇矣爰進師儒紳耆共相籌畫凡從前積弊擬掃除而釐剔之雖未能盡復諸賢尹之舊而移緩濟急振廢起衰庶不至使前哲之盛舉蕩然無存况書院爲建學明倫之地文教實化民成俗之原師道立則善人多士習端則民風厚固不獨人才之盛衰關乎書院之興廢也惟願董事者恪守條規一秉至公時體諸賢尹創始艱難振興教化之美意是則余之所厚望也至逆氛盡殄邊境肅清民力稍紓捐增公業以大其培植薰陶復此邦科名鼎盛甲第蟬聯之舊將有望於後之同志者

知縣張濤隆化書院章程碑記

欽加同知銜特授四川重慶府南川縣正堂加三級紀錄五次記功十六次記大功十三次張爲捐資濟公示諭垂久事照得教化以禮樂爲先不備其器無以昭誠敬儒生爲齊民之首不厚其精無以勵觀摩且愛民之端不一而矜孤濟貧仁政所先施惠之事無窮而掩骼埋胔亦垂令典從來隆廟祀培寒峻恤無告澤枯骨諸大端凡有守土之責者所尤宜亟講

也本縣服古入官學治斯邑竊欲以化民成俗發政施仁之事自加策勵稍盡職守蒞任之初恭逢秋祭文廟竊見禮器樂器均屬闕如佾舞儀文略而未備良由前事經費難籌有志未逮若不及時修舉誠恐典祀就湮惟事係創始費頗不資祿入既屬無多縣中又無閒款籌畫至再有鐵廠陋規一款每年由各號分夏冬兩季共繳縣署銀陸百兩以作辦公之需歷有年所不知始於何時本縣向以清白盟心所到之處一應陋規悉從裁革此款本欲議裁因思商號所出無多裁之無益於彼地方公事甚衆留之有濟於公爰將鐵廠公費自本縣甲申年六月到任起至年底冬季止銀叁百兩乙酉全年銀陸百兩丙戌年夏季銀叁百兩共銀壹千貳百兩此數作爲本縣捐項歸入文廟製造禮樂各器先由本縣籌墊此款陸續歸結俟製造齊全通稟大憲批示立案將製造各器應用諸物謹藏文廟詳列清冊移送儒學專管其事遇有交替列入交代出納申報其宮牆殿門神座所有傾圮剝蝕之處亦卽一律修葺完固加飾丹漆用肅觀瞻以冀春秋兩季典禮秩然士民興起所有每年鐵廠繳公費銀陸百兩全數捐作書院養濟院之用均於光緒十三年丁亥爲始定有章程每課生童共需銀肆拾貳兩每年以十課計之共需銀肆百貳拾兩旣厚加其膏火諸生當益自

濯磨所以培寒暖者如此又查養濟院孤貧向額六十名每月給錢叁百文今每名每月擬加給錢壹百文每年計需錢柒拾貳千文外增孤貧三十名每名每月亦給錢肆百文共需錢壹百肆拾肆千文共計錢貳百壹拾陸千文約照市價每銀壹兩易錢壹千陸百文合計共銀壹百叁拾五兩加增孤貧所以恤無告也再查極貧之人每至死無棺殮屍骸暴露沴氣薰蒸亦足干天和而釀疫癘擬設一施棺會約以錢肆百文製棺一具每年製一百五十具共需錢陸拾千文派一首事經理每年給辛力錢拾貳千文共需錢柒拾貳千文亦照上約合銀肆拾五兩施棺之數雖覺過少然先爲之倡以俟後有閒款或好善樂施再爲增設創辦施棺所以澤枯骨也以上書院膏火銀肆百貳拾兩孤貧口食銀壹百叁拾伍兩施棺經費銀肆拾伍兩每年共需銀陸百兩卽以捐出鐵廠應繳之銀永遠作爲定額如此一轉移閒款旣已歸公地方不無裨益惟事貴善始尤貴圖終所有禮樂祭器一成不易事有專司當不至遺失殘缺墮棄前功其膏火孤貧等事尙須按年收支若不刊碑立案誠恐相沿日久或有廢弛更張茲特立定章程勒石書院以垂永久俾衆共知後之履斯土者好善之心孰不如我自能永遠維持不至廢棄爲此示仰閭邑士紳商民人等一體遵照辦

理所有章程開列於后

育才書院及鄉學 宋明以來朝廷開詔鄉里設義學以惠貧家子弟道光五年知縣彭履田奉四川總督戴札飭屬縣創設鄉學履田倡捐銀四百兩并募錢六千餘貫買田租四百五十小石於里路分置鄉學二十有二處每處館穀拾小石館師以生員業舌耕者考試充之於城內西街文昌宮側建育才書院俗稱總鄉學延本邑文望素高之人主講館穀歲百石次於隆化書院每月課文一次以穀作獎已入學者不與光緒十二年知縣張濤以院宇湫隘移縣試院右之舊訓導署又以鄉學處多而穀寡教師不足餬口難於責效併爲十一處館穀倍前然貧者雖免脩脯亦不能讀富人爲子擇師各從其便任一般窮士紛紛邀求徒爲周恤寒畯之資而已

知縣魏崧鄉學條規十則 一館師俱係本邑子民本官之以禮貌相待者原爲崇尚師儒起見爾等各宜自愛立品爲先弗預館外事弗容館外人弗蹈前入故轍尸位貽譏設一朝有過而去自問能無赧然 二館師每逢朔望輪赴就地各場市鄉村宣講聖諭一日如朔望係趕場日期改爲次日宣講蓋趕場日人雖多而各有所事不能靜聽卽聽亦不過行雲流水過而

不留惟問場日人皆無不男婦老幼聽者必多該館師常逐條逐句通以俚語易以方言反覆細詳務使鄉愚心解情移咸思效法 三宣講聖諭須至公所或廟宇或會館或人煙稠密寬闊處恭設香案敬謹宣講應用桌椅及館師茶點飯食着首事謹備支應 四子弟初發蒙者該館師先將聖諭條目十六條敬謹抄寫教令恭讀隨後再讀三字經孝經小學諸書已發蒙者亦抄令補讀隨讀隨講年天性未漓聰明易啓迎機開悟正在此時課讀之外再將洒掃應對進退之節尊卑長幼親疎之序子臣弟友之道禮義廉恥之防盡心講解惟幼稚未能領悟深奧但使善行善言聞之既熟則一切自能效法慎弗因其年幼無知弗與講解誤人子弟 五館師向係一年一考有考必換如果能按照章程認真訓課准其免考接就次年之館若宣講聖諭勤明經本縣查有實效者並准加修接請 六考取館師本縣必查選生童中有品學專以教學爲業而極寒苦者考而取之原所以整頓學校亦藉以培植寒士 七鄉學首事四鄉各有一人除照常經理學回事宜外責成首事各將本鄉學事宜盡心經理館師勤惰認真查察年終持實具稟以定去留毋稍徇私致干未便如館師有過犯不能容俟年終具稟仍隨時更換 八子弟中有寡婦之子該館師必因人加意蓋其母飲冰茹檠艱苦萬端專望其

子成立全仗先生管教若孤子無成則寡婦失望更有獨子累世宗祧關係一人倘或失教則父母無屬望之人此兩等人尤當寬嚴互用格外盡心 九鄉學官給修脯原爲貧民無力延師而設不准格外索取束修倘因館師管教認真自願盡情及上館時致送贄見逢節致送節禮與食物者仍聽其便 十逢節放學准以五天爲率卽有事耽延亦不得過八天至逐日早晚放學須先遠後近先幼後長不可同時並放致在途相聚頑耍若子弟家有事必令其父兄親自告假弗任子弟朦告誑假在外閒遊滋生別故

知縣彭履田新設鄉學序

朝廷有教化而後草野有風俗學校者教化之所從出也顧從古升秀必先命鄉周禮大司徒以鄉三物教萬民而賓興之家有塾黨有庠州有序地近而易習教簡而易從其防之也周其責之也恕所由力田與孝弟同科道德一而風俗同制憲戴羨門先生奉命治蜀省徭役勸農桑鋤奸暴崇善良諸大政之利益於民者既次第施行布爲令甲丙戌春飭諸州縣於所屬地方勸捐廣設鄉學以資蒙養令甫下田深懼其弗克有成也蓋南川地僻民稠其俗勤儉而狹隘故慷慨樂施之風不及他州縣然涵濡聖化百有餘年民之負山抱崖而居

者實多髦秀以謀生之計拙致力學之情阻此田所早夜以思愧教養之無具而歎爲可惜者也爰以奉札之日集紳耆於庭宣德意以諭之邑人感奮樂輸共得六千餘緡田復割俸四百餘金買民田二百餘畝典田數十畝分設鄉學二十二處延師課讀每歲送束修若干於城內添置義學束修倍之凡講肄考課亦如舊設隆化書院之規竊歎邑人士向風慕義之忱爲前此所未有苟非大父母漸之以仁摩之以義爲民籌者密而感人心者深烏能不速而成若此哉古者諸侯歲貢士於天子於是乎有慶賞之典而又哀對述職必以人材風俗爲先蓋以人事君者大臣之職廣教化美風俗此邦治之所以勵翼而疆隅之所以不隔也今蜀中諸州縣增設鄉學雖其所教者不過幼儀之節章句之文而發蒙實作聖之基小成負大成之望行見比戶之閭卽有師範單寒之士不廢橫經如南川叢爾邑亦幾幾乎家絃而戶誦矣其有輔於國家之政教豈淺鮮哉出深喜其事之有成又恐不能慎始慎終實力奉行以負制憲栽培寒畯之至意也謹援筆而記之且以告來者

專經書院 光緒中年知縣張濤在任日久熱心文化以邑士但攻時藝鮮窺經史學術終乏根柢特買後圃徐姓舊宅改修專經書院首捐廉三千串募捐五六千貫邑金竹寺捐田租一

百小石提尹子祠田租九十小石招邑人劉龍書集股開兩益當以五千串存當生息繼任樓
藜燃袁桂芳續辦成先後延治經史古文之學者主講調邑士二十人入院肄業人月給膏
火錢三千文並購經史小學諸子古文詞賦諸籍按月課試規章學約頗極嚴密及光宣之交
卒被破壞本虧當閉學制既更田租入勸學所又數年就院改辦女高小校

知縣張濤專經書院記

國初功令春秋闈均以專經取士同考官視已所習之經以爲分校首選五名各以經魁多
士故五經魁之名至今流傳人口彼時人文蔚起次場以二十五藝邀欽賜者科有數人經
學昌明超越往代是名雖習專經而通五經通十三經者實繁有徒我高宗純皇帝天縱聖
神規模遠大當文風極盛之時飭士子改習五經廣大精微意深且遠宜其淹通之選倍盛
於前乃姿性之敏鈍不同地方之大小亦異地僻性魯之士畏難苟安因噎廢食或竟束書
不讀甚至主司之服習久荒棄取專憑乎時藝科場之搜檢難遍經策專賴乎鈔胥衣鉢相
傳因仍苟且空疏剽竊者亦高按巍科捷徑爭趨實修漸鮮此荒經之弊不獨蜀爲然更不
獨南川爲然近來名公鉅卿急思挽回風氣敦崇實學以儲國家楨幹之材以體朝廷作育

之意或沿舊院或立精舍經學重興蒸蒸日上自南皮張公督學來川創修尊經書院全蜀士林沐其教澤不需一州一邑作此區區之舉但南川僻處邊隅距省遙遠士多貧苦負笈無資濤承乏十年未能以養以教素餐尸位內愧滋多夫士爲四民之首教乃治化之原經旣不明行何以修則習經乃當時之急務以荒殖旣久之區驟責以博通羣籍勢必望而生畏欲從末由則習專經又南川之急務也癸巳春購舍延名師立章程籌膏火擇邑中之俊秀者若而人使肄業於其中專心致志觸類旁通非必囿於一經也誘掖獎勵聞風興起非僅惠茲數人也由一經以及羣經以漢學而兼宋學師授於弟父教其子致知力行移風易俗庶上不負朝廷教士之恩下不失鄙人創興之意然則書院之以專名者亦因地制宜使之行遠自邇登高自卑非敢與功令相左也或曰講求訓詁有妨制藝之功此空疏剽竊者流欲藉以文固陋而耽安逸夫制藝代聖賢立言未有經籍蔚然而猶拙於制藝者習經不專爲制藝而欲工制藝者舍經學亦別無根據諸生服習久之自有體驗學爲己不爲人不必與之深辯也院旣落成爰書此以爲之記

龍川書院 邑西豐里六甲龍川廟舊有韋李二姓公共清明會乾隆中因爭訟稟請歸官知

縣冀宣明改爲龍川書院請上司定案以田租三十八石仍交二姓經管延師冀政暇屢往諸

生執經問難一時稱盛年久租減糧重兩姓乃收作會款以餘穀數石附設蒙塾

海鶴書院 光緒二十七年知縣雷懷榮就城西尹子祠創設延雲南舉人候補知縣張景倉

主講招生研習經史古文悉做專經景倉去後廢

尹鄰文社 光緒二年知縣黃際飛以城西五里龍濟橋畔余姓捐地建祠奉漢儒尹珍邑舉

人徐大昌董成之復得僧照松等捐田三處收租八十四小石招人洒掃月會文士課詩賦後

任牟思敬張濤尤親風雅命曰尹鄰文社其時閩里安靖循吏鄉賢優遊唱和猶有武城絃歌

之遺韻焉後租穀提歸專經書院今入教育局

月課清季邑中月課最密兩學各書院尹子祠課俱已見上知縣張濤尤勤於誨士每月必親

臨試院扁門考校手筆評騭初到任卽捐本年鐵廠陋規銀六百兩用製文廟祭器後歲撥四

百二十兩爲月課加獎謂之官課光緒十三年重慶府發來罰款銀一百五十兩錢三千貫濤

以銀及錢一千貫歸賓興二千貫存商每月一分生息歲得錢二百四十貫勻作十課於官課

次日更試謂之府課士之貧而能文者藉各獎資足供薪米之用

清代學款 清代公產惟學校最富其給兩學師費用者專名學田已見職官志書院鄉學已見本篇以外尙有義卷賓興之屬知縣俱特派紳士經管義卷者科目時代縣中文武童生歲科兩考縣府院三試文武生三年鄉試試卷例歸考試衙門備辦應試人但納卷費其各衙門辦考所需雜費及廩生保送費均加入其中卷價昂而多寡無定書吏臨時需索窮士不免困難咸豐元年知縣魏崧創辦義卷買田二十四處租六百八十餘石以紓其困 賓興者周禮鄉大夫掌其鄉之教化三年大比考其德行道藝書其賢者能者升之司徒退而召集鄉人飲酒習射於校中與行賓主禮以興起之隋唐以來京師設明經進士科士人自本籍赴試亦先由本縣本州本道考錄升送曰鄉貢臨行時地方官或倣古禮飲酒歌鹿鳴詩以餞行吾邑罕有舉者然以寒士遠行資絀則籌公款以分贖之藉作勸厲文武舉人入京師會試曰北上賓興府縣學生應鄉試者但曰賓興長官愛士者或更捐廉若干兩以餽邑賓興會始嘉慶十八年知縣蔣作梅創辦同治時黃際飛增益之合捐買之田三股租一百七十小石有奇北上賓興同治八年知縣劉敬業創辦光緒時張壽增益之共田五股收租一百一十六小石文武舉人會試優拔貢朝考皆與焉今悉入教育局

知縣黃際飛創置學田序

邑在前明一僻陋之區耳逮我朝崇儒重學聖相承二百餘年來雅化涵濡幾於家絃戶誦矣然地瘠民貧歲科兩試取文武學額二十餘人大率寒賤居多而二學廣文薪俸無幾全賴新進諸生束修以資薪水取之固不傷廉與之亦不傷惠乃貧者多而富者少雖在府勉強應許束修若干而回家又不能如數奉送廣文所得無多而諸生已不勝其苦矣公暇籌畫欲得一舉兩得之策莫如創興學田因商之孝廉徐君大昌賂君國恩等皆曰善勸亟行之然所需甚鉅不能不借資羣力乃傳殷實紳糧當面開導使其量力酌捐而一時之饒裕者莫不踴躍從公樂襄盛舉遂札飭二里保甲就近勸捐未逾年共計得錢一萬七千九百三十八千有奇買業十八處又撥公局前買田房五處價錢五千四百串又入公局借出錢三千一百二十串買業三處合新舊田業共三十六處共得租穀一千四百小石有奇揀公正紳士二人責成經理三年一換而廣文一缺較前頗覺豐厚寒士進學亦不至終身負累矣從此多士之遊庠食餼出貢起復錄遺等事貧富均不費錢其感興鼓舞更當何如耶除妥議章程備由申詳各大憲立案外質敘其崖略並定章各款列后

知縣魏崧創辦義倉序

南平士多窶而府與院試所需孔多皆預備於縣卷之購諸童阨於貲罔能遂其進取志職此之由予甲辰歲澆斯土憫焉爲所夕籌厥款罔克濟雖有水井山穀石十鮮八九盡力有未逮者已歷年所矣歲已酉適以濟倉仍歸之民始得所藉手撥一千八百京石獲鐵一千八百有奇而好義者亦樂解囊以傾遂購金家橋等處田畝與夫全慧諸人所捐歲計入穀六百二十三石五斗錢四千七百文合三載所獲穀共一千八百七十石零五斗錢十四千一百文其用之也文則歲試一切需錢四百五十九千八百六十五文科歲則每名一錢計五百零四千四百六十五文武則一切需錢三百一十一千零二十四文總需錢一千二百七十五千三百五十四文計所餘六百石有奇其棚費歲科兩試有定規嗣後多一人則照向規加一分其銀照市價核算禮兵兩房給以印册存照每年所餘納貯署倉公同局鑰亦以印簿登註其穀石出糶務從十一月至三月間止毋得於初穫時擅自售賣縱年或偶歉亦有曠以取濟矣繼自今諸童尙其奮志以圖進取無負栽培之意焉爾

知縣蔣作梅創辦實興序

國家崇儒重道雅化作人士之誦習田間者已無不彬彬乎日上矣而亦有囿於鄉隅厄於境遇者則夫樊勸休養又宰斯土者所宜急講也南邑亦文教所暨之區而一片青氈半皆寒素每因資斧缺如不獲往應鄉試遂以阻其志而老其才此非地無其才而才厄於遇良可惜也余下車後卽欲定一興賢育能之良法而未暇也今年冬改修聖廟因與紳耆酌議以五十八年所置王家壩公田撥歸文廟更撥後圃土田以附益之每歲租穀銀兩議公正董事二人收存遞交除納糧外以三年所儲供一年賓興之用赴省錄遺後合計人數畢所有而均分之則庶乎人心競勸蔚爲國華矣第事不難於善始而難於善終誠公以持之不敢侵蝕節以致之無致糜費行見地不愛寶有基勿壞薰陶涵育文治日新余之所望於都人士者正匪淺也

篇下

我國數千年學術研義理者遁於空虛習文辭者流於雕飾一統治安之世可以馴宇內之心而皆無益民生國務者也其革故鼎新以清光緒甲午中東戰後爲動機甲午以前當道憂國所欲整頓振興者不過海疆船礮戰爭之事其留心外邦政學探訪風氣者寥於晨星及東

人以小邦變法纔二十年我出全力搏之反三戰三蹶人情震動乃知學政爲強國根柢一二志士發憤先鳴吐棄科舉之學取時務典籍而研求之浸以告朝廷請求變法適德宗親政傾向維殷新化遂如良苗之茁乃遽遭戊戌鉅變宮廷机隍朝令夕改閉塞封固者又二三年此何異農人今日溉種向夕卽遭冰雹碎擊無餘耶然時機已至反激之而愈速拳匪召釁大駕西奔怙亂遭譴幾於滅亡雖以慈禧后之悍不敢固執預備立憲自當以改辦學堂新民智爲初步先罷武試陸續設備事出強迫猶抱戀舊之思於此曰試辦於彼曰遞減衆議敦促直至乙巳八月乃諭立停科舉各省學政專司考察學堂旋立學部設提學使此中國文化一大紀元根柢改革比他政爲尤重也其時邑已設學務局清釐款項各鄉初等小校次第組織復創辦高小兼造師範本邑羅君祖澤自日本內江黃君廷鰲自成都傳習而來分任教員又有德隆鄉童氏圓村壩韋氏自行倡辦兩等石牛溪唐紹漢觀音橋余紹先自定課程同聲相和基礎於是奠焉茲列先後成立校數於下有創始功者後雖更改停廢亦不遺之

教育局 教育局清光緒三十一年上諭立停科舉專辦學堂邑改舊育才書院爲學務局知縣委邑紳充總董經始措置三十三年改爲勸學所設縣視學全縣學堂分爲五區每區勸學

員一人各鄉初等小學一所設學董一人民國二年春省令縣署內設教育科縣視學改充科長勸學所改稱教育公所三年復爲勸學所縣視學十四年春改爲教育局教育行政獨立直接受省教育廳管轄指揮局長一人由省廳遴委或由縣知事舉二三人稟廳擇委總理全縣學務視學一人十六年增專察學堂收支員一人專司款項出入由局長舉人請廳加委改勸學員爲教育委員又設董事會董事七人以本局視學一人及縣參事會選舉六人組成之稽核籌畫教育經費議決教育進行計畫局款初係吸收舊有學田書院鄉學賓興義卷文昌會尹子祠田租約三千四百石以外所籌雜款爲數不多專供縣立男女高初小校辦學之初惟城區各校稱縣立局中辦事上行解款三種費用四鄉各校由地方紳首就地籌款學董經管報銷不足要求縣局酌量補助民國九年視學楊超倫謀學款統一改爲統籌分收統支凡各鄉教員束脩校中雜用俱局中擔任加以物力生活連年騰漲出款驟增原有經費不敷甚鉅乃將各場斗息一律提作學款並附加糧稅契稅肉稅各鄉團保學董乘此卸責向有活動之款不免借事挪移另外添籌更屬無望以後校數日增修金日重紛紛向局索支束脩改錢用銀中間復有虧蝕由此負債萬餘緡十四年局長朱懋昭召集董事會議決將統籌統支案打銷原款歸城新款

歸鄉然既經變更搖動之後不如從前確定充足狀況愈形困迫據十五年局報銷收入為銀

三萬二千五百餘圓錢五萬四千八百餘貫穀四千九百七十餘石 上年陳積在內每年實收三千四百餘石 支出為銀

三萬三千二百餘圓錢五萬七百餘貫穀三千四百餘石

南川縣教育局所管出業地名及收入租穀數目列左 租穀以小石計

地名	原租	實收	地名	原租	實收
後壩	伍拾石	肆拾伍石	韋醫官	伍拾石	肆拾叁石
官堰	陸拾貳石	肆拾陸石	同前	<small>零陸拾石</small>	貳拾壹石
河坎	叁拾伍石	叁拾叁石	黑石堡	<small>叁拾伍石</small>	肆拾叁石
龍塘壩	<small>叁拾伍石</small>	壹拾陸石	金家灣	拾柒石	拾伍石
同前	同前	同前	鏡子塘	伍拾石	肆拾叁石
官地	叁拾石	同上	同前	貳拾伍石	同上
黃水池	柒石	叁石	湖南橋	壹石陸斗	壹石貳斗
西陽關	拾捌石	壹拾伍石	吐文壩	肆拾石	貳拾捌石

迴龍寺	拾陸石	捌石	木地壩	貳拾陸石	拾柒石
同前	拾陸石	玖石陸斗	裏隱壩	肆拾肆石	貳拾捌石
同前	拾陸石	捌石	同前	拾壹百壹拾肆石	陸拾伍石
同前	包穀肆石	壹石伍斗	同前	貳拾伍石	拾玖石
同前	同前	同前	同前	同前	同前
同前	同前	同前	胡家灣	陸拾石	拾玖石
大寺溝	肆拾石	拾伍石	青山	拾柒石	拾肆石
黃金塆	叁石	壹石捌斗	龍井壩	同前	陸石
大茶灣	陸石	壹石	謝家巷	貳拾石	拾伍石
石門	拾叁石	拾壹石	龍王廟	貳拾石	拾石
章醫官	肆百零肆石	捌拾陸石	山背後	捌石	肆石伍斗
馬家堡	陸拾石	肆拾肆石	大地坡	貳拾叁石	拾玖石
傅家溝	捌石	陸石肆斗	水深	叁拾石	貳拾肆石

川系志 卷七 教育司

一四二 首鄂明印副司承印

張八溝	貳拾石	玖石	金花廟	叁石貳斗	貳石
新屋嘴	伍拾陸石	肆拾壹石	紙漕溝	貳拾貳石	拾捌石
普照寺	陸拾捌石	伍拾壹石	新屋基	貳拾伍石	貳拾壹石
石柱塙	叁拾石	拾柒石	高家壩	伍拾石	叁拾捌石
同前	叁拾石	拾捌石	同前	伍拾石	叁拾肆石
華家溝	柒拾石	陸拾石	同前	陸拾肆石	伍拾伍石
杉樹灣	陸拾伍石	叁拾叁石	涼水井	貳拾貳石	拾柒石
金銀石	貳石	壹石柒斗	尖山子	叁石	貳石
新田塙	叁拾石	貳拾貳石	金家灣	拾陸石 伍斗	拾叁石 伍斗
同前	同前	貳拾石	仰天灣	陸拾壹石	肆拾玖石
石壩	叁拾肆石	貳拾捌石	石堆莊	壹石捌斗	壹石肆斗
桂花莊	陸拾貳石	伍拾貳石	舊屋基	貳拾伍石	貳拾石
高田坎	貳拾肆石	貳拾叁石	老院子	叁拾貳石	叁拾石

梨樹灣	叁拾捌石	叁拾肆石	同前	伍拾捌石	伍拾石
同前	肆拾石	貳拾捌石	雷劈石	肆拾捌石	叁拾陸石
同前	叁拾石	同前	土溪漕	叁拾貳石	貳拾伍石
龍川廟	伍石	肆石	吳家壩	<small>貳拾肆石</small>	貳拾貳石
小河灣	貳拾伍石	貳拾石	太平橋	肆拾柒石	叁拾肆石
彭家溝	叁拾捌石	叁拾貳石	田家灣	伍石	同
廳房溝	叁拾伍石	貳拾伍石	捲洞門	貳拾石	同
同前	叁拾伍石	叁拾石	同前	貳拾石	同
岸山	<small>肆拾石</small> <small>八斗</small>	叁拾肆石	羅秀壩	貳拾捌石	貳拾叁石
同前	肆石貳斗	叁石陸斗	同前	貳拾陸石	同
高石坎	<small>伍拾石</small> <small>伍斗</small>	肆拾玖石	同前	壹石	同
同前	<small>叁拾石</small> <small>柒斗</small>	叁拾貳石	同前	<small>貳拾玖石</small> <small>伍斗</small>	貳拾石
金家橋	拾玖石	拾陸石	明月寺	捌拾石	<small>叁拾石</small> <small>伍斗</small>

同前	陸拾陸石	伍拾貳石	長五間	肆拾捌石	肆拾貳石
新屋基	貳拾伍石	貳拾肆石	姜家山	叁拾伍石	貳拾壹石
酢房	伍拾石	肆拾柒石	新場	壹石陸斗	同上
柏樹堡	叁拾捌石	叁拾陸石	何家沖	壹石	同上
同前	肆拾貳石	叁拾肆石	書院	叁拾伍石	貳拾伍石
左家樓	伍拾陸石	叁拾肆石	同前	叁拾伍石	同上
學堂灣	貳拾陸石	貳拾石	板栗樹	四拾貳石	四拾壹石
郭家溝	貳拾伍石	貳拾石	陽家灣	拾伍石	貳拾肆石
同前	同前	同前	二墩崖	拾肆石	貳拾石
同前	<small>肆拾肆石</small>	捌石	破石岡	伍拾捌石	伍拾肆石
青杠壩	陸石	伍石	周家溝	叁拾陸石	貳拾捌石
桂花灣	柒石	陸石	坪上	肆拾陸石	肆拾肆石
半坡	貳拾捌石	貳拾壹石	屋基灣	叁拾貳石	貳拾玖石

學校表

高級小	校地	開辦	經費	費變
縣立第一小學	北路石牛 溪仁壽閣	清光緒三十一年	教育局全支	無
縣立第二小學	西路觀音 橋禹王廟	民國七年	教育局全支	民國十六年教育局款絀停辦
縣立第三小學	西路太平 場萬天宮	民國十二年	教育局全支	民國十四年因改建校舍暫停
縣立第四小學	南路陳家 場外新建	民國十年	本校自籌田租米市等項基金	民國十六年教育局款絀停辦
南平鎮公立小學				原稱第二高小校教育局撥款民國十五年改為鎮立經費悉出本地
金家灣	捌拾壹石	伍拾捌石	唐家灣	參拾貳石
土墳嘴	肆拾石	參拾貳石	馮家灣	陸拾肆石
			堆瓦屋	肆拾石
			石堰	貳拾捌石
			石堰	肆石
			明月寺	拾伍石
				拾伍石
				參石陸斗
				貳拾肆石
				參拾貳石
				伍拾柒石
				參拾陸石

民立道南 西城外五 民國六年 校董籌備捐買田租四百餘石 校

民立崇實 西城外五 清光緒三十年 邑紳董應祥捐錢二千貫開辦 於光緒三十三年遷移德隆場專辦初級

民立新民 東路園村 清光緒十二年 邑紳董熙熙臨時捐募 光緒三十四年改辦蠶桑民國後改初級

第一女子 城內舊時 清光緒三十二年 教育局支 校地初辦假純陽觀民國二年徙今地清末又創辦正本女學校設後街民房後裁併為一

第二女子 邑南陳家 民國十五年 教育局支 十四年附本鎮男高小校次年獨立

女子蠶桑 城西五里 民國十五年 實業局支 清末迄民國屢辦男生傳習

縣立師範 附設南門 民國十六年 教育局支 清末迄民國已辦二次俱短期

平兒院 西門外趙家墳新建 民國十六年 邑紳明慶慶捐款及育嬰堂款俱係田租 原係明紳單獨捐辦十六年十一月縣政議以育嬰堂併入

初級小學 校地 開辦 經 備 考

模範學校 城西後 光緒三十二年 教育局支 校地原在禹王宮民國新建校舍始遷今地

文廟側 同前 教育局支 民國十六年併入模範校

東門外 同前 教育局支 民國十二年建築

南門外 光緒三十四年 教育局支

西門外 清光緒三十四年 教育局支

北門外 教育局支

北門外 清光緒三十四年 明月寺燈會及觀音閣三輔廟兩處田租

東區 報恩寺 清光緒三十年 本寺田租肉稅附加

螃螬塘 前清開辦蒙學設立 撥福壽寺租六石餘由教局給

水江石 清光緒三十四年 斗息豬牛厘提各廟 校地本場萬壽宮民十五年秋改辦兩級次年以教局幫款不繼復舊

魚泉河 光緒三十年 福壽寺租委黃氏捐業及斗息肉稅附加

小河場 宣統元年 雲峯殿向天寺租及本場斗息肉稅附加

半河 光緒三十年 萬天宮田租及各廟款項本場斗息紙厘

馬嘴 同前 戴家廟租本場斗息肉稅附加

大有場 同前 萬天宮轉水廟租及本場斗息肉稅附加

玉皇觀 民國十年 本觀租及肉稅附加

圓村壩 光緒三十年 龍興寺及各廟田租本場斗息肉稅附加

風洞場

光緒三十二年

寶峯寺租斗息與木瓜台各半肉厘附加

原設洞灣因不適中故移

木瓜台

光緒三十二年

興台寺租豬牛厘斗息與風洞學校各半

半溪溝

民國十二年

原堤各廟田租後增富戶捐業

楊治平等樂捐田穀

大河場

宣統元年

廻龍寺田租包穀

南區

大興場

民國十年

黃水牛黃白糖食鹽過場捐提議理所茶資附加肉稅

田家橋

清光緒三十四年

學谷廟款槽捐等項

陳家場

前清末年

由禹王廟初級學款內撥支

陳家場

光緒三十四年

玉皇觀田租各廟捐款及牛厘山糧斗息

吐文場

民國十年

由萬壽寺提款撥給

萬壽寺

光緒三十四年

本寺田租

石蓮場

前清末年

重興天星迴龍各寺田租及牛厘

萬盛場

由本場學款項下撥支

刀子口

叢林溝	光緒三十三年	石道寺租及各項雜捐
永安塲	同前	玉皇觀學穀保尚寺捐款及猪牛厘紙槽捐
三匯塲	光緒三十四年	牛王會捐穀肉稅附加芋稱紙槽猪牛各捐及張瑞廷年捐錢六十串
小河壩	同前	本塲斗息肉稅附加及笋稱紙槽油捐等
頭渡橋	光緒三十四年	萬壽宮帮岸寺捐穀及肉稅附加山根斗息
德隆塲	同前	牛厘山貨過道及肉稅附加
萬盛塲	光緒三十三年	各廠錢款肉稅及瘦猪牛厘紙槽壽木滑藥茶葉捐
萬壽宮	光緒三十二年	雲都寺田租
木涼傘	宣統二年	本寺田租
永福寺	光緒三十二年	白雲寺田租
水深	宣統二年	本寺提穀撥支
白雲寺	同前	本寺田租
伏虎寺	光緒三十二年	本塲斗息牛厘瘦猪肥猪及市攤等捐
興隆塲		

海棠園

民國十五年

由白雲寺田租內撥錢三百鈞

觀音橋

光緒三十三年

本場斗息及猪牛廐肥猪附加等捐

觀音碑

民國十五年

由教育局撥支

滕家廟

光緒三十二年

中江寺田租不敷觀音橋學款支給

二郎橋

光緒卅四年
民國九年

松風寺田租本地肥瘦猪牛廐紙槽油榨等捐

神童壩

光緒三十二年

大壩寺胡家管田租及斗息燈會出款

土溪場

同前

廟會田租及斗息猪牛廐紙槽旋塘等捐

田家橋

同前

白沙井學款撥支

白沙井

同前

本場斗息牛廐肥瘦猪廐及棕稱紙布等捐

太平場
霍家祠

光緒三十二年

本場斗息廟款及牛羊肥瘦猪紙槽旋塘枯林等捐

廂房

光緒三十一年

由太平場學款撥支

小屋基

由太平場統收學款撥支

河山寺

光緒二十八年

由太平場學款撥錢百鈞餘學生擔負

北區

三教寺 光緒三十年

各廟會田租及本場斗息撥半

朝龍寺 同前

本寺及大興寺田租不足教局撥助

安山寺 同前

本寺提款教育局撥助

大廟

本場學款撥支外教育局及學生擔負

營房 宣統元年

同前

三聖廟 民國十五年

本寺田租需助同前

宣統二年開辦在陳家祠紅崖寺因不適中故移此

夏家祠 宣統元年

興佛寺崇恩寺田租

復興寺 民國十五年

本寺田租不足需教育局及學生補助

宣統元年以無款中停民十五年復興

福壽塢 光緒三十年

清甯寺田租除款復興寺撥支

河園壩 同前

下迴龍寺湖壁寺租及猪牛厰等捐

曹家塢 民國十年

永清廟土地溝田租及各河口補助

竹壩寺 民國十五年

本寺及文昌會樂捐田租及各會口分助

大興寺 同前

同前

劉家祠 民國十三年 劉德孚劉少周等樂捐及募捐
等款提復源寺田租及紙槽捐

乾豐塲 光緒三十三年 譚提至聖會田租及
張昭庸捐款生穀息

桂花園 民國十五年 千佛寺田租及堯松屏捐款
及堯咏啗等樂捐生穀息

鐵村壩 光緒三十四年 興隆寺田租及售
寺柏錢生谷息

雙河塲 民國十三年 本場斗息瘦豬厘
及罰款基金生息 光緒三十四年開辦無款中停令復興

石牆塲 光緒三十二年 石洞寺三益橋長生寨田租及
本場斗息瘦豬厘販牛過道捐

松子溪 民國十三年 各廟會及張馮氏張為達捐
租本場斗息瘦豬厘等 清光緒三十二年開辦匪熾中停今復

橋塘塲 民國十六年 鍾家廟及周家灣匪產田租 光緒末年辦民國中停十六年復設

平民半日夜課等學堂時辦時停其款或由教育局或由他項臨時撥濟以及地點遷移期

間長短迄無一定

教育會 縣教育會清宣統三年八月學紳組織成立會員約八十人每人出底金一圓票舉

正副會長任期二年內設幹事收支各一人至十三年已改選六次十四年新選正會長周慎

副會長陳德元遵照教育部修正規程參以江蘇無錫縣會章新訂南川縣教育會章程十六

章二十六條附各種辦事細則內設評議幹事兩部幹事部又分講演編輯調查交際文書會計六股規模大備取待實行會所無定現附設教育局內

北二區教育會

民國十六年一月北二區

屬水江鄉

學紳於區內石牆場成立訂簡章十條第二

條本會以聯絡感情砥礪學行並課本區教育發達爲宗旨用委員制設事務研究宣傳游藝四部又舉主任委員一人又公推執行委員一人每年寒暑假開常會兩次已有會員十七人由會中五人擔任請田園公益會銀一百圓存放生息作常年會費

石溪鄉教育會

民國八年鄉紳王懋遷等稟縣成立入會以本鄉人爲限人出底金一圓鄉

人李元發捐業一股租穀三大石本鄉旅外學生合捐所得神農會游學經費每年撥租五大石

觀摩會

民國十年舊曆五月駐邑軍隊團長王成章知事郭先翥倡辦學校觀摩會視學王

運乾具函召集邑中高初兩級男女學生集縣立高小校至者約二十餘校會期七日會場設藩立幟綵旗紛披軍隊環列出入異門招待異室粲陳圖書儀器各校成績預定各校次序依時列隊成行旗鼓裝束而至先演各式體操遊戲尤以競走奪標爲踴躍其法令學生年級相

等者爲棚每棚自選趨捷者二人爲耦繞會場三市先至者得之成章自率部下臨場部署並指定城內棧房茶肆供辦憩宿派人省視外觀內容均與從前鄉試武場氣象埒後三日試驗科學成章先翥分捐獎資數百圓特往渝城購文具美品是役也辦學人員及學生胥視爲莫大之榮辱以後鄉校漸知整頓奮勉局外觀者亦嘖嘖稱羨於學生頗能鼓舞滋長其生氣焉

南川旅外學會總會

南川旅甯學會

南川旅滬學會

南川旅京學會

南川學界連年所出刊物表

名	稱	出版地	出版期	主辦人	期數
南川	魂重慶	重慶	民國十年冬	旅外同鄉會	十期外
仁社	通俗旬刊	木邑仁社	十年二月	仁社社員	九
南川	聲	上海南京	十一年五月	旅外學會總會會員	三

禁煙運動特刊 北京上海 十一年十月 旅京旅滬兩學會 二

南 平 本 邑 十一年 學 紳 一

南川旅蓉學會會報 成 都 十二年 旅蓉同鄉會 三

南川旅外學會一次會報 重 慶 十二年七月 南川縣旅外學會總會 一

南川旅甯學會會報 南 京 十二年九月 南川旅甯學會 一

道南學校年報 本 校 十三年五月 本校教員學生

南 川 旬 刊 本邑仁社 十二年四月 本社社員 九

南 川 青 年 本邑青年社 十五年 青年社員 一

今日之南川 北 京 十四年 南川旅京學會 九

南川縣學生專編論著表

楊啓高 史記通論

楊劫弦 十六年來之中國

張俊德 數學稿

王樹槐 軍事用書

劉雨若 裁兵屯墾書

省縣 貸費 省貸費民國十一年奉四川省長政務教育兩廳會議札飭各縣於中資捐每業價百元加抽五角作游學省外各生貸費邑即遵札辦理其應貸資格數目及親屬領費有故停貸畢業償還方法悉按省定章程十一條歸縣教育局代辦

留學遠近區別 資 格 貸 數

國 外 本國大學專門學校卒業後出洋再入各大學 專學門校肄習高深科學或入工廠實習者 歐美 年 三百元

本省公立大學專門校教授五年以上出洋研究各種專門校 同 前

外國大學專門學校肄業一年成績平均在七十分以上者 同 前

省 外 國立或部立各大學專門學校以及上海同濟醫工學校 每年一百五十元

北京協和醫學校 同 前

省 內 以省內辦有國立或公立之大學專門校為限 酌量地方遠近至多不得過五十元

縣貸費 民國八年縣議事會提議於公款收支所前辦兵差費所籌契稅附加項下撥三分

四川...

之一貸與出外留學各生以遠近別多寡作補助費十年留學各生要求各法團稟請縣署撥
 三分之一批准十二年各生回縣以旅外留學會組織之委員會協各法團開會議決改為縣
 貸費訂章程二十六條公舉邑紳一人經營三年改選學生領費時須家庭及保證人擔負畢
 業後兩年仍照所領年數償還凡官費生公費生或已領省貸費及在校斥退者曠學逾限
 者皆不得與

留學遠近區別

資

格 貨 數

國

外

在本國大學專門學校畢業後出洋再入外國各大學校肄習高深科學或
 入工廠實習者在國內大學專門學校三年以上出洋研究專門學術者

留歐美各國每年六百
 圓留日本三百圓

省

外

國立北京大學 國立東南大學 北京師範大學 天津北洋大學 交通
 大學 北京農學院 北京法政大學 南京金陵大學 上海農科大學 聖約
 翰大學 文科 上海復旦大學 北京商科大學 協和醫學 上海大同大學 數
 理科 北京醫學專門學校 北京紡織專門學校 旅順工業專門學校 北
 京女子高等師範學校 武昌師範大學

上條規定各大學年一
 百五十圓
 各專門學一百三十圓
 各大學專修科一百圓

省

內

成都高等師範學校

每年五十圓

女子特別貸費

(甲) 學教育者

(乙) 學產科者

省外高級一百圓
 省內五十圓留省

(丙) 學保姆者

(丁) 學體育音樂
 圖畫手工者

省外中級八十圓
 省內三十圓

8920620

平
ノ
馬
二
示

重修南川縣志卷八

選舉

馬氏通攷敘選舉謂自隋唐以下選士選官判爲兩橛修史者必析而二之此指立法定制言也若方志則第錄被選者之年月姓名而已按古代選舉之法唐虞以諮詢成周由庠序兩漢重孝秀而明經射策特科求才間之魏晉六朝設中正以九品甄別其進也仍以孝秀辟署自隋唐迄明清乃專摸索科目若是者皆通其名曰鄉舉里選權衡純操自上乃帝王官吏選人於鄉里非鄉里齊民得而選人也民國之法行政屬官各任命於其長來自辟署而多取於高級學校專門畢業生政府亦嘗行法官考試文官考試是猶有古者鄉大夫賓興賢能大司馬辨論官材之遺意惟代議制興國會省會縣會議員必集人民投票名曰民選自下而上意謂推自衆人則公舉所素知則明乃甫一舉行而招搖賄買舉國若狂甚至一邑一鄉更一局紳會長鄉正里胥皆利用之從田從黨黨爭抵排無所不至究所謂賢者能者非用此遂可採滄海之珠拾崑山之玉也名譽驅人法立弊生孰謂有治法卽不患無治人也一邑人材之多寡顯晦於選舉名籍徵之昔之進舉五貢今之學堂畢業胥選士

南川

之方也前代通籍諸人升降已定品秩可序而列民國新造彈冠列棨者邑中較多於昔然方積薪漸達駸駸上達而未有已姑闕以俟

文科進士

宋

胡 璞宋詩紀事璞字器之南平人熙寧三年進士

清

周立瑛嘉慶甲戌

章杰生道光丙申刑部廣東司主事

傅承憲同治甲戌分發山東知縣

文科舉人

明

石 觀建文元年乙卯

冉仕清永樂三年乙酉

李 隆永樂九年辛卯

胡 謙永樂九年辛卯官御史

晏 卿永樂十五年丁酉

吳 誠永樂十五年丁酉

吳 彀永樂十五年丁酉

余 良永樂十五年丁酉

張宏信 成化元年乙酉

蕭 顯成化十九年癸卯官福建省福壽府同

知

晏應攀 天啓元年丁酉

徐尙卿 明史南平人舉於鄉知劍州

清

周士孝 乾隆二十五年庚辰恩科山東省禹城恩縣廣東新寧電白直隸文安遷安等縣知縣

署理廣東惠州府同知

楊純道 乾隆三十五年庚寅恩科湖南常寧縣知縣

李光瓚 乾隆四十二年丁酉

周士灃 乾隆五十一年丙午中江縣教諭陞保寧府教授陞甘肅環縣知縣改授敘永廳教

諭

周士壽 同上

周立矩 同上

章洪瓚 乾隆五十四年己酉恩科截取知縣

莫秀榮乾隆五十七年壬子年八十恩賜舉人

周伯寅乾隆五十九年甲寅恩科浙江温州府永嘉場鹽大使

周石蘭乾隆六十年乙卯恩科順天榜

周士岳嘉慶十八年癸酉岳池教諭 周立瑛同上

楊浚三道光二年壬午 康作霖道光十二年壬辰

章杰生道光十四年甲午

劉 鈞道光十七年丁酉任青神黔江永寧等縣訓導

袁藹如道光十九年己亥 章 燦咸豐九年己未恩科西充縣訓導陞夔州府學教授

傅丞憲同治三年甲子

徐大昌同治六年丁卯恩科平武訓導 王永傑同上

駱國恩同治八年庚午 劉黎光光緒元年乙亥恩科

傅公秩光緒十九年癸巳恩科捐雲南知縣

孝廉方正

周仁恬咸豐元年辛亥舉候選射洪縣教諭保陞知縣

劉黎光光緒元年乙亥舉

童聚祥宣統元年己酉舉

拔貢

周 喬雍正七年己酉

周萬殊乾隆六年辛酉湖南郴州判署長沙岳州衡州府通判代理道州知州

周千濤乾隆四十二年丁酉

周士禧乾隆五十四年癸酉直隸晉州判 周立模嘉慶六年辛酉黔江縣教諭

韋才楫嘉慶十八年癸酉更名杰生 周立椿道光五年乙酉府拔

謝鵬謙道光五年乙酉 朝考一等分發直隸署曲周縣知縣

王家賓道光十七年丁酉 鄧卓南道光二十九年己酉

陳 培咸豐十一年辛酉 周厚光同治十一年癸酉

劉明旭光緒十一年乙酉

劉明昭光緒二十三年丁酉宣統元年廷試舉貢一等授七品小京官陸軍部行走旋改度支

部陸主事

周廷楨宣統元年己酉籤分雲南州判

王用賓同上

副貢

明

謝通崇禎二年己巳

清

章杰生嘉慶二十三年戊寅順天榜

楊榮封道光五年乙酉

劉傳經同治九年庚午

優貢

唐洵道光二十一年庚子

恩貢

明

傅拱章陝西褒城知縣

鮮自潔正安州教諭

傅近川湖北襄陽知縣

清

邱士魯

張所任

張鵬高

縣竹縣
訓導

楊雲

魏朝相

韋巨瓚

李嶠

韋必瑞

唐維叙

張先齡

周德儀

韋必仁

姜作舟

見四川
通志

羅含

唐徵瑞

永寧縣
教諭

楊光宁

胡世奇

張正林

唐正嵐

唐正字

韋叢生

韋必現

康秉圭

劉葵光

羅明書

周仁聞

周仁煦

吳延聘

張寶森

徐懋績

張大俊

嚴漢章

周立本

王如春

陳秀升

歲貢

明

傅于楓

傅添瑾

傅添琳 湖南武陵知縣

傅雲漢 江南壽州知州

傅名卿

章加陞 太平縣教諭

鮮鳴化

清

楊思堯

張如尹

周之冕

侯邦翰

胡大衡 南部縣訓導

羅萬聘 湖南靖州知府

鮮我翻

羅上選

向日勳

郝應詔

王佐

向瑾

傅于位 奉節教諭陞河南建始知縣

鮮與匹

袁時可

陳任

袁模

石衍星

傅良吏 大邑縣教諭

鮮與京

龔政 義眉縣訓導

章仕德

楊頡

鮮與頡

傅懋緒

鄭大學

駱朝禧

陳才美

梁國選

章仕英

羅元芳

龔廷英

楊幹

陳國謨

章學模

馮純熙

梁國棟

郝賢英

唐權中

李宗堯 太平縣訓導

李本

韋藩現

姚澤淵

周登恆

李廷榮

王世文

四川通志
作任世文

韋必卿

黃待儒

資陽縣
訓導

周南元

李天相

周士瑞

唐和驥

渠縣
訓導

周士忠

李天極

周文錦

趙文謨

孫廷璽

李長齡

高縣
訓導

韋巨鏞

石泉縣
教諭

羅歛真

章廷旭

章洪堅

慶符縣
訓導

張日倭

簡州
訓導

張日傑

大邑縣
訓導

張嵩

龍安府
教授

傅慶虞

熊伯襄

李長頌

陳文才

張光嵐

傅心融

張樹槐

唐玉瓚

儀隴縣
訓導

徐作式

孫昌啓

王世貴

蔡映台

王世祿

呂象成

陳運規

黃天衢

韓之鶴

唐士林

唐銳

傅燦

張體正

徐熙績

韋精一

傅良先

熊樹規

呂鏞

傅大業

傅 聰

孫 弈光

劉果田

童顯楫

鮮仲長

傅 禹

周仁昭

陳 俊

余開物

劉先晉

韓子升

李啓彬

張大鑑

張 涵

李掄元

陳翰聲

蕭光燦

唐三銓

康敷政

孫廷咸

李先紀

李世昌

嚴燦章

毛羽儀

韋 燮

曹文棟

蔣 堃

孫廷豫

革命之際學署文卷散佚清末恩歲兩貢必有脫缺及錯亂顛倒一時無從考查

武科進士

明

石 琳崇禎四年辛未永曆時忠國勳標分鎮東路總兵官掛翹蜀將軍印左軍都督府左都

督遵義府志載崇禎五年壬子科武解元石琳綏陽人姓名出身全同年近地近恐係一人

武科舉人

張時仁萬曆十三年乙酉

石琳崇禎三年庚午以文生改應武鄉試中解元聯捷

婁朝臣崇禎十二年己卯以平賊功割付守備又以都司簽書體統行事

唐欽明康熙二十三年甲子

王國棟乾隆六十年乙卯

王兆元嘉慶十三年戊辰

劉光瓚嘉慶十三年戊辰

李春元嘉慶二十三年戊寅

鮮秉忠光緒八年壬午

章文鼎光緒二十一年乙未

出仕文職官

按舊魏黃兩志載本邑仕宦首漢尹珍次宋郭曩氏尹子里居溼邈難定大致非本邑人志宜闕疑郭曩氏姓名僅見宋史譙定傳云氏世家南平其先祖在漢為嚴君平師世傳易學未言其出仕任官氏之可傳以學不以宦也今削之其已系科第下者亦不復出

明

石繼崑湖南湘鄉縣教諭

石應祥通政司通政

蕭 清關西靈堂縣知縣考明史地理志及一統志諸書陝西但有涇州靈臺縣無靈堂舊志
藝文及此皆作靈堂恐誤

蕭子亨南直隸太平府通判

蕭 珍貴州貴池縣知縣

吳 彬官山東職任失考

龔賢遂隆武初官工部都水司主事永曆時改

授筠連縣知縣

清

張友勝直隸順德府經歷署任縣知縣

袁思明江蘇淮安府稅課司

劉文修江蘇甘泉縣典史

劉科序廣西博白縣巡檢

李光琳分發湖南知縣署芷江縣

王正祥廩貢署蒼溪儀隴教諭補雅州府訓導

張 翼陝西城固縣典史補授三原縣縣丞保五品藍翎

劉正濂布經歷銜署漢中府照磨簡池壩巡檢

吳步瀛貴州補用縣丞加捐同知銜過班知縣委署清江未赴

李源林貴州選用縣丞

熊從渭貴州卽補府經歷

龔 超廩貢候選實缺訓導

張後榮由縣丞保舉知縣加五品銜旋以同知直隸州知州卽補

謝 璜文生軍功保舉授保甯府訓導

劉正祥著雲南巧家廳經歷實授昆明縣板橋典史俸滿推升知縣

劉宗鼎雲南候補典史

顏孔鑄以增貢生候補教諭改雲南州同歷署麗江縣知縣騰越廳同知代理永昌府篆

劉成業貴州縣丞署鎮遠府經歷

楊大椿候補貴州巡檢

傅公迪廩貢補蓬溪縣教諭

吏員

李明訓以三班歸部選用

趙自南選授雲南宣威州吏目

夏殿安

周立元

楊洪奎

譚慶雲

李玉堂

羅煥堂

陳心安

楊敬堂

鄭匯川

吳煥亭

程雲章

吳秉琳 考授湖北州吏目

王國佐廩生光緒三十二年考授典史

吳光南以戶吏加捐貴州省縣丞委管蝦子蕩釐金總局補桐梓縣右堂會反正未赴
皮人鑑附生宣統元年考授吏職

武職官

明

陳維綸崇禎間遵義府總兵

曹雲鵬以鄉勇從劉縱征播州有功授銅仁府總兵

趙雲野崇禎時欽命四川軍門副總兵代署屯局道陞建昌掌印行都使司復任貴州長甯總兵

清

傅子偉貴州遵義府都司賞戴花翎

吳純俊武生入伍立功授江南安慶協守備陞都司

傅立維武生從征秀山岫立功拔補行營千總

劉泗明以行伍從征達州賞戴藍翎補夔營巫山汛

霍聖聰武生入營拔補把總

張光武以義勇從征拔補把總

吳陽超世襲雲騎尉駐防巴縣安居江津銅梁等汛

吳謹增世襲雲騎尉駐防合州江津安居佛圖關等汛

陳永揚嘉慶元年由奮勇赴達州軍營積功授戩邊營守備道光十二年擊湖南猺匪獲賊魁
十六年引見調署廣東增城營參將理三江協事

王揚廷武生入營從征甘肅及廣東等處題奏授把總題標左營賞戴藍翎歷署白鹿南溪隆
昌佛圖等汛陞授梁萬營千總

陳定魁武童入營積功授貴州朗洞營都司加副將銜

金克明軍功加守備銜著重慶鎮左營領哨

韋安邦以督練團勇勦賊全城授營守備歸標補用

王泰源由練勇立功授副將銜賞戴花翎加隸勇巴圖魯名號歷署會鹽營游擊會川營參將

靖遠營游擊

鮮雲山從征甘肅新疆授鞏昌游擊奏留陝西補用副將加總兵銜賞鵬僧額巴圖魯名號賞戴花翎

王家現四川督標中營藍翎守備儘先拔補千總署永寧大壩汛

羅銀山外委効力雲南軍營勦尋甸州賊陣亡追贈千總銜給襲雲騎尉世次滿時給恩騎尉世襲罔替

章才椿重慶鎮標中營千總署梁山開縣南川及臨江市汛

章熙世襲雲騎補四川督標中營守備

劉鼎元光緒初年從左軍征甘肅回匪保副將

劉建勳以雲南軍務保千總改歸四川督標候差署崇慶大壩二汛

歐陽智明城內北街人光緒年間以武童投楚軍効力調新疆伊犁巴里坤行營勦北大通竄匪潰勇保藍翎守備銜拔補鎮標中營後哨把總

清宣統三年縣議會

羅雲程正議長

楊雲程副議長後補正議長

陳秀升議員後補副議長

王體仁議員下同

段揚善

楊輝吉

王用賓

傅鴻烈

王復初

謝鴻鐸

黃心煜

張履謙

鮮秀翹

唐文樟

王子壽

王國相

王國佐

明賡颺

張貞齡

張際昌

蕭光燦

張義恆

童毓祥

中華民國元年臨時省議會南川縣議員

賀能鎮

韋述鑾

中華民國二年四川省議會南川縣議員

顏孔卓候補

中華民國八年四川省議會南川縣議員

羅叔玉以原選候補票最多直缺額補入

中華民國二年縣議事會議員

羅祖澤 正議長

蕭傳爵 副議長

羅雲程 參事員後選正議長

謝鴻鐸 議員後副議長

張鴻猷 議員下同

韋炳煊 原額

馬廷憲 原額

劉耿光 韋炳煊身故補

顏邦佐 原額

張琴書 羅祖澤辭職補

傅公溥 原額

周厚鈞 原額

汪景湖 原額

郭宗宜 原額

李澤生 郭宗宜身故補

向先舉 原額

堯韻喈 向先舉身故補

李香泉 原額

王國相 原額

徐海昌 蕭傳爵辭職補

王佐臣 原額

黃心煜 原額

雷合雲 原額

段揚善 原額

童聚祥 原額

章烈 原額

章值縑 章烈開缺補

張貞齡 原額

皮人璞 參事員下同

張毅 議員因羅雲程補選議長補入

劉代俊 原額

楊暉吉 原額

學堂卒業生

遊學外國

劉泗英 民國五年日本法政大學

楊子培 日本早稻田大學校

童季齡 十二年美國哥倫比亞大學

劉雨若 美國俄克和馬農工大學

童啓泰 十四年美國加州大學

留學省外專門以上

李暄榮 北京法政大學

劉榮鄉 北京國政大學

張澤 北京高等警官學校

傅平章 北京朝陽大學

唐子貞 北京法政大學

周世瑜 北京農業大學

謝家駒 保定軍官大學

楊代馥 北京大學

留學省城專門以上學校

陳玉璠 民國元年成都通省師範畢業

周鳳階 民國三年

周懷澄 清宣統二年成都鐵道學堂

張維 民國二年成都高等學校

周懷瑾 六年成都測繪學校

龍舜臣 同上

趙書元 十一年成都華西大學

周駿新 成都農藝學校

童毓祥 成都通省師範

袁嘉勳 成都鐵道講習班畢業

張蜀翹 南通大學農科

張澍霖 北京師範大學

南川縣重修縣志卷九

兵防

古者寓兵於農籍井邑丘甸縣都之民編以伍兩卒旅師軍之法盡全國丁壯而爲兵有事驅以戰鬪於疆場平居集以追胥於閭里惟所用之衛國當敵者此兵衛鄉捕盜者亦此兵未嘗析爲二也漢唐以來兵農日分衛國之兵出於召募日費餉糈不戰之時第以鎮遏要衝而散地無兵乃立保甲之法令民自爲團結守望村閭是兵也無將帥之督率行陣之經歷步伐之教練且時稍安靖法制廢弛政府隱防民變託辭偃武並家藏之弓弩鎗彈而禁之區區下邑何兵備之足紀惟國衰政敝游惰成羣桀驁思逞嘯聚剽奪少數國軍鞭長不能及腹獅猛不以搏兔鄉民乃起而抽丁壯聯什伍繕器械任游傲其仍用招募擇材勇而練之需月費而養之專任逐捕謂之常練按戶出丁聞警齊出器械餼糧一切自備不重練而重團則曰民丁亂久不靖盜久不息備亦不得而弛今日是也南川叢爾邑清代咸同以前民老死不知兵今者防軍雲屯團丁雨集民力竭於養贍庖肉盡而殺人奪貨之慘劇日演於通衢欲賣刀買牛開里門樂耕桑豈日暮可企及哉今日之勢民不謀自保自衛則

自縛繫手足受盜賊之烹宰民而羣謀自衛則家藏利器人盡武夫土豪擅焉潢池弄焉約束不嚴時溢法外又有隱憂進退俱危如何而可述兵防

清代

汛防 清代邑設專城汛為把總及外委缺他職亦可代理隸重慶鎮中營把總歲關俸銀一百四十五兩外委五十四兩額兵二十八名實得戰兵三名每名歲關餉銀二十兩零八錢守兵十四名每名歲關餉銀十四兩八錢重慶鎮發給數少餉薄但供汛官差使 汛署初在北街後移南門內詳見建置裁缺見職官 舊制汛官每歲下鄉點團一次周歷四路名為整頓團練先期保正團牌首通知花戶定地點編造團冊至日每戶一丁持火鎗刀矛聽點首人預派各戶出錢一二百供辦酒席送夫馬歲可得錢四五百貫點團後團牌首削竹書協同捕盜字插道旁畢事同治中年邑設三費局又借緝捕費名每月津貼錢十五貫

保甲 保甲法始宋王荊公令民戶兩丁以上選一為保丁授以弓弩教之戰陣夜則十家一

人輪番警盜統以保長十家為保 大保長五十家 都保十大保 正副又責以同保告姦不告連坐本欲養成

鄉兵代招募與鄉長里正耆老督賦役平爭訟者有別後代沿而合之甲長保正為鄉民首領

清匪捕盜尤其專責清初順治三年頒保甲法於各廳州縣十家為牌有牌首十牌為團有團

首一曰十團為保有保正或置保副官所倚任特令監督數保曰總保正不常設又置十家連環保法用木牌貼紙書隣舍九

家姓名於上蓋縣印掛門首一家窩盜查出九家連坐每保團製旗竿鉦鼓土鎗鐵礮火藥軍

裝團丁頭黑帕身紅袴腹背書某團練丁有警鳴礮齊集每家一人執刀矛林立曰亮團印官下鄉排隊迎送鄉戶捕

獲盜賊交團保具稟送官無事日久農工商傭各執其業毫無教練惟一切公事承上達下則

保正團首牌首層遞供辦邑地偏僻約置六十餘保大保七八百家小者四百家內外東南山

鄉民風武悍常防正桐邊界土匪保甲較為整齊首人較有權力一呼齊至不練習而敢鬪餘

則胞弱渙散有事防堵必須派款挑丁編制操演特別辦理此保甲與團練所由離為二也

團防 舊志載清嘉慶元年達縣教匪王三槐等作亂四川總督宜縣探南充知縣曾自柏所

擬團練章程加以參酌頒發各廳州縣一律照辦凡十六條法係合團內鄉戶壯丁盡數編制分雙單日赴教練所輪操領以團長副總各丁自備器械口糧賊至某

團放炮為號鄰團聞炮聲即速探明前往協力防堵接戰不主張籌費招勇是時匪患未及本邑遵章辦理其詳不可得聞道光九年秦村溝民

謀亂知縣張瑞瀚檄在籍把總王揚廷帶團練往勦旋起旋息至咸豐同治間連年黔匪髮匪

號匪震驚深入邑令王臣福鄧文治咸豐五年至同治五年始終團務每保皆招練丁若干名就地籌餉保

正皆充管帶其管帶勇敢練丁技擊嫻熟之隊若章安邦王泰源王亨衢劉高拔李三餘等常聽道府營鎮檄調出境助官軍擊賊

聞王令所辦有知方隊即團練中之精強者屢次調閱操演特加獎勵聞於上司

城中設防務局補修城垣鑄

大礮九尊最大一尊重千二百斤餘八百斤至六百斤號為某某大將軍北城隅特修礮臺度其大者餘悉羅列城上其次

連山劈山抬鎗弩箭火箭籐牌鑼鍋帳棚火藥縣署內置庫收儲鄉民依山築寨自備鎗礮木

石保守咸豐十一年七月萬盛場之役普調團練又起接門丁約萬人左右未戰而潰死亡最

多次年三月石達開親營城外紫花墳山一帶十餘日仗團丁堅守往歲章紳卿率鄉丁數百

人赴援奮勇出擊捨死扞城尤為團練生色嗣後寧息解散歷二十餘年光緒十三年東路小

河場龐姓與正安州屬土菽子大柏樹地方盛姓以婚媾起釁州境土匪涂子香綽號涂八王盛光華

蕭國堂子香等素兇悍橫行鄉里以糾黨尋仇焚殺搶掠抗拒差捕為事助盛攻龐越界燒劫勢不可禁邑令張濤與正安李牧會界上

匪已斂衆據寨頑抗如故張令慮後患必欲剪除稟省道府招勇飭各保挑送壯丁數名入城

合為三百餘延紳卿子保舉千總章才椿充管帶教練數月往勦子香國堂先遁餘黨解散焚

寨而歸次年徹防猶留勇四十名聞子香被李牧計誘伏法乃罷國堂竟不知所往是役練費

照田租一百小石每月派錢二千各保正經收繳署總數已不可攷二十三年川中各縣匪風

漸作總督鹿傳霖通飭各屬籌的款辦常練邑令雷登閣奉札招丁四十名仍委章才椿管帶

始設團防局

或在浴池或在普澤寺或在城隍廟

編制仍舊大旗什長等號抽屠戶肉釐隻豬四百文供用二十五

年大憲奉上諭發還各富戶所繳昭信股票捐款

為慈禱后修頤和園奏辦公債名昭信股票

縣令雷登閣同大紳商議謂

民間已出之財且每股或係多戶零星湊合不如留築普澤寺外垣及充團防經費通稟批行

舉人傅公秩歲貢康敷政武生駱仕龍等經工築城費錢三千餘貫外兼提撥他款湊合買田

租約九百小石刊碑報銷才椿旋以赴渝候委去職管帶改號練總添設練副

後以一人司經費一人帶練丁

十餘

年間王家現駱仕龍章熙黃天舉張光揚劉述芝章文鼎張興詩沈樹垣等接管二十四年大

足余棟臣聚眾仇教風聲騷動雷令奉札增加練勇飭每保送壯丁二名赴局編制合操共一

百六十名次年春間無事遣還復舊二十八年冬匪患大作知縣廣厚派鄉團送丁每保七八

名到局教練由各團照名數繳費次年春遣還三十二年初辦警察典史吳光奎兼任警務長

但司審判警務附團防合辦後二年始獨立別駐舊汛名辛亥十月革命黨軍先與團防聯合

外兵直入無阻 四鄉各保向時聞鄰近有警風聲搖動祇辦冬防於十月十一月內家出一

丁或三日或五日集適中地會操覓退伍老兵一人充教練月給錢數千早聚晚散官長或來

點閱一次交年關不徹自停敷衍而已自光緒二十四五年漸有大匪聚黨輾轉行劫

二十四五年間有孫

志高者為外間著名刀客以絕界首領來游各巾本地飽黨歡迎地方團甲不敢查詰為大匪入境之始

拉搥以袍哥為聯絡快鎗為利器公然率黨食宿場市本地

無賴乘之滋起亦持刀棒攔路禁人探囊奪貨黑夜墨面蒙頭入室估搜

二十七年東路燒劫案孽獲知縣雷橡榮用鐵錘錘匪兩踝粉

碎刑最慘酷然人莫不稱快蓋其時匪已橫行不可制矣

二十八年冬知縣廣厚大舉辦冬防稟上司立案訂章按一保數團每團挑

選壯丁合為大保百名及七八十名小保五六十名設教練長一人給薪練丁自備器械火食

擇地常禁操練逐日分番巡查又飭每保擇要路高阜築碉樓十家牌首率餘丁

貧戶傭工求食不充練丁者任之

輪夜守碉盤詰行旅梭巡歧路遇警放礮鳴鑼傳榔飛報練棚各樓響應廣令屢次親出巡視

如臨大敵詳報上司大獲嘉獎及次年三月悍匪楊世玉等盤踞正南界上欲他竄徑向圓村

壩團保借路保正章煦集千餘人阻之匪三四十人挾快鎗來攻一發輒中連斃二三人團眾

崩潰死者數十李戎衣雷顯廷廖懷德等糾夥驟突蹂躪各三四年案卷鱗積而後入網從此

防匪之要不難在丁而難在鎗無快鎗不敢當匪外間新式鎗枝逐年變更邑人購買艱難常

落匪後城鄉團練所有初不過營鎗拾鎗進而土洋鎗土邊機豬槽罐子等礮又進而毛瑟夾

板所買多做壞之餘安能壯膽制勝邊境圓村壩大鍋廠小河壩等場均請續備保靖等營撥

哨官來駐以資鎮壓至冬防按戶出丁數日一集止可行於農隙農工商各營生業深以強迫赴操爲苦教練者又以不能整齊認真爲難匪徒日滋鋒日銳防範者漸有終歲不能息肩之勢於是當道場保多主籌常款招常練借名冬防而實長期以二三十名爲度或就市抽捐或鄉戶分上中兩等按月派錢米供給俱經稟官立案准以特別情形酌宜辦理宣統二年冬季知縣唐之聲又札各保通辦冬防次年保路同志會繼起動搖益加緊預備增製槍械惟小保力不能逮乃仍舊冬聚春散 咸同年間鄉人各就附近山險築寨避亂力足者修石垣砌門鑄礮內建瓦屋倉廩舊志載著名寨堡約七十處髮匪經過連年虛驚富家恆留人住守平靖後盡撤下山風霜摧敗崩圯殆盡余棟臣之警軍事修葺匪患日熾富人置器用財賄其中或徑搬入自保而亂期延長無人助守匪徒瞰虛圍攻反陷絕地植廣令提督調樓私人爭效卽傍坐宅建築外隔內道東南路多用石西北路純用土惟陳家塢特團練公私皆無之其高三四重五六丈上重閣牖以便關外施放槍礮於是碉樓徧全縣約而易守近而不勞固而不費以寡拒衆洵爲藏身之固惟聚財多而孤立匪以長圍困之驅人四面揮鋤終爲右擲亦可恃而不可蓋恃

南川縣縣團防局田業地名租石數目列後

	原租石	管租石
地		
石 灣 坎	二五	二四
魏 隆 場	六〇	五六
青 龍 壩	三二	三〇
石 河	三二	二五
萬 福 橋	四六	四〇
二 禮 岸	五八	四八
姜 家 場	二八	二七
小 屋 基	一〇〇	一〇〇
太 平 場	七六	七六
永 安 場	二四	一六
萬 家 溝	五〇	四二
永 安 場	一〇〇	七〇

石箐	八〇	七八
桶井寺	三一	二八
石牛河	二四	二〇
石牛河	三四	三〇
石牛河	二八	二五
石牛河	一八	一五
鹽井溝	五三	四八
鹽井溝	三一	二九
鹽井溝	二二	二一
龍濟橋	三〇	三〇
姜家場	一六	一六

民國

團練 民國成立十五六年邑中城鄉團務約分爲分辦合辦及微常練辦民團三時期第一

期元年至十年城內自辛亥十月初革命軍入城

北路石牛溪石牛河西路白沙井諸場合為一路最衆先入北路橋塘塢石牆塢一帶為一路次之東路大有塢一帶下午乃至餘

兩三日內零星來赴者數隊

一切改紀舊團解散義軍千餘人徒手居多越數日點驗無械者籌款給費遣散

留七八百人分編鎮東鎮南鎮西鎮北四軍領以正副隊長立軍務部紮高寺舊專經校禹王

廟萬壽宮等處未久復汰東南西三軍留鎮北一軍兩連任城防及下鄉打匪談毅率之旋奉

蜀軍鎮撫府令解散革命軍恢復團練邑就鎮北軍汰留百人立縣團練總局法團票選談毅

任總局長陳澤三副之時邑中一切公務省令歸縣公署分科管理團練屬第一科局費由署

內開支二年冬談陣去職舉張茂春周慎接任周旋辭沈樹垣代三年三月省民政長令廢縣團練總局

併丁械款項組織警備隊同時預保衛團制縣總局既做准設城廂保衛團局與鄉場各局分立邑中費械既乏勉強設立未及旋廢若有害無隊長一人改由縣知事委

任移紮縣署大堂左徵舊九房公事入署就地改建營房聽知事調遣隱為護衛四鄉亦改設保衛團局直接歸縣知

事監督警備下鄉打匪各團應聽調動指揮據五年呈報省警備總司令文有隊長一人分隊

長三正目九正兵八十編二大隊合司書號兵火夫副兵百人有零六年警備隊長洪覺範報

告監督文警備隊一歲收入正糧契稅肉釐三項附加共錢八千八百三十二貫入款尚有舊團防租穀八百餘石

支出銀二千零二十圓時價每圓值錢二千六百餘文錢九千零三十六貫又據八年四月報告省督軍署文警備隊原隸省

長是年改
隸督軍署

有分隊長二名士兵四十八名編為四班同年復川南黃道尹電邑中警隊官佐士兵夫役共六十餘人額餉需錢五千六百貫活支需錢一千餘貫收入糧契肉三項年六千餘貫

隊長多係知事隨員下鄉巡緝匪案賄誣名紳糧人民忿怒鎗支亦兩次被提

六年川軍魯營長
余營長沐排長等

團局原有鎗
支從此喪失

勉強向鄉團借用及往重慶道署請領勢力早微六年省城有羅戴劉之爭駐邑黔

軍盡徹城守空虛知事陳嗣煌集眾會商由附城紳糧出款招城防兵四十名邑人劉成渠王

國佐承辦已為恢復縣團練局之始次年接辦田嗣煌所籌田糧契稅新增之附加充費

正糧項
下原加

之練費係每兩二千銅煌議
再加二千託徵收局代收

行文稱保衛團總局

係邱二節
事注內

八年奉省陸軍總司令文正式恢復縣團練

總局為全縣團務總機關管理人辦局長各法團及各鄉團總票選二人縣知事據詳省團練

總局擇一委任兩年交代局內任參議二人佐理

後增至
六人

九年三月奉省總司令令裁警備隊邑

已遵辦將所借鎗械所撥款項逐一清還上川南道尹黃崇麟獨謂各縣團練專橫支離脆弱

難倚知事孤立受困請仍舊款械改為巡緝隊總司令照准飭各縣一律邑人不得已主張縮

小範圍知事凌香飭地方辦事處每處保送練丁二名並借鄉團商會鎗支成立正兵二十七

名合正副隊長書記上中士為三十五人專供知事差遣時邑為二次黔軍駐防

王文華
註重變

川軍攻

退黔軍知事李正秋同黔軍團長毛以寬用巡緝隊督押紳糧勒索鉅款即帶丁械隨逃繼任

陳玉麟又謀恢復邑人力爭不聽木幾玉麟去任僅在任一月十年二月公款收支所長傅季庸周鳳

池力請裁撤知事趙紫霄批准會川東開善後會議榮昌合川開江等縣代表亦提案請裁議

決通行乃掃除根株以後由縣團練局撥丁二十名駐縣署為知事防衛供調遣餉由地方稅

收支所開支此廢總局設警備廢警備復總局之經過也四鄉辦法自清季匪患昌熾當道場

保已辦長期常練民國初就自治區一鎮九鄉立局區內所管大場保財力充足原有練丁者

仍聽自辦惟須受區局統轄調度其餘小保派款供區局招丁受其救護尙未一律就緒而匪

徒遍野搶案如麻距局窺遠阻隔之地力難兼顧又或以事權關係不甘供款受制紛紛陳請

獨立知事酌量情形少駁多准每局招丁多止四十少者十名二十名不等惟南平鎮由保安聯合會改辦財力較厚全縣倚辦

大匪常練積漸擴充由六十九至百二十名款有工廠場市店攤過道斗稱牲畜田租等捐及糧戶按季逗派數種縣城稱

總局鄉稱分局首領稱分局長所屬改保為團保正改稱團長三年省領內務部定保衛團章

程以十家為牌有牌長十牌為甲有甲長五甲為保置保董酌量地勢數保為團立保衛團局

局長改稱團總直受縣知事監督家壯壯丁一人一保五百家除例准免役外約四百人八十

人爲班一保五班保董分期調集輪流操練團總一月調所管各保會操概不派餉招丁邑中

則招派仍舊但改名稱惟西路太平場於五年即自行打銷常練專辦民團惟留十二名傳送公事辦理事權一切獨立者名保衛團局稍帶附

屬大局性質者稱保衛團分局諸分局地窄戶少因匪勢之緩急籌款之難易鎗彈之有無時

立時徹時析時併不一其致總表後據四年知事王成梁呈報省道文稱前任馬知事准立者共

二十一處本年八月領保衛章程細則巡按使陳廷傑所訂之局爲二十三處城廂在內八年十二月縣團練局長

劉成渠呈請書內爲二十九處東七南九西六北七卽一局之地亦有離而分辦之時惟城區南平鎮興隆

場數處被患較輕其餘各局所當中被匪及軍隊提鎗焚場解散民國八年秋東城門商店八九家亦同破劫至少亦兩三

次多至四五次東路馬嘴以東南路小河場以東北路鳴玉場石牛溪冷水關乾豐廟等上溪等場糜爛尤極團正甲長以認真辦匪被暗殺明擄者不下二

三百人事後勉強設法再辦多築碉樓爲住所八九年鳴玉鄉向家溝石龍廟兩碉樓俱被攻破其利弊得失具見於六年知

事陳嗣煌上請改組之通稟略謂邑初設局就自治區域分割一局擔負保護所轄各場之責

各場供局招丁操練之費糧戶收租一石商家貲本一千派錢若干此外又有各項雜捐積微

成鉅各鄉鎮日責款於各場而所募多游手惰窳不堪局中辦事人酒食與馬恣意揮霍稍遠

地方終不蒙一毫保護繼由各場團紳自辦勢分力弱不過二三十名少者十名八名且所招

多係疲氓平日徒供團紳奔走服役下鄉收款隙突吐囂有事僅保團紳一家尤不肖者暗通

匪類臨事借口不敵陰為點水巡風匪去則誣拏殷實良懦搜摟搵索不肖劣紳專覬立局本

境於中取利隨事自由籌款尤以派款徵收煙苗捐為利數弊竇尤深嗣煌之意謂各鄉宜團而不宜練城廂則

練而宜多法宜挑選各鄉已練之丁來城合為大隊然後派出屯紮要地循環游擊各鄉但辦

門戶壯丁使用土器五日一操無事輪守碉樓有事調堵要隘從前各團私派各種苛捐一切

免除另於契稅照田價百分抽一田糧一分抽錢二十及原有肥豬肉釐之屬均託徵局代收

庶兵力財力俱萃而雄足以制匪此稟得各衙門批示或疑偏重城廂或疑田糧加重民力難

任然大致准行而嗣煌去職不果姚文瀚接任適值總局復立無款原款為警備撥去即將議加田糧原合

有附加每兩收費二十七千契稅實收充用八年奉文廢保衛團制設地方團練辦事處花戶十家為牌十牌為

甲十甲為團廢保董舉團正數團為一區設辦事處由所管團甲舉團總具文呈請縣團練總

局轉詳縣知事給狀委任所辦一切公事以縣總局為樞紐上行者各團總呈縣總局核奪或

轉達縣知事批示下行者由縣總局或召集各團總會議或下指令辦理照章應調查戶口計

戶分區邑但略就地勢劃為東路四區

一平河鄉二水江鄉三大有鄉四元合鄉

南路四區

一南平鎮二真盛場三小河鄉四德隆鄉

西路四區

一興隆二觀

首橋三白沙北路二區一鳴玉鄉二石凡十五辦事處附城十三保爲中區不設辦事處由縣總局直

井四太平場牛溪三石驛場按管理十六年城廂亦立辦事處籌派款項照區大小分攤至練丁防匪重要地方仍聽其自立自辦

亦得稱辦事處如保衛團之舊如合溪驛石連場永安場冷水關福壽場等處是是年北路鳴玉場石牛溪福壽場冷水關乾

豐場姜家場等處糜爛尤極連界涪陵邊境各場局同時傾踣由是各地化爲匪鄉兩縣中戶

以下士農工商皆攜家口來邑附城一帶謀生邑中田房業價辦事人無法悉棄職遠遁知事胡

靈到任甫十日即率警備隊團練局丁親往劉成渠偕行沿路隨調各場民丁太平興產兩場

練丁逐一搜查約涪陵增福場游擊隊巴縣豐盛場特備軍堵截會攻靈草屢短裝不避危險

一危於煙廠坡一危於八仙橋幾至殞命往返兩次約五六十日用計捕斬大匪十餘其餘詳細審鞫分別處理無縱無

濫焚窩匪廟寺十餘向又手書招避禍紳首還鄉任事代爲設法購鎗招丁重立局所略可居

人鳴玉場人爲立長生祿位於石龍廟去之日紳民會集不許交印兩電上峯請留較前後長

官勤勞尤著劉成渠熟悉本邑地勢及遠近匪徒性質強悍果於誅戮是役從胡知事頗著勞

績負聲望常患團練單弱散渙難望得力主張分全縣爲五區立五大隊每隊九十人統以區

隊長一區析爲三分隊統以分隊長擇要地駐紮聽區隊長調遣游擊款由縣總局統籌統支

擬照陳嗣煌稟再增正糧每兩附加爲五十千取消各辦事處就地抽派各項縣知事凌霄主之稟四川財政廳省長公署得批以五大隊爲過多附加正糧爲過重止許招三大隊其他辦事名目支銷極力裁減所呈計算書發還核減後再呈定奪未幾川東黔軍敗退凌霄卸職遂未復稟邑人重慶衛戍司令鄉兵大隊長蕭麟來縣招兵提鎗成渠以辦事酷烈被人控告遂捲團局及商團鎗枝隨麟往酆都邑事擾攘十一月縣議事會發起公民大會舉張貞齡爲局長暫住仁社招丁三十名勉強成立歲晚成渠歸來仍入總局辦事先後舉任教練長及全縣團練督察長等職北一二區民風太壞幾於無人不匪雖經胡知事力辦九十兩年餘餒重張鳴玉場管向家溝石龍廟碉樓兩所被焚外焚民房十餘向戕甲長班長二三十人成渠被衆要求往合附近四五場練丁成立大隊部集中鳴玉場練餉仍由各辦事所照支遇匪便擊迭次開仗誅殺數十稍歸寧靜成渠仍注意五區隊辦法十一年三月張貞齡辭職成渠接任經縣議會團務會議迭次開議至知事蒲劍任內乃組織完備

十一二三年爲第二期五區隊辦法見前大概就縣總局及各辦事處原有練丁裁損以符定額惟中區隊合住一處餘四隊於每路擇要場各住一分隊三十區隊長統之各辦事處自辦

民丁防土匪通盤籌算每年需錢五萬六千五百餘貫寬籌臨時費三千餘貫合爲六萬貫正糧契稅附加總局派人住地方稅收支所專收團款悉歸總局各區隊按季請領惟南平鎮常練屏障一路時須出外打匪除特留二分隊外餘數不裁自就本地糧戶籌餉等項大山兩面各場亦自組一分隊託名商團自餉自衛是年夏川軍熊楊二帥內鬩邑爲楊軍團部駐防

王徹往涪州禦敵

石甯陽湯子模之軍助熊攻楊者

時成渠方偕張茂春防匪箐頂有招安軍巫團長將乘虛來據

張劉合商不便顯抗亟要綦江團總霍樹楠用楊森委霍津綦南三縣清鄉司令名義分南平鎮常練及他零星隊伍編爲司令部隊入城鎮攝免巫盤踞騷擾不意預備未及巫軍先入半日霍軍後至繞城巡行一周示威仍住普澤寺以逼之內軍不入外軍不出相持一月巫果不得一逞旋聞楊軍失敗助熊討賊軍旅長湯子模將由涪陵來駐巫先走霍亦徹還成渠與子模有舊亟往歡迎入城自此全縣兵權財權悉集中縣城總局費用奢侈兼生活程度日高開支通用銀圓來源多係錢款遂至入不敷出挪債當田從此而起十二年春悍匪踞涪南交界冷水關告急成渠率區隊往堵進攻觀音寺豬市坪

關外涪地

鏖戰數月互有傷亡不獲勝利夏秋

以後羣匪麇聚綦桐南邊界以窺南平鎮無慮數千張茂春竭力捍禦疲於奔命

是歲春初張茂春偕中區隊逐匪於

巴崙南交界金銀廟蓮花石降
盛境皇角場之間極奔馳憔悴

舊曆十月匪焚小河壩蹂躪萬盛場十二月初成渠率區隊與張茂春霍

樹楠會萬盛場分三路進攻深入失利望後匪分五六路進攻成渠畏勢不敵脫身走水潑次

日南平鎮遂陷事後衆口歸咎成渠被控免職公舉楊光國接任十三年七月忽由駐防黔軍

楊旅

旅長名其昌係川黔
督辦袁祖銘部下

令免光國復成渠原職不由票選邑人怵於軍威無敢異議以後數月遂

爲劉張爭訟期間劉控張辯牽動全縣團學各界郵電檄告風雨交馳莫辨素緇賴成渝當道

無甚偏袒能爲不解釋之解釋是年歲稔穀踊人不聊生幸南平鎮既陷縣城危岌諸匪飽掠

二日以內夥不協竟自還巢從此星散多受川黔各軍招安張茂春還鎮重事鳩葺元氣尙未

大損北路石牛溪團務勃興冷水關趙部反正俱能盡力辦匪東北路各辦事處創立團務聯

合會互通聲氣各團民丁漸有起色土匪動輒見捕轉爲剝極而復之機會恰十二年與占星

家天道一周之說相應城內外僑寓多挈家返里復業房價頓落出人預料外冬暮駐邑楊旅

撤防隨師長彭漢章反黔成渠被其援引亦受支隊長之任辭團練局長職交縣議長羅雲程

代理

成渠此行固爲熱心外展亦因濫用團款
帳目難清各區隊欠餉無措不得不去

於石牛河水江石新招兩營隨往擅用威力提鎗提款捉人

入伍成軍後向東路啓行沿途估籩糧戶倉穀勒索鉅款怨聲載道

十四五六年為第三期五區隊制因入款不敷欠餉日積時已預征十四五年及其他不適宜成渠

任末已議變更及其既去適值川康督辦渝城劉總司令頒門戶練綱要通省團練總局亦分

區派督察員催辦民團以津恭南浩長五縣為第十區十四年一月代理局長羅雲程接事即請鄧知事召集法團

團總會議取銷四路區隊專辦民團但留中區一隊由四區隊各出鎗十枝練丁十名湊足中

區隊常紮城外近地裁丁欠餉各辦事處自行結束以正糧每兩五十千練費附加太重從十

六年起只徵銀六圓合時價二十千文民團照章程挨戶出丁十六歲至四十五歲盡數編入

三十人為一分隊分隊長率之三分隊為一中隊中隊長率之四中隊為一大隊選大隊長兩

大隊以上為區隊選區隊長分期調集適中地輪流操練有戶無丁出免役費多寡就地由辦事處酌定強迫

上中戶購各種廣鎗子彈照家費不動活動兩產定桿數多寡下戶仍土鎗刀矛區隊大隊置總教練長教練頭目中隊分

隊置分教練長壯丁教練除教練長給食酬薪餘盡義務邑中全縣大致仿照惟編隊多寡一地丁多者大中隊

狀委任一團正區域有中隊長亦有置大隊長擇中分隊長選委任就本團督率操練遙受大隊長節制

提調十五年於南平鎮萬天宮辦團練講習所為各隊教練長之預備各團籌費送人赴所學

習凡六十名六月畢業十四年福壽場兩團獨辦軍事 十四年省委團練督察員於南平鎮成立五縣區

團聯合會五縣團務人員 畢會約百餘人 渝城團務總監王陵基委張茂春為巴南清鄉處長從此各地團練打匪

為隊長專責團總但總大體有事調遣與大隊長商辦不和者遂隱有對峙分權之勢 十五年奉文改團練辦事處

為團務總理地方一切公事處內應酬繁雜以辦款收捐接待委員為最 普抽租捐每租穀一石三升至五六升

不等每處留常練或十二名十名八名少者四五名傳達公事惟南平鎮事體不同仍百二十

名取銷商團名目合為民練 萬盛場三十名小河壩頭渡橋二十名此變常練為民團之大概也十四年春初

駐防黔軍旅長楊其昌拔隊還黔總司令袁祖銘撥所招陝軍一旅三團來駐未幾旅長張藩

以事去委旅長林文舉來代諸軍悍不受制文舉還渝孫魯兩團紮城內外陳團紮觀音橋跋

扈專橫估封民間倉穀攔截市米捉搯紳糧酷刑拷禁邑人往渝謁袁面訴袁再遣旅長張膺

方率連鎗隊前來監視反為孫誘劫合一乃調師長李小炎由涪陵向城林文舉由重慶向觀

音橋會同團練環逼織械閏四月末兩軍未達孫魯先覺半夜潛行出南路至田家橋雀石崖

一帶南平鎮團練據右山開礮攻擊慶戰兩鐘奪其機關大礮敗軍冒死循山下溪岸支路竄

去戰時涪軍始李前隊跟追孫軍反撲營營長戰沒仍驅之出界經綦津合投赤水周西成軍 先期石牛溪團練糾合巴涪聯團千餘人圍陳團於觀音橋

至是亦迫令繳械解散自區隊撤銷後石牛溪民團辦法嚴厲突然振起民丁有膽喜功是年

冬要擊二十二軍旅長王兆奎全隊於卓家橋王旅原駐紮江興師長王陵基率全部四千人由涪陵來其時向無定向邑團練局奉重慶軍部密令調集民團沿路遙紮防其滋事旋

以袁總司令招安向綦江去傷王兵數名截獲輜重鎗彈王部憤怒將焚道旁廬舍兆奎以客軍自處嚴令彈壓

反送鎗借路肅隊而去十五年遂與團練總局衝突其他各處各團以人地關係頗有左右袒

十四年水江石舊團總程正祥新團總金培之章巨源亦以交代爭閱幾至一年之久開火於魚泉河縣長柳琅聲道承審員錢某調解乃息同年德隆場馮定安(新任)鄒祥麟(舊任)亦開火於團局後經張茂春親往該地取銷兩方另舉愈激愈烈十

六年正月古曆丙寅歲十二月朔日涪陵縣四鎮鄉聯合處長李玉如大柏樹人前曾任熊克武軍參謀熊敗還鄉辦團西南路昆連南巴地段團練歸其提調冷水關團

總趙海舟突率千餘人來邑北路圓塘至較場壩一帶駐紮石牛溪團總王懋遷亦調本境及

附近各團偕至莫測所指時城內為第二十一軍部下郝司令駐防不滿兩團團練局長張茂

春聞警先率全隊至金家灣相持急調南路東路及西南涪陵場水東北水江石半河石牆場諸民團至近城

各隘層層密布次飛函報川康團務委員會二十一軍師長魏防總司令王陵基任團務聯合總監分調巴縣曹燮陽申文英江

津周化成及其他聯合團赴援縣城周圍三十里軍隊充塞但兩方面俱主慎重茂春以恐腹地糜爛力主不戰姑

用辭說往來時來軍與張郝三部如鼎足惟第三日王衆一部與水深團丁開火於來遊關廟子埡間全體仍按

兵不動城紳於中調和尙無明確解決第四日趙軍先退趙海舟南涪界上人先亦糾黨行劫後毅然反正先投涪陵駐防軍旋攜械返本境辦團勇敢嚴正見匪即捕

被捕即除十三年以來兩境忽歸安靜逃戶還鄉實賴其力惟此役無名動衆幾釀大戰不理於口然幸伊任前路先紮較場場既至苦有所悟兩宿不謀於黨遽拔隊去為茲役和平轉關所繫 李王隨徹外縣援軍始如潮

而至越三日分路往攻石牛溪懋遷率親近退住邊寨餘人解散場內及附近民居不免蹂躪

木涼軍民團三人負鎗在途形跡不明被捕由曹申主張鎗斃團局籌款略犒客練各還本縣是年夏駐軍換防郝去二十一軍旅長楊

國楨來紮性情仁藹留心整理邑事召集各界辦事首領就商會開行政大會議分日分類逐

一討論取決民團抽丁但年齡合格一戶數丁盡數編入無丁之家概不抽費取銷過道捐團

務費用一切取之田租租捐每石以三升至五升為限自耕之田從三十石起出佃之田從一石起客租一律佃戶不抽辦事處酌量分

撥支用逐年報銷民團費出其中團總團正議給薪資大中隊長團衆公舉本地團總轉呈縣

團局請知事加委縣團局中設編查訓練總務三股以參議分擔事後給薪不盡實行餘如議

記者曰自匪患不息殫一縣人之心力財用敝於辦團嫉惡太甚者至以身命殉之張丙周章青田劉家

豐然而合辦分辦無一是處招練編丁互有短長無已則歸之於得人然人亦無由而盡得

也邑中惟南平鎮之常練敢戰太平場之民丁善守差強人意可稱兩美論者謂民丁渙散

胞弱不足以抗大匪固矣然今之大匪快鎗以千計盤踞一方列隊分行已與流賊相埒豈

鄉民搏兔之力所能當假令團力膨脹隱然軍府足以勝任快愉不得其人則威福由己良

懦死於陷阱中暗無天日暴酷尤倍於守令兩困從輕編丁爲古代遺制守望陳規執械入
 伍皆糧戶鄉農各有生業不常萃聚通匪縱匪借事圖財惡劇較少耳目散布每出不意已
 悉匪蹤倉猝之間就近堵擊敏能及事自械自餉擔負輕便民力能勝緣此少數土匪一發
 卽被破獲此近年已試而著效者也惟抗制大敵當籌別策且有根柢問題存焉耳無如人
 情習於偷安風聲稍靜難易亦視爲難危險不迫無利卽不肯奮邑中稍稍竄謐僅三四年
 自去歲豺狼當道莫之敢撓狐狸又雜而嗥矣鴻雁又哀以噉矣今日之財力乾竭倍前更
 不能普招常練曷仍衆志成城同袍澤而修戈矛乎局所歷年分合變更參錯無常無分截
 限斷之條理略將已廢見立大小局所及常練壯丁數目籠統列左

區 域 常 練 民 丁 備 考

縣團練總局 多八
少四

中區城廂 八〇 四八〇

十五平立辦事處常練民丁數目包附城四路十二圍區

永生橋

中區北路十五里民國六七年間自辦常練

茶土坎

中區北路二十五里民國八九年間羅秀壩雙河塢鐵村壩自辦常練

大舉場

中區南路十五里民國九年自辦常練十年徹

東一區半河鄉

三〇 三八〇

土橋

三〇 二八〇

東一區屬地民國五六年興煤埡大鋪子合辦常練後合半溪溝十年後徹

東二區水江石

五〇 八二〇

魚泉河

三〇 一八〇

東二區屬地

東三區大有鄉

四〇 七二〇

小河場

一〇 附大有鄉

東三區屬地

東四區元合鄉

三〇 六四〇

迴龍場

附元合鄉

東四區屬地

南一區南平鎮

一一〇 一三三〇

永安場

二〇 一八〇

南一區屬地與三匯場合辦常練

三匯場

二〇 一八〇

南一區屬地常練合併入永安場

叢林溝

三〇 一七〇

南一區屬地民國十四年自辦常練

石蓮場

三〇

三六〇

南一區屬地

南二區萬盛場

六〇

八二〇

常練民團商團各辦

刀子口

附萬盛場

南二區屬地民國八年調查有常練十四名

南三區小河鄉

二〇

五八〇

頭渡橋

二〇

一九〇

南三區屬地常練與小河壩合辦

南四區德隆鄉

四〇

四〇〇

合溪場

二〇

三二〇

南四區屬地屢次自辦常練

西一區興隆場

五〇

八二〇

水深

三〇

二七〇

西一區屬地民國十三年前自辦常練後附入興隆場

二郎橋

二四〇

二四〇

西一區屬地民國八年自立辦事處無常練

神童壩

二〇

二四〇

西一區屬地民國初辦常練十餘名不久自撤

西一區觀橋鄉

六〇

一一八〇

木涼傘

一五〇

一五〇

西二區屬地民國十一年立局不久即撤

西三區白沙井

三〇

四二〇

土溪一場

三〇

二七〇

原屬石溪鄉現劃歸西三區民國五年六年八年三次自辦常練

西四區太平塢

二〇

二六〇

民國五年即徵常練辦民團教練勤法制密

北一區鳴玉鄉

四〇

五六〇

冷水關

三〇

二七〇

北一區屬地屢次立局辦常練近與涪陵聯合

北二區石牛溪

五〇

九五〇

福壽場

三〇

四五〇

北二區屬地常練民丁以地理關係均係自辦

乾豐場

四〇

三六〇

北二區屬地辦法同福壽場

河關場

四〇

三六〇

北二區屬地

北三區石牆場

二〇

一八〇

橋塘場

三〇

二七〇

民國初年為北三區團練分局後改保衛局辦事處民國十三年辦事處移石牆場

雙河場

三〇

一八〇

北三區屬地民國七八年間合邊村場辦常練立局茶上坎後移本場十一年撤

松子溪

九〇

北三區屬地

鐵村壩

九〇

北三區屬地民國七八年常練與雙河場合辦

豐隆場

九〇

中區北一區北三區交界地民國十五年割三區三甲合辦一中隊現停

右合先後辦常練現辦民團區域共四十五處常練一千三百一十名壯丁一萬五千八百三十名

商團 縣城內商團自民國六年七月改組商會即於次月照定案成立商團招丁四十名排長一人隨時就城內外擇地駐紮聽商會正副會長調遣各商幫請求接送貨物出境入境兼助縣團練總局練丁防護城市每年經費四千貫由商會抽收市貨及過道貨物雜捐撥支九年秋季川軍三混成旅參謀朱漢卿將鎗支全數提去停辦四年十三年三月各幫董開會議決恢復各貨捐照前加倍抽收排長月餉四十千團丁二十千由各幫墊銀購鎗俟貨捐收有贏餘提還墊款連年紛亂市貿疲滯極感困難同時德隆場商人設商團事務所呈請立案以不合章程批駁取銷民國十一年以前南平鎮團練受商人私請實行送幫團幫兩利自護商事務所成立停止至民國五年所招商團一排係與民練相互爲用民練餉出糧戶商團餉出鎮商有警一出一守或分頭出發十四年仍併入民練以歸劃一萬盛場原招常練六十名亦

民商各半十四年改辦民團歸併共留三十名取銷商團名稱

清代警察

清季預備立憲光緒二十九年詔各省先辦警察川督岑春煊在省城試辦設警察專門學堂三十二年改爲警察傳習所飭各屬選送學員每送一名申解學食費用四十兩是年六月開辦第一班六個月畢業派赴省城各分局實地練習滿一月後咨遣回籍開辦本縣警察邑申送張瑛楊紹禹入所學習宣統元年正月巡警道奉部令設高等巡警學堂三年畢業吾邑申送一名入堂肄業二月川督趙爾巽准部咨通飭各屬設巡警教練所爲添設鄉鎮巡警之預備吾邑就尹子祠設立遵照巡警道規定課程選各鄉子弟曾在高等小學畢業及有同等學力者入所學習一年畢業先由地方官會同所中長員分科考試填具名冊申送巡警道派員會考及格給憑先行派入縣局見習一月始派往各場服務此養成警務人才之大概也至警察辦法自光緒三十二年開辦暫附團防局辦軍事警察巡目率警兵出差打匪縣典史兼任警務長三十四年巡警道委員來縣專辦以舊汛署爲局所由附加肉釐開支警長一人月薪四十元巡官一人區官一人月薪二十元置文牘書記庶務會計各一人月薪十二元新製服

裝沿街樹榕點燈招丁四十名月餉四元換班占岡城中既設推廣鄉鎮縣境惟南區南平鎮北區石溪鄉較爲繁盛提前籌辦南平鎮擬設二等巡官一人警兵二十人石溪鄉擬設二等巡官一人警兵十六人卽以巡警教練所畢業生擇尤承充常年經費本區設法籌措不敷縣局酌量籌補此又創辦巡警之情形也宣統元年東城外土稅局委員招賂不法巡警前往干涉相扭釀禍汪令因此徹任三年六月成都鐵路風潮鼎沸黨人熊鄧隆秘密來南運動邑紳組織就緒警長楊甫臣腦筋頑固慫恿邑令唐之聲欲與反抗義軍入城將二人及徵收局長全鼎元一同拘留鎮北軍部內事定放歸各得平安回里

事詳前
事志

警察停辦

民國警察

民國元年九月縣知事羅廷光呈請蜀軍鎮撫府恢復警察當經批准委李根固來任警察署長又委龔德一楊少禹冉可南等先後充任巡官警署對縣署用呈知事對警局用令立於監督地位東城外添設分署鎮鄉緩辦十一月重慶總廳委向正榮爲南川縣巡警廳長根固交卸行文縣署改用牘知牘呈未幾成渝統一省巡警總監楊辛酉委吳振邦充南川巡官蓋廳長下應有廳官巡官故也廳長又委本邑前教練所畢業生余啓厚孫曉峯爲巡警稽查後因

拏煙館土泥違背警章越城逃走巡警遂大不理於邑人之口二年總監又委張喜文爲南川縣巡警廳長月薪五十元升巡官婁文秀爲廳官月薪二十四元縣議會因經費難籌人民負擔太重而巡警又多騷擾開會提議縮小範圍呈請省總監飭令縣廳長樽節開支薪金減半給發原有警兵六十名遞減至四十四名更減至二十四名旋改警察事務所警務長潘伯瀛奉委來南攜有消防器具水龍類以保公安革用假銀元追究小債帳四街各設街正區正一人由街民公推三年一月由大總統頒布地方警察廳縣警察長官制七條警務長許德培奉令來縣私罰煮小酢酒錢一百四十五千歸入私囊激動公憤起而逐之許私逃不敢回所警官自失價值爲人民所鄙棄本邑各法團乘此機會公議值此軍事時代巡警久失其職權不惟不利民且多擾民無設立之必要况既無經費利少害多請以保衛團局兼代縣知事兼警察長以省糜費不果十年經東川道善後會議議決乃實行裁撤併入縣團務局留警兵數名服局務存名目停辦四年警察已歸消滅十四年邑觀橋鄉人張澤前在北京警察畢業回省奉總監委任本邑警佐回邑借縣議會內設局重新組織契稅價百貫附加一貫外收街燈及城內外紅燈捐充費警佐月薪四十元設巡長一名警兵十名燈夫打掃夫五名文牘庶務司帳

錄事收發各一人受理城廂酬毆痞騙事件審判了結得施管押不服移案縣公署候訊

民國成立駐防南川軍隊調查表

軍	職	軍	額	地	點	時	期	備	考
東川	道砲隊	營	六百	人	縣公署	元八月去	元四月來	邑原無駐軍民國成立兵多地少始撥一營來邑住紮軍紀尙好	
連川	宋奎光	師部	一百二十	人	縣城	元八月去	元八月來	軍紀甚嚴法團曾議由公欸給長官每月火食零用以報其勞	
營川	長敖冕	師一營	四百八十	人	縣城	元六月去	元六月來	軍紀嚴肅對人和藹治匪勤苦振振有聲	軍紀尙好
營川	長劉興	師二營	四百八十	人	城內萬壽宮	元五月去	元五月來	風紀嚴厲治匪亦勤防營軍以寡敵衆	
漢軍	團長清鄉	司	一千四百	人	勘學所	元五月去	元五月來	洪憲禍起大軍雲集言語不通拉夫甚慘	
北軍	旅長齊燮元		二千餘	人	城內女學校	元一月去	元一月來	由正安來駐後經戴戡調往成都作戰	
營元	軍號	營	四百八十	人	城內公園	元六月去	元六月來		
營昌	軍號	營	四百八十	人	城內	元五月去	元五月來		
營川	軍長魯	師	四百八十	人	考棚	元六月去	元六月來		
長川	但懋	旅	二千餘	人	考棚及各處	元十月去	元十月來		

黔軍團長劉昇昌 一千餘人 考棚 七年一月來 昇昌奉能督令墊款四萬元以八年糧稅抵爲派款之始經知事姚文翰呈請呈困苦指令只撥半數不久又令墊款二萬元

劉昇昌後李鏡森前中有黔軍將領鄧茂之唐秀巖等數人部隊多寡來去時月有無籌派細詳失考

川獨立旅長李鏡森 二千餘人 考棚及女學 九年十月來 旅長李令籌墊款五萬元十年糧稅抵派員守提急於星火完全掃解

王士二軍團長 一千餘人 考棚及昌宮 十年六月來 大舉清鄉籌款六千元四月奉旅長袁彬令邑籌三萬元邑省議員羅叔玉請省署撤銷

川東邊防軍第一混成旅旅長湯子模 三千餘人 考棚及文昌宮文廟 十一年八月來 先後籌墊六萬元以十二年糧稅抵尅日掃解不得稍延

川東邊防軍第二混成旅旅長周西成號際彬 二千餘人 城內各廟及各商店民房 十二年二月來 籌墊三萬元尅日掃解又預徵十三年丁糧二萬元令富戶墊完

討賊軍第二旅旅長劉楷森 三千餘人 城內各廟 十二年七月來 奉四師楊春芳令籌墊三萬元十四年糧稅抵是年有靈樹楠清鄉費一萬元無抵

黔軍第一旅旅長毛光翔 三千餘人 城內各廟 十二年八月來 籌開拔費一萬元十四年糧稅抵

川七師旅長李家鏗 未詳 城內各廟及商店民房 十二年八月來 限一週籌款三萬元正催促間被劉楷森反攻逐去未收

川東邊防軍獨立旅旅長王家烈號振武 三千餘人 考棚及昌宮 十二年八月來 同楷森勒派三萬元十五年糧稅抵周西成令知事黎師韓僅收三七師所派之三萬元黔軍王彭兩師長電知事呂心孚勸派火餉十

黔軍第二師第九旅旅長楊其昌 一千餘人 考棚及文昌宮文廟 十二年十月來 預徵十六十七兩年丁糧由富戶先墊又抽本年煙捐十萬元又籌開拔費四萬元

川陝邊防軍 二千餘人 城內各廟及四鄉各場 十四年一月來 富即勒派七萬元旋下鄉封倉強售人

民不堪其苦被黔軍師長李筱岑逃走

黔軍第五師第一旅旅長楊光琛 二千餘人 城內各廟并四鄉各場 十四年四月來 奉袁督令預徵十八十九兩年糧先完三萬元 又抽烟捐四十萬元周不比坐提不堪其苦

川軍第二師 二千餘人 城內及四鄉各場 十五年四月去 借墊七萬圓又分隊駐南平鎮頗有威恐

川軍第三師 二百餘人 考棚文昌宮文廟 十五年九月來 十六年三月去

--	--	--	--	--	--	--	--	--	--	--	--

1
2
3

5
1
2
3
4
5
6
7
8
9
10
11
12

重修南川縣志卷十

公善

清宣統元二年間政府皇皇預備立憲令各廳州縣設城鎮鄉會辦地方自治邑城區兩平鎮兩處依限成立規模甫創旋以革命中止今觀通省籌辦自治處定章所列辦事細目不出公益慈善兩途如教育書報工廠工場市道路橋梁溝渠田地水利公園路燈皆公益也如醫藥戒煙恤嫠保節育嬰施衣施棺施粥救生救荒救火皆慈善也凡與民興利除患之事均責各地方專任設機關籌款項切近周詳其施也博其濟也溥果能行是地方真無不進化之事業無不得所之人民矣雖書史所稱王政王道何加焉吾國舊日非不謀公益行慈善也然無一定之規模責任其在官府循吏提倡不遺餘力尸位者怠焉其在私人仁俠號呼不惜頂踵吝財者默焉急公樂善之褒獎不絕於碑坊而社會之荒蕪里閭之憔悴仍觸目是茲述邑中公善如季札觀舞至象箛南籥曰美哉猶有憾

公業圖說 清季邑令雲南昆明張公在任十年精明果斷戩莠安良政績載職官志公貌叢心惠凡職所得爲靡不盡力立一法剔一弊恆深思垂久遠見邑中造士養民公業頗多

而積久弊生將至有名無實乃督率紳董按契約正界畔核佃租搜發欺隱悉歸實際繪圖貼說并定出納章程限制用途錙銖不苟刻爲十二卷通稟大憲立案後創設專經書院將成去任繼任貴陽袁令收功補刻一卷及政體立憲庶事更新在在需款全賴基本充足不苛派而初哉克舉皆公整頓功也種樹得陰憇其下者勿剪勿伐澤斯長矣敬錄序文於是篇之首

原爲政之要不外養與教兩端三代以下井田既廢所謂養者惟期不侵不擾民自爲養獨於無告窮民欲自爲養而不得司牧者不能辭其責此恤嫠育嬰養濟之所宜急講也家喻戶曉誥誨諄諄不但力所未逮恐亦勢所難同惟於四民之首助以膏火資以誦讀籌以試費使得優游饜飫於聖經賢傳之中更得鼓舞奮興於登明選公之路此書院鄉學賓興學田義卷詩古課所以養士卽所以教士卽所以教民之大端也此外如三費祭田文昌會濟倉禁擾累以安民興禮樂以化民備荒歉以衛民非皆教養中事耶南邑民風樸厚多急公好義之人故歷任得藉手以成此多端之善舉其中官捐者固多而民捐者十之八九所以養民教民者固非斯民之脂膏司牧者何與焉所患者數年而興之一二年而敗之積數十

百人之資財而成之因一二不肖之侵蝕而墮之補救將何及矣壽承乏斯邑教養未遑深恐前人善舉自我而廢用是兢兢焉有維持之意幸時和歲稔鬪訟日稀因得與地方紳民竭數月之精力將各公業確查繪圖并將章程一并悉心商定分類刊刻成卷名曰南川公業圖說以期經久而塞弊竇因人成事教養云乎哉

恤嫠局 清光緒九年知縣黃際飛創設田業捐買居半共收租四百三十八小石鋪房三間租錢四十三貫嫠婦自十六歲至四十歲以前夫故家貧苦守紳士團保具稟具結批准給牌每人每月領穀四小斗定額七十名擇四路適中地紳首分發後知縣張壽以法多弊混乃清釐田畝更訂章程就城內舊行署設局委紳專管增額十名改爲月給錢四貫入民國推廣至二百名因穀價增高每月給錢六貫公業圖說所載局產地名差租列後

地名	差租	捐買
城內南街局門 外鋪房二間	差錢三十二千 又攤子錢三千	公地
陳家場接官壩	三十四石	王趙氏捐
同前	三十石	買

石牛溪鹽井溝

六十石

王克遠捐十石餘買

興隆場三打杵

五十石

買

石牛溪放牛坡

十五石

李茂林張灼同捐

白沙井場側邊

九石

張載田陳翰聲同捐

興隆場學堂灣

二十七石

買

同 前寒婆嶺

四十八石

買

同 前王家嘴

五十石

買

同 前迴龍灣

四石八斗

吳彭氏捐

同 前彭家壩

二十九石

金元亨捐

新場 即石松樹嘴

二十五石

周金氏捐

東城外鋪房一間 差錢八千文

吳春山捐

共收種穀四百三十八小石差錢四十三千

黃際飛創辦恤糶募捐序

舉人徐大昌代撰

嗚呼忠孝節義之心無智愚而不具而有時降志辱身苟且旦夕雖士大夫有不能自保之勢况婦人女子哉先王之制民也曰遂生復性曰厚生正德今使之不保其生而責以菲薄凱風砥礪柏舟吾未之前聞也夫婦人之失所天何異孤臣孽子六禮既成終身是恃一旦溘然見棄孤燈長夜顧影傷神苦雨淒風畢生腸斷愁無所訴事無可謀雖恆產足以自立而豪暴之侵凌弱寡親族之覬覦家資必賴良有司與里之善士禁戢而維持之始得以自完其節則守節者婦人之本心抑婦人之難事也雖然此不足言難也嫠也嫠也無宿米既不能坐而致死又不能出而求憐偶一涉想改適則死者之恩情猶在目前生者之顏面何堪自問卽至萬不得已決然舍去而燈前言笑強顏事新暗室揮涕傷心思故豈情之所樂爲哉嗚呼難矣我朝尊崇節孝春秋賜祀所以砥名節厚風俗也夫已全之節闡揚在朝廷而可全未全者曲成在吾輩吾與都人士共荷昇平豐稷屢慶而知人之難不有以拯之知人之本心不有以遂之毋亦負朝廷礪節厚俗之心而貪綏豐之天休爲獨享之具乎比者各大府檄辦恤嫠諄諄勸諭予不敏輒體此意推廣之以求助於諸君吾邑近年來學田賓興義卷諸舉所以培植寒士者諸君皆踴躍從事士寒尙可以力謀生嫠不恤何以自完

其節諸君其有以助之乎勉旃此役善行無不報昔之人言之矣

張濤整頓恤嫠章程序

嗟乎事之難成易敗者其惟公款乎其成也官率之紳助之得尺得寸殫數年數任之精力成矣猶未必盡美美矣猶未必盡善其難且遲如此也官與紳怠忽從事漠不關心甚或侵挪虧短不崇朝而前功盡棄其易且速又如此也創始者不計其難成而奮然以爲之守成者惟恐其易敗而惕然以繼之創而兼守者知其難又懼其敗兢兢焉以圖維而扶持之則其事或一成而不敗凡公款皆然邑之恤嫠其尤著者也恤嫠之設爲青年守節衣食無措資其生活俾完貞操法至善也前任黃君鶴樵勸捐田業邑多義士欣然樂從著有成效未開局而擢任濟州何君芑仲踵增田畝章程未定亦卽瓜代甲申夏濤履任卽清恤嫠租穀已闕有中飽者濤不辭辛勞不避嫌怨追比稽核略有端倪丙戌始開局發穀局分四路稽查難周丁亥年將原議章程手爲改定端派委紳設局城內按季散給餘款添置一契規模粗備而心力交瘁矣鶴樵暨各捐紳創業者也芑仲與余及現管紳董守而兼創者也後之履斯土司是事者守成者也不畏其難不忽其易庶幾一成不敗而發婦感霑實惠焉是所

望於守成之君子也。不敢掩人之善，因叙其顛末如左。

記者曰：慈善事業，周恤貧乏，當量能授業，勿令冗食逸居。今人多主張此說，不滿意於舊慈善，誠是也。然駁駁有議及恤廢者，殊爲未審。蓋廢婦散居四鄉，生計雖細，多有室家子女，卽有職業，俗云討菜磨羹，正是此輩。區區恤典，不過稍稍補助，紓其苦而厲其節，非專仰此生，活坐待周恤者也。留此區區，以利寡婦，僅比於遺秉滯穗，何忍奪之。

育嬰堂 清同治三年，知縣鄧文治捐資創建於北門外半里瓦屋十八間，募捐買田一股，收租五十五小石，收養遺嬰三十二名。雇乳婦看司養護。六年，知縣徐傳善任，內買業三股，七年，知縣劉敬業任，內買業二股。光緒十年，知縣張濤任，內買田一股，共收租穀一百八十二小石，乾差十二千二百文。以後紳董經管，或捐或買，至今共業十六股，收租四百餘小石，收養增至七八十名。民國九年，學生楊昌國倡教養兼施之議，呈請縣視學稟省長公署，改爲職業學校。昌國任校長，文字工藝雙方並授，購製書籍器具，造端宏大。未數月，存穀盡售，堂內乏食，輿論大譁。昌國去職以後，接辦年聘教員授粗淺文字及織草扉編篋器而已。惟育嬰之數增至七八十名。十六年夏，行政會議議決將款產人數併入平兒院，與原收平兒合同教養，惟育嬰之

設本以收養棄兒襁褓孩提一律撫字平兒院注重教育須七歲以上至十二歲方能收入

章程定為七歲入院十六歲出院

又須納保證金五圓種種辦法俱從嚴格限制於失巢穀穀勢難普及慈善家乃

就舊堂改為平兒收容所募捐撥款薄給口食雇人看護不限名額已收百餘人將來籌得的款又一育嬰也

平兒院 民國十三年邑富紳明廣颺捐田四股額租四百一十九小石豐欠酌中實收二百

八十小石內外於城西門外趙家塘捐業內做學堂式建築交邑人楊光國承辦十五年冬落

成次年開院收平兒四十名

年級班數見學校志

設院董七人院長一人教員隨聘完全學堂辦法初級四

年普通教育高級二年兼職業教育以學堂為家庭教師為父母衣服飲食器用悉由院內供

給又有半費生

院內但給書精飲食家庭自備衣履帳被

通學

附近學生但來受教自歸食宿

附學

繳食用各費

等通融辦法定章程一百五十四條

及附則數種自育嬰堂併入經費不敷加抽契稅百分之二以資補助院產田租數目列後

地名租石捐買

趙家塘 額八十二 小石 實約七十

白沙井 額一百七十 小石 實一百

淹水塘

額一百一十七
實約七十餘
小石

桂花坪

額五十
實約三十六
小石

右明廣颺捐業共

額四百一十九
實二百八十九

小石

較場壩

上卷二起錢
十二千二百

清光緒十一年買

羅洞坪獅子屋基

三十石

同治七年買

趙家嘴泥溪溝

四十石

同前

福壽場紙漕灣

五十八石

同治五年買

興隆場大圍溝

六十七石

同治六年買

同前鄭家溝

二十九石

同治七年買

豐合場于家壩口

八石

同治六年買

海文寺

四十五石

半寺僧捐半本堂首事買

興隆場板橋壩

二十三石

金瑞卿捐

毛坡

二十六石

光緒廿九年韓邱氏捐

過路坪 二十四石

光緒廿四年張心田捐

丁家嘴 八十石

光緒廿六年首事買

小園村壩 七石

金某捐三石其餘首事買

雙河場 十八石

圓塘 二十石

光緒廿一年本堂首事買

右併入育嬰堂田地十四處租額四百二十五石

陳家場平兒院 民國十四年場紳張茂春等創辦院假場外小地名下油房舊宅一向旋移

清安寺暫住現擇上場後面從新建築估計兩千圓已鳩工庀材限期落成常款或捐或買已

有田五股額租一百六十六小石餘由創辦人隨時勸募現養孤貧兒女約百名俟建築工竣

延師授課習藝作工悉照章程辦理

地名 租石

捐買

油房 一百石

明鶴林捐

暮鶴關 十六石

曾羅氏捐

桐子園

三十石

張紹藩捐

袁家河溝

十石

楊向氏捐

萬家溝

十石

募款買

養濟院 清道光時知縣彭履出捐廉創建在西門外土地塘一向九間養孤貧四十名每月給錢三百文後知縣魏崧取連年捐款罰款購田四十二處每年收租七十餘小石同治末年知縣黃際飛將原業售零易整合爲四股每年收租一百零八小石光緒中年知縣張濤提東路報恩寺田租一百二十小石同時又捐鐵廠陋規銀每年一百三十五兩自捐養廉銀五百兩重慶府知府王遵文擬來罰款贏餘錢一百二十貫後二款俱發商生息先後添養孤貧八十三名合原額共一百二十三名每月給錢四百文收租售錢交禮房經手月於縣署大堂按牌發錢一次民國以來鐵廠大半歇業發商生息之款蕩焉無存七年知事姚文瀚十年知事郭仙翥清理整頓狀紙每張附加錢三百文歲得五六百貫金傅氏常年捐錢一千二百貫以爲補助額數增至五百名每月給錢一千四百文每年共需錢八千四百貫公業圖說所載院產地名田租列后

地名

租石

捐買提

姜家場石踏灣

十八石

買

觀音橋徐家溝

二十八石

買

姜家場長塆

十石

捐

石牛溪興隆塆

五十二石

買

報恩寺

一百二十石

提

棲流所 城外西北隅清道光二十三年知縣恆泰倡修瓦屋八間拔貢王家賓作募修序歷年久遠中間培補失攷近係民國十五年金傅氏捐錢千貫就舊址重修

王序 乞人中之疲癯殘疾者已歸之養濟院矣而其流徙無棲者實為窮民無告之尤故又必歸之棲流所蓋此輩沿門乞食流徙不常無家可歸棲止莫定當夫晚風獵獵暮雨瀟瀟或宿溪橋或伏墟墓霜寒月苦既長夜之難堪虎嘯豺嚎復驚魂之易散斯亦造物之缺陷宜為仁人所矜憐者也吾邑有養濟院無棲流所乞食於道者露處不免焉藝園蕭子見而憫之過而商於余倡首募設余維人之好善誰不如我義所當為諒有同心矧此一端尤

爲易舉積棘半畝不必同鸞鳳之棲林木一枝已足滿鷓鴣之願伏祈共助范公之麥效彼
指困齊揮郭氏之金資於捨宅庶弱肉強食不再傷饑渴之軀而結草銜環永克享榮華之
報矣嗟乎萬閭廣廈豈徒託諸空言集腋成裘是所望於君子敬陳俚語上懇高明知公之
心與余同志謹序

按養濟院發流所皆非美政也乞句者流本社會中饕餮懶惰不材不業之莠民窮賤無聊
喪失人格大衆不齒若輩遂益自棄聯結醜類習種種凶惡通匪類作間謀當多事之秋關

係匪輕甚且竄伏荒曠盤踞洞穴顛越行旅而攫其財物無人知覺前半河之案可鑒矣年前

半河塢外路側有內外兩洞惡句謂之曰人日暮或不及投宿處賊勢滿患德彼即欲入留宿中夜殺之投屍內洞攫其腰纏衣履年餘積屍三四祕無知者旬有數徒過之尤居去年某月一徒被虐憤極潛出奔告團保乃破擒獲送案伏誅 憐其無

告養之覆之不啻種荆棘於路養蛇虺於室耳文王發政先施乃均田時代鰥寡孤獨不能
受田而耕其人則良民也胡可爲例今欲辦教養工廠改造貧民當自收納乞句始

施棺會 清光緒十一年知縣張鴻擬所捐每年鐵廠陋規銀四十五兩當時合錢七十二千
文製棺一百五十具費錢六十千交昇尸力夫錢二十千文交妥紳存發民國後廠銀無著九
年紳民婁湘澄蔡純菴等募款買田四股年收租四十三小石推會首經管施棺不限多寡名

曰城區施棺會 西路觀音橋人張泰初劉宜之等於民國十四年提倡募銀二百圓大松樹十餘株成立本場施棺會已備棺二百餘合餘款交同會受人存掌生息充經常費振初富家少年熱心義舉辦事頗有精神施棺外更辦施藥施寒衣集款均在一二百圓上下與施棺同一辦法 西路神童壩人熊恩溥等於民國七年勸募錢六百貫存放在年收息穀七小石二斗出售專備施棺見植料昂貴寡於應施者每名暫給錢二三千不等俟增募充裕仍實行施棺牛痘局 清光緒十一年知縣張濤年捐廉一百貫於行臺附設牛痘局延痘科醫生每月定期放痘概不取錢張去任歸津捐局開支民國成立地方稅收支所開支

濟米會 清光緒二十二三年間城內外紳富二十餘家相約每人捐銀一大錠爲一股合二十餘股買田租十八小石至宣統元年多人願意加入減數以銀半錠爲一小股合新舊大小湊成八十餘股添買田租連前得七十餘小石自是不復存積每年舊曆臘月二十七八兩日擇城內外寬敞公地施資人米每戶二小升民國十四年冬因米價太昂望澤者衆改爲一小升每年盡數散給不留顆粒有會外願施者不拘石斗多寡將款交會中代散

仁社 民國四年邑旅外學生童錫祥周佩難劉泗英等假歸創辦錫祥年捐銀百圓泗英五

十圓爲經常費

倡首諸人皆有捐助不
載載皆數年後停止

社員八十餘人各捐底金一圓又呈請縣議事會議提舊川關

城會

川主關
聖城隍

田租九十六小石南街房差錢三百貫作常款就舊訓導署改修社員票選總持正

副各一人分書報學校講演醫藥出版體育六股每股幹事二人文牘庶務各一人由總持就

社員中提出付聯席表決以上任期各一年改選當選得連任咸盡義務初辦頗著精神捐書

捐款源源不絕中更擾攘各股皆停惟書報廢續至今其宣言以開通民智礪進民德利濟民

生爲宗旨其創辦成績及中輟原因列後

書報股

至今
府行

講演股

會辦露天講演
軍事戒嚴取締

出版股

會辦仁社通俗旬刊南川
旬刊各一次被駐軍取締

大同書報社 民國十六年陳家場章香墀王之選馬化龍等發起集股創辦共四十股每股

五十圓合計二千圓購各種時務書報供人閱看賃場內鋪房爲閱報所內設董事會保管銀

錢議決社務交執行委員執行訂簡章九條經常費已買田租五十小石

紅十字分會附醫院 民國十三年邑人郭燕臣金遠卿劉湘波蔡純菴羅雲程吳讓夫劉文

體育股

醫藥股

延醫施診施藥以
收效未良中止

學校股

會辦平
民夜課

簡等發起暫推雲程任臨時會長譚夫副之達卿理事長籌備建設勸人入會照北京總會章程每名出入會金二十五圓繳總會充正會員各加五圓作分會開辦費十四年三月入會人數已符定章函報總會照准發來分會通則印旗圖記及會員憑照佩章擇期借縣議會正式成立十五年八月開大會票選羅雲程正會長吳讓夫副會長金達卿理事長劉湘波理事李作周資產監察員劉成章正議長宋剛卿副議長並選議事各員照章程就職三年一任暫辦掩埋路屍十四五年大災後遂至滿通設立中醫第一社診脈施藥及水旱籌賑等事一面從事建築就城內賓興會地基原名大田一塊直徑二百二十尺橫廣九十尺面積一萬九千八百尺坐西向東前後三層前爲分會會所中爲醫藥所養病院後爲辦公室重樓夾廡窗牖空明四面開溝流通空氣於十四年八月興工十五年冬第三進辦公處落成十六年秋第二進醫院落成十七至十八年第一進會所落成會中各事俱雲程一身擔負夙夜部署督率寒暑無間首捐陳場塆田業一股年收租穀一百零九小石銀一千八百大圓雲程精醫每月診資所入常百圓內外一概捐入不足佐以家私又多方勸募留作以後開幕經費一毫不沾公款自謂近年身已無家以醫院爲家已無業以經營分會爲業信然

四川南江縣志卷之十

十全會 近日邑中慈善家多集十全會城內外及北路鳴玉場西路太平場皆有之以集合

多人捐款施濟為目的入會人數不拘多寡由會眾公舉正副會長協辦守辦等職設辦事處

會規以十年為一起記每年定期開會願入者對神對眾自認出款若干後勻分為十次按年

繳納會日口食亦係自備不廢會費一文一年應繳之款又勻分為四次四時季月定日繳納務使經濟不受促迫所行善事分十

大類辦事人即於是日當眾現收現支不留分毫不買田置業不放張生息十年既滿第一次告結束續辦第

二次邑中所集多不及待十年有分高三四次即繳清三四事項亦量力而行不必十全此會起於清

同治五年達縣五靈山關聖降筆民國九年神復示夢風行川東北各屬一切規約俱出神諭

謂川人有十惡當遭十劫十大神聖哀憫下民憐此十善行之可獲十大瑞成十大美所列十類細目則影括新舊善舉無項不備入會出款時須對神聖具立願悔罪興會書奉神

命以施惠迷信最深惟其立法甚美蓋集合眾力化私為公則資本厚而功易宏分期繳款陸

續措辦則來源舒而施不倦全從私人集會籌款方法想出使社會中應興之公益皆仿照推

行以之辦團練興實業和衷舉事更番出力焉往而不濟

十全會分類

崇學校

設宣講

養孤貧

全婚姻

拯疾苦

賑災厄

助貧困

廣施濟

恤死亡

愛物命

石溪鄉河圖壩神農會

壩當龍川下流多魚而兩岸皆良田清光緒八年壬午唐達夫先生

名成章
歲貢生

見漁人放船結網蹂躪禾稼斥之漁戶詩詞抵抗鄉人聞先生見侮厲集鬩爭漁戶以納

糧於官為詞先生乃倡議按戶捐穀為神農會入城稟官以會款代納漁糧永禁捕魚一切捕法
悉行禁止

立案刊碑當集穀四五十小石交首放債生息每歲會眾祀神於附近澗壁寺先生沒十餘年

僧玉合濫費負債私售寺產會眾以寺產原係捨業且為初等學費所自出出而阻之訟於官

官斷以會資代僧償債贖業而歸管寺之主權於會先生門人周廷禎為之序

以文過
長不錄

按邑中放生河放生會甚多舊志所載及新採訪約十餘處民國十二年知事王佐徇慈善

家請出示通縣懸為厲禁近日浩劫相尋勸善之書對於此事尤嘵音瘖口夫節口腹憫物

命無論有無輪迴報應俱為美德然必欲一概不殺匪特勢所不能即按之人生通義亦生

障礙孔子鈞而不網弋不射宿孟子遠庖廚禁數罟均依違其間生之當放不當放實難下

一決詞也唐先生明達深思以保全禾稼為主而寓愛物之仁於其中殊堪佩服故特志之

餘姑從略

私人捐款

舊志

趙雲野 明萬歷朝人簪佚贈龍虎忠義將軍護國公宦游來蜀置產邑西闕外好施濟始捐考棚基址之半繼捐義塚乙巳己酉間歲荒捐穀六千二百石菽四百石賑貧事聞旌獎辭弗受天啓元年奢酋叛奉命征討捐銀一千六百六十四兩穀三千石兩載克復遵義按野廿一歲朝五當山廿五歲朝南海捨寺業裝金像建修廟宇手置老鴉溪石子溪墳山事見萬歷戊午呂忠題碣碣有蟬聯甲第四字今猶存

馮魯山 獨力建龍濟橋又捐晏家坪義塚並施棺木乾隆間捐米四百餘石以賑饑

周禮華 喜推解邑修虹飛橋樂輸一千餘金建鄉學復捐銀六百議叙八品

趙文碧 性慈厚樂施予治北石牛溪三元橋原係木橋當春夏水漲行人多濡首患碧獨力改建石橋邑進士章杰生題額曰天光下臨

唐仲權 監生父玉先臨終遺命以善行培家權遵訓捐產七白金入文昌宮前知縣彭額其門曰貽父令名

金廷華 武生性豪爽前令彭新立鄉學樂助六百金議叙八品龍見橋向多私宰婉轉勸戒
化之設放生塘數處獨建宗祠置祀田萬餘金皓首童顏親睹五世一堂壽期頗建坊水江石
場

楊光萃 庠生好行其德稱貸弗吝置文家坪義塚壽七十餘子世杰庠生

韓仁山 道光五年邑置鄉學樂輸三百金議叙八品

金廷淵 道光五年邑置鄉學樂輸三百金議叙八品

楊光綬 監生道光二十九年米價昂縣令設粥賑濟綬捐二百金給以好義可風額

尹國慶 職員修龍馬迴瀾永鎮諸橋慶輸六百餘金又獨力建修五甲小橋二座並大峯
壩路

張子科 力行善事凡建橋修路傾囊相助並給貧人寒衣孫翼邑增生

梁啓榮 素好善捐業一股入仁壽閣作香燈費年八十二

謝翼鳴 捐金入邑太平場文昌宮年八十五四世同堂道光中舉壽耆子瑤園廩生孫德增
庠生

劉灼光 職員道光二十九年歲饑邑令魏設粥賑濟釀百金以襄盛舉獎給好義可風額

余東陽 監生道光二十九年歲饑邑令魏設粥賑濟釀百金以襄盛舉獎給好義可風額

劉光黎 性樸厚喜掖士類捐金入書院以伙膏火

劉文修 原任江南揚州甘泉尉嘗拾遺金不昧乾隆初創修土橋場市並萬天宮文昌廟於

東華葺山下置買義塚

劉江學 監生力行善事人有疑難多方排解前郡守李以好義可風額其門卒年八十一

王開基 治北七十里修達濟橋用金八百子正龍武生

楊之儀 於歲晚出衣米以濟貧又施棺槨族黨待舉火者甚衆子灼附貢生

謝啓盛 居園圃好施予嘉慶中歲歉前令蔣設粥贍貧盛捐米施槨收恤孤老如黃正文蔣

士祿盧廣元輩衣食埋葬皆其力焉子琨庠生

劉祖聯 嘉慶中偕子晉楚衛等捐五百金豐里鹿池壩建三元橋一座

黃興才 道光中捐棺槨掩埋孤貧

陳朝應 監生文禮父善排解好義邑中建文武廟父子之力居多嘉慶中捐錢添置書院號

登桌牀肄業者咸便焉

金爲式 同知銜廷華孫華獨建祠癸亥冬遭黔逆盤踞祠燬後式同三房重建之他如築
砦堡衛鄉鄰修治橋路刊印善書培補廟宇義舉尤多

趙學堯 性忠厚嘉慶戊戌歲饑米價昂貴以積穀賑濟鄰族甚衆橋梁道路每捐貲建修胞
姪思胤姪孫文灼均所培植餼於庠孫文碧耆壽文瑞文仲文著文經及曾孫萬青均武庠萬
一萬豐監生萬孚雲南宣威州吏目

吳光謨 重修福南橋捐錢五十緡穀二百石縣令王獎以急公好義額年八十猶健孫炳奎
援例捐按經歷

楊 灼 貢生之儀子儀好義詳前註同治甲子歲饑米價騰貴灼以積穀減價濟貧凡修治
橋路惜字放生等事力行不懈子彬杰均入邑庠

張誠善儒 監生德崇子崇好善詳前註善嘗以百餘金倡建文昌會同治甲子饑儒以積穀減
半濟貧

康吉星 一治子治早卒母蕭守志四十餘年家貧紡績養姑義方教子星性醇厚恪遵母訓

貨殖興家有餘輒周貧乏遇修治路橋量力仗助子濟入邑庠病革時以千餘金借券囑濟焚之生平多隱德

劉麟書妻羅氏 夫故子殤摘杜家灣一千二百金田捐入賓興會年收穀八十石

呂啓昆妻楊氏 夫故子幼捐業一股入隆化書院年收穀五十八石

金玉音 運同銜邑合口河在涪南接壤架石板渡人兩山夾溪水常暴漲年中溺斃者指不勝屈擬改爲虹橋費甚鉅音慨然首捐錢一千一百六十緡一時涪南好義者樂輸恐後橋成名曰正陽計費銀五萬有奇玉音以鐵冶起家爲邑最上戶前後捐款濟公及自作慈善爲數甚多

章理亭 捐助錢六百串置買學田

王家友 捐錢二百四十串助買學田

鮮世濟 好善樂施捐業入田家橋義渡年租十石作渡船用費後捐錢四百緡倡修龍馬橋復捐業入橋工年租八石作補修橋梁用費

許富尊 性儉而好施邑中盛舉靡不助釀金修兼善堂族有負債無償者代還百餘金

鄧天文 履恆父性樸厚好周濟甲子歲饑斗米千錢文以所儲穀石減半價出售全活多人
魯為弟姪輩代還重債壽七十八

張後榮 字慶堂樂善好學購書三十六部捐入隆化醫院醵碑垂久遠

陳永福 楊秋潭 夏鍾三 張全三 王廣田 錢光斗 錢萬鎰

夏炳南 熊聯芳 夏寶椿 鄭興厚 陳弋揚 盧元良 鄒習明

安宗德 羅恆谷 周智聰 楊茂春 陳應河 謝海廷 王大德

以上三十二人舊志載清同治間邑修合口河正陽橋募款捐款出力尤鉅者

陳禮靜 二百六十一兩 黃永道 一百四十五兩 崔澤厚 三百三十四兩六錢

陳之鉞 一百二十兩 韋相卿 一百一十兩 高世達 三百三十兩零三錢

秦祿德 二百三十一兩 張為倫 一百零三兩 張聯陞 二百兩

楊懷謚 一百一十兩 尹際隆 一百八十四兩 鮮大節 九十九兩

吳顯華 一百七十兩 曾榮昌 九十八兩 曾元和 一百二十兩

張為謨 九十八兩 張必祿 七十兩 韋元位 三十兩

鮮正富 六十兩 趙君才 八十兩零七錢 張先圻 五十五兩

唐必誠 八十一兩 章才睿 四十五兩 談天順 四十五兩

胡國玉 三十八兩 羅洪貴 三十兩 楊大孝 三十二兩

楊松山 二十兩 楊星秀 三十兩 何占魁 三十兩

袁作漢 二十兩 猶大興 二十八兩

以上三十二人係舊志載清嘉慶年間買濟倉田業捐銀戶

僧全惠 共捐田七契年納租二百小石

曹鶴羣 捐錢一百貫

皮正星 捐買吳華川業價錢七十二貫

周開壽 捐買周學亨業價錢四十貫

王倫智 捐買楊盛惠業價錢三十九貫

陳正綬 捐當任成相業價錢一百貫

水井山同德堂業 價值三千餘金道光初丁徐行等買於山上立堂降乩被吳古文李大榮

等控縣及府請判捐入義卷

福五甲鄉學田業全股經理首事陳廣順等捐入義卷

以上八款舊志載清道光末年邑令魏崧創辦義卷捐項

新採

已散見各篇者不重載與祠堂清明會義屬私家者修廟宇塑神像不關人事者不載

白沙井田氏世世修橋舉人駱國恩有序

事不難於創而難於繼不難於一世相繼而難於世世相繼苟非祖宗功德積累甚深肖子賢孫綿延無替則雖有豐功駿烈創制一時經再傳而不免坐視其傾廢者往往如是也安有世代相承而有基無壞乎此礪係康熙十三年田氏祖正學公捐銀百餘兩獨力創修二百餘年安然無恙商旅往來無不被其澤而利其便此田家礪之名所以爲人人稱道也今秋洪水爲災斯礪圯壞田氏兄弟復捐錢四百千繼修更加壯麗卽一礪已見田氏之世澤孔長也况自正學公以來世有修建乾隆五十三年宗璉公兄弟捐銀五十兩修雙河礪道光十四年興友公兄弟捐錢八十千修雙元礪是田氏之樂善不倦正不特此礪之修後先一致也聞之積功大者其後必昌將來子孫發籍必有乘高車駟馬而過此礪嘆爲吾家世

世津梁也予不佞特代述其本末以表君家之世德而以爲斯礫記也如是

張國樑 東路大有鄉人光緒二十三年捐穀二百石賑本鄉饑民

僧道元 明季出家白雲寺捐入三廟田租三十石今提入仁社

僧照霞 清道光時出家興福寺捐入義卷錢八百鎊

裴黃氏 東路水江鄉魚泉河人光緒三十一年捐田租七小石入本地初級小學校

童楊氏 南路德隆鄉人童葆生妻民國十五年捐穀三十小石給本地饑民

楊茂春 北路石牛溪人民國三四兩年出己倉餘穀並請會百緡交本鄉籌賑所賑饑茂春家產中下

年收穀四十餘小石糶自給歲終盡出樽節所餘做大戶施米以三大石爲準凡地方善舉盡力捐助不待勸也 鄉民皮凌書等協詞請獎四川籌賑局指令楊茂春以

中人之資先後捐錢三百串以助賑款洵屬樂善性成殊堪嘉尙著給二等獎章文到茂春卒

邑令書梓里蒙麻祭障輓之

謝登舟 南路小河壩人民國十四年捐田建本地小河壩初級小學校

謝家駒 南路小河壩人民國十四年捐錢一千五百貫穀五十小石賑本鄉饑民

李義發 東路大有鄉人捐田租十六石立本鄉同慶團初級小學校

劉李氏 劉廷彥妻北路鐵村壩民國十五年捐田建本地饑村壩初級小學校

劉足三 北路雙河場團總民國十四年捐錢四百串買米平糶又議提本場斗息米十四小

石充賑

黎明支 西路水潔人清光緒三十一年捐田租二小石入本境三百碗初級學校

向玉亭 西路神童壩人民國十六年捐錢一百四十串入陳家場平兒院民國元年獨修本

境黃泥崗石平橋費錢二百四十千文

安涂氏 立遺囑沒後將己黃鰾井膳業撥穀陸大石立初級小學堂

民國八年東路半溪溝^{創修初級小學}捐款姓名數目 楊爲善同姪玉崖捐十小石租業一股錢

九百貫 楊秀峯捐二小石租業一股錢三百串 符周氏捐二十小石租業一股 梁治平

捐六小石五小斗租業一股 徐楊氏捐八小石租業一股 楊顏氏捐二小石租業一股

楊辜氏捐二小石租業一股 楊克明楊杜氏合捐校地 楊治平捐田一股作校菜圃 符

何氏李書田每年各捐租穀二小石 保禾會年捐租穀八小石 皇經會年捐租穀五小石

文昌會年捐租穀五小石 容學鑑捐四小石租業一股 僧開合楊淑林每年各捐租穀

二小石 田春山田友山合捐包穀四小斗山土一股 其餘捐錢捐料捐工者不及備載

劉正祥

北路乾豐場人

清雲南昆明縣縣丞

自光緒三年至七年每年施貧人寒衣褲一套米一大升三以

十套為限又每年除夕施米五大石交團甲散票分給貧戶執領

趙顯榮

北路石牛溪人家止小康民國七年各捐穀十五大石十二年十四年各捐錢二百

千均於插秧時分給貧農

李俊華

石牛溪河圖壩人每年捐米三大石草鞋二百雙於歲除周給本境貧民

李相真

北路鳴玉鄉人捐押佃錢二百貫獨修穿洞橋

橋塘塢通松子溪

金尙卿

東路水江石人捐田一坵

收租三大石

入本境三泉洞何老爺廟充衆人祈神禱雨休止茶

水費用

盧香廷

西路土溪場人民國八年境內饑荒捐穀五大石籩米發給

香廷家本不充性好周急遇人乞濟時已無以應轉乞諸鄰而與之

劉正榮

永安場人捐田租八小石入玉皇觀觀在場外高崖上常紮民團此租間接補助團

費

張戴氏

叢林溝雁石臺人映奎之妻捐馬村廟橋工錢三百貫戴伯猷捐橋工墊款錢二百

五十貫

羅朝綱

鳴玉鄉人獨修本鄉至城中大路三十餘里

自梳子灣至廟子塘朝綱家小康每逢公善事輒慨任之曰吾錢正當作此用也惟篤信神教近地所修小廟尤多

張甲先

西路觀音橋民國十四年捐穀四十餘小石賑本地饑民人二升

胡隆安

觀音橋人民國十四年捐銀五十圓入本場施藥處

章旦周

東路大河壩人民國十三四年本境大饑募穀二十八石減半平糶

得半價更買仍減半出售以本場而後止

又領同善社款百圓買麥種散給

旦周家匪中資身非地首熱心救濟惠勝己出

婁遠豐

邑西婁家牌坊人捐貲修小河場平橋弓橋各一座

魏長春

小河場人捐貲修本場隄坎路二十里

福壽場周君琦鄧洪軒等共十一人民國十四年共捐米二十四小石賑本地饑民

談張氏

福壽場人每歲臘月捐米三小石賑施鄉里貧人

李元發

福壽場人捐改壩屋基田租七小石之業入本場教育會

僧能化

魚泉河福壽寺住持民國十六年經學董團正及東路勸學員勸捐寺產大石壩二十四小石租業一股入本境下平壩初級小學校係能化樂捐與由官紳飭提者有別

十四小石租業一股入本境下平壩初級小學校係能化樂捐與由官紳飭提者有別

張馮氏 涪陵百順場人同男仁普捐祠堂墀口田一股年收租一大石零八斗入松子溪官立初等小學

馮九姑 姑邑東大有鄉水源村馮國鎰女嫁本地張德邦賢淑勤謹而寢於貌年餘德邦憎而出之官斷給錢百貫姑領歸母家雇屋獨立勤苦儉約就錢爲資囤放營積晚年買田租約七百小石壽八十沒時悉以分畀馮氏近族另提十石交族人馮建亭經營補助族中子弟求學而無資者今已二十餘年承辦如故

張爲達 邑北松子溪人民國十五年捐水田一坵入本地初級學校

龍會川 西路太平場人平素好善民國十四年本地穀價每大石二十二圓會川減六圓出售吃戶不售米販

李作周 西路興隆場人現居城外倡修楊泗橋捐墊款銀三百圓

義塚

涪縣義塚甚多難以悉記茲取其附城者書之

乾隆間邑人馮魚山捐治西清平關山土作義塚

嘉慶間武生楊光萃捐治西文家坪山土作義塚

嘉慶初五西會聚將萬壽宮山土五處捐作義塚

一在較場壩一在野貓孔一在生基坪一在蘇麻灣一在塔坡頂

道光初湖廣會聚將禹王廟山土二處捐作義塚一處文家坪一處南關外

道光二十二年粵人劉盛芳陳雨潤合捐南華宮舊置塔坡頂山土作義塚

道光二十七年邑令魏崧捐買文家坪生基坪二處山土作義塚

同治年間邑東城外人鄧天貴捐北門外一處較場壩之後漕灣一處無祀壇之竹林壩山土

作義塚

宣統二年邑北右溪鄉人孫茂林兄弟將伊父華堂所買之業提山坡二幅

值錢六百餘串

作義塚去場

半里

光緒九年邑教諭資中李起世買南門外鰲頭峯隆化書院右邊荒土一坪捐作義塚另有熟

土若干民房一向招佃住守交紳士經管刊碑路旁年久毀塌

重修南川縣志卷十一之一

人物一

自漢季月旦成風魏初九品立格於是州邑鄉里咸以人物之優劣多寡爲榮辱矣吾人讀書識字名賢碩彥展卷相迎而偶覩一二籍隸本鄉者尤特別注目倍深其惓惓非獨愛鄉之心使然亦以其德行事業流風遺澤浸及粉榆者尤深也邑中雋異人物宋元以上記載寂寥卽明清近代亦鮮彪炳赫奕足以籠蓋神州昭垂國史者豈佛山孔卑聖水孔微不足分岷峨江漢之精英歟抑由地處偏隅往時安居平世人心好靜無所憑藉以展其瑰奇焉耳茲役採錄人物或謂宜從嚴格寧狹勿濫鄙意不然方志與國史異一鄉有一鄉之善士被章縫者止求其畏名教厲清白而有所不爲安畎畝者止求其葆良知好懿德而肫然慕義其他一藝之長一才之用皆所不遺取足鼓勵人心廉頑立懦此古黨正族師書其德行道藝之遺意也且私意謂州邑記載不必亟亟於甄別賢否清議自操惟是老成先正清白世家流風善教所以維持我奔禩者當追溯之不忘周雅之慨慕彼都華陽之總讚士女忠厚之風不亦深可味耶茲於舊族著姓祖孫宗族衣冠相續者連綴爲傳鄉黨自好一行可

風者排列爲譜詳者數百言略者七八語錄其可錄而止普通婦女守節兵勇死綏以及壽考氏族無他類可附者皆叙次於其後焉

列傳

宋

胡 璞 郭夔氏

胡 璞宋詩紀事璞字器之南平人熙寧三年進士有經采石渡詩云抗議金鑿反見讎一坏蟬蛻此山頭當時醉弄波間月今見寒光萬里流蘇子瞻見之疑唐人作歎賞不已見郡志

郭夔氏宋史譙定涪陵人傳定學易於郭夔氏自見乃謂之象一語以入郭夔氏者世家南平始祖在漢爲嚴君平師世傳易學蓋象數之學也

按宋熙寧八年始置南平軍以南川隆化隸之胡郭但稱南平人其是否隆化尙不敢定但舊志相傳必有所受故仍之

明

胡 謙 章 正

胡謙通志洪武時人以鄉薦拜御史風裁凜然因忤權貴左遷不赴任家居二十餘年而卒今其墓及裔孫尙在邑南吐文壩

章正字正叔名宦志元順帝至正五年進士明洪武三年官河州衛指揮使初至城邑空虛乃日夜拊循其民遂爲樂土朝廷賜璽書勞之上疏言民間轉輸甚勞而布茶可以易粟若卽以給軍士令自相貿易可省西民之勞詔從之由是民獲息肩頌聲載道擢授臨洮知府卒贈中憲大夫予誌忠敏入河州衛之宦祠

蕭顯邑西白土壩雙河口人祖清園西靈堂縣令考明史地理志陝西但有靈堂縣無靈堂舊志恐係抄寫之誤顯一名顯用字名世

成化十九年舉於鄉官福建福寧府同知以德化民告歸養母卒於嘉靖十年辛卯壽八十六

詳見邑令自署浮梁雙溪子浮梁江西縣名所撰墓志其次子珍字廷聘官貴州貴池令以直道被劾罷

又萬曆中年有蕭子亨官南直太平府通判修白土壩祖塋蕭氏諱立碑自稱六世孫不知對何

爲六世也又西門外一里有庠生蕭子元妻王氏節孝坊萬曆二十年旌表按時代及命名其

爲子亨兄嫂無疑明代邑中氏族當以蕭爲首

吳仕坤 章志通

吳仕坤舊通志父彬宦山東病革坤侍湯藥纘天竟不起殯任所三年乃鬻女扶襯歸朝夕奉祀如生

章志通舊通志少喪父事母婁晨昏必跪問安否母年八十誓通侍起居弗暫離母沒泣血三年哀慕終身與吳仕坤同於正統中以孝旌表從祀鄉賢

按章氏家譜旌表在萬曆時孫邦聘以進士官湖廣彝陵州知州誥贈志通奉政大夫惟邦聘舉進士名不見於選舉志或記載脫缺或籍貫有異姑從闕疑志通邦聘墓俱在圓村壩

徐尙卿 婁朝臣 石 琳

徐尙卿明史本傳南平人舉於鄉知劍州崇禎十年十月李自成惠登相等以數十萬衆入四川大將侯良柱敗歿於廣元遂陷昭化知縣王時化死之尙卿知賊必至集士民泣曰城必不守若輩速去吾死此衆泣請偕去卿不可越二月城陷投繯死上聞贈尙寶卿右參議

婁朝臣原籍桐梓縣遷居南邑崇禎十三年中武舉募義兵平賊功多劄授守備又以都司僉書體統行事尋遇害

石 琳邑西觀音橋石家溝人曾祖繼崑湖南湘鄉縣教諭父應祥通政司通政琳以生員改

應崇禎二年武鄉試中解元聯捷進士十七年張獻忠破蜀據之綦江人王祥祥時爲九盆子隘官聚義兵

保遵義琳從之清順治四年祥再克遵義先是順治三年祥率兵偕重慶守將曾英攻賊向成都時獻忠已殲於西充餘黨孫可望等潰而南下屠綦江陷遵義四年祥還師復之遣琳走

肇慶告捷於桂王王晉琳左軍都督府左都督總兵官掛翹蜀將軍印秩光祿大夫以琳官贈

其三代妻及繼室七年孫可望使其黨白文選等來攻祥禦於烏江敗死琳不知所終然其墓

仍在石家溝後裔雖微猶有數戶今年春探訪員章心田得其家世藏所受明帝四代制誥及

遺像一幅乃道流裝束無姓名年月惟題絕句一首此像是琳與否雖無確證然其子孫相傳

如是且與誥命同一保存以勝國孤臣殘局覆滅披髮入山不戴二姓此忠臣烈士之結果其


爲公之眞容無疑矣特命王君若維摹以付印俾邑人同伸景仰誥辭十一通疎落典雅以弁

藝文其畫像題詞曰誤入塵中數十年覺時堪惜髮先斑雞聲茅店難安枕鶴影松風且自然

贊曰日落虞淵匪戈可揮小草猶傾忠孤力微思陵殉國明社已非迢迢播州越在蕃畿祥

主琳輔擊鼓揚旂再收殘郡屢盪重圍開關奏捷雨雪驟駢即日反照天末餘暉臣道立矣

黃冠來歸松風鶴夢晦跡采薇載瞻遺像官儀巍巍



1
2
3

清

周萬殊

子士孝 士灑 士岳 士麟 孫石蘭 立瑛 立模 立椿 玄孫厚植 厚光 立矩

周萬殊邑西觀音橋周氏原籍江西吉水縣明萬歷朝以宦遊移籍貴州婺川縣萬殊祖芝芳

值明季亂奉母商氏入蜀居南川芝芳為人磊落負義氣娶妻令狐氏事姑以奇孝聞見列女

傳生師文師文娶總兵陳維綸女生萬殊萬祥萬資萬殊字同川幼穎異讀書過目輒憶年十

三應童子試老宿見其文咸驚異性至孝喪父哀毀幾至滅性廬墓三年乾隆六年辛酉拔貢

九年選湖南郴州州判奉檄辦桂東縣礦務威惠並施礦徒帖服初到官即迎母就養及母返

蜀亦告歸母已八十餘病不起中夜刺血書疏籲天願減己壽益母二十五年母服闋赴部仍

補原省歷署長沙衡州永州岳州諸府通判道州州判所至決疑獄出繫囚時推廉能第一三

十年還郴州實缺郴人額手相慶後二年以疾乞歸長子士孝以舉人官山東禹城知縣往就

養者又數年以官箴作庭訓沒廢城編修周永年為作墓表以孝子冠首壽六十有六子八士

孝士灑士岳士壽皆舉人士禧拔貢孫十餘人石蘭立矩舉人立瑛進士立模立椿拔貢餘多

諸生

士孝萬殊長子乾隆二十五年庚辰恩科舉人任山東禹城知縣邑大水奉檄勘災單騎行積潦中徧歷各村覈實戶口賑濟貧民後官直隸文安遷安等縣亦多善政

士澐萬殊子乾隆四十二年丁酉科拔貢五十一年丙午科舉人選中江縣教諭時教匪圍城縣令懷印遁澐倡率鄉勇設法堵禦越三日官兵至城得全大府議保奏澐曰若論功過其何以處縣官後由寧遠府教授推升甘肅環縣知縣不就改叙永教諭卒先是以拔貢入京四庫館効力手抄書目二十三卷從學何二山何兩崖兩先生門得力固有自也

士岳萬殊子嘉慶十八年癸酉科舉人授岳池縣教諭自署餘歡書屋并記蘇長公詩治書不求富讀書不求官譬如飲不醉陶然有餘歡數語居恆晨起然香一炷讀黃庭離騷官岳池時主講者北上會試往返三年士岳代課生徒不受脩脯

士禧萬殊子乾隆五十四年癸酉科拔貢性慷慨工文藻語多豪氣慕古人邊陲功績恨不卽投筆起嘉慶二年教匪王三槐等犯涪州長壽江北沿河一帶騷動禧募鄉勇三千人出木洞鎮防勦大江以南咸安堵後補直隸晉州州佐多惠政卒於官姪立椿朝考入京扶柩歸葬石蘭萬殊孫士孝子好讀書父令遷安隨任遊周書倉先生之門涉獵經史尤肆力於古文工

草書兼漢隸書法遒勁乾隆乙卯登順天鄉榜在京偕諸名士文酒留連有海天閣詩鈔六卷

古文二卷

立矩萬殊孫士孝子字石書乾隆五十一年丙午科舉人天資秀逸嗜飲工書不醉不肯搦管求書者挈榼其門俟其醉書之運筆如飛一揮而就尤工詩常遊西湖過虎邱登黃鶴樓覽洞庭雲夢諸名勝詩愈豪放著有松風閣詩集十卷經趙甌北洪稚存張船山諸先生評定

立瑛萬殊孫士壽子字席珍號光圃奮志力學博涉經史嘉慶十八年癸酉科舉人甲戌成進士未仕道光三年卒華陽謝澐爲立傳

謝傳 澐爲兒時遭先君江左罷官故寄食松崖周姻伯之文安官署與光圃周君同受業

山左淄川王立齋及合州楊振齋兩師之門共硯席數年澐差長而君最幼年甫十二慘遭仁山公大故寡母孤兒數千里外扶瀾歸蜀澐亦隨行闊別十餘年彼此俱遂顯揚志不可謂非厚幸也孰意人事難知君暨配何孺人俱以道光三年相繼卒卜葬後嗣子來請作傳以期不朽澐係世交不吝辭也君姓周氏諱立瑛字席珍號光圃吾蜀重慶南川縣人考諱士壽號仁山乾隆丙午舉人妣楊孺人君其長子也賦性醇謹孝友過人幼篤學每夕俟楊

太孺人安寢以物掩燈潛起默誦久而太孺人覺之恐致疾令卽滅燈潛於枕中吟詠不輟
嘉慶丁卯拾芹隨伯父益齋公寧遠府學署二年益奮志力學每晨夕詣文昌廟前焚香默
祝願減算以延親生平慷慨顧大義胞叔恆齋公家計維艱君年以教學資分助臨終猶厚
葬見隣里貧苦者輒以錢米酌與之自甘淡泊至有鬻妻者潛助金以全其節故其持身涉
世言語不苟坐作必端兄弟怡怡人無間言可見其爲人矣何孺人世居瀘州藍田壩祖考
飛鳳公官安徽和州司馬考源澤公太學生善事姑曲意承歡甘旨罔缺且紡績佐讀無間
寒暑君得遠遊肄業者皆賴孺人之能養也癸酉歲與叔父士岳同登賢書甲戌聯捷進士
始開隆化二百年之黃甲人咸謂甘苦循環上以遂仁山公未伸之志下以見孺人內助之
賢其食報非無因也奈何部選將及天不假年竟以此終命耶數耶已通而復塞何再世如
一轍耶所幸遺子仁聲仁聞暨長孫厚璽英年積學相繼補弟子員諸孫亦可期遠大其發
祥固自有時殆未可以常情測也謹爲傳以傳之

立模萬殊孫字仲軌號桐村嘉慶六年辛酉拔貢道光十九年選授黔江縣教諭未赴任卒行
誼道德具邑教諭楊繼忠所作桐村周公傳

周公桐村南川觀音橋人也名立模字仲軌祖郴州公孝行載邑乘父靜齋公邑廩生母徐孺人涪州進士玉書公女公三歲失恃繼母熊孺人視如己出公天性醇篤飲食教誨惟母是依無稍違戾十七歲補博士弟子員靜齋公卒公在苦塊中視母氏哀痛每忍泣相慰曰兒弗自立生無以對母死無對父也辛酉登拔萃科將入都朝考時公慮甘旨缺供分旅費之半爲母氏留巾篋中朝試不遇歸而鄉試屢荐不售家益窘遂筆耕爲養凡館食者三十餘年每歲終悉以所獲金奉母所無纖私兄立楷先卒無子公以己子爲之嗣又割己所析田租爲兄償負無難色兄女四撫育遣嫁咸竭力焉繼母弟立椿立棟皆公教以成立棟患弱疾公以館穀延醫歲費數十金如是者十年先是椿與棟以屋三楹環居奉母母距公臥室稍遠聲咳弗通一夕家人熟睡母病不安寢公於夢寐中忽有所警頓起叩兩弟室不應繞屋大呼曰母病矣衆起視母果跌牀下母曰非爾孝思之誠夢寐中烏能有警耶晚年母病痺艱於行公縛竹几爲輿率家人躬肩之出入五年弗稍懈公待人以誠自奉甚約工書法兼隸草爲人書必先輩格言曰此吾父志也繼母卒喪葬盡禮哀戚倍至族人咸觀感焉余謂世俗之事繼母也難事繼母而能相感以誠尤難推繼母之愛而愛及繼母之所出以得

母歡則尤難之又難者公獨行其難天必厚其報乃於道光十九年選授黔江教諭未抵任而卒此亦數之不可解也公年六十一原娶潘氏繼娶沈氏子四孫一

贊曰謂數不可知耶胡爲田廬坐守竟官列乎儒師謂數可知耶胡爲榮膺一命忽中道其已萎或者乃以爲數奇吾謂如公之孝友卽壽諸金石傳之奕禩而亦宜况乎子若孫英英秀發其食報又將在茲

立椿立模異母弟號篁村道光五年乙酉重慶府學拔貢少孤母熊撫養成立詩古文辭爲周石芳聶蓉峯吳梅梁諸公器重教授生徒成就甚多生平篤友愛重品行不慕榮祿隨遇而安道光己丑教匪滋事有欲借以邀功者椿力勸邑宰張少霞開釋無辜全活者衆著有思無邪齋詩賦文稿未梓

厚植萬殊玄孫性和順四歲喪本生母祖母潘撫以成立植事之盡道以順孫稱美丰姿工吟咏居恆手一卷不釋年十四入邑庠從楊德坤遊頗見器重惜力學過勞年十八得嘔血疾卒厚光號謙堂萬殊玄孫同治十二年癸酉科拔貢光緒元二年任新修南川縣志總纂書成早卒

周士忠 子伯寅

周士忠萬祥子字移作號澹齋歲貢生父早卒家貧事母以孝稱好讀書尤善詩古文辭雖終老明經濟如也晚年以母善病旁及醫藥諸書母歿寄情游咏嘗嘯傲於喬松巨石間旁觀者莫由窺其中所得也卒年五十與從父萬殊從兄士孝俱載省通志人物志中生平尤詳漢州張雲谷先生名邦伸所撰墓志子伯寅最著

志曰公姓周氏諱士忠字移作號澹齋先世江西人明萬曆間遷貴州曾祖芝芳始遷蜀之南川祖師文勅贈文林郎父萬祥公少孤且貧事母章孺人能以色養喪祭必以禮不飯僧亦不務爲華飾好讀書尤喜治古文辭雖厄於場屋終老明經恬如也生平慷慨慕義遇儉歲輒以米予人而自甘菜粥見有鬻子者贖以金其持躬也雖盛暑不袒亦不扇舉步安詳常一履三年猶如新製可想其性情矣晚歲以章孺人善病因旁及醫藥兼以全活多人自言我於醫無他奇但無一誤劑耳蓋其爲人謹慎率類此及章孺人歿公乃寄情遊咏以盃酒自娛時一中之則語益莊貌益肅或挾一册一觴嘯酌於喬松巨石間旁觀者莫由窺其中所得也公生於乾隆三年卒於五十三年葬本里金鰲山麓於其窆也爲徵其實以納諸

幽宮元配鮮孺人子三立寬立恭立信孫二人龍人贊

伯寅本名立恭號鶴田性篤學制藝尙古簡工書喜吟咏成篇卽焚人拾其餘名焚餘草尤善治古文峻峭廉傑視唐宋人不多讓留心鄉閭風俗著有家禮須知國法須知醒人淺語家常瑣語並輯簡便良方等書及六事箴言六卷行世

記者曰昔周有八士所異者一母四乳耳若但詠濟濟思皇則同川之庭何必減達适隨騶駘科舉時代士競文藝闡場防弊加以彌封謄錄名曰暗中摸索然及其得之也往往如珠果之綴於一木金礦之萃於一坑不知誰實主之邑中清代科名周氏稱首揆厥由來一則曰令狐之孝再則曰同川之孝孝非以市富貴也而百行之首至德發祥天所眷佑必於是焉豈可謂偶然弋獲始以人事附麗乎哉

章仕德 曾孫廷旭

章仕德字官懋西路觀橋鄉漢昌壩歲貢生以直道爲鄉里敬服學行純篤老於教授除他姓及門成材尤衆外子孫宗族經其指授游庠者二十餘人貢成均者五人康熙時邑令喬文錦贈以詩曰巨卿才藻羨文宗濟美堂開陰獨隆人擬河東應是鳳名齊荀氏半爲龍校書午夜

明藜杖兆夢丁公起腹松奕葉飛聲垂世德頻教彩筆艷花封曾孫廷旭

廷旭字子旦歲貢生性情淳恪安貧好學於古今書史文字聲音及天文星象罔不研究尤喜左氏春秋及唐宋八家文屢經評點邑令蔣作梅修縣志馬腦城磨崖文字疑滯難辨就問取決試秋闈一次不遇無意進取賦釣魚詩見志有此處無魚別下釣之句或問既如是苦學奚為答曰學以明己德也晚年築映松書屋吟咏其間學者雲集舉人周士岳進士周立瑛皆出其門子旦先生名課遠近卒舉人同里周伯寅為作傳

才治字中山從族兄子旦遊弱冠補弟子員以書冠全郡為學使所賞家貧恃脩脯養親並分卹其諸兄三十年如一日不求餘裕然最敦品節常謂秀才持身如處子邑令彭平園名履坦睹其榜書擊節折柬相招一面而止晚年淡泊無營崇奉陰隲文感應篇印丹桂籍勸世

韋杰生

弟藤生 孫登輝 曾孫作安 家履

韋杰生初名才楫字紫航祖巨英壽耆八品以家產讓弟作幕客遊楚南山東河北出古長城志趣豪邁父惠卿庠生與妻李氏皆以孝著

李氏以姑鄭疾刲股得愈 道光元年請旌祀節孝祠

杰生力學工時藝初以縣學附

生補增食餼嘉慶十八年拔貢二十三年順天副榜又後十六年

道光十四年甲午

中本省鄉試後二年

道光十六年丙申

成進士授刑部廣東司主事年五十餘矣清代五貢次第副榜在拔貢之左故俗咸謂杰生科名如陟梯無越級且進而卻卻而復進也服職部曹七年廉介矜慎治獄無一字誤手注刑部則例一部以足疾改叙州府教授竟致仕歸中年遠館蘭州黃州歷燕齊秦楚足跡半海內自謂其文得江山助在京師文行俱爲友朋推重嘗謂子弟曰讀書須身體力行文章始有根柢義利是大關必分辨明白乃可做人著有遠山時藝貽經堂文集荆坊書屋試帖弟燾生孫登嶧曾孫作安家璽俱有傳子鼎慶廩貢生曾孫家琛附生家璞廩生

燾生字右衢杰生弟歲貢生性峭直簡易寡言笑廉取與教授生徒成就甚衆子臨慶庠生

登嶧字次瞻杰生孫胸羅典籍才氣橫溢賦詩下筆立成縱意所如直以議論馳騁今古與孝廉徐大昌契洽唱和才華英銳莫能伯仲然以不工帖括困於小試家產亦約發憤捐監走京師應北闈卒以窮病歿於某館同鄉京官綦江吳給事光奎葬之詩稿零落其孫淵然出一小鈔本題曰假鳴集蟲蝕滿面可讀者無幾

作安

字也佚其名

家瑞弟家璞家琛兄也耽吟咏婦亦通書翰伉儷篤甚中歲病歿傷悼無已又負才

不遇鬱鬱遂入銅坎寺爲僧名永持初祝髮有感云悶來開卷得關雎怕讀人間伉儷詞不是

竹牀清夢冷梅花那得寄相思又分題四季閨詞前二首云楊柳花飛簾捲遲流鶯自轉碧桃枝一腔心事無人識閒倚欄杆倦繡時春安排畫舫納涼時靜坐風前雪藕絲侍婢亦知人意惡停橈不採並頭枝夏餘多作豪語惟冬日即景前四句云翠柏蒼松肅古姿雲開始覺日光遲犬慵貪睡常忘客徒幼偷閒每避師乃有山林寂寞意

家璽字用升廩生詩文才氣縱軼尤勝諸從兄好高論嗜酒飲後有焦遂風

李長碩 王介眉 韋洪瓚

李長碩字瑞菴善屬文縝密精深以經史作根柢隻字單辭沾丐後學不少著有汲古堂時藝四卷未梓

王介眉石溪鄉人家貧好學過目成誦爲文力追先正與李長碩並見推重前學使羅慎五先生梓其文入蜀中試牘

韋洪瓚字一尚乾隆五十四年己酉科舉人性豁達博學能文畢生殫力於是著有時藝若干卷晚以截取知縣赴京候選客死京師同年長壽韓侍郎鼎晉營其喪歸作墓志有云七上春官三獲鼎薦視金馬玉堂爲室家以六經四子爲肴饌

楊純道 謝鳴謙

楊純道乾隆三十五年庚寅恩科舉人品正行篤官湖南常寧知縣公餘日與諸生講論恆過半日人幾忘其爲長官歸田後琴鶴風清數畝自安澹如也

謝鳴謙拔貢朝考一等授知縣分發直隸初到省寓藩署大墻後每黎明聽鼓用小奚奴自挾襆被徒步詣官廳始更衣投刺如是數月及輪委制府謂藩司此卽走道上衙門之謝知縣耶委赴束鹿審訟往返三十日結四十餘案能聲遂著補曲周不數月卒其同年友邑人周立椿作傳詩文俱刊入試牘家藏遺稿甚多二子俱入邑庠

吳純俊 羅銀山 李文譜 袁立品

吳純俊通志清乾隆時由行伍拔補重慶鎮右營外委隨剿邪匪身經百戰累功洊升江南安慶協守備擢部司仍留軍營嘉慶五年四月二十一日追賊至湖北竹溪縣七里溝力戰陣亡卹蔭如例主入昭忠祠子陽超孫謹增以世襲雲騎尉歷任駐防汛

羅銀山以外委攻剿雲南尋甸州賊匪陣亡事聞議卹加千總銜給雲騎尉襲次完時給予恩騎尉世襲罔替

李文譜袁立品咸豐時以帶本邑鄉勇防堵聽調保舉把總同治三年甲子冬黔匪盤踞水江石縣令鄧文治檄二人同某率練勇分三路進某督中隊袁李督左右先入中隊畏縮不進賊窺無繼分衆抄後路圍之全軍盡覆立品戰死文譜被縛支解事聞蔭卹如例祀昭忠祠

陳永揚 王泰源 子家現

邑中武秩官陳永揚王泰源俱起鄉勇轉戰積功至副參將永揚生平賴有曹異三作傳戰績則然泰源之歿距今纔三十年而終身在外事實鮮能言者茲特據其庚寅年進呈督轅履歷及李天柱所撰墓志作於修生時服官晚節尚不完具須俟地方寧靜幸遇其隨從親舊訪實

補誌

陳永揚北路鳴玉鄉八仙橋溝人據曹傳七十四歲解印歸里在道光二十年後壽百零二歲當歿於同治六七年間作傳者與同里同時親見其所述必不虛也全錄於後

傳曰陳公名永揚字正祥明臨江侯杞國公諱德裔也世居江右至志高始由楚黔遷蜀之南川縣志高生顯才才生思朝朝八子公其季也少孤喜與無賴輩講習刀劍擊刺術不事家人生產性嗜酒薄田數畝所入不供酒費親族助以資俾負販不數月盡付酒家於是咸

拒絕之。戒子弟勿與遊。公益落身無完衣。或數日不得一餐。然得酒必大醉。醉則持刀舞劍。使氣謾罵人。皆側目恐爲里黨禍。欲執而送諸官。客有洩其謀者。贈之錢。使遠行。公沽酒與客痛飲。而別時。仲冬乘醉夜行至鹿口。足皴臥路側。石盤上鷄鳴。公醒。濃霜着草木。皆白。公臥石盤。獨無有二獸夾公。臥公起亦去。至前嶺。大嘯乃虎也。三日至湖北雲夢族人家。去南邑千二百里。人多不信。居數年無所合。嘉慶元年。教匪亂。二年下招募。令公歸在涪之蘭市。李渡二鎮約五百人。應鄉勇募。赴朱鎮營。三投而三見擯。遂與五百人投別營。至蜈蚣嶺。見賊千餘人。自流坪循岸而下。賊方敗。官兵銳甚。衆懼欲逃。公曰。我輩爲殺賊來。今見賊懼。非夫也。命百人伏溪曲。自率百人以上山。以百人匿林莽間。二百人疾趨賊後。賊將盡自後截之。賊驚竄。山山回戈矛。齊出林莽間。飛石如雨。伏溪曲者斷其下。賊爭涉溪。而前山大雨。溪漲。適至過者多。漂溺殺傷數百人。生擒百餘人。悉獲旗幟軍器。驟馬牛羊。公登山樹賊幟。擊牛烹羊。以犒衆。時朱鎮聞有得勝軍。使都司蒲佑盛十餘人往探。見旗大驚。問行汲者。知爲公。急上山見公。具言殺賊狀。乃引見朱鎮。給以紅旗賞軍功。統五百人自成一隊。諸所獲悉與之。通江鸚哥嘴賊冉文籌。鮮大川。李白清。羅其清。巢穴也在亂山中。前俯深溪。後背巉

岩賊聚所擄貨物其中公偵知潛履其地周視之知賊於某夜宴會是日暮率五百人運大石於山巔置稻草數十束夜將半賊飲闌乃蕪稻草擲下燒賊巢光焰燭天岩上大石推下甸轟不絕預遣人壅水阻其出路賊醉夢中不知所自多投河被火石者肢體斷絕不勝計公豎紅旗於岩是夜朱帥營見火不知賊劫何處次晨遣軍四探而大霧瀰漫所樹旗朝暉照射紅日莫辨偵者見旗疾走公使人追告之始知夜搗賊巢也朱帥大喜給公把總銜由是製爲勇旗幟賊見之呼旗爲囊衣旗兵爲長脚兵戒衆無輕與戰公在軍七年大小百餘戰擒李白清龔建李五長櫃張世龍王四虎亢四洪龍紹周張大倫陳國珠魏棒棒張簡唐明萬賊首十二賞戴藍翎御賜銀牌三十三面荷包鼻煙壺磁帶鈎各一授峩邊營守備當是時賊東西跳梁隨撲隨起蹂躪川東北蔓延秦楚豫平賊諸大帥日移營遠避或終歲未見賊縱兵淫掠殺平人以邀功時民爲之謠曰賊至兵先退兵來賊已空可憐兵與賊何日得相逢維時與賊力戰者惟鄉勇而鄉勇之功兵冒之分之故兵不戰而論功授官鄉勇雖出死力得官必視其資緣教匪之亂歷十餘年職是故耳公自計頻年足無停趾穿賊穴冒賊刃見賊卽戰未嘗挫辱而無功者恆居上頗不平一日與諸官飲醉各稱功某某無可述

公訕笑之其人羞而怒公大罵拔劍擊席盤盂悉墮地碎遂於勒帥前媒孽公抵於法德將軍與朱鎮救乃盡削前職德將軍者前與賊酋張長庚戰敗僅以身免公救之復敗賊悉返德所失物將軍感之朱鎮則移營遇賊失夔鎮印恐甚公三入賊營獲之朱亦德公故二人力救得不死又三年教匪平授公貴州天柱營外委嘉慶二十四年陞清江把總道光七年陞柳霽千總十二年楚南江華趙金龍叛大兵敗之獲其子子清冒金龍名置之法而金龍竄廣東復熾公擊之陣列軍士忽目昏不能視遂退三戰皆然公知其有術觀賊營倚老鼠嶺五高峯作術必於此次日出戰公黎明時易服潛登山頂見道人懸木偶執盂水作法視木偶回旋顛倒則捧泥沙下擲印趨斬之遂擒金龍因前報金龍授首此反報爲金龍子烹帥奏其功賞戴花翎授廣東三江左營守備十六年出兵西口外凱旋赴京陞見授福山鎮都司十七年征暎咭喇調署增城營參將十九年署三江副將二十年制軍大閱以衰老致仕繳印劄舉室行越三日制軍聞公深得夷情遣追之以三江守備復任公力辭遂歸時年七十四矣公在任時每念少時同擊賊如桂涵羅思舉胡超諸公皆提督軍門所拔如張必祿亦開闢西蜀所荐如余步雲進位少保而已浮沉一官年逾七十長子興明遠在黔省四

五子俱幼羊城十三行洋夷潛蓄異志制府務爲包容脫有事西川萬里細弱者何能履故
土上先人壟墓耶輒淒然泣下故得請卽歸無少躊躇越二年暎夷猖獗數載始平則已大
費國計也公歸卜宅焉玉場側買田十餘畝布衣粒食嘗從鄉人飲言笑謔浪幾忘其爲官
年來貌益豐體益健所攜少妾歸生三子時公八十有五古人以八十生子爲奇公不更奇
耶公身材不逾中人面微赭經數十百戰僅受一石傷生平不染疾病海內之地足跡遍十
五省又歷打箭爐上下瞻堆大小金川前後藏諸邊徼出嘉峪關歷烏魯木齊喀什噶爾庫
車伊犁于闐巴里坤吐魯番葉爾羌等地蠻煙瘴雨眠沙飲雪備極辛苦而不言疲行年九
十容貌如五六十人日三飲兩餐教其子連長矛舞雙刀手足迅利健兒不能及其稟賦何
如也嘗言擊教匪時曾一酣戰時陳將軍屯八石坪傅將軍屯磨刀溪呂軍門屯龍泉營七
帥屯大昌縣東坡賊目徐天德冷天祿王三槐張長庚冉文籌亢四洪張把總率八萬人屯
大昌縣河壩謀次日分襲三營日哺七帥得信欲合三營攻之而相去各百餘里問誰能通
信者咸推公七帥爲三卮酒奉公封賞銀百兩以俟公卽行過賊營殺巡邏二人執其燈鑼
以去賊不疑四鼓抵龍泉營呂軍門飛報陳傅兩將軍天將曙公回營七帥授以銀拔營至

蓮花菴賊衆蔽山而來四帥齊集鎗礮聲震天地自已至酉屍填江數十里血膠黏手指濡染衣甲淋漓下滴足陷至膝仰視天日昏黃七帥傳令開一路放賊遁者三萬餘人江流百餘里皆血賊由此不振至今思之猶慄慄焉當其時不覺也 龍灘釣叟曰公居去吾家不遠歲時遭公每言我不讀書識字未受父母師長誨任性而行故終身成就僅如此嗟乎公之功建牙專闔宜也而終於守備毋亦雙虎之兆定於前莫能增益歟然與公同起諸公雖官極品今皆不在獨公優游林下樂享天年爲熙朝瑞造物者或以壽補其祿位與名也耶公壽一百零二歲原配任壽八十六續娶羅壽八十八

贊曰將相無種輜略無師公才天授動險出奇我讀公傳多喜鮮悲解印攜孥徒步言歸百戰餘生百齡長壽人之所抑天之所佑

王泰源邑東半河鄉人父光貴家貧早歿母程勤苦紡織撫之成立咸豐八年黔邊土匪梁三頭等作亂逼近邑境重慶鎮中營游擊方定中由獅溪口進剿泰源率團練隨營効力攻克乾洞子飛梯崖匪巢十年從剿髮匪李復猷解榮昌城圍十一年七月同治元年三月髮匪兩次逼邑城泰源偕衆解圍二年貴州白號賊犯邑東圓村壩雲南提督唐檄泰源以練勇五百保

護糧臺得力川督駱秉璋奏保把總歸標拔補四年本縣具文申送入重慶鎮中營効力六年帶勇剿三峽賊獲匪張大頭等記功川督檄委代防石濠汎八年奉差赴雲南滇督咨明川省留滇効用是年帶兵攻破十里鋪小扁頭等處賊巢叙功以守備儘先補用加都司銜賞帶花翎是年又克復尋甸威遠城池及昭通魚脊水營黑石壩等處賊巢叙功免補守備以都司儘先補用十一年帶果後營勇五百攻大小東溝復新興大關永善等縣左膝帶傷扼險疾戰克復叙功免補都司以游擊儘先補用加副將銜十二年攻克貴州興義府殲除新城老巢積匪肅清川滇邊界叙功著回本省遇游擊缺補用賞隸勇巴圖魯名號十三年回川隸督標中營候差光緒五年署會鹽營游擊十一年署會川營參將十三年署靖遠營游擊歷任皆以兩省界上滇匪夷匪糾結不靖督憲知其熟夷務特委剿辦所至旋告平復戰績昭著十一年省垣大旱丁督派往灌縣請水復命甘霖立沛尤見襄獎十四年丁母憂回籍協力經工修半河山路十六年起復仍到省聽差後數年以老病卒於省城官寓子家現扶柩歸葬泰源起鄉勇以弱冠後從軍馳逐三省邊界官以勞獲予營望見長身偉貌鬚髮皓然而精神矍鑠洵鳩闕之倫也在軍以誠信待人士卒樂爲用故所至有功子三長家現有傳孫澤培廩生

家現字銘臣武學生同治八年隨父赴雲南軍營投効十二年雲南督撫會保以儘先把總補用賞戴藍翎旋以克復興義府殲除新城老巢積匪內閣奉上諭著免補把總以千總儘先拔補加守備銜光緒元年滇督給資還川便道回籍省親七年歸本省督標中營候差十六年十一月委署永甯大壩汛入營後屢次回籍縣令皆委辦團練十五六年張令修半河路工程浩大父子皆預其勞詳請獎叙家現言貌恂恂被服儒素非復材官蹶張之倫丁父憂歸家後數年卒

王揚廷

王揚廷字棗園由武生入營從征甘肅葉爾羌及廣東軍務以功授把總拔補提標左營賞戴藍翎歷署白鹿隆昌南溪諸汛道光九年邑南路秦村溝教匪章少閑等糾衆作亂縣令張瑞瀚命揚廷率鄉練往一舉平之陞授梁萬營千總

康作霖

孫敷政

康作霖原籍江西泰和縣祖仁稱篤友義兄弟五人薄田各數畝仁稱以長兄弱不事事舉已分讓之身來川貿易二十餘年積產數千金定居南川觀音橋昆弟及姪自鄉來仍析產畀之

宗族則貸資使貿耗不能償悉焚其券贖其歸貿易所入衣食外悉以施貸不置田產子孫法之雖爲望族而不以富聞作霖字兩人清道光壬辰舉人能文工詩終身從事教授啓迪後進成就甚速及門寒賸而材者給以膏火加意培植必成乃已度量涵宏受惠者轉而相負仍厚待之如故掌邑隆化書院有爭產託爲關說者首賂百緡不應賂者疑嫌其薄增五十緡仍却之累增至二百緡嘆曰吾不去此志終不明乃歸家以避課餘喜尋鄉人田夫絮絮談農圃以舉人註冊候選教官部文至縣時方館於同年重慶李知府署未之知也知府詢及相與驚訝函縣清查乃爲書吏攔置叢紙中過期久矣吏大恐願納銀若干贖咎作霖笑曰吾素無宦情此亦命也奚以銀爲其襟懷澹定若此著愛晚山房詩集年久稿失所在子秉圭號笏堂歲貢能詩性亦剛介秉璧庠生秉圭子敷政有傳

敷政字衛卿別號紹斌紹其家學詞章淵雅品行修潔自舌耕贍家外毫無苟取少時以廩生應拔萃科文卷冠其耦舊例學使署遇是科雖文藝當選須進二百金規費乃填榜父秉圭不許曰吾家求科第以文不以賄也遂棄之以歲貢生終館渝城某家適軍界數長官亦假館焉朝夕晤聚訂蘭吳交勸納貲捐教官傅以軍功美缺可立致敷政謝曰吾寧以布衣捐公侯不

持手版謁憲臺也尤篤內行妻熊亦賢侍兩親及繼母繼祖母疾夫婦不離側因兼通岐黃術弟妻孀貧無倚迎還合居終老出已子繼之自中歲以奉親故設帳城內及主講育才書院後進奉爲山斗若二黃澤溥澤濃諸傅公選公勉公秩等皆所親授也邑宰重其德望常委以公事終無餘蓄晚年清靜寡欲妻亡不娶自號樂翁有詩稿二卷所撰記序詞賦抄錄者頗衆子華袞華冕皆庠生華冕字藻卿性沈靜穎悟通算學早卒

唐正常

子和驥

驥姪玉琳

唐正常好施濟修治路橋里中貧乏者贈以錢米見人業漁獵具延家勸戒給資令改業壽八十六卒子和驥以貢生任渠縣訓導次和駒負異才次和駮入邑庠次和駮總家政孫玉瓚以貢生選儀隴訓導玉書毓於庠玉藻以從征教匪立武功

和驥性誠篤貢生傳家孝友設帳二十餘年後官宕渠學博八十餘解組歸悉以束脩分潤族黨子玉瓚姪玉琳均明經

玉琳性好善道光辛丑大疫施藥石活人甚衆嘗爲人代償百餘金債無德色有以橫逆加者置弗校其人感悟爲善又有素非盜而偶挾其衣去者亟以告琳對衆掩蓋事遂寢事孀

母章得歡心母卒朝夕卽位哭奉飲食如生至倡建廟宇補修路橋尤多盛舉著有金剛經註解及勸戒私宰等書行世

羅斂眞 章巨璜

羅斂眞秉性嚴重孝友純篤教學四十餘年游其門者多成就後以歲貢選訓導辭不就嘗鐫石自號爲讀書人子尙志增生尙賓廩生

章巨璜恩貢生兄弟析居時盡以田產予兩弟舌耕自給仲弟歿無子盡以產歸季弟璜毫無所取載郡志

唐守一 子朝鈞

唐守一庠生樂行善事戚有負逋者代償千餘金凡橋梁道路多所培補年七十猶日誦陰騭文子朝鈞

朝鈞髫齡游泮性樸厚嘗患疽值父病危割股和藥進病立愈已疽亦平敦友愛睦鄉鄰嚴取與遇人有嫌疑必力爲排解

應均 章同

應 均號鶴尹先世江南人宦游入籍重然諾尚義氣貧不廢學字傲率更邑北迴瀾橋其手
筆也以詩受知於聶峇峰先生又工琴笛春秋佳節邀儔把盞作樂盡情賞玩有名士風年逾
四十卒

章 同字和齋邑庠生性瀟灑耽吟詠足不履塵市者近卅年居恆日手一編做劍南風韻著

有和齋詩稿未梓 先生與某江羅春堂孝廉多唱和見羅刻九峯草堂詩稿

許正榮 子廷俊

許正榮忠厚勤儉父性嚴先意承志得其歡心居母喪廬墓哭泣弟早逝遺一子撫如已出子
四父命析產為五堅不可仍二分而取一焉子廷俊

廷俊庠生性端方安樸素非公不履公庭教授生徒數十年不計脩脯寒畯多出其門歲戊辰
重游泮水壽八十

王文庠

王文庠邑南萬盛場人乾隆中兄文林因旱救稼挽水斃隣人庠憫兄乏嗣以身代遣成歸兄
割膏腴酬之弗受以餘分潤族黨子仕祿武庠孫勳勳曾孫元春如春均游庠食餼壽八十

九五世同堂

楊榮封 孫慶升

楊榮封字富三父星高以勤儉起家事親能得歡心撫幼弟成立析居時財產多以讓之教猶子如己出街隣觀感默爲之化榮封性剛介善屬文汪洋灑灑逼近古大家工詩善書尤喜裁成士類不隨流俗道光五年乙酉科中副榜咸豐二年壬子歿於錦城某友以詩輓之一聯云死有聲名傳口衆生無依傍立身孤蓋實錄也著宜春山房古文兵燹後散失孫慶升庠生慶升字可階純靜好學嫻詞賦及近體詩工小楷中歲卒

楊全翊

楊全翊邑增貢生明代知縣仕新之裔也世居城外劉黃村衣冠相承全翊以諸生優幹濟當清咸同間邑遭黔匪髮匪連年擾攘一而自辦防堵一面籌備糧米夫馬供應過境官軍全翊爲歷任知縣所倚王公臣福在任最久事最煩委之尤專一切巨款咸經其手無言不聽其卒也仍守父業田租數十斛外無餘財其子貸債而後克葬性剛嚴市井無賴姦宄橫暴之徒不敢見之涪陵韋葆初贈詩曰想見彥方格鄉里盜甘刑罰不令平知以癸亥年辦大有鄉糧臺

獎鹽提舉銜

袁藹如 章 燦

袁藹如號雲樵世居邑北羅秀壩清道光十九年己亥恩科舉人性篤厚家素貧昆季七人備極友愛課徒多所造就遇聰穎貧苦者倍加培植舉人章燦貢生陳俊等皆其弟子著有讀史一斑六卷詩集數卷

章 燦字蘭亭家貧力學專一教授年三十餘中清咸豐八年己未恩科舉人旋值寇警協力守城以勞保舉知縣發湖南候補不就辛未年大挑二等選西充縣訓導以善教爲士類所歸三次俸滿驗看推升夔州府教授又六載告歸年八十四邑中道咸間鄉試脫榜二十年自燦復中式以後文武科續中者九人皆先歿燦獨歸然遺老爲人恭謹長厚紳界推耆宿撰讀史膚見以因果說歷代興亡又賦本縣地理一篇便初學誦習與族人葆初同修宗譜二十四卷

劉盛芳

子果田 孫承祖 傳經
光緒

劉盛芳廣東嘉應州人以道光年間來南邑初爲勞傭白手起家購田租數百石迎父母至受養父歿送柩返葬往還數千里母病刲股救愈兩兄一弟咸自鄉來依以有家病歿復撫猶子

成立尤好慈善常捐金全人夫婦歲捐粟米棺木若干以濟貧困壽八十子孫驟盛衣頂充庭

清制品官紳士分別等級補冠以各色美石及金銅爲頂統稱頂戴一曰衣頂

子二長果田

果田字錫堂歲貢生篤學嗜古工書日與子姪宗族門人研究典籍丹黃文字課餘惟賦詩飲酒不談流俗事宗人藜光廩生宗琦皆出其門子承祖弟子光祖廩生子傳經庚午科副榜自盛芳設店南街號廣興館後雖別建居第息買業儒人咸以廣興館稱之當咸同光時廣興館劉氏爲邑士族之一

承祖字瑞菴尤邃於學鄉試屢薦不中博覽古近史事著慎獨山房詩集兼通音律卜算岐黃諸藝傳經性情恬靜行步不離規矩工篆書與修縣志早卒光祖小楷圓熟流麗爲邑人所重

劉開善

子鎮

劉開善邑東水江石庠生繼祖母病射侍湯藥數月衣不解帶浣濯污穢不假他人一生清苦自勵性嚴毅教人不許一毫惰慢訓勅二子尤刻苦過甚長子鎮歲貢生次子鈞道光十七年丁酉科舉人歷任青神黔江永寧訓導

鎮字伯方能古文及詩厄於科第有窮而愈工之概惜後嗣不振遺稿無存

劉爲楷

附子坤
豐

劉爲楷字雲墀邑西太平場歲貢生敦品誼務實行以道德學問爲鄉里師江巴南涪文士遊其門前後知名者殆數百人鄉人無問學與不學皆敬仰之常教學隣境豐盛場入市買物隨售者索價幾何卽如數給之場首知其受欺使人鳴鑼曉衆曰凡劉先生買物有敢虛價者罰再倍邑令彭履田延主署中講席六年毫無私干將逝前一夕夢成七絕一首自知數盡在館別生徒歸囑後事無疾而終壽六十二著龍泉時務各集子坤增生晉豐皆附生學問優長品行亦純厚

豐字蔭棠有擬桃源行七言一首載藝文其餘撰著無一存者

劉惠欽

子宗琦

劉惠欽字漢章其遠系亦自廣東來先於崑芳盛芳惠欽母王氏守節且有賢行載入列女惠欽由俊秀捐湖北府經歷老成端介歷管邑中公務承辦諸公益慈善如創賓興義卷修文武廟文昌宮城外橋梁道路勞績甚衆子宗琦

宗琦字琢齋與承祖父子兄弟互相砥礪游庠食餼以能文著子耿光庠生通訓誥學工詩能世父業

唐 銳 劉藜光

唐 銳字退菴，髫年入泮，工時藝，嫻詞章。歲科試學使按臨，十餘次常列第一。世居城西五里乾溪漕，卽家授徒，每歲百餘人同光。間凡應童子試者，雖文藝已通，必遊先生門，乃得售捷。鄉榜者皆其弟子。銳獨以明經老著，彝歡堂堂名道光時邑令觀成書贈時藝梓及試帖若干卷子瀛附貢生孫廣

棣庠生

劉藜光字曉堂，退菴沒後，以文望爲多士師，聲名亞之。邑人稱退菴者曰乾溪漕先生，稱藜光者曰南華宮先生，不舉姓字而知也。先世來自廣東嘉應州平遠縣，父崑芳少喪母，事父鳳祥以孝聞。藜光家貧，力學殫精，時藝年五十，貢成均。光緒紀元，舉孝廉方正，卽於是年恩科鄉試中式。歷年掌邑隆化書院，家居城內南華宮兩處，戶屢常滿。天性長厚，不斥人短，不識世務，機變邑人敬而愛之。常述其迂訥狀，以爲笑樂。然性孝友，父病躬澣，中裙臭穢，伯兄中年沒，其子亦早夭，嫂與姪婦姪孫咸倚以舉火。有姪孫曰炳元，割產畀之，廉介淡泊，教育終身，置產僅給衣食。前後邑宰咸以鄉先生禮之。長子炳文生。

傳 銳 孫公溥

邑南萬盛場傅氏自明景泰時來邑奠居文武縉紳四百餘年相承不替惟年代悠遠典型滅沒舊志載人物自銳懿始銳字果臣邑增生剛直嚴毅砥礪廉隅雖小事不可屈撓家居言笑動作無一毫苟教授門人刻厲子弟務敦實行宗族鄉黨市肆稍涉邪僻者咸畏避敬服之壽八十二弟燦禹俱歲貢懿文生子丞書姪丞端文生一門以縉素爲專業母訓尤切禹輩已遊庠食餼有過立命跪地受杖且責曰汝僅一衿卽放佚至此設更有勢驕蹤當何如待鄉里甚惠歲餘穀減價以貸佃農惟不許轉糶漁利丞書子公溥有傳

公溥字子明天姿高邁自負才氣行止言論跌宕不羈行文氣格高曠尤以七律詩及聯語擅長飄脫瀏亮有咳唾隨風生珠玉之致性揮霍喜交諸市俠擲金若土辛亥革命聚數百人鄉里隱畏苦之蜀軍政府調往編制以故繫獄引東坡夢繞雲山心似鹿魂飛湯火命如雞之句自謂尙不至是和紅樓夢菊花詩十二首工雅不減原作變感憤爲瀟灑自序云清興悠然忘在囹圄非真曠達不能也遇事敢言輕財利頗近古之狂者民國十年病卒

傅懿

子承志 孫公迪 公秩

懿字秉堂誠篤敦孝友睦宗族貧不廢學或竟日不舉火講誦宴如尤輕財利常以煤售商人

值五十金

常語以一兩銀爲一金或錢數千貫亦渾言數千金

定質時煤屯河干囑商早覓舟裝運防春漲商諾而不果已而被

大水捲去商悔欲索值懿卽如數還之後懿沒商臨奠知其貧甚感動將金送還妻子仍固辭不受又有同硯友因博荷校懿朝夕親饋飲食令聞重其義爲釋之子六人承憲大其業

承憲字垣西貌魁偉談辯宏暢爲文用力堅苦樹義高卓而加以錘鍊同治甲子舉於鄉又十年成進士部選山東知縣候補丁內艱歸服闋部文起復以老病遂不克仕少年喪父家酷貧母及弟五人女兄弟二人倚以衣食又不屑作寒士齷齪態故頗不修小節而天性肫摯力培根本吏才優敏候補時撫軍委審積案及巡緝之務俱以能著積財購產與諸弟均之女兄弟既嫁老而失依迎歸終養厚葬盡哀其後嗣發祥人咸以爲孝友之報至今舉以相勸子六長房孫鴻勳鴻烈俱庠生鴻達出繼六房見任邑警佐第三子公選縣試案首第四子公迪字少垣廩貢生選蓬溪縣教諭第五子公秩字聚垣光緒癸巳恩科舉人捐南知縣均未赴卒迪秩尤友愛與諸兄弟分異復合鬻動止必偕寢食同處公選夫婦早沒遺二子尙幼撫如已出所居曰怡慶園取論語兄弟怡怡之義云姪孫鴻攀字桂林學古文及詩俱有名家胎息未三十卒

徐作式 子號 詰

徐作式邑西興隆場人歲貢生族人有因口角失諧數年者式多方勸導敦睦如初與人閒談必舉先賢箴銘反覆講說所化導者不少又多刊陰隲文勸人子孫皆游庠食餼子號及詰有傳

號作式子性和厚與弟詰友愛甚篤詰早卒撫其子女如已出生平非考試不入城不見官長取與一毫不苟日作書數千皆端楷有法教授生徒以實行爲重年八十餘卒

詰性敏捷韶年與兄號同年游泮旋食餼以詩賦受知於聶蓉峰郭蘭石兩先生梓入蜀川試牘課生徒篤友愛兄若弟唱和一庭無他營焉

徐熙績 子大昌 附吳炳奎

徐熙績字福田邑西觀音橋歲貢生九歲母病瘁日夜侍牀蓐三年母沒乃出就傅既長教學清苦自勵常啜菜羹或不舉火而樂賑三族之貧某歲晚放館歸有錢五貫藉以度年路過族人人家其貧尤甚且負債不能出戶遂盡數畀之空手而歸父喪不用僧道懺悔超度人詰之曰吾親有何罪孽人子敢誣之哉尤喜培植士類及門可造衣食教誨如不及長子大昌有傳次

大猷增生大鳴附生

大昌字筱蕃年十六入泮十九中同治丁卯科四川鄉試第五名試題爲雖小道必有可觀者焉全章文首有人能從道出見藝不能從藝入達道二語考官驚爲老手及謁見乃賈生終童之列益器異之文氣雄傑構思落筆輒超凡境其奇崛變怪由鍛鍊中出蛻餘龍門昌黎邑中能古文者舊推周伯寅以簡峭勝至沈博瑰璋大昌爲尤詩才稱之枯桐行碧桃曲等篇興會淋漓一唱三嘆工力不讓長恨琵琶諸作會試兩次入彀以他事見遺題郡城江南館聯云孤雁南飛把此地當六朝金粉大江東去問何人是千古英雄遠近傳誦然頗留意聲色四十後以大挑授平武訓導兼長匡山書院地荒僻少文士益不得意題太白祠聯云可憐頭白未歸但見長江流皓月借問我來何事欲攜奇句叩青天感慨衰颯未幾假歸病卒身材短小而眉目秀發靈心四映構尹子祠爲官紳燕集之所城內浴覺池則其消夏讀書地純用意匠花柳亭池點綴無多饒有雅致邑宰黃鶴樵張海槎親近文雅皆重其才黃創辦學田張培修孔廟按禮圖製器選諸生習儀皆大昌贊佐之所作駢散文草稿散佚今搜得十餘篇女壻巴縣梅際郁刻其詩於武昌爲上下卷所得僅十之四五鄉人與大昌以詩唱和者章登嶧外有水深

吳炳奎

吳炳奎字萃軒邑西水深監生家居耽吟咏有詩二百首手自錄稿間經大昌評隲謂其詩有真趣必傳又贈聯云何地不相逢無限少年非我伴努力各自愛近來詩客似君稀少時髮匪入境被擄至江津逃還其時邑令王公辦團堵匪炳奎皆親見之故所諷刺爲得其實又稿中自言偶得二斷句云沽酒客從丁巷入賣花人待午時歸語頗儻逸乃赴省過簡州見市中春聯字字相同爲之茫然蓋沽酒賣花韻事之常丁巷午時巧對之常固應有不謀而合者

劉先晉 子明昭

劉光晉字鳳廷世居西路神童壩先代閩內以苦節顯多文學士先晉早歲食餼兄弟五人枵產無幾晉悉以讓其伯兄倚舌耕自給獨力養母廿餘年教人最重品行言動衣冠稍逾檢誦責切峻能改則悅滋甚身不離庠序鄉曲服其直有爭多往就正教學有名束修餘潤悉用買書郵貧不置田產日經史爲蓄翰墨爲耜吾家素風也晚貢太學當得教職有戚屬居要津欲援使卽補自度性伉不能諾時宦謝弗往掌邑育才書院數歲城中人士非問字請益罕識其面者著鳳竹軒詩四卷經誼四卷諸子皆所親教兼習訓詁聲律不顯顯時藝故學有根柢次

子明旭字旦卿光緒乙酉科拔貢三子明昶廩生少子明昭丁酉科拔貢有傳

民國十五年春麟書就邑續志之聘以書告劉君德宣於渝城有所諮詢并索其手著君始辭而終許復曰吾初研許鄭書未有所闡發二次入京值國政改紀易習申韓應時趨借疊遭險巇驚擾奔播未究其奧其他駢散聲律隨俗塗抹尤不足道稍沾沾自喜者數紙將檢校以付

次年二月訊至云已繕寫經解壽序呈文家傳闢謬凡八篇雜詩十二首又自述生平經過撰

長律八章且將於初夏還縣一度及三月末而凶耗至若預知其大覺將及者君名明昭字德

宣幼承父訓十六歲補弟子員學使按試屢以經學冠十五州縣兩調省城尊經書院高才生

時黔中黎莚齋觀察川東延經師江淑海主講東川書院君聞江之學舍峇就渝沅瀘訴合由

是深入詰經之室名益謀試益無敵丁酉科中拔萃與兄明旭同十二年相繼旋丁艱歸里以所學授弟子鄉

試弟子中式而君憤光宣之交廢考試辦學堂君初主講席旋任視學熱心創始遇事勇行開

辦時卽綱舉目張後來者垂手享成皆其力也時署令汪承第尤銳於興事諸君言是聽籌款太銳以此招忌署令浙人

孫守正甫抵任入讒將興大獄陷之雖事體莫須有而清廷官威不可狃乃逃省城以避時省

選諮議員君已當選守正誣以罪申文總督除其名出牒逮捕君益困憤極北走京師會廷試

貢舉君考列一等授七品小京官陸軍部行走旋改度支部升主事閒曹無事入法政大學聽

講君穎悟過人每研一舉即能深入

值革命攜眷返蜀初至夔繼抵渝皆爲官紳所留充教習作律師參戎幕任法

官就案牘一身常兼數事任巴縣案牘長時美教士以房屋因事受損向川政府索償大府委之巴縣令君據律駁上大府不能強美商平民墳作居址君贊巴令縛其工頭商訴於其領事領事電其駐京公使公使照會外交部檄下強迫釋放君援前清時與德國交涉特別條約呈部力爭英使無辭乃止君學不執一途晚年思想趨新於二次國民革命尤極端鼓吹惜不及覩其成抄回呈文及感懷詩錄後

呈爲礙難遵辦呈請核示事案奉鈞署第一八六八號訓令除原文有案邀免冗叙外後開令仰該知事遵照就地籌款如數送由美領事轉給美教士完案等因奉此知事本應遵辦無如知事到任未久既無閑款可撥而所領公費因紙幣價格低落開支尙形不足無由挹注不得已轉飭地方公款收支所紳董籌墊旋據該所呈稱近年因戰事發生匪勢猖獗收款頓形縮短而地方各機關額支之款又不能懸欠以致羅掘俱窮債台高築此項賠款實無法可以籌墊且美教士房屋因戰事受損與地方無干此款當然由國家負擔地方實不

應負此義務等語知事查該所無款可墊本屬實在情形而所持理由亦不能斥爲牽強伏查交涉署呈文謂賠償名義不甚相符未便由正款開支數語似不免出於誤會蓋賠償者賠償損害也依民事法上損害賠償之法例凡私人對於私人國家對於國家國家對於私人無論因何事故加相手方以損害均應負賠償責任其負擔賠償義務者爲債務人享受賠償權利者爲債權人乃一種平等關係並非負賠償人對於受賠償人有所屈服也此種賠償與國際間戰敗求和賠償兵費不同去歲戰事本於國內戰爭故凡因戰事損害他人權利而請求賠償者當然以國家爲義務主體固不必問請求者之爲國外人本國人也交涉署因請求者爲外國人遂議以賠償名義不符若果不符卽應嚴辭拒絕何又令知事籌款送給而爲此勉強調停之舉豈知事籌給之款卽非賠償乎抑以知事職微雖賠償亦無損國體乎反覆尋思實不知其意旨所在現在法令嚴密地方官權力有限除依法處人罰金外別無籌款之方法既係依法所得罰款卽應報解亦不能由知事無論何事任便開支若由交涉署所議籌款送給既不認爲賠償則知事報解罰款時究用何種名義開除此款且近年因戰因匪外國人受損者不知凡幾若一開地方官賠償之端各外國人援案而至

知事豈不窮於應付再四思維惟有仰懇鈞署飭下交涉署仍以國家負擔此款為正當辦法若必飭地方負擔亦應另令指明免使地方紳董有所藉口所有礙難遵辦緣由是否有當理合具文呈請鈞署俯賜察核令遵謹呈四川省長公署

感懷 未成一事已華顛羞把金樽對綺筵鴻雪有痕尋舊夢蟲沙無限感頻年羊頭共嘆

功名賤馬齒忽驚歲月遷伏莽紛紛何日定世情冰炭最堪憐 舊遊如夢復如煙棖觸前

塵百感牽生號高才楠梓選科歲試調經右場前列入會經書院 肄業者號高才生余曾兩次被調 科登拔萃茹茅連丁酉拔場 余獲中選 說經屢折

充宗角盟吳二學使試重學十五 肄業諸生多年長於余 愛士羣扶孝綽肩川東道黎後二觀察及院長江淑海先生月課余屢列第一均蒙獎賜逾恆 座擁皋比年未壯及

門強半齒居先余廿七歲主講專經書院 肄業諸生多年長於余 泮水重游佳話傳可能接踵繼前賢余游泮時適茶江吳梓春先生重游泮水學使高公獎給梓春花紅

以余年最少并 給花紅以配之 葭葦托誼叨重蔭蘭月入懷慶再圓余斷絃續娶適為梓春先生之胞姪孫女 里選公評操月旦清未創辦泮議局覆選時

郡人票選 余為議員 庭趨遺訓凜冰淵簞瓢陋巷樂吾道時晝殘灰理舊編 鴻臚金殿已停宣無復覓

裳詠衆仙凌漢未酬鴻鵠志分曹聊序鷺鳩聯科舉停後改殿試為廷試余以廷試一等授京職籤分陸軍部旋改度支部 談詩讀律閒中事

余初分部行走無事可辦惟 與朋輩論詩並入法校聽講 醉月評花夢裏緣一旦滄桑驚世變升沈那復問蒼天余甫轉陸主事即遭國變 輕舟

一舸返林泉無稅仍憑說作田余棄官同籍過夔府變入留聘為聯中師範法政各校教員餘年因款細辭而回渝仍任商中江中聯中等校教務 末路英雄聊復爾冬

烘頭腦笑依然中原逐鹿羣攘鼎五夜聞雞執着鞭却歎爭心猶未泯手談時鬪竹林邊

佐治軍民愧備員好憑國法護人權自丙辰至癸亥余歷任鎮署及江防司令部軍法長江巴兩縣案牘長等職約章抗議規樞府美商馬加里平填作址余主張

捕禁其工頭二人美領事據約請釋未允並達其國公使向外交部抗議外部亦電飭巴署手續未合余援商請與德國交涉特別條約呈部力爭外部據以答覆美公使使無法強辯美商始屈服園法因時變貨棧庚申余兼任銅元局

總務科長其時該局僅鑄當二十常五十兩種銅元民尚稱便粗靖荏苒安水上壬戌余兼任江防稽查處長即管水上警察事務敢誇桃李滿門前余入軍政界數年仍兼任聯中商中各校教員

嘗來世味都如此作繭何堪再縛纏脫却樊籠百事捐歡場一散似飛煙離羣心緒悲萍

梗顧問頭銜溷市塵余辭軍政學各界事後旋受大中銀行董事與公司及官礦店等處法律顧問之聘保赤何時集白蠟憐才竊願墮青蘊余擬捐資倡辦

本縣孤兒院及勸學貸金社二事非憑慈善博虛譽互助聊思春滴涓無事深山隱睡眠法律顧問一職本無事可辦不過對外交涉時與之主張法律

上利益而已白頭郎著笑馮顛芳尋梅嶺雪封徑暑追蓮塘月滿船花塢春嬉晴放燕荷亭秋稷晚

聞蟬及時行樂身逾健何用臨流歡逝川

曹大倫孫積宏 曾孫政善 玄孫因培

北路鳴玉鄉曹氏著於明季貴州銅仁府總兵官雲鵬從劉將軍縱征播其功不可詳遺佩刀

一口裔孫世寶之長二尺寬二寸厚分許久磨不銹久藏不鏽色黑如漆飽兆晴雨大倫雲鵬曾孫也性端直好施予乾隆間歲旱出米

濟貧施棺木大兵剿金川代族人償軍米又代輸糧五年焚債八百餘金子國琳字南軒增生

早卒妻薛氏有賢行見列女國琳第三子積宏

積宏性敦厚簡易幼失怙母病危割股和藥救愈兄積鏗卒遺二子擇善主善宏撫之擇年二十歿復撫其子文騏成立季弟積鉞二男二女俱幼悉宏撫視經紀以一身全三家後一子四孫俱入邑庠宏壽八十一妻瞿八十四夫婦龐眉子孫蕃衍人皆以為孝慈之慶子三長政善有傳中子聞善母瞿病劇亦割股以療季子端善積學不售為人古質渾厚家居教授不索束脩事親從兄克盡孝恭聞善子文杓標音庠生孫紹參能文小試冠軍病卒端善長子文棟歲貢生少子滋森庠生

政善字異三號牧齋邑增生與兩弟同居數十年不較財物白首訢訢以老成公直為鄉里倚重咸豐辛酉壬戌髮匪兩次入境牧齋帶團練守本地要塞標音數與寇接竭力防護危而復全後管津捐局不私一錢閱某年歲秒結算差錢十五貫立飭司事檢查至半夜繞室徹徹不寐卒得毛錢於櫃如所差數乃喜而寐善大楷草書遠近奉紙乞應給

不暇不以能文名然觀所撰陳永揚傳固老斲輪也子三長文昭五品軍功次文偉監生季文純有傳

文純一名因培字作孚平生用力於詩琢句選字沈摯刻苦或累月乃定久復更易獨唱寡和

廷咸字應侯文詞淵懿性情恬靜寬和之德溢於言貌沒後里人崇信乩筆有傳其爲城隍者
雖誕謾不足信亦由生平操履端正動人欽仰故從而附會之

陳先培 子大齡

陳先培南路陳家場人咸豐十一年辛酉科拔貢草楷書俱高出常格邑人珍之常作幕客遊
於外以赴京墜車傷足中歲卒子大齡

大齡字與三初生失恃三歲失怙貧無立錫內育於祖母外倚叔父先鑑先鑑亦貧訓蒙以活
稍長發憤嚮學齋粥不飽竟能自立文章刻入矯健試輒冠羣祖母晚而病痺左右扶掖剖股
和藥克保天年祖孫相倚同符令伯事叔父如父敬養兼隆定省稟承視聽唯謹人咸謂其篤
於報本先鑑無子卽兼承兩宗

王占元

王占元字亨衢北路鳴玉鄉侯家壩武生魁梧絕倫聲如洪鐘壽八十四辦團五十餘年清廉
正直嚴毅之色剛侃之言使人自不敢以私干族人病瘡至傳其往視以辟鬼咸豐中年帶團
勇從官軍打乾洞子旣破匪巢得錢數千貫米二十餘斛以錢賞兵以米散賑無纖芥私鄉中

平瀾靖安正陽諸橋皆巨工占元等數人實肩之募款督工不舍晝夜髮匪第二次自涪陵入境戈鋌徧地鳴玉鄉當其衝僉丁築寨保護團結盡瘁歷年故鄉人至今談及諸老輩猶凜凜生敬焉猶子春芳精醫品行高潔爲人診脈遇貧不取遇富不求有貞士操

陳永恩

陳永恩邑北鳴玉鄉八仙橋人以熱心公益善修橋爲衆推服涪陵文生羅宿作傳

公名永恩姓陳氏南川石牛河人也父元庠生七子公行六家居以孝友聞廉正敏幹能任大事無所試其能乃獨見於橋工少孤事母朱氏嘗剖股愈母疾友愛最篤諸兄弟不相能者公感以至情一室藹然嘗從伯兄永福修靖安平瀾兩橋衆服其諳練而公實不習匠事詢其故廼言嘗見造冥房者按其準度自此屢經大工毫無遺算若有神契真奇人也合口河修正陽橋公爲倡始度支細甚公走募出奇計得萬餘金濟之七年橋成是年涪邑蘭市鎮修龍門橋糜萬餘金基未就衆難之聞公修正陽橋方成聘公主其事公度地改基費數百金基大定前工衝之欲阻公謂公所造架木非火之不出公堅持其說時至而架木自退衆始驚以爲神財力中匱籌款無所出人情洵洵公一日集衆議事慷慨大言力陳先墊後

償之法反覆其利害曰如是則成不如是則敗吾於正陽橋嘗以是倡其始今當濟急時宜以是策其終衆爲感悟踴躍激勸公走募暨所裁冗費亦不下萬金歷九載橋卒以成當是時公名震川東自觀察彭公郡太守恆公東川主講徐公以下皆雅重公尊而不名公屢謁計事成樂爲提倡濟以重金四出遠募素耳公名者亦罔弗傾囊樂助兩橋之王齟齬艱險爲已棘矣非公任事不辭勞急公不計利詎有成與厥後江北東陽橋三峽小米溪橋里中石龍雙善等龍多荷公成而正陽龍門工最著橋成墊金者或取償獲餘息公於正陽橋首質產墊三百金龍門橋濟急時亦墊百餘金胥棄不取蘭市當事者壽公二百金復堅辭不受人以此愈服公而精誠所致至今猶有播爲奇談者正陽橋之未成也河流暴漲水聲搏石如電摧搖架木衆皆瞠目失色不知所爲公焚香祝畢取衣冠投水中水勢益急公廼聳身立橋頭見者大駭喧嘩阻之公大言曰此橋之費以數萬計垂成而敗萬難復成吾力竭矣誓以此身與橋俱碎獨跪橋中長號呼天歷時而水退客告余曰君聞龍門之說乎龍門橋濱連大江基苦不固公改建奠基時或有以物託人遺公者期公翼曰會某所公及期往跡之無人心疑焉發眎則紅綾裹一盤面嵌五珠內一珠獨大紅綠色中分處界以白縷黃

金嵌之品整潔日睹盤背有永鎮龍門字公大驚曰此神物也留鎮橋基龍門橋以此得名
異矣哉余嘗聞人談公軼事公卒又見曹作孚茂才所作傳略得其始末迺探掇而爲之傳
羅宿曰余觀古今成敗之際每苦任事無人幸而有也或不能不以利敗此成事之所以難
矣使今之當顯路據要津者皆以利濟斯民爲事亦如公之不辭勞不計利天下事何不可
爲哉古之時嘗有以孝廉方正舉者矣公乃阨於科目不獲展其能而以橋工顯龍門橋成
州主溪公恩賜壽耆給公冠服與馬鄉里皆爲公榮余尤不能不爲公惜云

章紳卿

子才伯 才椿 椿從弟才泉 族係安邦

章紳卿字縉堂世居邑東園村墻爲地方領袖紳卿尤廉直有威道咸聞邑令魏崧酷暴紳卿
約束鄉人不許與訟雀鼠爭悉聽處理路無拾遺盜賊不敢宿境自咸豐四年以後黔邊匪徒

楊澤喜梁 三階等

繼起蠢動紳卿辦團練防堵及協助官軍進勦有功議叙同知銜十一年辛酉七月二

十五日髮匪賴汝洸自綦江入陷萬盛場二十七日長驅抵城先一日紳卿率鄉勇數百名自

辰至酉馳一百八十里來援倡議激衆我寡當乘其未定創之二十七日午執令旗誓衆開北

門出繞東門擊之互有殺傷後援

開將出豫讓沉官馬光裕率他隊爲後繼及鋒始交光裕閉門登陣作壁上觀陷之於死敗後公子及部曲憤怒欲擊光裕官紳勸止之王臣福記徐大昌傳皆不載蓋傳承遺傳謬言

之而不指其人蓋爲官場諱也

不出賊寨賊前合圍師潰紳卿匹馬雙鏑至五顯廟隘巷十餘賊攢矛刺之猶揮鏑

斷數矛乃踣賊本無心攻悉見抗戰有人遂解去

賊初至紫隆化書院前鋒乘馬至南門橋一戰斃之銳氣頓挫

事後贈奉直大夫世襲

雲騎尉入祀昭忠祠舉人徐大昌爲立傳仲子才柏叔子才椿有名

徐傳 公諱紳卿字縉堂邑之固村人祖芝芳公父振賢公公爲人貌姁姁然如孺言訥訥

然如愚至於臨大事瘖鳴咤叱不怵利害卒以是死咸豐初年邑令貪且橫往往破百姓家

公戒里中勿訟有爭輒剖其曲直皆獲成無至官者胥吏不入鄉圓村地接黔之正安桐梓

咸豐四年黔賊楊濟喜倡亂邑令許公廷祐檄公率鄉人防堵人樂爲用賊於是不敢入南

川界事聞議叙同知銜粵賊蹂躪皖粵楚浙間數年蜀人以去賊遠近者李藍短辮么麼旋

起旋仆無足慮咸豐十一年五月僞翼王石達開衆數十萬已由楚入黔固耽耽焉視蜀矣

七月丁未賊悉衆趣蜀踰綦江由青羊石馳南川南川令王公臣福謂衆曰縣小不足以制

直趨重慶則重慶危矣重慶財賦之區危重慶是危全蜀也蓋及其未至防之於是檄集團

練與邑優貢生唐洵拔貢生鄧卓南防於邑南八十里之萬盛場王公性仁厚喜談經濟用

兵費非所長萬盛場者地卑狹營先失利團勇無紀律七月辛亥賊晨掩至倉卒接戰敗且

走唐洵鄧卓南皆戰死場中積尸累萬王公奔入城時修城事未竣東南隅缺處十數丈高尺許可翹足上城中勇不過三百守禦無具賊去城僅數十里且卽至城中大恐縋老幼婦女出走留壯者守門腰皆束索布以待俟賊至利縋走終夜聲洶洶如沸王公門子夜走圍村五鼓抵公家促入援公聞警率團勇數百疾馳百八十里次日晡入城見王公曰事危急矣紳卿請先至城上備守禦事公宜繼出安百姓俾無恐於是公登城指麾以木桶實土石寒缺處支大礮要害集衆守陴列炬薄號踰時畢舉城中人素習公威望皆大喜不出走初公之入城也城中人不滿千城上箭垛凡千二百有奇承平久人不習戰聞賊至心膽俱裂倉無積粟市無餘錢公曉以大義衆始固因慮賊或相持久知虛實城且不保不如先擊之以奪其氣癸丑賊大至僞前鋒持旗躍馬大呼直上南城橋城上發大礮擊之立斃賊氣阻稍退二里許公密傳令所率勇分爲三潛出戒城上勿譁公出賊方食急揮勇前掩賊賊弗覺也城上忽發聲震天地賊驚棄食出皆奔上城東山公大呼殺賊而獨追數十賊於田間賊易公返鬪一賊引矛直刺公公手兩鐵鞭左壓賊矛右擊賊破其腦後者引矛如之又至又出之有餘賊入郭外民舍聞城上聲驚出則見公一人與賊鬪疾自後刺公中背達腹

鞭斃一馬始踏時年六十有六所率勇皆鏖戰賊多傷自已至未始退索公不得皆大哭不欲生公之得人心如此而賊亦膽落不敢再薄城有去志乙卯賊退得公首於王氏園面如生公子才柏才椿俱材勇能從公敵愾以是年八月乙亥歸葬公於圓村歸之日官哭於署士哭於城民哭於野平時與公不相能者皆揮涕執引送者十餘里猶纍纍相屬也事定王公以其狀白於大府請旌得如例恤蔭雲騎尉入祀邑昭忠祠石賊初欲窺重慶以叢爾邑被創計大阻遂由南竄涪竄咸豐來鳳越一載復犯南川城中人益奮力與戰卒走賊論者謂是役也邑人効命輸忠蓋公有以倡之云

論曰國家養士有年軍興以來忠義之士類能効命疆場蹈白刃甘若飴焉男兒以馬革裹尸榮於老死牖下多矣雖然官守所在固不得而諉也若公者一鄉人耳而卒死死而城之人賴以生於虜公亦烈矣哉

才柏字甫山性篤孝侍母疾衣不解帶夫婦禱神割股出於至誠辛酉之役才椿從父才柏留鄉理地方防禦事痛父殉難喪葬畢益治團練軍備臻盛次年三月石達開躬率大隊至倚花墳山

東北門外

紫營晝則旌旗蔽日夜則火光燭天四路徧地皆賊不能援王令焦勞鬚髮皆白甫

山率衆來赴專防北門復星夜潛往正安州乞二千人驟至交鋒鏖戰半日頗得勝利賊徹圍

去癸亥甲子開貴州號匪

起於桐梓仁懷一帶黃號有白號

及他匪勾結由正安新州犯圓村壩大有場甫山與弟

才椿竭力扞衛積剿堵功保藍翎五品銜以縣丞歸部選用自侍母時已焦思成疾中歲卒無

子嗣才椿第三子杰能文尤工詞賦

才椿字壽山弱冠隨父兄奔命防堵保藍翎守備銜重慶鎮標千總歸標拔補未就光緒初軍

事寧息團練解散退而營商十三年正安土橋子民盛姓與南邑小河場民龐姓以婚媾起釁

姦民盛光華涂子香

結號涂

蕭國堂

開係深坑落海人與子香素素相交結常擁衆數百尋釁報仇肆行劫殺陳案自守抗拒兵差

助盛入南境捉搦燒殺抗

不赴案且聲言將劫小河場地保以除憾邑張令與正安李牧會界上仍負固張令還稟上憲

籌款招團丁三百人以壽山知兵委爲管帶操練數月後李牧計擒子香戮之國堂逃逸餘黨

解散鄉勇乃罷自二十三年後匪患漸作邑常設團防局招常練四五十名壽山管帶最久

邑人服其諳練公直監築普澤寺小城商邑令截留昭信股票退款買田租作團練經常費積

勞獎叙歷署梁山開縣南川及臨江市汎官圓村居邑極東風氣武悍鄉民畏服約保甚於縣

官自縉堂父子久辦團練整齊精悍敢戰効死邑境安靖後不復教練有警一呼丁壯持械頃

刻而集可致數千人遠近畏之聞川黔用兵時提督田興恕率隊宿圓村場軍士強取店中用器與火夫啓爭甫山謁之興恕爲斬三人乃已固由彼軍法之嚴亦素耳地方威名不敢侮也及光緒二十九年悍匪楊興發楊世玉等自正安界來犯時壽山已沒子熙任邑練總與弟煦集衆拒之匪三十餘人用快鎗鄉團千餘人持土器刀矛兼明火鎗相抵甫交匪連斃數人餘衆奔潰壯士章振武戴村壩人常練中最有膽勇者死焉自此聲威始替由戰術變更新勝舊也壽山長子熙襲雲騎尉世職補本省督標中營守備次子煦有才辯革命初任本邑副司令後數月戕於亂次杰次烈

章才臬字登山壽山堂弟以鄉勇從征武健冠羣老於行陣積功賞戴藍翎授都司銜守備補用

章安邦才椿族姪孫居圓村上壩當咸同間與紳卿父子分境辦團號知兵所部武技嫻熟聞其

時邑宰王臣福督率各路紳首竭力辦團練精者特號知方際聽官軍撤調出境防剿安邦輩與焉然其詳今不可得聞矣防堵本邑及調往榮昌擊賊黔邊打匪屢從征役保

六品銜辛酉之役以全城功加守備賞戴藍翎先君子猶及見之其人短小精悍於戰陣確有經驗惜奔命行聞事實無可訪

按邑境多故莫如咸豐同治時黃令提倡續志相距纔一二十年以成書太促於黔匪之侵

軼髮匪之去來及設防務局練知方隊勇丁若干費餉若干俱未特詳迄今六十餘載訪諸村翁野叟言之不能成章通曉事體之老成人百無一存援筆踟躕抱歎疎漏

唐 洵 唐正字

文際昌

附梁立棟

鄧卓南

附王秉紹
蔡明德

唐 洵字少泉道光二十年庚子科優貢候補訓導咸豐辛酉七月帶團練從邑令王臣福至萬盛場堵髮匪匪猝至被害王令上其事贈蔭如例邑人駱國恩立傳

公諱洵字少泉姓唐氏其先楚人遷蜀居南川乾溪漕以詩禮世其家公自少美丰儀性英敏勇於爲人見義必慷慨激昂不計利害其爲文汪洋浩瀚有奇傑氣年十八入邑庠歲科屢冠軍道光庚子以弟子員舉優進士出何一山學使寶麗泉制軍之門辛丑朝考報罷肄業國子監授教職連戰北闕皆荐而不售張道進太史慶石樵侍郎重其名聘主西席留京者五年歸應本省鄉試適將軍廉公制蜀延爲記室旋以省母歸里主講隆化書院育才鄉學又應張星使黃州牧曠明府諸君聘及己未恩科鄉試不報歸遂以母老不復遠遊時四郊多壘邑侯王公命辦團練咸豐辛酉七月粵逆石達開逼綦邑公隨王公率團堵勦屯於邑之萬盛場二十五日賊猝至公挺身督戰衆寡不敵遂遇害年五十有四行也邑人士

有以公儒生欲阻其行公慨然以身許國不肯爲苟安計以此見公之死固公之志也時公二子奉太孺人及孺人在城裏辦城防事聞耗大驚卽欲趨與俱死以賊旦夕撲城甚急不得出比賊退匍匐詣公死所覓其尸得之面色如生蓋去公之遇害已五日矣昇歸邑侯王公率同寅暨在事紳弁以及城廂軍民出郊迎奠莫不痛哭流涕事聞朝廷照例賜恤入祀忠義祠越十有二年甲戌復奉旨崇祀昭忠祠世襲雲騎尉公之爲國者勤而國之報公亦厚矣公配鮮氏長子燾次子燾皆茂才燾又以軍功保訓導兼襲世職旣奉公歸卽葬公於乾溪漕先人兆恩後學與令嗣交用敢誌其顛末又爲之贊以質於公曰公本儒生志在殺賊殺賊不成以死報國佛山之東碁水之上時有靈兮乘雲陟降崇祀昭忠左右神武俎豆馨香與之終古天恩深厚賜陰無疆爲公後者當念勿忘敬承先緒俾世澤之孔長

按咸豐辛酉之役王令及唐公皆不知兵王令以咸豐六年復任督各路保正練團總數不知若干是役調往防地者傳爲萬餘人賊入場而不知未一交鋒而盡潰當時場中人及近鄉恃有官及兵在未及奔避以致老弱男女悉遭屠戮所傷實大論者莫不歸咎於主兵之人固萬口莫能解也駱傳云挺身督戰鋪張失實在當時將以上聞請卹不得不爾至今重

修邑志時過境遷宜紀實以徵信近見邑人某有哀城南及遊昭忠祠詩并序伸章而緇唐
亟載之以見當日已有微言公論特抑而未著耳然不可以此菲唐也昇平年代士不知兵
民不習兵大難驟發責任及身胸無策略而說爲鎮靜固有赫赫然宰相督師伎倆亦止於
是者奚責下縣一峩冠哉况公特以鄉紳赴急難未居位食祿表忠之典固應從優

哀城南并序

咸豐十一年辛酉秋七月廿三日邑令王公臣福聞髮賊賴文光竄入綦境卽率團勇萬人
往堵於邑南百里萬盛場時邑管帶毛大章等屢請列營設伏作防賊計竟爲主兵者所尼
至廿五日晨初賊掩入場民罹禍者慘不可言而拔貢鄧卓南及主兵者亦死惟王公得脫
回城其門丁鄧煦亭潛往邑東百八十里元村壩求救卓紳卿卽率團勇數百護城廿七日
賊圍城紳卿身先士卒挫賊於花盤山力盡而死於賊賊亦膽落逸去今二十年來其事猶
歷歷在目 旌旗隊隊城南酒醉歌殘一夢酣大事盡爲儒者誤危時猶作老生談可憐
士志窮無補只恐民心死不甘地在蜀中稱絕險客來走馬怕停驂
遊昭忠祠 亂山低處一危城力保何曾計死生萬賊蜂屯圍易合一尸馬革裹來輕丈夫

但毗郊原學烈士兼貧後名偶立奎星樓上望當年夾巷驟交兵 問誰失火徧炎岡澤
及唐瓢姓字香富貴本自鑿筆陣英雄只合戰文場草檠戰骨含煙綠葵抱貞心向日黃昨
入昭忠祠裏望作人還是讀書強 稻花黃向早秋開爭禁蠻風瘴雨摧夜市惟聞雄鬼哭
戰場那見秀才回千鍾粟米成焦土萬卷詩書化劫灰伯道亦知烽火急一鄉人恃宰官來
唐正字字宗劉與洵同族恩貢生年六旬餘髮匪圍城正字自館歸途遇賊爲陳說國家大義
莊語責之曰爾輩胡應爲此賊怒唐亦怒大罵賊被害事聞贈卹如例祀忠義祠

文際昌字熾軒庠生工書髮逆至昌充保正奉王令委督團攻戰力竭被執支解死際昌胞兄
正奎正榮姪朝贊以一門相顧協力攻賊先後同死正榮死尤慘雇工王紹貴年六十餘宋文
綸年七十餘俱以木梃擊賊不勝死

梁立棟字卓齋邑庠生率團練拒賊力竭被害團丁周五福奮勇先登沒於陣立棟兄與參聞
棟陷陣揮戈起欲尋賊子孫泣阻叟至山林頃訛傳縣令王公被執如喪考妣躡踊痛哭遂自
經

鄧卓南字丹墀萬盛場人道光己酉科拔貢生王令至宿其家賊至督團丁拒柵門

王令乘間得役
負之自後逃逸

而與叔文瑛同死全家婦女被屠監生張光斌奉檄督團練堵剿力屈被害

王秉縉以團首從鄧文瑛用劈山擊賊與弟天發子同生及天發二子同殺一賊被執均死

蔡明德年六十餘罵賊子萬良負父次子萬賓少子萬春春妻弟蹇標同拒賊死

童榮斗子顯楫 孫葆生

童氏邑南德隆場首族榮斗富貲而慷慨有識清道光己丑秦村溝教匪煽亂榮斗身任地保一面呈報一面預防捐粟集鄉勇堵禦險要又遣人用犬豕血投亂黨水井中破其邪法平定

後郡守獎以額曰義俠勤公妻章亦賢見列女子顯楫開榮斗為子奉師尤致敬盡禮時時延至其家必具衣冠拜跪迎送

顯楫字舟臣歲貢生昆弟五人季弟顯業夫婦相繼逝遺半歲子興煥母章憐之使顯楫夫婦

鞠養成立婚娶且令畀以家財之半與顯楫子葆生均分顯楫無難色子葆生

葆生字友三早入邑庠母馮先卒朝夕侍父不離左右以故罕赴鄉試中歲遂貢成均以辦團

緝盜勞保獎六品頂戴光緒三十一年捐半溪溝田租六十小石錢六百貫合田價為二千貫命子應祥

聚祥辦兩等小學校名崇實以開風氣先於官立一年大憲奏獎樂善好施匾額給應祥五品銜為人老

成寬厚歷管本鄉團務邑中津捐三費等局佐縣令修路賑災俱能實心盡力邑中糧戶欠糧

或至數載摘業出售舊業須舊戶將所欠全數納清始許新戶照契分撥舊戶失業多狡置不

理新戶既不得撥有年將應納之數交與舊戶者適以供其私用而欠如故喫虧尤甚差役乘此專逼新戶藉索重賄

惟買戶先知賣戶糧未清將田價押扣若干以挾制之乃免此累又差役催糧無論通欠久鉅

以得私賄而止有等糧戶當以錢賂役而延久拖欠者官吏無如之何萬一久欠無着上解短額反攤入已完之戶代輸良情之民苦之葆生邀諸紳稟准許新戶照契撥納

已載入契之欠數仍該新戶代納始另撥餘欠仍責之舊戶至今稱便其他爲地方除弊正俗善舉頗衆次子應祥三子

聚祥均廩生宣統元年聚祥舉孝廉方正四子毓祥成都法政校卒業生少子錫祥北京派遣

遊美大學卒業生女家姻南京東南大學修業生重慶女師範教員有傳葆生恬靜好學兼通

醫卜詩無泛語

謝金鎔

小河壩謝氏以節母趙氏撫孤天富天貴起家二子亦醇謹奮發善體母訓力農致富事兄尤

盡禮起居出入雁序秩秩兄弟俱享高壽舊志載孝友自此子孫發達文武衣冠相繼於邑金

鎔字陶菴容狀魁偉材武不羣遇危難事尤饒膽略以武生援例授武功將軍志在軍旅值平

世無所用僅以辦團捍衛鄉里屏強盜護商旅人多惜之其長孫川陝邊防軍混成旅旅長陸

軍大學卒業生家駒前數年具其事跡諭於友朋資中沅魯山約爲行狀實傳也語無溢辭今

四川通志卷一百一十五

卽用其文惟作者地隔千里於往時謝氏家世及吾邑情形有未盡悉者今略著其微異求無失實狀謂謝氏自陶菴父子外先無顯者又以陶菴時邑中匪類四起劫掠橫行卽如今日而深谷守土吏之不能治皆不盡然按謝氏自趙孺人課子力耕起家以後卽爲邑世族天貴子殿魁增生孫瑛孫璜皆附生璜以捍匪功保舉授保寧府訓導璜子鴻鐸附貢生陶菴弟秉鈞文生毅侯武生冠帶滿一門其祖尤以能文善教著名爲鄉里學者所師至吾邑自清同治中年髮黔二匪平息後至光緒二十年以前內地實無盜賊猶記光緒十三年丁亥南嶺雁石台張姓被劫爲前後二十年僅見之事且其地卽近桐梓非腹內惟東南界外正桐二邑之邊荒遠曠悍土民習爲凶攘耕作之暇輒糾醜類持火鎗叉矛指往某地捉某人至則縛男子索賂刦豕犒勞盤踞數日乃驅耕牛負粟米歸巢均分被刦者亦俟間如法報復或兩家合糾多人競鬪如敵國然名曰鬪堡子習爲風氣雖死亡繫繫不復控訴州縣吏平日手無一兵非大震動不敢上請招募差役越境捕人非到彼縣投文不敢下手法例扞格故遇此等案發寧置不深究非故縱也光緒十三年張介爲土子盛光華一案至特稟上司請飭招丁全縣騷動卒無大功其難可見惟地方團練得力反足以制之陶菴所居十里外卽桐梓地故能以威勇鎮攝爲邊隅保障團丁聽調出力非縣令所能及遠方臨境過境必謁見求保護家駒後宰德陽其縣老賈探知係陶菴孫咸就詢

問此沅狀所未及者

狀曰 公諱陶菴字金銘先世爲楚人清中葉始遷蜀之南川凡數世皆業農無所知名迄公父始以軍功顯於邑公資稟勁特俊邁有力少好馳馬試劍爲人報不平事父患之責令讀書從邑孝廉王某學年餘素所志也乃棄而習武補武學弟子員命蹇屢困秋試不售益致精其藝遠近爭師之獲其必者莫不冠軍而公終不得達憤甚乃納粟授武功將軍蓋欲藉以効勞於國家也初公之習武也爲父所不善常厄其資以撓之公志堅不爲動乃兼營小商思得贏以自給又不屑效市僧逐十倍利操奇弗過持籌弗苟故市井樂與交易而所獲贏利益豐於是出其餘資以周恤窮乏蓋慷慨好義由其秉性然也繼充礦商漸理地方公務邑人欽其平正多能且有勇略共舉以爲團總邑境毗連黔邊大山緜亘時當洪楊亂後地方益形滋擾邑人苦之縣令弗能治公引以爲己任親率團丁擊捕不期月而告肅清自是匪徒怨公日圖報復嘗結數百人夜劫公家公率二子倉猝迎敵械鬪於門數小時會隣里集衆來援匪不得逞乃引去是役也斃匪數人傷數十人公父子均負重傷然匪徒由是服公英勇相戒勿犯邑境公亦整頓團務以備之終公之世數十年闔邑賴以又安稱頌

之聲至今不輟享年六十有一歲有孫名家駒者現任陸軍第十師團長頗能恢弘祖德以智勇廉名稱於時云

張鐘鳴

鐘鳴字九成東路水江鄉人所居曰白魚塘性嚴毅寡言笑不苟取與終身設教鄉里妻楊氏生男九人長娶室即使別居力耕量給食用而公其收入視巡督之不使積一錢私家規整肅雖勞力男女內外傭夫傭婦不許溷雜堂室內勿得咳嗽怒詈喧笑歌呼吸煙飲酒賓客亦敬憚之自斂筋子婦頰白有過犯召至家堂跪受朴責或竟日夜非得親屬緩頰保任改行不敢起初有田穀數十斛晚至數百斛皆獲之農業五世一堂親見孫三十人曾孫八十二人玄孫十餘人壽九十九妻楊八十八第四房孫羽儀與弟羽鳳同居友愛最篤年三十餘妻劉沒不再娶恐生間隙諸子姪亦衆悉聽約束有祖風

劉朝章弟朝禮

劉朝章字九皋弟朝禮後更名雲鶴字嘉會皆業儒朝禮以縣試案首入邑庠兄弟睦而好禮合饗數十年晚始分異猶同席而食跬步必叙長幼朝章訓蒙於家朝禮館外出告反面侍立

兄起迎命坐乃坐稍遠行必送至里許行者固止之猶依依絮語行立移時乃返晨夕朔望家堂焚香必具禮衣冠肅拜接鄉里故舊妯娌退讓無疾言遽色浪步終身若一

記者曰兄弟親愛天性也家庭尙質雖白首當如童穉時依戀出乎自然乃見天真如朝章兄弟人鮮不疑爲僞飾者卽令非僞亦失之拘雖然先王制禮所以爲民坊也觀戴記云以此坊民猶有薄於某某者故寧從其拘且煩勿流於簡與易君子履之行百步之遙小人企之得五十步猶足以維持潰敗若君子亦務從脫略衆人不堪問矣敬與和跡似相反而實相生擗踊非哀而必藉以導哀揖讓非和而必藉以導和不然平居相歡相得猶肆行慢侮一有嫌隙尙能顧大體而不閱牆攘臂哉故三代下士不好名尤患不好禮

嚴燦章 漢章

嚴燦章字華山邑南吐文壩人父子璜爲父朝書病號泣刲股和藥救愈舊志載孝友燦字篤孝亦如其父肄業東川書院爲徐琴舫太史高弟文詞浩瀚寢饋廿四史通鑑借制藝發揮上下馳騁沛乎若長江大河奔注滄海不能自止也太史亦期其必中竟潦倒不售以歲貢生終邑士能涉獵史事以快其文者章國華陳永貞唐寶坊輩皆其弟子

漢章字路雲燦章族兄也亦歲貢生文采不及燦章而終身教授蔬食布衣安貧樂道詩酒自娛對人坦率無飾和藹可掬年八十餘卒有高士風子孫悉以舌耕糊口守窮如故

唐成章

唐廷舉

子文樟

唐成章字達夫號岐山先世內外多壽考有至百歲以外者成章少好學數月不窺園清同光間邑貢生唐退菴門牆號多土工制藝成章爲首後亦專力教授至光緒中年文士轉盛於石溪鄉則又皆成章弟子也教人最重禮法品行家族尊長亦敬憚之每遭劇疾氣如絲啜泣調藥侍奉不脫冠帶者八日籲天願以身代母垂危復甦鄉里稱孝家臨龍川漁人嗜利盪舟結網損禾稼成章集衆創神農會立規約放生鄉人至今遵守沒時召諸門弟子囑後事言甚明達正襟而逝

唐廷舉一名啓蔚成章族父也沈靜好學五十餘歲猶赴童試屢前列而不售然毫無怨尤惟以讀家書訓子弟

五子皆能讀書

爲娛外溫內肫粹然儒者日與成章作詩贈答兼精岐黃堪輿卜卦推

命著唐氏宗譜四卷用皮紙手自楷錄敬謹編次仁孝敦睦之思油然而楮墨間前輩作事儉而有恆尤可敬可法子文樟

文樟字紹漢幼及諸弟受父訓長更學於成章父子均厄小試三十後始獲一衿爲人剛介沈毅能任重事清末就其鄉仁壽閣立兩等小學校請於縣不允力持之稟至三四乃許校內一切皆所經畫學潮鯁動辦者常起爭惟文樟能靖之革命潮起卽部勒諸弟子祕密預備十月初二會攻縣城先至入之然各鄉不逞之徒將乘此浮動急退整飭團練彈壓盜賊處事敢任不避危難而無私故人無齟之者維新之初石牛溪團務學務皆能自樹文樟之力

鄒宗泗

鄒宗泗字蒲田邑南陳家場庠生先世有陰德家產中下值本境饑饉盡所儲米及包穀爲食於家并割所畜豕招附近殍者至卽出飯與肉饗之人給一巨碗或疑焉用肉答曰久餓腸枯非潤以肥鮮食不安也宗泗少遊錦江書院歸卽家教學終身寬厚慈祥潔己守約人皆服其德教垣內甘梨熟鄉人或往竊宗泗見之溫語使下曰何必如是蹈危親折數枚送之以後每熟卽先徧饋隣近雇木工建屋甫立而頽木瓦俱碎工懼宗泗慰之曰勿傷汝不能償而吾屋不可已材料工資一概重給且不對人言曰恐彰其拙後無雇者絕其生路也舊宅燬於髮匪就焚餘陋巷讀書課徒其中數十年無憂戚色邑俗學徒從師東主會議束脩互相增加議定

宗泗視其貧者私減之仍代爲匿訓人不立崖岸道貌藹然與學生最相親善有困阨力爲調護如父兄之戚子弟革命後能振興地方團學諸務有名遠近者皆其弟子語及廉財徇義道德方面咸曰奉教得力於鄒先生

陳大械 周國田

隨大械邑南三匯場人所居在石鐘溪源地極幽靜有小桃源之稱其先家不裕而世爲儒父士熙庠生隱居教授自號鐘溪居士大械八歲而孤長兄渭川能文年二十四亦卒家益窘次兄大械欲試爲吏大械諫曰吾家世一經未葦死刀筆不可執也遂止未幾次兄復沒自老母兩寡嫂及諸猶子女纍纍恃械舌耕以奉妻王氏年三十沒不復娶以長兄子伯英爲嗣誨之曰行以孝弟爲本學以誠篤爲主不誠則駁不靜則粗何以入聖道藩咸豐末髮匪入其鄉械負母逃追及以刀砍之暈絕仆地賊謂已死棄之去半响復甦數寇又至攢矛刺其母械跪地哀曰母八十餘矣請殺我留母死不忘德賊首止其徒曰孝子也有天道殺之吾儕必不免反貽以衣屨使避母子皆獲免前數年械以事宿近鄉起鳳橋夜將半聞門外呼陳某胡不歸汝母病危矣械急起出問狀竟寂無人影械心終不安篝火立行未半里雷雨大作燭滅不辨咫尺

尺趁電光急奔二十餘里抵家通身淋漓母殊無恙次晨聞橋毀市肆漂沒居者宿者數百人胥爲魚矣子伯英號玉齋純儒言動造次不踰禮法接人恭遜無比孫永貞庠生詩文馳騁喜議論革命後挽髮作道人裝教學養母不入城市著樵餘啜談通論古今中外教術得失

周國田邑南德隆場人三歲失怙母章守節撫之年長授室痛父早亡三年獨宿外舍事母朝夕依依孺慕教學有名稍遠處來聘不就惟設帳於家以奉色養母抱宿疾一月數危國田衣不解帶以愚俗刳股毀親遺體非孝惟號泣籲天減己算益母果愈至七十八乃卒廬墓三年一生恬靜守約跬步不越於禮奉母命行諸慈善勸導鄉里詳懇不倦善左書大楷樸質蒼勁鄉里爭求題署光緒九年邑紳聯名舉孝清廷准予建坊如例

王奕慶

弟奕康 康子念侯

王奕慶北路石牛溪人品學純正踐履篤實仁厚愛人以盛德爲一鄉宗仰無親疎長幼咸呼王二公於本場提倡月課籌獎資盡心校閱批評改正歷久不倦數十里外文士皆來應之指授有法身不樂應試而鄉中庠士皆其弟子至今學風較盛他區先生宏獎之力也平生於商推文藝外卽日與弟香泉研究醫理數十里內貧人請診寒暑風雨徒步立至卽迎以肩輿亦

使昇空以從力卻診資年八十始不出踵其門則輒應診脈已確猶再三檢驗方書而復決壽八十五卒子獻廷諸生孫用賓清宣統元年己酉科拔貢籤分雲南州判未赴補旋值革命病卒弟奕康有傳

奕康字樹三奕慶季弟也王氏爲是鄉首族前輩多習弓馬應武試游庠者滿門累世業儒者亦彬彬奕康弱冠入武學處事優幹略而剛正廉介爲鄉里推服咸豐末奉縣令札辦本鄉團練先事布置練丁保寨守備完固石達開自涪州來北境首遭蹂躪頗多殺戮惟奕康團內丁口得全人尤德之游痞匪徒不敢見面保良懦禁賭博風俗歸正獨修王氏宗祠又修本場萬天宮培仁壽閣立高小學校置竹壩寺積穀濟饑荒常出私財粟卹宗族鄉里窮困公益善舉成就甚衆長子澤濃監生接辦團練經理學校祠堂能繼其父少子念侯亦武生辛亥革命由石溪鄉發起先與渝城通消息聯絡本邑各路及期古歷十月初二念侯爲本路首領調集千餘人霧雨泥濘昏夜啓行先扣北門入他軍午後或次日乃會孫純忠武生純全純厚純心純麗曾孫良驂良駮皆入高中法政商業各學校卒業

--	--	--	--	--	--	--	--	--	--	--	--

南川縣重修縣志卷十一之二

人物二

顏孔鑄 弟孔卓

顏孔鑄字紹鵬先世江北廳人其祖懷紳來邑居陳家場父宗齡以善醫起家定居吐文壩不積財而尚友愛好賓客遂為家法配陳氏生男九人俊朗多才門內肅雍宗齡卒陳氏持家法尤嚴諸婦雖世家女必輪執烹飪侍舅姑養諸子各執一業年長遠宦歸聽母教唯謹數十口至今同居孔鑄初以附貢生捐教職改光祿寺署正授鹽提舉分發雲南時清廷預備立憲各省政務紛繁新舊雜糅舊時候補循例辦差諸員眩暈罔知所措孔鑄精幹敏達大吏倚任差委如不及管監督課吏館及總辦官印局總辦緬雲釐稅積勞保升知州以直隸州用歷署麗江縣騰越廳代理永昌府熟民夷情事無掣肘輕財潔己在滇數年差缺無停委負債纍纍革命後四川省長胡景伊咨調回蜀任軍法科記名道尹民國二年五年本邑丁兩次政變前因楊熊反抗中央後因滇黔反對洪志黔反對洪志舊令先解印遁倉皇之際孔鑄適反里邑人推主縣篆安輯來軍彈壓暴動不震不懾人心乃定尤勇於治匪冒險出巡緝及拿獲立辦誅斬數十輩聽訟果決不用承審去任

無留牘令萬縣不_{以能楊}及一月_{變去職}蒞遂溪_言久俱有美聲邑人今往兩地者猶聞去思在滇事跡其姻戚邑人章浣雲知之詳其沒也爲之傳弟孔卓字和卿清季附生成都優級師範生升入北京全國優級師範通英文算術年少英敏方入政界早卒

章傳 言吏治於今日難矣然士不甘老牖下一行作吏卒能施於有政不姑息以爲寬不殘刻以爲嚴試一踪其事迹自爾超越齷齪步武循良吾於顏君紹鵬明府見其人矣君名孔鑄別字劭鵬系出曲阜復聖公之後先世由江北徙南遂家焉君弱冠由府試冠童軍游庠以附貢生候選教諭改授州同加鹽提舉銜分發雲南試用光緒三十一年錫清弼奉朝命督滇君適於是年夏五月稟到刺入錫一見異目識別先後由陳劉兩方伯於課吏館面試刑律兩擢第一卽委充該館學長繼以警察及官報總理緬雲總釐緬寧禁煙等局旋又經沈方伯委查迤西道釐金秦廉訪委清理永從縣積案訊結二百一十七件平反冤獄五案所至除苛解嬈剔弊去奸編氓異口稱頌一時大吏司道每政事商榷偶棖觸君譽不容口所得攷語如才優學裕任事實心舉一例餘以課最膺卓荐部覆文以同知直隸州補用錫交篆去接撫者爲李經羲疆臣中卓有聲者英姿颯爽辦事人員少當其意惟君以精敏

動之旋委署麗江縣事麗故酋蠻地諸葛武侯七擒孟獲之所壤接鶴劍寥狼屯雜不易馴服守土者視爲難缺君下車爬梳指瘠俯順荒遺嘗有種族相鬪或請以兵威之君不可微服往說曉以禍福蠻酋折服羅拜人以比單騎見虜風概聞者壯之雖在任敷澤不可得詳然解印時民不忍離其恩信素孚可想嗣委查點阿墩子兵額電調騰衝府司法尋署府長再調永昌府司法其破獲冤頑申理冤抑難以殫述雖敏於聽訟不以所長自矜嘗夜錄囚更闌未休或諫勞甚君曰一人在獄舉家之憂某生長閩閩稔知疾苦今幸備位州縣敢自逸幸民憂耶聞者敬服在滇九年會成武將軍胡文瀾惜楚材晉用牒調回川咨以時事故有萬縣之委不圖到任逾月熊陽變作方事之殷也熊部下營弁欲加害以百姓愛之不果曰民望也舍之得民仍界札俾視事不受乃聽其辭去百姓離筵絡繹不絕令人切循良欣慕旋又視事本邑值涂令竊逃公帑一空於軍薄城人情洵洵有守陴皆哭景象君相機擘畫鎮靜人心一面防範暴動一面募餉糾團內撫外交卒令黔師戢兵而入秋毫無犯主賓相悅後署蓬溪時則蒼龍隨車懲惡則豪棍斂跡政行民和噪起賢稱尤能識大體顧時局君之初受知於副將軍也委任軍法課員專司審判及川西下川南批牘先是有大猾俗

呼陳八千歲者振臂一嘯動聚千人嘗於省垣修髮鋪爲將軍部下掩執總統電令誅之刑有日矣君俯時度勢知殺之無益進說於將軍曰死囚陳某認員意在保之責其立功將軍昨曰總統明電君何談之容易君曰殺之而川南無事刑一人以安千萬人固矣萬一殺之而川南多事糜餉老師何以善後將軍默然久之曰君意若何曰就事實縷申到京權請裁決如總統以爲萬無可生則牢籠中物殺之未晚會總統回電語反褒嘉著如所請終胡任內川南無事人是以歸美於君君曰將軍之力百姓之福也某何力之有焉其不矜伐類此記者曰宋人云三代下士患不好名顏公最好名者其所至輒爲能吏爲良吏有政聲皆好名之一念致之名孰不好惟好名而務求可以得名凡快於人心協於公理者皆勇爲之以能濟時艱振吏治尙亦有利哉

楊福瓊 許廷陞

楊福瓊字彩峰邑北石溪鄉庠生幼嗜學深夜讀父促寢夜蓄火種俟舉家熟寐潛起復誦教學終身極嚴義利一介之辨清操凜然題前楹曰謹遵聖訓存三畏恪守家風凜四知鄉人屢舉充保正不可且誠諸弟及子曰寒士管公務近利則玷品行不汙則防生計斷不可爲也其

教子弟摘錄曲禮內則朱子小學中要語詳解而別課之撰孝典四卷探古代及清初孝弟故事爲四字韻語以朝代分卷先孝後弟先男後女旁行詳注其人及事始末俾初學解釋記誦可端蒙養兼充腹笥惜無力付梓平生不識鴉片味年五十病篤或言服此可道其母婉勸良久不得已從命固請母歸寢母去急令侍者撤去反席而沒卒未一破戒也

許廷陞字士伯邑北羅洞坪人游庠後未嘗入城履市著周易輯解二卷專說六十四卦其次

第先八卦次十月之卦復剝隨觀泰否大畜遯天姤次自師比至小畜履四十六卦每卦首說全卦名義次辨卦

主次說雜爻合六爻而辨其時位吉凶次本卦總論舉大義取前代程朱及諸講家之說而參以己意間或獨標

所見與述義折中之屬相近而不順文解詁多攻來註之謬又著辨善瑣言上下篇以導愚俗分辨何爲真善何爲僧道教徒簧鼓引誘愚夫愚婦迷惑崇信之善上篇先列五倫說明忠孝序別信之真誼次設或問十九條舉俚俗所謂善事之謬誤及天堂冥府因果報應之有無一辨之說雖淺近多見到透澈處文用語錄體

記者曰易理整空倚於陰陽變化以推人事吉凶虛渺無垠任人置喙許書程度高下及有無特解確識非知道者未易言之然邑中人士絕少專門著作先生品行純正一生清靜閉

門用力於斯辛苦不容沒也

賴松雲

韋庭

前南川縣知事貴州印江柳琅聲撰

賴松雲字馥堂邑西觀音橋庠生其父商於雲南開化開銀廠得財及他珍貴器玩纍纍載歸後訊其家人曰爾輩將財何用答以買田大怒曰吾勞苦居積運致爲資汝曹讀書作好事耳若作田舍翁吾何必營此遂停買歸究不甚充松雲襟懷瀟灑亦嘗教學設肆然不久輒倦棄去概不以境遇舒蹙屑意至子弟材否亦度外置之惟日賦詩賞花飲酒存稿約三百首爛熟子史而詩則輕逸多近體短章純道眼前人情景物月夜花朝松風日照繾綣流連無一懷古刺時言志悲慨叫囂之作洵達人也將老修生壙就整石鑿棺底漏七星眼遺命死後以黑漆木棺置石棺中上加石蓋外累大塚戲題一律云營成生壙草廬東溪水如環嶺臥虹輭柳低垂新帶雨老松高聳晝吟風魂歸蒿里芳名在手植梅花臭味同不望兒孫頻酌奠恐防醉倒夜臺中徐筱菴孝廉爲作生壙志亦曲盡其人之妙

徐誌

光緒甲申四月筍香主人以書來言曰今爲生壙於居之北山將以藏吾蛻焉後人之志我者我死且不得見卽見亦非我我慍惟夫子言乃真我及我在而志我我見焉何如

主人性豪邁少治文章有聲顧屢擯於有司年二十餘補博士弟子員以納粟例貢成均旋棄去營聚里中健兒禦賊石達開於南川之郊屢有功事定棄其軍又嘗攜一妾設酒肆於南川城西侔子母遂什一以自利既而嘆曰是胡爲者自是遂不復出有弟曰吉齋相望而居睦甚吉齋沒益自悼家有園曰筍香樓曰霞紅曰倚翠無冬無夏手一卷一壺於其間不知月日亦嘗從少年爲狹邪遊否則就口父野老飲飲輒醉醉輒臥不問家人生計以是老而愈貧詩集若干卷興至卽成不甚刻鏤有心放翁乃無意而值於陶主人姓賴氏名松雲馥堂其別號也考東山公有幹略直聲聞於邑以道光某年月日生馥堂於南川觀音橋豐里配某氏妾某氏子某某女某某主壙以甲申某月日落成於豐里六甲之萬家灣北山首寅指中銘曰

輦金一輿豐碑九衢後之人不覺而思墓中之鬼徒歛而歎君其鄙是乃屬余及君見之心乃愉情質意遠語非誣後欲追之猶可摹焉呼此銘古所無

民國十四年夏予捧檄南川而下車卽聞章氏爲邑著姓多人物未確悉也後數月謀續邑志延章君聖祥爲總纂語及家世乃知其尊人故處士慕陶翁之爲人有隱君子風翁諱庭昉字

銘竹世居邑北鐵村壩父塋繪性翁性曠逸不屑榮利平生酷慕陶淵明之爲人於陶詩尤喜其清悠淡永動合自然因以慕陶自號其安於貧約環堵蕭然簞瓢屢空妻與子皆有稷鋤薪水之勞而翁晏然泊然惟以琴棋書畫雕刻及釣魚看書賦詩飲酒自娛尤與陶公神似其契合之真卽不以此自名吾人亦當以陶公擬之也翁少承庭訓卽厭薄八比試帖惟嗜古書及唐宋以上文字又不樂與時俗士往復揣摩風氣以此坎坷年三十餘乃補博士弟子居家恥言貧舌耕不足以自給山野中諸勞役皆嘗試爲之然愈窮志氣愈舒挾書置筆隴畝間稍憇卽高吟朗誦旁若無人於所居敗壁大書尋孔顏樂處又常題二語曰燕喜飛鳴終小鳥松雖盤屈亦神龍以輕世自况也所爲詩古文用思艱深字字必己出人鮮然之惟邑宰張海槎同邑孝廉徐筱蕃茂才曹作孚稍知之然未盡也嗜義若渴其恤人急往往不計己之有無及力能否屢受親友欺負及牽連受累終不悔晚年憂地方將不靖日率諸弟子習技勇躡棘超距又草安良社章程欲集鄉人預備迄不能就翁沒三四年搶匪四起白晝禦人於路又數年桴鼓夜驚雖貧戶不敢宿於家衆始服翁之先見其諸遊戲筆墨道盡俗情以諷諭世人歸於朴厚鄉中人至今猶樂道之也噫翁真能樂孔顏樂有得於中而無待乎其外者歟

劉正祥

劉正祥字瑞廷北路乾豐場人出仕雲南幾三十年歷署巧家廳經歷副官村縣丞以疊次辦差勞績實授昆明縣板橋縣丞明敏誠篤爲大府信用光緒二十八年已推升知縣告歸爲人心氣和平老成寬厚家居多行慈善歲施寒衣粟米場處邑邊隅時漸多搶劫縣令強之辦團正祥亦以鄉里關係不復辭熟悉地方利害戶盡充丁緝捕易而免苛派以協緝巨匪劉天成功保獎五品頂戴不受旋入城管津捐鐵路肉釐諸局每遇上司督迫民力困難宛轉調護減輕負擔邑中津貼捐輸自開辦以來連年徵解不能滿額遞欠積至數萬兩大憲亦未深究光緒二十九年某署令獻媚暗陳南川民力尙裕如官紳認真催科不難足額舊欠亦可補徵大憲信之從事追索以後每年照常上解藩庫吏卽以遞欠不肯給收條正祥憂之會署令何丙晟方遊藩幕解印時正祥先與之言又親赴省城央求設法乃以陳明積欠在民批准豁免此役丙晟實感正祥之誠爲主於內煞費波折不然雖千金做不到也其抽肉釐不追究鄉戶鐵路少認股捐貧富皆德之長子宗鼎隨父任鼎雲南典史第三子建勳以軍功保舉千總改歸四川督標署崇慶大壩汛

袁漢昌

袁漢昌字國瑞邑西觀音橋人少年食餼敏悟好學光緒季年邑設專經書院聘巴縣梅際郁主講漢昌從之通春秋說文中東戰後識時之士倡議改革學術變更教育五經外兼講地理歷史算術自立學堂定課程廣東湖南爲之先風聲震動戊戌夏清帝已下詔廢八股試策論旋因慈禧后殺戮政黨重攬大權而止然時機已至求新者方如雷之奮於地日之升於朝欲出而不可遏也庚子之變趨勢益迫巴縣舉人杜成章辦正蒙公塾於毛家鋪漢昌及邑人陳鏡明余紹先等爲之佐助從更易蒙學教授下手漢昌所編有四川地理簡要歌括史鑑注略瀛海卮言等書及參訂正蒙字義課蒙舉隅等書傳播鄉塾越三四年中央設學部明定章程頒行教科書諸書乃廢漢昌亦沒年三十六當時諸人徘徊於新舊之間教術教規無所依倚成章等信心酌定仍注重經史及義策論猶農家之青黃不接而以雜糧充饑也

章青田 涂禎祥

章青田居金佛山麓之迴龍寺充本鄉大河壩保正偏強好名尙氣勇於任難大義所關有人激之聳之絕不規避西人築室金山之洋芋坪避暑將益買旁近地既成賈矣青田欲阻之無

名適邑令孫守正辦墾務乃冒風雨泥潦夜入城白孫請增價購作墾地西人不能奪復密戒團戶有售地外人者不爲衆齒時匪患日熾大河壩下流爲龍骨溪後倚金佛山外深內闊匪竄入則追者莫能窮由是倚爲巢窟青田悉地險營率鄉人扼要伏擊迭有殪獲自知力弱怨深終不免死私居憂嘆然當場則氣益厲民國三年匪廿餘人入溪中匿某穴傍晚悉出宿楊姓店青田偵知派勁丁十餘亂上流繞匪後踞穴伏以俟自率八九人當溪出欲近店始放槍虛警俾匪退入伏不意匪方謀劫某家亦沿溪上時三更陰雨昏黑彼此無聲青田當先年老俯行直前遂爲匪執從者微聞振動聲知有變隔渡開鎗匪鎗亦鳴恐不能堵急呼伏穴衆由他逕來助匪乃退棄穴陟嶺踞高臨下叱曰爾曹敢來爾章保正死矣衆哭而上得尸路旁昇歸官給葬費九十千青田沒後從弟起文姪萬周雅周等繼之連擊匪棚老菸老沙等無不勝利匪自此無敢復覷大河壩者其地山高路險擊匪不用快鎗不開明仗平時預定埋伏地點通消息但聞團正處號礮卽持械分頭出伏以待狙擊匪不能偵團而團能偵匪過一隘又有

一隘故能以小團爲匪畏懼

涂禎祥清末大有鄉武生家富於貲年壯勇敢而坦白好義鄉人咸聽從之辛亥革命聚數百

人爲東路義師入城編制號鎮東軍旋解散歸里倡辦團練力能自振民國八年三月初五股匪簡炳清亂和尚等至近禎祥集本地常練民兵一面馳信約隣團會攻大衆未集率少數先往遇於福祿場之盧家岡大坪山匪先乘高力戰禎祥徒手指揮彈中要害立殞蜂蠆有毒殲我良人遠近悼惜

記者曰邑自清季拾匪蔓延蹤跡飄忽地方紳民辦團練以禦之倡首之人尤爲凶徒所疾視隄防稍疎死於非命者衆矣然多數皆爲匪擊而死非以擊匪死惟青田禎祥及萬盛場之二傅慷慨追胥身爲前行其死同而所以死者不同故特表之

張鳳翎

張鳳翎字輝漢邑西觀音橋庠生家富於財而慷慨尙義有周瑜魯肅風少時與孝廉徐大昌同學交厚重其才恤其窘凡所需用不計多寡次數一切資之又慨割石龍場田一股宅一向相贈大昌始有居業兩人事事若一弟婦劉青年守節鳳翎爲之增築第宅優給供奉探意所欲百端順適加以禮敬劉益自勵遂以節顯治家持身教督子女絲毫造次極其嚴整終身用力讀書典籍翰墨收蓄獨富又勇於勸善鄉市中無賴但向之乞憐自矢改行卽給以生資雖

屢次受給施予如故人或尼之曰吾豈不知但與其進不與其退也彼以願爲好人來告安忍絕之邑中士人秉禮法羞市利毅然有轉移風俗敦崇名教之志行者鳳翎其尤也子三長興馴字顯臣亦好讀書工小楷居鄉仁厚有父風孫澤民國北京高等警官學校卒業維清季四川高等校卒業能世其家

鄧明生 冉東廷

東路大河壩民鄧明生本田氏子幼貧失怙恃鄉人鄧大忠撫之爲子大忠居龍骨溪沙洲上取棕竹構樹結廬四面皆水大忠死明生採棕構山藥售以養母母老病便溺不能自動明生背負出入二十餘年無怨言倦色其他奉養體卹周至鄉人稱孝民國初年兩次大水將入其屋明生仰天呼救水遂不增人猶以爲偶也明生三十始娶生子益山亦能事母十五年七月十五日邑水災爲數十年僅見龍崖鳳嘴兩江所經山崖崩塌田廬漂沒不計其數益山宅後先有數巨石高大如房自高崖礮礮而下適有已拔合抱大樹三株橫流至阻於石如設閘水勢至此爲之稍殺繞石左右行宅得無恙是溪所經山麓屋舍高出岸數丈者被水捲去十餘向而宛在中央低地者反免於是衆口誦傳以爲純孝之報乃未期復有冉東廷救母事

冉東廷邑北鳴玉鄉三教寺窮民也居寺側草屋備力奉母素樸孝弟東二十歲十六年五月二十七日時亢旱母病臥床東二午炊失火延屋駭而逃呼東廷自近望見奔歸燄封母寢門披火躍入援母負背復披火躍出自頭至踝焦爛數處鄰近來集以方解火毒稍愈母原染寒疾又重傷驚悸痛居處器物灰燼至夕而歿團總王國相等憐而義之暫給錢三十千聞於官城中官紳皆有獎卹東廷入城領款就醫竟不起衆瘞之北門外山王廟立碣曰冉孝子之墓

周佩難

附周時鳴 胡奉先

周佩難原名世珂字佩鸞後改邑南吐文壩人年未冠沈毅卓犖自入學堂卽以開桑梓文化導愚民智識爲己任渝城中校畢業後游上海大同書院補習英文二年入天津北洋大學中間以省親旋里邀劉文簡童季齡等捐金倡辦道南學校概不募款變通章程及官校辦法以求實效復創立仁社購書報開講演施醫藥布置略就再往天津以勞瘁嗜血就醫廬山小愈復劇自念身爲病夫滿腔宏願隱鬱莫展民國十年三月某夜作書辭其父引繩自戕遺言愛廬山佳勝不必歸葬蓋恐增其父之悲痛也時叔弟寶韓在上海往從其志瘞之普仁醫院側邑人賀秉鈞爲作哀辭

周時鳴字自新邑南陳家場人少年勤學能自振厲協力組織道南學校任義務教授校距家十餘里每日奔走上課歷久不倦凡作新開化之舉皆勇於倡導作賀本場與文亭落成序尤足見志民國十三年春遭暴疾卒 胡奉先東路煤垣人民國八年自渝城游學歸見本地盜賊充斥團務廢弛奮然提倡整頓招丁製械親率逐捕不避危險兩月後里閭肅清大道始有行旅然年少氣盛遇鄉戶通匪有跡當匪勢猖獗時鄉人有貪利與匪交通者有被威迫隱忍容留者有子弟流蕩而父兄不能制者或違抗派款者科以重罰銳厲過甚爲反對者所陷紛紛告許奉先逃去發憤諉詒爲病歲餘卒

流寓 陳暄 韋葆初

陳暄字春階貴州湄潭縣拔貢生清咸同間本籍寇亂暄脫身避難狼狽來邑饑餓藍縷謁乾溪漕唐退菴先生叩其學特加青眼留館中暄亦仰先生文望北面稱弟子時先生門牆甚盛諸同學聯絡仗助爲購居室又介紹之於諸縉紳爲治裝北上應順天鄉試中式聯捷同治乙丑科進士分發湖南平江縣知縣請假回籍省墓便道過邑互相歡慶旋赴湖南任不久病卒所作文藝邑中往往有之

韋葆初號西崖原籍南川水江石其祖始以教學移涪州長壩場父仁卿字朝元居家孝友已

留心宗譜保初納粟入監學問博雅綜羣書文有其則與修涪州志尤專力家譜自清道光癸卯至同治戊辰歷二十五年成書二十四卷其第三四卷網羅經史子集四十八種自漢迄明爲韋氏前賢傳及世系圖題名錄然不敢認著名者爲的系第五卷以下乃祖宋末始遷南川之威信侯幹接支分訪及旁縣其生平行誼可述者別爲言行錄首卷自序於古今譜學分合異同粲然明晰在邑諸家譜中可稱博大精確者矣其成此書以寓南川之日爲多子樹聲庠生

譜

譜者傳之略者也或一節一行篤於徇義而他事無聞或平生履正安常自守寡慙而無特異之事實可指倣華陽國志三州士女目錄各爲品目冠首揀金於沙伐檀於林分類並登期無遺美

義行 周士瑞質樸好施友教生徒務敦實行嘗以館金包砌古墳歲饑買婢作女厚奩遣嫁里中分爭得一言以釋至橫逆不校買物放生尤多隱德

樂善 袁作繼性好善家貧尤懷濟人教授六十餘年及門以數百計歲得脩脯必分與諸兒

族戚稱貸不吝由此家益落繼安之若素晚年子以質興家亦好施予年九十餘以壽終

知命 張顯賜性嚴正知醫理貧病者贈以藥餌不取資遇事輒爲人排解不使成訟居深山不入城市年近八旬無疾卒卒之前一年先約親朋歡會作別時日皆預定至期湯沐具衣冠端坐文几集子孫諭後事謂人生必正歿更不可偏倚令家人環視前後以兩人持線繩之如是者再一笑溘逝按賜以某年四月十七日巳時生仍以是日歿

貞士 楊世恩性澹逸勤學好靜五十年不履城市八旬時病劇自分不起一日臥室中見有冠裳而入者三人意必親朋視病急呼家人款客至則毫無所見方疑慮間而心神開朗沉疴若失月餘強健如初人以爲平日好善樂施所致

孝義 李占元性篤厚全友愛家式微糊口巴邑同治乙丑三月十三夜大雨宅後山崩壓屋母掩其內時母年九十耗至元與子燁速奔回見屋變爲山意母必死呼天號泣偕家人率雇工運土負石盡一日力始出母於溝中肢體毫未損傷叩之云屋初倒時殆如夢耳母後四年卒元自是益務實行作善修補路橋包砌合族墳塋歲得館金隨手散去年七十餘貧如洗安之若素

孝義 譚秉鈞邑豐里人篤友愛譚笑言事繼母如生母見人不相能多方排解教授十餘年不計脩脯貧士賴以玉成

剛直 譚和貴獻廷父剛方嚴毅見後生有涼薄戲豫者必正色教之好善樂施尤爲里黨所重

好善 戴 理性好善遇婚葬無力者助以米錢敦友愛睦鄉隣生平畏見官長年八十三

孝行 賀文治幼讀書知大體奉親必甘旨無一日缺朔望肅衣冠拜牀前問母安否母曹現年八十六五世同居

好善 李國緒居心坦白善事雙親父臥病躬湯藥衣不解帶者六旬好善嗜書丹桂籍陰隲文妻楊氏性淑慎子均元國學掄元廩生孫仙才茂才庠生同懷同榜

貞士 李命三九均庠生天縱子安貧好靜舌耕爲業不慕榮利不入城市三十餘年割股救父命三年八十四命九年八十一

樸孝 陳國瑛農人也性誠孝嘗割肱愈父疾母病篤復割肱繼母患大疽刺血塗治痛已瘡

愈瑛省志作瑛

孝行 晏理富母病痢危嘗糞驗寒熱醫藥不效割肱煎艾服之立愈

孝行 陳民新母彭病新侍湯藥三年不脫冠帶繼乃割肱籲天忽假寐夢有人令往水深壩取水治之如言果愈越三年新暴卒一日乃甦言有博帶褰冠者叱令速回曰汝孝子也又八年彭歿新廬墓期年

孝友 聶文樞繼母戴病朝夕侍湯藥弗暫離病革焚香割肱乃稍減時值嚴寒戴思食生菌甚樞泣而往於宅後得數十本病旋愈弟文概戴出也爲援例入太學概欲析居樞不能止田舍悉聽其自取

孝友 唐正崇父病疽口吮其膿疽愈父曰此子家主也貧何憂課季弟讀肩荷薪米時或典衣依之事師尤盡禮

孝義 韓時鳳性剛直善排解尤篤於孝父歿廬墓期年晨昏哭奠哀動閭里至捐金息訟買婢爲女尤多隱德子之鶴以歲貢選教職

孝友 張文寬庠生家赤貧以孝友稱教猶子如己出年七十六卒終身未入公門

孝事 吳承泰武生庶母王出也事嫡母尤孝道光甲辰嫡母病寒危甚泰夜靜焚香籲天剖

肱和藥以進母病立愈

孝行 吳純嘏父占元年七十餘疾籲天求代果愈後病又作晝夜扶持垢穢親澣父歿喪葬盡禮事母唐亦如之母年九十二終舉人章洪瓚爲立孝子傳

友行 李大俊性公直篤宗族見堂姪光瓚秀而貧極力作育自游庠至鄉荐二十餘年膏火資斧皆身肩之友愛之性鄉里咸欽

孝行 向于釗少孤事母楊孝母病踰月不痊割股和藥病立愈後母八十三卒

孝友 王正廉仁溥父爲人端謹事繼母孝教國棟兆元兩弟中武科居常嚴正族中雀鼠微嫌片語以解里黨信服孫嵩廩生

孝友 陳甫安應童試時學使將臨突遭母趙病父迫之試不忍離旋失恃廬墓三年昆季析居憫少弟樸仍合爨舌耕以助課子俊及猶子元德游庠食餼族黨中艱於婚嫁多方成之

孝義 張光燦性厚重事八旬父母朝夕罔懈服藥先嘗先世居黔道光初挈資五百緡入籍置祭田所餘依族中婚嫁孫海梁海樓均庠生

孝事
繼母

章才國年十二事繼母劉孝劉年四十病目幾瞽親吮其目復明胞弟二皆教養成立

孝事
繼母

楊心靈性醅樸六齡失恃事繼母孝歷數十年如一日割地立養濟院子七五列膠庠

一國學

孝友 劉及陞幼聰穎筆耕自給父母皆登上壽昆季五人獨以館穀侍奉無分毫私弟同陞

游泮悉藉其力邑人士荷培植者甚衆

友行 羅尙元昆季四元長獨力起家析居沃壤悉讓諸弟課猶子明書游庠食餼費多金無

吝色兄弟均七十餘終身友于弗衰惜無後繼明書孫承孫媳戴後戴矢志柏舟

孝行 楊 城庠生母羅病篤手一紙禱竈請以身代病愈旋奉祖母命鄉試至省未入場卒

邑人周立椿爲立孝子傳

孝友 呂象成貢生髫齡時割肱和藥愈母病兩兄均八旬白首相依無間父兄歿時哀慟倍

至喪祭悉如禮生平廉潔以舌耕不妄取

孝事
繼母

熊子彥事繼母孝年十八娶妻違親意彥欲出之恐傷母心析產爲二半與妻鞠子

半躬耕供母後妻悔悟夫婦如初

友行 蘇光瑚事兄光禮恭甚兄好游騎出入必執轡侍從及析產讓千金業償兄債

孝行 謝啓賢年十四母歿廬墓三年逮事繼母尤孝弟啓明早歿以子清華承祧弟婦向氏以節孝請旌蒙准入祠

孝友 傅朝斗幼失怙家貧鬻力養母昆季八人俱無嗣倚斗存活凡養生送死無難色卒年八十四

孝事 庶母 姚作孝嫡母盧出也生三月盧故庶母温撫之成立後事温與嫡無異視饑問安出告

反面數十年如一日

孝事 庶母 盧 傑嫡母戴出也庶母宋足患瘡十餘年不愈傑爲吮之立效後入邑庠

孝行 張誠美邑西白沙井鹿溝溪人號在田八歲失怙事母潘定省視饑動不違禮母年五十兩目失明以口舐之四十日遂愈繼患頭風醫言須刺額血和藥敷貼從之亦愈又患背癰數十日痛極輒以口吮其膿膿盡立愈同治十一年母病大作日夜號哭跪禱上蒼求減己壽延母命奉湯藥六十日跣步不離及卒廬墓一載家距墓六里許朔望必往焚香光緒二十年歲貢生張涵等稟邑令申文督憲奏請旌表蒙准邑令亦賜額曰孝德可風壽七十六無疾終

孝烈 李天長髮賊猝至衆皆棄室逃長獨負母韋走賊追及母大罵賊並殺之賊去長復甦

廉潔 王國樑道光拾遺金覓主還之前令彭給額獎勸繼祖母杭病樑割肱療之立愈
友行 何占魁武生篤友愛兄弟六析居後於不足者常補給之四兄貧欲徙黔魁請復同居
晨夕視寢食弗衰子嘉瑞庠生

好善 熊開迪世善岐黃全活多人不計錙銖刻經驗良方並勸善格言名慈船普濟行世邑
周士澐爲之序

義勇 夏一淵慷慨有勇略嘉慶初村惡張矮子涪之革役聚匪竊掠民間妻女官役難捕既
乃謀刼殺一村起應教匪縣汎偵之得實難獲淵聚人執銃潛逆旅窗下賊過知第五騎爲張
發銃斃之衆復響應羣賊驚潰事聞官嘉其能除巨惡獎勵甚至年六十四卒

義行 劉江學監生力行善事人有疑難多方排解前郡守李以好義可風額其門卒年八十
一

賢良 黃永植庠生性端直敦孝友父朝宣病侍湯藥衣帶不解三月設教數十年不計脩脯
拾窖金不入私橐置祭田以爲拜掃資尤精岐黃活人甚多又施棺放生前郡守林贈有爲善
最樂額壽七十四卒

友義 劉鵬翼性樸誠好潔樂靜壯年失偶不再娶鰥居五十餘年閉門不與世通兄弟五人兩弟早逝伯兄鵬翮年近八旬潦倒名場仲兄際雲亦七旬餘均倚翼存活翼事之如父養生喪死盡禮盡情無吝容無德色年八旬餘猶勤學嘗手漢書一卷誦聲達旦不絕

義行 陳光揚性樸誠獨建宗祠寡嫂載無出守志以次子鴻聲承祧長子翰聲食餼於庠三子和聲庠生孫正誼庠生

義行 牟顯周性古樸喜施予謹笑言咸豐間髮逆疊至鄉隣避者千餘人乏食時周砦中儲穀數百石按丁口多寡支給全活甚衆甲子初歲饑斗米千緡道路死亡相枕藉周以粟減半平價至施棺榘刻孝經賑貧濟困修治橋路義舉尤多

孝義 鄭相簡增生性剛介母程命刻忍字佩之因號忍齋母得痺疾簡施棺木放生印送陰隲格言族戚不能嫁娶者貸以錢不索券壽七十一無疾終

好善 周學垣精岐黃施藥材濟貧活人甚衆妻蔡壽八十五夫婦齊眉

義行 周文宗子庭輝均好善宗兄弟析炊讓美受惡輝與姪分產亦如之募修兼善堂甲子歲饑米價騰貴倡募賑貧全活甚衆又募修水口廟

義讓 王奕訓國定子性和順兄弟析爨以千餘金產讓弟奕梅乃自擇磽薄者受之遵母命也於清平寺修春秋樓廟貌一新素好培植寒士子世貴由武庫副匪大憲保奏賞戴六品藍翎世楷世樑世模世材均武生

友義 黃體元性慈良兄弟析爨恪遵父命以己廿餘石穀田讓幼弟後弟食指繁負重債復以廿餘石穀田代償之一生無疾病尤喜讀書子姪輩如昌謨昌蕃均荷刻成

孝友 劉宇昭十四歲時母氏王病篤刲肱療之弟兄析產多寡弗較弟歿出資喪葬待猶子如己子宗族貧乏者時賙卹之里黨有不相能盡力排解生平多隱德

友行 鄒仕珍家貧兄弟析爨無長物伯兄仕龍老病無依賴珍力作以養諸弟無業復招同居

友義 黃廷瑞監生堂兄永倫家貧出亡不歸遺子國鳳甫歲餘瑞憐而撫之代完婚娶子國士入邑庠

孝友 毛大陵監生年十三孝奉孀母撫弟三人成立季弟暨弟婦均早逝遺子羽儀撫如己子刻成入郡庠復食餼妻張氏年十五于歸姑病奉事維謹夫婦年俱七旬

廉介 雷金山賈人也販布歸見布篋中有銀一圓知爲店主遺失天明疾趨送還主人義之贈以楹聯

友行 李霖順兄弟早析居胞弟羣芳無力誦讀順代措資斧並給家人日用俾無內顧憂得卒業

義行 張天乙性篤厚幼失怙恃業岐黃遇人有訟事必曲爲排解初乙父輩負重債一身肩之盡力償還生子四長素菴克承其志

衛鄉 劉高拔漢隆子性倜儻不畏強禦咸豐初募資倡修鳴玉場弓橋及廟子塘平橋後髮匪黔匪疊次竄擾拔奉縣令王公楊公鄧公札帶練防堵冷水關煙墩坡萬盛場九盤山各隘又隨唐鎮軍跟剿賞給六品軍功

孝友 楊錫齡監生性敏達國安子事親有萊子風其先貧率弟以貨殖起家置產二萬餘金分贍昆季

孝義 張萬和原姓王父母早逝張庭輝收養之輝防堵萬盛場賊突至輝被圍和奮勇陷陣負之走免遂撫爲己子後輝病和奉湯藥不衰

義行 鮮席珍六品銜候選訓導國棟之父生平好義捐文昌燈田撫道旁遺孤周急濟貧恆多義舉以子貴誥封承德郎壽八十

義勇 韋才荆北路鐵村壩農人弟才謨妻周氏生一女及男雪章甫數月夫婦並歿才荆取猶子女鞠之親其寢哺恐家人漠忽每勞力自外入必先撫視髮賊至荆負姪携子出追近卽棄其子一手挾姪一手舞矛且拒且走賊退還家子已匍匐先歸家貧撫猶子女衣食嫁娶悉如己出

公廉 羅榮升字泰然邑西觀音橋諸生廉介有守盡心公益嘉慶時場修萬天宮捐錢八百餘貫身任督工日携一杖荷飯一盂朝往暮還彌年不懈終役未嘗費公家一餐年八十七卒子恕欽庠生曾孫明友太學生玄孫雲程增貢生

好學 王永傑字寅山邑南陳家場清同治丁卯科舉人家業豪富諸父昆弟勢力甲一鄉頗武斷縱侈傑獨恂謹沈靜好學初不慧費萬盛場某先生門爲文數次先生不加評竄傑憤辭歸更延師於家三年不出戶限書室外寬內狹爲橫牀塞之僕輩不得入己不輕出家中宴客招優演劇累旬傑日過階不一蹄也以借從兄監照中式益自勵過勤病卒後有人館其家發

所藏書諸經注疏及史漢俱親評點細楷如蠅無一筆苟

公益 猶模齋三匯場人家庭孝友妻楊氏扶侍病姑載列女模齋倡修場外大橋募款經工竭盡心力乃底於成又闢由場至永安場山路鑿險爲夷人獲便利

孝行 王世貴北路石牛溪人以武生入營效力保千總賞戴花翎後從征臺灣役罷來歸充本鄉總保有剛正聲事親至孝父病三載日侍左右接口痰奉湯藥沒廬墓三年早晚焚香獻食如生後子孫成立興起人咸慕之

孝行 葉朝科字永和邑南陳家場人家業販布兄弟三人科居次父母偏愛少子早析科出而不與資科發憤勤立每市歸必具甘旨至父母居烹而奉之乃反私家父母待科益厲科慕益虔晚年弟漸窘科漸裕製棉襖進父母卽取以畀季科弗言更縱以進又預令三子分膳業季分特厚給據時長者逃科欣然承命父乃悅科妻亦孝姑晚得病疾相距數里夫婦輪番往侍歷久不倦姑爲感動乃祝以好語故今季家已絕科子孫獨發達蕃盛孫蔭濃庠生

衛鄉 郭雨村西路白沙井人剛直有智略清咸豐時任地保境鉅盜綽號史八千歲招結黨徒估牽耕牛入巢莫敢追詢鄉中農犁幾盡雨村秘密部勒鄉人偵獲之於太平場送官治死

餘黨解散鄉人至今頌之 韋才玖東路大河壩人少有幹略年十四以善應對爲縣官所賞

委充團首石達開之亂土匪朱某汪彬韋麻子乘機糾黨公行搶掠才玖集丁壯用計追擊斬

匪懸髮兩束於天生橋龍骨溪左岸至今猶存大河壩圍跨金佛山麓戶少而地闊溪深山遠韋氏父子祖孫世居能得土人心力匪入則被創安靜甚於外方

友讓 任宗志邑西漢昌壩人早失怙恃仲兄宗念主家數載析居自暴前勞多占田租六十

小石負官債數百緡則悉歸志志一一唯命後十餘年念病將沒慚於鄉議始以某地十餘石

租業歸志志卒不受念子負志債尤多及鬻產任其他償不復過問族人萬順窮極將逃綏陽

來辭志憐之給資使營小貿萬順倚以復立今小康焉第三子德進以儒學名 德進字吉暉

文生品行清介雖應得之財遇吝人亦不强索對親友諄誠仁厚情餘於辭文筆清真委婉國民

四年大歲作荒年嘆字質切與香山樂府相若又開有某少婦夫死志未定君尤善誨子弟講解參以俚語談諧樂易致

致不倦與諸生親暱融洽保姆不啻也民國十一年沒於縣立高小校

貞潔 韋駿哲邑東廣福橋人性恬退惡流俗詭詐汗濁終身不入市凡百取求交易悉委傭

僕雖知受欺侵置不問嘗言吾行與時不諧不能有益社會然人不可碌碌衣食於是專研醫

術用心精細爲人診療概不受謝年三十喪偶不復娶或勸之答曰一陰一陽滋生萬物乃天

地正氣陰陽已合再娶正氣乖矣若爲承先計勞非得已今吾非無嗣奚自累爲壽八十六未嘗有疾民國四年某月日沐浴衣冠升堂焚香命啓棺親拂一周囑子數語端坐而瞑

義勇

章才瀛東路大有鄉人生長農家有武略志氣慷慨年二十二擊堂鼓訟父冤

探者誤誌不知

何事後率團勇打匪飛釘岩有功官給門額曰勇步干城獨力修銅漕溪橋毀而復建

耆儒

章精一西路白沙井歲貢品學俱純鄉里士林莫不推服

耆儒

張大俊字彥臣北路鳴玉鄉農家子貧苦力學晚充歲貢平生盛德未嘗一言忤人一行傷物與耕傭牧豎言皆勸以善意極肫誠鄉里至今思慕

耆儒

張大鑑號晴江邑西觀音橋歲貢生能書工詩教學有名四兄初別居皆貧不能自給

耆儒

張大鑑號晴江邑西觀音橋歲貢生能書工詩教學有名四兄初別居皆貧不能自給

奉母命招還合巹給貲營業既又將已買田租數十石按股均析畀之卒無一保存者葬埋兄

嫂收恤猶子女未嘗息肩年七十猶倚舌耕以活終身無一怨語

耆儒

鮮仲長號禹門南路吐文壩歲貢生從唐退菴先生遊年齒文學冠諸同門先生以友

待之家酷貧以善教聞邑南學者多宗之壽七十餘

耆儒

章燮字錫之北路羅洞坪歲貢生涵養純和管公數十年無纖芥私精醫術壽八十

餘

耆儒 張 涵字海門西路白沙井歲貢生品學純粹不染塵俗巴南兩縣學者景從

文學 李天柱字晴塘廩貢生工駢體文氣雄偉波瀾壯闊其屬對之巧運典之活如風雲變態走集筆端聽彼驅策募修頭渡橋序一篇進士傅永憲讀之擊節嘆賞七律氣格深沈工力彌滿和人梅花詩有殘月曉鐘清遠寺小橋流水澹孤村之句人稱李小橋

篤行 孫先岱字宗魯西路觀音橋人清苦好學操守介然家計窘迫而孝友親睦刻意力行母病禱神刲股弗愈竭力營葬歲時祭奠修祖宗墳墓送弟讀書治裝嫁妹破產負債爲之憫族人多困己雖同病猶勉強分贍光緒己卯大疫同族數家日食醫藥葬埋悉以身任以是益窘年四十餘未娶卒以不得志死族人孫廷咸爲之傳

著述 駱式三字小瞻觀音橋人好學深思嘗擬仿造渾天儀未成遭髮匪之擾器具盡喪遂止轉而業醫兼研切音之學著一書曰韻圖約編分上中下三篇 龍景雲西路太平場人十餘歲棄儒業專研醫理地理各有心得斷人人生死吉凶常常應驗著四診新解一卷明望聞問切之要知醫者謂其純從靈素難經揣摩而得簡明精透診病家正法眼藏也惜未梓爲人老

成良善管地方日久以公直著鄉人至今稱之

公直 楊朝品字貢三東門外人以貿易起家充街正直道而行好護窮弱保遠商絕饋謝坊中無男女老幼悉以楊三公呼之壽八十七子九孫十六悉託業商學兩界無游惰沒時有曾孫十二玄孫二

文雅

杭華亭

名德裕旌表節孝杭吳氏子白沙井杭家溝人

能詩好聚古書談史事時時遠遊所至必與文人會聚瀟灑脫

俗清光緒初來城議邑志例提倡更修不果

公益

楊善堂北路石牛溪人接人謙和持身廉介而熱心地方公益場修萬壽宮中道款竭將停工善堂將已田當錢八百貫墊支其他大成關帝桓侯等會及高等小學皆協力組成維持久遠勞績昭著

孝義

羅大綦西路觀音橋白花園人家貧早失父母弱冠因舅氏攜妻楊至雲南東安里以勤耕織致富善待鄉里樂推解所積半充施貸村中嘗失火延燒數十家大綦傾財粟運至燒處按戶賑給以是得人心縣介滇南鄙漢夷雜處夷俗凶悍漢人僑居恆被攘劫惟敬愛大綦相戒纖毫不犯居四十年歸故里以二親早沒敬養未伸題主焚香荐食雖老必親晞噓孺慕

壽九十一卒孫炳義讓泉皆文生曾孫現璣民國八年省會議員

耆儒 周仁昭字灼三觀音橋歲貢生文林郎芝芳裔也一生篤學以邑士空競文藝不讀書爲恥專一研通經傳尤殫力治禹貢分析古近郡國州縣異同河流湮開遷徙縱橫貫穿纖微與同類會晤數語寒暄後卽及禹貢甘於嗜肉不復不倦不問人樂聽否也又耽吟咏日必數首喜畫梅花晚年兼究醫生教學資生忘懷貧窶壽七十一

急公 余東暘監生清咸同間邑多軍事屢辦糧臺濟官軍邑設防務局派款籌款修城垣鑄大礮與楊全翊同爲邑令倚任司出納監工役廉正任勞寇至協督城守以勞績保鹽提舉銜衛鄉 金爲式東路水江石武生百歲老人廷華孫久充地保咸豐時奉檄辦團練與章安邦等管帶知方隊官軍調攻貴州乾洞子川東榮昌諸役皆與辛酉髮匪出境甲子號匪踞場以桑梓責任防禦尤力捐同知銜子克明保舉守備隸重慶鎮左營充領哨孫品元文生

流寓

劉天君字志義江西廬陵人清道光時挈家來邑善榜書縣署舊東轅門賓化古封

毀今

及中和街三合號兩額今存有一字千金之目又以充茶商遊川北受書法於學使何紹基之門題岳池縣江西會館凌雲鳳閣四字亦有名置家兩地生五子次靖以川北籍中同治甲子科

舉人大挑浙江知縣

善書 章宣卿字撫棠北路鐵村壩歲貢生父洪堅亦歲貢選慶符縣訓導老病未赴宣卿弱冠能文爲縣令湖北湘鄉周宏濂賞拔兼受其書法不甚著力而韶秀俊逸有翡翠集蘭苔碧玉交枝柯之致遺墨存留者尙多清乾嘉以下邑中老輩頗用力斯道今名多不傳惟宣卿及應均常著人口

流寓 周子君東川太平縣人工大小楷筆力渾成圓到性最執拗終身不娶遨遊四方間以賣字自給富貴人求之意所不屑輒索重價要其稍貶艷然怒不復應或竟靳不予故鮮成買者意所合神愜興高濡墨疾書付之不名一錢也姪萬鎰以代本邑汎官徒刑來邑期滿就城中設肆致富遂家焉異地無親奉書迎子君至六七歷數年乃來萬鎰事若父供奉優厚子君毅然自居家長以禮法束家人小不合卽盛罵怒萬鎰亦謝罪受教曲意順承乃已初至萬鎰具紙筆欲其作書贈邑當道及已知交借爲播譽甫啓齒卽勃然曰我本不欲來爾屢邀我乃欲使作書傭媚人耶萬鎰惶懼後遂不敢請嗜好簡約萬鎰日供錢二百攜入茶社覓人閒談久之與邑人漸狎書亦漸易得不待求欣然投贈力求反鮮獲所書多朱柏廬格言蓋有味乎

其詞也東嶽廟楹聯亦爲衆推許壽八十餘後萬鎰卒

流寓 陳定魁號梅仙貴州省人奉回回教清咸豐五年從貴州軍克復永從縣授千總賞戴藍翎續以克復安順興義等府城邑勦扁担山老巢授朗洞營守備加副將銜奉委駐渝轉餉貴州遂家邑城內後街終老署其門曰將軍第

伉直 黎大品字壽山東路半河人以峭直聞於鄉不畏勢豪諸團保倚公事作姦削民漁利恆出而反對侃侃無撓自處廉正見抗者雖不爲悛亦莫如之何治家勤儉清潔嚴束子婦長者近斑白稍怠弛櫃楚不貸賓客莊儉有度者敬之挾嗜好及不潔卽不敢留壽八十餘卒近世鄉老中尤錚錚者

治家 徐裕椿字崧山北路倉頭壩人與兄裕林弟裕杞裕桐白首友愛同居四十餘年以丁口過衆始析復與裕杞合兼管兩家內外嚴肅有矩督課諸子姪讀書習射極其刻厲而禮敬文士厚待佃客惠恤窮困皆可爲富室法

義舉 鄧天貴城內東街人初業貿易後充街保二十餘年公正樂善盡力義舉髮匪逼城屢居燒毀坊民無家失業天貴給以資本使復營貿乃得安集經理本街五顯廟土地廟公產益

增又捐北門外二處山土作義塚提己業一股租穀三十小石作鄧氏宗祠皆悉心計畫可歷久遠

剛介 蔣 堃字選之歲貢生居南門外兄弟五人皆貧苦食力獨堃游庠食餼以教學奉養兩親扶持諸弟不稍自私天性峭直親知有過恆面諍之然意存匡正無所嫉惡人咸敬憚真草書皆清勁

耆儒 周相霖字如璋南路土門壩人縣學廩生文章渾樸入理終身家居教授成材者衆從弟相雍字俸銘文生亦以舌耕糊口嘗游巴縣潘梧岡先生之門好執古禮見後生習尙通脫於賓主長幼儀節循錯弗善也民國學者謾孔詈清尤深懷憤嫉

仁厚 楊爲善東路半溪溝人兄起鳳庠生性亢直稍褊不得繼母歡爲善居闔宛轉調護必使無間鳳早卒奉寡嫂倍常優厚已四子以次子出繼與餘三子對分家產以慰其意其他塾錢息訟焚券棄債及周恤窮匱捐辦公益動至數十百緡恆自先擔任不待勸也一生勤樸嗜農務若性命年六十餘諸子學成名立猶日偕傭僕種蔬蕪竹移石壘土布衣草屨不肯一刻閒處惟送諸子游學年措數百圓雖拮据不吝子藩子垣子屏皆中學以上卒業生

孝友 龔太閣太常北路鳴玉鄉人初極貧兄弟傭力人家節晚餐以奉父母歷十一年無異太常常拾銀釵於路謹俟失者覓至還之積資稍裕閣乃爲常定婚或謂閣盍自圖答曰吾弟娶可代養父母延似續吾何娶爲遂終身鰥同居七十餘載閣死常年八十一猶率諸子戮力穡事且慷慨好施人咸敬異之

孝行 黃德星原籍廣東來邑貿易居城內東街事母敬愛兼隆日奉旨甘旁立侍母食畢然後敢食他人招宴必先奉母膳然後往出告反面數十年如一日母病湯藥飲食概不假手他人

孝行 王登選東路魚泉河人性純孝母羅病故哀毀骨立順父意爲聘繼室於陳未迎而父又沒選痛二親俱亡無可盡養慨然曰昔傳有人買母供養見庚子山哀江南賦注今養已聘之母不猶愈

於買乎遂以禮迎陳至奉若親生至十餘年卒

敬師 韋藻華字玉春東路水江鄉梨壩人家僅中產爲子羨澤延師於家每食必具酒肉親陪坐把盞進飯來往輿馬送迎師陳某性倨傲猶動輒愠恚終屈意奉承無倦雖勤儉治生家亦爲窘羨澤遇合遲滯三十後乃獲游庠而藻華老矣

孝義 劉國仲北路乾豐場人以力穡白手致富事繼母至孝時學萊子舞充地保勸人息爭不從至跪地以懇墊錢尤不計多寡自奉約而外慷慨創修宗祠捐租三十大石舉家壽考國仲精力尤健年八十尙手墾田一坵因以八十名之

友行

唐世達原籍川東定遠縣

今改武功

早歲來邑西興隆場貿易創家迎其兄世安嫂吳氏來

同住和睦勤勉益致富世安旋卒嫂嫠諸姪幼盡力扶持爲修墳墓畢然後分異以兄子多己子少讓田租三十小石益之子金山孫紹龍皆武生相繼任地方團正不惜墊錢與人解爭息訟禁止土棍惡痞榷索押靠愚懦蒙蔭每歲終必施米四五小石三世以長者稱 周應治北路冷水關人兄弟五人合家七十餘口同居七十餘年然後分析一生勤樸居鄉忍讓 熊松山北路石牆場人與弟相周同居六十餘年丁口數十內外肅睦鄉里重大公益首出倡導子樹祥武生樹聲文生

友義

陳義興北路鳴玉鄉人家貧少孤伯兄不才義興年十餘卽以空手謀衣食養母並濟

兄嫂終其身復撫猶子女嫁娶謀生業立門戶妹五人一一措裝遣嫁旣嫁或窮或寡復歸依之贍給優厚族姻不得所者恆就食其家有入輒罄大半不爲己用人皆多其義而嘆其難

雍睦 楊世縉西路太平場人家風尙讓有子四人同居五十餘年始議分析伯子以己先用官場錢數百貫嫁女當提己分二十石租業補諸弟仲叔季以伯兄理家多年當提業一股酬勞然後均分彼此爭執良久三弟乃謀暫從兄志將提出契約年租另存俟兄沒仍以歸其妻子

賑飢 張必祿北路石牆場人居貓山半嶺清咸豐年間大飢貧民滿境將行剽掠必祿以工代賑出財粟招運磚石將已居斃作高牆與城垣等日備數百人保家濟衆一舉兩得至今稱其地曰高院牆 楊茂春石溪鄉人家僅中產民國初年傾財助賑事詳公善篇

治家 劉合榮字若江北路石牛溪人家初小康父母早沒同母兄異母弟各二皆弱不能理家合榮年十六卽獨力經紀至六十時產增五六倍內外五十口宅不能容乃議析爨自言經理嫁娶二十次葬十八人以兩兄先逝爲悲以繼母與嫂及諸弟姪均克諧無齟齬爲幸家人一切寢興作息絲粟出入取用筭帑皆有規制合榮妻來歸時奩錢一百釧首提入官由是全家無私積析產時器物彼此交讓諸姪以一棺奉合榮固辭不獲乃受本場公益款項倡辦時合榮雖不與衆服其公直必委之經手所管祠廟會款無慮十餘皆有增無減鄉中高初小校

成立全賴各款捐助而歸功於合榮好研究聲音點畫之學入城市必以書隨精繪畫作正心齋畫譜一册壽七十六卒

孝友 劉繼書東路元合鄉合溪場人幼時家極貧兄弟六人書居長年十六母沒數月父復不起臨終執其手泣曰吾窮若此汝弟多而穉奈何書泣對曰請父勿慮兒任之設絕粒兒先死若負父棄弟皇天不祐葬父後請於田主曰願夜耕晝出傭活諸弟主人憐而許之後數年諸弟漸長乃增佃娶妻次為諸弟娶同居合作和睦終身子杰生雖窮能讀書

孝行 李鑑堂西路觀音橋人家酷貧教學父老病癱舉動必須扶持便溺抱負從事鑑堂誠恪侍奉歷久益虔赴他家筵席必包裹肉食以歸居喪哀戚守禮鄉人咸仰其孝行為言於官使教鄉學資之教學外專印各種善書背負遍送

好善 周紹堯字福堂石溪鄉羅洞坪人衣食充足澹然無營惟以勸人行善為事業手輯歷代闡發倫常道德文字以孝弟忠信禮義廉恥分類每類一卷各為總序純用駢體鋪陳貫串每類故事弁首次以論說表疏傳記詩賦詞曲案證及道家說筆諱文攙雜成帙捐貲梓行其他刻功過格勸世文惜字放生諸舉終身不倦

廉直 劉賢書北路雙河場人老成持正協辦地方二十餘年正保常不事事繁難悉以委之市小而貧兇狡無賴之徒盤踞其中魚肉良懦動舞刀械紳富亦避路側目惟賢書能鎮壓之不敢肆先後消弭禍釁匡正弊俗不下數十事居家整齊內外訓飭子弟皆可爲鄉里法

達生 鄭光熙字春若西路神童壩人業醫操術頗精但本身概不服藥小恙聽其自愈惟寢興動止飲食極有節制不飲茶吐痰寒不爐暑不扇壽九十家貧晚年二子輪養寢疾時子情戀戀初則曰今爾財尙窘營葬須費能延數年較好旣而曰此關百年不免與其久生父子俱困不如乘化早歸兩安之爲愈也語畢面色頓改悠然而逝子繼康庠生能文

急公 張興詩字筱亭邑西觀音橋人民國五年南川縣知事據本縣議事會長蕭傳爵等臚列邑紳張興詩生前行狀請予褒揚從優給獎轉呈四川省長文云已故縣紳張興詩從前辦理縣中三費津捐鐵路等局涓滴歸公絲毫不苟委緝紅燈教戮一人而羣邪改化革命以來盜匪縱橫興詩慨然墊款數千金購置快鎗數十枝以全力擔負兩路團練凡遇搶劫親率練丁不分兩夜不避艱險兜拿抵禦擒戮多匪茲於三月二十八日出發四月一日歸局積勞成疾云云

復仇 陳炳田鳴玉鄉冷水關木工也民國三年家遭匪劫其母被戕炳田懷憤圖報復諸匪皆本地著名袍哥挾械糾黨氣燄洶洶無敢近者炳田佯若不競仍傭工本地一日適涪陵令查場至關匪首之一亦在市炳田出不意攔輿呼冤指名哀訴匪卽被拏至涪下獄死然由此不敢住家負工具入城營長劉興夔紮萬壽宮招工修繕炳田往役值營長視工輒哭詢得其故未幾營長以事率隊至關首拏所指匪魁鎗斃於是殺母之仇盡復

贊曰哀哀孱民制命羣盜天親慘戮忍弗能較較則禍深俾無遺育羊供狼餐鹿爲虎肉發憤枕戈乃出傭工當其未濟匿怨藏鋒含痛俟機不中不發撥霧見天精誠竟達

孝謹 楊暉吉北路橋塘人魁梧強武頗有幹略結納豪徒遍遠近清宣統辛亥首倡本邑革命久辦團練槍械猛利彈壓一方匪徒畏之事母至孝在家朝夕奉侍依依色養至老如小兒時款待親戚施予貧苦悉順母欲自幼母令晨起焚香掃地內外堂室必徧卽終身弗違子弟僮僕兵丁趨走滿前不許代也其他瑣事躬親勞動亦如之

治生 韋福興東路大有鄉人幼極貧覓食無所稍長爲勞傭得微貲往金佛山挖藥及種洋芋并日而食積餘芋出貨鄰近取息得包穀及稻米概不自食光緒某年近鄰各家芋盡爛福

興獨有陳積百餘石遂穫大利爲起家基本後雖以種黃連致富特附益品耳自初起至中歲二十年間買田租六百餘石

按金佛寒瘠之地種芋至嗇之業而福興以之致富勤儉之效也故錄之以勸治生者

孝義 李雲鵬城內人家貧無行以設煙肆賭場爲生業行行市井間好謾罵素習拳術能敵二三十人事不涉己怒輒搯拳拍案攘臂與角暴諍難近雖官府僂辱不爲挫也然性篤孝每與人競咆哮跳躍其母一呼卽改容斂手如無事躬親奉養年三十餘不娶及弟死恐絕先人後乃娶然早晚視母饋寢如初不以諉婦嘗犯法受重笞繫獄臥母往視有哀色立躍起慰曰母無戚兒未痛也彼笞焉能苦兒本不知書惟聞人談小說及演劇至忠孝義勇事輒欣動平生尤醉心者爲關岳自命字曰雲鵬示兼佩二公清光緒時教堂氣燄方張教徒強打城外放生塘魚雲鵬奮往阻之力鬪數十人見官侃侃縣令呂亦強硬不爲究教徒竟無如何人皆稱快他事好氣不屈亦多類是晚年忽斂氣誦經禮佛概不預聞市爭云

封股表

新唐書孝友傳云唐時陳藏器著本草拾遺謂人肉可治羸疾於是民間父母有疾多封股

以療京兆張阿九以下二十餘人皆得上聞或賜帛或旌門是割股及被旌皆起於唐盛於唐也韓文公取而論之初謂其傷養不當旌後復謂委巷之陋不知學術禮義而能忘身事親出於至誠亦有可稱是爲騎牆兩可之說亦自唐人也明洪武初已旌沈德四王德兒姚金玉三人且授官矣後因山東日照縣人江伯兒割脇不已進而殺子

子以報米效卽殺其三歲兒

帝乃震怒杖戍伯兒下禮官議并臥冰割股停止旌表然猶聽其自爲未嘗禁止

伯兒母病割脇肉食之不愈遂禱於岱嶽神若佑愈母疾當殺

也嗣後或旌或否清代諸名家文集議論遷就一如韓公然卽以爲可矜者亦指鄉里愚夫愚婦而言若士大夫則斷不宜爲此竊謂孝子事親值病危篤亦惟可以救療之方乃當不憚己身之痛苦而爲之若人肉治病除藏器一說他症皆不可用無端戕毀胡亂進奉設與病乖刺無益而又害之咎將誰諉若云愛親情迫藉以感動神天尤言之不能成理何則愛親者心也割股者事也天地鬼神鑒觀冥漠子心果誠果切豈必待割股而後知之感之若以理論孝子望親長存固無已極而父母究無不病不沒之日年老寢疾如法拯救萬一難挽人事既盡卽揆之天理而安矣或曰夫不有百方不效及割股以進而立愈者乎曰是適值其當愈也其不愈者亦適值其不能愈也邑舊志及新探男女孝行割股者甚衆其實行

割否與割之出於誠否尙不敢知欲舍之則久爲世俗公認不應湮沒欲揚之則延誤無窮故別爲一表而考其起原且附臆見於此

陳永恩 爲母朱失明染寒疾效

謝東山 兩次俱爲其母效

嚴子璜 爲父效

謝洪濤 爲弟其母妻俱胡氏爲姑

劉銘 爲母效

胡容川 爲母效

胡明謙 爲母效

胡光池 爲母效

劉宇昭 爲母效

劉景雲 爲母效

張益科 爲母效

王文龍 爲母效

李命三 爲父效

張光渠 爲母效

宋陽春 爲嫡每夢張爲嫡姑效

尹國祥 爲母效

傅以桃以雲 清光緒初縣學教諭李舉割肝孝子傅以桃以雲請旌經探訪總局核議以以桃兄弟奉養未畢不符例駁還

尹正乾 爲母效

謝運祥 爲祖母效

張慶名 西路北沙井入爲兄涵效

曾澤生 北路鳴玉鄉人爲父割肝效縣令獎以衣冠

章繼志 繼楷 園村壩人同胞兄弟志為母楷為父

梁鳳廷 鳴玉鄉人為母效

程少林 鳴玉鄉人為母效

向海林 同上

向萬廷 同上

張仕廷 鳴玉鄉人為父割肝愈邑令雷椽榮旌其門曰孝行可嘉妻唐亦割股救翁

李長元 北路鐵村壩人母病茹素四年不愈割左股以進小效未久病復作割右股傷重三日死母亦死鄉人哀之

曾廣盈 廣福 北路鳴玉鄉人盈過繼福親生母病爭割股以進愈

程忠興 鳴玉鄉人為母效

陳履順 同上

李國樑 小河鄉人為母效

趙詩松 德隆鄉人為母效

章文藝 德隆鄉人為母愈

向行全 鳴玉鄉人為母割臂愈

袁紹卿 西路土溪塢人民國二年為母再氏割右股三年六月為父寒疾割左乳旁肉和開水進俱立愈皆禱神而後行事割時概不知痛

金炳道 城內後園人為父愈

團練紳首弁兵遘難表

遘難異於殉難初非皆有死心特以職任與匪類勢不並立倉猝相值不得不死然其死也究係為國為鄉為眾故表之間有一二界子奮勇敵愾慷慨捐軀者以事本同類不復區別

清道光九年從勦邑南秦村溝教匪陣亡鄉勇二人

周必元

黃之秀

知縣稟詳府道各卹銀一百兩立碑路旁曰殺身成仁主祀昭忠祠

道光十年調征達州陣亡鄉勇十八人

蔡貴

劉天寵

鍾富

鄭陽應

賀順

舒貴

袁志鳳

徐正富

楊倫

陳忠

袁榮

陳耀先

張貴

羅陞

吳貴

胡萬

張明學

許學懷

道光十八年調征馬邊廳陣亡鄉勇二人

吳森銳

吳謹貴

咸豐八年勦貴州乾洞子陣亡鄉勇二人

章宗台

章宗普

咸豐九年調至重慶防勦陣亡鄉勇九人

傅陽春

章繼強

梁後月

梁占標

李玉發

韋興發

陳贊元

梁正安

韋得勝

同年從管帶李三餘勦匪榮昌陣亡鄉勇一人

李武錡

咸豐十一年七月同治元年三月髮匪兩次過境各地抗賊遇害鄉民團丁

張奇杰梁正興胥連生

三人均以沸湯斃賊賊圍殺之

張光和

手刃二賊力竭被殺

郭興隆

執旗招隊被殺

丁聯勛

城都人從縣令王臣福屯萬盛場

王貴

譚聯科

熊國珍

守母被虜脅降不從

游心田

同上

張行祺

同上

李邦賢

賊誘降不從

羅文軒

不肯作賊鄉導

黃永佐永禮

率鄉衆拒賊水佐年八十

張大中

借女遇賊不屈罵之

趙萬朋

與子廷龍同死

趙文衡

藍禮榮

年八十以杖擊賊

李榮松

廩生昌齡之父

冉正文

年七十

鄒玉書

賊罵

熊權

年七十

劉芳材

年七十二二孫同死

許富書

護父廷俊不走

李學玩

率團堵擊力竭

李應南

與賊抗戰破殺

李天長

母子罵賊並見殺賊去天長復生

陳世芳

獨戰三賊不勝死

廣啓亨

被殺

廣德福

駱四元

以救兄死

譚心德

戰賊力竭被殺

李仕俊

圍首死極慘毒

鮮體太

吳廷魁

鮮體鑑

羅元祿

趙方津

嚴萬儒

吳世春

唐德福

趙廷祿

趙萬邦

金廷輝 職員防堵石牛河尖崖

陳隆榮 拒賊於八仙橋之白岩洞洞破同族數人盡死

瞿孝仲

團練隊長手殺二賊被追力屈

楊承先

李長青

張祿

涂煥堂

四人俱死於韓家嘴

譚明理

石牛溪河圍壩人同治元年三月率團練十餘人當賊萬餘戰敗被磔屍於河

楊永科

陳宗惠 被執大罵賊割裂其肩背徧插香燭

章才瑛

遇賊不屈被縛焚死

陳孔軒

守隘沒陣

趙春祿

張鈞和

與賊戰於陣二子先發先秦同死

咸豐十一年七月防堵萬盛場陣亡團丁

趙得勝

李升

滕安邦

盧成金

周禎祥

張國佐

吳玉龍

林大倫

蔡林

林洪陞

劉復登

黃榮陞 以上隨縣令王臣福者

傅祖芳

傅秋

傅以維

傅以陶

伍二

劉二蠻

梁正 以上農民執田器以戰者

王榮耀

王華耀

王同耀

胡思鐸

胡思鑑

胡思釗

姚銀河

姚銀理

姚世堂

劉乾發

劉長生

李玉榮

李蠻

李柏

朱明

廖秋

周馨

郭相

陳貴生

陳雙福

陳田

鄧辛緒

以上從管帶
王秉緒者

周廷謨

藍遇貴

許正發

許正忠

許正洪

傅體濬

傅體益

傅能昂

傅能理

傅祖虞

傅祖開

傅以時

傅廣銀

鄧啓亮

鄧登榮

鄧心田

鄧雙齡

黃天福

黃德福

梁立孝

梁後朝

游子雲

游煥坤

姚明

姚田

姚兆

姚雙聯

熊國珍

廖需元

張驚蟄

郭興隆

何鎰山	李天保	李三	陳代鐸
周天喜	羅六喜	謝永盛 <small>以上從拔貢 鄧卓南者</small>	侯喜
顏作章	劉秀海	鮮香	蕭世太
蕭世榮	魯玉林	王永瑞	蕭代興
文仕忠	姚正常	陝澤科	張六
李光祿	鮮正卿	鮮正銳	鮮正和
郝德剛	文雙喜	郭道	高興隆
袁友川	文喜	申世太	張世達
黃復生	鄒學連	黃長生	秦世豐
張世才	駱德開	羅興	陳華
謝長壽	鮮體立	申有貴	王光喜
龔正朝	馬光喜	馬玉元	馬玉和
謝長茂	秦世廷	秦世楚	李祖坤

錢正周

吳見

曾廣寬

何蠻子

郝澤蘭

李明德

劉榮華

鄧光才

楊通華

毛大力

鄒明貴

李恩澤

傅應三

傅五

楊秀元

劉盈盛

姚正洪

姚正權

蕭世剛

鄧啓惠

張興

胡正世

周坤才

龍二

鮮正道

吳蠻

羅士林

吳興發

王納寶

鄒道生

陳文備

周貞元

王大仲

以上從管帶
王東升者

李應注

楊世林

向章福

李命一

鄧啓寬

張先培

郭正道

周文漢

楊正國

萬永安

張忠恆

熊大有

蹇登萬

張正重

張志陞

張學潮

張永福

張志猷

張永貴

梁啓祿

李明萬

張光和

陳朝芳

張世貴

張世寅

劉登貴

蔡正全

黃正發

劉朝順以上從管帶
張光斌者

李世林

李世萬

李文宗

李藻

鄧占魁

梁福田

梁春田

蕭占魁

羅雲彪

唐振聲

張坤一

李步青

冉太平

李占益

魏榮山

張居才

李田

李啓才

李仕藻

李長林

倪榮華

駱占魁

李占崑以上從管帶
毛大章者

李占魁

冉興厚

陳安邦

程鑑

涂大

韋在山

韋羨位

章占堯

章羨梅

章貴生

周成星

毛遇春

梁占魁

方興萬以上從韋紳卿
戰死北城外者

同治元年三月二十二日花墳山擊賊陣亡團丁

章漢儒

李全勝

楊高

張吉昌

孟廷超

裴世才

章忠

蔣占魁

章占彪

楊耀山

陳占彪

王占魁

王宗太

張世寅

何廷標

李玉明

姚南斌

余體洪

楊洪順

石章吉

楊連喜

周占彪

陳玉春

楊廷椿

馮祥順

光緒二十九年堵匪圓村壩陣亡常練團丁

章振武

鐵村壩人
充大旗

練丁三人

章延儒

章繼仲

章洪士

民兵四十餘人

民國

傅濟坤

南路萬盛場人省城團練講習所畢業生充本場團練長民國四年悍匪羅紹輝驟至衆未及備已入市門濟坤從旁巷突出連斃數匪追過市橋外復大創之場以獲全威名甚振後數年卒以逐匪於連界之溪源中死

堯子寅

北路乾豐場武生清光緒末年充本場保正時匪勢已橫利用快槍子寅嚴正嫉惡邑令雷登圍復委重之遂益激厲且與本地勢豪不相能值新年匪託叩賀刺之於堂立斃匪逃雷令出差嚴緝竟不能獲強盜之敢戕鄉保自此始

自三三三三三三三三三三

傅亮書

名汝明以字行萬盛場八年少勇敢善鬪入渝江防軍事養成所畢業民國五年從川軍旅長鄧鵬程轉戰有功得補中尉差遣不久歸任本場團務教練性伉直治軍嚴厲與衆不協去十二年十月十九日茶南桐界諸大匪羅熱鼻楊淮等擁衆數千掠萬盛場欲

陷陳家場不果由原路散歸亮書方家居即糾率團衆伏桐南交界兩山夾擊追至荷蓮壩匪爭奪路去亮書獨前進至溝口中彈斃年二十有四萬盛場居邑極邊三縣界交錯逼近匪數而團練不足特自亮書死後鄉人乃爭自備器械聯合擊匪

霍文傑

西路太平場團總民國五年十月由場歸家被匪戕於途

梅蔭溪

東路水江鄉團正清光緒末年以辦匪勞績保獎六品銜民國六年大匪劫場被害

陳燮廷

字青溪清監主水江鄉廣南保正入民國以辦事激烈被害

梁巨川

清季監生加捐同知銜充水江鄉樂村團正爲大匪李雲波等所戕

梁定安

與巨川同族清季捐從九品繼任樂村團正民國六年被匪害

楊春章

城區北路賈岑溝團正以窮究匪類不肯縱和遂被匪執至燬墩寨戕之

吳秉然

北路冷水關人屢辦團練民國九年遇匪於高石嘴被殺

劉德孚

乾豐場人民國十六年任本地民團大隊長性強毅辦匪甚力六月二十九日入場匪擊之於茶肆中要害數刻而

亡并及其姪人皆傷之自近數年場境爲大匪巢窟幾同化外

王懋脩

北路鳴玉鄉人清法政卒業生久辦本場團務勇於任事才幹甚優鄉人倚之民國十六年五月有事於石龍廟彼

冷水關匪并其弟懋宏劫至半途戕之惟弟懋猷以三千元贖還

鄧伯羽

西路太平場人游學南京工繪畫民國十六年秋任白沙井團總次年三月被匪戕

蘇吉安

冷水關人民國八年十一月鄰戶被劫吉安率衆救護逐匪至葫蘆田畔中彈身亡

張河清

冷水關團正民國九年九月被匪執至和尚山斃命

劉家豐

北路乾豐場團練排長民國六年匪劫胡海山家豐往救衆寡不敵被匪害

李紹安

西路觀橋鄉團練隊長民國十二年十二月調防萬盛場一碗水戰敗殿後被獲身亡

劉華廷

鳴玉鄉甲長民國九年匪攻焚石龍廟團局燬樓與向汝成王合順力盡身亡

張合齋

南路德隆鄉團練排長民國三年擊大老橫匪陣亡

郭東山

德隆場團總爲怨家所執在乾溪溝中塗斃命

戴炳臣

南路頭渡橋人任合溪場團練教練長民國十四年巨匪羅熱鼻劫場爲匪獲執至巢奪其槍而釋之炳臣念軍法

軍士失械逃歸當死等死不如死匪爲有名遂復往求匪還槍匪怒殺之

戴海清

梁占雲 俱西路白沙井團練隊長十一年六月壽防冷水關禦匪陣亡

嚴春廷

王茂盛

官保全

王金山 俱鳴玉鄉練丁民國九年守石龍廟礮樓被匪攻破死

蘇榮廷

梁萬發 鳴玉鄉班長練丁民國十一年攻涪陵猪市坪寨陣亡

何甫廷

劉漢卿

盧能光 俱鳴玉鄉石龍團練丁民國十年十一月守向家溝礮樓被匪攻破力竭死

王合順

向汝成 與劉華廷同死

胡柄卿 東路半河鄉梅壩人民國十年充土橋塢練丁奮勇逐匪被匪反攻身中彈死

張澤友 德隆塢練丁從擊匪於金佛山涼井陣亡

韋漢臣 合溪塢人為警車排長招撫逃兵被抗中槍斃命

陳紹卿

張紹誠

李順卿

張於塔 俱水江石練丁民國十二年調攻冷水關猪市坪寨戰死

羅秋子 水江石練丁民國十年攻匪於馬家溝陣亡

金正倫

鄧瀛洲 正倫園村團練班長民國三年十月魚池垵被匪圍攻與練丁鄧瀛州同死

王漢江 班長

侯萬興

趙海舟 俱南路小河壩練丁民國十一年羅馬劫塢協力抵禦被害

張田 小河壩練丁民國十三年擊匪水壩塘陣亡

四川新報 民國十一年

張德谷 民國五年從川軍劉營長拒黔軍於箐頂傷重死

曾義廷 永安場團練班長民國三年擊匪尹興發於龍洞口被擒用洋油燒死

練海雲 永安場練丁民國三年擊匪箐頂死

黃石田 白沙井練丁民國五年七月遇匪水洞橋陣亡

杜海章 何處人未詳攻冷水關豬市坪陣亡

張炳臣 班長

余和林 何處人未詳民國十二年十月防一碗水被匪擒慘死

韋濟良 陳家場練丁民國七年擊悍匪亂和尙於姜家場陷伏死

駱鳳廷 石溪鄉姜家場團正民國七年為匪所戕母陳氏現年八十一猶健

李海廷

黃林山

鄧洪章

鮮懷山 俱南平鎮常練班長

李步雲

李炳奎

謝雲程 俱南鎮散丁民國十年九月遂匪於巴縣石嶺崗深入陷伏死

羅雲程

王海金 俱南平鎮商團練丁民國十二年十月防堵三層坎戰死

鮮紹彬 班長

胡小雲 南平鎮常練散丁民國十二年家攻青羊市俱陷匪巢被害

鮮海廷 南平鎮散丁十二年臘月十八以匪陷陳家場死

吳海青

章明新 俱南平鎮號兵

鮮體清 散丁十四年驅逐陝軍之役死

婁映江 永安場人素熱公益清宣統三年八月境內花果園劉茂太被匪劫執映江集合鄉丁四十人執土械追至萬盛場黃泥三灣奮勇上前被獲刺死

梁泰安 觀音橋練丁民國六年督軍周營長清鄉打匪調充鄉導以奉令探匪蹤被殺

余臨川 高小校卒業生民國八年任本地團正一月以鄰近被劫出救被害

陳映山 冷水關德盛團正民國十六年三月二十日率民丁逐匪戰敗被捉二十四日被害

王繼周 民國十年任德盛團正次年以滄邑軍隊來境捕匪誤會奔逃中槍死

陳鳳鳴 冷水關甲長民國三年八月初八路遇大匪支部殞命

黃漢成 冷水關某團甲長民國八年死

夏義和 冷水關某團甲長民國十二年在地為匪所戕

聶玉亭 冷水關某團甲長

陳銀山上同

夏明興 冷水關德盛團教練民國六年住龐家莊寨被匪攻破殞命

王海清

吳竹軒

安炳南

聶國珍

章 羣

方紹周 皆冷水關團局練丁

孫思武 冷水關團局書記辭職後民國九年遇匪於石龍廟挾前黨羽被捕之嫌橫遭慘害

丁濟川 冷水關八成部實業校學生民國三年大匪盤踞關上誣以言論排斥見殺

姚勤成 冷水關人重慶法政學生曾任本團調查員避匪居涪陵大石堡寨被匪攻破見殺

夏定元 冷水關人前清武生年八十猶強健民國五年六月匪劫其家執父傷匪數人不能勝被殺

何玉祥

傅國恩

王雲程

萬炳臣

張銀臣

傅元臣 以上六人萬盛場鄉勇從練長傅繼坤戰死溪源

鄒達夫
南平鎮團練班長民國三年遂匪青山陣亡

張丙周
鳴玉塢尖石灘保董辦匪認真民國六年本地大匪曹金山先後戮其全家三世老弱男婦七八口肢體凌碎遭慘

第一

李老幺
鳴玉鄉人初亦從匪惡其兇殘去之投駐也黔軍充偵探屢捕匪夥升班長民國六年為匪所執殞於平瀾橋

南川縣重修縣志卷十一之三

人物三

列女傳

劉中壘通儒閎識知二氣交索六子形分乾道成男坤道成女閨閣擊祝之英稟秀含靈懷
文抱質無異於表表丈夫用是稽古列女分爲七類一曰母儀二曰賢明三曰仁智四曰貞
順五曰節義六曰辨通七曰嬖孽陰教廣博不止一端不必嬰變故隕所天厲匪石匪席之
操乃可傳於後世也顧世之煒彤管而標綽楔者究以步共姜桓嫠之後塵爲尤多豈非以
坤道無成陰爲陽掩必朝日西匿夕月乃得顯其光輝歟顧同一守節而有甘苦順逆之分
遇順而節甘者雖庸常能勉境逆而節苦者非英毅莫勝或安居厚享而聲蜚懷清之臺或
辛苦流離而芳沉窈窕之谷此闡芬揚烈者所當隱爲權衡者也茲述列女行難而事詳者
爲傳事略行易者爲譜僅存名姓者爲表節烈而外淑德孝行母儀閨秀有美必章當女學
無範之日先正典型幸勿弁髦棄之詩云我思古人俾無訛兮

古代節婦

秦寡婦清史記貨殖列傳巴寡婦清其先得丹穴而擅其利數世家亦不訾清窮鄉寡婦也能守其業用財自衛不見侵犯秦皇帝以為貞婦而客之為築女懷清臺

按秦漢時巴郡遼闊并今四川東半而有之清既不著邑里難定為今何縣人惟女貞之山

懷清之臺一指為在今之賓化縣俗名貞女山者廣輿記也一指為在涪州采安縣東北七

十里名清臺山俗名貞女峽者括地志也輿地紀勝貞女山在涪州四十里江北岸攷采安

乃永安之誤永安縣唐武德中置開元中省永安者唐初割涪州巴縣地置而隸於涪州確為今長壽山又在江

北岸則屬長壽無疑清一統志省通志俱兩繫之不能決也史記稱其先擅丹穴之利據後

漢書華陽國志丹砂產涪陵屬地為今酉秀黔彭一帶則在江之南與南川地理為近故仍

以清為邑人弁列女之首

又按中國褒節婦賤再適隆恥正俗實自秦始皇三十六年東遊會稽刻石云飾省宣義

有子而嫁倍死不貞防隔內外禁止淫泆男女絜誠夫為寄猥殺之無罪男秉義程妻為逃

嫁子不得母咸化廉清觀其大意重在有子之母當撫孤以全人宗嗣且為賢子孫彌凱風

隱憾免其降氣颯顏謂他人父又重在男女相為伉儷俱恆一而終若男子棄室而淫尤重

繩之格殺無問艾緹二句即後世准擊姦斬頭也則待男女極爲平權何嘗偏鋼閨中重男抑女也

古代孝婦

舊志載治南城外昔有婦錢氏孝事孀姑病思泉水不得氏抱甕泣江邊石忽裂泉湧出奉姑病以愈至今清冷不絕氏年代舊志未詳今仍之

按孝婦泉綦江志亦載之古蹟云在城南又引輿地紀勝云在南平軍一里以爲南平軍之立在今綦邑境得有此泉不知南宋嘉熙軍已移治隆化城南一里正與邑所指泉地合在吾邑無疑

明代節孝婦

蕭王氏 庠生蕭子元妻王氏年二十五夫故遺子蕙甫四歲親舊咸勸再適斷髮自誓事姑孝後蕙補弟子員萬曆二十年如例旌表建坊西城外一里許至今猶存

清代

舍身全節全孝婦

章梁氏 章才奇妻梁氏夫故遺子甫一歲翁姑俱早逝獨持門戶鄰惡少張某豔其艾以金

啗氏父促再嫁誓死不從父暗納張聘約深宵掠取氏偵知之屬兒於叔翁衢卿家毛繩以待族人聞之咸憤兒氏赴縣同母昆弟助父惡率黨要諸途幸未值縣令逮父與昆弟及諸惡少鞠治加刑氏痛父不諒爲身受譴鬱悒成疾月餘卒

范文氏 范賢康妻文氏性柔順善事翁姑夫不良以故妄疑氏積憤久鬱值姑壽辰親朋雲集氏整裝應客夫怒對衆詈辱姑知氏貞順而不能禁其子悲甚向子長跪頭搶地流血氣結幾斃氏恐姑以護己致大故罪益難任救姑甦後泣拜入室服毒自盡

記者曰吾國舊習空慕尊重倫理之名夫婦雖不相得不主張離婚

書生以書離婚約爲損陰德

及釀人命又

以救生不救死爲慈祥遂至伸男緝女往往有婉順之婦入門孤立或翁或姑或夫或夫之姊妹一不當意遂爲眼釘舉家皆得逞其威虐逼之使不得不死既死官吏約保不究曲直希圖息事以懷忿輕生了之閨門黑暗沉冤莫白不平等之痛莫過於斯然此乃鄉習之惡非國律之頗也今之提倡女權者使鑒於此而昌明公理痛駁積習合力拯援豈曰不宜無如人情之激鮮不矯枉過正欲於居室內外禮節防檢一切解放軼蕩自由則衝突之禍烈於禁錮何由遂陰雨同心宜家偕老之初願乎

張黃氏 張天模妻年十九夫故無子以胞姪運衡承祀氏奉翁姑至孝姑史氏病渴索飲氏汲水失足沒於井時盛暑越八日乃斂面色如生壽三十九

乳姑孝婦節孝婦

周令狐氏 周芝芳妻事姑商氏盡孝商年老齒盡脫氏晨起盥沐趨姑寢先拜而後乳之
康蕭氏 康一治妻年二十八夫故子幼家貧紡績度日撫子成立姑病久艱於食飲氏以己乳乳之苦節四十餘年孫濟入邑庠

拒逼誓志節婦

張謝氏 張宗懋妻年二十夫故遺子士升甫二歲族人利其產屢逼嫁氏不得已攜子歸母家從舅氏讀至弱冠乃歸子年三十卒又撫孫成立以壽終

張徐氏 張大梅妻年二十六夫故遺子光福三歲家亦貧伯叔翁令改嫁誓死不從以紡績撫孤成立

章鄒氏 章學密妻年二十二夫故遺子仕塔幼族中利其產欲奪其節氏誓死不從復謀陰絕其嗣百端防護乃免苦節四十五年

余李氏 余宗體妻年二十三夫故族有利其產者逼嫁成訟誓不再適苦節四十七年

張安氏 張德祿妻年十八嫁德祿甫一月夫死矢無二志母家不然之屢諷別託不爲動自此不常歸寧一日母家使人來告母病篤氏不得已亟乘輿往中途微聞輿夫語有異疑之猶未審也未幾停轎坡上路途遙觀者曰此非某家新婦耶乃決知爲給卽出轎奔還從此與母家斷音問抱猶子俊卿爲嗣全節四十年

張李氏 張光昭妻年二十八夫故子二俱幼姑老叔少族人利其產屢逼嫁終不可奪曲盡孝慈

馮章氏 馮地遠妻年十七歸地遠夫故二載撫遺腹子道壽父母欲奪其志已爲擇配氏自嗟命薄誓守遺孤後子能讀書苦節四十五年

張毛氏 張昆澄妻年二十六夫故守窮傭工撫子父母逼嫁不從子長能立生計轉裕昆澄祖母及母俱章氏中年孀守茹苦勵操至毛三世矣

李雷氏 李天壽妻年二十四夫故撫子榮朝成立生孫而子沒族中無良謀奪其產百計防維乃延夫嗣歷節六十一年壽八十五

周彭氏 周相義妻年二十七守志撫男女各一紡績度日鄉有二豪族某某眩氏姿色遣媒
灼道意氏峻拒之見年四十夫家業農

節烈婦

陳何氏 陳光魁妻因拒姦被殺乾隆間奉旨旌表

王楊氏 王光輝妻因拒姦自縊乾隆間奉旨旌表

楊周氏 楊坤喜妻隨夫赴黔之安南縣備力求食時年二十九夫病攜子德順流寓永寧州
土豪欲娶之不可遂率悍僕數輩強昇以行至普安廳盤江坡氏投岩死地保驛卒縛豪鳴官
伏法而以事聞於朝得旨旌表建坊邑東門外前進士周立瑛作歌紀其事

盤江之山風勁烈盤江之泉清且潔我聞烈婦死節時天寒六月欲飛雪節婦生本西蜀人
隨夫入黔心和悅歷盡關山風雨寒百年相期死同穴夫忽亡子又幼一身嘆孤子十指自
營生活計家門富貴心不屑忽有狂夫狂欲奪節婦節婦之顏美如玉節婦之心堅似鐵
任爾掉盡三寸舌此身可殺心不折狂奴強掠至中途衷懷難訴常蘊結四顧茫茫天地窄
愁雲欲墜山欲裂日光黯淡樹色昏萬木悲號風淒切疾聲呼天天不聞輕身投澗真勇決

驛卒羣起縛狂奴狂奴伏罪憤堪泄更喜朝廷闡幽光路旁大字樹碑碣世間多少紅顏婦
死如鴻毛空飄瞥君不見盤江之石數點血風雨摧剝不能滅

唐趙氏 唐某某妻西路太平場人年少而寡里人艷其色欲奪之知不可得乃使媒媼賄其
姑姑納焉日夜許逼且怵之曰若故色厲數月後將如腹中物何氏悲憤不復言引刀刺腹肺
腸洞出數刻而仆母家昆弟弱訟之官代理邑令樓公方將嚴究會期滿去繼任者納賄五百
金遂不得直以懷忿自戕了案邑士多爲詞以傷之肄業尊經生陳永貞長歌一首

金佛山高高極天磅礴鬱勃無崩騫鍾毓巾幘標奇節巍巍直與山齊肩于歸二載與夫訣
貌如冰玉心似鐵立志本在從一終喬松豈爲嚴霜折何來狂奴妄欲作金夫助惡更有老
妖狐蜚語一入即引決不問床上半歲兒呱呱南有楊周氏西有王九姑鼎足三分峙隆化
天柱不待名山扶人笑匹婦愚我欽邦媛烈身死面如生魂歸名不滅血噴三尺身不僵刀
光皚皚燦霜雪吁嗟乎投身鼎鑊甘如飴信國矯矯稱奇男奇男自古尙無幾孰知節烈之
風獨盛於吾南可惜半溪水出山化濁淝遠城供綆汲廉吏化爲貪幽光不可闡沈冤白日
含君不見疆場之上黃金橫帶圖苟免綸扉椽筆畫日亦泐涖堂堂將相卑且污那知乾坤

正氣在婉孌瓦以全可羞玉因碎益顯我爲題詩筆更健髮上直欲衝冠冕

邑貢生康敷政有題節烈婦唐劉氏墓五言長歌一首無序歌中所紀守志被蜚語剖腹自

明與趙氏事相類疑爲一人一事但詩中明言唐家少婦劉家女

題目亦唐劉氏若謂鈔寫字誤不應兩處相同

又云我昔

幼讀熟鄉人每話遺徽重里閩康卒於民國元年年已七十其生在道光中年劉氏事彼幼

已聞之則尤在彼生之前可知而趙事來稿樓令云云乃在光緒癸巳其非一事而誤傳爲

二明矣然何其相類也康先生已久沒詩稿由其長子雅卿抄出曾問之雅卿劉氏墓何在

答云不知卽訪之本鄉亦無聞其人其事其墓者但詩稿如此耳夫守節被誣之人多而剖

腹表貞之人少如此轟烈雖不免過激其慷慨勇決豈易及哉今姑附錄康詩以待再訪

傲寒有翠柏凌冬有綠竹柏節自不凋竹筠自不屈勵志若冰雪守身若金玉乾坤正氣巾

幘多使我崇拜發浩歌唐家有婦劉家女幽賢貞靜性如此我昔幼讀熟鄉人每話遺徽重

閩里謂髮覆額時于歸咏之子宜室更宜家相安亦久矣本爲芙蓉花忽種斷腸草抽絲繡

鴛鴦翻成寡鵠鳥罡風吹斷連理枝無可奈何花落了不容隨唱到白頭最無情是閩羅老

人仰首呼烏鳥所天遽喪胡爲乎黃壤茫茫妻無夫白髮瀟瀟婦有姑君今雖死我必生

庭幃之樂樂何如全孝始能爲全節豈必身殉誇區區田園種菽粟高堂供饘粥無子母能歡於斯願已足無端蜚語來媒慢而唐突竟以小人心妄度君子腹孺人聞之心抑鬱惟恐母知偷聲哭此身可殺不可辱此心可剖不可拂我今取以示衆人此中莊嚴坐有佛四壁颯颯寒風送三尺炯炯七首重心似老比干剖出觀者衆面似雷將軍受箭色不動鬼神森列天地暗鄰人滿牆鄉黨闕被髮纓冠救者誰人雖未死氣如絲金石之志不可奪數日奄奄竟不支閨閣鬢眉見者寡烈氣英聲蓋天下願人守口須如瓶莫妄指鹿以爲馬我今偶步墓前來峩峩豐碑光曠野其人雖死氣猶生誌之以待採風者

捨身爲夫謀嗣義婦

傅鮮氏 傅立言妻中年無出恐夫絕嗣爲謀納唐氏女爲妾而唐恥作小星不允氏聞之卽自盡唐氏入門生子心愷守節撫孤孫懿等皆游庠曾孫承憲進士

楊譚氏 楊玉流妻年十八夫沒無出夫弟甫數歲氏急爲夫立嗣屬意堂兄坤定子而姑必欲待其季之長而娶娶而育也堅執不允氏託族人爲請姑借辭推延終於梗阻氏言及淚涔涔下服毒死

爲夫白冤義婦

張趙氏 張紹恩妻夫以事構怨土豪豪誣爲盜以僞贓爲證繫獄氏屢具呈訴冤官不省後年餘夫瘵死適昆明張公蒞任氏聞其明察斷一指染血投訴公直其枉寘豪於死復憐其貧補名卹婺局現年已七十

負夫骨還鄉義婦

陳周氏 陳應侯妻家貧夫妻食力嘉慶辛未大飢偕往陝西鐵門限種土數年而侯卒氏置其棺崖穴又六年有自秦返渝者氏與偕乃啓棺檢骨葬敗絮中負以行宿則置床前四十日抵故土另棺安葬結廬幕旁獨居十餘年

夫及子殉難節婦

吳蕭氏 吳純俊妻年二十八夫以江南安慶營守備戰沒於湖北竹溪縣七里溝時嘉慶五年四月一日也氏聞耗一慟幾絕抱姪陽超承祧超以陰襲雲騎尉歷署重屬駐防汎

鄧蕭氏 鄧章緒妻年二十九夫禦賊沒於陣氏撫子啓佑啓昆紡績度日誓不二志

文陳氏 文錦堂妻年二十四夫沒於陣撫幼子夢書紡績度日苦節十六年而沒

李陳氏 李明江妻年十九夫故家貧撫子文普成立普帶團練攻黔匪沒於水江石賞卹雲
騎尉准入忠義祠氏年八十四猶健

韋李氏 韋振武妻年十七于歸振武光緒二十九年大匪楊世玉等率黨百餘自正安界突
犯圓村壩振武以城中常練調往大衆奔潰獨力不支被焚死家無餘資氏苦守撫三子成立
年四十餘卒

善撫前室子女節婦賢婦

周熊氏 周士廉繼室幼嫻詩禮年二十九夫故家貧事姑鄒盡孝撫前室徐氏子立模并所
遺三女盡慈立模及己生子立椿先後選拔皆得力母教守節三十一年壽六十晚年以內則
少儀諸篇課孫男女爲之解說以爲娛樂

劉王氏 劉嘉聖繼妻幼嫻母訓襄家政垂五十年撫前室子如己出性樸素以勤儉起家年
七十四卒

鄧余氏 鄧雲程繼室節婦楊氏媳也夙知書年十六適雲程前室楊遺一男二女皆稚氏撫
養教育嚴慈交至不以異母避嫌子女亦依戀信從渾然無間稍長口授四子書俾粗晰文義

然後送入學堂樽節家用以資遠游必使成材乃已收租不滿百石應濟未嘗缺乏姑楊少年茹苦病發兩目昏眩氏以舌舐之久之穢膜盡消豁然開朗未幾姑又病風不能反側氏抱負抑搔唾洩便溺執器奉承如是三年姑沒乃已雲程務外罕問家事仰事俯蓄一身肩之夫嘗爲匪絜百方託人營救焚香禱天卒償所願待人應事身不憚勞而力持大體子蓉伯淪中校卒業任本邑教育多年純謹盡職不負母教

純孝節婦

劉曹氏 劉金梅妻年二十四夫故子光字最幼姑老臥病十五年侍湯藥始終不倦年七十猶健

李駱氏 李明俊妻年二十二夫故遺子廷瑞尙在襁褓事孀姑親滌穢汗守節四十二年同治四年旌表

陳王氏 陳良瑞妻事姑陳趙氏亦節婦飲食代爲舉箸洗滌穢汗姑病醫久不效禱神割股和

藥以進立愈

趙鄧氏 趙國孝妻年二十二夫故遺子運啓氏姑自年十八守志已三十載氏率子事之盡

道姑卒刻木爲像朝夕供奉如生

許孫氏 許某妻某被賊擄氏教養諸孤持家勤儉奉翁姑甘旨克盡孝道翁病乃以勺進食哺之藥餌必謹三年如一日翁沒喪葬盡禮其初夫與嫂不相能多方勸解使歸和睦

獨力養親節孝婦

胡童氏 胡明謙妻年二十六夫故五月始生子遠成撫之成立諸弟析居將二老膳業蕩盡氏獨養翁姑喪葬盡禮毫無推諉

汪張氏 汪明福妻年二十八夫故撫幼子遠壽遠萬家貧翁老一身獨任節衣縮食終致小康眼見四世以上壽終其孫祖繩亦娶於張德媿祖姑尤樂施予民國二年壽晉期頤五世一堂知事鄧篤頌以雲蒸霞蔚匾額咸稱爲累世守貞積德之報云

高童氏 高應濤妻年二十五夫故遺一男一女夫無伯叔兄弟撫孤養親一身獨任已歷節三十二年

極貧養親節孝婦

章張氏 章泳藻妻年二十三夫故遺子羨忠家赤貧母家欲令改嫁氏以衰翁病誓死奉

養紡績度日備極辛苦

周辜氏 周得勝妻十二歲嫁得勝家酷貧翁姑皆衰病而得勝體弱染煙癖無業不能自給氏負煤及傭力隣近助養已常不得飽數年姑沒氏勺錢以葬哀告動人而翁益老疾加劇不能自動氏往隣近傭作休憇時必歸省翁如廁氏負以行欲溺氏進器日習爲常隣婦笑之氏愀然曰豈得已哉我出家無人不如此聽其遺棄不爲之洗滌乎歲時間獲肉食悉以奉翁翁命之食作應暗留以再進又九年而翁沒葬如姑值忌日生辰預擗蓄傭值市酒肉紙燭以奠未嘗略也氏居城東五里劉黃村今年四十餘貧如故且有二女尙幼茂才張邦鑑知之悉常爲人道之

金周氏 金炳道妻城內后圃人年二十三于歸二十八歲夫故子幼姑老貧無立錫又乏伯叔分任惟持針黹以度姑壽至八十餘乃沒所生一子養教婚配讀書能以筆墨營生俯仰無憾飽歷辛苦壽五十六光緒中年邑紳合辭上請得旨旌表

孝婦

李尹氏 李茂春妻夫早沒姑晚年病足晨昏背負出入課二子經綸二子名食餼於庠

周陳氏 周應科妻姑病祈禱願減己算益親壽姑年六十八乃沒子廷輝邑庠

許吳氏 許文杰妻生三子夫亡姑更畜螟蛉而析氏母子別嬰氏與藐孤癡癡相守家貧無儋石儲衣食恃十指獲甘旨則走送奉姑姑猶不懌動輒詬怒氏委曲承順從不反唇後姑老病氏迎養之喪葬盡禮

楊袁氏 楊國安妻年十二出嫁夫之祖父母父及嫡母生母俱存氏一一侍奉各得歡心後祖母及母病奉湯藥尤謹備嘗辛苦五世一堂壽八十三

韋李氏 韋惠卿妻進士杰生之母其繼祖姑向盲於目啣乳吮之復明姑鄭病篤嘗糞割股以進立愈

劉陳氏 劉思齊妻姑性嚴刻家庭瑣事小不合意呵責立至氏委曲承順卒感而慈又嘗割股以平姑疾

周唐氏 周天職妻年二十夫遠遊不歸氏事翁姑及祖姑孝敬甚摯後翁姑手足不仁家無次丁氏朝夕以勺進食十餘年不倦

不背亡夫義婦

孫馮氏 孫昌積妻年二十一于歸未數年夫遠出不歸氏獨居撫子成立已四十二年

李張氏 李經林妻年十六歸李甫三日李出亡不返氏歸依母家已守貞四十年

蘇符氏 蘇純福妻年二十九夫出外不歸家極貧符氏備力求食撫子婚配且興其家壽八十三羣孫繞膝鄉里羨之

輕生殉夫烈婦

羅王氏 德隆場羅德興妻民國十四年六月十四日德興自市歸中途暴卒氏往視一見心痛觸石而死

不悔貧婚義婦

崔王氏 崔春宜妻年十五許字春宜旋聞家貧如洗父欲背約氏不從曰貧賤命也卽乞句願與終身卒嫁之無怨言

趙陳氏 趙月亭妻許字後月亭家貧所親咸勸改擇女不許年二十于歸生男女各一年三十月亭病故家亦如洗卒撫孤成立至今年已六十一歲子名德成

能事病夫賢婦

唐駱氏 唐和昭妻進德女幼而許字及笄和昭失明父謂進德曰吾子已瞽汝女肯從幸甚否亦不强進德商之女女以安命對于歸後克盡婦職兄弟將分爨氏惋勸同居皆感化和昭年三十卒氏悲甚越五日氏亦卒

鮮羅氏 鮮世德妻未嫁德爲樹枝傷額成疾父欲悔婚氏堅執不可以死自誓年三十始嫁于歸後事夫盡禮有加年七十餘卒

王章氏 王正晟妻晟幼年失明父母欲悔婚氏不可及嫁盡婦職生二子皆聰慧

金楊氏 金玉振妻性貞靜夫病啞氏敬之無怨言事姑孝夫故喪葬盡禮以姪承嗣

吳李氏 吳陽炳妻炳盲於目氏以紡績度日年四十炳沒與子謹增經營家計教孫延聘成學游庠食餼好施濟里中善舉無不仗助年八十一猶健

未婚不改字節婦

張鯨氏 張忠義妻廩生彥樵女年十九未嫁夫故仍往其家成服送葬侍奉病姑依以終身
伍陳氏 伍朝選妻歲貢生俊之女訂婚後朝選讀書捕廳署病卒氏入門成服葬後居夫家三年終喪仍返於陳終身不二後十八年身故

楊戴氏 楊逢春繼室年十八甫受聘夫亡入門撫前室子三終身氏性情溫厚言行亦謹撫孤有恩惜子長不克家鬱鬱以死壽五十四

胡歐氏 胡松茂之子明陽妻西路水潔歐氏女稱昭姑胡亡歐直往入門成服送葬居一年以舉動不便反依母家誓不更字松茂義之割田租十二小石提錢二百貫贍議沒後其田歸胡氏其食用

姑以禮自守雖親鄰宴會苦招不往見年五十二歲族戚鄉里共送匾額以彰其美

劉譚氏 劉耀南妻南路陳家場譚傑堂女生於清同治三年甲子幼以世姻許字於耀南年

十九耀南病故入門成服自願守志後以夫弟溶川子成章為嗣光緒三十二年沒壽四十二

守節二十三年

按曲禮女子許嫁纓講家謂女子十五許嫁而繫纓示身有所繫屬也士昏禮主人入成昏之夕E房

入室親說婦纓教繼公曰主人親說之者明此纓為己而繫也是女家自受幣一曰納徵即今俗語對香後女即

繫屬於男矣然茲時尙不可謂夫婦其佩纓明有繫者不過表己為人聘之女不得更許他

家耳詩魏風摻摻女手註謂女子既嫁三月廟見然後謂之婦未廟見則未任婦職服婦事

雖嫁猶謂之女禮記曾子問女子未廟見而死則如之何孔子曰不遷於祖不耐於皇姑塔

不杖不屨不次歸葬於女氏之黨示未成婦也以諸禮觀之字而未嫁義不得爲夫婦死不得入廟不得同穴又何節之可守今俗之望門守節者似謂一受聘卽成伉儷固結不解實爲過禮雖士大夫家亦無庸以此爲名高惟確出女子自願則聽之可也至於名稱當以入門不入門爲斷旣入門者爲節婦未入門者爲貞女卽本古人廟見稱婦未廟見稱女之義姚劉氏 姚蘭陔妻字流芳聞蘭陔病故入門成服送葬不復返母家終身禮佛茹素已十七年

新婚喪夫節婦

黃蕭氏 黃立川妻年十九于歸成禮日夫卽赴試在滄染病卒抱姪承祧守志終身夫僅一面而已

梁張氏 梁恬妻出嫁三日未同衾而夫病沒抱子承嗣守節二十三年

楊吳氏 楊仁春妻城內人十八于歸三日仁春病故氏抱夫弟仁聲子厚誠爲嗣壽五十六歲守節三十八年

勤儉興家節婦賢婦

韋傅氏 舉人韋燦妻傅氏祖父邑南著族恆產充裕氏生而勤儉木訥外若不慧內實敏辨識大義家族見其容顏皆不滿意祖儉用獨奇之誠其父曰此女不類紅顏有奇福勿妄字人燦年十八窮且微傅父聞其純謹好學歸焉入門卽法少君德曜之行鋤土種蔬夜紡績敝衣粗食一錢不輕費而侍翁痼疾供醫藥甘旨則樂爲用燦苦貧不能讀欲試訓蒙氏曰學未成訓蒙徒爲人賤所得微不足事畜也卽盡粧飾資之入書院兩年游庠燦亦發憤且教且讀從學日衆收脩金歸囑氏充某事用氏佯諾而以己勞獲者代支所入漸市田產立契券收入時夫始聞不知其購自何時也燦領鄉荐時館於外報捷者至見敝衣婦傭園內問曰某太太呼俗之官紳在屋乎氏詰得其故佯應曰在旋由後戶入易衣出見受賀報者大驚以後夫管局掌院服官身貴家饒氏未嘗一改其度燦以軍功保知縣親舊慫勸願助資供營缺費氏梃之曰以今視昔豐儉霄壤宦途多艱設不如意非負人卽自累半世守貧幸有今日宜知足也燦遂止凡婦人善治家者鮮不吝以刻氏於卹貧賑飢焚券讓界厚待業主慷慨遠過男子其過人處尤在不言而躬行沒年五十八燦做元微之作悼亡四首并序道氏如愚之賢禮經所載四德惟氏能閤合無稍戾以夫官銜至四品誥封宜人詩曰

此生未必隸飢寒風侶剛借勞轉難洗手調羹兼試藥分身汲爨始成餐臨江欲渡波濤壯
前路方長兩雪漫強說是貧非是病好憑磨勵效鵬搏 任他白眼判癸枯桃李無言自感
孚敢詡文章觀上國肯將珠玉溷泥塗負薪未足羞翁子食肉偏能鄙丈夫三載不飛猶藉
慰朝陽鳳嘖指高梧 恆言苦盡必甘來待得來時鬢已摧長守家園知稼穡不勞官署送
錢財去曾瞑目都成恨生未展眉更可哀莫厭緣終撒手好隨皓月照粧臺 而今在箇
有衣裳夢入依然大布將到底不沾脂粉氣回頭識菜羹香明知此恨難消釋欲卜他生
尙渺茫莫把君恩平等視徒完太璞卻封章

韋萬氏 韋駿泮妻嫁時夫年纔十二翁姑俱沒依諸叔以居氏勤操作頗有私積然皆服家
務之隙勞力致之無可指摘諸叔猶不釋然竊議他日析產泮且益富詞氣憤疾氏聞之慨語
其夫曰諺云巧兒不吃分家飯巧女不穿嫁時衣豈必藉是乃能溫飽哉盡以應分業及所積
讓諸叔赤身別爨貧賈母家俾夫貿而己指導之數年獲資鉅萬遂於母家置產諸叔皆庸惰
所受先業亦次第歸之有子六人壽八十二其立身治家接人多可法者

謝趙氏 謝正祥妻年二十二夫故遺子天富三歲天貴三月家赤貧氏盡瘁哺養稍長教之

勤立親督耕耨往往於月夜課二子耕田親往伴之遂起家壽八十四鄉里賢之爲請旌表後嗣發祥見謝金鎔傳金鎔孫家駒保定軍官大學卒業川陝邊防軍混成旅旅長念先世一髮之係創業之劬自作行述丐人繪月夜課耕圖川中文士題詞者甚衆選錄數首於後

資中劉祚濤題

謝君矯矯人中龍孝友高節凌蒼穹手持先世課耕圖囑予刻續田間啓

迹之巍功披圖瞻母顏如霜柏舟操苦尤異常貽謀不輟肯播力長鑱耿耿爭月光古人課耕常課早呼童驅犢方春曉古人課耕亦課午汗雨笠雲被禾土卓哉斯圖模範新鋤犁夜半猶披星豈不憐兒苦日短寸陰逝可補豈不念兒瘁力穡艱難維後繼在野不易在庭節兄先弟後雁行列平疇十畝滋霜華短髮一肩凝雪色君不見歐母畫荻圖又不見柳母和丸圖課讀課耕同一符志節凜凜三丈夫 隆昌楊光瓚題 并序 昔周公作無逸曰先知稼穡之艱難乃逸則知先人之依傳曰家齊而后國治家之齊微獨男子責也每覽古今家國興廢之故知家所恃以治者女德尙焉若夫女紅而外間能諷誦書籍操筆作文人遂賢之以此爲率不特荒於治家之道而遇小小事變輒惘然無所措轉爲一家之累蓋不知先後也晚近道義頹喪世俗詭奇四維之綱冠蓋惶惑求婦女之能明德慎職者難矣至於教勉

其子弟知立身之道且起家於困阨者尤寥寥不數覩有清陳榕門夫人月夜課其孫讀當時閩里稱頌繪圖以記其事以爲有聖善風其裔孫嚶生同年友曾丐不佞爲之題志己未謝君龍文乃出其先祖妣謝太孺人月夜課耕圖以示端眎肅然近古以來未嘗有也孺人以中年嫠寡一身而百瘁率其兩子殫力農畝且惟日之不足也督爲月夜之作不憚不虞勞所事事者十餘年家卒賴以中起而永昌其祀嗟乎豈不難能乎哉夫世俗之教其子者讀書以速仕祿耳子而不肖將視此爲勢利之具心鄙志荒鮮不爲君子所非笑若孺人者知所本矣倉廩之實仁義所附也龍文念先人創業艱難思有以闡揚之殆亦明於奉先思孝之義歟龍文有聲戎行而篤於根本如是將來所詣正自難量而孺人之懿行尤將共岷峨山色長光蜀國也隆昌楊光瓚乃敬爲之贊曰先民有言君子無逸稼穡艱難家國之紀懿彼孺人苦心卓識勉矣孤兒勵乃農事古有耦耕長沮桀溺天下滔滔不能以易春結其華秋穫其實禹降湯歎不可避匿日出而作日入而息其難其慎矧敢偷佚露冷霜高萬籟沉寂母子三人相向而泣母無兩兒欲飛無翼兒無老母孰扶孰植弔影相依太空雲霧隴畝帶帷盎然春意屹屹窮年衣足食裕謝氏之門亡存絕繼馨德揚芬頌聲洋溢燁燁彤管

永光棹楔遠孫龍文武兼備感念前徽愴然雪涕髣髴音容徵求揚挖傳之無窮昂哉來
裔世閱滄桑命存耕織明月中天萬古無極 江安朱青長題 青長恠筆裹浩氣穎端時
有風雨出沒蛟龍吟下腕恢恢掃千里吳山越山兩點墨荆梁幽雍泥首仰拜如天尊不以
文字荒詭凋鏝博世愛以長語忠語義語孝語傳大節能使閭者大豁死者生今年閉戶居
陳廬迢迢錦水來魚書書中頗載謝母事願乞一詩傳姓字外附以圖長尺五畫水畫山畫
原塢山尾一茅屋屋北環以田田中無寸蒿止水清涵天月色明寒空樹影青娟娟當此天
荒地闕無人問祇有霜松雪柏冬心堅有母有母腰青孺有子有子身塗塗短策在手赤兩
趺所豢神犢馴於奴左鞭左走右轉迂三五曲折如有途兄先弟後行不孤寸青種之三尺
誅播精奉母情魚魚積久珠玉充倉儲貽之子孫宏其居黃雲蔽野毗千里我三讀圖三太
息煦月輝輝冷光濕爲憶當時一茅一土兩孤兒戴露深耕有餘力吁嗟乎母義不負夫兒
孝不違母各得所以報所天至行錚錚媿前古昔也瘠今也腴昔乘牛今乘輿殺賊歸來麾
蓋舒宣明善詠兼工書得書長詩繫蒼瑜永壽萬世免淪淪或不負此圖 巴縣梅際
郇題 深山冷曬一九月月露微晶晃鋤鐵中有阿娘一寸心鋤下土膏三尺熱熙隆海寓

方丞平男兒作健惟力耕黃雲二頃壽甘旨慈顏笑對長腰稅百歲清風失巴寡文孫於今
宜健者已看買賣換刀牛尙挈丹青隨架馬怪君意氣何恢奇據鞍讀書挑青絲橫刀試望
古天府惟餘健婦供犁鋤

周劉氏 周明賢妻半河鄉大河壩人年十六適明賢六載生二男一女而寡時家猶窘氏賢
能兼備勵志經營轉致豐富爲一鄉上戶善待賓客訓子弟家法井井長子宗禮年十六被衆
舉爲闈正凡爲他人評理解爭了事皆受命於母親近者卽徑至氏宅求其剖判計畫氏毅然
正言不囁誠巾幗中傑出者也年五十猶健綜理內外不倦

戴蕭氏 戴永宗妻夫故家貧歲歛遺子八惟長次二能自立餘皆賴母紡績存活後諸子以
貿易起家氏主持內外有餘分潤隣族不少客年八十猶健

郭譚氏 郭福健妻石溪鄉人十七歲適郭二十八歲夫故家貧負債數百貫已失恆產之半
夫之叔父欲其出嫁氏奮志不從親理穡事節縮衣食數年遂脫債累晚而豐富樂於施予其
子成順勤樸忠厚孫支蕃衍咸稱爲守貞積德之報歷節四十七年壽七十五

蕭張氏 蕭展魚妻年二十六夫故守節撫孤五十八年初展魚昆弟凡三皆娶於張居邑南

陳家場營薩務於瀘州失敗田產蕩盡兄弟物故娣姒寡居氏尤少而能理家獨身搢拄次第償逋食老弱六七口婚喪賓祭毫無苟簡時出撙節之餘恤方中貧苦人或稱之

賢孝節婦

楊金氏 楊成如妻年二十七夫亡奉養孀姑殷勤周到夏驅蚊蚋冬烘衾褥先意承志未嘗致姑幾微愠怒享年八十餘其他待人以仁教子以禮一方以大家令德推仰稱頌洵女宗闈範也子三以仁以德俱庠生宣統元年旌表現年七十八猶健

韋張氏 韋春堂妻年二十九夫故翁中痰疾四體不仁姑復跌地傷足二老皆困床褥氏先後服侍六七年展衣附體舉箸進食扶持起臥洗滌穢污無他手可假雖親生子女不耐撫孤子宗臣教以義方不許吸煙通袍受戒惟謹能守其家族人韋麟書爲作家傳紀之

鄧楊氏 鄧心傳妻年十六適心傳二十九而寡事翁姑盡孝夫一兄兩弟氏與諸娣姒同居力勸和睦先以遜讓寬厚爲導常謂家不分不敗故翁姑尤喜之夫沒哀毀逾恆治家勤儉有度夫兄弟後皆失業氏獨能守舊築房屋教子讀書承堂構焉

韋周氏 韋耀廷妻節婦周陳氏女事翁姑及夫能盡孝敬同治庚午秋爲夫病次年秋爲翁

病兩次割股以救均愈生母苦節家微晚而益貧氏以田租一股贍其家口擔任養葬又爲請旌表待人慈惠敦厚三族稱感壽九十三歲

胡徐氏 胡憲宗妻陳家場人年十九歸憲宗次年生一子紹周憲宗家貧隨人赴黔中貿易二載無耗氏探聞已故哀痛欲絕立志撫孤姑傅病筋骨痛四肢麻木氏扶持起居不倦家遺田收租三十餘小石未析被夫兄映宗并紹周股分暗行盡售一錢弗給姑頗庇映宗氏卽忍讓弗較晝夜辛勤營手工以度生活奉甘旨人以家貧年少勸改圖者氏拒絕不與言姑沒攜紹周依外家長育成立入伍營貿能覓衣食氏見年五十六歲以從前困苦憂煎過度兩目失明鄉人知者靡不嘆息

鄭蘇氏 鄭純鶴妻年二十四夫故家貧子穉翁姑俱存親奉甘旨身及子食粗糲有勸改適者終身不與交一語壽六十

賢孝婦

劉龔氏 劉宗琦妻儒家女通詩書研聲韻宗琦所作多推敲於榼臺然後出示同輩道光二十六年七月宗琦赴院試在渝父母年邁同時寢疾危甚家貧氏號泣無術於子時焚香禱天

減已算益親割股和藥以進越三日親沒而創增劇幾不能治喪痛極昏悶中若有人以水沃之既蘇痛由是輕創亦漸愈宗琦沒家益窘其長子鬻及藏書氏即取夫詩文遺稿寄度隣嫗屋梁及次子耿光能讀始取授之曰他書失可復購此汝父心血一滴不能再得也耿光家貧能承家學附見宗琦傳得母力尤多

汪李氏 汪明交妻夫病時日侍湯藥靜夜焚香祈天減已算以延夫壽復割股以進夫沒竭力奉姑至九十六歲乃卒臨沒時語氏曰汝貞賢當與我同壽後果然氏以清乾隆五十二年生同治十一年沒

猶羅氏 猶模齋妻三匪場人年十七于歸髮匪入境雇肩輿乘姑身步隨奔荒山輿夫失足姑跌傷兩足雖覓醫調治瘡愈而不良於行氏不離左右扶持臥起洗滌污穢三年有餘無難色姑病性益躁急小不如意呵譴立作氏惟順受姑沒氏主內尤好善矜恤閭里提攜親戚無虛日模齋與人或以交財忿爭反待氏爲勸解賢聲播於鄉里

輕財樂善賢婦

任陳氏 任太坤妻年二十六夫故遺子佐先撫孤兒事孀姑各盡其道又捐業作學田

梁熊氏 梁廷桂妻夫亡將所置鋪房捐入文昌會

曹聶氏 曹國琳妻夫早卒撫四子積鉉等成立臨沒將蓄金交子置產收租設李家塘義渡

聶卓氏 聶新漢妻初嫁時家甚微以販米爲業氏嘗隨夫負穀某富室量穀狠刻下於斗梁者數分糴販者咸嗟怨而無如之何氏慨然曰使吾異日有穀出售當高於梁一指聞者莫之信及晚年果踐其言糴者必探卓氏在家乃往

張劉氏 張肇修妻巴縣涼水井劉裕如女歸肇修年三十二夫故撫子興第及三女性情嚴正善理家而好施惠平日鄉中困窮多賴以濟髮匪之亂場當孔道失家老弱婦女及自賊圍中逃出者每日不絕氏開倉出粟沿途賑給外又詢遠近酌贈路費故其義聲播遠近邑拔貢

劉明昭爲文紀之

張郭氏 胡唐氏 二氏俱逸夫名郭氏孀居家貧紡績自給姪女無依撫之成人代備資粧遣嫁唐氏捐貲濟人急難出財爲人完婚各數次他善舉亦多鄰里莫不感之

撫夫弟姪節婦

劉楊氏 劉仕圭妻年八十八夫故遺子兩航翁姑繼沒夫弟龍書纔五歲氏兼撫之與己子

若一延師教育定婚配後兩航父子登仕版龍書積巨資民國後諸劉游學入仕兩房胤嗣繼承興起爲邑望族皆氏平均閔鬻維繫於絕續之力也

皮楊氏 皮爲泉妻姑病刲股和藥以進夫病亦然年二十二夫故無子遺一女亦不數年死惟夫弟甚幼翁姑相繼沒氏並撫之嚴課讀完婚配悉已糶奩以嫁夫妹不稍吝持家勤儉擄積較夫在日轉裕

張趙氏 張廷瑞妻胞姪鏡甫孩提生母李病礙難撫育氏代撫如己出鄰族貧乏尤樂爲推解

楊曾氏 楊榮泰妻性恭謹識大體翁姑早逝撫夫弟榮剛代爲婚娶年四十夫故居恆以禮自持訓二子規矩名二子明辨義利嚴取與族戚咸奉爲家範

無子堅守節婦

楊夏氏 楊應祥妻年二十二夫故生二女無男夫臨終囑曰吾早失怙恃若不安於室如何氏嚙指立誓撫女屢經挫折不易初心盡以產業付諸姪俾輪養之壽六十四

婁魯氏 婁光愨妻年二十九夫故遺四女無男家貧人勸改適以死自誓四女畢嫁子然一

身自食其力以壽終

劉解氏 劉天棟妻年二十八夫故一子國順復天氏仍勤儉治家積千餘金產業先割半建宗祠置祭田見年六十五已守節三十七年

教子成名節婦賢婦

陳馬氏 陳有庚妻年二十九夫故撫子定魁成立以武童入營積功官至參將授副將銜贈有庚武顯將軍氏誥封夫人

劉周氏 劉玉書妻性慈惠孝養孀姑內外無間言課子孫誦讀晨夕不倦子爲楷歲貢生以良師爲邑士楷模氏壽八十五

傅王氏 傅懿妻性淑慎識大體子承憲就兩伯父學氏奉之如父母教諸子友愛有古賢母風

唐張氏 唐和鈔妻優貢洵母也性樸素而知大體奉翁姑孝待妯娌和子洵死髮匪之亂母聞之喜曰吾兒得沒王事死賢於生矣

王陳氏 王清宴妻夫家貧氏親操井臼夫亡年三十三食貧茹苦以撫孤子家賓道光丁酉

科選拔其友同邑廩生劉鎮伯方爲作賢母傳

鎮與星崖交最深數年前因獲登堂拜其母且深悉母之爲人也竊見母生平言行一出於正用敢縷誌之以爲世之閨閫法太孺人姓陳氏原籍江西泰和人世與同邑梅岡王氏爲婚父長玖公貿易來南遷川北營山縣嘉慶三年教匪滋事太孺人年八歲隨父避賊於蓬溪等處常出奇計以脫父於難蓋其聰明有過人者後長玖公回南邑太孺人年十九于歸清宴王公公故梅岡裔也初公自江右來居積財甚豐以慷慨故凡利物濟人之事揮霍無吝色卒年家居徒四壁立時太孺人年三十三有子家賓尙幼居窮自力於衣食家本無長物凡衣飾銅錫諸器不惜典賣以供束脩終不令其子廢學自清宴公故太孺人不服文繡不與宴會雖至戚造門促致不往也如是者二十年如一日焉所居近市門庭肅然市中博奕蹴踢者流或酣呼而來過太孺人門則屏息而趨無他其生平之嚴氣正性不苟言笑有以懾之也子家賓自入庠食餼屢列優等丁酉拔貢成均卽吾友星崖也太孺人始終期之甚殷教之甚嚴僅僅拔萃一科終莫副平日茹苦含辛之奢望也鎮又聞之清宴公存日戒家人勿以冷食與乞匄與必以熱否則輿錢慮其食冷而生疾也且曰吾家釜竈甚便故不

食冷物彼乞人安有是耶太孺人踵而行之至於今不衰其他好施之事尤難枚舉世傳王氏多隱德不誣也事載郡志

楊曾氏 楊榮封妻性端直幼嫻女訓不苟言笑不喜華麗得翁姑歡居恆和妯娌馭衆悉撫羣婢井井有條寬而不弛壽八十餘

王程氏 王光貴妻夫早沒遺孤秦源家貧氏紡績度日撫子成立以團練應官軍徵調後積功升至總鎮其忠勤謹慎得之母教

淑婦

陳周氏 陳甫安妻生子俊家貧甫安遠館巴邑氏奉姑甘旨弗缺虛俊零丁爲夫納妾生庶子傑偉撫如己出壽八十一

張唐氏 張兆祥妻不喜華飾不苟言笑教子有方持家勤儉生平多行善事

楊鮮氏 楊鶴如繼配事姑以孝撫前室子以慈生子入邑庠邑人周元愷爲之立傳

章卻氏 章振春妻夫婦原籍江西臨川縣清咸豐時夫先來邑南陳家場貿易氏以待養威姑留姑沒乃從夫於邑生七男三入邑庠少子巨川清末入成都勸業養成所卒業任江北定

遠及本邑勸業員餘承父業皆有材能自立女三孫二十八人曾孫十三人玄孫二人壽九十以民國二年沒氏內勤儉外仁慈相夫而禮賓師教子以志遠大皆秉大家法度年八十餘猶手箴管線繕補綴破敗常自積餘錢盈篋以散困者盛德之聲洽於閭巷夫之商業始而利中而挫終而復振氏同心黽勉甘苦險夷經歷數變故其誠子孫恆曰人當將眼光放遠安命聽天不可乘人之危幸人之難真有識之言也邑中近時以一母鞠多子咸能成德達材本支繁衍人羨多福者惟氏及姻家顏氏見顏紹稱最顏母以能章母以淑人之稱羨過於夫又同享高壽鄉人爲聯曰九男二女一知縣七子三壻五秀才其聲實競爽不相上下也

章劉氏 章榮秩妻年三十二夫以屢試屢躓鬱鬱病故遺三子俱穉氏勵志堅守經紀家務內設淨室禮佛茹素誦經尤好大義以勸鄉隣息爭訟爲己任每親舊有讐輒往說其門內剖析曲直利害使轉勸家主明白懇切爭者多悅服聽從夫弟顯堂橫暴婦亦悍潑榮秩在時顯堂嘗以小故毆兄致傷鄰族不平慙使憑族或訟官氏力阻曰門內之隙當自彌縫天下無不可化之人勿令外人與我家事或傷其面或取其財恨益不可解也榮秩從之置不較氏轉與親愛日以善道吹噓卒爲所化氏孀後向亦寡居娣姒怡怡有事互諮兩家子弟歡如同胞

韋向氏 韋學淵妻貴州正安界人年十七適學淵生一男二女家初尙給衣食學淵不才盡耗於鴉片驅氏出傭爲人洗衣勤積轉爲夫償債百餘貫以其餘使買不久復耗之氏無怨言怒色唯婉轉勸告而已學淵死氏盡力營葬及嫁所生女積貲亦罄困苦寥落隣婦勸再醮氏謝曰猥蒙錯愛豈有將爲人外祖母而嫁人者哉且運蹇若此人亦何利娶此命薄者也遂不聽撫子至二十餘歲爲授室勤儉孝順氏不復傭也

勇婦

劉張氏 劉建昌妻咸豐十一年秋氏年三十避賊岩洞方執炊賊突至以爲女流不能抗也氏出不意從後抱賊仆地而身壓其上急呼旁婦揮厨刀從事旁婦恇怯力不能繼亂刺十餘下而氣不絕賊泣告哀曰我已難活可放手矣卒奮力截其頭與旁婦並逸

張周氏 邑北石牆場黃佛溝人張永奇妻宅後貓山險峻荒莽多猛獸氏年六十餘一日次子出遇虎與相持不敢進退逾時未歸氏心疑提父往視卽父虎力按貼石壁命子歸約數人持械往斃焉石達開衆過境數賊縱火焚宅氏當門持矛挺身直拒賊不敢近命家衆滅火竟獲保全

閨秀

貞女

楊大姑 楊之紀之女幼許字魏氏子未婚而亡姑聞痛絕誓不再字願事父母終身守貞四十餘年以壽終

夏杯姑 夏一序之女許字趙氏趙亡誓不再字守貞三十餘年卒年五十

楊才英 楊光茂季女以親老家貧無弟誓不字人願終身奉父母守貞已六十餘年

童辰姑 童天華女辰姑西路太平場人許字周光貴之次子未嫁周將舉家遷陝西天華欲留壻營宅成婚周不可徑攜子去姑誓不更字生平不苟言笑不務華飾父母終兄弟析居給以口食姑勤儉紡績積百金買田一股晚景尙裕光緒五年年七十三邑令牟思敬嘉其行詳請旌表蒙准建坊後三年沒遺命諸姪所積資產一身喪葬後永作本支祀田其外姻巴縣張子元爲撰墓表贊以詞曰

堅守青年志一心能不二貞從百歲完坤維存大義盡孝報劬勞奉養喪葬備艱辛置產業祖宗綿祀事朝廷闡幽光旌表蒙恩賜貞孝傳千古芳名永不替

李四姑 白沙井人年八歲定婚史氏未嫁及十四歲夫故立志守貞不嫁壽七十八民國十年故清末請旨旌表

李四姑 李天泗女幼字陳光保未婚而保病廢數年卒姑守貞不貳卒年六十四

劉金芝 劉明鑑女鑑夫婦年老無男金芝以父母無人侍奉故不出嫁及父母沒既葬以時太過遂終不字四十八歲卒立志堅守人無異言

孝女

張杏姑 張肇修女觀橋鄉人以父沒母病弟甲先幼家富於資恐人欺侵矢志不嫁嘗爲母割股甲先成立扶植功多三十四歲卒光緒末年邑令廣西進士呂森爲作墓誌

禮經一書不遺陰教故教於宗室者教以婦德婦容婦言婦功幾於事舅姑者獨詳而事父母者獨略矣及觀內則所記則曰婦事舅姑如事父母自雞鳴盥漱縱筭總衣紳而外他如饋飭酒醴餼篋箴褻之屬雖纖悉必詳則遵懿訓而敦彝倫者豈既適而能事舅姑未適而不能事父母者哉則知事舅姑孝也事父母者亦孝也雖然孝有常而亦有變有奇而亦有庸言乎至奇至變如趙娥之懷刃復仇冤平血海曹娥之沉淵抱痛屍出洪波以及緹縈之

書上闕廷脫親囹圄至性所關莫不蹈危險而弗辭置死生於弗顧憂乎其難至若庸常之行更有難能可貴者焉孟子言不孝有三以無後爲大夫以無後爲不孝然則存父後者不且爲至孝也乎吾於張氏杏姑而竊有感焉按杏姑爲南川望族張公肇修之女幼失怙母撫未字母疾割股以瘳尋復病卒弟一名輿第尙幼姑矢志扶持弱孤並經營家務以致充裕弟以成立納粟得官於去春姑卒年五十餘矣嗚呼矢志靡他憫宗祊於一線藐孤可託延血食於千秋致令後之仰慕而景行者無不唏噓感嘆憑弔弗置則其懿德高風並與山高水長矣非骨肉情深愷惻纏綿者而能若是乎或曰婦人守節爲貞若姑者於問名納采納吉納徵請期廟見諸大禮無問焉節於何有貞亦何有乎不知大易衍陰陽之義位定乾坤乃曰女子貞不字然則姑之貞也殆以貞而全其孝乎抑以孝而成其貞乎則謂之孝可也謂之貞亦可也吾忝任是邦星霜兩易戊申之冬乞假養疴晉省道出張氏里姑弟輿第來謁述姑存沒行甚詳備若此淑德亟應闡揚以風當世是不可不銘矣銘曰一坏青塚彤管遺芳芝蘭浥露松柏凝霜孝思爲則終焉允臧垂諸金石以發潛德之幽光

伍蓮貞 伍克修女年十四歲父母俱沒二妹一弟皆穉弟方一歲故不字以撫之見年三十

三歲

按清代旌表貞女律聘夫亡不更字正也其次父母年老無男生養死葬非女莫任例得旌表義當目爲孝女其曰貞統詞也古之人有行之者北宮嬰兒子是如有兄弟卽不當留強留例不得旌以養親有人故也竊謂此例過拘蓋父母無男女子出嫁尙可迎養壻家若父母或老或沒有弟幼穉無期功強近之親卽有而決不可託則女身留而撫弟以承親祀保先業比無弟者尤爲重要及弟成立力能自主而已之婚期已嗟梅標不樂遠行且有功母家可託以終身則何必以嫁強之君老子幼朝不可無託孤之臣親老弟幼家又何可無託孤之姊乎至非貞非孝無故不嫁者多係遁入神佛茹素唸經已爲世外之人卽不從而禁之亦無所取而表之也此次凡有採及者皆不載

謝月蘭月彩 謝祿齋二女蘭年十三彩十一祿齋染疾臥床數歲惟二女在側輪流扶持起臥代進飲食洗滌污穢不避臭惡歷久不衰宗親見者莫不謂難稱孝焉

烈女

李姑 李仕榮女明代人幼許字聶氏子勝芳未婚芳死女聞耗閉戶自經主祀節孝祠

王九姑 王奕讓女許字譚氏子德茂以母喪未婚傭工趙二伺女父兄赴市挾刃入室脅之不從殺之而逃欲往木洞河走竟迷不得路返詣縣自投邑令往驗時盛暑尸露七日顏色不變事聞趙伏法旌表建坊邑西六十五里金銀石綦邑舉人楊材選作傳

傳曰縉紳先生有言慷慨捐生易從容就義難豈以古聖賢中正不易之道非匹夫匹婦決脰刎頸激烈一時者所能幾歟選竊以爲斯言甚美然而陳義過峻責人無已適以開偷生之路而塞赴義之門也天下有赴義祇爭須臾而故託於從容以忍就其偷生之計又恐無以自解於天下後世於是謂慷慨爲不足爲以今所聞烈女王九姑之事又何以稱焉九姑未讀聖賢書嘗聞士君子緒論一旦遇強暴知不可以一刻生遂不能不爲千古死而又非要譽於鄉里求知於長官希旌節於朝廷垂名於金石也徒以清白之軀必不可污吾能抗節不辱雖粉身碎骨其心固已甘而蹈之矣初九姑幼失恃事繼母十餘稔母絕憐之字同邑譚姓于歸有日矣備某艷其色乘家無人挑之不從脅以白刃拒益力厲聲振屋瓦被數創死時天大暑越三日面如生瞪目直視手足能屈伸無尺寸之膚腐穢請驗日四方觀者或七八十里或百餘里無老少智愚皆涔涔淚下口嘖嘖稱奇時戊午五月六日也吾師

介堂先生宰斯邑下車未三月選時從游於署一日日將晡見一男子全息衝衙入如鳴冤狀公驚出詰之始悉其故問何故不逃曰始覓路從大江下若有人截止之及反行又若有人從後推之所以不半日馳百餘里抵縣城噫異哉其孰使之然耶事聞大府上之朝廷亟予旌表以爲風化勸邑人皆誦吾師之賢以爲九姑貞烈非得吾師力則君門萬里綸紵何由下賁當日慷慨就死實足爲偷生輩藉口耳亦安知節烈之重乃至此哉嗚呼天下之假託從容而僥倖不死以隱悖於義者可以鑑矣

賢女

童家嫻 邑南德隆鄉童葆生少女年十餘渝城女師範校畢業未字遊學南京以其兄季齡遠游美利堅母老在鄉苦寂迎往賃居課餘親作食奉養朝夕承歡勤儉誠篤品行冠諸閨秀民國十四年南京戰事起奉母還由漢口而重慶任女師校教員秋初暫回本籍十日而病未及一月而沒先是諸昆弟析產提田租一百小石備家嫻學費嫁資彌留時扶床手書捐入道南小學校季齡友人江津吳芳吉撰墓誌

家嫻吾友童季齡君妹也季齡留學美洲念幼穉失怙囑嫻侍太夫人逾十年歸而嫻卒於

季齡抵家之前數日侍母而未能終待兄而竟不至嗚呼傷哉嫻自小未離太夫人左右初就外傳於淪太夫人念之輒遣人送臘肉往嫻恐太夫人念女勞頓迎養淪中後求學海上則奉母海上求學南京則奉母南京及江浙戰起避亂漢皋教書淪城無不奉母以從在南京時率甥姪輩與居太夫人不嗜異鄉口味嫻將上學先烹調以進暮歸諸兒圍繞太夫人坐嫻手作鍼線口講古今史傳以娛之太夫人有不豫輒得嫻一言以解於是季齡得無內顧憂能終成其學者嫻之所由助矣嫻以半生志業在慰母之心與助兄成學故使母心長慰猶吾心之長慰也兄學有成猶吾之學有成也身爲弱息不能爲國之長才世之俠士要當爲吾母之孝子與兄之賢季是以二十五年而未字者母未有所終養兄未能遽歸也今之女子汲汲皇皇日以交游爲事上者呼號權利下者趨炫聲華然後以爲時尚自嫻觀之不足介吾意也嫻性恬淡和易家中老幼無不慕悅又勤儉樸素衣履躬自縫紉恥仰人力嘗觀鄉中道南學校以其善誨彌留時囑以一身所承先人遺產爲學費收貧資者悉捐與之則回顧謂太夫人曰兒恐不得終侍母矣時季齡方自美洲歸國聞嫻病甚慮不起益增母憂乃急行至漢而嫻竟死歸則葬矣抱母痛哭哀不自勝馳書以告吳子曰爲嫻誌之庶

不使我負嫻之心季齡與吾爲總角交嘗命嫻與吾婦書札往來吾視嫻猶吾妹也每過南京必趨省太夫人及嫻今年夏歸蜀又相晤於渝中嫻著碧衣素裙丰容曼鬢端然自紫藤花下出應殷問雙親無恙詩興近佳此情景朗朗在吾心目詎知嫻之不永年耶然季齡別嫻歲久顏色俱殊今所想像猶嫻十載以前孩子垂髫之狀是則人間之最可悲者已銘曰衆人皆醉我獨醒舉世皆濁我獨清彼靈均之內美亦家嫻之中情嗚呼母之愛兄之敬友之相親將如滄海之盈盈而不異乎死生

流寓才女

安氏女 黔中人其父清同治甲戌科進士女聰慧工詩髮匪之亂舉家隨其父來邑萬盛場舉家皆業儒女嘗以詩應妹有秋懷一首前六句云秋懷若在水雲端風近重陽分外寒一幅清溪山影瘦半林紅葉雨聲乾傳來羽檄鄉村亂欲去烽煙道路難末二句佚

譜

蕭應運妻陳氏 年二十八夫故撫孤守志歷節五十六年壽八十四

周立瑄妻李氏 年二十五夫故遺子仁懷仁昭善事孀姑教子成立昭舉明經氏現年八十

周德容妻馬氏 年二十二夫故生遺腹子宗浩撫教成立歷節六十二年壽八十四

周文茂妻鄧氏 年二十二夫故遺週歲子家貧紡績度日撫孤成立歷節五十餘年壽八十

二孫曾滿室

楊全鵬妻韋氏 年二十六夫故善事翁姑撫幼子成立壽八十

楊 栩妻張氏 年二十二夫故遺子樂道善事翁姑撫孤成立孫敬修入邑庠壽八十四

楊全旭妻曾氏 年二十五夫故守貞壽至九十六

李正陽妻張氏 年十六過門越八年夫故生子光顏矢志撫孤成立一生慈悲自薄厚人歷

節六十七年壽九十二

楊貴德妻李氏 年二十六夫故遺子必元必龍撫之成立守志五十五年壽八十一

楊貴芳妻唐氏 年二十二夫故生一子二女均幼殤仍矢志不貳民國四年沒壽八十守節

五十八年

楊啓倫妻張氏 年二十夫故事姑孝苦節七十年壽九十

楊明成妻解氏 年三十夫故撫子成立歷節五十一年壽八十一

章藩梅妻梁氏 年二十一夫故遺子洪孝甫周歲奉姑撫子苦節六十四年壽八十五奉旨旌表

章藩謨妻朱氏 年二十一夫故無子繼姪洪位爲嗣姑老子幼田界每被人侵邑令冀公爲

清還界址贈以節孝堪揚額苦節五十九年壽八十奉旨旌表

章國用妻程氏 年二十四夫故歷節五十九年奉旨旌表壽八十三孫癡食糜餼

章洪語妻程氏 年二十六夫故遺子名卿守節六十年壽八十六

章必昌妻鄒氏 年二十四夫故食貧撫孤壽八十四

羅名世繼妻劉氏 年二十七夫故遺子元春甫三歲撫成立歷節五十六年壽八十三

陳光鳳妻張氏 年二十七夫故歷節六十一年壽八十八

陳天佑妻周氏 年二十夫故遺子三俱穉矢志撫孤長子文才恩貢孫運規歲貢氏壽八十

七

陳光化妻聶氏 年二十七夫故無子嗣夫弟光揚子洪聲承祧歷節五十九年壽八十六光

緒元年奉旨旌表

陳世德妻雷氏 年二十八夫故守節六十年壽八十八

陳大仙妻安氏 年二十八夫故撫子成立歷節五十九年現年八十七

陳定洪妻李氏 年二十七夫故家貧紡績奉翁姑撫四子成立歷節六十五年現年九十二

五世同居

陳藩妻滕氏 年二十一夫故生遺腹子撫之成立壽八十二

熊興文妻羅氏 年二十三夫故遺子順宗家赤貧撫孤成立苦節六十二年壽八十五

何觀清妻邱氏 年二十三夫故守志六十二年卒年八十五

謝自坤妻王氏 年二十一夫故善事翁姑撫子成立壽九十

謝餘信妻李氏 年二十四夫故遺子馨岱甫半歲事親孝教子嚴佐嫂氏劉理家政夜以四

子書課子歷節六十年現年八十四

傅祖斌妻楊氏 年二十八夫故撫幼子汝驤成立歷節五十八年壽八十六

杭光林妻章氏 年二十八夫故家貧苦節六十二年壽九十五世一堂

尹國照妻余氏 年二十夫故事姑孝生遺腹子撫成立現年八十

向仁碧妻尹氏 年二十夫故家貧遺子文滌甫二歲事親撫子歷節六十二年壽八十二

杜延富妻羅氏 年二十七夫故養親撫子歷節五十四年壽八十一

田慶誥妻黃氏 年十八夫故遺子興文撫成立歷節六十四年現年八十二

田慶高妻黃氏 年二十六夫故歷節五十五年現年八十一

曾昭聞妻梁氏 年二十八夫故遺子憲斌甫數月撫孤守志歷節六十一年現年八十九尙

健

曾廣恩妻章氏 年三十夫故遺子昭爵等俱幼撫之成立歷節五十四年壽八十四

冉玉楠妻劉氏 年二十八夫故遺子二女三撫之成立歷節六十六年四世一堂壽九十四

談正宗妻宋氏 年二十五夫故養親撫子苦節六十九年壽九十四

龔紹顏妻呂氏 年十九夫故撫二子成立歷節六十一年壽八十

舒永德妻劉氏 年二十六夫故遺子光儒光仕俱幼家貧紡績撫孤歷節六十年現年八十

六

張友謀妻馮氏 年二十九夫故遺一子氏撫孤成立歷節五十四年現年八十三

張大悅妻湛氏 年二十八夫故遺子奇載尙幼事翁姑以孝聞撫子與孫成立歷節六十年
壽八十八

張光廷妻孫氏 年二十九夫故矢志撫孤苦節五十四年壽八十三

張正松妻夏氏 年十八夫故遺子志聰甫周歲比長娶媳胡氏生孫學鯤甫二歲夫婦旋夭
又撫弱孫成立苦節六十二年壽八十

張天柱妻吳氏 年二十七夫故遺子體元甫三歲奉養姑撫幼子克盡婦職現年八十

張良諫妻邱氏 年二十八夫故遺子傑科尙幼孝養孀翁撫子成立歷節五十二年壽八十
劉紹齡繼妻勾氏 年二十四夫故生子廷會與前室子廷龍撫之如一奉姑得歡心守節六
十一年壽八十五

劉騰芳妻林氏 年二十八夫故善事翁姑撫子成立苦節五十二年壽八十

劉仕蓮妻何氏 年二十一夫故撫孤守節壽八十六

劉智德妻藍氏 年二十八夫故撫孤養親歷節五十八年壽八十六

劉廷秀妻吳氏 年二十八夫故守節五十七年壽八十五

劉朝楷妻周氏 年二十六夫故姑老子幼氏養姑教子有條不紊壽八十六

李文逝妻盛氏 年二十九夫故遺子鵬周幼時被里豪侵凌氏善自保全教子入邑庠苦節

五十一 年壽八十

李百仲妻汪氏 年二十一夫故遺子世賢甫周歲奉翁姑孝撫孤兒成立壽八十一

李相在妻黃氏 年二十六夫故遺子三撫孤守節五十五年壽八十一

王金皆妻黃氏 年三十夫故撫子女數人畢婚配歷節五十二年壽八十二

王興螯妻袁氏 年二十三夫故撫子女成立歷節六十二年壽八十五

周朝位妻程氏 年二十九夫故遺子光堯幼善事翁姑撫子成立歷節五十五年壽八十四

郭謹璨妻章氏 年二十九夫故遺五歲子興厚氏善事翁姑撫子成立歷節五十二年現年

八十二

鮮正修妻李氏 年二十五夫故守節六十五年壽九十

曹國珍妻張氏 年二十五夫故遺子積璜甫二歲撫之成立年九十五世一堂

梁應中妻唐氏 年二十七夫故善事翁姑撫養孤子成立現年九十三尙健

唐時政妻趙氏 年二十九夫故無子繼姪爲嗣壽九十

歐有發妻宋氏 年二十八夫故生遺腹子遠鳳守志五十六年壽八十四無疾終

程大元妻李氏 年三十夫故歷節五十二年現年八十二

尹余氏 年十七夫故歷節七十一年現年八十八

李張氏 年二十二夫故歷節六十三年現年八十五

賴匯三妻伍氏 年十七過門二十四夫故生子上英立志守節年八十猶健

何學禮妻熊氏 年二十七夫故守節六十八年壽九十五

劉珍鳳妻邱氏 年三十夫故守節六十四年壽九十四

張尙知妻魏氏 年十八夫故守節七十年壽八十八

張樹規妻魯氏 年三十夫故守節五十七年壽八十七

張 某妻郝氏 年三十夫故守節五十六年壽八十六

李安祖母安氏 年三十二夫故守節五十二年壽八十五

李心湛妻雷氏 年二十九夫故守節五十三年壽八十二

李天佑妻傅氏 嘉慶十一年于歸年二十越九年夫故沒於光緒八年壽九十六守節六十七年

周文順妻章氏 支相之女生於乾隆五十七年嘉慶十五年于歸年十八越十年夫故立志守節沒於光緒元年壽八十三守節五十五年

馮地啓妻楊氏 年二十餘孀居宗族里黨咸無間言壽八十一沒光緒中年閤族請旌蒙准豎碑大有場側

姚如椿妻孫氏 冷水關貢生奕光女年二十適姚與妾聶氏嫂王氏侍奉翁姑氏尤孝謹如椿卒與聶孀守樂善好施撫長子鴻謨次子咨夔季子襄虞年八旬邑令孫守正詳請旌表節孝蒙准如例越二歲壽八十二嫂王八十一相繼沒惟聶氏尙存今亦八十

周在鍾妻吳氏 觀音橋人年二十四夫故守節壽八十二奉旨旌表

唐明謙妻鄒氏 年二十六夫故無子以姪德潤爲嗣見年九十三德潤先亡有孫啓達力農奉養精力尙健

金玉佩妻皮氏 觀音閣皮開天女十七適玉佩十一年夫亡遺子汝霖立齋倫陞先楫悉撫

成立壽八十二

梅大璉妻李氏 水江鄉車壩李達覓女十五歲適大璉十三年夫亡生子四光福光橫光祥

光泰撫養成立壽八十一無疾而終

殷維乾妻章氏 八十九歲五世一堂曾孫十五人玄孫四人

張裕龍妻李氏 夫亡守節五十六年壽八十子二長後寬壽八十三次後銀七十九

吳光孝妻李氏 處士李祖芳女生於清嘉慶戊辰年十七于歸生子明春十年夫故氏年二

十七堅心撫孤明春長體母貞操事母至孝守節五十九年壽八十七光緒三十一年請旌奉

旨准入祠建坊

右節壽婦

周運楫妻羅氏 年二十七夫故奉孀姑張撫幼子成立兩世孀居歷節二十四年現年五十

一

章仕瑤妻楊氏 年二十二夫故事鄒孝兩世孀居一門苦節

楊世任妻羅氏 年二十五夫故生遺腹子澤明撫之成立苦節三十六年壽六十一詳請旌

表

楊澤明妻鮮氏 年二十九夫故家貧奉姑撫子歷節三十八年現年六十四

楊之杰繼室王氏 年十七夫故遺子鼎生殤嗣夫兄子芹生承祧娶媳呂芹生二十八歲食

饑三十二卒氏與媳撫孫成立現年五十

何立貴妻向氏 年二十八夫故遺子文東殤嗣夫弟子文字承祧歷節五十六年壽八十四

何立貢妻譚氏 年二十八夫故遺三歲子文廣生遺腹子文字因寡嫂向子文東夭以文字

兼承兩祧歷節四十五現年七十三

夏儒昌妻張氏 年二十六夫故事孀姑孝撫子成立以壽終

夏泰來妻蔣氏 年三十夫故遺子寶椿撫之成立入邑庠歷節五十二年壽八十二

秦世馥妻張氏 年二十七夫故遺子惠章翁姑繼逝安貧撫孤子長娶媳唐生良芝昆季唐

年二十九惠章又卒撫孫成立姑媳孀居一門兩節

皮學憲妻劉氏 年二十六夫故遺子仕哲甫二歲撫成立娶媳程氏生孫聯陞程年二十四

仕哲卒姑媳孀居一門兩節

監生張光祺妻向氏 年三十夫故遺子永亨比長娶媳李生子世家旋夭又與媳同撫孫現年六十四

張永亨妻李氏 年二十二夫故遺子世家撫成立現年五十

張占榮妻楊氏 年二十七夫故遺子元朝撫之成立娶媳亦楊氏生孫後子復夭又與媳同

撫孫歷節五十五年卒年八十二光緒元年旌表

張天彩妻李氏 年二十九夫故撫二子光昶光昱成立旋相繼夭又撫七歲孫體正苦節三十九年壽六十九

張光昶妻王氏 年二十八夫故遺子體正撫成名舉明經現年七十八

張永仁 氏 年三十夫故遺子三俱撫成婚配長子次子相繼夭二媳矢志守貞一門三節

劉廷賓妻鍾氏 年二十五夫故遺子守山甫半齡事姑孝子受室後復夭與寡媳黃撫弱孫成立姑媳皆以壽終

劉奇山妻秦氏 年二十二夫故遺子萬祥甫六月氏每泣曰一線之延在此呱呱而忍令其

失所乎天志撫孤恩勤備至比長仍娶於秦生子永久甫一周萬祥又夭時媳年二十六莞莞共處同撫弱孫媳亦善承姑歡守節三十八年孕媳已五十二歲一門雙節

劉升貴繼室張氏 年二十六夫故撫前室子如己出子長娶媳而夭與寡媳同居四十年壽六十六

宿儒劉必綱妻周氏 年二十四夫故生遺腹子仕珍撫子養親歷節四十六年壽七十孫金樹邑庠生娶吳氏亦守志曾孫光彩庠生光彩增生玄孫先晉貢生先漢廩生一門雙節子孫繼起

劉金樹妻吳氏 年三十夫故遺子光彩等四人歷節四十四年壽七十四

劉天定妻張氏 年二十二夫故遺子合順撫之成立娶媳翟生孫旋夭氏與媳同撫弱孫現年六十

劉守山妻黃氏 年二十一夫故奉孀姑鍾撫幼子二兩世孀居三次割股以愈姑疾歷節三十二年壽五十三

趙仕吉妻呂氏 年十八生子國孝甫月餘夫故家窶甚女紅度日仰事俯蕃皆取給焉後子

授室生孫旋夭又與媳撫弱孫成立守節三十餘年

監生趙大倫妻許氏 年十九夫故遺子芳洲撫孤守節六十餘年以壽終媳駱氏年二十九

亦寡撫孤守節三十五年壽六十四

胡承品妻婁氏 年二十八夫故無子繼姪爲子娶媳邱子旋夭無出媳又撫螟蛉子兩世孤

苦歷節二十二年現年六十一

雷思祿妻張氏 年二十九夫故遺子國一幼撫之成立娶媳亦張氏年三十四國一夭又與

媳撫孫文舉等成立歷節五十一年壽八十卒一門雙節

雷國一妻張氏 思祿兒媳年二十夫故遺子文舉等幼奉孀姑撫二子成立歷節三十四年

現年五十四

楊宋氏 年二十二夫故遺子撫養成立姑張亦節婦氏孝事之

鄧文碧妻李氏 年二十七夫故無子繼姪章緒爲夫立嗣守節三十八年事實詳郡志章緒

妻蕭氏苦節已見列傳

周存誠妻喻氏 生嘉慶十年道光三年于歸年二十九夫故壽七十守節四十一年媳邱氏

周心敏妻生道光三年二十二年于歸年二十三夫故壽五十七守節三十四年

程炳章妻周氏 鳴玉鄉人夫亡撫子兩金二十四歲娶媳張氏兩金亦亡姑媳同守有孫二氏現年八十二尙健

馬裕彩妻尙氏 年十四出嫁十八生子永亮十九夫故後三十六年光緒乙酉請旌准予建坊五十八歲沒

馬永亮妻陳氏 青山陳世遷女年二十出嫁生子二女二十八夫故立志守節五十八歲沒

右一門數節

南川縣重修縣志卷十一之四

人物四

蕭永清妻張氏 年二十二夫故善事翁姑撫女成立

蕭子琦妻張氏 年十九夫故遺子興讓甫二歲事親撫孤守志四十二年

蕭子瓚妻張氏 年二十二夫故奉姑撫子歷節四十三年壽六十五光緒元年旌表

周文灝妻童氏 年二十九夫故遺子學尹尙在襁褓奉翁姑得歡心姑沒遺叔文高文鼎俱

釋又撫之成立授室

增生周立棟妻鄒氏 年二十九夫故家貧因孀姑病食長齋兩次割股以救撫子女畢婚嫁

苦節三十五年壽六十四道光甲辰旌表

周開緒妻張氏 年二十五夫故遺子二宗福宗壽撫之成立守節五十餘年

庠生周毓昆妻鮮氏 年二十三夫故遺子二撫之成立以壽終

周世俊妻蔣氏 年二十六夫故撫子成立歷節四十八年壽七十四

周立鳴妻熊氏 年二十九夫故守志三十六年現年六十五同治十一年旌表

武生周誠妻王氏 年二十四夫故奉姑孝現年五十二

周仁敦妻潘氏 年二十夫故守節四十三年壽六十三同治十一年旌表

周維堃妻高氏 年二十五夫故歷節三十三年現年五十八

周文高妻章氏 年二十八夫故歷節二十五年現年五十三光緒元年旌表

周明睿妻何氏 年二十九夫故撫孤養親歷節三十一年現年六十

周文中妻張氏 年二十四夫故撫孤成立歷節二十八年壽五十二

周宗德妻袁氏 年二十二夫故子幼家貧躬操井臼撫子數歲天寡居無依菜粥度活歷節

三十五年現年五十七

周文科妻夏氏 年二十八夫故撫孤成立事姑孝歷節三十四年壽六十二

舉人周石蘭繼妻孟氏 年二十九夫故歷節四十年壽六十九

廩生周文讓妻唐氏 年二十四夫故遺一子甫數月撫成立後以壽終

生員楊天申妻鮮氏 年二十二夫故事親撫子歷節二十四年乾隆二年旌表

庠生楊鳳霖妻曹氏 年二十八夫故事繼姑孝子之銘之純孫鎮芳鎮榮俱列膠庠

楊士成妻饒氏 年二十九夫故遺子光惠撫幼子奉翁姑守節三十五年現年六十四

楊達品妻冉氏 年二十八夫故遺子萬暹撫之成立歷節三十六年現年六十四

增生楊桂森妻劉氏 年二十九夫故遺子永灼入邑庠氏歷節三十三年現年六十二

庠生楊 誠妻鍾氏 年二十二夫故守志三十二年現年五十四同治十年旌表

楊之珍妻余氏 年二十八夫故歷節三十八年現年六十六

楊士瑄妻馬氏 年二十五夫故歷節三十九年現年六十四

楊澤盈妻曹氏 年二十四夫故遺子坤曉幼苦節三十二年現年五十六

楊士學妻婁氏 年二十二夫故事親孝歷節七十年壽九十二

楊士臣妻李氏 年二十四夫故遺子澤恩甫七月撫之成立歷節五十年現年七十餘

楊懷謹妻袁氏 年二十九夫故撫三子成立彭履坦獎節傲冰霜額歷節五十年壽七十九

章鳳卿妻甘氏 事實失傳名載府志

章洪彥妻舒氏 年二十六夫故遺子甫歲餘守節食貧以壽終

庠生章巨儲妻李氏 年二十七夫故無出嗣夫兄子承祧

章才國妻陳氏 年二十六夫故翁早逝姑性嚴氏先意承志得其歡心撫幼子成立克繼先業同治十一年旌表

章仕馨妻唐氏 事實失傳名載府志

章巨賢妻陳氏 事實失傳名載府志

章翬卿妻婁氏 年二十五夫故遺子二才秀才良俱撫之成立守節四十二年現年六十七

同志四年旌表

章藻文妻彭氏 年二十二夫故生二女無子善事翁姑撫姪爲子旋殤女遣嫁後依姪完節

章才能妻羅氏 年二十夫故撫孤養親以壽終

章才富妻鍾氏 年二十八夫故守志三十年卒年五十八

章才洸妻駱氏 年二十四夫故撫孤成立歷節五十四年現年七十八

武生章洪陞妻孫氏 年二十六夫故撫子廉卿入邑庠初夫與姑病割股救愈苦節三十六年壽六十三

章仁藻妻張氏 年十八夫故生遺腹子羨川撫之成立現年五十

章建業妻張氏 年二十四夫故養孤子衡齋歷節四十四年現年六十八光緒十六年旌表

立碑大道

章觀慶妻鄧氏 年二十五夫故撫孤子成立歷節二十餘年壽五十餘

章俊璽妻傅氏 年二十一夫故歷節三十一年現年五十二

章俊臣妻張氏 年二十一夫故守志二十九年卒年五十三

章聲唐妻盛氏 年二十五夫故守節二十八年現年五十三

章和卿妻張氏 年二十七夫故歷節四十八年現年七十五

章銓卿妻孫氏 年二十五夫故食貧守節壽六十

章才國妻李氏 年二十九夫故守志完貞同治十年旌表歷節四十三年現年七十二

羅仕賢妻鍾氏 年二十八夫故苦節四十六年壽七十四

羅名位妻胡氏 年二十七夫故生遺腹子元達養親撫孤歷節五十年壽七十八

羅尙佺妻張氏 年二十八夫故遺子五女二奉姑撫子畢婚嫁壽七十二

羅聲鼎妻高氏 年二十六夫故奉姑撫子甘貧守節

羅正斲繼室周氏 年二十六夫故無出撫前室子如己出守志四十四年壽七十

羅宗試妻章氏 年二十九夫故遺子巨椿巨模俱幼氏好善樂施二子成立善承母志現年六十

羅才仲妻吳氏 年二十夫故遺二女無子嗣夫兄才應次子承祧現年五十五

羅朝綸妻黎氏 年二十二夫故遺一子紡績撫孤歷節二十八年壽五十

羅宗原妻楊氏 年二十五夫故撫孤成立歷節三十二年壽五十七

庠生羅元吉妻周氏 年二十一夫故撫子聲歸成立歷節四十年壽六十一

羅元稷妻陳氏 年十九歸羅甫一年夫故三月生遺腹子世宇孝養翁姑撫孤成立歷節四十七年壽六十七

陳東暘妻金氏 年二十二夫故遺子應忠甫一月撫成立忠天又撫孫及曾孫等七人守節五十年壽七十三

陳安德妻章氏 年二十四夫故苦節四十七年壽七十一

陳渭川妻呂氏 年二十五夫故歷節四十一年壽六十六

陳維安妻劉氏 年二十七夫故歷節三十七年壽六十四

陳定錚妻周氏 年二十八夫故守節二十二年壽五十

陳大椿妻呂氏 年二十七夫故歷節三十四年

增生陳 杰妻何氏 年二十九夫病氏割股救之不效遺二子一女撫之成立畢婚嫁苦節

三十八年壽六十七

陳 漣妻吳氏 事實失傳名載府志

陳俊遠妻卓氏 年二十八夫故遺子光昂尙穉撫之成立游庠食餼

陳必明妻鮮氏 年二十二夫故遺二子俱穉撫之成立年五十一

陳光貴妻周氏 年二十一夫故家貧事姑孝歷節三十一年卒

陳仕淵妻章氏 年二十七夫故撫子女畢婚嫁歷節三十一年壽五十八

陳益現妻劉氏 年十四適陳越七年現故遺一女撫之成立嗣夫弟益洪子承祧守節五十

年年七十一

陳興俊妻喻氏 年二十八夫故遺一女無子繼族姪遠恕承祧孀居三十八年年六十六

陳興鳳妻任氏 年二十三夫故遺二子俱幼善事翁姑撫子成立歷節三十四年年五十七

熊本潭妻嚴氏 年二十六夫故遺子文泉歷節三十七年年六十三

駱慶嵩妻李氏 年二十四夫故遺子正安甫歲餘又生遺腹子正宗嘗剖胎愈姑疾撫二子

成立歷節五十年壽七十四

駱榮乾妻馬氏 年二十五夫故守節四十六年年七十一

駱榮書妻章氏 年二十七夫故遺子文霖撫之成立年五十

朱增三妻李氏 夫病割肱以進年二十一而寡遺子光昶光衡俱幼撫之成立歷節三十三

年年五十四

朱必俊妻陳氏 事實失傳名載府志

朱國順妻吳氏 年二十六夫故撫子成立歷節三十六年年六十二

朱亮儒妻楊氏 年二十二夫故無出事孀姑孝歷節三十年年五十二

譚德慶妻鄭氏 年十八夫故遺腹雙生明忠明孝矢志守貞撫子成立歷節四十八年同治

四年旌表

譚霽廷妻劉氏 年二十四夫故遺子敬達入邑庠歷節三十二年五十六光緒元年旌表

譚德興妻劉氏 年二十二夫故歷節三十六年年五十八光緒元年旌表

何萬順妻楊氏 年二十九夫故歷節四十三年七十二年

何卓東妻猶氏 年二十八夫故苦節三十二年六十年

何鎰山妻翟氏 年二十七夫故歷節三十一年五十七年

何觀光妻王氏 年十六夫故撫子成立歷節三十四年年五十年

謝啓明妻向氏 事實失傳名載府志

謝啓清妻陳氏 年二十五夫故養親撫孤歷節四十餘年

謝字鵬妻瞿氏 年二十二夫故甘貧守志年六十二年

謝顯之妻吳氏 年二十九夫故一女無子繼兄子榮湘承祧完婚配歷節二十二年年五十年

十一

謝柏順繼室陳氏 年十八于歸甫週十日夫故撫前室子潤生成立完婚配苦節十一年卒

殷仕仲妻曹氏 年二十六夫故遺二子俱穉奉姑撫子歷節五十一年卒

殷于仁妻袁氏 事實失傳名載海志

武生殷占元妻王氏 年二十五夫故奉翁姑撫幼子翁卒祖翁病侍湯藥不離左右卒喪

盡禮子承樑亦順承氏壽六十二

監生傅立言妻唐氏 年二十九夫故子心愷方乳抱事姑撫子皆盡道曾孫承憲成進士

傅心闔妻劉氏 年二十五夫故奉姑撫子苦節四十九年

傅能揚妻袁氏 事實失傳名載海志

傅廣森妻范氏 年二十四夫故守志以壽終

傅秀興妻吳氏 年二十六夫故子二撫之成立歷節三十年年五十六

傅體勛妻王氏 年二十夫故子禮恩甘貧守節撫子成立歷節三十年年五十

傅秀達妻楊氏 年二十九夫故子文開成立嘗割股救夫病年六十五

徐光伍妻田氏 年二十七夫故一女撫子家赤貧紡績自給依壻家終老

徐錫綱妻張氏 年二十九夫故子廷書成立苦節四十八年年七十七

徐聲和妻陳氏 年二十八夫故遺子昌訓撫之成立守志四十五年年七十三光緒元年旌

表

徐昇朝妻劉氏 年二十八夫故事姑撫子歷節四十九年年七十七

徐東生妻楊氏 年二十二夫故養親撫孤苦節二十八年年五十

徐昇崇妻鮮氏 年二十二夫故遺子昌植家貧姑老苦節二十八年年五十子入邑庠

余應升妻駱氏 年二十二夫故無子嗣姪承祧歷節三十年年五十二

她贈奉政大夫余開慶妻耿氏 年二十三夫故越五月生遺腹子應濂撫之成立歷節四十

七年壽七十而終光緒時教諭宋元樞專案彙請旌表入告者七十餘名准旨者四氏居一焉

余正遺妻唐氏 年二十四夫故撫孤成立歷節二十六年年五十

余天錫妻曾氏 年二十七夫故遺子女各一養孀姑撫孤成立以壽終

余學誠妻婁氏 年二十二夫故守志三十六年年五十八同治十一年旌表

杭先璽妻李氏 年十九夫故奉孀姑撫幼子苦節四十年卒

杭先達妻鮮氏 年二十六夫故家貧子幼撫之成立歷節三十年年五十六

杭先郁妻吳氏 年二十八夫故撫子德裕成立歷節二十一年年四十九卒道光壬寅年旌

表邑令魏崧教諭楊繼忠各題詞一首

魏詞 入巷帶娠殉投縵捐軀烈阿姑心彌傷祕食亦斬血堂堂杭母吳護蘭藉扶絜雞鳴
星爛時提瓶挹清冽案齊德曜眉佐餒甘旨潔青年鸞分 押不薦莫掇誓欲殉泉臺滄瀨
無乃缺矧是藐諸孤呱呱潼罔酸兩世一身肩靡他矢志決從茲未亡人昕夕茹冰蘖柔滑
躬潔馨盤殮江魚列午夜丸和熊時聞機聲裂儒生男子身晉嬰漢蘇節淒淒廿年霜凜凜
卅載雪馥馥階前芝巍巍衢中楔哲嗣廬陵儔幽光陶歐瑤浩歌杭母貞愧他鬢眉傑

楊詞 白氣衝天烈風起此身從亡地下矣回首嗚嗚兒正啼老姑呻吟待甘旨殉節守節
路兩條婉轉躊躇是中是代郎養母母顏温代郎撫孤孤有恃茹苦含辛祇自知旁人勸勉
休聒耳飽歷冰霜五十年子孫昌燦耀罔里董章炳炳旌里門身後貞魂應色喜噫吁噓道
遙公者彼何人富貴隨時爲轉徙從知巾幗鬚眉香名萬古昭彤史

華江李西瀛題詞 愁雲捲樹罡風急搖撼山靈色戰栗延陵有女抱孤啼天帝動容神姥
泣大力拉朽堅摧枯禹航門第誰爲扶鵠寡鸞離忍不顧勉撫弱息承孀姑蕙帷風起銀燈
暗課兒應有歸魂伴機頭綜影碧氍毹常帶貞松青一半越年廿一心猶初俄驚鶴弔赴庭

除苦節上聞天顏霽聖恩特詔輝門閭恩風習習自天下吹來貞泉漱清瀉盛滴研墨播徽
音特筆留俟探風者

尹天瑤妻黃氏 年二十九夫故善事邁姑撫孤成立授室生孫子天又撫孫成立歷節四十
餘年壽七十餘

尹人槐妻劉氏 夫故無子嗣姪國慶承祧奉養姑得歡心道光十五年旌表建坊大興場

盧文舉妻章氏 年二十一夫故撫孤成立歷節五十年年七十一

盧仕進妻周氏 年二十夫故事翁姑孝歷節三十一年年五十一

金國清妻唐氏 年二十夫故遺子半歲家貧親老兩次割肱愈姑病翁姑卒喪葬盡禮撫子

成立守節三十九年年五十九

金廷藩妻楊氏 年二十五夫故遺子二長人輔殤次人剛遺腹生撫之成立入武庠道光辛

巳旌表建坊水江石場

夏朝暉妻陳氏 年二十三夫故遺子宗泰甫周歲撫之成立子天又撫孫歷節四十九年年
七十二

婁聯允妻章氏 年二十六夫故遺子學孝甫彌月家貧紡績度日翁姑相繼逝盡哀盡禮後
兩遷黔省艱難困苦撫孤成立曾孫先治游邑庠嘉慶間奉旨旌表

向化隆妻李氏 年二十九夫故遺子建章奉翁姑撫幼子翁病割肱救愈子入武庠歷節四
十七年壽七十六

向毓傑妻章氏 年二十九夫故不苟言笑事親撫子守節二十五年年五十四

郭天福妻胡氏 年二十六夫故無出嗣姪爲子壽五十七

郭成品妻向氏 年二十五夫故矢志撫孤年五十二

郭子金妻陳氏 年二十八夫故撫子女完婚嫁苦節二十二年年五十

杜瓊芳妻王氏 年二十四夫故歷節三十八年年六十二

彭大志妻蕭氏 年二十一夫故姑老子幼克盡孝慈歷節三十一年年五十一

彭進恩妻楊氏 年二十四夫故遺子女俱幼撫之成立苦節二十七年年五十一

彭乾三妻汪氏 年二十八夫故歷節二十八年卒年五十六

彭敬之妻張氏 年二十夫故無出事繼姑孝撫夫諸弟成立嗣姪心培承祧年五十一

田文正妻章氏 年二十六夫故歷節二十八年卒年五十四

田應端妻章氏 年二十六夫故撫三子成立歷節二十六年年五十二

袁立俊妻張氏 年十五夫故繼姪文孝承祧奉事翁姑歷節四十年卒年五十五

孫昌福妻李氏 年二十四夫故守志三十四年年五十八

石 崢妻章氏 年二十夫故苦節四十四年卒年六十四

黎明松妻尹氏 年二十六夫故養親撫子歷節三十四年年六十

湛光鈞妻張氏 年二十五夫故嗣姪承祧歷節二十五年年五十

廣仕璉妻伍氏 事實失傳名載府志

戴 昌妻譚氏 年二十三夫故守志二十八年卒年五十一

韓伯通妻黃氏 年二十六夫故撫孤養親歷節二十七年年五十三

湯廷棟妻章氏 年二十八夫故家貧遺三子撫之成立卒年五十

倪玉泰妻李氏 年二十七夫故遺幼子朝元撫之成立天又與媳撫孫歷節四十五年年七

十二

莫維光妻毛氏 年二十四夫故家貧奉姑撫子苦節二十四年卒年四十八

蒲登科妻張氏 年二十四夫故家貧翁姑俱早逝歸依母家以壽終

安宗璧妻李氏 年二十八夫故養親撫子歷節三十五年年六十三

蹇子棋妻羅氏 年二十五夫故遺子三才幼初因家貧隨夫遷廣南夫沒復回勤苦作家教

子耕稼歷節五十餘年年七十餘

晏理榮妻周氏 事實失傳名載府志

涂清善妻熊氏 年二十一夫故家貧養親撫孤歷節二十九年年五十

廖瑞安妻劉氏 年二十三夫故無子繼姪光定承祧撫之成立事邁姑孝歷節三十五年

五十八

龐太恕妻夏氏 年二十四夫故家貧子幼矢志撫孤歷節十八年卒

袁光興妻劉氏 年二十夫故善事翁姑撫子女成立歷節四十八年壽六十八

宿儒冷文勤妻王氏 年二十九夫故無子家貧紡績自給姑與夫病兩次割肱救愈及卒母

家憐其孤貧勸歸就食弗聽苦節二十餘年年五十一

賴華福妻張氏 年二十六夫故無出嗣姪照松承祧事姑教子歷節四十八年年七十四道

光甲午奉旨旌表

范芝蘭妻胡氏 年二十八夫故遺子四女一俱幼家赤貧針黹度日歷節二十三年年五十

一

嚴子宣妻解氏 年二十七夫故親老子沒撫孫成立苦節二十七年卒年五十四

冷調陽妻饒氏 年二十七夫故守節三十四年年六十九同治八年旌表

嚴子權妻李氏 年三十夫故遺子萬方歷節四十二年年七十三

張朝用妻李氏 夫故養親撫子歷節五十二年道光年間旌表建坊陳家場

張祈瑄妻周氏 年二十七夫故氏割肱救不效遺一女無子繼胞姪天定爲子旋夭又繼姪

孫爲孫守志四十一年年六十七同治十一年旌表

張永亨妻耿氏 年二十六夫故孝事翁姑撫孤成立現年七十孫涵食餼

張仕价妻周氏 年二十二夫故遺子發輝甫彌月奉翁姑撫子成立年五十

張大矩妻郭氏 年二十六夫故生遺腹子奇碧撫之成立現年七十四

張光漳妻鄧氏 年二十七夫故撫子女奉孀姑歷節四十九年年七十六

張德崧妻潘氏 年三十夫故遺子誠美孝事翁姑撫子成立歷節四十二年七十二

宿儒張正琦妻傅氏 年二十四夫故遺子志柱甫三歲撫之成立歷節四十六年卒年七十

張正朝妻郭氏 年三十夫故立志撫孤歷節四十八年壽七十八

張盛孝妻龔氏 年二十六夫故遺子仕獻幼奉姑撫子壽八十時已五世同堂請旌蒙准建

坊後五年沒

張奇賢妻王氏 年二十七夫故事親撫子苦節三十餘年年六十一

張世榮妻杭氏 年二十四夫故家貧撫子成立年六十六

張祖樹妻劉氏 年二十一夫故歷節四十二年六十三

張天鏢妻韋氏 年二十七夫故無子嗣堂姪運和承祧後子天與媳撫孫成立年六十六

張運奎妻戴氏 年二十四夫故生遺腹子餘孝善事翁姑嘗割股以愈姑疾娶媳生孫子天

又撫孫宗發成立年六十二

張光惠妻蘇氏 年十九夫故遺子甫三月撫成立苦節四十四年年六十三

張祖祺妻梁氏 年二十五夫故遺子二事親撫孤克盡婦道

張德裕妻李氏 年二十二夫故撫子成立守志三十年年五十二

張長立妻傅氏 年二十八夫故遺幼子撫之成立以壽終

張永才妻殷氏 年三十夫故撫孤成立待姪若子歷節二十八年年五十八

張志德母郝氏 年三十夫故歷節五十六年壽八十六

張天乙母郭氏 年二十六夫故遺子三家貧紡績度日撫子成立又撫姪女代完婚嫁歷節

三十年年五十六

張先池妻猶氏 年二十四夫故遺子女各一撫養婚配苦節二十八年年五十二

監生張仕龍妻王氏 年二十六夫故初夫病營割股救愈後夫卒家赤貧遺二子撫之成人

俱不能養遂長齋以紡績自給已歷節二十七年年五十一

張立科妻陳氏 年二十八夫故奉姑撫子歷節二十四年年五十二

張大亮妻傅氏 年二十六夫故遺周歲子奇承撫之成立歷節二十四年年五十

張朝元妻楊氏 年二十四夫故遺一子奉孀姑撫孤成立歷節二十六年年五十

張永啓妻李氏 年二十八夫故守志十一年卒年三十九

張先楷妻王氏 年二十一夫故生遺腹子肇明授室後無出旋夭無親族可嗣道光間旌表

張訓祿妻李氏 年二十六夫故遺二子承准承湖撫之成立壽八十五道光庚寅旌表

張飛鵬妻孫氏 年二十夫故守志撫孤歷節四十餘年

張光池妻朱氏 年十九夫故越六月生遺腹子大椿氏奉翁姑撫子成立翁病割肱救愈歷

節三十八年年五十七

庠生劉先貴妻張氏 年二十八夫故遺子德祿撫之成立祿子永敦入武庠

劉廷慶妻張氏 節婦張王氏女年三十夫故撫子焜山成立現年五十二

劉安儼妻郭氏 年二十七夫故遺子國璋撫孤守節二十八年卒

劉場英妻李氏 年十九夫病割股以救不效甘貧守志事親撫孤歷節四十餘年

劉國樑妻余氏 年二十二夫故矢志撫孤年三十五卒

劉文林妻張氏 年二十夫故遺一子紹緒孝事翁姑撫子成立歷節三十年年五十

劉吉菴妻張氏 年二十六夫故子女早殤孝事翁姑撫弱孫歷節二十七年年五十三

劉轅欽妻楊氏 年二十七夫故苦節三十年卒年五十七

武生劉 璋妻楊氏 年二十六夫故無子嗣夫兄子承祧遺女四俱幼撫之成立畢婚嫁年

六十二

劉智俸妻周氏 年三十夫故遺子字崇字萬撫之成立年七十六

劉智倫妻滕氏 年二十八夫故遺子字正字東家貧人勸改適誓志不二撫孤奉親年五十

一

劉高士妻羅氏 年二十六夫故遺孤子復天繼夫兄子承祧善事孀姑卒年四十七

劉國彥妻張氏 年二十六夫故歷節五十二年壽七十八

劉高位妻譚氏 年二十七夫故歷節二十四年年五十一

劉先誠妻焦氏 年二十一夫故遺二子俱幼奉養翁姑撫育二子歷節三十年年五十一

劉正啓妾蘇氏 年二十三夫故遺三歲子宗漢氏事正室撫孤子歷節三十年年五十二

劉國璽妻陳氏 年二十三夫故歷節三十三年年五十六庠生奎煥女

劉彤柏妻楊氏 年二十五夫故守節二十八年年五十三光緒元年旌表

李洪倫妻王氏 年二十七夫故遺子二益甫半歲翁姑俱老事親撫孤守節四十一年年六十八

李興珩妻唐氏 年二十夫故遺子芳甫二歲奉翁姑撫孤兒言笑不苟苦節三十年子入涪邑武庠

李興琦妻郭氏 年二十六夫故遺子二方襁褓事翁姑孝撫孤子成立年五十八

李祖俊妻熊氏 年二十四夫故無子家貧奉祖翁長領命繼夫兄子賡揚承祧年五十

李天相妻楊氏 年二十五夫故守節五十二年壽七十八

李天墉妻鍾氏 年二十四夫故遺子有福又生遺腹子有壽家赤貧奉翁姑孝撫子成立苦節三十三年年五十七

李文曉妻周氏 年二十二夫故遺子學運撫之成立守節四十四年卒年六十六

李必節妻劉氏 年二十六夫故家貧遺子先潼撫之成立年六十

李書元妻唐氏 年二十四夫故苦節三十一年年五十五

李地青妻劉氏 年三十夫故遺子女俱幼家赤貧事邁姑孝苦節三十八年年六十八

李世儒妻龐氏 年二十四夫故撫子文壽成立歷節四十二年年六十六

李應升妻孫氏 年二十二夫故遺子試選撫之成立年六十一

李正吉妻張氏 年二十六夫故翁姑俱遠適氏事祖母委曲盡歡撫孤成立歷節二十五年

年五十一

李現圭妻張氏 年三十夫故事衰姑孝歷節二十三年年五十三

李光慶妻程氏 年十九夫故撫子廷元成立歷節三十六年年五十五

李武敏妻孫氏 年二十三夫故無出依兄嫂居姑病割肱救愈苦節三十餘年

李清朗妻張氏 年二十二夫故生子德茂甫三月歸依母家守貞撫孤成立親見孫游庠食

簞苦節三十八年壽六十道光壬辰旌表

李仕魁妻鄭氏 年二十七夫故遺子玉光甫周歲家貧紡績自給撫子成立

李百洪妻汪氏 年二十八夫故歷節四十七年年七十五

李學文妻陳氏 年二十九夫故遺子三俱穉家貧紡績自給撫孤成立壽七十六

李輝元妻許氏 年二十二夫故遺子潔撫之成立入邑庠苦節四十五年壽六十七乾隆四

年旌表

李光遐妻簡氏 年二十三夫故事翁姑撫二子苦節四十餘年次子食餼

李心田妻饒氏 年二十五夫故無出嗣姪上純承祧娶媳生孫純私貸多金逃去家愈窘媳

再醮又撫弱孫紡績度日歷節五十年年七十五

李登瀛妻霍氏 年二十一夫故遺子二撫之成立歷節三十二年年五十三

李命潭妻艾氏 年二十三夫故遺子爲學兄嫂早逝遺子爲品氏均撫之成立事翁姑孝年

三十九卒

趙洪賓妻陳氏 年三十夫故歷節二十八年年五十八

趙國璧妻羅氏 年二十四夫故家貧養親撫孤備極辛苦夫兄尤貧賴以存活及沒喪葬從

厚歷節三十八年年六十二

趙德萬妻龍氏 年二十七夫故遺一子撫孤守節歷五十餘年

趙士遇妻劉氏 遇善病兩次割肱救愈年二十八夫故遺子甫三歲撫之成立歷節四十年

年六十八卒

趙光宦妻陳氏 年二十一夫故家貧遺二子撫之成立年五十

趙光浩妻李氏 年二十七夫故遺子明詩養親撫孤歷節三十七年年六十四卒

趙光燦妻彭氏 年二十三夫故歷節四十五年六十八

趙文魁妻蕭氏 年三十夫故歷節四十二年七十二

王德倫妻陳氏 年二十夫故撫孤成立以壽終

王國倫妻胡氏 年二十夫故善事孀姑撫子成立歷節四十二年六十二

王大遠妻鄒氏 年二十八夫故遺二子撫之成立年五十二

王思道妻吳氏 年二十三夫故歷節五十年壽七十三

王開基妻李氏 年二十三夫故撫孤成立歷節四十餘年

王立翰妻趙氏 年二十九夫故遺子三教養成立年六十二

王永珍妻劉氏 年二十六夫故遺一子一女孝事翁姑撫子女畢婚嫁歷節三十年年五十

六

王仁村妻劉氏 年二十七夫故遺子爵位幼姑染目疾氏善事之歷節三十三年年六十

王家璉妻陳氏 年二十九夫故撫子澤烈成立孀居三十年年五十九

王文望妻汪氏 年二十四夫故撫孤成立歷節三十三年年五十七

王 璠妻楊氏 俊二姪女年三十夫故遺一子一女家貧紡績自給先是璠多病氏兩次割
肱救之夫沒撫子女成立守志二十八年年五十八

吳純元妻潘氏 年二十四夫故遺子揚洪甫四歲家窘甚撫孤守志五十一年卒道光九年
旌表事載郡志

吳萬貴妻鄭氏 年二十八夫故遺二子撫之成立歷節三十四年年六十二道光壬辰旌表
吳太發妻章氏 年二十五夫故遺半歲子履平撫之成立歷節二十五年年五十

黃天錫妻陽氏 年二十一夫故孀居十七年撫子女各一年三十八卒

黃朝晚妻章氏 年二十二夫故侍奉翁姑人稱其孝

黃德聰妻葉氏 年十八夫故生遺腹子文童家窘甚奉姑撫子苦節五十五年年七十三

黃承常妻楊氏 年二十九夫故遺子女各一俱幼撫之成立畢婚嫁苦節三十二年壽六十

胡仕德妻殷氏 年二十四夫故遺二子洪遠洪案撫之成立完婚配後遠夭遺弱孫氏又撫之苦節四十年

胡遠恕妻高氏 年二十五夫故奉姑孝撫子樹梅成立歷節三十一年年五十六

胡壽德妻羅氏 事實失傳名載府志

胡碧中妻傅氏 年二十七夫故歷節四十七年壽七十四卒

鄭純鶴妻蘇氏 年二十四夫故家貧子穉翁姑垂暮奉甘旨率子食粗糲有勸改適者拒之

終身不與交一語壽六十

鄭文相妻童氏 年二十一夫故翁姑相繼逝歷節二十年卒

鄭宗儀妻程氏 年二十二夫故遺子相簡甫二歲撫之成立入邑庠守節四十四年年六十

六

鄭方義妻陳氏 年二十六夫故遺子明聯明才幼孝事翁姑撫之成立年六十

鮮正闐妻陳氏 年二十四夫故守節三十六年年六十

鮮正節妻傅氏 年二十六夫故撫孤成立守節四十四年年七十

鮮世昌妻傅氏 年二十八夫故遺二子俱穉繼姑羅率家人居正安氏撫孤獨居紡績自給
後姑歸養葬盡禮次子仲長舉明經壽五十六同治十一年奉旨旌表

鮮正淮妻田氏 年十九夫故事翁姑孝撫子成立年五十一

曹開善妻李氏 年二十八夫故守節十七年卒子炳麟入邑庠

曹洪烈妻張氏 年二十五夫故善事翁姑撫子成立守節三十三年年五十八卒

曹鴻賓妻余氏 年十九夫故遺子望江撫孤守節光緒元年旌表

庠生曹瑞虞妻謝氏 年二十六夫故初割股療夫疾不效遺子灼夫歷節三十九年年六十

五

梁宗傅妻黃氏 年二十七夫故遺子啓崇甫二歲翁姑年逾八旬氏委曲承順博其歡心撫
孤成立歷節四十餘年

梁啓昭妻楊氏 年二十六夫故遺子女均幼撫之成立年七十二光緒元年旌表

梁後爵妻王氏 年二十二夫故遺子永奇永開撫之成立事衰翁孝年七十一卒

梁啓揚妻王氏 年二十六夫故遺子昭亭幼多病夜焚香告天祈延一線以終翁姑天年今

諸孫林立年六十

梁啓泗妻張氏 年十六于歸甫十月夫故人勸改適誓死守節奉翁姑喪葬盡禮歷節十年卒

梁 某妻張氏 年二十四夫故撫子後奎成立歷節五十四年年七十八

唐啓鳳妻余氏 年二十八夫故歷節三十一年年五十九

唐必萬妻李氏 年二十八夫故矢志守貞撫孤成立年七十二

宿儒唐正萃妻傅氏 年三十夫故善事翁姑撫子羽儀增生奉旨旌表

唐朝鑑妻李氏 年二十七夫故養親撫孤歷節三十一年年五十八

唐世龍妻張氏 年二十五夫故守志完貞同治八年旌表年五十九歷節三十四年

唐 濤妻伍氏 年二十八夫故遺子棗事邁姑撫幼子歷節二十三年年五十一

唐文貴妻張氏 年二十四夫故撫子女完婚嫁歷節三十年年五十四

唐仕貞妻趙氏 年二十八夫故越四月生遺腹子玉先善事翁姑撫子成立娶媳王氏趙病

王割股以救獲奇效

唐玉啓妻程氏 年二十三夫故事姑撫子歷節二十五年卒年四十八

陳國讓妻楊氏 生子四月夫故孝事翁姑撫子成立旌表

劉近仁妻周氏 年二十二夫故奉姑撫子歷節四十年年六十二

夏政昌妻吳氏 年二十五夫故遺子甘貧撫孤

歐陽盛祥妻陳氏 年二十六夫故遺子仁宦甫周歲孝奉翁姑撫子成立歷節五十餘年

郝繼昱妻唐氏 年二十七夫故家貧撫孤成立

郝長應妻劉氏 年二十四夫故以詩書教子歷節三十八年

汪心元妻章氏 年三十夫故遺三子二女俱幼撫子女畢婚配紡績自給以壽終

童萬科妻張氏 年二十六夫故遺一子撫之成立歷節五十餘年

童顯楠妻章氏 年二十六夫故守志二十四年年五十同志十一年奉旨旌表

聶香廷妻劉氏 年二十八夫故撫三子成立歷節三十年年五十八

鄧啓謨妻冉氏 年三十夫故家貧菜羹度日撫子占熬成立孀居四十六年年七十六

庠生鄧裕章妻唐氏 年二十七夫故遺三子俱穉茹苦撫孤歷節四十二年壽七十

程昌沛妻何氏 年二十二夫故遺一子撫之成立年五十一

程大祿妻唐氏 年二十五夫故遺子心安甫數月家貧事邁姑撫幼子苦節三十五年壽六

十子考授吏員

敖信臣妻周氏 年二十九夫故翁時忤奉天復州牧罷官後卒家貧鬻簪珥衣服奉翁姑及

夫槨歸葬無子海鹽人朱光昭宦蜀以其子右賢承繼成丙申進士宰桐梓迎養請封典後復
本姓署普安廳同知殉節氏復以夫弟進士彤臣子鑄賢承祧歷節三十七年壽六十六邑拔
貢立模立椿胞姊

洪興序妻陳氏 年二十四夫故遺子四歲樂善好施歷節五十餘年壽六十二咸豐十一年
奉旨旌表

鍾正倫妻劉氏 年二十六夫故守志四十二年年六十八道光壬辰奉旨旌表

許正旄妻賀氏 年三十六夫故生遺腹子廷松奉姑教子苦節三十七年

馮曾元妻尹氏 年二十夫故子周歲撫之成立歷節五十五年壽七十五

董仲琇妻李氏 年二十九夫故初夫病篤氏割股以救不效及卒守志四十一年年七十

馮思柱妻周氏 年二十九夫故守節三十七年年六十六

王澤周妻余氏 年二十三夫故守節四十四年壽六十七

曾昭星妻李氏 年二十二夫故守節四十二年年六十四

胡光和妻楊氏 年二十九夫故守節二十七年壽五十六

熊逢春妻張氏 年二十四夫故時翁疾姑邁溫清定省氏侍奉無異男子及沒兩次居喪盡

哀盡禮守節三十年年五十四氏係張新瑄之女

胡明拯妻周氏 處士周在友女年二十八夫故上事孀姑下撫孤子家極貧寒備極辛苦守

節四十四年壽七十二

增生梅仙尉妻傅氏 半載夫沒氏矢志靡他事衰姑抱姪爲嗣守節二十六年壽六十四

李正常妻胡氏 年二十八夫故撫子立欽婚配成立生四子守節三十一年壽五十九

劉正芳妻鄧氏 鄧正昕女年二十六夫故一女周歲撫堂姪遺訓爲嗣事姑撫子備歷艱辛

守節十五年壽四十一

鄭方鋤妻楊氏 年二十七夫故守節二十三年壽五十

余應謙妻章氏 才佑女年二十三夫故守節三十三年壽五十六

田興太妻劉氏 廷植女年二十三夫故守節四十年壽六十三

梁昌平妻王氏 年二十九夫故立志守節二十二年壽五十一

劉合序妻宋氏 月生女年二十八夫故立志守貞上事翁姑克盡婦道歷節四十三年壽七

十一光緒末年得旨旌表立碑石牛溪場側

鄒文進妻唐氏 年二十九夫故矢志守貞歷節二十年年五十九

羅厚理妻淳氏 德宏女年二十七夫故矢志守節二十七年年五十四

李耀德妻熊氏 本醮女年二十八夫故矢志守節二十五年壽五十三

秦金榮妻王氏 年二十九夫故守節四十八年壽七十七詳請旌表

馮思潤妻張氏 年二十夫故子正芳尚在襁褓撫孤成立年六十餘

鄧啓麟妻蕭氏 年二十二夫病狂死誓不再嫁守節三十一年年五十三

太學生謝 琮妻趙氏 年二十五夫故不再適年六十卒宣統庚戌得請旌表

謝 璜妾侯氏 年二十九夫故守節十六年宣統庚戌請旌蒙准入節孝祠

張文謙妻周氏 年二十七夫故子三女一極貧矢志守節飽嘗辛苦撫子女成立民國十二年沒

金大剛妻張氏 年二十一夫故無子孀居五十餘年族人為請旌表蒙准入節孝祠

張先儒妻楊氏 年二十三夫故家貧乏嗣紡績積貲為夫修墓預作兩函為同穴計年四十二沒

曹道善妻任氏 任仕懷女于歸後夫亡無子誓死不二守節四十六年壽六十四請旌蒙准

光緒二十八年建坊石牛河場外沒時六月癸天七日衣棺始備閉殮顏色如生人以為苦節所感

曹迪光妻羅氏 同知銜羅柄禮次女年二十夫故奉養翁姑矢志撫孤教養成立卒年四十

光緒二十八年旌表建碑石牛河場外

曹謙六繼室陳氏 年二十三夫故矢志守節現年五十一

陳良椿妻李氏 年二十六夫故撫孤成立卒年六十

陳朝忠妻李氏 年二十八夫故撫孤成立現年六十二

自三... 105-

儒童劉德宣妻周氏 拔貢周立模女廩生仁恬胞妹年十九歸德宣生子天同治二年夫沒撫族子承嗣種瘠土數幅矢志不二備歷艱辛光緒十八年請旌蒙准入祠暨碑北關外

儒童劉德菴妻張氏 處士張大綱女廩生大鑑胞姪女年十八歸德菴生子秉元光緒二年夫沒翁亦旋逝依叔翁曉堂矢志撫孤針黹營活光緒二十九年請旌蒙准入祠建坊民國四年沒

向仕德妻王氏 鳴玉鄉侯家壩王亨衢三女年二十三夫故育子敬臣紡績度日事姑得歡心守節五十三年壽七十六清季奉旨旌表

王明勝妻趙氏 年二十八夫故育子大鑑年五十八不苟言笑不喜華飾勤儉起家宗族貧乏者常周卹之鄉黨咸欽

王福田妻汪氏 鳴玉鄉人年二十四夫故生子子厚守節三十六年清季得旨旌表
程明原妻蘇氏 過門八年生子奎卿夫故勤儉持家現年七十七清末請旨旌表

陳興發妻趙氏 石牆場廖家坡先儒女年二十七夫故守節三十八年壽五十六生子二長良玉次良瑞清末得請旌表

向元鈞妻程氏 年二十七夫故抱夫三弟子承嗣壽六十八清季奉旨旌表

李元才妻熊氏 鳴玉鄉大面坡人年二十五夫故撫子二壽五十四

王孟興妻李氏 因夫病醫久不效氏割股和藥以進卽痊後數歲夫卒以節終

章明河妻孫氏 半河鄉人年二十二生子名宗池夫故撫之成立年六十八

馬金國妻楊氏 東城外人仕潤女年二十八夫故守節撫子正福正祿正壽正喜皆成立現年六十三

馬德春妻張氏 年二十七夫故苦守撫子正啓正元正發民國十二年沒壽七十一

黃天某妻周氏 年二十六夫故撫子林書成立現年六十

楊配五妻張氏 年二十三夫故遺子培之夫在日卽爲人傭工夜織屨出售以求生活及沒撫子成立完婚辛苦尤倍現年五十一

楊仕舉妻盧氏 正元女年二十八夫故遺子二光洪光國教育成人樂善好施年七十五沒

楊光林妻李氏 魚泉河人世第女年二十一生子於海夫故撫養成立現年六十

韋光藻妻劉氏 朝章女年二十夫故胞姪承嗣四世同居光緒中年旌表已守節三十七年

蔡金鏞妻談氏 廟子塘人時煦女年二十四夫故撫子海龍海清成立現年六十五

張德燾妻安氏 鳴玉鄉湯盆河人年二十二夫故撫猶子季卿承嗣現年六十六

楊賓谷妻蕭氏 年二十五夫故撫孤子子死撫孫尙幼守節三十年現年五十五

陳立模妻譚氏 年二十夫故撫子志廷志藩苦節五十年民國十四年沒

張形彩妻何氏 正寅女年二十九夫故撫子二矢志守節現年六十

李廣林妻程氏 大序女于歸後五年夫故養姑二十五年撫子正祿成立光緒三十年旌表

壽七十八孫曾皆入中學校振振有聲

李廷憲繼室趙氏 年二十夫故以夫弟子爲嗣壽五十五

陳天明妻李氏 年十七出嫁二十九夫故守節三十八年現年六十七

陳天明妾張氏 年十五出嫁九日夫故守節三十八年現年五十三

黃正言妻楊氏 咸豐六年氏年十六于歸正言後十三年夫故守節二十七年現年五十六

唐文信妻康氏 年二十三夫故守節三十年現年五十三

章亮春妻婁氏 年二十七夫故守節三十二年現年六十

李永寶妻張氏 年二十八夫故守節二十四年年五十二

戴明耀妻吳氏 年二十二夫故奉七旬邁姑至孝守節三十年年五十二

任宗肇妻楊氏 年二十八夫故守節四十六年年七十四

周顯廷妻張氏 嘉慶二十四年氏十九于歸道光八年夫故守節三十年奉旨旌表

章藻綸妻許氏 咸豐三年氏十七出嫁八年戊午夫故年二十一守節三十年年五十

夏泰經妻熊氏 同治十年氏年二十三于歸二十五夫故守節三十九年年六十四卒

章駿業妻孫氏 觀音橋孫昌暇女年十九于歸二十五夫故守節三十一年壽五十六子聲

庠附生孫可經貴州省城法政卒業歷任本省鄆縣司法筠連知事介立歷游師幕調任視學

護商處長等職

王子元妻陳氏 年十八于歸二十一夫故守志抱族子全益爲嗣得請旌表現年六十

張奇客妻胡氏 年十八于歸二十三夫故撫孤金振年四十八以節終

陳義普妻趙氏 年十八于歸二十八夫故撫一子天緒成立年四十二以節終

熊文徵妻楊氏 年二十一出嫁二十七夫故守志撫一子從龍年五十二光緒四年奉旨旌

表

秦光星妻張氏 年十六出嫁二十一夫故撫子元樵年五十奉旨旌表

猶錫賢妻陳氏 年十七出嫁二十二夫故守志奉旨旌表現年五十

吳啓純妻章氏 年十四于歸二十四夫故守志撫子陽杰奉旨旌表現年六十一

吳官銀妻陳氏 年十六于歸二十六夫故撫子慶源光緒二十六年二月奉旨旌表

羅正邦妻劉氏 兩航三女年十九出嫁生子世傳卽尙武二十二歲夫沒養親教子守節一

十四年民國七年沒壽四十六尙武任革命軍十一軍二十六師七十七團第三營營長

楊級三妻某氏 年十五出嫁夫故守節壽七十奉旨旌表

章明冬妾王氏 年十七于歸二十九夫故現年五十八撫四男三女三子宗鑑出繼三房早

沒繼室某氏年二十八撫一子依仲兄宗鑑以居亦矢志靡他

楊有周妻曾氏 處士曾文昭女年十七出嫁生子汝楫年二十五夫故孀居奉姑現年五十

六

楊幹卿妻孟氏 年十九出嫁二十三夫故生一女孀居現年二十八

舉人傅公秩繼室楊氏 年十五于歸二十一夫故撫子鴻權守節十五年年三十五病卒

側室譚氏 年十八于歸未一年夫沒生遺腹子鴻翔出繼夫兄公迪氏仍守志二十七歲病

卒

拔貢劉明旭繼室吳氏 年十八于歸二十四夫故守節二十八年年五十一

楊士謂妻韓氏 清光緒丁丑年于歸庚辰年夫故年十九以兄士問子光綬承祧守節四十餘年沒

皮人傑妻楊氏 年十八于歸二十四夫故生子以政矢志守節奉翁撫孤二十一年光緒二十八年沒艱苦備嘗不苟言笑

章羨知妻譚氏 大河壩人年二十七夫故撫四男二女皆長成現年四十五處家和順繼姑梁氏染病氏於後園焚香禱神求減己算益姑壽姑疾立愈

談周廷妻章氏 發清女年十五過門二十二夫故撫二子守節壽七十八

談時書妻洪氏 文生光彩女年十六于歸二十夫故奉翁姑孝年七十四沒

王光澤妻楊氏 年十七于歸二十五夫故撫子明善家貧養姑備歷辛苦歷節四十年年六

十五

吳吉光妻鄺氏 年十七過門二十五夫故抱子紹合承嗣守節三十四年現年五十四

田春堂妻王氏 年十六于歸生女一逾二年夫故無子守節四十八年年六十六

譙大明妻韋氏 年二十六夫故撫遺腹子元德事孀姑孝守節四十二年年六十八

張於詩妻韋氏 年二十一入門二十九夫故撫一子二女代夫償債千餘緡晚節家計小康

現年五十四

李德光妻黃氏 巴縣石龍場黃昌楷之幼女十九歲適德光後八年夫卒無子女誓不再適

現年五十五

宋永錫妻文氏 巴縣清河場文華甫女年十七適永錫二年夫故子女各一守志代夫事畜

現年二十六

周德光妻韋氏 年十七入門二十四夫故撫生子事姑孝恃領卹糈局米以養現年五十餘

張於華妻李氏 年十六入門二十二夫故撫二子宗功宗海守節四十四年年六十六

龔光灼妻張氏 年十八入門二十八夫故矢志撫孤現年六十三

章美位妻張氏 年十九入門二十四夫故撫子明光成立歷節三十六年現年六十

唐錫峯妻李氏 三元橋李成章女年十八適夫家二十二夫故抱姪浦廷承嗣守節三十年

現年五十二

談清源妻吳氏 年二十六過門二年夫故撫子歙卿成立守節二十七年現年五十五

文朝仕妻談氏 年十七過門二十二夫故撫一子登廷守節三十二年現年五十五

程光源妻李氏 世周女年十九于歸生二子一女後五年夫故撫兩男成立完婚次第病故

遂乏嗣與長男繼室譚氏矢志堅守見年六十八

程和楚繼室譚氏 年十八適和楚生一女夫故與姑李共勵柏舟以族姪澤生承嗣已守節

二十六年現年四十七

周文瑰妻劉氏 出嫁守節未詳地方稟舉上請得旨旌表

趙光瑾妻張氏 年十八于歸二十二夫故撫子福田成立年七十八而終

趙朝定妻楊氏 楠木園楊光希女年十七過門二十二夫故撫一子君清成立見年五十八

王 某妻劉氏 橋塘場燕門岩人玉田女年十八過門二十七夫故抱親房子裕安承嗣見

年五十七

周文金妻章氏 年十七適文金次年生子蘭齋夫故守節光緒二十三年丁酉年七十二卒

同治甲戌旌表建坊坐宅

胡咸建妻劉氏 年十九出嫁二十四夫故撫子開緣成立守節四十四年年六十八旌表

胡世楠妻何氏 年十八出嫁二十二夫故撫孤成立守節二十三年年四十五旌表

謝榮安妻龔氏 年十九出嫁生子應武二十二夫故撫孤養親見年五十五

郭福健妻譚氏 年十七適夫家二十八夫故撫子成順成立勤儉興家代夫償舊債增置田

宅樂善卹貧守節四十七年壽七十五

龔詩觀妻皮氏 年十八出嫁二十八夫故以胞姪禮節承嗣守志三十二年年六十

楊福壽妻夏氏 年十八適夫家二十四夫故撫三子成立歷節三十年年五十四沒地方公

舉得旨旌表鄉人以七言古風題其墓曰

正氣難留天地老
姓字埋沒隨百草
誰識坤維大有人
千載留芳不枯槁
貞烈幾回欲殉夫
回頭又痛藐諸姑
殉夫容易撫孤難
空房夜夜聞啼鳥
兒女成人畢婚嫁
從茲憾釋黃壚下

清幽竹樹雅人家陶母歐母真流亞茹雪含霜三十年踟躕搔首問青天人屬未亡亡也可
含笑尋夫到九原如斯雖死猶未死奏之天子天顏喜金花誥命鳳銜來昇平人瑞榮閭里
碑碣直傳千古後莫謂彼蒼非默佑君不見梅花雪裏始留香雪裏莫嫌梅花瘦

周朝興妻何氏 年二十一夫故守節三十八年年五十九沒

龔煥章妻皮氏 年三十夫故極貧苦守賴領恤嫠局款以活見年五十八

張光福妻王氏 國權長女十六適光福生一男一女年二十夫故勤儉撫子孝事翁姑五十

八歲沒

鄧正林妻陳氏 年十六適鄧十八夫故僅育一女守志奉親見年六十尙健

張運動妻謝氏 拔貢鳴謙女幼通書傳年十七于歸生男女各一二十七夫故家貧專恃針
黻度活姑兩目失明扶持出入洗滌污穢手進飲食中年子病亡生計益窘晚依外孫黃兩卿

以終壽七十節堅命苦未有甚焉者

胡永乾妻袁氏 年十五過門十八夫放生女一侍奉翁姑洗滌污穢進奉飲食人所難爲見
年七十四猶手鋤園蔬躬炊爨人咸稱嘆

李明治妻張氏 年十六過門二十六夫故撫子啓全成立守節四十九年民國二年搶匪入室被戕

張海山妻趙氏 小河壩人年十八夫故守節三十七年年五十五沒

趙貢璵妻高氏 小河壩人年二十夫故守節六十一年卒

毛來賓妻李氏 大興場人年二十四夫故生一子家貧紡績度日守志不移見年五十

猶欽賢妻周氏 三匯場人年二十六夫故矢志守節沒年四十三

戴燮陽妻傅氏 永安場人年二十七夫故守節二十年撫子成立

符蔭南妻戴氏 年二十五夫故矢志守節見年六十八

楊安妻張氏 吐文壩人年二十三夫故矢志守節見年七十四

談春輝妻楊氏 東路福壽場人年十九于歸二十夫故抱兒子清承嗣見年五十五

梁後闢妻章氏 元合鄉人年二十出嫁三十夫故生子榮長甫半歲撫之成立守節四十二年

年年七十三

梁榮回妻張氏 正安縣人學品女年十八出嫁二十七夫亡家貧撫子昌信守節四十二年

壽六十九

梁榮學妻向氏 正安縣新州場人完鳳女年十三出嫁後十五年夫故男女俱夭以胞姪昌

德承嗣已歷節四十年見年六十八猶健

梁榮斗妻吳氏 德隆鄉人年十四出嫁二十九夫故撫二子昌培昌裔歷節三十一年壽六

十

梁昌興妻張氏 元合鄉張家灣人年二十出嫁三十夫故撫二子隆考隆江一女成立婚嫁

見年六十七猶健

張壽陞妻羅氏 德隆鄉大佛寺人年十六出嫁二十三夫故侍奉翁姑撫子監生成章成立

見年六十

魏德寬妻李氏 水江石人年二十九夫故守節六十八年沒

郝繼彰妻劉氏 年十五出嫁二十八夫故撫子作體矢志守節壽八十一卒

韋朝安妻鄭氏 正安縣喊龍壩人年十七于歸甫生一子而夭又生遺腹子名繼書家赤貧

氏或出拾遺穗或傭工鄰家撫子成立沒年五十八歲

章某雲妻張氏 夫戕於髮匪氏撫二子陽正陽宗沒於民國四年壽八十三

陳 會妻章氏 木瓜台人章集成女適會早寡事姑孝姑久病氏刲肱以愈

文生孫先文妻章氏 年二十一夫故守節生子吉臣撫之成立壽六十三歲

李永玉妻羅氏 年十七于歸過門八年夫伐樹折骨身故生二子氏年二十五立志守節撫之成立姑病割股救愈見年五十八

殷士林妻張氏 裏隱壩人年二十四夫故守節六十四年壽八十八歲五世同堂

殷天國妻張氏 地同前年十八適天國二十二夫故守節五十年壽七十三

殷德能妻張氏 地同前年二十六夫故守節四十二年壽六十八

楊德玉妻趙氏 陳家場人十六歲適楊二十六夫故一男一女俱夭歷節三十年見年五十

六

楊東碧妻趙氏 乾豐場人年二十適東碧二十六夫故守節五十六年壽八十二

伍普三妻章氏 圓村壩章陰村長女二十四適伍年半夫卒背父生子紹俊守節撫孤見年

四十

李孝道妻張氏 年二十八門生子二女一長子玉次子華氏年三十夫故家貧苦節撫孤成

立守節四十八年壽七十八孫永清附貢生光緒二十二年請旌蒙准入節孝祠

戴士發妻羅氏 年十四歲于歸十六歲生一子名開賓三十歲夫故守節二十三年見年五

十二歲

何登益妻唐氏 春元女年十五于歸二十夫故生二女無子以姪承嗣撫孤守節年六十

明芳柏妻李氏 大有場江家灣人年二十二夫故無子矢志守節年五十四

韋羨澤妻李氏 鐵村壩顯靈廟李靜山女年十七于歸八月夫故後四月生子明月母及兄

弟欲令再醮氏不允事姑孝勤苦耐勞撫孤成立民國十三年故年五十八

夏祿德妻劉氏 生同治二年癸亥年十七適祿德二十一年夫故養親盡道矢志守節撫生

女二不欲抱子持家勤儉衣食差足見年六十三

張長生妻任氏 鐵村壩人年十八于歸二十六夫故族姪丙齋牛纒月餘氏撫爲己嗣五十

餘年與子完婚娶身見四世一堂年七十六卒

鄭德厚妻馬氏 土橋場馬家壩人過門五年生一子鳳廷二十二歲夫故見年五十一歲祖

業不多勤儉辛苦家已小康

黃天釗妻李氏 半溪溝雙河口人年十六出嫁二十八夫故生子二見年五十一

王俸高妻黃氏 土橋人世恩女年十八出嫁二十八夫故生一子漢章氏見年五十一

胡巨卿妻曾氏 梅埡高橋憲書女年十六過門十三載夫故生男四次奉先民八川東師範

畢業有傳氏現年五十四尙健

黃心猷妻曾氏 梅埡高橋昭彥女年十七出嫁三十夫故生一子開福氏見年四十六歲

鄭惠萬妻夏氏 螃蠏塘廷茂女年十六出嫁二十夫故抱子承嗣見年四十六歲

黃伯亨妻楊氏 烏龜石楊寶芳女年十九出嫁二十九夫故生子二雅風純風雅風自幼勤

學成人後教學兼習醫術氏至今年五十九

黃仕鏡妻楊氏 羅秀壩庠生永灼女二十歲出嫁八年夫故生子開善民國十二年身故守

節三十年壽五十八歲

鄭丙星妻屈氏 冷水關人年十七過門十年夫故生子佐早夭仍守節見年五十六歲

李宗陽妻冉氏 水江鄉崇舟女年十九出嫁二十六夫亡撫胞弟子宗發爲嗣見年五十二

卓藻堂妻羅氏 年十九過門生子二歲發羨安二十九夫故矢志守節見年五十六歲

卓藻頻妻李氏 年十六過門生一女二十二夫故抱子冬廷守節二十九年壽五十四歲

金心浩妻鄭氏 水江鄉清厚女年十九入門二十三夫故生子早夭守節三十年見年五十

二

鄭布臣妻胡氏 元順女十六歲出嫁十二年夫故撫子濱雨矢志守節見年四十三

金大邦妻楊氏 橋塘場人和東女年二十一出嫁二十五夫故生子振聲守節四十五年

張金錫妻魏氏 水江鄉心寬女年十七出嫁二十八夫故生子玉成撫之成立守節二十五

年清光緒二十八年旌表

王華山妻魏氏 魏家灣喜元女年十六出嫁二十二夫故撫子二成人見年五十

段昭培妻楊氏 年十九入門二十二夫故守節五十二年光緒二十一年縣紳公舉奉旨旌

表

韋長榜妻李氏 正安縣白泥池李高齡女適長榜生子女各一子名述齋十一年夫故中年

媒灼紛紛氏矢志不二四世一堂民國十四年身故享年七十六歲

王世璽妻蕭氏 二十九歲守志至民國十四年七十壽終

韋明進妻劉氏 處士家元女年十六于歸二十三夫故隻身奉姑王氏歷三十六年衣食清

潔侍奉無懈屋宇三易赤手買田家計小康年七十三歲尙健

章才森妻婁氏 元合鄉先槐女始以生父病篤竈前默祝割股救愈後值夫病氏亦割股救

之夫故年二十三歲撫胞姪邵棠爲嗣年七十四沒

張崑崙妻李氏 年三十夫故撫子守節三十三年光緒十六年旌表七十九歲無疾而終

黃文烈妻李氏 年三十歲夫故守志見年六十歲

黃文杰妻李氏 年三十歲夫故守志見年六十三歲

孝子楊仕錫妻邱氏 半溪溝肇榮女光緒十五年出嫁二十四夫故苦守見年五十七

李鎮周妻唐氏 東城外人年三十夫故矢志撫孤與母家兄弟經營茶店謀生平居不出門

限一步見年四十二歲

陶光林妻張氏 石灰崖人歲三十夫故守節見年七十五

李萬靈妻劉氏 北門外靜材女年十八出嫁生子茂二十八夫故守節四十五年壽七十二

歲

楊作賢妻余氏 西城外世楨女年二十九夫故子伯芳生甫四月與夫弟作哲同居共爨今

夫弟及子皆卒復依姪伯猷見年五十九

蔣星梯妻楊氏 東城外億生女年二十一適星梯年餘夫沒生子君祺方數月奉翁姑撫孤

兒見年五十三

羅雲漢妻周氏 羅秀壩馬鞍山品端長女年二十七夫故依伯兄雪堂以居撫一女一子成

立守節四十五年見年七十一歲

文生楊 彬妻唐氏 年二十夫故以夫兄次子燦林爲嗣早年游泮氏年四十請旌蒙准建

坊守節四十餘年六十餘沒

鄧文河妻陳氏 姜家場人廩生翰聲女適文河年三十夫故撫孤志卿志相等成立六十七

歲沒

李大有妻劉氏 顯貴女年十七出嫁二十四夫沒撫子光祿現五十九歲

章駿巡妻簡氏 年二十六夫故守節四十九年壽七十五歲清光緒二十年請旌准建坊入

祠力緦未辦

陳大裕妻張氏 永棟女年十八于歸二十四夫故撫一子一女守節四十七年年七十二卒
旌表

涂煥堂妻安氏 石達開之亂煥堂捍賊陣亡氏年十九守節侍祖母解氏疾衣不解帶二月
有餘後壽至七十七歲

陳明章妻譚氏 邑西姜家場人十六歲過門越十年夫故生子賢書矢志撫孤家極貧勞工
求活子遭冤在禁氏住縣營工四五年將子祈釋苦節三十八年見年六十四勉足衣食

趙明海妻楊氏 興隆場瓦窰人年二十出嫁二十六歲夫故子文圖方二歲撫之成立民國
十一年沒壽七十歲

彭武坤妻曾氏 年十八出嫁二十歲夫故撫一子蓋臣成立民國十一年沒壽六十八歲
彭蓋臣妻熊氏 曾氏媳也巴縣人嫁年失訪年二十八歲夫故姑媳同守民國十五年壽四

十六病沒

陳正楷妻張氏 邑西姜家場人十六歲過門越二年夫故生一子矢志撫孤歷節五十年壽

六十八卒

楊福權妻唐氏 年二十餘歲夫故家貧守節六十餘歲身故

陳名彰妻魏氏 邑東螃蟹塘人年十八過門越七年夫故家赤貧矢志守孀苦節三十四年見年五十九子孫零落特領恤嫠局款及營工度日

楊善堂妾文氏 年十八歲出嫁二十五歲夫故生一子萬亨家貧教養成立終養翁姑二女遺嫁以勤能著壽七十餘歲五世同堂

鄧啓麟妻蕭氏 萬盛場人年十八夫故守節三十餘年卒

張如山妻李氏 夫不才氏手工供衣食夫故以翁老不再適勤苦奉養十餘年鄉人賢之

謝良府妻李氏 年二十五夫故守節撫二子成立見年五十八

王明賢妻程氏 年二十四夫故抱子紹合承祧矢志守孀歷節三十年見年五十四

唐早霖妻許氏 年十七過門越十年夫故生子謙撫孤守孀事翁姑孝歷節三十六年壽六

十三奉旨旌表光緒二十六年建坊興隆場側

袁玉鑑妻李氏 年十九過門越十年夫故生三子清光緒三十一年氏年七十旌表

張裕龍妻李氏 年二十四夫故守節五十六年壽八十子後寬壽八十三後銀八十

李澤遠妻盧氏 年二十七夫故宣統二年旌表壽六十五

陳用修妻鮮氏 年二十七夫故守節見年八十三

楊雲漢繼妻李氏 年二十四夫故守節見年六十

羅現璜妻梁氏 觀音橋人昌月女年十九歸現璜越一年夫故守志撫胞姪友亮爲嗣沒於
民國七年壽五十

羅現璜妻康氏 觀音橋人歲貢生敷政女年十七歸現璜越一年夫故守志沒於民國十三
年壽六十

李石臣妻邱氏 年二十夫故以夫弟次子卓然承嗣守節三十六年壽五十六

鄭石菴妻楊氏 東門外壽耆朝品女年二十一適石菴越八年夫故祇生女一以二房子明
倫承祧歷節三十九年壽六十八

呂啓勳妻章氏 北門外較場壩人年二十過門十年生子文光夫故矢志守孀撫孤成立歷
節四十五年壽七十五賢淑樂善鄰里咸欽

蔡金品妻鮮氏 北路千坵塋人年三十夫故撫子克全克罄克眞成立壽六十一

蔡永壽妻張氏 北路廟子塘人年三十夫故矢志守孀撫子金鏞成立歷節四十年壽七十

記者曰中國婦女以不二適爲節朝廷旌之閩里榮之比於臣子遭大難而篤忠孝泰西民族則無此風尙且以少壯婦女強使幽居猶宿爲不合人道自歐化東來吾國新學家頗有主張其說者竊謂宇宙恢恢事理不盡於一端中西相去數萬里風教習俗之不同又不止一事然往往各據一種理由未可偏廢者不可一於篤己而非人亦無庸舍己以從人也吾國之崇婦節探本而論有二大義其一爲尊重感情卽以敦固信義廉恥凡人夫婦室家之好其感情濃摯者綢繆固結雖父子兄弟之親有所不逮要以生白首而死同穴一朝鵲寡鸞悽遽視前此愛熱信誓如寒冰逝水亡人如陌路野墳更屈體以親媚他人妮妮牀第涼薄猥賤至此自覺慚於心而忸於顏故寧犧牲人慾以自尊其人格且有懷舊聞傷而投繯以殉者此雖兒女之私實信義廉恥之所由存比於忠臣之不易君貞士之不負友也其一爲擔負責任女子無家以夫家爲家牂合之後共有室家至於中年父母衰謝兄弟析居其與共患難安樂以保產業延繼嗣者惟此陰雨同心之二人耳一旦藁砧淪沒惟貪匹偶之

樂委其田園廬墓子女而去之聽他人入而瓜分轉眼傾敗流離則往日聘以六禮撫有爾室廟見祖宗共承先祀之謂何且攜雛兒幼女以入他家謂他人父既摧折所生之志氣且多被疎薄難以容身故稍有何氏故廬足以棲止對生對死俱不屑寄人籬下泯恣偷生也由此言之吾國此項道德實優西人數倍至孤燈寂寞之苦比於飲冰茹檠非不以為艱蓋義有重於此者耳且但倡為禮教以獎勵上哲未嘗定為法律以繩束中人又何庸輒生疑議乎中國偏重男權一夫可以多妻可以繼室可以調娼宿妓而獨責女子從一守貞於理誠頗然其咎在縱男而不當援以寬女民國以來政府多故間有援例請旌者多被擱置女界論說亦時聞異議若推求古人制行立義之本原則非固為苟難使家庭倫理等於申韓之刻覈也

割股婦女表

周醉六妻彭氏

醉六屢躓童軍家貧舌耕氏紡績佐之醉六病割股救愈夫婦齊眉

李北園妻猶氏

夫病割股救愈

梁文光妻雷氏

夫病兩年割股救愈

侯世先妻趙氏

夫病久不愈氏病股兩次

張正明妻駱氏

夫病割股救愈

唐和潤妻婁氏

夫病割股救愈

嚴萬崑妻趙氏

夫病割股救愈

增生許志道妻姚氏

夫病痺艱於行出入扶持罔懈割股救愈後十二年夫卒

周立德妻吳氏

割左脇愈夫疾

羅炳政妻李氏

廣淵女乙酉五月夫病且死氏割股煎湯以進身獲平安

張百選妻章氏

為夫病割股

以上婦為夫

章仕麟妻周氏

未嫁割股療母既嫁割股療姑疾

章儒卿妻周氏

貢生廷旭母未嫁割脇療母疾既嫁割脇療翁姑疾前後三次均獲奇效邑貢生周世忠為作

割脇記

章甥廷旭余嫡堂姊出也從余遊者最久余見其詩有二十年來無限憾青衫一領淚痕多之句怪以問之甥曰舅氏忘我母事耶昔外祖母楊孺人暨我先大父母寢疾且劇皆我母割脇肉以救乃得無恙當是時母瀕於死者數矣厥後因益衰損年甫逾四十即見背旭每念此未嘗不拊膺垂涕而不能已也語畢甥泣余亦泣嗟乎割脇之孝豈曰無人然或偶一為之耳乃至再至三而又能立起膏肓無不神效若此此其於天人感應之故為何如耶夫倉卒之際可驗生平血氣之勇再試必竭世有孝思誠篤如吾姊者吾知其純乎天矣乃或者必以愚孝少之此春秋責備賢者之意固非巾幗所能知者且吾恐世所謂不愚者亦正

莫能及其愚也姊之愚又烏可少哉

陳雨田妻黃氏 事姑孝治家勤數十年如一
日嘗割肱療姑又割肱療夫

王光寅妻周氏 姑張病氏見翁老叔幼
割肱救愈姑登七壽

談心達妻章氏 于歸甫餘年姑病割肱
救愈子腹食餼於庠

增生張 翼妻李氏 翁病割股救
愈子入武庠

李為新妻張氏 姑病兩次俱
割肱救愈

周正倫妻劉氏 貢生劉到女姑病
兩次割肱救愈

章才柏妻張氏 姑病割
肱救愈

董元亮妻張氏 姑病割
肱救愈

謝文彩妻唐氏 姑病病氏
割肱救愈

唐啓亨妻張氏 母八十餘病
氏割肱救愈

譚順勤妻皮氏 嘗多病為庶母失明割肱救之母目漸
能視己病亦愈家赤貧養親必甘旨

王鳴岡妻劉氏 翁天祿病
割肱救愈

謝 某妻胡氏 海青母親病
割肱救愈

章才柳妻張氏 姑病久不起
割肱救愈

王 璠妻應氏 姑病母病兩
次割肱救愈

盧德銓妻程氏 姑韋病筋割肱救之未
及食而沒氏一痛幾絕

楊澤淳妻唐氏 未嫁割肱救父病
已嫁割肱救夫病

張光福妻鄧氏 割肱愈姑病姑壽八
十六氏壽八十二

孫敬修妻唐氏 為孀姑病割肱救
愈姑壽至九十歲

王英奇妻胡氏 胡天祐女王紹才
之姐割肱療翁疾

汪梁氏 永安場梁壽安女既嫁五年歸省母
病焚香禱神割股和藥以進立效

謝洪濤妻胡氏 母病割
肱救愈

陳會之妻章氏 木瓜台章集或女事孀姑
極孝姑病割股以進立愈

張 某妻鮮氏 幼字張父早沒母改嫁送氏往張家童養以齒
稱不得翁姑歡漸長知盡婦職翁病寒劇氏割

股和樂以進立效由是舉家感動
咸敬愛焉生子恩道現年七十三

吳謹錫媳殷氏 清光緒十七年姑殷氏病
危氏剖腹割肝救愈報縣

以上女為父母婦為翁姑

遘難婦女表

舊志作於髮匪入境後載死賊婦女特詳中亦有不得不死不肯偷生兩類於所注事實可

見

胡暢齋妻鄧氏

卓爾胞姊夫故依弟守志髮賊至弟戰死賊逼之不從彼其腦時幼女
寅姑在側力抱母血凝髮疑結如漆賊退數日寅猶率母衣侍泣

李組綬妻夏氏

夫故守志二十年被賊
擄不辱大罵賊手刃之

李福田妻曾氏

年二十夫故守志髮匪至
走避途遇賊權辱投江死

李正福妻石氏

年二十夫故女英姑甫數歲子大忠甫五月途遇賊欲犯之氏挽賊
髮入河同溺死子女號泣亦投河死後十餘日三尸出浮始收葬

謝世訓妻鮮氏

年二十三夫故無子繼姪承祀孝養孀姑三月二十三賊猝至權辱
奉姑奔入崖洞氏氣脫而死葬葬洞外越五月改葬時年四十五

李永堯妻夏氏

年二十夫故遺子幼矢志撫孤壬戌髮匪繞境氏被擄
欲汚之不從以頭觸賊厲聲罵賊怒殺之時年三十

張心安妻王氏

年二十七夫故遺子節道生甫數月氏撫之成立歷節已
二十六年髮匪至被擄大罵以首觸賊怒殺之年五十三

以上節烈婦

楊秀來妻吳氏

年三十二途遇賊驅之行氏交臂累膝坐不起賊梓行數百步氏罵不
絕口賊斷其喉尸不仆賊復反割兩乳懸樹去越六日收殮尸坐如故

胡永福妻涂氏

賊入萬盛場借女玉枝三姑揭瓦石擊賊賊俘女氏號哭大罵以首觸賊俱被害賊退三尸橫路下

胡長亨妻羅氏

賊入萬盛場同女壽姑誠姑搗幼子二走避為賊所掠至三元橋給賊綬縛願自不遂乘間投河賊怒捉赴殺之拋尸水中經旬母女面色不改

傅以榮妻敖氏

賊入萬盛場雖經不死賊以刃脅之氏誓刃自殺女引姑見母死抱母大哭亦自殺引姑事詳烈女

鍾九德妻余氏

髮髻入城擄子女逃至銅鼓壩猝遇賊被執不從急投水子女痛母亦投水賊去里入擄尸起後隊突至棄尸而逃及歸見尸在烈日中六七日始收葬

韓四喜妻任氏

年二十九賊至擄子走避途遇賊騙同行不從脅以刃脅罵賊砍之信路側子顛坎下賊以為死去之歸醒聞子啼力疾起匍匐行數武抱子乳血噴溢遂斃越數日隣婦見尸橫道左面如生子尚啣乳包子歸收葬是時乳猶滴

廩生李昌齡妻張氏

賊入境離與父母擄氏及弟姪避岳家不去賊逼近鄰姑奉父母擄弟姪分途走委氏於岳岳年七十氏又有娠均艱於行至堰塘氏投水岳拽起扶往前行頃遇賊父女罵賊均被殺於道是行齡之父母弟姪途次均遇害

害齡

楊士品妻周氏

賊至擄子光元走避至河坎突遇賊欲污之氏大罵賊怒執之元跪求釋母賊並殺之犬守尸

張德福妻李氏

賊至與夫携一子一女避山中賊主虜夫欲犯氏厲聲罵賊抱樹不釋賊殺之子女抱母足

張行虞妻蒙氏

年四十二賊至擄辱與女英姑翠姑閉戶自縊

楊某妻洪氏

年二十七聞賊耗歸母家至則全家俱遁欲返賊已臨門知不免遂自刎賊以為死置之女家

余某妻羅氏

年翁姑孝賊虜其子女氏得免賊後隊繼至復執去將殺之一賊出止云此婦不可殺時青天

唐世鐘妻汪氏

擄賊辱在煙墩坡投崖後八日人聞呻吟聲尋至二層坎下見有微息昇之歸得不死

伍某妻解氏

長福母夫遇賊被虜道二子幼氏獨居家貧紡績自給強暴欲污之氏素有胆力憤擊之強暴少却乃閉戶自經隣人聞子哭破戶救之得不死

數日不去賊退隣人歸埋其尸犬始不見

餓死賊去手猶緊抱不能開斷樹乃葬之

鄭揚廷妻李氏

賊至被逼氏執挺擊賊賊手刃之負而復馳

父母回見女尸氣未絕救復昇之歸夫已破虜夫妹二同氏子女與姑均投水死僅夫弟與翁有夫無嗣繼族子承祧

無雲空中霹靂一聲屋瓦俱震賊衆驚釋甲中婦女因氏得回者甚多人以為孝行所致

或謂右殉難婦女十五人五人復甦似未可一律論不知五人雖甦而其心已死其不至於死者數也天也非五人之所料也微箕比于各行其是聖人均許以仁如五人者出萬死一生之地與臨難苟免者天淵安得以其偶然幸存為五人少 舊黃志

孟長興妻馮氏 年三十二辛酉秋賊竄十橋携二子隨興走避被虜至蘇家灣意欲污之不從脅以刃氏奮刃傷賊賊怒刺其腹立斃並殺其幼子虜興去長子逃脫

右咸豐十一年七月二十五日髮匪大股入邑死節婦

傅祖童妻張氏 年八十餘 罵賊死

周廷謨妻劉氏 年八十餘罵賊夫與子媳及孫均死難

許元龍妻蔣氏 年七十餘 罵賊死

何公正妻猶氏 年七十餘 罵賊死

梁啓甲妻陳氏 年七十餘 罵賊死

張光才妻趙氏 年七十餘 罵賊死

右遇賊不屈義年烈婦

傅體盤妻張氏 將臨賊罵賊 賊剖腹死

范永康妻傅氏 產方一日康不忍去氏 見康被殺大罵賊死

辜明科妻羅氏 有娠與姑冉氏被 獲不辱同殉難

鄧章茂妻猶氏 將臨擄子啓闕走避猝遇賊自經不死賊 剖其腹死半日腹子猶動氏係鄧文釗子媳

傅春茂妻游氏 有娠奉姑匿山中被獲賊舍姑掠婦婦抱 姑痛哭賊剖其腹腹子突出呻吟一夜死

楊永燦妻雷氏 將臨擄猝被獲權辱携一子 投河死其女么姑同殉難

朱正祿妻杭氏 年三十餘將臨擄猝被獲欲污之不從脅 以刃大罵擄刀割指賊踢其腹死子猶動

右遇賊不辱有娠烈婦七人前五人俱辛酉七月遇害

文正妻霍氏

見夫被殺率家人以石灰鑽賊勢急被髮毀面投水賊追轉殺之

張 某妻鮮氏

霍氏家傭助霍以石灰鑽撲賊賊怒亂刀砍死

熊 材妻韓氏

木梃擊賊賊怒殺之

許 某妻文氏

巨昌妹元順母以巨石投賊傷首賊圍殺之

胡思釗妻廣氏

操刀出走揮刀傷賊首賊圍殺之

右遇賊不屈擊賊烈婦五人前四人俱辛酉七月遇難末一人同治元年三月遇害

程純先妻殷氏

年四十家人皆入岩姑墜不行氏獨在室賊至舍姑掠婦罵賊賊怒殺之

李正恇妻劉氏

年三十家人皆避匿獨扶邁姑行至河遇賊賊舍姑掠婦不從被殺投尸河中

右遇賊奉姑不屈烈婦

周榮讓妻唐氏

年二十八負二歲子走避至落成橋被獲欲犯之氏批賊髮同投水死三日後尸浮出猶挽賊髮不釋

楊 某妻王氏

年三十遇賊驅同行至陰陽寺挽賊髮同隕崖下

右遇賊不辱摔賊同死烈婦二人皆同治元年二月十八九日遇害

程萬順妻李氏

年二十八賊至携二歲子隨夫逃匿夫被虜氏負子投河而死

龐吉清妻章氏

夫奉調防隘賊至投池死

屈義方妻蕭氏

賊至携子女各一同赴水死

曹照善妻談氏

年二十四與弟婦楊種豆見賊懼辱同赴鯉魚灘死

曹臨善妻楊氏

年二十二與嫂談氏同死

易才文妻曹氏

年二十六隨夫種豆見賊旗急歸負幼子同夫上砦夫被虜棄子投河死

程心連妻汪氏 年二十七與連走避行至馬搭巷賊虜連氏挽連背不釋刃其面仍不釋斷其手以去投塘死

王興奐妻譚氏 年三十餘賊至擄辱携女炳英投水死三日尸浮出面色如生

唐 錕妻吳氏 隨錕就館河圖墻賊至投池死

龐太位妻涂氏 携二子一女走避遇賊逼偕子女投水死

李長青妻曾氏 携幼女二隨夫走避見夫被殺偕二女投水死

蘇榮宗妻蒲氏 携幼女同夫走避見夫被殺偕二女投水死

錢正衢妻梁氏 年三十二與弟婦郝避賊役夫氏投窠桶河死

錢正寅妻郝氏 年二十二與嫂梁避賊賊殺寅氏投窠桶河死

王興漢妻談氏 擄至擄辱投水死面色如生

曹衢山妻談氏 擄賊辱投水死面色如生

李光聯妻黃氏 年十七偕女趙同投水死

趙 某妻李氏 年二十五隨母李黃氏同投水死

李正志妻劉氏 擄至擄辱投水死

李廷匡妻王氏 賊至擄辱投水死

胡國贊妻張氏 借夫妹大姑走避途遇賊擄辱均急投水死

右遇賊不屈投水自溺烈婦

莫錫光妻王氏 年二十九與黃家美妻共樹自盡

黃家美妻楊氏 年二十四與莫錫光妻共樹自盡

李榮松繼室張氏 年五十逢慶生昌齡母齡携妻及弟隨父避賊賊殺父及妻與弟氏自縊死

聶 臣妻李氏 賊殺未死自縊

陳 升妻徐氏 年十五賊至擄辱自縊

陳隆既妻徐氏 年三十三賊至擄辱潛林中自縊

曹東元妻明氏 年二十五伏河岸叢竹中二日始出賊後隊又至遂自縊

余廷輝妻黃氏 年四十六携夫妾及二女隨輝匿宅後崖石中見賊逼近勸夫走不聽氏携女行回顧夫被殺

遂與女自縊以殉

王 綱妻劉氏 賊至以淫帛自經

趙 某妻劉氏 年二十六賊至懼辱自縊

金宗連妻黃氏 賊至懼辱借女自縊

張裕堂妻蔡氏 賊至懼辱自縊

右遇賊不辱投縲自縊烈婦

魯士發妻李氏 年三十四賊至懼辱啓後戶負幼子同入井

魯學矩妻李氏 年三十四與嫂侯氏同入井死

魯 某妻李氏 負女避林中被獲欲汚氏詭詐之誘至屋後母女俱投井死

右遇賊不辱投井自溺烈婦

趙萬鎰妻蔣氏 同夫妻談匿古墓中不出賊縱火焚死

李廣壽妻徐氏 年二十與夫妻匿古墓中賊拽之氏執刀傷賊足賊縱火焚死

右遇賊不辱匿墓被害烈婦

龐太惠妻潘氏 賊至懼辱自縊

張裕祺妻趙氏 年二十一賊至懼辱自縊

趙純祿妻陶氏 年十九賊至懼辱自縊

駱榮彬妻楊氏 賊至懼辱自縊

許正發妻范氏 賊至閉戶自經賊破戶戮其尸

魯學書妻侯氏 年七十一與弟婦李同人井死

李廷獻妻王氏 賊獲不辱馬賊投井死

李光邈妻劉氏 年三十二賊至携幼子至馬搭塘井邊祝神佑子自投井死尸在水數日不變其子今尚存

趙萬鎰妾談氏 竊嫡蔣同焚死

李廣壽妾 氏 年二十與嫡逃匿古墓中賊拽出不辱被殺

周光彩妻謝氏 年五十五髮時辛氏負幼孫匿樓上賊搜索財物氏大罵被焚

右局樓被焚烈婦

王仕明妻劉氏 賊追逼墜崖死

楊 某妻夏氏 被賊逼投崖死

張 某妻朱氏 年三十餘頑夫避賊夫被執投崖死

右遇賊不辱投崖自盡烈婦

陳興恕妻曾氏 年二十八匿八仙橋白崖洞破氏負幼子投崖死

陳隆遠妻章氏 年二十二匿八仙橋白崖洞破氏負幼子投崖死

王萬聰妻劉氏 避賊崖洞洞破投崖死

曹谷善繼室殷氏 匿宅後崖洞賊薰洞奔出投江賊撈起以乾衣使易氏乘間復投深流死

蘇宗和妻聶氏 年二十八匿宅後崖洞賊薰洞氏負幼子出賊驅之氏抱樹堅拒賊斷樹氏憤墜崖下投江死

李 某妻黃氏 薰洞奔出投馬搭塘死

周 某妻唐氏 薰洞奔出投馬搭塘溺死

張 某妻姚氏 薰洞奔出投馬搭塘死

右遇賊匿洞被獲投崖投水烈婦

蘇明倫妻陳氏 年六十四

田 某妻蘇氏 即蘇陳氏女

蘇現元妻高氏 年二十一陳氏長子媳

蘇現榮妻李氏 年二十二陳氏次子媳

蘇昭姑 年六歲高氏女

蘇純祿 年四歲高氏子

蘇純和年二歲
李氏子

傅四喜陳氏外孫
年七歲

蘇陳氏率二媳一女三孫一外孫匿山洞被賊搜獲強之行不從盡殺之李氏見賊殺姑與

嫂奔出將子純和扼喉死背負自縊於樹

右遇賊不辱匿洞被獲一家死難烈婦

黃萬明妻張氏年三十

梁文達妻呂氏年三十八

李道治妻張氏年四十五

馮地道妻劉氏年六十五

何大才妻毛氏年四十八

何世久妻楊氏年四十七

馮良佐妻章氏年七十二

田宗炳妻周氏年三十五

田宗福妻陳氏年三十五

田應書妻張氏年二十七

田應發妻梁氏年三十一

田應仲妻章氏年三十五

田又生妻陳氏年十七

田興成妻馮氏年三十七

田謝氏年六十五
係應仲母

田張氏年五十二
係大滄母

王應科妻黃氏年七十二

馬宗鴻妻蕭氏年二十七

熊方田妻楊氏被殺絕嗣
年歲失考

右遇賊不屈匿洞薰死烈婦十九人俱家大有場同治元年冬月十一日避賊至銅漕溪朱家溝及大樹崖田家河壩崖溝等處地方遇害

鄧文瑛妻梁氏 被害時侍女菊花脫衣覆尸撫尸痛哭賊並殺之

鄧文釗妻李氏 不辱被殺

周雲山妻傅氏 與母氏劉及子女孫會同死難

熊家煙妻劉氏

劉正棟妻王氏 罵賊被殺尸拋水不沉色數日不變

熊某妻韓氏

張同林妻封氏 與媳劉氏同殉難

張封氏子媳劉氏

鄧義春妻吳氏

傅三滄妻王氏

游長和妻周氏

梁立孝妻傅氏

姚復興妻黃氏

朱孔恆妻張氏

白元泰妻雷氏

李邦賢妻何氏

王某妻郭氏

秦某妻李氏

傅體益妻王氏

劉某妻楊氏

秦某妻余氏

周永現妻吳氏 年三十

李某妻陸氏

喻正純妻何氏

劉乾發妻王氏 年六十餘痛夫被殺赴賊營罵賊賊殺之

梁立棟妻熊氏 痛夫被殺罵賊死

周思榮妻余氏 擄至蓮池壩殺之

熊正喜妻蕭氏 年二十自選龍寺若回家路遇一賊欲污之不從大罵被殺賊以刀削釘其尸

黃德福妻何氏 往投河路遇賊不辱被殺

李某妻章氏 天長母賊至天長負母逃賊追及母大罵殺之天長事謹行誼

趙方舉妻張氏 拒賊不從與子元書同被殺

皮春芳妻李氏 拒賊不從被殺

董正儒妻張氏 破砦被執強之行不從賊殺之

范某妻龍氏 被執不辱罵賊賊以利刃亂刺身無完膚

李貴湖妻張氏 年二十八率一子一女在蘇家灣遇賊賊虜其子氏大罵力挽其子不放賊並其子女殺之

李永壽妻夏氏 賊搜山被獲強之 行之不從殺之

右遇賊不屈罵賊被害烈婦

夏大義妻劉氏 年二十四負歲餘子走避被獲不辱母子同死 李長運妻陳氏 不辱被殺

孫廷彥妻蔣氏 年三十五賊至冷水關負幼子走避被獲不辱亂刀戮死

陳興滿妻張氏 年三十拒賊被殺 聶仲欽妻曹氏 不辱被殺

毒 方應祿妻韓氏 與范康禮妻龍氏同死備極慘毒

辜顯才妻蘇氏 年五十五賊至借女匿山中賊搜獲母女舉刀拒賊賊並殺之

右烈婦十一人俱同治元年三月二十日遇害

辜志恩妻冉氏 賊至借兒始羅氏出避途遇賊欲污之不從姑始同被害 辜明萬妻章氏 年二十遇賊被殺

辜明登妻楊氏 遇賊被殺 陳東妻梁氏 啓先女年三十髮匪至隣衆悉逃氏懼辱携子女各一匿屋後林中賊焚林氏與子女俱死

任殿高妻李氏 西城外人心竊女年三十一民勇十二年六月遭匪強姦不從受傷斃命慘甚 朱元亨女名羅漢 年十五已字張氏未嫁民國元年匪劫

劫其家女持械抵禦中槍破腦死 趙明衛妻陳氏 東路元合鄉草壩場人入門一載清宣統元年七月初一日匪劫其家翁立品年五十氏與夫奮身救護拒敵殞命當經報團勘驗

以上烈婦

邱守姑 世貴女年十五隨父避賊山中被掠至銅鼓塘與羣婦共幽一室先犯姑姑大罵不從賊怒梓至大門切姑首於門限擲羣婦前後羣婦歸家白其事

張么姑 人瑞妹髮匪臨境被掠欲污之拒不從脅以刃奪刃入手傷二賊賊怒殺之

周喜姑 孝德女年十六髮匪至被執不從堅抱松樹賊斫其十指死已七日面色如生

張英姑 年十五

鄧瑞卿鄧靜卿 卓南女與妹靜卿俱幼見賊殺父奔至父所撫尸痛哭賊呵之二女首觸賊賊怒並殺之後祀節孝祠

胡三姑 烈婦胡余氏女

胡二姑 胡壽姑姪女

胡誠姑 與姊壽姑同死事具其母胡羅氏註

傅引姑 烈婦傅放氏女

胡二姑 炳南妹與姪女三姑同投水死

傅三姑 與姊引姑懼辱同死事具母傅放氏註

朱三姑 洪三之女賊入萬盛場姊妹同上崖見差之自知不免携手投崖而死

菊 花 鄧梁氏侍女見梁被殺撫尸痛哭罵賊賊殺之

趙大姑 某長女年十七髮匪至上紫走避路遇賊欲污之不辱死

陳昭姑 心年女年十六未字髮匪至拒賊不辱死

張翠姑 年十三與英姑俱張蒙氏女髮匪至母女俱閉戶自經

胡壽姑 烈婦胡羅氏女

胡玉姑 與姊三姑同死事具其母胡涂氏註

胡大姑 烈婦胡張氏妹事具張氏註

冉 姑 瑞祥女懼賊辱投水死

傅長姑 以望女髮賊入萬盛場不辱被賊殺

黃二姑 國朝女年十三髮匪至與母同逃在路被執不辱死

張七姑 節婦張王氏孫張榮明女也母亦王氏事具案牘

楊么姑 楊雷氏女

王炳英 王譚氏女

屈姑 屈蕭氏女

龐姑 龐涂氏女

李大姑 李曾氏女

蘇姑 蘇蒲氏女

李二姑 李曾氏女

魯姑 魯李氏女

李英姑 李石氏女

右九女俱同母遇賊隨母赴水死

邱大姑 福泰女年十八遇髮匪驅同行強姦不從賊殺之

張玄姑 作林女年十八遇髮匪驅同行強姦不從殺之

以上烈女

節婦闕訪表

熊楊氏 年二十二夫故歷節十六年壽三十八卒

譚趙氏 年二十六夫故歷節四十二年現年六十八

何婁氏 年二十四夫故歷節四十六年現年七十

張黃氏 年十九夫故歷節二十年壽三十九卒

李鍾氏 年二十三夫故歷節四十三年現年六十六

李陳氏 年二十四夫故歷節三十二年現年五十六

程夏氏 年二十五夫故歷節二十七年現年五十二

韋馮氏 年十七夫故遺子忠武歷節三十三年現年五十

尹陳氏 年二十八夫故遺子正吉歷節三十九年現年六十七

袁張氏 年二十六夫故遺三子曰宗曰喜曰華歷節四十六年現年七十二

梁劉氏 年二十夫故遺子永徽歷節三十六年現年五十六

王婁氏 年二十二夫故遺子文普歷節二十八年現年五十七

張李氏 年十七出嫁二十四夫故守節四十年壽六十四

康鮮氏 年二十八夫故守志現年五十六二子營鐵業

韋藻和女 黃家溝人年二十九夫故守節四十年撫三子成立

戴余氏 南城外戴家灣人青年守節壽八十民國十七年病故

補節孝婦譜

程萬霖妻夏氏 年十八適萬霖八月夫故撫兄子象鴻爲嗣完娶後沒水死又撫象鴻姪維

開爲孫壽七十七守節五十九年

胡光謙妻夏氏 年二十一夫故撫子敬臣成立壽六十二

陳樹福妻盧氏 年二十二夫故無子守節茹素見年六十

王澤林妻安氏 年十九夫故無子撫族姪青雲爲嗣見年五十二

列女補遺

淑婦

皮孫氏 皮湘林妻邑西觀音橋人兄先岱篤學徇義見人物譜氏適湘林孝敬和睦一家安之夫兄霞秋已析居覘氏賢善治家復合鬻囑妻子聽氏主內政中年夫故遺三子人鑑人文人璞璞未週歲皮故境內紳富族競奢逸獨氏家以累析籍氏勤苦淬厲躬園圃紡績佐用使三子皆讀常昂曰讀書所以明理爲善也顯貴不可期治生又不如他途捷然吾寧苦使汝曹爲之懼墮先人善根耳若昧義干進翰苑非吾欲鑑純謹守訓貧不能從師就家自攻兼課兩弟入邑庠清宣統元年考職得州縣佐人璞未冠食餼文亦屢試前列均以士行著於邑文質兼修友恭至老無聞自謂不忘母訓云

純孝節婦

周李氏 周九疇妻年十九入門九疇世家子溺苦於學不治生母吳喜長子恆茂營資致財偏憎九疇恆茂從而浸潤益刻虐惡子并及婦曲意順事不可解析之出子產最薄猶加侵轢夫婦忍受不語未幾九疇抑鬱卒氏年二十七遺兩男一女俱幼吳藉故復毀奪其家具氏不得已挈子女入城依母以居十指外倚兄弟小質作活動苦撙節久之稍能自立而恆茂盡喪其貲遺產蕩破吳老而失養氏乃迎至家殷勤奉事閒談不及前事吳以壽終營壙薦靈次第經辦不敢苟城中縉紳感氏孝咸扶助之次子懷瑾入四川通省師範成都測繪專門兩校女國瑾入省立第一女子師範校皆卒業家日起氏現存年六十一

南川縣重修縣志卷十一之五

人物五

壽考

清嘉慶元年覃恩

袁世榮席壽九十四

韋巨英

以上八品

道光元年覃恩

黃祖達貢天衢父

劉發友壽九十四五世一堂

蕭鑑衡壽九十二

以上七品

婁學孝監生光儲父席生先台祖

韓旌茂

以上八品

劉體恕

駱倫遠

賴光榮席生華珠父

陳俸先

余體聖

韋洪桂

晏理富

楊光敏

吳廷應

殷宗明席生廷相祖

蕭大倫

談正榮職員梓中父

李鵬楊

蕭才佐

謝照暘

張尙才

魯貢道

韋銘卿

龍錦安席生應升父

趙德明

唐月田席壽一父

李鳳彩

羅國選

吳正文

許紹席生廷俊祖

章奇英

陳國憲

陳朝陞

章元位

趙司鑑

章進賢

張必位

吳顯文

夏一寬

壽九十子維鍾
現年八十五

唐和應

楊以三

汪明開

陶紹琮

張先緒

吳純祖

以上九品

道光二十六年覃恩

陳榮貴

鍾仕朝

吳邦位

壽九十一

曹鶴羣

壽八十
四妻同

胡承佐

以上九品

唐正鳳

壽八十四

章洪堂

張慶祿

王介一

章洪孝

黃天元

周士洪

章洪任

譚百川

劉允升

陳元柏

張先明

黃朝訓

吳在田

趙文碧

章在茲

邱元卿

駱世貴

陳文學

胡廷湖

羅金聲

譚濟川

聶文樞

章仲卿

羅世川

曹文契

李萬福

羅仙俊

楊洪一

田慶瑤

謝養鳴

柯世隆

鄭承謨

夏維清

趙文興

蕭鳳山

熊紀宗 壽百歲維宗兄
貢生樹規父

吳大宦

李廷虞

李其驥

譚才陞 壽八十二

張國安

余雲漢 壽九十四

張問仁 壽八十一

熊維宗 紀宗弟廩
生樹續父

趙錦雲 壽八十八

李民淮

駱光陞

余層岩

譚玉振 壽八十二

楊國安

嚴登達 壽八十一

譚和貴 壽八十三

以上優免雜派

男壽

周國照 壽九十八

王開寅 壽九十八
四世一堂

王維綬 壽九十七

唐子義 親見四世次子月鳳壽八十六鳳妻駱九十五
四三子月恆妻鄭八十四子月昇八十一五

子月昭妻劉八十六子月朗八十朗妻駱八十四長女字徐天相八十二四女字蒙鍾序八十六孫大秀現年八十七大受現年八十五孫女字何正俊九十一姪孫大乾大文俱八十四大坤妻杭守節現年九十大俊妻何現年九十姪曾孫朝相八十二

王天明 壽九十六

王仕品 壽九十五
妻李同

談天清 壽九十六

黃朝福 壽九十五

黃昌碧 壽九十五

王天明 壽九十三

唐學文 壽九十二座生大清祖妻張壽九十七三子必世壽八十八
八妻梁壽八十六四子必通壽八十一妻謝壽八十六

王正舉 壽九十一

李子科 壽九十一
鄭壽九十

楊志品 壽九十妻章
年八十七

鄭月盛 壽八十九

胡光曙 壽八十九

黃世賢 壽九十一

劉子禎 壽八十八妻楊壽八十四子文榜壽八十五榜
妻李壽八十一孫正輝壽八十二正洪八十

周學垣 年八十七妻
壽八十五

李明淮 年八十六

張榮陞 壽八十六妻李同壽孫
寶查邑歲貢生年失放

王國樑 壽八十五妻
郝八十七

張盛聆 壽八十五

陳朝爵 壽八十四

周士雄 壽八十四好善無疾而終

陳學易 壽八十二

王元富 年八十三

楊開連 年八十三

唐和淵 壽八十三妻何

周文宗 壽八十五

陳祖榮 壽八十二

李淵華 壽八十一

楊臣信 年八十八

龔和儒 壽八十八妻周年八十八孫曾繁

衍孫超慶貢生 選候補訓導

王世學 壽九十六邑東九合鄉人

張鐘鳴 附生壽九十九五世同堂丁口三百餘東路水江石人

章駿文 字佳章壽八十八路合溪場人

馮爵一 壽八十六東路合溪場人

時明魁 壽八十五邑東大有鄉人

張盡忠 壽八十五妻韋八十六東路馬嘴場

田慶樗 妻蕭壽俱八十八沒同年東

路元 村壩

伍士吉 壽八十三妻李八十七東路半河場

程思理 壽八十三東路馬嘴場

程思碧 壽八十一東馬嘴場

江陞旺 壽八十一邑東馬嘴場

章羨鈴 壽八十一邑東元合鄉

李天榜 壽八十一邑東半溪溝

章聲甲 壽八十妻陳八十四邑東元村壩

章克名 壽八十一邑東元合鄉

羅光曜 壽九十三妻郝九十六夫婦先眉沒同年月子先惠壽八十三先進八十二南路永安場

羅宗盛 壽八十九子孫繁衍南路德隆鄉

辜某 壽八十八南路德隆鄉

李光璞 壽八十八邑南小河壩

羅朝仕 壽八十七邑南德隆鄉

章藻玉 壽八十六妻鄧八十五邑南德隆鄉

郝作仲 壽九十邑西興隆場

許亭一 壽八十八邑西白沙井

胡明志 壽八十五邑西土溪場

李興明 壽八十三邑西土溪場

唐春浦 壽八十三邑西教家溝

張武照 壽八十三邑西興隆場

陳益川 壽八十三邑西木涼傘

李春元 壽八十二妻徐八十四西路太平場

任宗成 壽八十一妻吳九十一邑西興

隆 壽八十一邑西觀音橋

劉元順 壽八十一邑西觀音橋

陳光岱 壽八十繼配李八十八邑西土溪場

殷正坤 見雜述子文謨壽八十一邑西

觀音 橋

李正華 壽九十六邑北石牆場

徐登智 壽八十六繼配袁七十六齒脫盡北十全生壽八十七邑北石牆場

徐裕林 壽八十八清宣統元年邑知縣

汪承第蒙准獎給九品職銜北路石牆場

楊朝品 字真三壽八十七

譚明珠 壽八十六

周文泰 壽八十六妻壽八十二邑北福壽場

高朝世 現年八十四 邑北雙河場

范清泉 字頌壽八十 北路福壽場

王元道 壽八十三 邑北石牛河

王開基 壽八十 邑北石牛河

右五世同堂

唐和榮 中年失偶 居七十餘載 壽一百零六 歲六世一堂 長子明輝 壽八十六

李信華 壽一百零六 歲 五世同堂 奉准旌榮

陳永揚 前廣東三江口協 鎮 壽一百零二 歲

原配任 壽八十六 繼妻 壽八十八

周貴喜 東路合溪場人 壽一百零六 歲 遠方人後居 本境五六十載 常採草藥與人治病 多奇效

孫光宗 邑北石牛溪人 壽一百零二 歲 親見玄孫生子 名成安 六世一堂

陳興田 邑北石牛河人 壽一百零一 歲 縣知事 顏孔鑄題 匾曰壽洽期頤

冉廷相 一百一 歲

楊先榜 武生 五世同堂 前知縣 朱顏其門曰慶衍期頤

劉步青 增年奉 准旌榮

金廷華 武生 五世同堂 奉准旌 榮坊建邑東水江石塢

劉萬鎰 五世 同堂

金銀界 北路橋地塢人 長子世才 壽八

四十 蔡萬椿 北路石 牛河人

右年百歲以上

韓朝斗 妻沒五十餘 年不再娶

康大興 東路大有鄉 現存躬親 灌園負薪 猶健生 平無疾 妻黃八十八 存

右年九十九

李唐欽

張居星

黃崇應

鄭光熙 文生 繼康父

龔正寅

婁文舉

何德仲

右年九十八

朱思康

吳茂林 武生妻譚氏夫婦
孤眉子樹規文生

黃崇隆

魏世亨

吳尙彩

傅文孝

陳碧林 妻王八十六

韋子禮

周廷印

郭文崇

張宣著 東路水
江石

右年九十七

楊光爵

張奇翠 夫婦
齊眉

吳禹疇 武生妻
九十四

朱昌亮

張日傑 歲貢任大
邑訓導

韋藩瑛

周澤潤

許茂富

吳文忠

李天琮 長子命侯八十
次子命韓八十

一

曹文字 庠生

王正本

楊顯瑞

吳觀真 妻章八十
子各六均七十八

十

馮思應 妻朱
同壽

伍光書 北路乾
豐塢

解明棟

鄧邦瑞 北
子溪

吳元合 妻羅八
十四

李光進

廣洪慶 妻黃八十七
子才翰八十

楊文學

周邦喜

周廷材 子仕福八十四
妻張八十一
仕容妻斐八十
仕科八十二
仕容子相東八十
妻符八十

蔣芝榮

陳隆棋

李年發 現存

李玉祿

夏維鈞 北路冷
水關

張遠真 次子文讓妻
章八十一

李先由

右年九十六

劉科序 任廣西博
白縣巡檢

袁貴昌

韋惠宣 子陞仕
八十一

謝九齡

全如山

陳光最

陳炳祿

黃體元 妻章八十

羅明貴

周學信

鄧世順

郭大榮

鄭謹厚

楊文仲

蘇巨銓

謝心文

張世琦

右年九十五

唐徵瑞 歲貢任永寧縣訓導

向于泮

卓光祥 妻眉

鄧行榮

何文禮

周學禹

陳文椿

冉玉朝

余雲漢

章洪五

張德林

鄧昌庸 夫婦

熊維宗 紀宗弟廩生樹績父

康之魚

朱興 年逾八十齒脫重生白髮變青

邑西觀音橋

鄒道偉

楊正奎

章才燦

鄭陽瑄

程光順

程大田

楊文仕 妻周八十七

聶大遠 北路橋塘塲

右年九十四

張日檢 歲貢任簡州訓導

楊世龍

黃福祥

張銀 三十失偶嫁居六十餘年

韓朝樓

羅大秦 妻李壽八十一孫柄義庠生

周廷印 母妻壽百歲

駱光龍 妻莫壽九十三

陶定位

彭守榮 妻章壽九十二

夏維鐘

趙光範 子趙傳式生

范能紀 妻羅夫婦齊眉八十年世崑壽八十

殷現璋 子範堂八十二

章才玉 字永合東路水江石以質白手

起家現存
精明強健

王宗梅

鄧邦祺 北路松子溪

李正雲

謝學忠

吳良仲 北路石橋場

周朝顯 西路二平橋

聶可齋 西路平塢

右年九十三

嚴 庠

唐存巾

孫得道

楊闡道 妻王壽九十四

李廣紳

林德全

張 器

劉萬鎰 子璋文生孫九言定菴俱武生

向文德

周在興

劉紹洪

王宗璜

王世卿

羅萬聘 歲貞任湖南常德知府

康一富

安顯德

梁 元

章洪鎰

談運元

章俊太 妻趙壽八十五

楊世明

章小康

李榮玉 南路大興塢

劉大芳

王心平

周士科 南路小河橋

何顏已 終身不娶傭力積財供兄娶嫂

殷廷璽

章品章 西路白沙井現存

王永川 西路太平塢

胡啓洪 西路音橋

劉光和

張光祿 北路石牛河子大清歲貢壽八十二

陳 某 北路牛溪

吳世太

楊坤用 妻周壽九十五子結髮生九子

右年九十二

王太元

羅 奇 妻胡壽均九十一兄立壽庠生六十一雲壽八十五孫正開八十六

楊之柄

李廷孝

毛隆銳 妻劉壽 八十四

李心科

張惠

黃仕陞 孫承義 年八十

劉德貴

袁作繼 府學 生

朱世道

張載著 妻陳九 十二

周天順

張行鵬

張懋著 鐘鳴 八子

黃顯儒 邑南安場 妻張壽八十一 子大學八十一 妻翁八十四

周邦聰

猶光禹 妻鮮八十八 妾穎九十

向毓瓚 邑北石牛河 妻李八十五

楊坤華

高光禮 邑西興隆場 子 先知八十四

右年九十一

陳文炳 庠 生

趙思欽 武生 贊 隆父

秦世德 失偶 經居 六十載

楊秀海

羅尙書

唐朝相

殷朝宦

劉光郃

袁其岱 舉人 萬如胞兄 妻楊八十一

曾廣貴

鄭世國 伯兄壽九十二 仲兄壽 九十四 叔兄壽八十六

霍聖順

鄧紹濂

張先馨 曾孫 嗣 生

唐鳳德

唐銘 太學生 貢生 銳胞兄子 瀨太學生 孫彬庠生

吳太珩

唐時英

劉太昱

張隴軾

譚和賓 職員 原配李 壽九十一

王邦柄

李大富

解正倫 邑東水 江百

趙光儀 邑北石牆場 妻黃九十一

周光倫

程洪喜

李源泰

王正清

屈義和

楊之燦 妻李壽 八十

郭玉良

章藻虞 子羨勤 八十三

王心正

楊之懷 次子 士佑 妻李八十

章鼎三

黃奇越

章漢章

蔣文仲現存

安陽祿

楊之福

任洪喜邑西觀音橋

李顯成

周大順存

曹積鑄妻冉八十一

解春山

右年九十

唐和驥前任渠縣訓導

梁席珍武生

鄭德新

張天極

侯貞猷

郭華川

羅明遠

章明商

榮天祿妻石同壽

楊鳳朝妻侯八十三子長道現年八十

羅長文夫婦齊眉

向士現

黃永傑

傅祖泗

唐必世學文三子

劉三品邑北三教寺

梁宗鳳

童安吉

張登見邑東合溪場存

康倫書

章文卿妻周九十一

譚心琮子順峯八十一邑北石牛溪

趙先治

劉先齊

高光崑

謝心曉

尹正乾妻王九十一

蘇文學妻程八十一胞弟文會武生文翰庠生

宋在惠妻杜八十一

右年八十九

陳登榮

李榮澤

李大春

朱開貴

黃大善

劉星明

唐大鏐

劉正謙

章相卿

李玉照

章萬廷

章正禮

蹇天惠

章俄卿

楊恩道存

周士先

張永爵

陳德萬

王芝銘

楊興燾

胡啓儒

李陵 邑文生

趙錦雲

劉魁元 自粵入川際飛父

李奇華 秉謙父咸豐元年覃恩九品

韓朝璧 妻唐生沒同年

王國定

蔡萬坤

張維樑 存

李命渠

曾開潤 存

聶光前 妻王八十六存

章能才

李命祺

盧大貴

周國斌 邑東大河壩

劉名俊 妻蕭八十九

張元

章定邦 妻盛八十三

鄭謹蘧

周運東

章鵬 字雲路文生

江陞鰲 妻品八十七

張孝璋 妻盛八十三

楊仕海

袁忠福

章才伋

程光銅 現

苟世寬

劉國仲 邑北乾豐塢繼妻何八十六

唐正江 妻何八十九子和淵妻何壽俱九十生沒同年月日邑北石牛河子

楊興順 永吉父

楊星發 現

聶光謨

趙光偉

程日諒 大典史邑北石牛河子大椿妻壽八十六

劉光倫

謝顯順 子皇恩清武生邑北石牛河子

右年八十八

盧元合 現

蔣明珂 妻蘇九十三

李長興

章羨閔 妻劉八十四

羅于洪 庠生

饒世祿

陳智靈

曹國安

陳泰治

梁啓貴 健如壯時

章才仲

淳世朝

趙思錦

梁崇翰

黃性寬

張先馥

張光俊

張正全

王孫萬

精醫活人甚多

張先祿

弟兄姊妹俱登上壽

唐澤洪

子鳳德壽九十孫正位現年八十一

劉鵬翼

字際飛魁子長兄際雲次兒鵬翮皆上壽

任大道

妻方壽九十八

梁宗順

歐陽文漢

李維庠

李耀通

妻鍾壽八十二

魏仁喜

韓光榮

名玉成子朝斗朝樓朝璧皆上壽

唐正一

鍾連金

殷宗明

孫廷和庠生占元武生

謝大有

王念德

羅年照

王太慶

妻丁壽八十三

張德奇

王紹友

向洪範

字九疇長子昌鎔壽八十一李子全煥庠生現年八十一

李持熹

柳之應

許廷安

章駿旺

妻段八十二

鄧興懷

章才富

梁後政

袁富基

袁作榮

妻李九十二

王恆興

現存

周山順

現存

李蘭廷

梁後閣

羅炳義

文生邑西松音給

李光成

妻八十七現存均健

王金道

任忠明

妻向八十二

高光魁

邑西興降場

向毓璋

曹文模

吳謹秀

程興淑

李金森

張心發

現存

譚心友

子順豐八十繼妻許八十四

程明士

唐守中

妻杜八十四

陳茂揚

妻吳同壽

右年八十七

李長齡 任高縣訓導

譚佑川 慶貢生懷章祖

唐之彥 庠生子時瑞武生

吳純福

陳禮靜 會捐業入濟田前郡守李穎其

閔曰好義可風

劉元隆

王先榮

劉明睿

蘇文達

張後周

羅長富

劉漢階

鮮正信

王宗佑

李廷照

吳文适

鄭璉 戊戌年飢出錢穀濟貧年七十時齒洛重生

余洪亮 妻高壽八十九

羅正祿

周學級

周國治

劉鳳友

皮天錫

唐正常

張永清 妻唐壽八十五

韋關藻

周開福

譚天鐸 次子心佐年八十三

張光理

黃富錡

劉永清 子仕衡庠生

張先魁

駱元鵬 舉人國恩高祖

張正碧 夫婦同壽

張天賜

駱芳燦

劉紹成

孫昌坤

唐彩彰

楊定一 庠生

張光舉

張朝元

陳德萬 妻黃大婦同壽

張文萬

張元山

唐海山

傅立曉 妻張齊眉

章慶豐

陳仕長

韋錫侯 妻陳八十四子易初九十二妻趙八十五邑東合溪場

蒲登武

姚正恆

鄭謹廷 妻李八十八邑東水江石

冉月寶

章洪現

趙德福 邑東廣福橋現存

周士成 邑南小河南

嚴子先

楊士純 邑東半溪溝

羅先本

傅祖程 妻范九十四邑南萬盛場

朱士順

劉午亭 雲南人 現存

劉德彰

張能慧

李宗貴 妻高九十四

羅光映

李維榜

劉厚銀

楊興位

謝顯惠

章才善 邑北鐵村壩年四十髮匪之亂

保城有功獎給五品藍翎軍功

殷天文 子德一壽八十 二邑南永安場

殷廷蘭 子天太八十四

李芝蘭

周元燦 妻蔣八十二童 子結髮邑北橋

塘

任宦 繼妻羅八十存

李天元

趙先仲

趙先璋 妻冉壽九十童 子結襦邑北石

塋

聶新漢

陳明昶 長子玘鈞次子現倫皆上壽存

劉吉山 邑北松子溪妻韓壽八十二均存家貧編草鞋為業胞弟三皆伊夫婦撫助成立

王長樂 邑西太平塋 妻傅年八十

何學禮 依兄生活終身未娶

李宗壽 妻蔣八十二

馮正啓 現存

劉世超

吳方

唐朝杰

劉文山

任春山 存

霍太興

鄭明誠

陳永俊

李順清 弟順福八十一 順章八十一

梁後發

安遠壽

程興漢

劉廷輝

章伊卿

周春堂 邑西水濠教學多年人稱盛德

右年八十六

吳元亮 生庠

楊光國 妻費同壽

吳占元

張德武 庠生妻王八十一

楊光泰

劉洪萬

劉仕亨

陳仕彰

周廷獻

羅曾俸

夏先爵

傅秀華

曹國治

楊全詣 妻周生沒同年

李光梅

楊勝萬

田永安

張應啓

楊

桂

子與道庠生
孫全翊增生

劉揚槐

許在海

張先崇

趙大興
清武生

李瑞

劉光旦

孫敬修
監生

黃永錫

張德相
文生

張廷輝

張古忠

周世開

鮮正詩

李其惠

何德明

劉紹儒

吳大元

李壽鞠

陳令有

劉文斌

楊之崑

戴玉成

曹作棟
太學生孫
瀋慶生

戴正全

鮮世運

向壽秀

王在交

章喜相

趙相貴

蹇三華

李先緒
庠生八十餘能
小楷妻章壽八

十七子位三
庠生八十

陳洪海

周文華
妻鄭八
十二

周文學

章光達
邑東合
溪塘

章羨福

章羨桃

王茂春

章羨顯

袁廷基

謝現順

唐永成
邑東水
江石

熊光福

李金山
邑南小
河壩

周士諒

楊士林

沈大綱
邑南大興場子光朝八十二妻
張九十四子小峯妻楊八十

王士教
妻張同壽子玉道八
十孫林心八十存

王正福

章成相
邑南德隆場妻駱八十
張元妻鄧八十四

陳朝讓

鮮體松

榮興發

蔣三可

張惠圃
存

向老福
存

張義齋
存

駱榮

韋羨韓

趙鴻發

殷承壽

王大錫存

唐誠齋監生

李昌國妻黃八十子光備監生八十四妻陳同壽

劉大順

朱元順存

李文欽

李興發

楊仕龍

丁大順

王有言

聶光容

章才順妻土八十一

劉義昌八十時生大牙二齒

陳用文

安宗發

陽萬遂子和光慶生

楊萬同

陳興朝

章才超妻黃八十一子鐘漢妻王八十

曹文舉

趙德勝存

張天銀

劉志興存

僧性聰北興佛寺住持一生樂善

右年八十五

王應旌明庠生倡建治西太平場

郭福璉

向登華

張健

李光道係增生贊元祖

楊懷訓性樂善

戴亮福

李富應

胡秀章

胡大升

吳文治

王功烈教授正庠武舉兆元國棟祖

馬光慈

劉祥舉

鄭光清

王彩珍

熊伯峩隆昌縣訓導

姚勝萬

劉萬才

李明鑑

謝子諒

康一桃

陳東禮

余正濂

蔣宗明

皮學陶

嚴子珪

吳邦倫

傅宗杰

李命三冠庠生天縱長子

李浩德

張先業

子崇德 廩生

曾廣炳

蔣舉相

冉玉高

妻盧八 十四

許廷佐

張國安

余哲安

妻吳壽 八十

傅朝斗

羅學道

鄧正貴

楊之順

劉光大

妻胡八 十一

吳正貴

劉鳳壽

余永連

張先猷

吳大宦

駱映鵬

張行道

妻楊夫 婦多眉

辜志詩

妻張壽 八十二

楊之銘

武庠子十孫三十 餘長子鎮芳武庠

趙光謨

李天清

子洪繩洪繩均 八十二洪玖八

一十

劉申山

名壽善增生 舉人鈞父

孫德道

張正佑

夫婦 同壽

吳謹能

馮思明

楊心爨

章沛卿

章周卿

妻王 初眉

吳天明

朱廷仲

謝心曠

戴天才

張永興

馮成佑

向茂秀

王正室

嚴朝秀

陳發陞

楊澤楷

吳正文

子孫 衆多

李廷坤

向福秀

梁啓訓

夫婦 初眉

陳運來

章洪經

章登高

傅心望

妻張 初眉

冷必仲

冷同倫

太學生子向春 增生孫文瓚府

經

王仕廉

李一言

全繼高

奉 恩 案

羅炳貴

殷維河

子如章 八十二

章憲章

章錢五

魏世英

魏世品

冉德崇

陳秀平

章駿哲

羅承瓚

劉秀峯監生

楊在陞職員

皮天元

章才綸

章才春

楊蘇才

章才昭

陳起科妻王八十二

梁昌坤

李文陞

龍世慈

戴天成

徐先林

楊冰池邑南平鎮

趙國樑

冉玉環繼室章八十

王順宗

余鼎安瑣圃父

劉福順

張永達邑西白沙井子世權世現皆上壽

龍世富

張岐山

章裕全

唐靜齋

劉科順

向毓衡妻殷八十一童子結髮

程大宜妻唐八十二

曹貴川存

李朝珍

楊明順

張宗相

張百超

章東陽終身未娶弟姪同居

鄧萬發存

章才錫

簡萬鎰

楊在文長孫尙春八十二尙直尙森皆上壽

邱國位

周光寅

楊宣一

李世聯

陳天台妻吳壽九十六邑北雙河場

吳官箴繼妻章八十三

李心榜妻羅八十七邑南大興場

王吉太現存猶健子錫九職員

梁均平

陳元梅

王占元字亨衡清武生妻保六品軍功弟占川同壽

李正同

章仕林四子巨明八十一餘孫會玄皆上壽

張心德邑南陳家場

右年八十四

羅名德 庠生

趙作賢

洪志燾 妻陳八十三子露清
武生弟露芸庠生

鄧行鴻

傅廣卿

劉思齊

鄧必鰲 妻唐八
十五

胡國順

胡國禮

鄭光文

趙洪燦

夏維朝

李峻德

李林德

鄭光弼

李命雲

馮兆級 係武生
思謨祖

呂青雲 弟青錢八十一妻袁八十八
子翁成八十六純成八十四

張能敏

黃登鰲 庠生國瑞會祖兄登元八十四第登潮八十二鰲妻王九子朝
龍八十一孫永繼亦上壽繼妻楊年八十一登潮子朝剛八十一

尹朝清

楊鑑道

章昌禹

謝必儒

丁世清

馮思崇

陳興孝 妻胡壽
八十三

劉仕陞

袁顯榮

姚秀華 妻唐壽
八十五

譚心佐

蔡宗友

王國倫

李國聰

張光太

唐光應

楊應龍

唐明書

談心榮

譚心貴

譚和貴 獻廷父性
直好善

張松榮

龍長耀 年二十二妻
劉故不再娶

鄭德興

陶定禮

鄧正清 妻王壽
八十五

鄧正永

藍華山

駱贊遠 舉八國
恩祖

趙學堯 孫文碧
壽者

楊友弟

曾應祥 昭應
九十九

鮮正啓

劉正舜

唐時致 子秉中庠生壽八十二孫正館增生八十正
嵐八十恩貢生正熹廩生正英庠生曾孫銘

監生壽
九十

田慶文

鮮席珍 國棟父誥
封承德郎

陳啓書

梁啓開 妻程重
完花燻

冉任富 妻李同壽

談天錫 婦母宋年九十四

王大魁

吳謹龍

邱德龍 夫婦眉臨沒呼子女盼諭舉

同時

彭登盈

戴理

張南極

朱孔德

王世忠

袁德富

張長儲 庠生

胡珏 妻張壽九十

呂純成 子鎔增生

吳陽芳

李先梅

周國科 妻劉壽八十二邑耳大河壩

張清泉

章應藻 邑東路元合鄉

陳正南 妻王同壽

陳仕福

章羨勤

章聲鵬

張裕曠

蕭仁貴

章藻述

章緒章

章羨圖 妻鄧八十四

黃奇珊 邑東大有鄉

章藻廷

江才萬

康大用 弟大有八十一

江心龍

魏孝敬 妻余九十一邑東水江石

陳東全

蒲立位 邑東草壩

魏孝應 邑東水江石

王昌明

鄧顯陞 邑東廣福橋

周玉乾 邑東草壩

周士唐

戴尙談 存

周士瞿

黃三順 存

李十月

章才鎰 邑北村壩年二十一加冠時購青布帽一頂至七旬汗塵厚分餘仍著不異

梁簡三

蔣光才

程光明

李祥榕

向毓俊

黃庭綱 存

章羨章 存

鄧啓順

鄭陽順 妻章壽八十一存

劉顯富

宋有壽

戴福順

唐合順

邱玉春

李明福

王文安 存

章才童 存

張興合

胡光先

趙爵寓

楊榮發

楊芝洲

禮室李九十三

劉靜材

章方卿

程雙吉

吳春和

鄭文龍

沒得呼諸一楊預囑後事痛

髮沐浴更衣扶拜先靈端然而逝

章黻藻

子少鵬武生

嚴露雲

歲貢生妻譚同壽

符立煜

妻馮八十二

張祖林

張永俊

馮思虎

楊萬鈞

章羨賓

妻鄧八十一

唐仕順

龔正興

任廷章

章洪蛟

譚益川

郭天相

韋體德

周盛先

妻王同壽

周天釗

存

唐順發

王顯級

妻許八十六子永文現年八十

邑西觀音橋

李在陽

王光朝

存

皮天佑

妻鄧八十子興妻趙現年八十

盧祖彥

胞弟祖益庠生

徐大順

妻周壽八十二

談永順

張德明

存天相武生

曹光連

周文均

袁其倫

熊正順

右年八十二

王世祿

歲貢

曹首羣

庠生

陳榮綱

楊榮宗

韓旌見

封義現

謝正應

冉佐治

妻楊壽八十二

張訓鳴

善歧黃活人甚多

羅尙澤

朱開富

鄒汝懷

鄭光元

梁啓亨

張先福

馬光泰 妻戴八十五

徐文翰

蕭壽昌

楊全廉

譚心儒

童天富

李士孝

任宗喜

李乾授

袁慶章

章才朝

張正紀 子鼎調文生

曹洪福

鮮濟川 增生

劉大鵬

王伊川

黃性鵬

張良誌

李命寅 妻楊壽八十二

楊士壽

楊之麟

劉智福 子定菴事親孝

陶定義

易明高

楊世恩 增生子

余永瑞

周厚璋 孫心坦庠生

歐陽仁風 教讀五十年

程大銀

李光聯 監生

李紹白

周開東 子鼎庠生

譚玉振

李廷虞

周士友

劉大連

劉時旺

章閔卿

曹洪道

譚才陞

李奇遇 青華弟秉謙叔

羅斂章

周鼎 文生

劉天敏

張先照 先祿胞弟壽者問仁父

張大潤

唐正吉

向登輔

駱芳相

談心華

蔡克常

胡太秩

李壽相 子玉堂職員

鄧啓照 正倫子

李洪儒 弟洪書壽八十二

李洪瑄

劉位 子四紹齡八十一紹成八十六紹洪九十二紹儒壽八十五

黃性玉

唐光嵐

楊再明

魏洪學

張奇棟 夫婦同壽

李大江

楊懷試 監生

張能侍 髮逆至罵賊遇害

張光文

劉天鑒 夫婦齊眉

冉仕華

周立訓 夫婦齊眉

陳發泌

張祖珩 妻唐年九十三

陳全揚 妻楊年八十

李國忠

田慶義 妻羅年九十二

章溶卿

章同卿 妻楊齊眉

邱承恩

曾旭升

章模 妻子五俱武生

鮮天瑢

徐旣 增生

王交餘

陳洪勳 拔貢先培祖妻胡齊眉

章相海

張光昱

楊開祥

廖永連

皮正科 武庠子九齡亦武庠

梁啓榮

王國恩

范世慶 妻王齊眉

傅祖祥

胡學廷 妻張齊眉

王宗岱

王允升

楊大治

章視卿 妻黃八十五

陳仕玉

章藻夔

章南山

章南治

章南清

章治美

鄧興儒

吳應科

蒲立廣

章元海

曾憲禮 存

袁朝基

袁宗照 妻王八十四

魏孝華

袁永相

袁永經

鄭東厚

張開珏

周士玠

藍心應 存

楊萬鎰 妻汪八十四

章羨潤 妻陳八十一

饒大中

傅心泰

劉朝武 存

伍鳳廷

任春山

章仲卿

魏孝應

曹良元 妻王壽八十

胡大安

李洪開 存

馮正淵

戴宗潤

陳德儒

陳世禹

夏朝珍

妻 十七

張文傑

章 燦 舉人

楊岐山

張義齋

高 志

胡玉田

許合田 妻八

駱 春

謝學述

妻吳八十六童子
結嗣子孫繁衍

馬玉順

章藻鑑

冉興友 胞弟 興堂
八十一

馮萬益

楊之振

妻 同壽

夏元喜

妻 壽八十九子廷惠
八十四廷志妻傳上壽

夏定元 武生

周安榜

妻八

侯大舉

字坤
山存

曹江善

李朝學

徐洪順

謝洪順

皮玉成

張祖雨

陳興同

王興堯

胡玉發

妻 載現年八
十童子結髮

楊通文

游遠傑

陳彥亭 存

聶先旭

楊廷隆

張祖楷

張昆江

賈怡昌

子興茂
監生

韋苾藻 存尚能終
日耕作

簡文諒

劉先應

妻 楊壽八十一
符眉子孫繁衍

章才玖

楊宣連

何大陽 妻 張壽
八十三

陳孔炎

李光睿

龍瑞程

趙芳前

袁裕山

現存

李載應

夏新德

殷有碧

妻 孫
同壽

右年八十二

劉祥位 孫果田 貢生

楊捷三 席生

劉天訓

唐揆中

謝天鳳

陳德明 孫杰勳 俱席生

雷雨洪

謝美玉

張廷應

劉亮彬

鮮世琇

章才儲

劉楚

譚心富 子和寶 職員

章朝浩 妻強壽俱 八十一

楊心敏

章朝海 妻胡 同壽

張正佺

章倫卿

羅從周

魯大榮

章洪常 燦曾 祖

江元疊 妻姚八 十二

唐秉中 席生妻談 夫婦齊眉

夏一仲 妻王壽 八十

唐必通

袁秉喆

李士柄

張先顯

梁同升 監生

李命福

譚順朗

胡政衢

李命九

田慶錡 監生

李坤璋

嚴朝維

楊國安

黃崇高

李其驥

李德揚 妻陶年八十四邑令 黃獎大蓋僧登額

駱光陞

張祈萬 妻史壽 八十三

陳峻福

殷有乾

曹積宏 妻瞿壽八十四子異三增 生孫炳麟文棟俱席生

張光瑞 子鵬和武生 孫尚峯千總

駱規遠

康秉照

鮮大榮

李心谷

張爲迎

鄒祥瓊 席生敬 修祖

鄧正先

戴永年 子超凡 席生

鄒祥琳

鄒光文

趙國興

周開恩 子文洋 席生

劉鳳照

張問仁

童天階 設教涪邑 從游甚衆

劉德治

章巨英 字碩華 庠生 惠鄉父進士 杰生 祖詒 贈奉直大夫

李洪玖

劉紹齡

章槐卿 妻李

劉正洪

唐正位

孫世榜 妻楊八十六

李壽亨

張奇朝

王元禮

蔡萬才

孫昌學 國學

韓仲銓

童榮鵬

袁作貴

張元才

章文亮

章才池 妻駱 弟眉

王開元 妻夏八十七

唐和聲

余正暘 增生 妻黃 八十七

蕭大傳 庠生 與 基祖

向昌鎔

文朝發

張志和

王文品

章作冕

鄧昌乾

鄧邦傑

任宗族

劉宗旺

羅元俊 妻鮮八十二

周子文 充鄉約 公直 知縣 鄧題 匾 德壽 公平

劉名宦

蘇孔田 存

章榮卿

段昭順 妻簡八十六 邑東水江鄉

段純學

王 撞

章羨倫 存

江陞明

張爲興 字竝立 尚健

王清寅

王洪俊

章藻亭

章應祥

章登極

馮正儒 妻田生 同年 月亦上壽

鄧騰高 現存

王盛魁

章光漢 妻張 八十八

張聯雙

周士嵐

周體相

周士碧

張士禔

鮮士林 妻鮮 八十

鮮申山

張正統 現存

莫萬發

尹正邦 妻張壽 八十

張永祥 子春和 八十二 邑南三滙場

張世元

張光倫

子先魁壽八十六先綱八十一孫世蛟八十

猶振賢

傅祖美

梁裕和

高玉川

李林順 現存

李光虎

張大用 妻學八十三

劉應福 子先志八十五現存

陳興樂

曹大進

梁永齡

李運寬

李長齡

孫光藻

鮮明寬 妻同壽

王長發

堯燮堂

趙朝樑

章蓋藻 妻黃同壽

孫鴻喜

王隆彬 現存

羅三太

朱進一 妻沈八十二

任國亮

陳仕鳳 妻章八十二

王國泰

王有恩

程如南

楊定仁 妻劉同壽

何大琳 妻陳壽八十

陳大世

陳壽廷 存

戴心順 弟心乾八十

夏云廷

黃大學 妻猶八十四

梁榮岳

梁後達

陳永喜

李興治

霍仲元

陳泰順

李恆一

張先讓

張明順 子先一八十

張天貴

蘇應柱

譚明發 存

舒光月

李廷笏 妻譚八十二

龔太常 存

龔宗傳

程正洪

李文喜 武生燈胞叔

陳興周

章癡 歲貢生邑北福壽場

李國音

楊啓仲

陳裕乾

劉祖江

盧士五 存

楊正通

張誠遠

任世登

張國秀

陳明燦

婁光吉

妻李壽 八十七

曹本厚

袁功德

李興舉

張宗江

妻品八 十四

張開勝

劉智有

蕭光燦

萬盛 萬歲 貢生 尚健

右年八十一

唐閑中

朱世年

陳太舉

陳世倫

徐必榮

字光耀 妻同壽

周維有

妻陳 同壽

劉仕輔

秦顯爵

李霖德

劉光德

監生 夫 婦 同壽

金世澤

李命軒

妻蘇亦 八十

鄧邦瑾

妻劉 齊眉

王汝霖

嚴正玩

章巨圖

庠生 妻李八十 八子之俊 庠生

李明祿

王登羲

尹漢中

庠生 現 年八十

戴學易

張占鰲

章洪常

張廷忠

李芳城

武生 性 公直

梁宗煜

庠生 孫立 棟增生

李學益

妻楊 八十

賴仕文

楊全賜

妻李 齊眉

陳文椿

劉發鳳

蘇映川

張先寅

鍾聲遠

張先挺

妻嚴 齊眉

劉祥鳳

舉人 榮 光祖

羅名裔

庠生

周立寬

監生 壯歲 游器 八十 猶能 小格

李命奇

監生 灼 光父

嚴子松

黃承義

鍾本太

劉鳳慶

鄧天文

談天仁

余正祿

張先貴

李文漢

李光燦

陳大猷

劉祖祿

李明高

鄧啓維

程大儀

郭福友

嚴

灼

妻薛亦八
子漢章廩生

李命榮

增生妻楊
現年八十

張先衡

子海瑞文生
海彬武生

陳正明

楊貴芳

湛露清

武生子光
賓武生

曹子楚

唐銳

字退
菴

盧友惠

李家齊

鮮正安

許廷儒

嚴登達

范世崑

吳光謨

經歷炳
李祖

許廷俊

庠生伯兄廷佐
八十四叔弟廷

仕八
十

駱見遠

羅尙廉

子明書恩貢
候選教諭

羅尙科

張恩科

張天祺

楊之學

尹道萃

李天釗

嚴子達

譚德昭

張先俊

妻魏年
八十九

胡長武

子壽德廩生孫
太和府增生

章藻林

唐正誼

增生

唐正嵐

唐正坤

向奎煥

庠生

周學品

張全忠

國學諱
庭父

魏仁瑞

駱延舉

李應元

李瑞宗

楊洪奎

楊長通

章洪實

妻皮
齊眉

劉有常

羅應鶴

章榮高

金人成

妻周八
十一

熊秉忠

劉漢淮

卓文堯

唐正伸

妻胡八
十六

李光華

王紹海

趙朝

妻李八
十二

殷廷建

黃永佐

罵賊
死

張天壽

明鳳儀

趙萬華

章仕清

譚順瓏 猷廷伯父

李明學

傅銳

增生子承書增生胞弟燦馮俱貢生

王文章

傅能闡 妻霍八十四

冷廣倫 武生

王祚祿

子勳勛增生孫如春元春濠生富春武生

羅顯邠

妻杜齊眉

陳定孝

妻張齊眉

陳光南

戴元倫

胡容川

母病割股救愈

鄧昌鵬

楊酉山

劉遠壽

章兆玉

章應榜

章龍位

章南貢

王選嶺

黃玉梅

章藻應

張啓先

陳鳳山

李世興

魏寬厚

魏孝連

周士祥

嚴瑞圖

苟如山

周仕和

朱心珍

丁代福

饒光華

楊通海

劉果田

字錫堂歲貢生

黃鐘鳴

熊明清

游擊補用參將

張儒昌

黃國第

劉玉貴

張正文

江學應

王先榮

牟代文

王春堂

梁昌謨

王春山

羅笠亭

妻楊壽亦八十

唐有虞

章才發

章春藻

曹文書

張行聯

蕭明瑾

向毓傑

向毓士

妻程壽八十一

楊正杰

存

劉先春

陳煥堂

存

自一經三... 105

唐文河

彭國慶

堯在羣

周應治

妻龐八十五存

宋正洪

存

章善齋

次孫承經文席

郝作贊

徐元舉

苟宗明

蔣明琇

妻蘇九十三

龍興發

妻吳年亦八十均存

周超然

妻楊年八十一童髮均存猶健

劉輔堂

存

王秀文

傅正發

章春亭

妻陳現年八十四

張登祿

僧慈光

現存鳳凰寺住持四十年早晚課未曾間斷

王朝元

孤而貧

張玉太

子學純同壽

張先著

妻唐壽八十一

張明鏡

名寶森歲貢生

趙萬順

胞弟從龍武生胞姪海瀛武生

胡明發

王南山

陳鼎新

駱長青

馮岐山

存

馮義順

存

朱銀順

談心登

談心悅

談心一

劉天傑

字順榮妻羅亦上壽

堯在祈

宋永祿

譚明珍

胞弟明現同壽明珊清武生亦上壽

郭成順

任世金

任聞

趙先位

張竹亭

任萃

妻張同壽

任燦

王順陽

妻黎同壽

王順一

羅禮元

妻徐壽八十三

程元順

存

皮澤香

張其陞

存

陳明瓚

妻吳壽俱八十年生沒同年

饒光吉

存

章揚藻

妻現年八十四

楊早達

安應揚

現存

向元

劉家元

教學三十餘年安貧樂道壽八

田應清

妻陳同壽

郝作體

繼妻王壽八十三

唐露卿

妻金壽八十七

張光祥

榮陞子

文興有 妻從壽八十三

王祖椿

張世綬 妻郝八十一存

右年八十

女壽

吳夏氏 正錦妻無疾終壽九十九

李尹氏 國節妻九十六

劉唐氏 吏員子升妻增生萬鎰母次子三子皆武庠壽九十五

戴章氏 王成繼配現年九十四

謝張氏 發母現年九十三

毛馮氏 子大璋孫羽儀俱列膠庠壽九十三

張冉氏 現年九十三

田羅氏 慶文妻文年八十三壽九十一

殷黃氏 廷健妻現年九十一

程王氏 應玉妻壽八十六

賀曹氏 文治母曾孫能鎮庠生壽八十六

許卓氏 繼由母壽八十五

金袁氏 武庠人文繼室現年八十五

楊皮氏 眼見曾元猶勤家政壽八十二

李黃氏 淵華妻壽八十二

周黃氏 倫川母現年八十二

趙李氏 爵曾母壽八十二

李汪氏 世榮妻現年八十二

田黃氏 興文妻壽八十二

陳楊氏 元柏妻壽八十

殷章氏 壽八十九邑東圓村壩

章楊氏 淑潤妻現年八十一邑東土橋

田李氏 現年八十邑東圓村壩

李黃氏 現年八十六東路土橋

殷張氏 南路永安場土關妻二十四夫故守志六十四年壽八十八

羅章氏 邑南德隆鄉宗倫妻壽九十六樂善施衣粥及捐修魚池埭大道穿洞接壽二橋子巨儒指貴州分廳承赴任沒巨祥請誥封五品孫聲聞武生加捐都司

彭黃氏 邑南德隆鄉光遠妻現年八十

張鮮氏 邑南陳家場水發妻壽九十五

張楊氏 邑西白沙井純一高祖母現年九十九

張龔氏 邑西二部橋壽八十二

李郭氏 邑西太平場興琦妻年三十六夫故守孀五十二載壽八十八

曹陳氏 邑北石牛河桂善妻壽九十四

李張氏 邑北石牛河海廷母壽九十二

鄒郭氏 邑北石牛溪岸瑤妻壽八十三

李盛氏 邑北乾豐場命蓮妻壽九十一子為顯八十二

楊何氏 邑北石壩場副君妻壽九十七

謝程氏 邑北石壩場學忠妻壽九十三

長子光增八十二會
孫良全現年八十一

右五世同堂

吳蔡氏 心友母壽一百零一歲

李楊氏 心志妻壽一百一十二歲

周婁氏 壽一百零四歲文韻妻庠生相宜曾祖母

傅梁氏 能洪妻壽一百零五歲

張黎氏 至誠妻壽一百零四歲

冉朱氏 現年一百零三歲邑東半河鄉

楊莫氏 在文妻壽一百零二歲知縣張濤題匾曰如月之恆其夫壽八十四無疾而終邑北石牆場

盧殷氏 登第妻一百零一歲

田殷氏 興德妻一百零一歲邑東合溪場

邱韋氏 一百零一歲家貧其子春和春順採薪奉養以終餘年邑南路德隆鄉

羅楊氏 增休妻

秦楊氏 萬璉妻即祖母

傅萬氏 祖珪妻壽一百歲

鄭韋氏 壽一百歲

右年百歲以上

陳鄧氏 光碧祖母

黎陳氏

魏楊氏 國興妻壽九十九賢淑邑西太平場

右年九十九

曹周氏 國尊妻

楊冉氏 朝宗妻增生桂霖曾祖母

張江氏 崇朝妻

謝王氏

李韋氏

陳傅氏 增生世明妻

盧殷氏 亨第妻邑東元合鄉

右年九十八

王陳氏 啓妻

劉陳氏 天定妻定早沒家貧無四子成立

殷胡氏 子文妻

周楊氏 仕鵬母

任方氏 大道妻夫 壽八十七

孫任氏

唐張氏 學文妻 庠生 天清祖母

馮陳氏

朱余氏 金山妻 現存

李楊氏

張陳氏 先貴妻

汪安氏 厚孝妻

蘇李氏 現年九十七 猶健家 貧如羅氏奉姑盡道

章某氏 邑北石牛溪

右年九十七

藍梁氏 大榮妻

吳張氏 子明文從九孫純琳純杰 純生純禮監生純俊江南守備

余羅氏

王陳氏 啓朝妻

章簡氏 南藻母

戴章氏 文妻 孫昭邑庠

王劉氏 天富妻

冉殷氏 廷舜妻

袁楊氏 鶴樓母

談吳氏 天眷妻

猶胡氏

章王氏 羨遠妻

賀王氏 海云祖母

尹章氏 心靈妻

李楊氏 雲宏妻

卓許氏 明鏞妻

楊張氏 光壽妻

彭劉氏 世乾妻子與玉 妻楊壽八十四

霍張氏 仲立妻

鮮某氏 明棟妻 邑北石牛河

右年九十六

周婁氏 延明妻

趙胡氏 天柱妻

杭章氏 先益母

張朱氏 逸安妻

李鄭氏 子科妻

周李氏 文達繼母

猶高氏 正甫妻

章李氏 才達妻

李賀氏 心乾妻

聶章氏 打魚妻 目小如豆 採樵度日 現

李傅氏 次子國英 八十一

汪張氏 澤堂妻子 盧谷妻 趙現年八十二

存

右年九十五

張婁氏 光興母

李鄭氏 文衡妻

趙馮氏 士產妻

文王氏 志會母

鍾吳氏 其馨妻

蔡談氏 萬才妻 文謙母

周吳氏 學榜妻

胡鄧氏 光齡母

汪薛氏 永福母

章唐氏 芝芳妻

李汪氏

趙杜氏 光榜妻

李張氏 吉祥妻

李汪氏 增生占元母 庠生耀祖母

鄧幸氏 昌庸妻 婦齊眉

金郭氏 武庠廷 枚妻

魏雷氏 孝吉妻

金陳氏 恆豐母

郭袁氏 席珍母

李章氏 心立妻 次子鵬 飛次孫定邦俱

武庠

王汪氏 光舉妻

劉陳氏 先陶妻

劉張氏 泗瑩祖母

羅程氏 書禮妻

張陳氏 先立妻

曾段氏

右年九十四

駱鄭氏 曾孫威 遠庠生

傅張氏 光昭妻

趙胡氏 庠生文 定母

文張氏 學義妻

駱莫氏 光龍妻 恩賜 舉秀榮女

楊張氏

孫謝氏 監生敬 修母

張唐氏 祖珩妻 正明母

嚴郝氏 登萬妻

傅王氏 辛酉母

章張氏 世成妻

龐周氏 現存

傅王氏 祖勝妻

張唐氏 子雲妻

唐鄒氏 明謙妻 現存 尙健

周婁氏 學榮妻

夏馮氏 澤昌妻 建邑北合口河 正陽橋樂捐千餘金

右年九十三

吳唐氏 占元 妻

王杭氏 國梁 祖母

王彭氏 從九 祖母

劉章氏

夏張氏 朝魁 母

張黃氏 慶發 母

彭章氏 守榮 妻

彭張氏 子榮 祖母

田羅氏 發義 妻 夫 婦同壽

龐易氏 仕德 妻

鄧廖氏 大會 妻 現存

袁楊氏 文鼎 妻

張丁氏 朝樑 妻 子大鑑 貢生亦上壽

楊張氏 之位 妻

章周氏

張黃氏 子卿 妻 長子謙貞 太學 生次子履貞 入武庠

曹張氏 國珍 妻

江王氏

皮陳氏 紹堂 祖母

鄭張氏

朱張氏 玉位 妻 海 廷祖母

羅傅氏 宗琳 妻

右年九十二

夏謝氏 棟應 母

章黃氏 兆卿 妻

袁張氏 作惠 妻

楊王氏 心敏 妻

李張氏

唐何氏 和淵 妻

榮石氏 天祿 妻

吳夏氏 邦達 母

張郭氏 正照 妻

胡何氏 恩貢 生 世奇 妻

羅喻氏 朝選 妻

魏余氏 孝敬 妻

周劉氏

冉幸氏 崇興 妻

周賀氏 尙相 妻

鄭丁氏 宗齡 妻

王陳氏 心仲 妻

曹陳氏 國璋 妻

程馮氏 汝霖 妻

右年九十一

唐袁氏 貢生 正 字母

蘇蔡氏 宏道 妻

章鄭氏

楊梁氏 新道 母

張孫氏 先祿 母

李劉氏 仁剛 母

張廖氏 師洪 妻

陳田氏 乾聲 祖母

陳汪氏 仲孝 母

駱蔣氏 光華 妻

胡盧氏 長武妻子舜德原
生孫太和府增生
周胡氏 汝綱妻國
學立萬母
易王氏 應貴
妻
范盧氏 世望
妻

胡張氏 胡珏
妻
駱韋氏 齒落
重生
周潘氏 庠生立
琮妻
康李氏
王陳氏 邦崇妻
吉太母

章陳氏
章鄧氏 顯陞
如
張某氏 光儲
妻存
傅朱氏 松茂
妻
駱謝氏

章胡氏
張周氏 世傑
妻
霍楊氏 延舉
妻
王程氏 德川
母
張鄭氏 遠臣
妻

夏陳氏
聶蘇氏 家九妻
現存
何羅氏 朝成
妻
朱張氏 玉位
妻
李陳氏 明達
母

右年九十

彭李氏 登盈
母
李巫氏 文泰
妻
余張氏 雙全
母
胡楊氏 顯傑
妻
李陳氏 明達
母

向魯氏
余高氏 洪亮
妻
張魏氏 先後
妻
羅華氏
陳田氏 朝江妻慶生
翰聲祖母

陳王氏 歲貢牛
晉繼妻
李王氏 心靈
妻
張羅氏 存
王李氏 先科
妻

王周氏 文榜妻
現存
朱鄧氏 興順妻
現存
袁王氏 禎祥
妻
章汪氏 次伯
母
張任氏 祖梅
妻存

章劉氏
張宋氏 裕福
妻

右年八十九

譚吳氏 天春
妻
楊張氏 秀寬
母
劉朱氏 民貞
母
鄧楊氏 洪妻
胡唐氏 遠忠
母

王張氏 宗亨妻

龔周氏 和儒妻

胡唐氏 明科妻

陳黃氏 德萬妻 同壽

趙劉氏 文興妻

唐張氏 子洵優貢 石逆沒於陣

李劉氏 德修妻

章楊氏 才臣妻

純蕭氏

羅汪氏 壽者先 俊妻

陳彭氏

譚王氏 獻廷繼祖 母無疾終

陳羅氏 三江協鎮 永揚繼妻

廖陳氏 起文妻

冷陳氏 廣倫妻

張楊氏

王胡氏 開衡妻 同壽

張唐氏 明吉妻子 樹林武生

程王氏 炳南妻

楊解氏 士明妻三子光 壽八十二

蔡胡氏 遠祿妻

堯聶氏 在祥妻

章周氏 才兒妻

右年八十八

趙秦氏 萬齡母

嚴芍氏 正萬母

夏吳氏 一寬妻

霍劉氏 監生璽 國母

袁楊氏 世乾妻

余黃氏 正賜妻

張唐氏 先模繼妻 永照繼母

楊任氏

李鄧氏 京貴妻

楊辜氏 夫志品 壽九十

杭羅氏

王郝氏 國樑妻

毛劉氏 隆銳妻

彭李氏

張楊氏 三級母

王夏氏 開元妻 齊眉

梁韋氏 傳後妻

張范氏 志先妻 叫聰母

楊王氏 現存

楊馮氏 文梅妻

苟猶氏 宗元妻 生掌母

猶滕氏 光錫妻

張黃氏 福田妻

丁周氏 存

張唐氏 玉成妻 尙存

戴魏氏 五瑞妻 存

張朱氏 大貴妻

鄧羅氏 君積母

右年八十七

謝郭氏玉妻

楊金氏澤惠妻

夏盛氏漢妻

鮮周氏席生世孝妻

章程氏洪語妻子媳早天撫孤孫才儲

立成

譚張氏監生順妻

張封氏國玉妻

陳周氏國容妻

張鄒氏永資妻

汪李氏子心瀟監生

鄧黃氏馨維妻

唐韋氏府學生應龍妻章才立女

鄧張氏高孝妻

張馮氏正碧同壽妻

聶章氏光前妻前年八十八

張李氏榮陞妻

羅程氏朝佐妻

陳溫氏令德妻

袁楊氏席生守仁母

耿吳氏尙妻增生迎城母

李殷氏鹽梅妻

唐張氏彩彰妻

華李氏光嵐妻

唐胡氏正坤妻

梁張氏

何苟氏人芳妻

孫楊氏世榜妻

李余氏時忠妻

陳侯氏興儒妻

陳任氏三江協鎮永揚妻

李傅氏季廷妻

周某氏

唐謝氏必通妻

唐梁氏必世妻

魏冉氏

吳李氏應榜妻

張梁氏永科妻

顏陳氏知縣紹鸞母現存

張王氏光廬妻

王李氏

戴李氏席生昭之母

張徐氏金山母

盧唐氏明德妻存

陳王氏遠恕妻

趙劉氏明仲妻

張牟氏永謙妻存

唐宋氏明耀妻

向聶氏光明妻

李卓氏朝賓妻

梁曹氏啟照妻

苟譚氏世玲妻

朱李氏現存

張楊氏湖祿妻

程吳氏純志妻

簡鄭氏萬章妻

韋楊氏才樑妻

簡張氏

徐聶氏俗杞之繼配亦八十一子家賦武生

右年八十六

譚羅氏順澤妻

譚何氏順信母

傅唐氏順伊妻

劉康氏朝祺妻

唐趙氏詩致妻

李黃氏相在妻

趙余氏萬朝妻

李陳氏

唐氏秀華妻

楊謝氏新道妻

唐曾氏

趙余氏鏡涵母

冉夏氏月釗母

鮮鄧氏子伯緒增生

鮮梁氏子誠文生

陳周氏

李徐氏

李龔氏心正母

李曹氏庶善母

鄧饒氏啓照妻

鄧王氏正清妻

蕭楊氏光才母

韋程氏孝藻妻

張劉氏純堂妻

黎王氏正魁妻

韋姚氏庠牛鵬之曾祖母

張王氏庠生翼軫妻

賀曹氏玉書妻

魏黃氏仁喜妻

袁周氏

劉曹氏

周徐氏汝蓮妻

周蔡氏學垣妻

張唐氏永清妻

黃金氏永和妻武生廷華女

鮮嚴氏國棟母髮白轉青

韋黃氏用卿妻

張盛氏萬廷母

張李氏正學妻

楊周氏之寬妻

韋李氏才宣妻

何邱氏觀南妻

譚王氏同知獻廷祖母

蘇符氏純福妻存

陳章氏與惠妻

李章氏存

蘇陳氏

韋段氏才玉母

楊王氏濟良妻

唐沈氏沈德妻現存沈健

余周氏世楷妻存

戴舒氏國士妻

聶章氏存

韋張氏雙發妻

邱吳氏明山妻存

羅梁氏現存

楊陳氏年三十餘夫故守節五十年旌表

張李氏治云妻存貧而孤

程張氏

程馬氏如南繼母存

曹陳氏文壽妻

曹蔣氏大倫繼室

彭張氏現存

夏程氏

羅謝氏登恆妻存

張申氏行才妻現存

安魏氏心順妻

周潘氏仁醇仁敦仁熟之母捐業十五畝入宗祠

右年八十五

韓王氏貢生之鶴祖母八時齒落重生

羅張氏武生榮妻

鄒胡氏文熊妻

王周氏教諭正庠妻

趙劉氏文什母

章李氏才節母

楊葉氏全寶妻

黃朱氏

程李氏之能妻

劉黃氏昌言妻子嶺山歌生

卓許氏子正儒

李陳氏德揚妻邑令黃旌以大蓋僧登額

吳劉氏龍妻眉

徐周氏子揚才

鄧周氏

梁程氏啓開妻

牟李氏

康戴氏一桃妻

劉鮮氏方才妻

駱謝氏武生仕龍祖母

駱汪氏武生宗掌祖母

張周氏天池妻

曹杜氏勉羣妻子瑞虞文生

許張氏文俊妻

李杜氏持鈞妻

唐鄭氏榭妻

楊伍氏心田妻

楊鍾氏秀妻增榮芳母貢榮封

伯

張馮氏後瑣妻

張黃氏仲先妻

駱胡氏維德妻

張羅氏光舉妻

程周氏

冉李氏仕富妻夫同壽

曹瞿氏精宏妻

劉楊氏子禎妻

江辜氏陸雁妻又生涵母

熊李氏文昱妻光陸母

王章氏仁妻

蔡陳氏現驚妻

黃張氏心懋妻

吳李氏萬昉妻

藍張氏元亮妻

蕭艾氏仕陸母

鄭魯氏淮川母

張傅氏正佑妻夫婦同壽

張湛氏華豐母

傅霍氏能剛妻

李黃氏命翼妻

熊周氏亮宗妻

胡徐氏鵬程妻

楊鮮氏之喜妻十鎮母

周陳氏 汝福妻

韋曾氏 翰卿妻訓導燧之祖母

韋金氏 才林妻燧伯母

周胡氏 文里妻

張陶氏 存尚健

蒲葉氏

王金氏 存

李楊氏 存

張劉氏

楊傅氏

李梁氏 存

解姚氏 正儀妻存

李鄭氏 文斌妻

章段氏 洪應妻

辛顧氏 正和妻

王金氏 炳南母存邑東土橋

侯吳氏 瑞廷母

周唐氏 士紀妻

劉田氏 明理妻

梁駱氏 尚健

張韓氏 海峯妻

王胡氏 啓祿妻

郝張氏 德松妻存

胡劉氏 巨興妻

章陳氏

朱周氏 存

胡楊氏

駱余氏 武生永安妻存

章馮氏 詰封武翼大義發妻存

傅唐氏 如山妻存

王趙氏 立英妻

鄧趙氏 嶽生妻

李謝氏 先慶妻

張周氏 明銳妻

胡王氏 明萬妻

陳張氏 奉德妻

譚郭氏 德從妻

冉徐氏 從吉妻

謝陳氏 武生榮廷妻

任章氏 玉相妻家貧白晝工夜間紡

積撫三子一女成立

王張氏

熊徐氏 慶元妻

章黃氏

趙夏氏

吳熊氏 珍格妻官地人

楊陳氏 副貢榮封祖母

黃楊氏 庠生朝松妻

劉章氏 揚映妻

向楊氏 子宜母

章袁氏 洪圭妻子模庠生盛唐監生孫十烈膠庠者七

曹劉氏 遴選妻子文卷八十八守卒八十二文契八十餘現年八十孫瑞慶文生作棟監生鏞武生

鄧梁氏 必母

譚薛氏 子四天鉅年八十八天祿年八十四天鏞年八十三天銜年八十五

袁杭氏 庠生東母

韋趙氏 尚卿妻

任李氏 廩生有言母

陳胡氏 興孝妻

張史氏 祈萬妻

余楊氏 字長 妻

張周氏 占 母

劉胡氏

李劉氏 文發 妻 子 芳楷 增生

李徐氏 才 高 妻

胡程氏 大 秩 妻

張顏氏 松 榮 妻

楊吳氏 再 明 妻

唐張氏 德 福 妻

張楊氏 志 江 妻

徐鄧氏

魯張氏

王丁氏 太 慶 妻 夫 壽 八 十 七

劉章氏 貴 德 妻

章張氏 雲 妻

田馮氏 現 存

江程氏

王章氏 現 存

李楊氏 現 存

李趙氏 順 必 妻

冉章氏 德 高 妻

李章氏 光 萬 妻

李蕭氏

周廣氏

周李氏

劉苟氏 定 坤 妻 現 存

張嚴氏 全 開 妻

朱黃氏

羅張氏

李吳氏 天 順 妻

劉孫氏 現 存

張謝氏 文 序 妻 翰 輝

康駱氏 啓 壽 妻 存

汪孫氏 心 滄 妻

楊章氏 斗 發 妻

周陳氏

劉張氏

楊郭氏

周陳氏 現 存

陳龔氏 元 生 母

孫陳氏 樹 堂 母

蔣梁氏 光 顯 妻

程夏氏 思 太 妻 存

章李氏 才 政 妻

楊鄒氏

李文氏 榮 妻 子 廣 春 妻 楊 八 十

楊雷氏 家 才 妻

程張氏 大 明 妻

談劉氏

唐馮氏 明 觀 妻

王程氏 海 山 母 存

章王氏 才 榮 妻

聶陳氏 子 林 妻

謝陳氏 光 謨 妻

陳官氏 仕 友 妻 存

章楊氏 才 純 妻

周黃氏 仕 現 妻

羅鄭氏 庠 生 秉 義 讓 泉 之 母

右年八十三

有川系

卷十一 壽考

一五四

首都明明印刷局承印

馮楊氏 國朝母

康李氏 為環妻

劉唐氏 揚南妻

孫劉氏 憲國妻

謝王氏 天成妻

李安氏 文科妻

楊鮮氏

龔周氏 剛第妻

陳曾氏 鎮本妻

雲梁氏 天珍妻

章劉氏 雲卿妻

李劉氏 監生名高母

劉王氏 為儀母

陳王氏 維元母

周譚氏 義才妻

呂楊氏 世權妻

張袁氏 光瓚妻

李王氏 維翰妻

劉梁氏 輔卿妻廩生宗琦伯母

楊章氏 子岳文生

鄭陳氏 純坤妻

楊李氏 臣淮妻

楊袁氏 嗣安妻

傅袁氏 能揚妻

李趙氏

何唐氏 彩章妻

章熊氏 羨魁妻

楊夏氏 懷斌妻

鄭魯氏

彭廖氏 開鳳母

陳汪氏

劉龔氏 功順妻

龔周氏 和國妻

楊皮氏 子世恩邑增貢生

袁楊氏 其岱妻

楊張氏 開仕妻

封周氏

楊曾氏 富三嫡配梁繼母

王趙氏 開旺母

洪李氏 三南母

尙曾氏 先福母

何鄒氏 志遂妻

王黃氏 金皆妻

李楊氏 命寅妻

劉氏 心鈞母

辜龔氏 志詩妻

趙曾氏 光讓妻眉

李鍾氏 仕達妻

曾李氏 元和妻

楊駱氏 庠生心廣妻舉人凌三母

張馮氏 奇棟妻同壽

韋楊氏 國卿妻齊眉

趙李氏 朝爵妻

陳胡氏 洪勳妻先培祖母齊眉

張郝氏 光曜妻

王楊氏 歐恩妻

張劉氏 庠生正紳祖母

張洪氏 樹堅妻

張徐氏 先衡妻重完花燭生子八

周苟氏 士俊妻

黃田氏

鄭吳氏

朱鄧氏 三妻

鄭王氏 寬厚妻

周苟氏 士俊妻

鮮楊氏體楊妻

陳李氏裕齋妻存子永貞文生

殷劉氏

張楊氏本和妻

張鮮氏永寬妻

胡周氏存

張蕭氏錫屏妻存

章熊氏存

汪李氏學珍妻

任王氏

李程氏信銘妻

李鄭氏國瑀妻

宋李氏貞明繼室存猶健

謝蕭氏鴻政妻年三十八夫故矢志守節四十餘年

張郝氏世級妻存

文程氏在林母

程周氏炳章妻存

章陳氏現存年三十二夫故食貧守孀五十年撫孤成立

譚汪氏德才妻存

李王氏映淮妻

張汪氏其泰妻存

余蕭氏海春妻存

楊余氏斗南妻

張章氏存

楊郭氏德鈴妻

楊李氏定如妻存

楊譚氏同辰妻

簡謝氏維安妻存

楊張氏尙彪妻

王周氏有長繼室

李楊氏興智妻

李雷氏心洪妻年三十四夫故守孀四十八年

傅婁氏開銘妻

右年八十二

羅張氏榮貴妻

周鍾氏龍章繼母

戴楊氏廷治妻

向張氏青年矢志

謝宋氏廉本祖母

譚朱氏順寬母

陳李氏心昭繼母

劉陳氏席生同升祖母

章梁氏席生洪繼妻

鍾林氏

朱黃氏

余彭氏應甲妻

吳汪氏

賴胡氏光榮妻

胡廖氏繼統妻

鄒王氏監生培母

王李氏顯榮妻

陳宋氏

汪楊氏子名心

唐程氏貢生正嵐妻

康陳氏

楊蕭氏

胡楊氏 太學生訓中妻

吳辜氏 邦憲妻

李盧氏 命奇母

張章氏 孝芹妻

陳熊氏 興德妻

章駱氏 江藻妻

羅楊氏 貢生明書妻

唐陳氏 和貴妻

劉章氏 廩生光爵祖母

劉胡氏 光大妻

唐陳氏 和瑤妻

唐李氏 子正英文生

曾張氏

汪謝氏 文學妻

魏章氏 世亨妻

金周氏 人成妻諸授宜人

曾吳氏 元和妻

羅楊氏

周鮮氏 國佐妻

文楊氏 永久妻

童黃氏 榮鵬妻

童章氏 榮斗妻鄧楫母

羅李氏 大薰妻

劉李氏 文榜妻

楊章氏 旭東嫡母

胡楊氏 聖宣妻

楊侯氏 鳳朝妻

章李氏 槐卿妻

謝某氏 東山母

陳周氏 增生甫安妻貢生俊母

張魯氏 序生仁安母

傅陶氏 以靖母

張王氏 德貴妻

楊某氏 興與妻

張趙氏 榮祿妻

羅鮮氏 元俊妻

楊李氏 龍一妻

黃宋氏 登相妻

陳章氏 存

鄧梁氏 存

周傅氏 存

黃張氏 立驥妻存

魏楊氏

嚴張氏 子長妻

劉嚴氏 成源妻存

李劉氏

周傅氏 相廷母存

張盛氏

周鮮氏 子儒妻

嚴韓氏

黃曹氏 廷珍妻

胡劉氏

戴杭氏 天壽妻

傅張氏 雲程母

朱崔氏 榮興母

李吳氏 君德妻

唐章氏 存

方章氏 玉廷母

傅余氏

石吳氏 一胎三子

李孫氏

柏李氏 仕坤妻

唐張氏 春田妻

吳田氏 洪遠妻

周鄔氏 夫壽八十一

楊呂氏 文山妻存

陳李氏 遠福妻存

龍陳氏 德淵妻

程張氏

年三十四夫故守孀四十一年壽八十一子孫繁衍

吳聶氏 興順妻結封宜人

李嚴氏 大仗妻年三十六夫故守孀四十五年現存

余周氏

胡范氏 存

尹盧氏 存

陳孫氏

田劉氏 合三妻

曹周氏 汝金妻

程某氏 興泰妻存

談劉氏

陳伍氏 興太妻

王宋氏 永成妻

唐楊氏

德盛妻過門生三子夫死守孀四十餘年

駱陳氏 澤恩妻存

李鄭氏 銀州祖母

周李氏 文堅妻

謝皮氏

洪發妻存

張韋氏 兩田妻

胡楊氏 朝順妻孫汝新妻郭八十三

王劉氏

章忠妻 某氏存姑黃氏年老

齒缺以白春飯飯之其他食物柔如轉熟孝養備至

張楊氏 元山妻

劉冉氏 遠祿妻

陳張氏 高誠妻存

李劉氏

右年八十一

向駱氏

庠牛逢春祖母

張方氏 祈清妻

孟李氏 仕祿妻

呂李氏

傅張氏 禮健妻

任章氏

廩生成憲妻

章張氏 才敏妻

劉石氏 庠生仕衡妻子光爵廩生

胡楊氏 政衡妻

羅尹氏 祚申母

吳田氏

順誠妻

張胡氏 良誌妻

謝龐氏 陸貴妻

張傅氏 天祺母

李楊氏 子進盛監生孫芳武生

劉郭氏

祖祿妻

胡李氏 光道妻

張徐氏 子海瑞文生

田汪氏 懷禮妻

陳朱氏 子永

唐王氏

貢生正字妻

唐楊氏 正容妻

趙傅氏 映奎妻

羅田氏 子明書恩貢生

呂李氏

王陳氏 子家賢 拔貢

郭謝氏 成贊 妻

汪王氏

鮮黃氏 松垣 妻

張郝氏

唐金氏 和暄 妻

嚴唐氏 子柏 妻

尹孫氏 道華 妻

李蔣氏 心科 妻

章鄭氏 巨英 妻 誥 封宜人

張曾氏

周沈氏 立模 妻子 仁慈 文生

張向氏 德潤 妻

李楊氏 命寅 妻

嚴鮮氏 灼 妻

章黃氏 體元 妻

余吳氏 哲安 妻

周蔣氏

鍾王氏

楊周氏

章姚氏 齊卿 妻

張明氏 德全 妻

劉楊氏 文誠 妻

劉鄭氏 文獻 妻

鄭李氏 揚廷 妻

藍胡氏 元拱 妻

楊梁氏 光臨 妻 世鏞 母

何劉氏 德明 妻

唐婁氏 和潤 妻 割 股 愈 夫 疾

周陳氏 維有 妻

梁張氏 後奎 母

劉梁氏 州同 光 儒 妻

陳羅氏 永福 母

吳楊氏 大珩 妻

陳楊氏 令揚 妻

劉鮮氏 庚斌 母

李袁氏 憑忠 母

譚李氏 同知 廷 母 獻

譚劉氏 庠生 敏 達 祖 母

譚王氏 貢生 際 昌 祖 母

王羅氏 脩職 郎 靜修 妻 廩 生 元春 如 春 母

李袁氏 憑忠 母

羅杜氏 顯 加 妻

韋王氏 庠生 作 菴 妻

袁唐氏 文 科 母

陳張氏 定孝 妻 同壽

劉張氏 廷 廣 妻

張羅氏 長 璞 妻

鍾王氏 本 誠 妻

張嚴氏 先 樞 妻

楊鮮氏 羅妻 廩 生 澤 零 母

張毛氏 朝 鳳 妻

楊李氏 全 賜 妻 夫 婦 齊 眉

夏王氏 一 仲 妻

姚溫氏 羨 島 妻

牟張氏 期 周 妻

冉王氏 監 生 經 庭 母

侯吳氏 天 爵 妻

李楊氏 洪 玉 妻 年 四 十 居 婦 清 光 緒 二 十 二 年 壽 八 十 時 知 縣 雷 華 花 紅 願 額

陳唐氏 文 錫 妻 存

吳程氏 存

張陳氏 不 茹 葷 四 十 餘 年 氏 國 王 戌 被 匪 拉 遇 害

王蒲氏 家 寬 妻 存

三二二四四四四四四四

張蘇氏 存

章鄭氏 才元妻

高曾氏 正才妻存

李吳氏 光珍母

周華氏

周張氏 琦相妻

羅某氏 聲斗妻

張鄧氏 義尚妻

熊某氏 色東秦村溝存

羅殷氏

戴陳氏

劉楊氏

張梁氏 士林妻

熊某氏 澤堂妻

陶李氏 池妻

李周氏 心堂妻

楊蘇氏 孔詩女

胡張氏

李龔氏 子相妻

羅揭氏 仁河妻

何劉氏 開善妻存

張廖氏 明光妻

劉史氏 顯周妻

胡周氏 存

劉余氏 巡險雨航妻現存

李傅氏

沈張氏 鴻炬母存

田楊氏 合三庶母存

韋陳氏 合山母

李楊氏 春發妻

韋黃氏 漢仕妻

楊邵氏 昌文母

韋段氏 才潔妻

邵任氏 起清妻

趙劉氏 朝陸繼室存

徐梁氏 存

右年八十

南川縣重修縣志卷十二

藝文

邑中文苑遺著寥寥其游覽山川景物敘述建置原委者既附之各篇各節本事後矣其他泛悠之作志例不宜濫登然有不必過拘者文章之美非刻不傳然或以篇少而不足刻或以資細而不能刻珠復沈於淵焉僻邑窮鄉文采雖不充盛豈無一二儔才劬學折肱斯道偶有心得堪登大雅之堂者緣此二難遂至白首青燈脫稿之後幾度吟哦旋瘞竹籟殊可惜也邑自清道咸以前先輩咳唾無一存者近世孝廉徐公筱蕃才氣橫傑矯矯不羣選拔劉君德宣專門掣經確有家法邑人咸推重之惜皆不自收拾中年歎逝其精心結撰者亦多喪佚今各搜得數篇亟爲流播又楊先生彩峯許先生士伯砥礪儒行守約安遇孝典辨善瑣言二作留心社會有轉移風俗之思序雖淺近而志不失貞閱者幸置其詞而嘉其意焉壽文墓誌溢美恆多見存人作品題未定遵例不錄惟有事實關係附各篇資證明者不在此限詩附

專著存目

南平軍圖經一卷 見宋藝文志不著作者久佚

南平志 通志載郡守趙興逸序志序並佚

國法須知一卷 清嘉慶詩舉人周伯寅撰大其條例摘要與本

家禮須知一卷 前人就朱子家禮摘要

六事箴言六卷 前人撰已刻

家常瑣語一卷 前同

勸規錄六卷 歲貢生徐作式撰

海天閣詩鈔六卷古文二卷 舉人周石蘭著

愛晚山房詩集 舉人康作霖著

思無邪齋詩賦文稿 拔貢周立椿著未見卷數無攷

松風閣詩集十卷 舉人周立矩著

遠山時藝貽經堂文集荆坊書屋試帖 進士章杰生著

宜春山房古文 副榜楊榮封著

和齋詩稿 茂才章同著

彝歡堂詩文集 歲貢唐銳著梓行

讀史一斑六卷 舉人袁諤如著

筱帆詩集 前人著已刻

周易分類解腋二卷 茂才許廷陞著未梓

平武縣學約一卷 舉人徐大昌在訓導日著已刻

韻學約編 布衣駱式三著已刻

孝典四卷 茂才楊福瓊編見存待梓

辨善瑣言二卷 前人著已刻

韻學約編 布衣駱式三著已刻

樂翁詩稿三卷 歲貢康敷政著未梓

浪吟狂徒稿四卷 茂才曹因培著未梓

馥堂詩稿 附頁賴松雲著未梓

唐氏族譜四卷 布衣唐啓蔚編輯未梓

章氏宗譜二十四卷 監生章葆初舉人章燦同編輯已刻

讀史膚見一卷 舉人章燦著未梓

八柱集八卷 監生周紹堯輯已刻

假鳴集詩稿一卷 監生章登曜著未梓

讀史膚見一卷 舉人章燦著未梓

八柱集八卷 監生周紹堯輯已刻

遊子吟正續集 民國川陝邊防軍混成旅長謝家駒著已刻

選文存目

劉孝標墓銘

並志晏殊撰銘
志同文佚

右係舊魏黃兩志原題按南梁劉孝標北宋晏殊史籍著名二人相去約五百年且與荒遠之南平隆化無涉此題決非其人銘既不傳時代事跡一無可徵真郭公夏五之闕文也以前志累載必非無因姑存之待能考者

選文

明永歷帝誥封石琳三代及琳夫妻制詞十一道

奉天承運皇帝制曰臻化致治之原莫先於教育德興行多士賴之而道家之法亦畢於是杖履自有淵源箕裘聿深積累爾原任湖廣湘鄉教諭石繼崑乃總兵官掛翹蜀將軍印左軍都督府左都督石琳之曾祖父秀鍾蠡國風被湘鄉黎險當壯士既開文章隨峽水俱下問奇得先生之席景仰並峨岫同高善氣四時炤無疲鏡春風一月扣不窮鐘齊右之歌共傳三魯之業弗墜藏山竹管移付戎編投懷金鈎換懸肘印故傳刀較勝捧硯故業崢嶸而在泮且以獻曾英姿颯爽昌繇啓後禮重隆先嗚呼何其善積歟茲以覃恩贈爾光祿大夫如爾曾孫官爾聞譽殆終古不歎

制曰人事規百年之遺典禮大四世之報爰及胥宇式重徽音固儷優如在也爾鄧氏乃總兵官掛翹蜀將軍印左軍都督府左都督石琳之曾祖母克正內位思衍後昆絳帳而授生徒幾並西河之席青幢而贊樸械定留東川之車遡原初生考成女式故姜嫄至太妣之德母教亦有箕裘斯嘉貞迨弘靖之名臣經共傳繼述堂槐老去坐懷遺澤秦嫫拱木依然尙憶立家絡秀茲以覃恩賜諡爲一品夫人丘墟草際長發其幽光日暮碑陰式承乎顯賁

奉天承運皇帝制曰垂雲有翼可識培風負水維舟將觀濬派瞻爾德星之社必騰金宿之輝爾石子琦乃總兵官掛翹蜀將軍印左軍都督府左都督石琳之祖父天半朱霞雲中白羽高隱四十之數必待歆訃醉翁山水之間寧殊許務竹通一節昌及苗裔雀奉雙環貴貽孫子名乃試于小草仍不虧太璞之完勳遂建乎長戈正不使泥珠弗耀是故積金積書積善積愈高而益光立德立言立功立始全而相映天之布算甚長人之食德惟後恩流拱木義愜重泉茲以覃恩贈爾光祿大夫如榭孫官錫之誥命爾昔優才下位遭世之平應有孫顯於今世試觀可置萬家之處將煥五彩之章

制曰尊祖及妣王制以報貞臣釐女從孫天命爰開令緒追崇有典烝畀宜均爾陸氏乃總兵

官掛翹蜀將軍印左軍都督府左都督石琳之祖母內則可師大家作教潔供免菴晨昏致謹於承筐儉有荆釵寒暑允恭於捧檣彼條桑織素之無愆流風競羨識菖藻牲魚之有自闡範推賢鍼管線纒當年致節閨中帶礪河山奕世賁榮闈外蓋權奇龍友歌美渥注而神彩鳳毛歸功丹穴茲以覃恩封爾爲一品夫人錫之誥命絲綸有赫襲雨露於松楸翟弟長新護風雲於川岳

奉天承運皇帝制曰弓冶有緒知川嶽之降神作述無憂惟熊羆而叶瑞故南山之木應能席陰金氣之星謂爲燭漢爾原任通政司通政石應祥乃總兵官掛翹蜀將軍印左軍都督府左都督石琳之父世衍文緒教切義方讀天祿之書文書發戎書之秘守聖賢之道父道該臣道之先雖宦隱疑山曾已身依日月而心清同水何妨韻帶山林登仕進之途如闈前當留餘地啓繼體之業比弓矢還在荆人報國開勳趨庭著訓是用覃恩贈爾爲光祿大夫如爾子官以究爾之業知爾魂魄怡而色慶

制曰王陵著節將寄語以堅心陶侃功高亦長號於捫足理惟水源木本事比師教父成爾魏氏乃總兵官掛翹蜀將軍印左軍都督府左都督石琳之母譽藉家乘才襄闈政辟纊夜永戒

子逸勞勩親恤人甘苦兵法推稱胎教家榮並擅國華茲以覃恩錫爾爲一品夫人煥鳳池之恩綸從虎子以錫爵

制曰禮拘人後報重本生故使罔極並伸始立情文之極爾石美玉乃總兵官掛翹蜀將軍印左軍都督府左都督石琳之生父學窺道奧譽藉儒宗事業藏諸名山超然遠世勳庸翊乎白水留與後人光及幽骸黃焚盛事雖移階植玉而掩土來思茲以覃恩贈爾爲光祿大夫如爾子宮命以義夫爾究食有子之貴

制曰共安挽鹿夫曰婦從獨識和熊子以母貴爾某氏乃總兵官掛翹蜀將軍印左軍都督府左都督石琳之生母相駿士之幽貞產虎臣而卓犖投懷有夢兆預當年寄乳分祥光貽兩閣周歲爭看弄印并席樂受舞衣用循覃典贈爾爲一品夫人感烏哺之情發彤管之色

奉天承運皇帝制曰威行絕幕衛霍之所經營績奏收京韓劉於焉寤寐誰張細柳我詠大風任韓厥以下軍拔狄青於行列當不禁分闢寄念與之共功名也爾總兵官掛翹蜀將軍印左軍都督府左都督石琳筆彩生花劍光搖斗當年酣文戰曾爲筆掃千軍因時銳請纓誰許劍藏國士故志有專注爲予警猿鶴沙蟲豈才乏兼通使人笑陸隨絳灌蠶叢魚覺之地誼切纓

冠貴竹轡荆之開功尤領袖百里看日中之闢諸軍從壁上而觀馬汗無停熾衣長著師非殘
花之雨身苦戰陣之雲故韎韜雖未臨行而鞞鼓恆如在耳用循覃典授爾勳一階爲光祿大
夫總兵官掛翹蜀將軍印左軍都督府左都督錫之誥命惟汝益勤新烈追配古人足與虓虎
爭雄豈靳圖麟上賞欽哉

制曰富可易衣獨恐傷糟糠之意貴而忘我寧忍犯廢虐之歌撫舊劍遺簪度春風秋雨慨可
知矣爾焦氏乃總兵官掛翹蜀將軍印左軍都督府左軍都督石琳之妻冠帶遺男邁廬任運
吳江楓落第謂驚艷無如雨集絮飛亦惟雅思堪匹安知班生之功名乃在塞外而使方士之
夢草已入懷中直至黃墟復承朱紱是用覃恩贈爾爲一品夫人錫之誥命汝之徽音儼然葬
章煥若又何必不亡爲愈乎

制曰昔高皇帝念將士之家情逾骨肉文皇帝惜從征之婦手賜金銀雖古有遺戍之詩亦備
極繾綣况余資復宇之績乃缺略褒旌爾李氏乃總兵官掛翹蜀將軍印左軍都督府左都督
石琳之繼妻奇男子風不屑以酒食而襄宴樂擔國家事恆捐此簪珥以勵精忠河北二十四
城任夫人尙留芳躅項城三千餘卒虎賁士敢擅一心爾之佐夫事幾符古用循覃典封爾爲

一品夫人鏐之誥命卓然閨傑分我川嶽之靈粲然彝章表汝河山之度

孝子周公墓表

山東歷城人 周永年

孝子周公世居四川南川縣原籍江西吉水人明萬曆中以宦籍居貴州婺川縣有諱培衡者公之曾祖也配薛氏子芝芳因明季兵亂奉母徙南川爲人磊落以義氣自負娶令狐氏姑商年高齒盡腹每晨起則盥沐拜姑而乳之事聞於大府爲表其闔子師文勅贈文林郎娶陳氏明總鎮維縵公之女也勅封孺人文林公性恬澹好讀書不求仕進子三長萬祥季萬資公其仲也諱萬殊字同川幼穎異讀書過目能背誦年十三應童子試邑老宿楊先生以女字之甲辰遭父喪毀瘠幾至滅性葬後廬墓三年從遊者日益衆爲文力追先輩辛酉學使張公任遇奇其文拔貢大學癸亥歸里適母病危割左肱肉和藥以進而病愈甲子就試北關場後選授湖南直隸郴州州判乙丑迎母至署色養倍至奉檄辦桂東縣礦務礦徒五方聚集公感之以恩約之以法皆恬然以伏運鉛赴京過江有覆舟公出數十金募人拯救全活多人勘災過洞庭有龍環於水面衆皆震恐公曰余心無愧怍不爲害旣而果然丁卯母氏歸蜀癸酉遭兄喪公泣曰吾母其何以堪急遣妻妾及子先歸侍養是年恭逢覃恩得封典甲戌告養回籍丁丑

遭母憂盡心喪葬庚辰赴部候補子士孝舉於鄉辛巳奉發湖南歷署長沙衡州永州岳州諸府通判道州州判廉能懋著乙酉補原缺郴人聞之額手相慶丁亥以疾歸祖饒者相望於道時子士孝知禹城迎養來東時時戒以防吏胥之奸欺恤百姓之疾苦故禹城之治至今百姓稱頌太翁之德於不衰楊孺人幼篤孝曾割臂以愈母疾年二十來歸躬紡績以供甘旨教訓子弟不事姑息視庶子無異所生戚黨間貧苦者每綴衣食周之公生於康熙四十三年卒於乾隆三十四年壽六十有六歲乾隆十七年勅授徵仕郎三十七年勅授文林郎楊孺人生於康熙四十二年卒於乾隆十八年壽五十有一歲子八長士孝楊孺人出次士廉士節士濤士岳側室鄒孺人出士禧士壽士康側室姚孺人出女子子十二人孫男十人石蘭立矩立楷立箴立模立範立璋立瑛立誠立審孫女十二人公與楊孺人前後俱葬於宅後紫柏坡者有年矣戊申之春士孝以墓碑未樹持狀來乞余爲表墓之文因仿姚文公志梁孝子之例以表其墓且係以銘銘曰

昔元牧菴姚文公曾有言維皇界人以福澤猶人以盜粟與人然審其多寡之堪受銖石衡量無相懸割肱和藥已母疾篤孝一念天所憐視民痍瘵乃在身溝中之瘠無饑寒惟孝與

慈兩無愧猶然號號省厥愆一動一靜嚴顧諟朝夕虔持太上篇恐干神怒神降福子有
士孫曾繁長幼昂率以孝友山村午夜聞誦絃惟農力田自有秋科名拾取如蟬聯蔚爲南
川之望族不數浦江有義門天語煌煌耀崖阿宰木鬱鬱凌雲煙過客停舟嘯衣拜皆羨公
之得天何其厚嗚呼芝固有根兮醴固有源

晉贈奉直大夫章公巨英傳

周維垣

碩華先生諱巨英古隆化人也章氏之先莫盛於唐伯仲崔盧雖天子亦艷其華胄城武安鄉
諸君子其文章事業長與天地無終窮逮明初有以武功宦蜀者遂家於南川而簪紱之榮文
物之盛又爲一邑冠信乎源遠而流孔長也先生博涉書史幼卽喜談經濟不屑爲帖括業不
事家人生產分爨美田宅悉以讓諸昆季家無甌石無所介意嘗泛舟楚湘遊河北出古邊城
見塞外風雲之壯麗河山人物之瑰奇與夫渾脫旃裘冰天雪窖一切可驚可愕之變態益以
開拓其心胸而恣放其眼界彷彿陳季常精悍之色見於眉睫時同邑肅齋周公宰山左勸援
例就職先生曰大吏吾不得爲丞尉吾不甘爲吾其歸以教子孫讀耳其平居左圖右史垂疎
箔據隱囊把一卷觀古今成敗出則襪鞋桐帽隨小奚與親戚鄉里說彝倫講人生節義方規

圓矩無曖昧人亦不敢以曖昧事干之家訓尤嚴整哲嗣如僑公雖補博士擁皋比爲人師猶
悚息侍側唯謹年七十時大府探其行誼上之於朝躬膺優典邑人以爲華焉賢配宜人氏鄭
邑名家女事翁姑孝事夫子敬訓誨子孫中禮中度諸餘須姘姆棟樑盡職內外井井罔不皆
有法度誠足以佐君子偕嘉耦也嘉慶乙亥丙子間垣供職戶部先生之家孫紫航以拔萃來
京師下榻寓宅者凡四年朝夕道家常得先生生平甚悉自移守黃州苦音塵迢遞本年冬初
適紫航以先生行狀來囑作傳開函朗誦猶京邸煮茗清話時而先生沒五年矣嘗謂天下權
奇倜儻之士其氣魄可以肩重任其精力可以宏遠謨得時卽當樹勳立名以光揚竹冊不然
而乘下澤車御款段馬鄉里稱爲善人卽亦仰無愧俯無忤乃或恃其才幹而爭及於刀錐或
逞其強梁而訟生於鼠雀究之浮雲蒼狗醴泉芝草如現曇花觀於先生之亢華宗而振基緒
其亦可以興起也已按先生一子名惠卿邑庠生孫杰生刑部主政燾生恩貢生曾孫某某贊
曰

動搖山嶽公家御史掃地焚香公家杖履滿籬黃金何如一經教子必如先生之明目張膽
斯可以綿延福祉洵如宋廣平之言盛德遺範盡在此矣

流金渡說

邑副 楊榮封

距邑北十里許瀕河架木版以渡人名曰流金渡隔岸有一石崢嶸突兀石有一罅相傳昔石罅日流金少許可給石上寺僧之需僧少之謀所以益之者鑿而擴之而涓涓從此絕矣或曰金生麗水故沙中往往有金茲之開竅於石多寡之數非人力所可施者一經斧鑿既傷其脈復洩其氣所以立竭語誠近是而或曰水生金固也未聞石流金豈傳聞之訛歟抑附會以神其說歟余謂造化靈秀所鍾固有難以常理測者石之流金而子異之也夫鮮答之石產自走獸腹中推之雄鼠卵上之符文野婆腰間之篆印與夫牛膽之黃馬腎之墨狗之寶駝之黃鹿角之玉犀角之通天其於流金說何如耶至於石燕石蛇石蠶石鼈石芝石桂石麵石米石英山海經之玉髓仙經之玉屑皆擬議所不及者而獨於石之流金異之乎惜僧欲多得故逞其智力以冀遂其所欲究之一無所得且並其日所可得者而失之也又何如不求多得者之日有所得乎貪之字酷近貧其僧之謂乎然豈獨僧也歟哉

創修韋氏前賢譜言行錄合纂世系序

涪州監生 原籍南川 章葆初

譜系之說豈一端哉有合千萬姓譜之聯千古而利天下者有總一姓譜之聯一家而利後嗣

者所譜不同用意各別攷古據今可略數也古者重氏姓巨臣大族有世本上之太史史氏掌之故周禮小史定世系辨昭穆左邱明傳春秋亦言因生賜姓胙命氏自茲世族燦然不紊
既滅學公侯子孫失其本系漢興司馬遷父子爲太史令乃約世本脩史記因周譜明世家復知姓氏所由出漢尙官不重世胄魏尙姓不尊寒族所尙異也迄晉尙門第有司選舉必稽譜籍考真僞故官有世胄譜有世官賈弼王宏譜學出焉宋齊梁宗之由是東南之顧陸朱張關西之裴韋柳薛楊杜俱稱右姓唐太宗貞觀間特詔高士廉等撰氏族志徵天下譜牒質諸史籍考真僞辨昭穆第甲乙分爲九等皇族冠首外戚次之凡二百九十三姓不幸遭許李挾艷后以焚信書氏族志弗傳然世家大族終難湮沒柳芳直史館所由作氏族論矣夫尙官尙姓古制也至於尙詐其蔽也士族亂而庶人僭故曰不通歷代之說不可與言譜學也五季以來取士不問世家婚姻不問閥閼於是譜學散佚史氏之掌弗傳路近淳姓略柳中姓系錄蕭智漢氏姓譜所由膾炙人口也所謂合千萬姓譜之聯千古而利天下者自茲以外族譜家譜專譜一家而外氏不與焉徵諸史傳聯一姓之譜歷世昭穆共載者始於隋之章鼎而聯五服之譜親盡不及遠詳者蓋自初唐曾興始鼎爲楚太傅裔孫隋文帝時作章氏族譜七卷興爲

宗聖裔孫唐太宗時作曾氏家譜數卷由是家譜族譜並著於世宋歐陽永叔因作宗譜五世一提九世再提始祖詳所自出至五世而提獨詳其本支所出同支之中寓意別族再提亦然所謂宗譜也蘇老泉更作族譜以作譜者爲斷高祖而下詳所出高祖以上不必詳以其親盡也後之續脩者世世僅存其高祖而遷其高祖之父但藏舊譜無毀蓋小宗之法如此歐蘇二家變通家譜法貴從簡然較韋鼎譜法則隘矣明歸崑山乃廣大宗譜法自始祖以下世系名諱靡不詳載不必分定宗法而宗法寓乎其中今之爲譜者大率從此但可詳則詳不可詳者闕文也呂叔簡譜法更合大宗小宗爲總譜而以門譜分之合者人所同分之則更善矣又曰每世一脩則以文行之士掌之其法尤不可易非所謂總一姓譜之聯一家而利後嗣者乎後此世家大族雖未必盡講譜學而首重譜牒如故也蓋氏有由分必有從出或受封某國起籍何地遷居幾次播遷某時授某官居某房傳幾世若不溯源沿流則分支何所考若不紀明朝代四世系何所據一失考據不可得而譜也我章氏世譜在夏爲列侯在商稱霸主自殷末失國以後史傳闕文漢初以楚太傅起家彭城厥後明經大儒父子賢相忠臣烈士與漢終始魏晉南北朝史中世胄世官赫然巨室宋祁作宰相輔世系表更因世譜分著九房而章族大著矣

况唐宋兩朝均列外戚姓著上等僅次皇家惜宋末元興冠冕漸替然本支遷蜀始祖派出河南汝寧籍原麻城孝感尙能以南宋節度起家侯爵中州西蜀光昭遠緒大明一代一則出名宦一則處祀鄉賢雖公侯將相頓歇無聞而文采風流未嘗廢墜葆初何敢上擬前賢述累朝之先德成一姓之總譜所慮隋朝譜牒既湮沒於已往唐書世表莫續纂於將來縱本支言行略能紀實而前賢功德尙多散逸譬之木然由幹而枝葉譬之水然由源而流派儒者讀書懷古見古人嘉言懿行往往不惜搜羅爲之考其里居詳其世系上溯遠祖賢明下詳子孫窮達而因以想見其爲人夫亦謂前事者後事之師也觀人者自鏡之道也況我族前賢炳煥史冊經業儒宗淵源有自而乃畏千尋建木探本爲難九曲黃河窮源匪易遂甘同籍父受譏數典而忘其祖焉亦未知當務之爲急也然亦有難焉者葆初雖嗜譜學而秉性愚魯藏書無多苟非搜輯難臻美備心識者久之乃彙筆遊藏書家每歷鄴架曹倉集錄前賢志傳事無巨細備探靡遺是舉也自道光癸卯迄咸豐庚申歷十八寒暑凡五易稿當譜未成時屢攜質族中明達往來數次集思廣益必得許可而後卽安獨念前賢世家得其大略本支宗派在所宜詳爰商閩族達者分探世系言行惟遷蜀始祖僅確時代未詳所宗始祖以後三世無顯於元者

幸自明迄今約二十餘世均無脫略其間老成碩彥鬚眉士女有書之譜牒者有載諸省郡縣志者凡其人行誼無虧有關風教咸倣志例編列十條節取採輯續附前賢譜後聊以儀型族子顏曰韋氏家譜言行錄乃創凡例賦總括提綱挈要冠諸簡首共成四卷世系垂絲圖若干卷藝文若干卷依次分載以是爲韋氏族譜云爾後生學者果能於前賢懿行歷世典型實踐而踵行之不更韋族之厚望也夫

四夷志略序

前人

人生百寒暑耳前孺穉後龍鍾中數十年篤於時拘於墟正如井蛙不可語海夏蟲不可語冰蟻旋蝸爭束縛一世悠悠六合誰是長年而云乘長風破萬里浪御八駿遍車馬跡能以舟車所至人力所通親歷乎天覆地載之區躬造乎日照月臨之所不亦難哉昔張騫使西域從者百餘人十三年而歸存者二人耳槎仙且然况下士乎一西域且然况八荒之廣乎竊憶宗少文好遠游及老疾俱至唯澄懷觀道臥以遊之斯亦遊目騁懷之別致也我國朝幅員之廣亘古未有東漸西被南寰北極梯航重譯踴貢稱臣者難屈指數予曾仿朱錫齡一統地輿圖重繪而增補之寄存家孝廉蘭亭書室然限於尺幅終未能遍觀而盡覽也因命三兒樹聲廣搜

博探上溯虞夏商周下及秦漢以至元明凡歷朝入貢稱臣之國徵諸詩書見諸史傳者分四
正四隅探而輯之凡八卷顏曰四夷志略使閱者辨其方位按圖而考之瞭如指掌雖未經舟
航馬跡是亦臥遊之遺意也較諸井蛙夏蟲拘於墟而篤於時者不又別有天地超然物表乎
是編期於速成不無錯訛爲弁數言於首質之博雅君子以爲可教而教之則幸甚

養拙山房詩草自序

前人

三百篇之旨在心爲志發言爲詩言之不足故長言之長言之不足故嗟嘆之嗟嘆之不足故
詠歌之大約皆忠臣孝子勞人思婦之所爲故其詩可興可觀可羣可怨學之者授之以政能
達使於四方能專對未有無所爲而作者吾輩所爲詩未必盡出於有爲或半以供其讌飲登
臨往來贈答弔死慶生而已亦何與於三百篇之旨哉雖然志動而爲情情發而爲言言出而
見性亦未始無詩人遺意焉僕自授徒課子以來廿餘載得詩千首既俚且醜無雄詞瑰麗馳
騁可觀宜燒去但念各有性情比古之勞人思婦撫時感事或有契合故雖慚愧汗下終不忍
棄姑存十之二三講性情者或不譏且訕也若夫雄詞瑰麗馳騁可觀譬如草木榮華之飄風
鳥獸好音之過耳僕不但不能爲其初心原未務爲如是之詩也鄭板橋有云吾詩文最怕求

人作序求之王公大人借光可恥求之湖海名流反遭荼毒不如不序爲得也幾句俚語有些好處大家看看如無好處糊窗糊壁覆瓿覆盜而已何序爲吾於吾詩亦云

擬全蜀藝文志序

邑舉 徐大昌

四川全志弗別藝文著述繫之編籍題詠附之地輿固矣夫蜀大人之鄉右文之國也文王后妃之化江漢爲天下之先游女汜賸風雅斯肇漢興以來含章挺生之儒擅名八區代有文彩而雜糅散見眩啓人目何以憲宏規示極則哉子雲相同工異曲炳焉三代若陳伯玉沈滌於六朝李太白高翔於千仞眉山之文詞升菴之詩律方之漢哲殆亦無愧蒼萃前後競耀珠璧矣兩大精英之氣於天爲日月星辰爲經緯爲光明於地爲山川爲雄奇爲清淑於草木爲葩於器爲飾於色爲續於人爲文章蜀都上應河洛山川甲天下草木亦多異造物者之精神結構實獨奇焉而其器用華美綿宜染色生乎斯土者固宜稱是獨怪往昔寓公少陵子安放翁石湖之詩其爲文章一入蜀而大變自爲之歎抑亦此邦之山川文物有以啓之歎不可謂非吾蜀之藝文也唐宋以降遺文墜翰不知凡幾良可悼惜間嘗刺取諸書參以近志訪漢氏之殘缺搜潛史之遺文摺摭破碎剔抉繁雜都爲若干卷微渺者不錄懼行之不遠也盛行者

弗詳不待斯以存也近今名公鴻篇鉅製弗敢卽登以俟來世雖於淹贍之才有所未逮而有以窺精英之氣沿漢唐而上禘宗風雅殆無遺憾焉夫夏勳統天書傳其謨彭祖體地孔稱其述緣斯爲祖詎遺本根然或日月並行或圖史莫究斯亦不必以語此矣

阮氏族譜序

阮南村先生雲南廣西州拉貢
爲阮氏族譜屬大昌爲之序

前人

阮之得姓當在商周之際密人侵阮祖共見於周詩自此以降罕聞之魏晉間盛於陳留七子翱翔於建安七賢聯袂於甘露今天下諸阮於外藩有君長於中朝有達官其出於陳留與否不可知然係其郡皆曰陳留南村先生其先前明時由江南徙滇之昆明本朝曾祖某公又由昆明徙廣西州先生自爲阮氏族譜斷自前明又僅詳廣西州之支係嗚呼先生之爲是譜也本心然耶抑不得已而然耶自敦宗收族之道不修而風俗之不厚也久矣同氣之親不逾時而塗人至於塗人則無不可忍也其弊豈止失譜而已矣失譜則族與非族不可知不可知安往而不塗人哉其稍有智者收拾散漫自爲序次又妄引傳會鋪張世業如王莽稱王子儁爲皇祖叔父李唐託老聃爲始祖可笑之甚故失譜者多誣先生之宗如由三代而陳留由陳留而下可溯焉何獨始前明乎由江南而昆明由昆明而廣西州可紀焉何僅及廣西州乎曰其

不可考也不可誣也如有可考不疑於誣安忍而不收也先生之心如是豈得已哉喪過五世而無服雖欲服之不可得也禮之有窮也禮有窮而情不可終雖世極之千百地極之天下苟不失其恩紀其先皆一父母之血氣雖欲不親焉得而不親仁者視塗人爲一家不仁者視一家爲塗人使有譜以係之其能謂爲塗人哉

徐子惺詩序

前人

虞書曰詩言志詩序曰志者心之所之也古之詩無所謂律無所謂韻可興可觀明人情之大公焉可歌可詠則天籟之自然焉三百篇後騷賦迭興至於漢魏體裁漸出然河梁送行之什白馬志贈之篇稱情而言匪謀工拙揆之前旨蓋亦庶幾自是以降詩律細而詩旨亡詩韻嚴而詩籟雜唐宋大家性情未僞天籟尤多則詩之變而不失其正者也故夫由志而詩詩也由詩而詩非詩也以性情心術言詩詩也格律聲調言詩非詩也地莫不有山水而山水不相蒙人莫不有面目而面目不相襲所貴者我詩我志耳必欲衣冠李杜刻畫中晚則畫工之粉本優者之面目是奚取焉子惺宗兄少負雋才一門詩人極棠棣竹林之樂而命途多乖蹭蹬名場垂老依人皇皇硯食才人不遇恆發不中節耳丙子夏幕遊南川已而言別出其集讀之則

志和音雅有芬芳悱惻之懷無激昂強厲之態其爲人介而和質而弗野安詳而敬慎篤厚而光明見子惺不讀其詩知其詩讀其詩不見子惺亦知子惺蓋其性情之正發皆中節固不必規規唐宋而自爲子惺之詩也黃孳垌謂子惺詩宜參峻整則以詩言詩而非以子惺言詩也淵也不可以負石嶽也不可以涖水以和平樂易之人而欲爲乖戾拗之語子惺將舍其志以求詩不亦僞哉昌與子惺交將一載瀕行乃出其集亦可見子惺之自鳴天籟而不求苟合也輒爲之序以爲別云

邑廣文宋宸東五十壽序

前人

有問於予曰邑廣文宋宸東先生何如人也其冠章甫而上羽其講說也老師宿儒其縱談世事也又老牧令其行約而術甚博其鬚蒼然以深其顏童余斯惑矣徐大昌曰子不知宸東乎是誠然是誠然子勿惑也且子亦知蜀之患何在乎秦楚之脊滇黔之咽深山大澤爲龍爲蛇無患也勤能耐苦禁暴輯流足矣列霧馳煙水陸之衝藪疾川汗萌蘖根螟無患也大誠小容弗濁弗清足矣惡少輕利帕首鞞刀萬衆一軟睚眦靡逃無患也約父束兄渙黨鋤魁足矣蜀之患在夷夷之患在蜀西南其巢則連山絕壑千里盤結其人則兩行雪眼鳥言獸食其性獷

其族紛其器長標鎗毒弩及遠命中自漢武以來未之治也唐章舉引而進之遂以燔成都之郊至今千有餘年而夷患未已其巢曰涼山背金沙江峨馬雷叙環其三邊屏山叙屬也宸東屏人也年十一學爲文章敏慧冠儕輩試輒前列十六而夷患作十八而夷殘其鄉其封翁館於演學家往避宸東請曰避而家毀何歸兒請留幸而得完以待返者乃集貧民二十餘斫木豎碉眠大竹裝巨礮夷至保碉者千餘人夷卒不敢近於是而屏始知守夷去碉以石置守具峙軍火一鄉皆樂於從次年正月夷大至攻碉敗而遁擊之得四牛歸於是而屏人始知戰嗣卽其居爲碉迎父母歸宸東晝耕而夜讀而鄉人之逃而歸者亦多碉以自衛不復爲逃計矣二十四遊於庠次年食餼邑宰知其才屬以夷事宸東聯聲勢練擊刺夷來輒戰出難民百餘口而夷始絕迹於其鄉最後屏以計縻夷目泥雀等五人乃爲籌邊局於屏夷以受撫歲時官給其賞邑患始息而雷馬之騷擾如故也昌嘗謂治夷有三策演蜀合勢攀天蹈空百道並進猝備不周夷險擊幽一勞永逸此爲上策富民具食貧民合力人自爲戰而以兵衛此爲中策每歲賂遺牲鹽布帛賂不可止賦民無已其名曰撫則下策也宸東一諸生耳無尺寸之柄智足以及其上力則僅出其中而最後大局乃竟出下此無可如何也使宸東得行其志蓋亦有

可觀耳然宸東固有他功嘗以團勇擊邱連三解屏圍攻邱得興於玉峰山火其巢粵逆之役宸東獲僞輔李復猷僞書得賊謀官軍得以爲備縛石達開宋仕傑之役以敏字營克夏溪其功或以事掣不得上或彙上無大異故僅以訓導加五品賞藍翎而已才固難也才而數奇無功多矣才而有功又不獲真知有力之士爲之特達於朝而僅與伍伯同賞天下之大獨宸東哉冠章甫而羽其上子何疑哉方今天下無事宸東抱其才無所用傳其家學授徒而食在職尤勤於訓士又嘗治諸方書精堪輿之學既以驗其家又使屏之士踵而起焉可見才智之士無所用而不可也其講說也家學也職也其縱談世事也蘊之而無所發舒也約其行而博其術者斂之餘也蒼其鬚而童其顏者養之厚也且子不聞乎有陰德者必有厚報宸東以少年諸生倡策驅夷能使鄉之人守且戰而無夷患此其功德宜大顯於世而其祿不厚天固將酬之於其壽也其蒼者年之往如斯也其童者年之來方長也客曰子言釋吾惑矣宸東方以今五月爲懸弧之辰曩欲壽之而不得其詞請以子言貽之

與李麟洲同年書

前人

庚辰一別裘葛三更翹首春明怒焉舊雨近稔憇間休暢潭府多祜爲慰弟歸里後仍舊硯食

而近來人事大不如前家十餘口飲食日用不待言也醫藥之費歲在百金以外寒儒無所措手祇謀剜肉補瘡貸新償舊作不了之局而已今夏四月老母忽患咳症始而食減不寐既而痰喘下利百藥罔效遂以五月二十八日見棄弟三十歲以前日事遊戲三十以後稍存喜懼之念而終歲役外不北上卽赴館不得承一日歡獨夜痛心誠無意苟活無如老父在堂觸目悲悼又不得不破涕爲笑尋事支吾以稍忘其哀痛惛惛苦塊竟不知如何爲是也弟今年三十有八鬚髮微白精神頓減服闋在四十外此身自斷大約與秋草寒蟲隨化而腐迴憶嘉州聚首歷下盤旋酒席歌場是何意氣蹉跎至此百無一成生無以對君親死無以對閻王言念及此腸碎如割昨讀曾文正公所撰羅忠節公碑銘四十尙爲諸生轉思僥倖萬一得一當以自立亦未可知此又顛倒之妄想矣貴省今歲豐稔敵省雖不如前亦不大歉然有隱憂者曰燈花教曰哥弟會燈花教以妖術煽惑鄉愚入人最深父習其教祕不告子妻習其教弗令夫覺官司稽查最爲難事其傳教則各州縣皆有頭目或卽土人爲之斂錢暗運莫知其處富人破家不悔貧民亦竭力以奉往時粵匪之役萌蘖似此可爲寒心哥弟會曩經制府懲創稍爲斂迹而富人子弟一入城市無業之民藉誘淫博近又往往作矣壞風俗致外奸亦地方之病

吾兄殷心經世輒爲附及山居僻鄙終日面牆京中近事洋務消息無可訊及道路言傳北虜近復淪盟杞人之憂靡日可已便中賜示一二幸甚祖峯賢姪論婚何處令媳及文孫想俱抵京不盡拳拳諸維珍重是幸

祭三弟文

字友微

前人

維光緒十有二年十月十九日兄大昌以剛蠶柔毛清酌素羞致祭於亡弟友微之靈曰兄以今春二月別君到任卽得君耗維時精散神飛欲歸不得竟至今始歸歸而始一哭君急官而棄其弟兄罪大矣童時隨父處館兄稍長君與四弟亦漸能作文頗得親歡及兩親棄養三人者互相師友亦未有異於親在時也世之兄弟或少時相愛敬中年乖異出入背面同室不相言笑如吾三人者寡焉乃未幾而迭遭閔凶吾子夭殂君之妻女相繼奄忽親痛未回骨肉恩斷入則空帷蟲號出則幽堂月冷飢飢諸孤形影相弔世之遭際如吾三人者又寡焉三人者君又甚焉兄之痛君甚於自痛也然君方壯故急爲君謀續娶事娶張氏有期矣而女忽卒他處尙未成議方欲假歸成之至於今而望絕矣痛哉痛哉去歲十月在縣共作菊花詩滿城風雨一月對床人謂君面目豐潤君忽自喜蓋君以多難故形瘁久矣乃一歸而依然棄我以至

於此亦兄棄君故也脫留君縣城或偕君而歸當不至此以家政委君而自處於局外每一念及惟有搥心耳今春官牒至時兄在縣接四弟書云君病甚維時兄之心雖卿相亦不往也乃歸而君疾漸瘳眠食如故友朋歡燕亦如故於是升斗之計又迫於懷不得已而行既行而君沒嗚呼死吾弟不使吾一哭乎病不使吾謀一藥沒不使吾訣一言乎君之心惟兄獨知亦惟兄獨憐吾知君沒時四顧無兄不知如何痛如何恨如何腸斷而後死也悲哉痛哉君厄於名場郡試冠其曹可食餼矣而廩無缺鄉試荐矣而抑於主司主司錄矣而遺於額滿君每鬱鬱而兄不以爲病也方冀服官數載積微貲而歸俾吾兄弟朝夕飲食無求於人相依老大以完骨肉之愛微名固不足問也孰知事之至於此乎兄少年放蕩不求家人之樂中年知求之而奔走馳驅人事擾攘君棄我而去四弟亦孤守窮廬兄如流戍遠方無與爲語托業半生甘苦無所喻悲憤積臆無可稍泄天之厄兄並家中之一知己而亦去之矧欲世不自眼哉平武水勁風惡山瘴長瀟蕭齋閉坐孤枕轉側衾如積石息如轆轤惟恐不得歸而葬君且無人葬我今以明日安君之靈於居宅北山之陽亦不幸之幸也死而無知則已耳有知固將弔我於地下耳嗚呼悲哉數年家計兄任其外君任其內外者病而無救於貧內者貧而不勝其病室人

之噴動有意尤督責稍施卽興謠詠而固未知速君之死者在此也而何及也椿年嗣君作韻
語漸可成旬雙親葬地僉云不吉擬擇吉而改窆窆焉已獲之矣此皆君心未了事故並陳之
嗚呼今已矣來生相聚但守薄田數畝不足則佐以力傭俾得朝夕相見垂死不相背負此爲
上策萬不願讀書作官以致死我手足也靈其不昧永永此約皇天后土有如皦日牲醪具陳
庶幾降鑒

祭張輝漢文

君名鳳嶺南川附
真生輝漢其字也

前人

嗚呼君殯之日我在百里晝夜之勤可以來視次且疲蹇乃踰二旬生別死休哀哉萬靡昔我
齟齬君從吾親泊我十五共歲與晨我行君監我迷君呼出溺於淵扶醉於途昆弟之親兒女
之好我宅我田君實大造君時碁釣匪我莫隨我有家慶如君之私字水火雲錦城秋雨塵纓
泥襪出入寒暑茫茫半世惟君與我形影聲響靡間而左僂倖一科廼困計偕我行君處中道
多乖藐躬閔凶籲天罔宥怙恃迭乘子殤弟又君時在病匍匐來哭有子三人並手交足惜惜
諸孤如瞽無徒微君之相孰釋予辜君病六載我不數問君沒不弔人事是競君實生我我負
若多君則靡他人謂我何我將之官聊進清酌此心之痛匪石可藥惟君之孤以責余身苟或

渝之猶有鬼神嗚呼悲哉

韋節婦傳

闕名

節婦姓王氏小字玉瑛予之從堂女兒也幼聰穎知書雖女子性磊落類男兒兄弟行襲腐儒行止者見輒嗤曰令我櫛當爲奇男子不似若曹跼促無丈夫氣也長適南平章氏子藻芳章美丰標通文翰閨房相對若良師友至相得也歷四年生子女各一節婦年二十有四章年二十有一時道光庚寅秋七月也章應童子試赴渝郡節婦正歸寧母家忽一夜夜分章家人至敲門甚急其父出應久不返節婦忽從夢寐中心動驚起急攜兒啼不可止披帷出則肩輿停戶外問故啾啾應之遽昇以行將抵家愈益疑心憧憧無主坐肩輿中欲墜及塔突門入則見燈火熒熒而韋尸陳堂上矣節婦抱幼女從懷中墜伏韋尸一痛而絕少頃蘇徹環瑱服斬衰爲韋頹面理髮哭其側日夜不絕聲擬以葬日殉諸親屬相與謀曰果爾則舅姑將有不保者也計不如疊進以勸羣推齒長者一老姥前老姥提節婦耳三數語節婦仰天大痛曰嗟乎令聳臥床頭沒於父母妻子之手而吾夫婦生死永訣時猶得一握手爲別亦何至慘苦若斯之甚也乃竟以試故離家數百里以死死不知何病病不知何日旅邸中絕無半面交每一想

冷館孤燈萬分無賴彌留就絕時不知其苦憶父母妻子之心肝如何碎裂也念及此恨不卽追煩寃幽怨之孤魂於地下而一慰之尙何以餘生飭我爲也當是時節婦情詞悲愴淚縱橫被面下落襟袖間痕皆赤勸者環立咸不成聲而止然防護益嚴節婦竟不得行其志韋旣葬則以撫遺孤自矢每霜露之晨攜一子一女哭韋墓其悲涼激楚哀動行路乃未幾其女沒又未幾其子病節婦愈益灰心稿形無復生人趣矣間歸母家向日襲腐儒行止者兄弟行或見一揖外默默不作語稍問訊之輒淚沓熒然以故見者無不悲傷其志如是數年年三十竟癯憂抑鬱以死死無何其孤子亦相繼死

重修頭渡橋募貲序

邑貢 李天柱

蓋聞鵲架三秋天上有神仙之路虹飛百尺人間開利濟之途乘來子產之輿民無病涉射到錢王之弩潮有洶流樵杓欵斜車憂濡軌冰淵恐懼人苦褰裳以黔蜀之通衢值山谿之暴漲此橋名頭渡合興再造之思而柱抱尾生宜獲萬金之助者也蓋自乾隆中晚之歲橋甫創修洎同治夏秋之交水忽衝擊八十載星霜甫度廿四宵風月神馳尹吉甫飲酒難過情何以盡張桓侯橫矛可斷事偶相符溯經始於二公

胡秀章
趙德修

滄桑已變議重修於諸侶碩果猶存胡玉峯

者秀章公之裔孫也因木獨以難支乃條呈而上請實司牧饑溺關心慨然金諾予小民瘼痍
滿目委宛玉成河一葦以能杭岸七星而可造乃於雅瑄風琴之下感我子來惟以濟物利人
之懷逢人丁囑貫纏腰而樂助鶴俸能分裘集腋以期成鳩工共庇希君鼎力索我卮言某體
肉消磨久荒筆硯髻齡奔走頓感關河不失其身曾犯蛟龍之怒援之以手未驚鷗鷺之眠人
稱償陷之無虞我幸蕩平之有政嗟乎木落冰堅之後行路何難霜清風隕之辰臨河必反迎
來送往人消瀾岸之魂駭浪驚濤程動阮公之泣乃揚州杜牧方擬尋詩而刺史王周不忘引
咎巨川可濟豈無舟楫之材小惠未孚空負聖明之世且夫張廣廈於寒士結喜歡緣蓋長裘
於洛陽啓慈悲室又况編竹筏而渡蟻陰德耳鳴貫鐵索以馴鯨雲霓背負倡予和汝船大願
以齊登我友印須金同心而共斷爰抽兔穎用盼蚨飛若夫著南阮之犢禪力誠綿薄助東坡
之犀帶情切布施非矜煦煦爲仁伏冀多多益善庶幾桁臨朱雀徧開野草之花影落彩虹重
觀滄海之日勝斬蛟於周處船不乘危倘叱馭於王尊途何畏險長江可飲嘶消鐵馬之聲巨
浪胥平踏遍金鰲之背諸君子南通北達弗著祖龍之鞭大丈夫駟馬高車再題司馬之柱場
同選佛路可升仙橫空控螭之腰匏無嘆苦跨水謝鼃鼃之駕棠比流甘

父頑辨

邑歲
頁生 嚴燦章

千古處家庭之變而深慮佯狂以全父子之恩者一人而已卓哉瞽叟其足爲馭悍妻孽子而曲全其嫡子者法也度其人必聰強警敏深沉不露殆瞽於目而不瞽於心者耶夫以尹吉甫之賢而子竟不得其死以瞽叟之頑而舜卒無害於生豈人爲賢父之子反不幸而爲頑父之子反幸哉是大不然蓋叟之頑叟之智也頑非反駕於賢頑而出於智則非吉甫之賢所能及也故人謂叟頑吾謂叟智人謂叟既頑則不智吾謂叟惟智故能頑向非頑舜尙有生理哉伯服卽不能讒褒姒已足廢宜臼奚齊卽不用譖驪姬已足殺申生况州吁既有寵而好兵桓公絕無倖生之理衛朔既恃愛而善愬急子豈有逃死之門斯卽周幽不惑煽處之言晉獻不徇中宵之泣而禁之則力不能逮禍之發也尤速任之則肆無所忌謀之造矣必成故夫一嚚母死舜有餘矣一傲弟死舜有餘矣况又甚之以頑父而卒數十年安然無恙者豈果聖人無死法哉吾乃服叟之頑爲不可及矣夫舜既孑身而無一人之申解叟又無目而聽交口之中傷叟苟露其左袒之形舜之禍將難測矣惟其遠慮深籌於其日謀死舜者而必求一可以生舜者則固無有如頑之善者矣卽如焚廩掩井假以瞽故而委之嚚者傲者斯眞叟之有心死舜

也舜不岌岌乎殆哉惟悉置其妻與象於事外而身自任之亦若老夫雖老非我莫能爲者要使其信吾之圖之而已卽舜亦未始不信叟之實圖之也而舜生矣而頑之用乃愈妙矣智哉瞽叟固宜其爲天子父受天下養卓然出吉甫之賢之上而爲千古第一善處家人骨肉之變者也吾獨嘆夫妻與象終身墮其術中而不悟而數千百年來所稱論世知人之士亦卒無有窺其用心者是大可怪也已世人莫窺其妙用而強爲之說於焚廩則曰挾龍鳥衣服以飛於揜井則曰泥孔旁出妄誕不情不知此皆叟詭辭以欺悍妻驕子而不料其并足以欺天下後世也故特辨之以爲讀書者之一助

慰唐君達夫院試小覆屈遺書

邑監 章登暉

夫古鏡秦宮經屢磨而更皎韞玉楚石歷三刑而始彰泥河九曲乃達天源甘蔗倒嘗方臻妙境古之抱大才蘊大器者莫不凜少年不幸之語大任將降之言盤錯增能紆徐奏效達夫先生宋臣遺裔楚國騷人卓爾不羣雍容領度銀手若斷一矢必貫乎蠡心玉履踐繩好善無慚於麟趾固自以爲康莊坦道駒駕玄黃典冊高文芥拾青紫矣今年秋星使至渝凡帖括之士靡不鳴蟬奮翼乃褰餼糧春燕啣泥于時廬旅使達夫於此展裁霞之手運修月之斤躡足卽

登回頭是岸振英華於西蜀奪前席於東川豈非吾黨之光榮人生之快事乎而乃花影餌魚
總屬空空蕉葉尋鹿無非夢夢解雜珮於漢皋始入懷而終渺拜錦袍於唐殿已徵實而猶虛
無金贈畫內家自誤玉容納粟陞階外間頗嫌銅臭牛女空織雲錦帝子祇索天錢傲骨愈尊
嘔心足慨嗚呼憾哉然而既春既簸方登御廚如切如磋斯爲上品山徑能經曲折峯巒乃陟
崇高鄉荐重遺乎南國錫命旋因狀元覆黜於端門富貴在裏秋水芙蓉聊含苞而小屈天邊
心性終解縑以高飛蓋松柏之姿經風霜而始茂白堅之質遭磨涅以彌彰苟挫折之是甘乃
經綸之足尙燕公定樂預聆九塞邊笳夷簡知非悔早十年宰相天祿將來先煨懶殘之芋鼎
食有待且聆飯後之鐘爰卽小人之依方識閭閻之隱文人振古大抵如斯吾固知天之薄之
者正天之厚之也雖然此祇可爲知者道耳時則周有八士秦祇一人咸懷憤王之思共拔胡
奴之刃八月有凶幾疑身爲臨卦三年求艾悔將病付庸醫砍地悲歌袖石追逐窮日力而後
宿撫辰命以吁嗟焚君苗之筆硯誓老名山碎兪子之瑤琴永斷絲竹排悶惟宜飲酒杜口無
復談兵察其意聆其辭似乎情之所鍾正在我輩天而胡懟終屬愈疏而先生乃浩然以歸齋
然一映脂車秣馬齊卿宿晝以無難怨天尤人庖丁提刀而大悟仰天乾笑貼月橫飛顧而忘

之匪非豫也其友章子聞之乃披肝瀝膽曝先生於渝水之濱薄而觀之喟然嘆曰先生其有道乎今夫操觚之士得之則喜失之則悲固情之恆也黜張爽之曳白尙且難堪抑庭筠之科名能無痛哭已覆玉筐之燕復失鐵胃之鷹僕馬皆驚雅俗共憤而先生乃能處困而亨履險若夷薛尙延寵辱不驚是何祥也劉朝霞窮薄自守不願改之苟非澄濁之備經不識汪洋之雅度顧或者疑之哀樂失時喜怒不形雖異流俗之癡終屬矯情之舉不知仕已無溫乃稱令尹之賢聞命驚啼愈覽杜悰之鄙窮居無損雅號通人貧賤不移斯爲君子珠沉海底聲價自在人間劍埋豐城奇光上觸霄漢朝廷有書升之典此才無不用之時亦何必喪囚相對哭我文章盈滿自持供人描畫哉或又謂鏞鐘寶鼎必識之認末座之李郎一聲喉轉辨畫圖於隄宅三疊霓裳苟有白眉之馬良自遇青目之阮籍而乃屢發不中終屬劍術之疎萬言罷歸大都命途之外不知天之生才也應運才之用世也待時曹沫忍三敗之辱將以有爲唐皋憑一氣之雄終能造命而况啞人大嚼難辨易牙之餐師冕聞聲不知子都之姣世每深刻以繩賢者成敗而論英雄竊以爲宇宙產經濟才原以待國家艱難用苟當狂瀾之際自能破浪而飛所以戎羌並犯乃起汾陽廬陵主文方拔蘇軾使天不愛惜之寶護之則以先生之才何患

不勝齊一戰遂有南陽掉臂九重遽棲上苑乎然而終爲禹偁所見薄孟氏所不取也豈不惜哉
釋與先生以鞞鞞之常華聯瑣瑣之嫵姬國有顏子交悔遲乎十年途遇程生蓋早傾於一
日余狂君猶漆合膠投固不自知其情之深也嘗謂落落寡合寥寥定交直諒高情則依依於
陳實文章道義則戀戀乎賓王乃不圖於射利爭名之世而反得純厚謹篤之友如先生者焉
伏願先生湛深經術寢饋文章不固見於時文匪偷光於鄰舍三千年之事業腕下奔騰十四
王之春秋眼光橫掃自然南國金精煉且愈老偃陽懸布蘇而再登矣惟是嶧以多疾之醫屢
敗之醫猶復騰喧紙上塗抹場中掩卷自思爽然若失然而慰人卽以自慰愛己同於愛君惟
惜墨似金而其人如玉於余心終無悔焉此日秋風車笠還須跨馬尋君他年細雨都門切莫
騎牛笑我諸惟珍重不盡欲言

劉氏譜序

邑附 周相雍

自春秋有莠人滅郟之文於是守經義者不敢嗣異姓嗣異姓者每請還宗援義割恩垂爲典
則穀梁傳義莫之或異矣然予嘗攷古臣如吳之朱然本姓施魏之陳矯本姓劉宋之葉夢鼎
本姓陳皆未還姓國朝嘉興錢文端公之先本姓何合肥李文忠公之先本姓許其子孫亦皆

未還姓此何義耶蓋忘所自生不智受人恩而背之不仁賢者於此有兩全之道焉本姓祖父若無後則兼承之國朝山東平原縣令賜之兼姓陸費是也本姓祖父若有後則分承之而各立一譜互誌源流若魯衛曹滕之並出於姬同姓異氏百世不通婚姻是也知此義者其唯劉公明山乎明山之曾祖登科公本唐公可聚少子奉可聚公命出繼劉公啓鳳爲子生子六人曰有文有秀有臣有明有茂有德俱還唐姓蓋以唐後劉而唐系反絕故相率歸宗也有臣公生廷璋廷璋公生子二長世文次世武卽明山公時唐姓子孫蕃衍而劉氏無奉祀者已二代明山公乃慨然曰余曾祖登科公曾受劉氏撫養以有今日余安忍劉氏之鬼終嘆餒而且余固吾父次子也有吾兄承父後吾仍復姓劉以承劉祀庶恩義兼盡乎於是自涪邑移居南川始復以劉爲氏又口授其次子菊畦公俾沿流溯源別於諸劉而自爲一譜使世世子孫守之知劉與唐實同而異一以明族姓之所由來一以明不通婚姻之義至謹嚴也菊畦公亦克成其志詳述顛末歷請誌於縉紳先生而劉氏之家譜以成嗚呼天下之事有經有權若劉公明山非所謂權而合禮者耶中庸以善繼人之志善述人之事爲孝若劉公菊畦非所謂達於孝者耶且唐與劉之不相屬者已二世明山公特念前人之恩義而續之非利人財產而爲之又

命菊圃公作譜以申明之有繼絕世之心而無背宗盟之嫌非所謂仁且智耶今自明山公傳及曾孫溶川等而家聲愈起子姪愈繁誦讀宦遊皆嶄然各見頭角且每回涪省墓與明山公兄榮山公之後爲唐氏者敦族誼叙燕好無角弓之嘆焉此真可謂兩全無恨者矣予館劉君溶川家披覽其先牒慨然重公之行誼而有以卜劉氏之後將愈光大也於是節其始末而爲之序俾劉氏之子孫永識之庶不致數典忘祖而泯沒其至意云爾

孝典義例弁言

附義例十一則

邑附 楊福瓊

間嘗觀帝王繼天立極之道莫大於孝聖賢訓世立教之書亦莫重於孝堯舜之道孝弟而已矣弟子之學先孝弟君子之仁本孝弟卽士之守先待後亦靡不在乎孝弟孝也者充之塞乎天地溥之橫乎四海施諸後世而無暨者也試思古之爲帝爲王爲聖爲賢未有一人不盡乎孝之全量者也下此或數事之孝一節之孝雖未能爲帝王聖賢亦不失爲令人皆足以流芳百世而垂範來茲也况我國家以孝治天下世祖以孝弟訓於前聖祖以孝弟諭於後並推衍其義使昭著於天壤非欲人皆遵而行之以爲久安長治之規乎是孝旣隆於往古重於國朝而不講習於師儒以爲啓迪之先務焉烏乎可愚於舌耕之暇旁搜博採凡典籍所載歷代之

孝子孝弟孝婦孝女凡人之不失弟子職者或全體或偏端皆備輯而詳載之蓋欲多見多聞以之淑身淑世余今春訓蒙於巴邑有友人來館見而喜之曰此集甚善無美不彰既有以發前人之潛德有善必錄且足以啓後學之孝思非比兔園實爲龜鑑直可附聖賢經傳之後以並傳也勸余序以付梓以公諸世余素寡識愧不工文聊述顛末以弁諸首因名之曰孝典尤願覽此集者不徒以爲典故而以爲典則使天下後世之匹夫匹婦咸得觀感於經傳子史之中並能興起於經傳子史之外盡爲孝子悌弟庶不負我皇上仁孝治天下之意也則幸甚

(一) 啓蒙之書每便於小學不便於大學何也過於淺俗少時雖易明稍長必厭棄過於精微異詩雖有用少時難驟解不集成句讀雖與講明難於記憶必旋得而旋失作成詩詞必雕琢刻削拘於體韻亦非小學所宜是以不畏貽譏譎陋不拘聲律不拘體韻順其口音俾童而習之可以啓其良知良能終身由之可以立愛立敬而聖功可成又可以資多識爲文章詩賦之用非比精微之不可驟解亦非如淺俗之終歸廢棄者也

(二) 前賢有二十四孝相傳已久賢士大夫鄉里編氓無不樂道亦可以驗人性之善矣余意自古迄今孝子必不止於二十四爰採集經傳子史百家之書約有五百四十餘人又採

悌弟百餘人附後與二十四孝並傳庶使古今之孝子悌弟嘉言懿行不致滅沒而不彰也
(一)是編有孝子有悌弟而獨名爲孝典者悌統於孝也古人未有孝而不悌者亦未有不悌而可爲孝者

(二)帝王聖賢之孝塞天地亘古今若舜之以天下養武周之善繼善述茲不入於編而僅集一二細事者非略其大而取其細也蓋畢生當盡之事養自童蒙驟與言孝之至極恐茫然莫解暫舉其身近切實者使天性不漓然後及他書以求至乎其極焉可

(一)是編所集有大聖大賢醇乎其醇固皆可法有愚夫愚婦大醇小疵法其一節可也更或有閻巷子女目不識丁因發於一往無前之情遂至割脇割肝抑或哀毀傷生其大過之行有乖俯就而亦兼收並錄者其行事雖未可法其真誠殊有可取是在成就後學者分別言之第以之動其天良不使之陷於愚孝則善也

(二)是編各歸朝代以便稽攷至各朝人有先後時有早遲則未訂及亦不必區分也後有見聞可隨增於各代之後

(一)是編所集前代之事有經傳史鑑百家之書可憑非比勸善之書憑空結撰裝演附會

至國朝康熙帝之事庭訓格言所載四條見地輿賦餘探諸唐天培之鑑行集皆理之可信可據爲典則者載於篇末以見今人無異古人未可菲薄自待也

(一)是編既爲諸書所載何必復集之蓋經傳雖弟子必讀之書而子史百家所載孝悌軼事散而不聚恐一時不能遍閱卽經傳亦非入塾卽能並誦教子弟者不於小學時培其本根恐嗜慾開而天性漓有難挽其浮薄之行馴其驕悍之性者也語云教媳初來教子嬰孩誠以先入之言爲主教於始初易爲力也

(二)是集名爲孝典實爲孝則以所集皆前賢實事先哲芳型非比託諸空言者誠使人人口誦心維則而效之皆可以敦本也然則是集名孝典也可名孝則也可卽謂爲敦本集也亦無不可

(一)是集何以博採廣收以人之境遇各殊材能不一或父母之性情各異嗜好不同俾子弟多識前言往行不能法此或能法彼此不可以承歡彼或可以承歡隨在皆有法則而無難事之親也有子曰孝弟也者其爲人之本歟孟子曰人人親其親長其長而天下平可爲天下後世期之

(一)是集悉本愚之寡聞淺見恨未遍識名山石室之藏不免有掛漏之譏尙待博洽君子增而益之補而輯之庶無遺失余更有厚望焉

辨善瑣言序

邑附 許廷陞

修身齊家治國始於格物獲上治民誠身始於辨善善之未明雖有聰穎篤實之士任性自爲幾何不與聖賢之道相背而馳矧德時異端蠡起智者每覽異思遷愚者亦隨聲附和將來有用夷變夏之憂予平生嗜易著有易解一篇見夫天地盈虛之理陰陽消長之機人生吉凶禍福之倚伏靡不由此是知欲維風俗必先正人心欲正人心必先明教化所以聖人言擇善固執必自明辨始也迄今老而拙閱歷久頗悉人情所趨多涉歧途誠心向善而反入於不善者衆謹以聖賢之真理明當由之正道質實言之辭說工拙則非所計矣第恐深則不宜鄉閭淺則貽笑方家閱者諒之

關雎詩辨

邑拔 劉明昭

毛詩關雎一篇小序因孔子有樂而不淫哀而不傷之語首云關雎后妃之德也末云關雎樂得淑女以配君子憂杜進賢不淫其色哀窈窕思賢才而森傷善之心焉其意殆以孔子所謂

樂與哀均屬諸后妃不淫不傷爲后妃性情之正然以不淫其色指后妃言已覺不倫且哀窈窕及森傷善之心二語詞尤費解鄭箋知其難誦遂謂哀爲衷寧之誤不知衷雖可訓爲思然以衷窈窕成句詞更不順且卽令小序之哀寧可改而魯論以樂不淫哀不傷對舉成文則萬森可改之理余竊謂孔子旣以哀樂二語標示門人則所謂哀者必確有可哀之事實非泛論也嘗讀大明思齊二詩而知太姒爲文王之繼妃關雎之樂不淫哀不傷乃指文王性情之正非指后妃也試舉證之思齊首章云思齊太任文王之母思媚周姜京室之婦太姒嗣徽音則百斯男傳云京室王室也按王室卽指文王經不云文王之婦而云京室之婦者避與上文重複耳周姜旣爲文王之婦則太姒當然爲文王之繼妃故下文緊承以太姒嗣徽音之語繼卽繼也能繼周姜之徽音斯森愧繼周姜之位或謂嗣徽音爲嗣太任之徽音雖可誦但明明有京室婦之周姜在豈能略而不論况大明章先言文定厥祥親迎於渭最後乃云續女維莘續女卽繼妃之別文太姒卽莘國之女則太姒非文王之繼妃而何續女維莘二文又云長子維行篤生武王按大戴禮稱文王十三生伯邑攷十五生武王大明乃謂武王爲太姒篤生長子則伯邑攷之爲周姜所生又似別森疑誦也卽以關雎詩詞而論首章云窈窕淑女君子好

迷明明爲已配之詞次章又何須爲寤寐之思矧思必有所寄虛擬一人從何思之以文王年齡論生伯邑攷僅年十三則未得淑女時不過十一二齡更何須亟亟爲淑女之求卽求亦何至於哀若謂爲后妃之哀則尤森此情理竊疑次章所謂求之不得寤寐思服悠悠哉輾轉反側者卽長恨悠悠生死別經年魂魄不曾來入夢之意前之淑女既得復失哀思之情自不能已此所以爲性情之正也至三章琴瑟友之鐘鼓樂之卽爲樂得後之淑女詩詞固顯然如見也余初讀魯論時卽蓄疑莫解後熟讀毛詩尋出各證然後知孔子所謂哀者哀前之淑女所謂樂者樂得後之淑女其意固不煩言而解也至朱子輩謂宮人於太姒始至時見其有幽閑貞靜之德故作關雎詩以美之以詩詞爲宮人所作未爲不可但不曰美文王而曰美太姒且置孔子哀樂之論於不問其見又更出毛鄭下矣

前人

許君親水部澹字不及淺淺之誼辨

說文全書之例凡字有兩誼者皆先親本誼次及餘誼卽自序所謂引而申之以究萬原又所謂聞疑載疑是也全書所載一白之例皆爲餘誼而發第其書至今千餘年展轉相沿不無譌奪故今本選選與全書大例不合十一篇止水部澹篆下第云澹水出桂陽南平西入營道不

及澆淺說反覆攷之知此文固有脫誤非許不言也水部所屬字自沃爲鹵極之水迄漢爲北方流沙皆言水名下自薄篆以後始言水大小澆淺等說先實後虛同條牽屬共理相貫全書皆然固不敢謂澆篆當移亏後全屬諸虛然澆實有澆淺說許顧何以不及也且水部如澆沾漑灑漢等字皆本爲水名而兼虛說許皆先說某爲某水下始各世一白半灑也一白益也一白灌注也一白治水也一白清也等說斯固引申載疑例也茲何以獨遺亏澆下訢儒段氏不澆求其故妄以六部突字當之以誣許君今欲求還許書之舊當先證明後人之譌奪以破段氏之臆造而後許書舊說昭然森疑蓋突亏六書爲意兼聲字不端屬會意其說解當爲從穴火求省聲讀若三年導服之導後人不識古音亏求省下誤奪一聲字遂使突字音說皆晦夫古森韻書注家亏字音有疑難處皆以讀若讀爲比例之其音最爲確切許既以突讀若導必確有所受非妄爲比例者知突古音必與導相通導從道聲道從首聲窮其得聲之原昇求皆同屬古允幽韻而導之今音乃屬於蕭宵肴豪者何也今誤讀入蕭宵肴豪韻字亏古秦半皆屬尤幽毛詩載馳悠漕憂爲韻采葛蕭秋爲韻森衣仇矛袍爲韻離騷惜往凶流昭幽聊由爲韻徧檢古有韻之文皆如此知許讀突若導正以其从求省聲故後人誤奪聲字以爲穴中求

火若然則許當云从穴求火三字會意今云穴火求省既不成詁詁文不類非求省下脫一聲
 字而何突下說解又有一𠂔竈突四字以廣正證之當爲澁字本誼廣正釋宮竈窗謂之埃埃
 下謂之突今本廣正雖脫一突字固可卽說文而訂其脫誤蓋以其顛言謂之埃以其中澁曲
 通火言謂之突說文原本突篆下必先云竈突从某某下始著一𠂔澁也四字而今本互易者
 亦後人倒置也突爲竈埃有實象卽爲實字若云求火意已虛而不實且求火穴中奚足見有
 澁誼許雖兼訓爲澁亦以竈窗澁曲故略爲引申如此而古書亦罕有用此字者惟毛詩商頌
 一見商頌采入其阻今字形展轉相沿爲罌采杜古實卽此字毛以引申釋爲澁鄭以疊韻訓
 爲罌皆合古詁釋文善而規反亦古轉音也轉音如秋讀如欺尤讀如怡類是
 案从求者聲故可轉音而規反詳攷突字古實彝式針反
 之音其本誼又崑爲竈埃卽欲借爲澁淺誼可如毛傳間一段用不可如段氏崑指爲本誼也
 至澁从水突本會意字不屬形聲突之古音與澁絕不相近以穴中近火有澁曲誼因取之以
 會意後人誤讀突爲式針反遂方澁字說解增一聲字而澁字音誼亦晦夫澁雖水名卽由水
 名亦足徵澁淺誼水經注三十九引字林澁水亦名遂水遂從穴遂聲本誼亦爲澁是桂易之
 水固以澁遂得名安得以許書偶有譌奪遂疑澁彝澁淺誼惟澁非崑爲澁淺字故必補一𠂔

水澗也數字方合或疑水澗如溺汚泄淨等字皆水名而溺有水沒誼汚有水滿誼泄有沓沓
誼淨有森垢誼許皆不著一自之語安知澗不同此例不知溺汚等字非許不言餘誼凡經典
用溺爲水沒者廼休之段字用汚爲水滿者廼溺之段字用泄爲沓沓者泄之段字用淨爲森
垢者廼澗之段字皆有本字本誼經典用段借許書言本誼各有其例不煩贅述非若澗兼澗
淺誼必補一自例而誼始足也是則一自之例誠未可忽視治說文者苟能比例而求其誼自
見廼王氏作釋例反謂一自之例多爲後人附益是豈善讀說文者哉其見又更出段氏下矣

許君僞書孔氏非安國原本攷

前人

許未重說文一書爲解寧倫非爲傳經倫也解寧者貴明造寧之本以說其形聲義故雖僞引
諸經必盡據古文以爲證若傳經則不狀夫經在周秦以前皆蝌蚪寧自祖龍一炬古籍灰飛
程邈乘其敝趣約易而隸書世漢初經世口授傳之者段以隸書而今文之名廼立狀尋之孔
壁者固猶是古文也許君古數受自賈逵爲孔氏八傳弟子其書所僞乃非孔壁原本者何也
蓋自今文盛行安國未得古文之先已爲忝帝博士叟僞歐易大小夏侯之數皆世倪寬之門
而寬曾受業于安國則安國固先通今文者其後以今文讀古文而多得之十六篇森今文可

攷遂望不傳不傳者若此則傳者已可知

禮古經五十六篇博士禮十七篇與后載同而三十九篇逸禮竟亡則凡古文傳者皆與今文無異

况獻書遭巫蠱未

得立斲官其原本已入中祕未得立即竊博士竊博士即不能通行安國雖以之授都尉朝別

開一派文不過如倪寬後分歐易斲大小夏侯斲而已其所傳之本不必即所得原本也

偽孔序云蝌蚪

書廢已久皆竊能知者以所聞伏生書攷論文誼定其可知者為隸古字更以竹簡寫之按偽序雖不盡足信狀東晉亦古未遠所言當必有據

雖狀安國既以今讀古之後已默識古誼其

傳本即代以今文其說誼必兼明夫古訓蓋既識古誼即不能不別演一師說以孖選訓于一

線馬季良云十六篇逸絕竊師說善此無古文師說固知彼胥古文師說也以史遷僅从安國

問故班志且稱其書多古文說矧都尉朝之端受古誼也第一脈僅孖不能大顯平帝嘗又復

旋立旋廢終齒漢世不絕僅如線耳迨劉歆表違古藉後古斲由此漸興賈逵之父徽受古斲

亏塗惲為孔氏嫡派弟子達傳父業復由同羈杜林受漆書知當皆正崇古文因本孔氏古誼

為漆書古文倫訓以復古書之舊其後遂以漆書即古文古文即漆書竊復區別許君从達受

古斲倫說文遂因以寧據漆書誼从孔氏耳其自序謂僞書孔氏者蓋明其古斲之所自下云

皆古文者又明所據者為蝌蚪文非謂所僞者皆孔壁原本也

孟氏易即非古文可也

且夫孔壁原本雖不

傳而漆文固顯立亏斲官師說且遞衍亏博士迺後漢書僞杜林亏州得漆書古文一卷常

寶愛之恐其將絕者何也蓋林之寶愛非愛其經文愛其古字耳是豈競尙隸書故林得此示

衛宏曰林常以此道將絕

茲據袁宏後漢紀范書改此道爲斯經誤甚尙書經顯杜林豈加目者

此道云者即指秦書蝌蚪字也鮑書贊備

衛賈馬二三君學之業不數杜林則林固未嘗傳經迺器精小數者

漢志言張敞受倉頡傳至外孫之學杜林作訓故杜郡傳又言郡字林立文字

過亏鄭故世言小數其始由杜公

故得此而寶愛之許君伦親文正崑明小數其自序論通倉頡讀者張敞之外首

舉杜鄴固隱以文字之數私淑諸杜氏也則雖誼从孔氏寧安得不即據秦書乎况秦書本蝌

蚪字非非孔壁古文迥異第云得自鹵州必非安國本之流自民間者考林嘗客隴鹵隗囂所

度其書或得方此非惟兵火流亡難存金壁林所得又統稱一卷森由知其篇數以許所引觀

之仍杜廿九篇中度其書尙不止此許不廣載之者以斯也祇重言師說之篇雖言他篇恐滋

疑誤即自序所謂倍而背徵之意耳朕非絕不一見也若藥不瞑眩實元黃方籛或疑爲引自

孟子者以外如杜夏后之調師乃插來就碁碁共十數句不知世何逸書蓋或略舉之以見例

乎以是知秦書固不止廿九篇也

法團闢謬

前人

民國紀元後吾川發現一最怪之新名詞曰法團其文既爲古今中外百科詞典中所不載其

義復爲法學家政學家文學家所不解然流行之速直如一種劇烈之傳染症無論官廳公牘報館論說文人撰述幾若不用此名詞卽不足以標新領異者吁可怪已余揣作俑之人必係一修政法學之未通者蓋彼見講錄中有法定團體稱爲法人之文不明其義以爲避繁就簡何不直曰法團而必改爲法人使人難解殊不知法律名詞每下一字其義最爲精確豈蠡測之見所能臆度者 別於個人而曰團體故凡二人以上之結合而營共同目的之事實者均得以團體 之然非經國法所認許者則非法定團體卽不得稱爲法人 法定團體何以必稱爲法人誠以團體既依法成立其應享權利卽應以團體名義擔負雖無人之形體實與人有一同之資格而能獨立爲義務權利主體故法律特認之爲人稱曰法人所以別於自然人也 國法有公法私法之分公法所認許之法人國家地方自治團體是私法所認許之法人社團法人財團法人是此外尚有以特別法認許者但非有明文可據不得稱爲法人卽非法定團體今各種文牘中輒以機關法團對舉其意似以機關爲國家各官署之代名詞法團爲地方各辦事處所及地方他種團體之代名詞是不特誤解法團並誤解機關可怪尤甚凡團體皆屬無形必設置機關始能活動國家者團體也有立法行政司法各機關國家之事乃舉

地方者亦團體也有議事會參事會董事會各機關地方之事以理是機關固附隨團體而設者也 地方自治機關之議事會董事會外其他辦理地方公益處所亦得以機關目之惟教育會商會等可稱為團體然其團體乃指該會組織體言亦非指該會辦事之機關言也如該會正副會長及其他職員即該會之機關乃一班無識者多不求甚解對於地方一切辦事之機關及他種團體辦事之機關均目為法團不知所謂法者何法所謂團者何團恐即質之作俑之人亦必啞然失笑也 余敢正告各界此後行文時對於國家機關地方機關及地方他種團體宜渾稱之曰各機關各團體勿再承襲謬沿用此怪名詞致為通人所哂貽吾川人以譏陋之譏是即余之所厚望也

擬大招

生邑學 章述蘇

黃河之流瀾瀾兮長江趨海而云云葱嶺嵯峨而為垣兮喜馬拉雅以為藩阿爾泰山扞西北內興安嶺塞朔垠中有病夫兮慙欲絕視此河山而若謏黃帝乃惻然曰嗟我子孫兮何爾魂之迷惘而不反台不招使歸來兮我土我裔其沉淪迺乘蒼蚪兮稅駕乎崑崙而下招曰魂兮歸來振奮爾之精神兮毋為乎靡傲滌蕩爾之性靈兮毋為乎繆戾魂兮歸來毋自私兮自私

攜公公其披兮公爲私衛衛徹危兮歸來歸來勿夷猶兮魂兮歸來毋狙詐兮狙詐廷人人將
昨兮衆怒難犯庸假借兮歸來歸來不可舍兮魂兮歸來壘且殘兮葦折蒼傾卵無完兮歸來
歸來毋盤桓兮魂兮歸來勿矯飾兮終日七襄不成織兮歸來歸來毋淹滯兮魂兮歸來毋閱
牖兮鷓鴣之持漁夫攘兮虎之爭餌戒卞莊兮歸來歸來毋自戕兮魂兮歸來入明堂兮明堂
覩深居迺康兮魂兮歸來率周行兮周行坦蕩行無傷兮歧岔汨徑憚亡羊兮朝鮮坵墟印度
荒兮晝視無日虹煌煌兮夜視無月弗鏘鏘兮彪駁僂僂笑狂兮獅猊厲吻髮鬢鬢兮舉趾
跼踖動鮮臧兮匍伏悚慴立若僵兮有耳如充有目盲兮六親毀滅葛籬傷兮魂兮歸來反故
厓兮恬蕩自適安以舒兮東西南北隨所如兮四時花鳥芳馥郁兮日月麗天清肅穆兮歸來
歸來娛心目兮連峯絕壑幽奇兮橫塘斷渚清且漣兮歸來歸來以遨遊兮去爾之蒙翳而
還此太康兮何甘違乎所樂而蘄鄰彼不祥兮歸來歸來毋傍徨兮魂兮歸來滌爾之心胸兮
皚皚瑩瑩蛩齧鉅負兮秦越無畛六翮豐兮橫絕天潢魂兮歸來一爾之言行兮恇恇純純鳳
毛麟趾兮抱義懷仁軌度一兮物自來羣魂兮歸來淬爾之精魂兮矯矯稜稜隼獫鷹瞿兮颯
爽平林吳鈞嘯兮氣攝月星魂兮歸來澤爾之質文兮郁郁彬彬虎變駒馳兮狐鼠伏塵魂兮

歸來去爾之雕琢兮靜一眞淳璀璨莊嚴兮葆蘊精英風雲從兮秋瓊玄冥魂兮歸來息爾之
私闕兮趙趙庚庚獅吼龍吟兮雷霆噲吟海波靜兮蛟瘖鱷馴魂兮歸來旌旗閃灼鉦鼓鏗鏘
出入絕囂滄溟振我泱泱大國之玄靈亂曰歲已秋兮日將暮樹已兀兮風猶怒葉蕭蕭兮不
得留宛轉哀吟而辭樹寒塘飄泊聚復分漭漭江水愁殺人窅冥冥兮怪響作不住哀猿帶血
鳴魂兮歸來勿遑述

提燈會記

前人

嘗聞城傳不夜宮號長明瓊樓玉宇總屬空虛貝闕珠宮無非想像今以非仙非佛之境而呈
十色五光之觀豈果落霞晚照幻爲山市海樓也哉自來人巧可奪天工故縮地本乎仙子鞭
橋自有祖龍豈必鴻都道士始驕月府以遨遊雖無西極化人能構帝居之壯麗則見夫會名
提燈慶同賜酺坊聯柏葉幕徹蓮花匹練橫空夜掩星而晝掩日藁幃而地門如錦而戶如茶
風揚而郎當玉振日出而彩麗珠騰天未晚而五色雲飛時非冬而六出花粲紅葩綠葉玉蕊
金枝帶笑含醅騁姿作態娟娟婉婉灼灼天天枯榮不限乎春秋開卸何常於朝暮但逐金刀
之剪無煩羯鼓之催街連蓬島市盡揚州隋帝之迷樓無輝齊奴之金谷寡色時則陽鳥就謝

玉兔將升家寶靈蛇之珠戶綴和氏之璧懸皓月錯明星燃渚之温犀晰晰照庭之秦鏡熒熒
眼簾乍眩不知舍北舍南腦系橫飛渾覺胡天胡帝輕揚楚竹曲唱五月梅花絲逸雲璈音調
三春白雪玉樹後庭唐從叔寶羽衣月府譜續三郎乃有桓桓武士楚楚商民白袂青年紅裙
妙女秉燭擎旌高歌徐步聲清繞棟康哉愛國之歌旆影颭風壯矣揚標之幟觀者如雲蜂屯
蟻聚從之若水魚貫蟬聯誠哉極一時之盛事而增吾邑之休光也雖然新亭對泣不免伯仁
之感澤畔行吟已生屈子之悲慨自反正而後維新以來八載之民國猶舊四方之蒸黎不寧
好兵者忘蒼生之憂樂戴盆者失白日之照臨天駟光搖攬槍影弗卽吾邊邑亦且風聲鶴唳
時聞地震之驚螢火鬼燐不絕天陰之慘因之練餉日加猛於泰山之虎雜征無藝毒於永野
之蛇豨豺獠無非打鴨驚鴛豹虎當關儘作放梟囚鳳加以水旱不時饑寒滋有石濠之吏
頻催大澤之民走險鳩居靡樂魚爛難爲咸懷范甕之思不免阮公之哭乃此衣柱之錦繡多
於機上之帛縷羅衢之珠玉多於南畝之稻梁燈炬煌煌多於烘熨之火笙簫靡靡多於相杵
之音不知此有錦繡以衣柱彼無布帛以貼膚此有珠玉以羅衢彼無菽粟以裹腹此有燈炬
之煌煌彼惟燃糠而不足此有笙簫之靡靡彼惟仰屋而長吁嗟夫雖國步之險夷難知而人

情之倉皇可見長此狂泉遍地孽海浮天則賣柑之語足思而游釜之談斯懼願我同胞燃炬西葱之頂大地同光拳旗東海之間重洋舉震庶可免燕雀處堂之嘻否則召蜉蝣振羽之刺附節孝王依孺人傳

張日昫

孺人故滿洲瓜勒嘉氏節齋公之子名圖幹恰納字廷玉之妻今四川南川尹觀君葦杭之嫂也葦杭早失怙其居官尙清節余意其得於母訓者深葦杭輒謂佐母教養以成立者多出於其嫂自悼嘆於嫂之未食其報而見背已久矣出其哀詞示余余見孺人之行有大過人者爰爲之傳

孺人出王依氏王依故長白世族孺人幼明大義聞父兄談及古純臣孝子義士節婦事輒志於心不忘年十二歸廷玉公姑早卒祖姑及鯁翁在其夫爲瓜勒嘉氏獨子習國書孺人奉祖姑及翁盡婦職家貧以織紵佐菽水其夫銳志進取積勞成疾考中筆政未補官而沒年二十有五孺人時年二十有二祖姑先其夫卒堂上一翁堂中一婦瓜勒嘉氏之緒將於是絕翁憫孺人苦節謀以旗人子爲之後孺人長跪請曰孝莫大於有後願爲後者必一脈相承撫他人子終非骨肉不足奉大宗願翁娶後姑延似續翁家累仁厚天不絕瓜勒嘉氏之後必將有子

庶一脈傳於勿替而祖宗靈爽以安翁方傷其子固却之孺人請益堅乃從其請娶繼室生子觀成成生七月而翁沒孺人哀其姑少寡奉養有加而解其憂者倍至躬操作給衣食助其姑撫孤嘗指成謂姑曰瓜勒嘉氏世樹德他日綿宗緒而充門閭者於是乎在蓋深幸其翁之有子以爲其姑慰也成少長勸以讀書明義理成年二十爲郡諸生二十七舉於鄉家貧如故孺人操作亦如故初孺人因勞得腫疾不忍自逸事輒代其姑庚辰夏成有子而殤孺人悲感疾益漸數月卒年五十有四其姑慟謂成曰汝亦知吾之爲汝家婦而生汝後瓜勒嘉氏者事悉由汝嫂乎今死矣欲報之德嗟何及矣成旣厚葬孺人復以節孝請於朝坊表墓門而命其子鳳瑞承兄祧以奠孺人之靈於地下余惟曲全孝義婦孺所難孺人懼瓜勒嘉氏之緒中墜而爲謀似續卒成其志其誠殆通於天矣孺人無後而有後宜哉贊曰

撫他人子與所生異翁而宜子惟天所置此老成之至計何孺人而若是智語云有志者事竟成蓋瓜勒嘉氏世受其賜而適以完孺人之志

附憶兒詞

知南川縣觀 成

憶兒時羣兒戲羣兒有父遺餅餌歸問母與嫂吾父在何地母泣未言嫂垂淚 母曰嗟爾兒

總角失所恃十五娶汝嫂中饋出十指兄能三餘讀父書泥金甫捷芳蘭枯爾嫂血淚紅高堂
痛有翁 掩啼痕慰鰥獨庭前奉甘旨房中飯脫粟徽冷無絃琴泣涕請重續一片血誠翁感
孚孀媳爲翁迎新姑 吾入爾門來一見心相契禮在別姑媳情親宛似姊同年孰爲長媳少
姑一歲 期弄璋偏弄瓦瓦聲呱呱驚散盈庭來賀者爾父吞聲哭爾嫂笑可弔思飯得粥終
勝枵腹婆娑有華朵轉瞬看結長生果 爾父繼生爾手顛心冲冲焚香答上蒼燭插香爐中
有子可望繼吾宗成名那計見當躬乳兒肌膚赤老父頭顱白 明年一病入膏肓嬌兒嬉笑
暝枕旁呀呀抱父如抱娘不知病父中心傷永訣惟爭頃刻光 吾延殘喘忍不死只爲汝肉
一塊耳淚珠何物差堪擬雨溼梅時冰結霜裏千里湘江水 姑媳茶蓼撫汝襁褓年年晒書
望汝學飽撫姑多撫叔少無叔求叔得叔撫叔而尤少之少苗秀而實宜將本葆倘無催耕何
有晚稻昔有韓侍郎爲嫂服素縞今有胡觀察坡雲爲嫂陳疏稿汝若能得五花封謹乞殊恩馳
汝嫂親恩固爲根嫂恩亦非杪

右文二篇作者及事跡與南川無涉但觀爲邑賢令在任時以文傳示邑人媳全翁後叔蒙
嫂恩庸行奇節動人觀感志載於外紀今直登之藝文

重修南川縣志

藝文下

詩選

恭和聖製木蘭圍獵詩

章杰生

萬馬嘶風旆龍旂識聖顏
鳥飛銀海外春度玉門關
一發前禽獲三驅四牡閑
寰中孚化久示禮及諸蠻

帳殿鬱晴荒從天下朔方
牽羊新附虜前馬舊降王
箭中青城鶴威嚴紫塞霜
側聞諸部落歲歲問天皇

恭和聖製元宵聽雨詩

前人

便抱祈年意春燈樂事賡
偶隨金粟降如聽管絃聲
太史書雲物游人重月明
九重恩澤普綠野正躬耕

醉後直寓白髮青燈更嚴漏永偶萌鄉思成七絕二章

前人

大羅天上涵仙班猶是諸生舊
日閒禁院森嚴沉鎖鑰
夢魂飛不到人間

六十書生上鳳池人間回首耐相思岩扉掩映泥金紫一樣日光晚照時

附贈南川章紫航

潘世恩

丹陛趨承蔗境殊金山百鍊冶洪鑪岩岩氣象鬚眉活一幅霞光晚照圖

山光日影燦天葩赤壁丹崖鬪晚霞聞說黃昏無限好肯教終被白雲遮

時官刑部

曉望金山

張謹度

山勢如文勢奇離奪化工路迷青靄外雲起翠微中歲冷鶯花寂才疎天地空何時招白鶴長嘯入崆峒

豐年歌 并叙

邛治之世民和年豐今道光元年秋更大熟雨露之及於偏隅者誠靡有涯也因誌以詩

南山之南北山北良田可墾泉可資衣食租稅欣有託耕桑猶得報明時况自高曾逮我身服疇食德世於茲生我盛世士與農藜藿雖粗甘如飴但見芳郊雨歇後蒸梨炊黍餉東菑青笠綠簷叱犢斜陽古木祈蠶祠東疇耦耕夏耦耘歌聲秧鼓相娛嬉今年稻苗高過人猶說去年盛於斯種稷百有五十日一晴一雨恐愆期金飈淡淡吹人衣晚涼觀稼一筇持介我黍稷

盈我庾穀我士女觀我頤螟騰已銷炎火界篝車不待甌窶祈農夫之慶曾孫喜九重動色保
介咨太史書雲占大有珥筆敬進豐年詩詎識田家炙背樂都煩聖人宵旰思大家玉食何厯
念幽風圖與無逸辭溥以井養受以益持盈保泰臻重熙豈無木饑與水毀陰陽調燠燥溼宜
君不見螻蟻感德而無補蚩民戴天而不知書生竊愧涓埃報庇身長願仰皇羲

西崖晚眺

萬樹蟬鳴日落遲秋聲秋色滿山時牧童何處歸來晚慣在煙中捲葉吹

春日青雲書齋

十里春晴望眼賒清溪流盡遠山斜小橋幾疊花千樹二月棠梨燕子家
中峯日上散溪煙人在蓬萊絕頂間我做桃源山萬仞此中鷄犬欲升天

咏徧佛寺牡丹和甘舟之

應均

無此名花不算春移來坐上想丰神文章華省推冠冕門第東皇署縉紳感遇漫誇金谷客呈
材應號玉堂人樓臺富貴標佳咏絕似先生自寫真

徐勉茲明府重修隆化書院

乙亥

周士岳

循吏龔黃匹善我首究圖烹鮮雖小試造士實良謨匹馬程初歇宏文澤用敷傾囊增藝圃集
腋廣書廚爲拓崔儻室因招沈約徒堂皇成矢棘踴躍效鳧趨高朕追芳躅文翁肇遠謨分金
求八索庀硯寫三都象著鳴陰鶴情同在藻冕鎔材真鑄冶問字競提壺砥礪山多石方員水
範孟薪標心自切踔躐手能扶撥翳防捫舌和聲草濫竽勗哉虧一簣行矣反三隅雨化滋新
譚雷同謝故吾崇朝看祓濯回首愧荒蕪甄別冰霜厲恩膏雨露濡倉儲分白粲笥篋散青蚨
種得昆山玉收來合浦珠三場羅竹箭二綱盡珊瑚芹藻欣連茹膠庠美唱于香纒榮璧水路
又近天衢戢戢龍門鯉昂昂洛水駒明年丹桂發攀折聽歡呼

望九遞山

周立椿

煙濛濛雨濛濛何處飛來倚碧空石壁張列城之東突然峭壁摩蒼穹雲蒸霞蔚碧玲瓏陰晴
倏忽眩雙瞳但令懷古發幽衷君不見太白讀書匡山中名山著述萬古同吾聞四十八渡路
潛通何不穿雲鑿石卜築蓬萊宮長吟俯嘯追天風不然便是神仙山可望不可卽千秋萬世
惟有楓葉夕陽紅煙霞誰作主人翁

望九遞山

周澍章

竭來九遞駐花驄招得煙巒到眼中峭壁雲封千仞碧斜陽楓冷半林紅雁行歷亂迷晴嶂鴉
點零星墜晚峯踏遍齊州煙九點此行應不負雙瞳

澄海樓放歌

周立矩

人海卅年何擾擾使人不得開懷抱忽然萬里豁雙眸縹緲飛樓倚天表樓頭一望空無礙放
眼直出青天外茫茫大地果是一梯米盈天地間一水耳一島一洲一國土百千萬國如碁布
想從彼處望中原亦祇一髮波濤間日出霞紅波照耀濤頭出沒金銀山百寶生其中日月出
其裏不知日月之外更有幾萬里眼光到處青濛濛我欲御風選造咸池東快睹蒼蒼盡處是
何物捫參歷井遊蒼穹一杯復一杯鈞天樂奏天風來龍吟鼉吼撼絕谷洪鐘巨磬聲如雷此
時快意世未有狂吟掃壁龍蛇走筆濡蛟宮水把酒問青天瀕洞巨壑無所用何不盡化爲桑
田耕黎萬古不能盡可使宇宙歷劫無饑寒蓬瀛方丈諸神仙芒鞋竹杖徑可到神仙與世常
往還何用雲濤煙浪隔洶湧禁使不得通人煙不然海水盡變爲酒泉招邀自古詩狂酒客痛
飲千萬年一消從來窮愁抑鬱同登仙胡爲乎無邊無底徒爲萬怪窟宅蛟鼉淵擲筆天驚風
雨落波翻浪涌恣噴薄憶我平生汗漫遊煙霞萬里窮寥廓南浮海舶浴日亭東觀海市蓬萊

閣天公有意教作北溟遊浮家榆塞非飄泊非飄泊且流連兩間何者非夢幻往來古今惟有
海水空連天大笑世人齷齪塵寰中蠅營蝸鬪無終窮井蛙眼光如豆大何不來觀大海開心
胸吁嗟乎何不來觀大海開心胸

望金佛山在隆化書院作

周士岳

不用玲瓏鬪好峯扶輿磅礴此爲宗石蟠窟宅藏霖雨松作波濤起臥龍天霽每霑清露早身
閑自愛白雲封兒孫羅列知多少數偏千重更萬重

重遊太平寺

周立綸

尋春又度碧山巔回首初來十二年兩鬢成霜人老矣諸峯如畫景依然鼓鐘聲徹層霄裏桃
李花明夕照邊一二朋儕閒話久晚歸沿路踏蒼煙

附 壬申客吳門讀周石書近詩

張問陶

頻年才退筆無神大喜狂歌有替人儘我寒燈歸白社望君飛屐踏紅塵生來逸氣誰能滅老
去情懷倍可親大海遊蹤他日倦壇花休忌結仙鄰

附 偶讀周篁村時藝

石彥恬

時套文章土上塵漫無才識敢言真平生我見周夫子陡壁摩空但寫神
豫章七載人纔識檀木三年便是材白髮相逢雙劍合聽君斫地爲君哀

四十八渡

周伯寅

清流屈曲走驚蛇夾岸陰崖錯虎牙一渡一溪三百步誤從溪口問桃花

遊金佛山歸途題壁

前人

一枝邛竹一詩囊兩腋清風送夕陽幾度別僧還小立天生兩眼爲山忙
脫下芒鞋付小溪桃花送入武陵溪眼光落處多詩債留待重來細品題

送人從軍

前人

寒夜雞三號壯士肺肝熱拔劍花怒生旋舞落飛雪入海截波濤上有老蛟血蝕作太平字千
歲字不滅

久客北平思歸養不得

前人

鳳雛毛五色不能代雞鳴龍駒走千里不能代牛耕有子遠封侯何如編戶氓大兒進麥飯小
兒奉藜羹新婦織纖手濁醪三五傾一酌百愁遣再酌百喜生古來田舍翁得壽齊大彭

望西嶽

前人

河流忽一曲太華見真形出雲千萬仞天地半州青似此方名嶽鍾英合降靈汾陽與伯起百世有餘馨

病中攬鏡自嘲

前人

頭顱如此百無能賴有癡頑或壽徵山水已遊天下半請君歸作在家僧

瓜代人至病亦小愈喜成二絕句

前人。

分土剛能三十里離家還隔萬重山而今始解天公意要與衰翁一味閒
一病拚爲泉下鬼重生疑是夢中人而今始解天公意要促衰翁早退身

歸田樂

前人

不入州衙與縣衙松篁多處便爲家客來佳話淮風月睡起餘歡足酒茶學語小兒教識字牽衣稚女解芸瓜從今不作南柯夢只買奇書一兩車

采蓮曲

章同

蓮子似儂心蓮花似儂面花開有謝時此心終不變

西湖風細水紋斜
越女凌波踏淺紗
盡日采蓮歸去晚
半船明月半船花
西湖六月藕花香
日出吳姬蕩紫忙
一曲陽阿人不見
畫船撐入水中央

打魚歌

前人

煙霏霏雨霏霏
打魚人唱鱖魚肥
鱖魚水深不可釣
空餘明月滿船歸
漁人歌罷不知處
落花芳草迷歸路
款乃一聲何處尋
綠蓑猶掛垂楊樹
回首雲山隔畫屏
但見兩岸蒼茫飛白鷺

渝城觀燈詞

前人

尋常無此好樓臺
繡閣紅窗面而開
轉眼天龍飛上下一齊啣
出火珠來
火樹星橋徹夜輝
遊人踏月去不歸
諸天歡喜維摩笑
散得天花滿地飛

題劉君鷗湖幽居

前人

古木陰中屋數椽
幽棲四面碧雲環
女牆低繞簷牙過
恰好憑欄看遠山
亞字欄杆壓砌平
不施丹粉轉華清
山光繞屋軒窗淨
聽罷琴聲聽鳥聲
萬綠陰中過暑天
清涼居士卽神仙
手把隨園詩一卷
醒來吟咏倦來眠

庚申二月二日移館中江寺偶作

余硯田

家計安排定囊中檢舊書暫離慈母膝來伴老僧居臥榻塵先掃荒階草漫鋤紅爐煨炭煖白
紙補窗虛且喜禪林靜翻嫌酒友疎老松號峭壁寒竹壓前除綠柳何年種柔條此日舒汲泉
煎細茗習雨剪新蔬蒲饌香仍好芹羹美可茹不妨來有客每嘆食無魚散步春深候偷閒午
課餘門前好桃李爭放競何如

古寺

賴松雲

古寺寂無人四壁懸蛛網偶來香界游時聞清露響鼯鬪庭除莓苔生方丈潭水清且深悠
然涵萬象殘碑臥夕陽猶存字三兩憶昔廟祝肥車馬時來往銀燭耀輝煌春秋隆祭享盛衰
不可憑一旦淪荒莽惟有山頭月夜夜照軒棂

秋夜獨坐

前人

霜寒遠山空一輪秋月朗幽人夜不眠靜看竹露上萬慮與時消天地隨俯仰颯颯西風來落
葉挂蛛網妻孥喚不應嗒然倚軒幌

暮過洞泉菴

前人

蒼蒼蕭寺遠鬱鬱綠陰稠一犬吠寒月孤僧眠破樓雲馱飛鳥去水帶淡煙流客路誰相識悽

然結旅愁

小院

前人

小院無人到苔痕綠上堂懶貓看鼠鬪病蝶抱花僵竹影橫窗暗松聲入座涼課孫書罷讀岸
幘倚匡牀

夏夜

前人

入夏簾頻敞良宵信快哉月穿雲罅出風載水聲來露竇涼無暑槐陰淨不埃一樽成獨醉螢
火墮空臺

夢泛舟夜下銅鑼峽

前人

掛席中流下平沙帶夕暉栖鴉爭獨樹漁火出雙扉風緊帆如駛山高月欲飛十年游覽處一
夢尙依稀

暮投雲都寺

前人

疎鐘隱隱有餘聲晚向雲都頂上行繞棘穿荆斜照裏亂山聳午不知名

黃河

徐大昌

崑崙三萬里活活勢方長
南北九州折乾坤一氣黃
何人能約束隨意改滄桑
欲問乘槎事天高路渺茫

泮關

前人

門戶蒼然雲氣中側身千尺見河潼
魚龍夜枕高城月虎豹朝呼大壑風
北指星河臨雉堞西來禾黍弔驪宮
桃林百萬無消息惟有黃流盡日東

枯桐行

前人

自序 爲張藥農作也庚午秋予與藥農訂交嘉州十月藥農觴予與李鑿洲同年於枯桐閣酒酣刻名桐上自是不復見昨歲予客京師藥農沒於長安今年予往訪其子少農樹底題名猶在也

枯桐春雨開桐花鳳凰飛去天之涯
鳳凰一去不復返落日西風閉空館
館中兄弟不可當聯翩五馬尙書郎
封胡羯末競追逐瑤枝玉樹森光芒
卓鄭聲名朱郭俠蠅拂塵尾仍家法
鳴珂舊接竹王祠買山近傍茅君峽
當時車馬何紛紛公子豪華天下聞
哀絲豪竹清江月碧瓦朱甍中第雲
重城夜鎖開文譙綠珠歌好紅拂豔
三千珠履燭光明七十鴛鴦春色亂
座中嬰鏢

老曼卿白龍騎歸萬事輕朱季南陽新把臂顧榮江左舊知名興來欲鬪城南句罰出先依金
谷數鉢聲催夜不知寒月色戀人常掛樹明日思遊華子岡奇花先放石淙莊海棠溪畔猩紅
溼巴蔓城頭螺黛涼紫絲步障香塵軟一汀變酒猶嫌淺紅裙烏帽儘倘佯白日黃雞漸流轉
人生適意易蹉跎及早功名慷慨多起折桐枝贈今雨醉攜桃葉渡黃河長安車轂如流水張
融東出爭倒屣琵琶司馬有詩名湖海元龍無餘子十載花門未罷兵五陵烽火少人行千里
軍符催捧檄百盤雲棧遠呼庚一帆風下青衣水六月江頭紅荔子負弩朝迎駟馬橋識荆夜
叩烏尤寺隴西李白是同鄉汝南穉子偶相將還趁峨眉半輪月下作渝州十日觴笙歌夜暖
芙蓉帳暖詩美人坐相向卽今席上主賓歡不減當年丈人行主人笑指扶疎根此是閻浮再
返魂入世榮枯渾莫定看人離別總無言酒酣驅馬劍門去我亦徘徊燕臺路破帽淒淒蘆溝
橋黃衫落落桑乾渡太華秋高見落暉葛洪井畔信終違鵲嚙蜀道魂何遠鶴返遼天事已非
粉江十里平如鑑神龍躍去無雄劍偶來爨下感中郎翻使鑑湖悲賀監往年寄我虬松枝長
風颯颯開鱗而今年過君枯桐閣淒淒秋雨鳴階墀前枯樹今猶在主人手種胡不待碧玉
樓中歌舞空黃公壚下風波改龍門老幹鬱青蒼須記栽培舊意長密葉穩將雛鳳宿濃陰留

待春令翔何人擻笛吹明月使我未老添華髮傷心樹底舊題名蘇字斑斑猶未沒

綏陽行

前人

天陰陰雲墨墨背上小兒無人色小姑牽弟婦扶娘空村千里逃綏陽蜀中自古稱天府兩載
甌婁多乾土中戶凋零小戶空富人如虎貧如鼠鼠未盜粟虎忍噉肉輸租不足傾家償搜括
那容留斗斛叱之如奴驅如牛窮年腰斷東西疇一朝盡入富人室暮歸破屋風颼颼中夜傍
徨喪魂魄傳聞綏陽賤穀食明知徒手去何能勉強欲留留不得嗚呼累朝薄賦愛斯人蜀賦
之輕尤無倫君王自薄富人厚同是天家土地民

當清光緒前二十年黔邊諸縣經土匪蹂躪殺戮空虛有土無民邑人困窮逃生襤褸顛連
纒負而往成羣載路以赴綏陽者爲尤衆然皆胼胝瘡苦豐年樂歲不免死亡之佃儂也錄
公此作以見社會貧富不均兼并爲害之情狀

苦歌辭五首

前人

有池有池多北風

時寓浴池上

竹樹瑟瑟鳴寒空地爐燼冷炭不紅愁人夜長思無終人生百年駒過

隙何苦隙中生蓼蟲木根斷葉枝葉碎波間白鳧成衰翁嗚呼一歌兮歌始作寒燭孤燒淚先

落

有桐有桐遭陽春花花葉葉相精神紫雲簇簇映早日翠鳥雙雙鳴佳晨一朝春盡風雨急枯

枝餘子皆酸辛子落風迴不反樹株乾泥爛根成塵嗚呼二歌兮歌何哀眼前萬事成寒灰

有子有子頭角成琅琅三世讀書聲大父傳經手親點大母添衣隨陰晴北堂風雨纏幃冷刺

臂瀝血何精誠先慈病革柏兒割臂天及辛別泣麻衣皆漬血鴟鴞啄屋白鶴杳五年夢斷緱山笙嗚呼三歌兮歌正長衝

波逆浪方未央

有姪有姪嬌如花聰明玉雪無纖瑕生小喜隨何伯睡牙牙抱伯如抱爺下學刺繡春書永十

三女兒雙盤鴉一病望伯無歸日黃土不埋魂天涯嗚呼四歌兮歌嗚咽鶴唳秋山憶臨穴

有弟有弟叔乃豪幾回霜翻凌秋高狂風吹空落其毛弟三暮不售已卯巳中復以微疵見摘歸來俯仰增鬱陶雛天

卵破兩翼折人間何處容翱翔鴿原春雨誰夜泣蠻山萬疊飛伯勞弟病革昌在平武嗚呼五歌兮歌聲

酸松州雪山天半寒

秋日黃鶴樵明府招飲尹子祠

前人

抱郭連峯翠作環溪光分碧送潺潺吳儂祠宇湖山曲蜀守風流水石間秋入市聲知歲樂門

延野色少人關登堂自下千秋拜不為高樓風月閒

汝南經學遍遐荒惟有彭宣到後堂千載瓣香巴子國一溪配食水仙王儒林循吏同龔業丹

荔黃蕉供佛場結契莫嫌人代隔好分菊盞味新涼

高樓一上莽蕭蕭遠近秋光手欲招青嶂碧溪亭畔路釣絲人影夕陽橋山城點點煙生白野

水茫茫鷺下遙我昨北還登雁塔咸陽風雨太無聊

曲欄抱水暗流通纔可蝸廬地半弓三徑蘚深蕉院雨沿溪雷轉水車風人行月鏡空明裏樓

在花陰蕩漾中醉後瓊瑰堪洒面莫教北海酒杯空

題宋宸東戎馬書生圖及送其歸屏山

草軟沙乾十里平長松颯颯作軍聲

圖中一少年手書坐松下一人戎裝立後一笑奴牽駿馬方渡塵

九天鼓角奔騰急大野風雲蹴踏

生耳上英雄應有傳眼前蕭散若無情只愁誤入凌煙閣又惹丹青世上名

醉飽番兒樂笑嬉南人不反已多時年來自覺髀生肉事後誰思手不龜舊業菊松猶有徑殘

年風雪更臨歧憑君歸去花叱撥為我南山覓豹皮

浴覺池夜坐

前人

永夜月留客多情風養人地偏無動靜天闊自星辰河漢流何處乾坤綴此身勞生回首半猶
自憶車塵

山路着雨

前人

林風動翠巖嶺日轉涼暉人坐翠微語鳥穿白雨飛行行下山路物物含芳菲黍黍愁迷路喜
逢薜草歸

山齋獨坐

前人

退谷逃晴日空天轉漫雲意閒多獨見境靜有幽蕪遠水秋逾白深林藥白聞寒山無剝喙不
用謝人羣

雨霽

前人

久雨初收溜朝簷稍見暉寺推高樹出山帶亂雲飛買米渡猶隔還鄉人未歸莫便捐團扇大
火有秋威

人歸

前人

人歸江上寺雲下江頭樹相值半山中各自任來去

步城西一帶田家

前人

密樹團溪綠疎籬補椽紅兒騎牛背水花扇蝶衣風釀熟場將築人歡歲識豐城西偶行處幽興自無窮

積水寒潭碧晴天大野黃草聲飛蚱蜢山氣下牛羊避路防歸市倚橋貪晚涼辦香還小憩前輩有祠堂

醉歌

前人

君不見蒼蒼之氣名圓靈玉皇高坐拱列星一朝缺陷不自救媧皇採石燒天青又不見搏搏之士起畢昂萬千須彌如芥小鰲戴一驚滄浪翻坐看桑田長蒲蓼天地自家有時無主張而何怪乎世運之迷茫倏忽荒唐混沌死紛紛神鬼爭披猖我朝列聖御宸極厚澤深仁古莫敵積德非徒十五王流沙遠致三千國塌來世事多顛倒堂堂人物污腥羶已見蛟涎流海濼更愁夔府上皮船水之怪龍罔象山之怪夔罔兩高門大宅金爲榜子孫陰換馬留人江海雄居龍斷長况復喜人怒獸無時無黃龍清酒盟模糊南海明珠辭合浦西天鬼火照浮圖舜羽兩階有苗服禹會塗山防風戮六月師興獫狁伏五原塞款呼韓裔自古德威雖異用頑梗原自

無多族豈知三千年後心孔開九萬里外肉飛來
蜃樓書湧金銀臺海若天吳紛喧騰去年鄭
州報汴鴻雁哀鳴眼流血今年白浪更滔天聖人
宵旰心如結計臣束手疆臣拙海防河防
事机障我昨排雲叫天闔上乞六丁六甲之神
驂豐隆鞭列缺御阿香赫然震怒來帝旁車乾
龍伯國傳打牛魔王更取天上之水縮成一線細
杳然到海人相忘帝臺百神醉未醒天曹事
少日酩酊皇靈不鑒余精誠稽顙出血首未肯路
逢若士笑摩頂謂我胡爲強且婞天原夢夢地
亦等汝生安得目炯炯不如歸去大家一醉千萬
年醉中之魂化爲撻賊挺

飛絮影

李天柱

一縷芳心一縷煙隔牆頻送過鞦韆團成滿岸三
春雪繪出江南二月天春夢有誰知幻境化
工無地著飛仙漫空起舞人人見不逐東風上下
顛

脫盡輕棉襯好粧縱然消瘦不須藏亭臺欲著何
曾著踪跡非忙恰似忙雖有畫工難寫照豈
無才思敢輕狂萍踪最怕隨流水亂撲東風舞夕
陽

色色空空半有無斜陽明滅亂平蕪枯衣始訝痕
原活照水方知粉不濡風淡淡時依樣舞月
遲遲處儘神摹飄零畢竟歸何處暫向池臺點畫
圖

不是倪迂不許描分明鳳泊與鸞飄餘姿漾日暉難斂別緒和煙澹弗消江上夕陽留畫本檻邊流水映晴橋有時飛向層空際疑是明星影動搖

落花聲

前人

風聲作怒雨聲驕不點芳塵點畫橈蝴蝶夢中驚睡起鷓鴣啼過黯魂銷幾家古調歌殘月何處空江咽暮潮一樣花開千樣落分明聽徹可憐宵

咏梅花和韻

前人

隔年芳訊又潛通不仗東皇雨露功繞屋何須三萬樹化身奚啻億千翁更聽舊曲吹羌笛猶憶新粧點漢宮珍重灞橋風雪擁一鞭驢背暮匆匆

聲聲玉笛弄黃昏雪滿關山夢有痕殘月曉鐘清遠寺小橋流水淡孤村甘於冷落霜無著脫盡寒酸品更尊愛汝高標饒遠致日來倚樹倒金樽

晚上二郎關

張大鑑

纔上雄關又碧霄晚烟橫翠影迢迢人從絕頂峯頭望猶聽江聲湧暮潮

大佛渡

前人

船到嘉陵水更陡先聞大佛江聲吼怒濤萬頃天風號舟子停橈不敢走每因客久各思家肯
戀天涯與水涯須臾移向江心裏滿船人聽寂無譁雪湧如山形岫吻船在波中帆影拂前舟
後舟一齊沈口口聲聲唵大佛大佛無聲水有聲此時身比鴻毛輕欲上船頭見船底一波未
已一波生嗚呼人生遭逢何不要作砥柱立不朽安危呼吸有主張任他水湧大佛口我心
悠悠與水同欲挽狂濤江流中何時始破萬里浪一洗窮愁乘長風

宿雙洞場不寐

章登嶧

兩岸銀山湧雄驅島嶼行大江淘客思一夜枕濤聲鱗景何人繪烏魂幾處驚無聊閒覓句雙
管響錚錚

靜坐偶得

前人

初入詩門境甚寬縱橫自詡厭騷壇歷窮九轉三升後始信千秋兩字難固執莫從一己見吟
成要與萬人看今宵昨夜君知否一樣月明獨倚欄

前人

讀徐筱蓀孝廉客夔巫漢陽燕京諸作卽仿其體
一笑難爲弟甘心事友生千秋垂大集五字抵長城鏤錯花爭艷光芒鬼欲驚夔巫流筆底颯

颯湧波聲

雅得江山助風雷腕底生有詩皆萬里無夢不三更竟擬拏雲健真成破石驚獨憐燕市上無我亦孤鳴

忠信不尋常扁舟渡漢陽安排強弩箭狀出大文章韻撼波濤險帆飛島嶼忙蛟龍知得句一笑枉披猖

壯歲猶如此襟懷安可期一宵離別感千載性情詩把酒思諸弟從軍慨盛時那堪風雨夜重聽烏聲悲

涪州羅漸九別時言將應爵帥鮑公之聘

前人

領袖涪江兩岸雲詩人餘事靖妖氛魚鴻梗滯空形夢虎豹韜鈴定不羣萬里全憑三尺劍奇才大將軍早知相別還相憶何似當初不識君

扳周灼三世前輩談詩戲作長句

前人

晉豕魯魚開卷滿杖杜弄鑿亦訛舛蜀犬吳牛寡見聞車用金根疑杜撰未必有人丈過天地八十二萬程紛紛何必苦窺管先生有意頽波挽斟酌百家悉披覽元元本本具胸中對之勝

服清涼散囊空煮字亦療饑萬卷填滿七尺軀貯之並無築室費久貯亦無朽蠹虞祇憐貯久
更作惡口張便欲爭先躍吸神取髓棄其糟吞到牙關還細嚼有時晒腹中庭仰捫處淵淵金
石響有時長嘯一聲震天地呼吸嚴挾風霜氣一涕一唾偶隨雙足落塵埃山徑都無茅塞蔽
愧我誦性拙腹無書一卷對君不起臨淵羨翻妬十二萬年以來許多心血著成書都供老饕
一人噉無饜年少不廉懶殘奴垂涎似亦未能無幾度欲開卷躊躇復躊躇我聞廉頗戰爭苦
年博八十猶如虎武侯軍前但指揮行年五十大星歸都緣字多難谷粟不如武夫空空腹持
此兩端疑信半呼童掃徑邀君飯天公恐我窺破先生食少懶讀書旋來奪去不許看疑團既
不釋稽康原散漫不藏酉山萬卷書還磨哥舒鎗半段專待箇中勁敵來不嚇人間門外漢君
不見文壇詞社大將軍紛紛騎豬正南竄

贈徐筱菴孝廉

前人

談心憶昔氣如虹弟後兄先欲化龍每倚聰明輕格調不將苛刻失英雄盤渦怒起吟懷健被
酒狂呼醉態工回首不堪蕭寺壁君詩已是碧紗籠

祭竈

前人

歸去來兮曙色催神仙行樂與人違瓊樓玉宇都不住要向人間管是非

雪夜偶成

前人

雪花性桀驁逐出衆香國挾憤作福威晝夜同一白助虐有風姨抗顏惟老柏世界殊清涼草木皆失色不意有梅花對雪翻得得獨自送春來江南兮江北相持未七旬有雪恥且格是知梅猶人英雄出草澤少頃白雲開紅日照塵埃相傳芙蓉帳花玉坐柳臺王曰兪汝來百卉爾依歸子孫作鹽梅世代占花魁

記遇髮匪

吳炳奎

道光癸卯余始生同治壬戌邑被兵父沒母病弟襁褓身冒矢石護入城祖父有膽不畏賊未敢頃刻離祖側二十三日遭賊虜智尙能脫祖不測逆天僞相李復猷驅民如鶩向南遊日行四十五十里四月九日到瀘州合江之南黔之北蟻聚蜂屯十萬賊殺人淫人火人居傷心慘目不敢言賊重我目能識字呼我先生掌書記日寫路票與門牌身雖無恙心震悸只恐偶遇駱家軍駱文忠玉石一朝俱被焚每值夜靜欲逃亡又恐離虎入狼羣日持兩端戰胸中畏首畏尾嘆途第十二日交仁懷界忽見重關百丈雄石岩一洞鑿山半避賊鄉人聚不散拚生罔問

路高低身衣賊衣忘更換鄉人誤認賊來掠避者避去縛者縛不遇趙家兩師弟趙秦肉已早
飽山之鵲端午節前生還家庭樹仍開去歲花拙荆一見喜無言抽身告母忘烹茶母見翻疑
夢恍惚半响凝癡話不出更有祖老難爲情喜極反放大聲哭嗚呼險之又險危復危剩此藐
孤亦覺奇人祇一天我獨二木本水源大可思光緒甲申二月天屈指剛周廿二年但願兒曹
蒙厚福一生目不見烽煙

解嘲

前人

花開千百朶未必朶朶紅詩吟千百首未必首首工憶昔風雅作體隨時變通名歸極盛者李
公及杜公抽章摘字句亦有隙可攻况我後學輩僻居深山中聞言雜鄙陋見地只平庸年來
愈無奈髮白成衰翁恐致俗人厭強學癡與聾借作消遣計何暇諧商宮或體拘而散或氣聚
而充或味淡而永或詞腴而豐或興豪而宕或境清而空自成一家言足追古人風中郎身死
後若個識焦桐昨來一酸子唧唧類夏蟲笑彼鑿冰者胡爲聲沖沖

野草

前人

園荒金谷黯銷魂誓不重生富貴門南浦自饒新碧色西園猶帶舊燒痕供人吟咏曾通夢受

我栽培不報恩牛馬亦知天地德半留枝葉半留根

春雨

前人

連宵春雨潑如油澤徧郊原汨汨流一樣天恩無厚薄桃花含笑柳含愁

端午

前人

乍晴乍雨過端陽子午蓮開豔不香客到喜談天下事誤拈角黍蘸雄黃

感慨

前人

不合時宜一肚皮卅年閱歷已深知人心似路條條險世事如棋著著危露重常防春起早雲深惟恐夜歸遲每逢客到呼童囑只道阿翁近似癡

家子春教授致仕

子春
蔡人

前人

不戀松州肯宿餐扁舟遙載硯田還非無斗米留腰折為有尺書待手刪品在齊梁人以上身居唐魏俗之間孝廉船上風帆利四十年無一日閒

次家柳堂

名可讀甘肅
蘭州皋蘭人

御史絕命詞原韻

前人

遺疏淒涼達禁中身拚一竭史魚忠已無額血污楓陛剩有精魂扈梓宮年老桂薑天性烈歲

寒松柏晚操隆濟川枉說多舟楫大統維持媿此公

諫草鈔傳遍國中無人不諒死臣衷光輝未捧長安日奏議先藏毓慶宮縱說聖朝家法異須知薄海此心同一言已立人倫極匪石移西席卷東

卽景

前人

暮探石菖蒲途逢熟客呼一時忘姓字回首問樵夫

望金佛山謠

闕名

朝望金佛山暮望金佛山金佛何崔嵬縹緲雲霞間

閒書十二絕句

錄第一二五六九

同前

詩心閒裏喻書味靜中長庭葉深難掃瓶花久不香

暖閣西窗下紅泥小小爐銅瓶煨活火杳杳聽笙竽

插竹標花種編籬護芍芽一般閒裏事清供在山家

探梅過竹塢踏雪訪溪橋瞥眼前村外春痕上柳條

倚園幾株松遶屋千竿竹天青涼雨過萬瓦一齊綠

遊伏虎寺

同前

入寺不知處繁花一徑香松青標佛坐竹翠掩僧房地篆笈紋滑經繡貝葉涼伊蒲供晚膳一
磬徹虛堂

夏日與諸故人游普澤寺晚歸遇雨既而月明如晝

同前

步出城西門言尋普澤寺寺古建何方崔嵬城北峙到來足幽賞山扉花竹媚條然方外遊迴
異塵囂聚迴首望城闌萬家煙火次佛香繞諸天古壁圖畫麗碑碣字剝落百十存一二欲讀
口若箝僅識創明季於今五百年殿宇依然治風霜歲月深俗競傳神異偶遇白頭僧談笑無
塵事導游祇樹園百卉挺生意門前雙古柏黛色參天翠栽培不計年閱人知幾世是時暮煙
生暝色來天地笑語諸同行盍各言歸去忽然雨聲囂亂灑飄風墜須臾雲氣滅璧月當頭至
琳宮別未遙鐘聲紫耳際

馮驩

同前

長缺三彈似患貧一朝市義徧齊民英雄天性輕財利慷慨休諉借別人

七月九日夜雨

曹因培

傾盆聲勢極喧騰，震蕩無端到酒杯。幾點疎鐘收雨去，一聲孤雁送涼來。時聞殘滴生秋思，乍擁寒衾結睡媒。好借邯鄲仙客枕，黃粱未熟莫先回。

曉望

前人

涼秋早起避殘蚊，野岸溟濛色未分。幾箇鷺鷥沖霧去，四山溼氣一天雲。

桂湖謁楊升菴先生

前人

又得先生壯蜀都，文章氣節一朝無。蠻煙瘴雨書千種，桂蕊荷花月一湖。此日亭臺饒雅致，當年門第感榮枯。科名已自招時忌，况復雄才睨大蘇。

渝城晚眺

前人

岸山雄秀俯晴川，十里江干半繫船。宿雨乍收天氣爽，高林不起夕陽煙。山光涵翠水光浮，新月橫西澹欲流。人對晚晴憑眺遠，半江落日一城秋。

途中曉望

前人

煙嵐盡捲受曦光，迤邐千山倩曉粧。一望青蒼緜密色，幾株楓葉帶新霜。

晚眺

前人

澈地生虛白，渾如月照臨。浮煙低際水，獨火遠穿林。景到清空眼，詩成自在心。歸來猶有興，秋色暮沈沈。

劍魄

前人

斬蛇揮馬槩，難忘猶欲橫。腰舞項莊已，脫風塵生死劫。尙餘霄漢斗，牛光殺機斂。盡存神氣鋒，穎銷殘戀俠腸。一匣寒芒三尺影，人間何處覓干將。

花魂

前人

落紅天裏剩芳塵，長戀風前一縷春。曾荷東皇新雨露，難消香國舊精神。尙爭餘息隨芳草，原占高枝賽美人。一曲大招招不得，紙旛常剪綠楊春。

和杭華庭

名德前輩祝予生日長篇

前人

華庭先生興酣矣，聞予賤辰掀髯起索酒。索詩笑不已，停杯噴墨疾伸紙。高吟大嚼無餘子，渾如鉅鹿摧秦壘。須臾拇戰鑿五指，四座輪當輒披靡。是翁矍鑠真莫比，酒量詩才傲一是。前輩風流乃如此，先生祝我非倫匹。我祝先生長不死，頌袖耆英宴裙屐。婆娑壇坫執牛耳，七十八歲老名士。眉壽康強誇爪嘴，賤子走僮逐方軌。今年五十又一耳，神崖氣岸差蓓蕞。勉賡白雪

嚼宮徵報公一篇公應喜肯許將軍稱小李

曉望

前人

大霧寒天地曉寒侵不已清興極高秋人在混茫裏

九月念七日攜姪繩武登高

前人

漸次峯巒出沿磴偃僂行水多千畝足山靜一禽鳴榭葉輕霜點溪流亂石淙淡雲籠薄日迤

邇豁雙睛

四月中旬同劉子合登文峯塔卽宿其家

前人

乘興登臨趁晚風聳身直上斗牛宮上層供數灣曲水涵孤影一角荒城鎮遠空佳氣密排千嶂

綠斜陽低射半窗紅遙天雨脚連飛瀑遮斷雪山入望中

和蘇制軍贈合州舉人傅思任重赴鹿鳴前光之作

前人

白首重來興更豪婆婆老子領英髦人間壽考誇夔足壽九十四天上文星紀燕毛碩果三朝鬚髮

古香花一路姓名高鹿鳴宴罷羣瞻仰六十年前舊紫袍

當年曾現宦官身曾任山西沁水知縣有惠政字水人治沁水民敷政有聲書可讀歸田無事養癯純鬚眉竟是

神仙侶腰脚強過少壯人九十四齡長樂老來修盛典不勝春

寄復謝龍文自北京以詩見示

傅公溥

荒村風雪掩蓬廬老病知交強半疏櫪驥分無千里志塞鴻例有一封書天涯逋債新詩積海上情懷舊雨孤堪羨壯遊收不盡奚囊好示渴相如

幽燕慷慨悲歌地幾輩英雄血未乾龍戰已無天子氣屠狗莫作市兒看千金駿骨猶青眼四座驪歌盡白冠爲問蘆溝橋下水秋風是否昔年寒

渝州暮春卽事

前人

蕪穢羣芳嶽吾生未有涯蹉跎千里足辜負一春花電火忘昏曉風潮閱歲華不知鄉國夢今夜落誰家

短髮羞明鏡星星着早霜鬚眉餘故我詩酒惜名場雨燕寒樓幕風花晚出牆驚魂無好夢不收問黃梁

民國元年在渝城獄中菊花詩十二首并序

前人

僕以民國難發逮繫在渝終日與楚囚相對每念東坡獄中詩有夢繞雲山心似鹿魂飛湯

火命如鷄之句不禁有感輒欲命筆作感憤數首既念人生得失亦屬常事值今喪亂尙當激昂慷慨何必遽爲頹敗之音適友人於肆中購來紅樓夢一帖每日披閱數頁以作消遣閱至菊花詩社一回不覺清興悠然渾忘在囹圄中矣不揣陋劣依韻和成雖原唱甚佳難免續貂之誚然以僕身嬰患難偶然拈筆尙無悲涼頹喪之音以視夢繞雲山魂飛湯火之作其坦然自得爲何如乎用敢錄呈大雅希爲正謬

西風底事散相思惆悵東籬夢醒時酒渴不因叢桂發秋懷難訴井梧知故園新蟹饒涎久老

圃寒蛩霜信遲寄與詩人彭澤宰重陽遮莫誤佳期

憶菊

鎮日南山作浪遊竹籬深處屢勾留敲門夜趁僧寮月踏葉曉尋樵徑秋茅舍幾家霜隱隱香泥兩屐路悠悠山童笑指幽人宅更在南山頂上頭

訪菊

山家分得晚香來醉把霜莖手自栽爲補疏籬三徑密欲酬佳節幾時開安排一隙奇零地准備重陽冷淡杯且趁陰晴好風日莫教枝葉點塵埃

種菊

消閒一刻值千金不覺齋頭秋色深地僻那堪留客坐詩清頗耐向人吟忘言我自慙諧俗解語君宜是賞音掃地焚香還獨寐誰憐瘦影轉松陰

對菊

高標不與衆芳儔花自清華人自幽半榻琴書成雅集一龕香火供清秋莊嚴應博如來笑坐
臥還同靖節遊傲骨豈堪供賞玩爲君薰沐且淹留供菊

肺腑曾經霜露侵得來警句有清音詩工體物非高格人瘦如花爲苦吟逸語懺除香艷字閒
情留寫歲寒心悠然會得淵明意天籟原來無古今咏菊

阿誰潑墨太清狂寫作秋容任品量窗外幾叢成舊本座間六月有新霜依稀石上三生影隱
約風前一段香病久年來高會少相期不必定重陽畫菊

招隱無妨報我知孤芳底事寄人籬常疑屈子吟何苦每怪陶潛歸太遲何物傲霜能獨步與
誰對酒最相思少陵久客空多淚爲說還鄉是幾時開菊

怪底東籬蜂蝶忙居然探掇作新粧華顛照酒驚難識老態臨風喜欲狂巾折不勝枝上露秋
高欲作鬢邊霜幾回醉倒餘香在記取隣家釀甕旁簪菊

畦邊籬畔一重重醉眼渾疑圖畫中霜印石苔青破碎櫓搖秋水碧玲瓏燈前蝶夢香魂活目
下僧鞋色相空悟徹何須還認取比君瘦骨總朦朧菊影

不因鄉夢近來清一段情思尙未明三徑偶從君共醉幾生曾與我同盟舊游漠漠霜難辨新

句誦誦夜白鳴爲語北窗高臥客可能共語此宵情夢菊

井梧落盡敗荷欹正是黃花晚節時蠶索尙將香緊抱龍鍾豈畏雪紛披杯留竹葉傾宜早瓶

待梅花換未遲珍重且培根本地好題標識繫人思殘菊

遊牛頭寺

謝家駒

白雲迎面合策馬入山岑暗徑封喬木清鐘出梵音雨餘飛鳥健寺古落花深欲語僧禪定蟬

聲拂耳吟

夔門

前人

岸轉江流急灘聲逐浪回一門封故國三峽隱陽臺崖樹溟濛合風雲雜杏來茫茫集萬感慙聽暮猿哀

酬傅子雲讀余北征詩見贈次原韻

前人

時亂誰能守舊廬天涯詩酒故人疏酣歌欲斫王郎劍游說深慚季子書松菊荒蕪三徑在風塵骯髒一身孤黃梁世夢輸先覺瓜熟青門恨未如

至性憂大同杞國新亭相對淚初乾濟時鐵血非無志帶甲河山未忍看恨倚朔風哀遠角劇

憐孤客尙南冠
踣跢爲報豪情在
萬劫餘生劍氣寒

成都雜感

凡八首錄
第一首

前人

華陽天府壯與圖
半壁西南首善區
邊備綦嚴籌藏衛
上游形勝控荆吳
興亡割據難憑險
治亂相尋似合符
百尺雄關稱劍閣
遊人曾睹勒銘無

土匪歎

前人

賊梳兵如篋
土匪猶如刺
人民似蟻蝨
無處可逃避
暮宿潛山野
晨興返城市
有田不得耕
有宅爲匪據
道路斷人行
市塵靡交易
八口乏衣食
男女失婚娶
預征三年租
復索富紳借
富者變赤貧
貧者死立至
亂世人民賤
誠不若狗彘
如逢武陵漁
願隨桃源去

大兵歎

前人

盜賊掠我財
尙得控官府
大兵焚我居
有辭不敢吐
南北方戰爭
軍書日旁午
白水聯同盟
綠林盡招撫
昔爲民之患
今與士同伍
晝夜橫索人
強暴猛如虎
丁壯疲轉輸
老弱復成虜
閭家盡婦女
如何持門戶
纔催田畝捐
又發預征簿
無物堪入官
終爲吏所怒
老姥朝入城
納稅典衣褲
見彼大軍人
羣聚司令部
四座聲喧譁
揮金正豪賭
民已不堪命
誰謂從軍苦

秋雨

章華猷

鬱鬱山俱暗瀟瀟雨弗休氣催連日冷景逼一天秋漸見添檐溜頻生破屋憂尋常車馬客今竟不來遊

丹楓

前人

寒山一夜飽經霜指點楓林葉乍黃誤盡停車憑眺客都疑樹樹挂夕陽

留客看山歌

章起文

城南溫度九十九遊人半向金山走我家結廬傍名山隔溪半里灣復灣問徑不須尋樵牧繞屋古柏聳雲天平生愛客老不慳客來半途先斂關夜出琵琶燒蠟燭爲客高歌蜀道難早晚開門對列岫鮮霞絢爛逼朱殷洞口飛仙獅欲墮石笋蓮花色可餐山勢縱橫千萬疊遠看分明勝近看好遊不在登絕頂揉援蟻緣足蹣跚我招山影入高樓鎮日留客同臥遊瓦盆盛飯麥作酒高談山水足風流

荒年嘆

任吉暉

乙卯歲奇荒國民嗟仰屋陰歷四月初田乾無叱犢途間遇老農絮絮話衷曲爲語去年乾禾

委欠豐熟家家折半收辜負操豚祝只冀雨如膏春耕好播穀庶幾去年荒今年補不足何意
交春來望雨望穿目幾回雲油然雖雨終霖霖一乾已爲甚四境多枵腹今又旱繼之何以供
饘粥食價日益增民生日益蹙半升百二三米貴勝珠玉酒斤二百一肉斤一百六尋常說年
饑猶堪飽半菽如此奇荒年未聞寧我獨昨冬豆麥苗民饑賴之育今春苦無資飯土如飯粟
骨瘦支若柴形枯立似鵠道旁殓相望城隅僵且續十室九家空比戶糧無宿斯時耕且難後
事安終局老農言及此雙眸淚簇簇我亦惻以愴不禁吞聲哭夜無鼠耗糧日無祝雞蓄欲蘇
涸轍魚家藏無斗斛欲拯哀鳴鴻事權不我屬籲天天不謫祈神神不福渾身都是瘡何處去
剜肉有摧嘆其乾不忍詠中谷蒼華芸其黃攤詩怕卒讀安得仁民人代天司民牧

辛酉七月髮賊蹂萬盛場鄉紳團保皆罹於難居民白骨如山絕滅者百餘家非常之巨變
也賦長篇記之

辛丑七月二十五長毛賊子躡吾土當時率衆禦者誰山西孝廉王明府高壘不築峽口溝平
街曲巷貧民廡黃髮父老荷犁鋤白面書生掌旗鼓僉云官在民何懼芸田歸市仍舊伍賊衆
突如風雨來鄉練抱頭竄若鼠牙牙小兒填溝壑皇皇巾幗罹刀俎貞烈不受腥膻污亂砍其

頭割其股火炎崑崗玉石焚妻啼別夫子號父不教而戰謂之殃那有一矢遺強虜是時我在
渝州城凶耗傳聞裂肺腑又聞賊計燒山林前阻長蛇後避虎父母妻子逃何方吉凶未卜淚
如雨歸途蒼蠅蔽白日橫屍攢集嘔潰腐野狗食人眼變赤腸胃棄餘何忍睹十家離散七家
絕所幸吾家得安堵父曰此難不及料蒼蒼默護若有主爾曹胡不畏上帝大難當頭誰臨汝
億萬生靈輕棄之是役是過石難補

咏史

倉頡作文字借以代結繩獠狃俗爲開長夜忽嚮明天喜爲雨粟羣鬼胡夜哭未必九幽中恐
被溫犀燭始悟書契興仁者能造福刀筆一借弄字字皆極枯鬼徒緣此悲冤慘將接屬後來
有法家倚之圖郅治鞅裂斯亦夷殆犯鬼神忌

舟過嘉定大佛崖口占

江風怒挾江濤吼水氣橫塞大佛口扁舟未到神已驚如帶萬山一齊走浪花十丈飛入舵駭
問舟師已過否舟師不語但搖頭轉舵兒童齊拍手峯危壁立高插天衝波逆折森雲煙砒崖
轉石石迸出一落千丈埋深淵猿猱欲渡愁無路篙師橫篙勒不住遙見大佛彩雲裏特爲中

流作砥柱頭如山兮目如河千佛萬佛渾無數憑空樓閣何年起相傳
鑿自公輸子神斤鬼斧
嘯
一夜成世間快意甯有此仗佛力佛莫笑佛脚原來急時把果然助一番風風十里尙聞灘聲

重九登高

萸紅橘紫一登臺襟抱欣隨眼孔開富貴驕人真俗物飢寒困我亦庸才平湖曳練潮初落細
雨催租客不來枕石穿雲留坐久蕭蕭黃葉點蒼苔蒼然秋色老芙蓉眼底常憑太華峯

自注去年

住保定二日隱約能望太華峯

貧病經年詩筆峭友朋催我宦情濃拋書便覺心無著直道終憂世不容萬斛奇

愁銷未得夕陽遠處一聲鐘

感事

三首錄一

吳翁向我泣老受凍與飢四體非不勤官兵常插旗賊來旋復去兵接無寧期殺人不足惜不
殺轉可悲死者長已矣生者將何爲一年掠幾次鄉村地無皮元戎正酣飲哭訴奔有司有司
但搖手不敢置一辭

春夢

春夢醒何速名場退亦恬三生還淨業一卷熟華嚴捲幔茶煙
穿籬竹筍尖昨宵微雨作池水二分添

五月接京函御史吳春海奏請豁免四川已奉旨飭川督覆奏矣

父老謳歌兒擊節朝廷有詔豁津貼津貼報解始何時咸豐年間酬帝力西蜀山多條糧輕按額征糧本涓滴官吏舞智百弊生五倍十倍無止息崢嶸風骨御史臣公然焚香達紫宸帝曰都哉獨角麟千門萬戶沾恩綸當時賴有小臣直今日彌彰聖主仁億萬斯年丕丕基王者德昭三無私

The image shows a large rectangular frame with a thick black border. Inside the frame, there are approximately 12 vertical lines spaced evenly, creating a grid-like structure. The lines are thin and black, set against a white background. This structure is typical of a page from a traditional East Asian book, where the lines would be used for writing vertical columns of text.

重修南川縣志卷十三

前事

提綱挈要編年紀月以次第國之重事史籍中一體也顧其所次第必止於記者援筆之年惟春秋史記爲然春秋辭約義深雖寓褒貶不觸時忌且其書初成但傳弟子未播國聞雖有崔杼張說其人惡得而禁之太史公一效其法作今上本紀當時遂有謗史之目幸其書沒而始傳累不及身耳至崔浩一代重臣以直書拓跋先代事實致賈奇禍豈非未可言而言以不密失身哉故前事者追述前代事跡不及見在也若州縣志本周官小行人五書之體分類纂輯以備一方掌故體原不同正史惡用提挈編紀爲哉然近代作者則以志體關係典要謹嚴雖不若國史而上下千百年事跡先後錯出亦應有統系條貫相繫相承以收散漫爰立一書之幹或曰世編曰年紀曰大事曰前事皆是也惟最近世事仍宜留以待後俾論定於蓋棺茲編十四類目他皆載至十六七年前事則止於洪憲告終私意謂洪憲傾覆雖擾攘紛爭政未畫一而名義上始爲純粹之共和國後賢有作請自此始

唐

華陽黑水為梁州邑地屬之堯老舜攝禹平水土分天下為九州

虞

肇十有二州其一梁州邑地屬之舜即位析九州為十二

夏

華陽黑水為梁州邑地屬之夏禹受禪復置九州

商

省梁州入雍州邑地屬之省梁入雍本爾雅釋地郭璞以為殷制

周

仍雍州始封巴子國其邑有江州有枳

山海經西南有巴國大皞生咸烏咸烏生乘釐乘釐生后昭郭璞注為巴始祖華陽國志武

王克殷封宗姬於巴爵以子又云巴子雖都江州其先王墓在枳路史云古者遠國雖大爵

不過子巴國東至魚腹西連夔道北接漢中南極牂牁皆其地史記蘇秦列傳蘇代說秦王

曰楚得枳而國亡據二書則枳為巴國屬邑之名即今南川於古屬巴國之證清一統志以

今涪陵南川酆都長壽均列爲古枳縣地

秦

滅巴國改置巴郡

華陽國志蜀王弟苴侯親於巴蜀王伐苴苴侯奔巴巴爲求救於 周慎靚王五年秦惠文

王使張儀司馬錯伐蜀滅之儀貪巴苴之富并取之以其地置巴郡

按秦無地志可攷而以郡統縣枳之爲縣殆始於此時

前漢

武帝元封五年改古梁州爲益州漢書地理志巴郡隸益州統縣十一有江州枳二縣

舊志沿革表以邑在漢爲江州枳二縣地蓋不敢確指也清一統志專屬之枳以地勢度之

較爲可據

後漢

獻帝初平元年益州牧劉璋分巴郡爲三以江州至臨江爲永寧郡枳縣當在內

從征東中郎將安漢人趙穎之請也

獻帝初平元年璋改永寧郡復爲巴郡屬縣七枳第二

分巴之後魚腹蹇允白璋爭巴名璋乃復永寧郡爲巴郡固陵郡爲巴東郡

三國

魏咸熙元年分益州置梁州自是巴郡屬梁州枳縣從之

晉宋齊

州郡縣同上

梁

武帝太清中武陵王蕭紀據蜀僭號於巴郡置楚州

按南北朝各史惟魏書有地理志而梁益郡縣脫缺餘史皆無之故其更易建置不可攷但自漢至六朝皆以州統郡以郡統縣無改郡爲州而不設郡者自曹魏末分益州置梁州巴郡屬焉及蕭紀僭號更析梁州所屬之巴郡別置楚州而巴郡固在也西魏復改楚州爲巴州亦如之蓋其時南北分疆地不加益而耀州域之多愈析愈密故有一州僅統一郡者迨隋文厭其無實乃廢舊統郡之州而改郡爲州以州統縣巴郡之改爲渝州自此始至唐則

四川通志卷十三

州郡並繫而為渝州南平郡舊志於梁於魏皆直列楚州巴州而無巴郡蓋誤謂自此已改郡為州楚州立而巴郡廢也今不從之

西魏

大統十七年改楚州為巴州

後周

閔帝元年改巴州仍名楚州廢枳縣以地并入巴縣南齊末改江州縣為黔江縣北周武成三年改黔江縣為巴縣

隋

文帝開皇三年廢楚州改巴郡為渝州煬帝時復渝州為巴郡

是時以州統縣改巴郡為渝州大業初改渝州為巴郡統縣三日巴縣今南川縣地附入之曰江津縣曰

涪陵縣此時之州郡方為同等相當以其皆為統縣之區也

唐

太宗貞觀十二年析巴縣舊併入枳縣地置隆化縣以縣西永隆山命名改隸涪州

按自西晉以上枳縣封域甚闊統今日數縣地而治城實在今涪陵自東晉中即有分析

治城亦已遷徙舊日枳城改為涪陵鎮別屬涪陵郡其併入巴縣而復析為隆化者不過為舊枳縣之一部非漢時完全之枳縣也

玄宗先天元年改賓化縣

是年八月玄宗即位帝名隆基以避諱改

後五代

梁唐晉漢周邑均屬蜀

此時邑雖隸蜀其地已否荒廢淪於夷獠不可攷

宋

神宗熙寧三年改賓化皆復為隆化縣

邑當宋初為夷獠所據稱賓化皆是年以兵復之復名隆化縣仍隸涪州詳見建置篇

七年復遣熊本招納涪州夷獠置南平軍割涪州南川涪州隆化二縣隸之

時舊涪州

唐之涪州在今綦江東桐梓北西與仁懷毗連

夷獠投誠拓地五百里次年於銅佛壩

今綦江縣趕水

置南平軍割二邑

隸之

四川南川縣志卷之三

理宗嘉熙三年徙南平軍治隆化

元

世祖至元二十二年以重慶府為重慶路廢南平軍改隆化縣為南川縣隸重慶府

按秦漢之巴郡自隋初改渝州後北宋徽宗崇寧元年改為恭州南宋孝宗淳熙十五年升為重慶府元改重慶路明仍為重慶府

明

太祖洪武三年省南川縣入綦江廿一年復置南川縣

按綦江名縣始於明玉珍自元初廢南平軍改隆化縣為南川縣其舊南川縣地與舊南平軍地合為南平綦江長官司而屬播州故玉珍廢司為縣得以綦江名之若謂元初係省隆化入南川則玉珍之析為綦南二縣既無明文又不應奪數朝相承之南川移以名隆化而強名南川為綦江也

武宗正德六年瀘州賊曹甫作亂逼近南川四川巡撫林俊勒兵追之

是年瀘州賊曹甫與其弟曹瑄作亂自稱順天王據瀘州為巢穴旋攻江津建南道吳景督

民兵拒守城陷景死之甫遂分兵越碁江以趨吾邑勢張甚四川巡撫林俊聞耗移師來擊甫敗走其黨方四亡命竄思南俟大兵已去復出攻掠吾邑以窺瀘州俊再發兵命副使何珊李然等追之出境捷聞檄書褒獎俊致仕歸士民號哭追送事詳前志武功及俊本傳五年曹甫被誅甫黨方四連合仁壽縣賊任鬍子麻六兒復來寇次年官兵敗之追出境先是甫既被誅其黨方四逃入黔之思南府是年八月連合仁壽縣賊任鬍子麻六兒等來攻邑東路之馬頸子雀子崗等關隘官兵禦之賊移攻邑南路東鄉壩永澄河等處官兵復敗之追至壩外次年巡撫彭澤督兵討平之其亂始息

世宗嘉靖三年邑有盜作亂正安土司鄭廷珪討平之

是年吾邑有大盜作亂勢張甚官兵少不能制正安州土司鄭廷珪初襲職時從征來南討平之有大功於邑前志未錄今從正安州志補

九年知縣陳光道始築縣城

邑前係土城旋築旋圯不足禦寇是年陳公光道用磚易土冀垂久遠經費加諸丁糧未期年功畢

十年始建文廟

神宗萬曆十八年播州賊楊應龍將作亂其妻叔張時照詣京師上變貴州巡撫葉夢熊請發兵勦之不果

應龍初襲播州宣慰使久蓄異志尙未敢動後知四川承平日久沿黔界一帶邊備空虛其謀益急招兵買馬積草屯糧作寇川計以爲舉手可得其妻叔張時照與所部宗世臣等上變夢熊聞耗上疏請勦四川撫按及蜀中士大夫皆主撫朝廷從之詔應龍赴重慶聽勦

二十五年楊應龍叛劫江津及南川旋往合江

應龍既叛由播分兵出川連劫江津綦江及吾邑旋往合江迺縣執其仇人袁子昇於獄中寸磔之乃返

二十七年六月貴州巡撫江東之遣兵三千剿應龍不克應龍勒兵圍綦江陷之掠地至南川東鄉壩

是年六月應龍乘大兵未集作先發制人計勒兵先犯綦江分屯趕水以偏師犯吾邑二十七日又用苗兵破綦城大掠於綦之三溪及吾邑東鄉壩立石爲播州界號宣慰官莊界石

至今尙存黔撫郭子章調漢土兵嚴守重慶分戍合江南川瀘州以備應龍

命兵部侍郎李化龍總督川湖貴三省軍務巡撫四川調八路兵討播賊楊應龍總兵官馬孔英由南川進會諸師二十八年三月圍海龍囤夏六月_平應龍磔之播亂平

化龍以前年三月受朝命總督四川湖廣貴州軍務兼四川巡撫時應龍作亂已及十年復結生苗破綦江殺參將房嘉寵游擊張賢良投尸蔽江下聲勢洶洶帝賜化龍尙方劍十月

化龍自成都移駐重慶大誓文武分八道進兵期一鼓蕩平川兵四路馬孔英率陝西四鎮

兵由南川路進應龍以勁兵三萬屬其子朝棟據綦江馳攻吾邑盡焚積聚時八道兵南川

路險遠去應龍巢穴海龍囤七百里孔英自秦赴軍未至重慶推官監紀軍事高折枝慷慨

有謀請獨當一面與參將周國柱先以石砮宣撫馬千乘秦良玉之夫時良玉從夫在軍主兵兵破賊金筑又督酉

陽宣撫冉馭龍兵破賊官壩及孔英至軍平茶及邑梅兵亦集鼓行而前所過克捷奪桑木

關進營金子壩又分兵三千助合江路總兵吳廣之師克岩門關二十八年三月孔英軍已

深入至海龍第二關下諸道未有至者居數日與劉綎合兵進壓海龍囤而壘八道兵悉會

六月圍破應龍先自縊事聞詔並其子磔於市餘黨悉平見明史化龍傳

熹宗天啓元年永寧土司奢崇明作亂據重慶僭號大梁殺巡撫徐可求及川東道以下各官
南川戒嚴

時知縣鹽運同知韓應龍設防守捕邪教以自固邑中無事是年四川布政使朱燮元率衆
討賊復重慶瀘州三年師搗永寧崇明遁走貴州川亂平

莊烈帝崇禎十年十月流賊李自成黨惠登相陷劍州邑舉人知州徐尙卿死之贈右參議
尙卿中崇禎初年鄉榜旋補劍州知州是年十月流賊李自成使其將惠登相等以數十萬
人入四川大將侯良柱敗沒於廣元遂破昭化知縣王時化死之尙卿知賊必至集士民泣
諭曰賊至城必不守若輩速去吾當死此衆泣請偕去尙卿不可越二日賊果至破州城尙
卿投繯死事後上聞贈右參議

十三年邑武舉婁朝臣募義勇討賊有功劄付守備職

朝臣原籍貴州省桐梓縣人後遷居邑東路入武庠崇禎九年中四川武鄉試舉人時吾邑
正值匪教猖獗朝臣募義兵捍衛桑梓平賊功多劄付守備以酬其勞事見前志武功門

十七年春搖黃賊遵天王等抄掠南川

搖黃起於崇禎五六年間初擾川北保寧順慶川東達州夔州各縣頭目凡十三家以綽號搖天動黃龍二賊爲首故稱搖黃其餘有整齊王逼反王黑虎混天星奪食王遵天王黃鵠子震天王等不攻城邑一於屠掠鄉村以殺人爲戲樂演種種慘劇有獻闖所不爲者畏官兵且畏獻賊惟善奔竄蜀中受禍久而烈當以此賊爲鉅是年由川北竄川南道經川東涪南綦各縣遂不得免東路大有鄉屬唐家山龍尾城俱有殘殺遺跡蓋其醜類蔓延輾轉隳突非僅一二次也

六月流賊張獻忠破涪州總兵官曾英退保望州關賊追及英敗被傷由南川奔綦江賊焚城內外官民廬舍是月十一日獻忠自涪州分兵兩路陸路由南川水路由長江約十八日會攻重慶所過焚掠村舍爲墟

清

世祖順治五年搖黃餘黨袁韜武大定等率衆取道邑境由綦江出江津碕礪石

邑經前次搖黃蹂躪後久成坵墟餘黨袁韜武大定已降於明巡撫李乾德託名爲明所在抄掠是年四月復擾吾邑取道走綦江出江津之碕礪石以窺重慶所過搜殺無遺無所掠

食以人爲糧見江津志

九年頒臥碑於學宮

十一年遵義兵百餘叛入南川界據之劫掠旁縣涪州綦江鎮合兵驅之自綦之趕水竄入江津

聖祖康熙六年初清查邑中田賦

邑經明季之亂丁口死亡殆盡隴畝墟田賦檔冊亦無復存康熙初年逃戶來歸及湖廣江西貴州諸省流氓領照插占是年始奉文清查編里甲定稅則初具規模

九年頒聖諭十六條建聖諭牌坊於縣署

二十四年定縣中文武學生員及稟增生額

邑每屆歲試新取文生八名武生八名科試取文生八名廩膳生增廣生各二十名以攷案按次遞補開歲貢生一名值國有慶典之年取恩貢生一名

世宗雍正七年丈量縣中田土分上中下定地丁額數

吾邑田賦經康熙六年清查一次尙未澈底是年遣官丈量詳食貨篇

九年增置常平倉

舊倉不知設自何年計一十一廩實貯穀一千八百四十石是年新置倉八廩實貯穀二千二百石共計實貯穀五千石零四十石

高宗乾隆二十年修隆化書院於南城外鰲頭峯

隆化書院建於南城外二里許地名鰲頭峯即前文昌宮故址邑令應公士龍捐資創修復勸邑紳捐資買田二十二契年收租穀六百三十五石土業十四分年收租錢三十一千供山長束脩學生膏火之費

二十九年置社倉

分豐福二里各鄉場共二十一處貯穀多少不等掌於社首受長官監督

至同治初移入縣署

五十年邑武生傅立維征苗有功授千總

邑鳴玉場人陳永揚募鄉勇攻教匪有功授廣東三江協守備升增城營參將

二年邑人劉泗明赴達州軍營勦王三槐有功授巫山縣汛

二年初設平匪局練團

是時教匪充斥邑奉川督宜綿通飭設平匪局於縣城訓練團勇頒團練章程十六條

五年邑人江南安慶營守備升都司吳純俊追賊湖北竹溪縣陣亡賜蔭世襲雲騎尉入祀昭

忠祠

祠爲征教匪陣亡將士而設

九年置賓興會

十一年初修縣志

吾邑明代無志康熙末年知縣張公暉手輯數紙未臻完備邑令蔣公作梅嘉慶九年蒞任據張稿增廣手自起草聘邑舉人周士灃任參訂一年成事凡八卷分二十八門

二十四年設鄉學

先邑有書院無鄉學奉川督戴札飭各州縣創設邑令彭公平園敬教勸學捐廉提倡不遺餘力復勸士紳捐助置業十一處年收田租四百五十石於城內設育才書屋四鄉二十二處選勤學文士充教師歲一攷試後令魏崧定規則十條

創修試院

向應童子試就縣署內不免復雜擁擠邑令彭公捐廉提倡復勸士紳捐助擇後圃賓興公

地建門堂三重東西文場寬大宏敞

始置濟倉

建倉五廩於縣署內實貯穀五千五百石勸紳富捐貲置業二十五處年收田租四百五十石分年存儲以備荒歉

置養濟院

宣宗道光九年邑南路秦村溝民章少閑等作亂邑令張瑞翰檄在籍把總王揚廷率鄉勇擊之隊長周必元黃之秀遇伏死擒少閑等分別首從定罪亂平

邑南德隆場秦村溝民章少閑少淵羅聲虎聲典等往雲南開化貿易遇同鄉人陶月三傳以符水治病術既歸從習益衆皆赤貧無賴遂倡親聯教聚徒作亂張公瑞翰署邑篆卽檄在籍把總王揚廷率團勇進勦隊長周必元黃之秀直入陷伏戰死揚廷仍督衆搗穴紳耆童榮斗等集本地團丁協助殺戮過半擒賊目數十人一舉撲滅事詳前志兵燹門

十五年八月十五夜彗星見西北方三十餘日

十八年仁懷民穆玉洪作亂下川東兵由邑境進討

黔省遼屬仁懷秀民穆繼賢等作亂破城逐縣令殺把總戕團丁數十人聲勢浩大探報將於是年十二月初三初八等日由仁出川四川都司萬承恩守備王明福余允秀千總李尙玉馬培元等統夔協左右營及酉秀黔彭梁萬諸營兵弁由邑進討供億繁苛不久撲滅事詳前志

秋穀生蝻饑

是年秋穀將黃忽生蝻相延甚速早收幸免晚收受損明年大饑

十九年大有年

是年秋高低俱穫豐收較常歲多三分之一

二十年饑

是年歉收米價昂貴貧民無所得食掘白粘泥果腹號觀音粉

二十一年蟲傷稼大饑

是年夏間禾葉被蟲食且盡民苦無收大饑多全家逃入貴州

二十二年二月彗星見

二十四年設義卷

邑令魏崧撥濟倉餘款又勸士紳捐助買業十五處年收田租六百二十石充辦科歲考文武縣府院試公費免應試文武童生卷費

文宗咸豐元年增修縣志

前三年邑令魏崧聘邑舉人康作霖拔貢周立椿優貢唐洵副貢楊榮封等增修縣志著手採訪編修至是年蕭鹿萃任內書成較前完備

三年奉文征津貼銀申解藩庫

是年奉大憲文定明年起按照丁糧數目征津貼銀二千四百兩同正糧申解藩庫充軍需自此人民負擔較重因事加款有增無減

貴州桐梓縣民楊瀝喜作亂南川戒嚴川東道調兵一千來縣防堵布政使派員來縣辦理糧臺知縣許延祐從重慶知府李莊赴東南邊界措置守備

貴州革役楊瀝喜聚衆九壩場作亂遠近奸民響應奉朱夫爲僞主僭號江漢自稱大元帥封僞官遵義團總王安國擁衆附之勢益張川督裕瑞聞耗恐其越境急札飭川東兵備道

升按察使曹澍鍾重慶鎮總兵皂陞屯兵綦江東溪防剿澍鍾分兵一千來縣防堵隘口重慶知府李莊亦至邑令許延祐集紳糧議派款籌餉練團等事並同汎弁牟萬鎰等赴桐南接連之南桐關等處堵截賊不敢犯

六年奉文辦捐輸增廣歲科試文武學額各一名設津捐局於文昌宮委紳收解

清季川省軍餉不敷津貼外又勸民捐輸有謂起於嘉慶時者有謂起於咸豐初者而舊志載每年分派本邑辦銀若干兩自此年始蓋前此似係勸富戶樂輸多寡無定至同治初始按照全縣正糧攤派大小糧戶均擔且每輪有派定總數不許短絀與津貼同一辦法也各縣均從簡與津貼同局徵收統名津捐而款項各別其不與正糧合併蓋籌款時朝野俱冀軍事寧息有停征日也然自初派已四五千兩與地丁津貼兩項合數相埒以後接續加重或一年兩次至光緒二十八九年累至一萬四千兩又加庚子賠款新捐九千兩民國因之副稅之額過正稅十餘倍實基於此其征收法詳食貨篇

八月邑東南兩路大水龍崖鳳嘴兩江溢岸文餘衝壞田土無數南門河水溢入城

是年八月十六日東南兩路大雨傾盆自午初起至夜半未止溪水暴漲浪立如山西南一

帶河道橋梁堤岸多圯沿河民房僧寺存者無多水出金佛山紅荷溝岩洞是夜之半沿溪入咸見有物浮水面眼光如炬晶瑩直射雷電相隨越數日水退沿河兩岸林木皆拔咸以爲蛟南門河亦於是日傍晚漲大水橋洞不能容淹進城門一二尺所謂丙辰大水父老至今猶時舉之

七年涪州鶴遊坪教匪作亂州同崑秀死之邑令王臣福率團丁防堵冷水關

是年二月初八日涪州教匪劉文丰據鶴遊坪作亂戕官奪城州同崑秀被害警報傳南邑邑令王公臣福先事預防率團練鄉兵到距城九十里之冷水關防守涪亂旋定事詳前志

兵燹門

八年正月貴州桐梓縣匪梁大頭梁三頭等作亂邑紳帶團練從官軍馳勦旋就撲滅

是年正月黔匪梁大頭及弟三頭姪梁升勾結吳畔三仇青龍婁先羣等復串同思南教匪白大滿白小滿等據層巒山鼻孔山作亂邑令王公臣福聞之卽派團丁防堵各隘三月黔匪穆玉朋余三辭辭余麻鄉約幸多才白二元帥等亦據石筍山螺螄洞等處重慶鎮臺皂陞駐兵綦江之東溪四月郡守李莊由南川領兵入綦江會皂鎮於東溪制軍撥銀四萬兩

交川東道庫支應糧餉六月李皂會商委副將賡良帶兵駐紮南川東路木瓜台游擊方定中帶兵駐紮南路獅溪口遙爲犄角知會綏陽桐梓兩縣知縣尅期會勦匪首何元易亦會合朱二同余麻鄉約分據飛梯岩乾洞子等處以抗九月定中統領官兵調邑團練管帶王占元王泰源等協助先克乾洞子分兵三股直搗飛梯岩十月擒僞元帥熊大頭張麻子梁四喜等焚其洞賊平

十月黔匪梁開舉婁德隆光福等作亂川督札飭重慶鎮中營游擊方定中迅率守備牟萬鎰等由南川進剿破之

定中江
西人

開舉等係前次黔匪梁大頭三頭餘黨賊心不死於是年十月糾衆將犯邑境時重慶鎮中營游擊方定中已奉川督並川東兵備道札飭速進防堵勿使出川定中乃率守備牟萬鎰千總潘澤馬光裕把總周占敖任萬春費建中外委魯國藩李占春等由綦來南住小河壩及黃平壩平頂冠佛土壩等處進勦斬獲甚衆邑令王公臣福亦督率邑紳同知銜金爲式章安邦王世桂周廷輝金克明等統練勇馳赴黔邊協同官兵攻破賊巢

十一年六月彗星見

是年六月初間彗星見於西北方其長亘天十餘日卽滅又邑南北各大路石板上現黑色線紋一條如木工墨緯所彈有謂見痕處必遭賊者有謂不見痕處必遭賊者互爭甚烈莫衷一是迨後石達開兩次擾南有驗有不驗究竟此線因何發現更不可知

秋七月髮匪僞翼王石達開自黔窺川遣其黨僞丞相賴汶沆攻綦江縣城不克由蒲渡河犯南川知縣王臣福令閤邑團練拒之萬盛場兵潰優貢唐洵拔貢鄧卓南團練管帶文際昌梁立棟張光斌等皆死匪屠其場

邑令王臣福

山西汾陽縣舉人

以咸豐五年蒞縣事值時局不靖遠近盜賊踵起先事籌備設防務局

札飭各路地保招丁練勇簡其技擊嫻熟者數百人號知方隊章安邦王泰元等分領之防堵黔邊供官軍調遣協助出境剿賊頗稱善戰連年黔匪楊澐喜梁三頭等蠢動逼近邑境川軍自邑進剿供應夫馬辦軍米不遑甯息是年七月中旬賴汶沆擁衆數萬自綦江來王令聞警於十八日挨戶抽壯丁萬人親往萬盛場防堵倚優貢唐洵調度一切實不知兵茫無措置管帶毛大章等請列營設伏不聽二十五日停午賊驟至前驅者僞爲探報唐猶呵斥之遂被殺時值場期民恃官在兵在概未上寨賊恣意屠殺兵民近萬人差役負王令自

戶後逃還

髮匪進攻南川縣城邑紳同知銜章紳卿率圓村壩民兵來援擊賊北東兩門外戰死賊旋徹圍去由邑東路水江石合口河一帶出境

王令還城城中僅有團勇三百餘人修城未竣守備毫無人心危懼不得已放老弱婦女出避派街民守陴私備布帶繩索急則縋走以大木桶盛土石堵城缺口紳卿圓村壩人廉直勇毅威信行一境有急按戶抽丁聞令卽至連年辦團以堵楊澆喜功保同知銜至是王令遣門子馳召赴援以五鼓至紳卿立調數百人味爽至晡馳一百八十里抵城請以身任分門嚴守措置略備衆心稍定次日辰後賊已薄城先驅黃衣騎馬上南門橋城上點礮中之落馬乃退分紮一里外亭午紳卿集衆議謂賊勢浩大及其未定擊挫示威乃可守衆唯唯卽執令旗率精壯數百人自北門出轉戰至東門忌功者汎官馬光裕閉門登陴擁衆坐觀賊初披靡窺我兵無繼散隊混戰互有傷死約一時許收隊紳卿獨行至五顯廟隘巷數賊持矛夾刺紳卿馬上舞雙劍斷之已而十餘矛攢刺遂踣年六十矣賊本無必攻志見城內有備敢戰遂於次日逡巡東走水江石所過焚掠村舍爲墟武生金爲式同子克明奉札督團練跟

追八月初一日賊由紅荷關竄涪州境王令列死事諸人具文請卹准予如例見各本傳
穆宗同治元年三月石達開統十餘萬衆攻南川知縣王臣福率官紳團練兵民固守候補道
唐炯自涪率得勝軍來援正安知州于鍾岳遣在籍千總曾子雲等率團勇二千來會師敗賊
於城外花墳山賊由南路竄綦江

達開自去年退駐湖南來鳳本年春二月復以賴汶洸爲先鋒寇川三月初五自涪州朱家
嘴渡江入南川境分三道一由大鍋廠小河壩入正桐邊界阻貴州援兵一由石牛河羅洞
坪石牛溪出巴縣風門牽制川兵一由水江石過陳家場直犯綦江達開自率後隊於三月
十一日攻縣城連營郭外邑令王臣福同教諭周能真訓導馮允謙邑紳楊全翊余東陽在
籍武弁王泰源章安邦等登城固守每夜燈火照耀徹曉遣職員章才柏往正安州乞師會
道員唐莪生亦率得勝軍自涪州跟追先後至合擊之於城外花墳山鏖戰半日大得勝利
正安軍先鋒楊滿忠勇敢戰陷陣遇伏死之達開走綦江是役賊滿全縣所過驟突殺戮擄
掠焚燬不可勝計自明季糜爛後二百年再覩之慘運也

二年十一月貴州正桐綏涪等州縣號匪分股數千自正安新州場犯南川東境鄉紳章安邦

章才柏督團勇禦之手攀崖大路坡等處賊至皆潰遂焚圓村壩市進至大有場知縣鄧文治調勇防堵重慶總兵唐友耕率兵來剿敗之賊遁

咸同之交貴州省正安桐梓綏陽涪潭四屬有白號黃號等匪股數不一皆穆楊餘孽以白黃色布裹頭爲號又有會匪苗匪助之退據峒寨進而掠鄉攻城四縣罹其荼毒無完土是

年十一月由新州場竄入邑境章安邦等率本地團丁堵之衆寡懸絕甫戰卽潰進焚圓村壩至大有場邑令鄧文治得報親率堂勇團丁前往防堵賊突圍之幾爲所陷十二月二十

八日川督駱秉章急札重慶總兵官唐友耕統兵至縣次年正月初八日與賊戰於大有場

殺戮甚衆大敗之賊仍退回正安

友耕字澤波山軍功授重慶總兵後升雲南提督

三年夏大饑邑令鄧文治請發濟倉穀八百石賑之

連年兵燹往歲秋穀歉收至夏斗米千錢多饑死者鄰邑尤甚流民入境餓殍滿道邑紳呈請縣令鄧文治權發濟倉穀八百石平糶并勸邑紳捐貲助賑於普澤寺設粥廠就食者日以千計全活甚衆

十一月貴州正安州土匪僞朱王率其黨三千餘犯大有場又東竄水江石場據之邑保舉把

總李文譜袁立品以團練數百人分三道進攻被圍皆死川督駱秉章札果後營李家福等來救大破之餘匪數百退入金氏宗祠被焚死

是年十一月二十二日黔省正安州金竹林匪僞朱王率號匪三千餘人來擾吾邑入境經大有場走水江石盤踞一月有餘肆行搶劫邑人李文譜袁立品屢帶團練打匪保舉把總以土匪無紀律易與請於縣令往擊到場分三隊進每隊不過百餘人李袁分任左右二隊奮勇先入進攻良久中隊早退賊見無繼張兩翼圍之兩路全軍覆沒文譜立品被捉慘死後十餘日湘軍果後營先鋒李家福胡志祺與總兵成耀星潘長青等統湘軍驅賊至場賊未之知擊殺殆半逃者亦半尙餘賊數百聚金氏祠固守越宿縱火焚之炎蒸重疊無倖免是役也鄧公文治札邑增生曹異三辦糧臺接濟軍餉積勞成疾未回家卒

四年歲又饑邑令仍照上年辦理兩次動倉穀一千六百石次年由防務局填還

五年始設慈幼堂

連歲海饑道塗遺嬰甚衆無人收畜邑令鄧文治捐廉於北城外建瓦屋十八間收養遺孩三十二名不分男女二三歲者雇乳婦看司各一人撫育經紀又勸富紳捐貲置買田業六

契年收租一百九十三石由該堂首士經手詳公善篇

八年改建奎星閣

閣舊在中和街口文廟壩年久坍塌地亦囂雜是年邑令黃公際飛移建東南角城垣上捐廉提倡并勸富紳捐助始成自爲記 余同治八年春仲令南川恭謁聖廟見公門外奎樓地窪而穢非惟不足以昭嚴肅壯觀瞻而閱歲既深駸駸乎有棟撓懼爰改卜於城東南隅得良材數十章於明月寺以屬學博劉君錫堂職員李君吉六經營之自己巳迄庚午夏八閱月而落成計費緡千四百有奇悉都人士之樂輸也間嘗與都人士登樓而望金佛九遞香爐水井諸山蜿蜿蜒蜒百餘里外畢會斯樓以朝於大成殿若方伯連帥率大小諸侯入覲天子回顧西北翠嶺環列則又若屏若帷若城垣藩蔽聖廟眞所謂夫子之牆萬仞不得門不見宗廟之美百官之富者而皆於斯樓遇之洵帝之所會昌神之所建福也邑之人文其蔚然起歟其未有艾歟因紀其事並記余之厚望焉

秋歉收饑邑令黃際飛發濟倉穀平糶捐廉勸捐買米施粥賑極貧者

九年歲又饑邑令黃際飛發濟倉明年填還

十一年邑令黃際飛始置學田

詳學校篇

五月朔大風

是年五月初一日大風起自江北廳之洛磧由北西而東南橫貫三縣各數百里大木多拔爲數百年未見惟禾苗無損是秋大熟

德宗光緒元年秋七月彗星見西北數十日乃滅

八月新修縣志

邑令黃公際飛聘邑拔貢吳厚光副貢劉傳經舉人駱國恩爲總纂從事續修至是書成較前更詳備

七年五六月間彗星見

頭北尾南光芒閃閃凡三十餘日漸晦滅

八年八月彗星復見

彗見丑寅二時頭東尾西天明始沒

十一年邑令張濤捐廉購置文廟祭器樂器率諸生習佾舞贊儀

十二月全縣大雪三日次年大熟

邑令張濤設官牛痘局於行臺

十三年五月邑令張濤招丁練團

正安州土匪蕭國堂涂子春滋事據寨負固飭各地保按團派餉送丁初練三百餘人逾年遣散留四十人又後一年悉罷事詳人物志章才椿傳

十五年邑令張濤重修半河四十八渡山路

十六年六月空中震動有聲

是年六月某日白晝無雲日光烈烈午時空中聲如轟礮者三邑東土橋場人盡聞之

十七年建文峯塔於城北十里迴瀾橋畔山上

培修文廟

邑令張濤創設專經書院籌膏火延山長調生童入院肄業

二十一年三月西北路各鄉訛言寇至居民分竄逾宿始定

是年三月十八日午後自石牛溪入仙橋起傳及西北兩路連界各場驚言寇至兵婦老幼或攜衣物或空身倉皇奔竄山林寨洞不究虛實遠近但云某家已行某路行者若干人相顧錯愕不敢強止擾攘逾夜晨後漸定跟究緣起乃界牌某家因某事放礮耳

二十二年設團防局招常練備緝劫盜

是時川省各縣均有搶案本邑亦然總督鹿傳霖通飭籌款招丁以備緝捕邑令雷登閣奉行招常練四十名在籍千總章才椿充練總

七月乾豐場火

先是四月十八日場境大水山崩地裂至七月初五夜失火延燒全場幾盡僅留萬天宮玉皇殿一處居民咸就棲止不能容納朝夕兒啼女號不堪言狀

二十三年春大饑

去年久雨傷穀二三月間米價日增遙聞下川東暴民乘饑聚衆掠食人心搖駭訛傳寇作邑令雷登閣稟發濟倉飭團保勸富紳設粥廠按租捐穀平糶

秋大足縣民余棟臣聚衆燬教堂執洋人傳檄遠近川東各屬震動邑人築山寨預備避亂

棟臣大足縣龍水鎮人綽號蠻子勞力備也嘗言靈官附身愚民和之聚衆打教堂建順清滅洋旗傳檄遠近將順江東下撲滅留華人飭經過地方預備粟米聲勢浩大邑人疑信參半不能得其真相競築寨垣爲避亂計然歷冬及春並未一出不過於附近數場妄動騷擾而已適挾一外國人爲質蜀中文武長官投鼠忌器不遽加兵延至次年六月始爲官軍捕獲押赴省城繫獄民國成立釋之次年以作亂被殺

二十五年修北門外普澤寺石垣

二十六年冬間義和拳匪邪術傳至川中各縣

山東直隸一帶莠民私習神打以扶清滅洋爲名號義和團所在乘勢搶劫平民清太后信之縱匪徒攻各國使館戕德國公使及日本書記致召外兵七月二十一日兩宮出走陝西秋冬間始流及川省邑人自外間習來者與鄉里私演試驗靈否尙無黨徒聯絡作亂之事二十七年八國聯軍和議成賠償兵費邑加增新捐輸

是年八國和議告成賠償兵費攤派各省擔任各省派之各縣吾邑始於捐輸外另征新捐輸每年九千兩充賠償專款所謂庚子賠款是也

二十八年冬知縣廣厚查四路鄉場飭各地保辦冬防築碉樓調各保壯丁三百餘名入城教練冬集春散

自二十四五年來搶匪四起捉富民焚村舍白晝攔路奪貨內患日棘

匪徒初號棒客刀客旋稱跪灘匠

是年罷武小試

禁種鴉片煙

二十九年三月匪楊世玉楊興發等聚東路米糧壩圓村壩保正章煦調保內民丁千餘人防堵匪攻潰之戕四十餘人大旗章振武戰死

先是邑巨匪楊炳元伏正安州大礮壩不時入邑境搶劫圓村壩民丁素稱善戰保正章煦欲捕匪立功調丁往攻炳元先遁緣此積恨是年三月二十五日炳元餘黨楊世玉楊興發張青雲古定邦張矮子等先紮米糧壩龜山滾柴坡斑竹林等處遣人向煦借路不許調民兵千餘人其兄章熙時任團防局練總亦帶練丁往助仍用抬鎗火鎗矛桿刀叉屯集以待匪三五零星面前誘團衆開鎗百無一中乃描準反射彈不虛發連斃二人餘衆土崩以逐一逐十死者練丁章延儒章繼仲章洪士三名民丁四十餘名火章煦宅據場數日乃去是役

以軍械新舊利鈍關係匪四十餘人驅民兵千餘如破竹掃葉匪膽益張

初改學制邑廢各場鄉學就款設蒙養學堂

時清廷京師始設學部邑奉文設各鄉蒙養學堂一時未及籌款暫就舊有鄉學改組租穀給教員束脩

三十年續備軍左營幫帶官劉金波駐防圓村壩

圓村壩處東界自民丁潰後時切危懼請兵保護是年續備軍派左營幫帶官劉金波帶兵四棚長期駐防圓村壩後劉去哨官倪定綱代之倪去哨官李輝軒代之宣統時哨官葛松山之反正後撤去

冬邑資送附生羅祖澤赴日本宏文大學傳習師範

三十年邑廢隆化書院改建高等小學堂次年夏落成

三十一年詔停科目考試邑送學生赴渝傳習師範

是年邑始設學務局委總董籌備學款次年改學務局爲勸學所省提學使委縣視學辦理學務

邑設鐵路分局收租捐股捐

是年成都成立川漢鐵路總公司各縣成立分局委紳辦理派富戶認購整股每股繳銀五十兩又征收散戶租股照糧冊原定石斗從一斗起作爲收租十石抽穀三斗折銀九錢繳局給券每年由局按四釐付息卽於第二次繳股數內扣收年約收銀二萬餘兩至宣統三年收路權歸國有乃止

乾豐場拳匪余化龍李太元等謀亂保正堯松屏捕獲匪首送渝正法餘匪監禁

是年正月涪巴南交界兩路口小地名老荒溝石匠余化龍與紅生基住民李太元聯合借仇教爲名約集多人暗習義和拳製造刀鎗器械檄文告示定期舉事憚近隣乾豐場保正堯松屏公直辦團有能欲先圖之遣黨借故來探被松屏誘詰吐實暗集壯丁三百人前往四面圍攻捕得堯惠川郭潤鄧四李太元王松柏等及各種證據送縣訊明收禁後五日重慶知府張提牌來縣將各犯解渝太元惠川松柏正法餘匪監禁三年化龍遠逃未獲

三月冷水關人夏紹周擒匪李戎衣保正姚贊虞送縣伏法

戎衣羅洞坪境人有田產給衣食年少敢鬪初設店於路交通匪類久之遂擁衆行劫隳突

涪南邊境各場已二三年是年春二月邑團防偕外來軍隊擊之騎龍廟殲其死黨十餘人戎衣跳免後二日逃至冷水關之茶園匿店中紹周生擒之遠近稱慶如殄巨寇

三十二年正月楊柳壩保正陳柱卿捕匪雷現廷於老林山獲之送縣正法

現廷北路石牆場境人累世竊盜現廷嘗充團丁驍悍過人糾黨搶劫連境數場橫行兩年餘團保懦不敢下手經官迭次嚴飭限期不獲且與同罪柱卿始悉率團衆逐日搜山隣境協助先捕黨羽殆盡至是獲之老林中一方數十里戶無貧富咸慶安息邑令何丙屢請獎柱卿藍翎六品職銜

是年廢縣試院改設農工局招工徒學藝

三十三年二月邑警察局巡目周錫祿偕駐小河壩巡防軍逐巨匪劉天成出境

天成著名巨匪橫行重屬諸縣悍鷲出同時諸匪上是年由桐梓芭蕉壩率黨三十餘人來邑搶德隆場童仲藩家搜劫一空並挾仲藩兄伯修弟叔文竄正安馬伏江勒索銀四千兩贖回是時惟正式大軍及大匪始有快鎗所至州縣團保無敢與抗邑令呂森得報五月二十五日始派警察局巡目周錫祿副巡目楊紹菴率警兵三班經小河壩邀同巡防軍倪哨

官派兵一班馳往及之二十八日拂曉下令攻圍雙方開仗炮聲隆隆至半日陣亡巡防兵一名斃匪數人餘黨分兩股逃散錫祿復由廟塘奮勇跟追至綦江响水拏獲天成管事張少安奪九子快鎗一枝又於東溪拏獲要匪鍾麻子麻敬臣均送縣正法天成逃去直至次年在江津縣白沙地方經川黔兩軍合圍捕獲解送重慶府正法搶匪敢抗官軍開明仗地方文武長官胥視爲勁敵自此役始

三十四年裁兩學教諭訓導

學官既撤提學田入勸學所分設四路勸學員

裁駐防汛把總外委缺設警察局省委典史吳光奎兼警務長并設巡警教練所招丁傳習

汛署改爲警察局

初警察與團防合辦

由成都巡警道委警務長并設巡官正副巡目招警兵四十名後

二年復設巡警教練所招人學習爲推廣鎮鄉巡警之預備

設經徵分局成都總局委員來局徵收田房契稅

向來民間田房契稅歸州縣官經收不過略有申解餘入宦橐因以契稅豐歉定缺美惡川皆趙爾巽奏請另定州縣官公費薪俸提田房契稅悉數上解邑始設經徵分局委員專收

田房契稅及酒油肉稅凡州縣官公費薪俸按照上中下等級定數就局開支

三月保靖營營長率兵一營來邑大有場駐防

是年三月保靖營營長沈得勝率兵一營來場駐防次年奉調去

設蠶桑傳習所

宣統元年預備立憲邑奉文調查民戶劃自治區域

光緒三十四年清廷俞人民之請定十年後決行憲政頒十年內逐年預備政要是冬德宗

晏駕宣統帝立自元年起各縣從地方自治著手邑奉文計戶多寡分全縣爲一城一鎮九

鄉

邑令孫守正捕悍匪楊炳元誅之

炳元前係鉅匪已斂跡數年設肆於石牛溪守正閱積案遣團練捕誅之

五月創設商會

會員五十四人選王子壽充會長兩年任滿改選

八月設勸業分所

是年八月邑奉勸業道通飭設勸業分所委勸業員提倡實業

二年二月邑城會鎮會成立開會

自治區域劃定隨派員調查各區選民票選議長議員及會董城區南平鎮兩處按期成立城會以專經書院爲會所南平鎮以場內萬壽宮爲會所於是年二月初間開會提議本區自治章程範圍內應興應革事宜

邑辦自治研究所

前年邑紳赴成都傳習法政畢業還縣接辦本邑自治研究所廢專經書院爲研究所知縣負所長名義延羅雲程充教務長兼教習主持所內一切招生六十七名至九月卒業次年續辦第二班教務長教習仍舊招生七十二名亦至九月卒業以此項研究定章開辦必連續兩次方爲完全足供地方自治人材之用

五月創設農會

會員三十六人舉姚顯名任正會長金全德任副會長提北門外較場壩官地爲農事試驗場

三年縣議事會成立一城一鎮九鄉票選議員二十五名

各員互選羅雲程爲正議長楊雲璈爲副議長七月末竣事未及開會十月革命後雲程辭職雲璈爲正議長陳秀升補副議長就文昌宮開會議事與知事羅廷光不協廷光訐之蜀軍政府飭令解散又明年依民國法另組

八月教育會成立

元年四月二年五月俱發起召集以他故停滯至是第三次召集會員七十八人舉劉代俊爲正會長李在陽爲副會長

十月初二日邑北路國民革命軍入城宣佈獨立暫推中學堂教員新寧熊兆飛爲統領主持邑事

是年三月成都因鐵路收歸國有奪川民利權且與原案不符諮議局以全川代表起而力爭川督趙爾豐逮捕代表蒲殿俊羅倫等十餘人管押於是各縣紳民組織保路同志會及同志軍要求收回成命環省諸縣反對尤烈風鶴四聞郵路梗阻清廷聞之仍用威令壓制命鐵路大臣端方率隊來川查辦端至重慶停滯月餘不敢前進政府迭電催促甫動身而

武昌起義為全國先端至資州部下軍變殺之以應革命清廷再調岑春煊督川逡巡不至時端方已電奏奉准懲治不善辦理之官吏趙爾豐以下分別革降羅倫等對於匪事絕無干涉著即釋放法部主事蕭湘前被拘留並免置議清廷以此辦理俯順輿情可平川民之氣收拾殘局然火已燎原民軍處處蠱起楚晉滇黔紛紛獨立而成都同志軍仍相繼煽動清廷又下詔罪已開黨禁懲貪官頒立憲設內閣無救於滅亡而清社墟矣吾邑動機由駐渝中學堂川東師範兩校學生劉代俊王懋遷唐子方等與校中師友悉入同盟會主張革命屢次回縣運動團學兩界辦事首領借辦長期團練匪防亂

惶惑官吏無主聽辦長期團練知其有異而不能止也

為武裝預備

六月石牛溪進化學堂教員談毅聯結同志會黨三百餘人推毅為長

及九月杪遂以中學教習新寧熊

向時團練只辦冬防入春解散至是匪徒搶劫不息同志會起譁騷動人心

兆飛師範生渠縣鄧篤潛踪入境至白沙井石牛溪等處訂期舉事章述變等入城組織內應連日風淒霧暗謠言散布知縣唐之聲強謀戒備苦無端緒十月初一夜淋雨不息大霧漫山道路泥濘石牛溪石牛河兩路二更後啓行中途會合天曉抵北門城內團練啓鑰迎入橋塘楊暉吉之眾亦至暫將舊知縣經徵分局委員警務長拘留普澤寺兆飛篤已先匿城外客寓眾議暫推兆飛為統領主持全局篤為司法就舊典史署理詞訟分設各機關邑

中紳士及留學生擔任下午東路涂禎祥率衆至二三日內張革命幟而入者尙數起權發倉穀給食提經徵餘款及向富紳借貸支餉初四日聞渝城亦同日獨立人心大定點編有鎗之丁每門二百人號鎮東鎮西鎮南鎮北四軍分紮備調餘悉遣散以葺爾下邑爲此創舉尙能和輯穩固實出望外至次年將諸軍一併遣散但留鎮北一軍改編爲城中團練漸復舊觀

民國

民國元年一月蜀軍政府調熊鄧隆委歐陽恣來代改稱南川縣司令

邑國民共和兩黨成立

國民黨以城內浴覺池爲會所舉川東師範生劉代俊充黨長共和黨舉清廩貢生重慶法政傳習賀能鎮爲黨長

改革之初庶事倥傯衆議推邑人章煦爲副司令具文請於蜀軍政府從之

六月南平鎮發起保安聯合會清匪篋箕礮

清光緒季年袍哥充斥盜賊公行同志會之起袍黨亦多與列藉肆猖獗民國初立義軍紛

起諸務未遑益弛其禁兵變相尋裁丁潰卒挾械四散地方秩序大紊而舊設保甲多循例敷衍積弊已深難資扞衛鎮中諸紳始另行發起保安聯合會公推張茂春鮮寶田爲會長組織成立熱心人下鄉勸告附從日衆入會各戶壯丁一律編制整頓衣裝器械有警聽號立集無事亦數日一點巡游場內外示威人心協和威勢洋洋旋聞簸箕礮有匪卽馳往捕歸請知事臨場正法匪稍斂跡南平鎮團練打匪有名自此始

奉蜀軍政府令改裁判所爲司令署廷長爲司法由軍政軍札委廢陪審員

四川省城成立臨時省議會邑各機關法團票選議員賀能鎮章述鑾赴省列席

司令歐陽恣解任巴縣人羅廷光來代奉令改稱南川縣知事

副司令職奉令取消

五月二十三日監犯越獄逃去三人越日知事羅廷光取獄中十七犯殺之

縣知事羅廷光因事赴渝禁卒疏懈囚犯壞獄門出至典獄署時署改爲司法始被查覺繼出者七八

十人駐軍彈壓截回封閉逃者三人廷光聞耗自觀音橋急回次日提囚犯十七人不問是

否越逃駢戮署前

秋奉省令廢司法署裁司法以縣知事兼理詞訟縣行政公署內設案牘承審兩員

十一月以舊典史署爲典獄署置典獄員省委

二年南川縣議參會成立票選議事會會員二十七人參事會會員五人

二年八月重慶鎮守使川軍第五師師長熊克武巴縣紳士楊庶堪據川東獨立以駐邑營長敖軍臣等成綦南以長壽人涂海珊任南川縣知事前知事鄧篤解印去

是年六七月間江西都督李烈鈞首倡獨立反抗中央袁氏南七省繼續響應川軍將領熊克武以第五師鎮守重慶久有異意與本省都督胡景伊尤不相能巴縣紳士楊庶堪亦懷不平同謀反對然以部署未定應和反遲邑本熊軍防地先以營長敖冕臣率隊來駐至是舉事信至敖略佈置卽往綦江爲防黔預備知事鄧篤初亦勉強附從數日力辭去敖暫委張重風來代甫旬日庶堪委涂德芬至強編南路民團爲己用而克武敗耗已聞黔中助袁之師載塗矣

十月十一日夜知事涂德芬及其黨捲徵收局款攜印遁翌日邑人會推在籍前署萬縣知事

顏孔錫代理縣知事

涂行數日中途始將印送還

熊軍於九月杪進戰不利攻涪州爲一師師長周駿所扼退守重慶旋棄城東走是日有軍一隊來縣揚言助

守夜半竟挾涂氏捲徵收局現洋及紙票若干圓出北門向涪州路去自表示獨立至此凡

四十日舊曆中秋節也次晨闔城始知諸紳集議以顏氏屢任州縣習吏事迎其權主縣篆

欣然卽至時黔軍援川分道出邑境者以顏視事後數日絡繹至大隊由綦江一一接洽犒慰或十

餘日或近十日始從容整隊去亂定之後匪風乃熾顏銳意懲辦親出查拏有獲卽戮人心

稍定而四鄉焚劫重案無日不聞無聊之民持刀棒僻路孤村晝夜剽奪鄉人傍晚卽攜樸

被率妻孥宿林莽間者歷三冬之久熊楊變前省委知事范姓至是始來顏氏集紳開會拒

之

三年邑奉四川巡按使頒布中央規定團練章程成立城鄉各保衛團局練團自衛

民國初立不逞之徒聚而爲匪蹂躪地方各省皆然中央政府特規定團練章程飭巡按使

頒發各縣吾邑自反正後盜賊四起團區或大或小招丁或募或多久已林立至是奉文改

稱某地保衛團局局長稱團總廢縣團練總局各局直接受縣知事監督指揮小場小團或

因匪類猖獗勉強分立或因財力不贍又從合併約常有二十餘局惟南平鎮力能制匪

成立警備隊

邑奉文設警備隊卽將城廂團練鎗枝歸併成立置隊長一人警丁八十人就練丁改編紮縣公署右偏由縣知事調遣此時大總統袁氏已萌異志暗重官權抑民權故有此令

大河壩團正章青田率練丁擊匪本境遇伏被害卹錢九十千

青田探知匪入龍骨車溝將由得春壩到半河先派民丁埋伏自往追之與匪遇於中途夜雨昏黑猝然被擒詳見人物篇青田傳

四月永安場團練班長曾義廷禦匪被執慘死

是月巨匪尹興發糾黨劫場團局班長曾義廷卽出應敵匪已敗退義廷身先士卒追之至龍洞台後援不至被執用洋油潑其衣服以火燒之須臾而死次年場團擊王小凡於箐頂亡練丁練海雲

巨匪湯子模踞冷水關駐防本邑營長劉興夔以兵逐之劉營還縣湯復至先後戕學生余濟川甲長陳鳳鳴練丁王海清吳竹軒安丙南等

巨匪湯子模率匪四百餘人盤踞冷水關出入涪南兩邑破砦堡擄富室無數劉營長興夔

率兵據高壁山湯駭退及劉回城湯又統匪六百餘人再屯關上命其黨錢鼎元破石耳山寨子周述雲破桐子灣石洞捉周姚盧三姓富紳數十家并涪邑紳士極多殺人亦衆合境皆逃周榮和長子時盛奔城求救劉營長又親督全隊往追走之次年鼎元領匪百餘人來場打局殺練丁王海清吳竹軒安丙南甲長陳鳳鳴自家入場遇害
六七兩月大旱無禾自秋至冬遂不雨

自六月中旬斷雨全縣田禾稿死十分之七顆粒無穫後歷秋冬半年僅得霖灑塵者二次而已

八月巨匪羅紹輝攻萬盛場教練傅季坤擊走之

是月著名巨匪羅紹輝統匪徒百餘人悉執快鎗整隊入場時紙商多住場中資本充足匪覬覦已久計在飽掠賴教練長傅季坤奮勇當先擊斃羅匪追奔逐北僅亡練丁一人

邑駐防軍攻匪湯子模於涪陵聚寶場不利陣亡排長一人兵士十三人劉營長興夔復戰敗之

是時駐涪川軍與巨匪湯子模相持涪南界上劉營長悉匪悍甚欲一舉除之特請機關連

到縣助戰一日天方拂曉大霧彌漫來軍架大砲長驅直到聚寶場激戰多時陣亡余排長及兵士十三人退回營長大怒復督隊進攻力戰得勝先是來軍乘霧而前不悉地勢方於場口安砲一老嫗無知以敵至報匪先出場左右設伏故敗

知事馬傳綸辦貧民教養工廠於新城隍廟委邑紳任正副廠長招學徒二百人分十科習藝勸工局停辦

十月六日正式國會選舉袁世凱爲中華民國第一任正式大總統歐美各友邦一致承認中華民國

中央臨時國會於是時正式成立隨組憲法起草委員會迨江西事平後經參眾兩院合組之憲法會議咨請委員會將大總統選舉法先行擬定議決公佈按法於是年十月六日開正式大總統選舉會袁世凱當選爲中華民國第一任正式大總統卽於是月十日宣誓行正式大總統就職典禮歐美各友邦住中國公使均遞國書承認中華民國正式列入環球萬國之國際團體中爲中華民國

十月初十日萬盛場教練長傅季坤攻匪溪源遇伏死

有黔匪百餘人聚於溪源官華園家季坤偵知意其未備率練丁四十人先往攻之匪占地
利季坤身先士卒向前不顧伏匪四起中彈身亡

十二月濟南連界股匪悉據冷水關捉搃富戶居人遷徙一空

是時湯子模吳丙臣六指老沙張琴堂官保堂等腐集關上拉搃富室已盡凡開店織布耕
田勉營生活之戶慄慄畏懼皆遠移入城避之

正安州匪駱煥章等十餘股盤踞圓村壩

黔匪駱煥章羅漢章絡繹別夥汪月卿鄧丙林錢占臣李趣生蕭占雲章春和黃華廷等大
小約十餘股齊集圓村壩分紮場內外喇叭相聞蹂躪全鄉人民不堪其苦歷數十日地方
函請在小河壩防軍來援始飽掠而處

鄉村土匪為患

有大匪有土匪大匪患兩等雄者著名渠魁多用歇後語表姓加一老字以相稱謂糾黨或數百或數十用兵法部

勒吹喇叭高帽短裝與正式軍混且以司令自稱專劫遠方富戶先期偵探勾本地鄉民作
鄉導謂之往返經過之地借炊借宿非倉皇窮迫無不給錢遇極窮人或解囊施予所駐地

見土匪滋擾代爲鄉人驅之目以小醜焉其次搶者不皆有鎗有鎗者不皆出搶游民無賴夥商欲劫某戶分頭借鎗湊合成隊鎗主得占股分名陰此等匪聚散無常形同烏合圖財地不甚遠事後多被緝獲以上倡首之匪俱名拖柵子土匪則係本境窮民平常亦執本業或無聊禪身見魚生羨或二三人或四五人持木棒短刀明火鎗晝攔道塗突出吼稱檢察便事搜尋財物不拘多寡整碎對於行人或先擊傷或直斃命或僅帕勒頭眼縛之樹株幸不幸惟其所遇夜則不敢過問上戶但掠勢孤力弱之家農工器具布被緝袍悉攜以去遭此匪者苦慘尤甚每於軍變政變後大匪橫行此曹必竊發一次中戶以下之良民無力徙避白晝居家操業傍晚卽挾樸被攜子女入旁近山林冒雨熬寒輒至四五十日極不聊生之景况也捍此匪者各團各甲守望齊心徹夜梭巡彼卽稍斂若力辦民團家丁戶械嚴密緝捕不特鼠輩不敢出頭卽制二等大匪亦有餘矣惟各團分招常練費重而數不能多力弱而戰不足倚狡猾趨避使用不靈施之大小各匪俱無實用惟疲一方財力爲首人置護衛藉收款擾村閭而已

春夏大旱饑知事馬傳綸設籌賑事務所勸富室捐款分路散賑并發濟倉積穀散米給錢施

粥平糶酌宜并舉

自去年六月斷雨歲暮田盡坼裂農猶隱忍懸耜以待及新歲又歷五月亢旱依然一望原隰不耕不播饑者漸掘草根朴土充食知事馬傳綸設籌賑事務所於城內平糶處二十九於各鄉分委紳士督同地保調查全縣饑民極貧八萬三千七百餘口次貧七萬二千餘口平糶分二十九區閭邑上中戶捐米一萬九千餘石銀五千餘圓發濟倉積穀以減市價設粥廠以待餓夫遘數十年罕覩之災官紳咸盡心力

省城籌賑局重慶總商會各撥銀二千圓來邑助賑

知事馬傳綸具文詳請而來

七月十三日股匪劫小河壩次年五月同日戕礦局收礦委員陳雨膏

是日突有股匪百餘人來場搶劫一空損失約數千圓次年五月十三日復搶下場礦局收

礦委員陳雨膏中彈死

秋荐饑知事王承梁請省城籌賑局撥銀五千圓買米及包穀分給貧民

夏既失插秋仍苦饑惟是歲包穀特豐不糞壅而收二倍農民咸悔懸田待雨不及多種

北京籌安會議奉大總統袁世凱稱帝徵求民意四川都督兼巡按使陳宦頒通告書於各屬
邑派代表晉省赴會改元洪憲

先是袁世凱已經衆推戴任終身大總統是年六月總統府顧問古德諾氏^美有改國體爲
君主之商榷楊度等贊之遂組織籌安會及國民請願團日夜鼓吹謂民國成立四年變亂
相尋非改行君主立憲無以定國世凱然之設大典籌備處用五等爵封各省將軍巡按使
改五年爲洪憲元年又佯令各省長官徵求民意四川都督兼巡按使陳宦令各縣派代表
赴省開會表決其通告書注明如何選派如何填票須代表承認帝制始准派充邑照例派
遣一致贊同

十二月駐邑川軍包營長紮馬嘴鄆連長紮大有場防黔軍

三年秋川軍團長張鵬舞駐防吾邑至是袁世凱帝制風潮甚烈張借清鄉爲名令營長包
小南以兵駐馬嘴場連長鄆少堂駐大有場暗防黔軍反動

唐繼堯蔡鍔起義雲南稱護國軍討袁世凱北軍將領張繼堯李長泰曹錕率師入川屯瀘州
一帶旅長齊燮元由南川經過邑設兵差處供應夫馬

世凱已建元改制但末各省長官贊成過半惟滇黔兩廣倡義反對前雲南都督蔡鍔自北
京逃歸卽與現任都督唐繼堯以下協謀傳檄誓師世凱檄川督陳宦嚴兵防守立調北軍
將領先後入川叙瀘合綦爲爭點旅長齊燮元自涪陵上岸至邑駐城內女學校時正嚴寒
供給肉米煤薪日不暇給疲於奔命特設兵差處於商會以供代掉銀錢其款由稅契項下
每百千加抽三千時已五年正月北軍言語不通易生誤會時起衝突供辦薪芻拘拉夫役
尤極困難後數月帝制取銷袁氏淪亡民國再奠北軍仍由綦返南休息而月然後東歸義
勇軍又時來侵襲半年中城門少開多閉獄訟交易一切停止

五年正月川軍營長包小南棄馬嘴黔軍進據之營長劉興夔由間道往攻奪回黔軍敗走正
安縣之新州場

護國軍起黔軍支隊長張三元出南川清鄉川軍團長張鵬舞駐縣城去年十二月已命包
營長黃營長分守馬嘴大有場小河壩箬頂等處防之是年正月初十日三元率兵千餘攻
大有場將晚包軍大砲炸裂黔軍另派一支越轎子山而來擾包後方包恐前後受敵窮於
應付夜半潛回馬嘴敵亦隨至十一日午間包擲生洋數百圓獎王連長衝鋒敵稍退忽傳

勇軍徐安邦由觀音岩來遂不支棄馬嘴遁三元進據劉營長興夔川軍中能戰者也奉命收復乃率隊由大河壩進乘高出馬嘴之右聲息不聞突然進攻三元僅以身免敗回大有場戰畢檢點積屍包軍死二十餘人黔軍死七十餘人越日三元退回黔邊興夔卽駐馬嘴軍紀嚴肅並捕獲著名巨匪張子安張袴二張述堯等六人正法人民爲立德政碑於月亮岩

川軍黃營長防箐頂失守走蘿蔔坎義勇軍據之次日反攻奪回

正月初間川軍黃營長韓連長分守箐頂挖溝十餘丈與義勇軍相持十七日晨大霧三尺外不相見義勇軍乘霧率兵一排來攻被溝內伏兵排鎗轟死十餘人暫退敵隨開大隊復來鏖戰已二日未分勝負川軍陳營長率兵援助未預知會黃韓直到箐頂開仗黃韓誤謂敵兵包圍逃奔蘿蔔坎死亡二十餘人不勝訝異次日黃陳同力反攻奪回箐頂

三月義勇軍頭目盧漢臣徐安邦襲冷水關川軍連長雷奮春擊卻之

是年春義勇軍頭目盧漢臣由黔窺南與支隊長徐安邦率部下四百人住涪陵銅鑼鋪聚寶場一帶欲奪冷水關據之城內川軍派連長雷奮春率兵一排四十二人到關防守住萬

天宮急築矮牆自護取與下場口相呼應二十夜防石牛溪軍官公文來調雷暗將坐營盡數開拔但留稠樓兵士防守廟門安邦遣偵探來見詐稱願率全部投誠雷知其妄詰而斬之二十四夜三更安邦統全軍分三路乘月進攻與步哨接觸開鎗雷聞即督火夫至上下場口加彈防堵義勇軍幾次衝鋒俱被擊回須臾天明前日出發之兵聞警歸來安邦所部已死十餘人見救兵已到遂率隊退去雷軍仗矮牆保護未傷一兵更函團總周世慈傳集民團扼守高壁砦要地二十五夜城內添兵兩連來助警備周密漢臣知不能入退回原地是役也雷連以四十二人抗敵四百人共耗子彈一箱守禦有方安靜卻敵可謂能矣

五月四日北軍一隊自邑北路入城義勇軍由東北路襲擊之於關口蔡家壩

大溪河右岸

北軍循左

岸登山城內駐軍出援義勇軍退十七日兩軍復戰於東路西陽關自辰至未義勇軍退

自二年熊楊失敗本邑及隣屬諸附麗者多逃亡附近數縣邊境劫掠度日納潰提鎗聚散靡常及護國軍起即聯絡組織成營成隊自號義勇軍應和滇黔滇黔亦利用騷擾敵人後方間或加以招納給以子彈時出抄截北軍習戰中原平陸至此山澗崎嶇路徑不熟言語不通無所用武又爲此等軍隊牽制故不能有爲也

六月八日駐邑北軍盡數徹歸川軍已於三月中去後十餘日義勇軍次第入城

袁氏用兵數月攻滇黔兩廣不能進取尺寸師老力屈兩湖長江各省亦紛紛動搖自知不濟乃於四月中下令罪己取銷帝制冀解紛爭而各省馳電迫其退位憂憤成疾至五月四日而殂各省會議公請前副總統黎元洪就大總統任西來北軍漸次徹歸蔡鍔接任四川都督赴成都大局始定邑中則義勇軍隊久環集數十里外各場至是絡繹入城

雜述

此次重修邑志審別事實自立門類不踵前規自方域至前事十三篇地理風俗物產人事祖宗所法吏民所守疎脫雖多梗概略備其他小道異物佚聞眇論義各有取土訓之資以雜述盡之區爲四目一曰僧道二曰祥異三曰古物四曰叢談全書之末例載前志序文頁少不能成卷卽附其後

釋道占驗

僧寂參 頗嫻釋典尤立志濟人橋梁道路經手擘畫而成者不下十餘處當哩野僧往聖水寺時經年不發一語參往謁忽謂之曰我來早爾來遲殆亦戒定慧中人歟

僧心法 守皈戒喜布施邑中古刹多所培修於未坐脫之先囑其徒曰我於某日當往某地汝等善守衣鉢勿墜宗風屆期沐浴披衲焚香誦佛端坐而逝

僧海映 乾隆初住青山迴龍寺修持五十年嘉慶丙寅里有熊氏婦攜女至寺焚香僧招女項次年至又招之三年女不果來僧驚問氏以年長辭僧大呼曰惜哉爾女死矣氏詢故僧謂

女項有縊紋三業斷二歸視女必縊死氏歸家果如其言僧坐脫年八十九

僧了然 海映徒尙清修培補陳家場萬天宮坐巴邑蓮花堂方丈八十五歲涅槃日有人自

隔頭溪見僧持巾扇步履甚速稱由迴龍寺赴萬天宮及往叩未見少頃報在迴龍寺坐脫矣

釋氏謂出神飛昇於此僧髣髴見之 萬天宮內有桂二株至今常茂不華相傳當了然時花盛開市人日往攀摘僧惡其器作法咒之命名普清普秀遂不復華竊恐桂之種類甚多或有不華者人遂附會神異

未可知也

僧心朝 年五歲祝髮於銅坎寺道光九年往巴縣華崖寺受三壇法戒每日禮佛外惟捻珠

誦經垂簾靜坐後遍游諸方叢林參悟禪旨常以藥石濟人同治七年坐天心堂方丈現年七

十二歲

右舊黃志

僧喬松 邑北鳴玉鄉安山寺清雍正朝創建開山和尙喬松荒度構造殿宇數重又廣置脚

菴富有產業晚節頗有了悟沒時其鄉負販數人自外河歸遇之於插秧坪問師何往曰朝峨

嶺反顧囑曰吾有蒲團女繡鞋及某物在去寺若干里某道旁洞中亟語我徒往取負販者歸

聞松適死驚告其徒往洞果得焉以高行老衲而藏女鞋公言不諱此必故作幻弄不可以常

誣測也

僧朗圓 涪陵人幼卽出家歷棲數寺左手自股以下斷自胎中入呼爲斲爪和尚前十餘年與僧煥然同自巴縣華崖來邑金佛山鳳凰寺里許別構草廬爲誦經入定所日二次赴寺會食不待呼召適及飯熟食畢反廬無臥榻惟一木机誦經外卽冥坐其上常至一日有餘寂然不動否則繞行廬外不輕言徒侶叩以未來事言往往有驗

吳學詩 邑東官地壩人中歲離鄉學道於成都青羊宮年九十餘時一度還鄉省墓容貌如四五十歲人夜不臥牀置一凳堂中端坐未嘗合眼盛暑不爲蚊噉鄉人有欲學者答曰能伴我坐三夜可入門矣臨去諄勸鄉人爲善招福返成都後楊任才兆元兩茂才試秋闈往訪之年已百二十顏色如常坐方丈達官貴人聞名求見者多不可得

皮心田 光緒六年季夏大旱闔城請禱屢次無應乃延心田作法出身藏古銅鏡一口裹以七尺七寸七分之二紅綾張於三丈三尺三分之竹竿口唸咒語立竿棹上穩如樹株撼之不動跪誦經典頃刻大雨如注歲賴以稔邑令牟思敬匾其門焉

記者素不信祈禱之術以爲偶有應驗者皆貪天功耳民國十四年夏旱各鄉分頭祈雨雙河場已延某某道上請禱一次祈應鐵村壩寺坪道士楊鳳山爲前法堂寺著名術道士李道玄陰傳弟子向人大言禱者不足恃若延我且從行者須如何誠敬雨可立致衆開果再斂錢設醮延之方起道場記者自城歸聞人語請水在第三日私念此次可驗其能否真僞矣至日鄉人景從尤早

尤衆往半河老龍洞約七十里下午
反至西陽關雨已隨至若操券然

劉海仙 清光緒十六年元合鄉迴龍場一帶蟲災鄉民設醮延海仙長壇供天之日海仙捧
水碗挽訣忽風起滿堂萬燭盡滅左右秉火再燃見諸蟲膠枯燭上密比無隙次晨五十里內
蝻蝻者已無形消滅

金大煜·綦江人嘗在萬盛場演禽課法以竹籤二十八根書二十八宿名以一籤書甲子又
以多數紙捲各書一字令人各拈其一以占所欲問之事無不應驗其術傳自石蘊齋蘊齋得
自某其人先在石達開軍中卜石當敗逃出

人物祥異

中江泮池荷花 清乾隆五十一年丙午科邑拔貢周士灑以朝考授中江縣教諭弟士壽姪
立矩隨任肄業縣廟泮池荷花新開三朶鮮艷異常僉疑爲邑士撥科之兆榜放乃應在學

師一門三舉

瑞蓮 清同治四年邑令鄧文治任內縣署後孝筭亭前荷花盛開多於往歲有一蒂兩花者

衆咸稱瑞文治別號小竹置酒招僚屬幕友賦詩凡十餘人刻爲小册傳觀

四川卷十四 祥異 1241

楊錦絢堂 河陽滿縣花難數四時花合無雙譜春去秋來愛日長班春預構藏春塢孝筭

亭前一葉舟孝筭亭邊小池幽池內六郎花面好淨質如將碧玉抽朝來聞說花齊吐迎輝

帶露花欲語千花萬花看不足忽逢並蒂雙仙舞枝頭連理花合歡璧合珠聯如是觀稱召

杜美龔黃又看南國愛甘棠品物咸亨仁政溥一片花光繞冰署

馮允謙訓 我來亭畔幽香起並蒂名花浮沼泚分明兩朶玉芙蓉姊妹濃粧醉晚風日暖

琴堂吉慶多賓朋吟賞醉顏醺草能呈祥花獻瑞從知美政得民和

嘉禾 通志清雍正元年秋九月南川縣產嘉禾一本十二莖一莖三穗道光二十二年壬寅

邑產嘉禾一莖雙穗民國十五年木涼傘境內一莖雙穗甚多同年半溪溝楊姓糯穀滿田雙

穗

甘露 清咸豐十一年辛酉秋甘露降於邑北十五里鳳頂山大紅豆樹嘗之味甘若醴樹已

數百年鄉人於此禱雨甚應邑文生余際雲作頌曰豈弟君子政簡刑清時邑令為山右王公臣福字介堂 甘棠遺

愛南國化行天降膏露綴樹晶瑩甘若醴泉湛若明星見所未見名無能名儒生雀躍乃歌載

廣

按是年秋七月髮匪犯邑萬盛場進攻縣城殺人最多豈得為瑞

花甲重婚 觀橋鄉人駱榮祖妻唐氏於清光緒二十五年開花甲重婚宴賀客甚盛時榮祖

年七十六唐年七十八後榮祖七十八唐年八十二卒

按邑夫婦結婚偕老逾六十年者往往而有特未如榮祖之召客行禮耳

鄧煥廷 北路福壽場人鄧煥廷妻周氏長夫一歲其餘生月日時死年月日時及生沒之地無一不同初周氏父母偕此宅居生女後即他徙鄧父母繼之恰一年生煥廷兩家均謂有緣

遂訂婚焉

天開 清道光九年己丑正月初三夜天形中開半明如晝半黑如漆

是時南次秦村溝教匪作亂迫令瑞澗撤在籍把總王揚廷率鄉

勇往討之大捷

民國十五年十月初二傍晚北路鳴玉鄉侯家壩陳姓四人同行忽如白晝仰見天開一

縫有物長丈餘下墜田畔動盪有光方圓不定霎時遂杳

月重輪 清道光二十九年己酉秋月重輪一大一小大者如常小有色全碧

雲重環 清光緒二十六年庚子三月十五日辰巳二時天淨如洗但現灰色雲氣作重環相

連一大一小環向北大環向南

四川南川縣志卷之五

日無光 民國十三年陰曆十月十七十八兩日日淡如月無光

三虹入市 民國十四年五月五日天半陰半晴邑東合溪場有三虹入市上場一貫店門中

場一射水缸其一環繞場外乾田衆目共見均二分鐘時始滅

天鼓鳴 清道光十五年四月十九日天鼓鳴恭南連界人盡聞之

雷擊多人 道光十八年夏羅洞坪場演戲青天日朗忽霹靂一聲震十八人立斃九人拋數

人於廟外被拋者不自知 清光緒二十二年丙午七月初五日午時雷抓鐵村壩人鄭岐川

家秤入小斗內秤桿由斗梁下穿過移置宅外田坎器無稍壞田穀燒焦半坵鄭素行亦無大

惡又光緒末年石溪鄉雷見隆妻鄒氏分娩生男見隆護視扶寢方定鄒氏忽被雷擊死子存

因名爲雷震子又光緒季年觀橋鄉譚家壩張清安二孫方數歲同時被震人咸惋惜

按鄉人競傳雷擊不孝固非其實然借以警惕愚俗神道設教義不可廢至其擊人擊物擊

器及木石每多詭異難測產婦隱臥深閨斗秤久屬朽質而忽罹此尤覺不可思議

大雪 清光緒十八年壬辰十一月下旬大雪數日白晝紛紛如磚下墜繼以冰凍十餘日深

林白鷺盡死幾至絕種三四年乃復集 同治十年辛未十月十一月十二月次年正月二月

朔皆大雪三月朔仍雪稍減是歲大豐

大雨雹 民國十一年舊曆夏四月望日大雨雹德隆鄉火伴台地尤巨打死水黃牛十數隻

水紅水黃水黑 咸豐十一年辛酉春先農壇水紅如血是秋髮匪逼城冬池水復紅明年三

月賊又至 民國十四年十一月城內皂角井黃三日復常 俗人喜言井泉中有蝦蟹之屬皆為靈物泉源由之而發光緒三年夏久晴抹夫淘皂角井有紅蟹

一隻、井旁黃姓孺子捉去養水缸中與其母驟病井原亦絕人情諱靡祈禱卜能復有疑為捉蟹所致者急延道士祝告悔罪香帛鼓樂迎還泉即驟湧病亦瘳 民國十四年十月二十六日天雨溝

滄田疇水皆如墨十一月十二夜復然主歲美

地震 清咸豐四年冬十一月起至次年冬止南路陳家場地震不已 或數日或數十日一次 毀廟宇房屋

墳墓壓斃人無算

石灘爆裂 觀橋鄉龍川廟前砂石灘長八丈民國八年六月十四日天氣晴明忽從下發聲

如霹靂爆為碎片說者謂此石去地殼最近天氣久晴下層之水浸入上蒸故驟裂未知確否

水立 清光緒戊子夏大有鄉教員李培之教學大堡李氏宗祠出遊祠後見田水轟立丈餘

回旋如交叉狀面積圓闊近丈

龜蛇生子 龜與蛇交生卵於乾土下春間掘土二三尺始得之鐵村壩有土人於暮春掘得

兩窠已變成形一窠十餘卵一窠止七八龜蛇各半

鳩鷄同產 俗傳斑鳩四十日而孵卵每次兩卵則皆爲鳩間或三卵則其一爲鷄兒童取鳩

卵者所見皆同予弟舜儀幼時與鄰兒共覓亦如是

馬搭 邑中諸溪如大溪半溪泥溪各深塘皆名馬搭塘鄉人競傳其中有物名馬搭不能確

定其形但見遍體深蟻色如紅毡寬展平鋪浮起時幾掩塘面有人畜過岸則掀波鼓浪驟湧

上岸捲而食之有謂係馬溺於塘年久而成精者其說恹恹無稽然名則數處並著跡則歷久同傳亦非無故今春

予以訪半溪溝楊治平君素留心調查似已得其真象今錄其說於左以質博物君子 馬搭

爲物非動非植乃水分小球及日光造成按光學原理凡日光遇透明之三稜鏡能將光線曲

折反射爲七色遇無色透明之圓體於方向位置適宜處能將光線反射爲赤綠色據液體學

原理水爲無色透明之液體若將水分散爲無數最小之水滴卽成爲無數小圓球體又因雨

滴係透明假遇日光方向位置適宜之處卽能將光反射而爲赤綠色春夏之交雨後有虹發

見卽此理也又用口包水向日光明處噴出成無數細雨點亦見赤綠二色謂之人造虹亦卽

此理大凡俗人稱有馬搭地多係在某河某塘某水崖類皆積水之地水遇變動而成滴一遇

方向位置適當之日光反射而成赤綠二色卽世所稱之馬搭也俗人見所未見不免驚怪竊皇奔走回視不復觀益覺詭異其湧浪捲岸上人物之說悉出附會果誰實遭其吞噬者

旱魃 民國十四年六月久旱之後空氣驟更元合鄉各地逐日皆雨惟合溪場北一隅油雲已蒸爲狂風吹散一日立門外盼雨方切遙見東山麓二洞口有物立如人狀細審之色黃白似十餘歲小兒油雲所向輒仰首嘯之風颼颼作雨遂不至以語家衆候第二次復見少年輩發鎗擊之不中物亦不懼如未覺者乃徑前逐之至則無物相與疑爲旱魃謀殺狗血以禳

後不復見

採訪員章何謙水稿

犬害稼 犬家畜也待人而食素不齧野外植物民國十四五年飢饉之後專盜土中包穀紅

苕

邑各地皆然

助野獸爲虐鄉戶苦之其搬包穀能效人立揮前二足按之高者先倒其莖然後恣噉

冬季復掘蘿蔔近年野豬兇兔鴉鵲鼯之屬踐踏山糧貪殘倍昔往往全土下種卽悉被掘食亦如人之凶歲多暴然

虎入市入人家 虎豹豺狼深山固有然當地方安靜人和年豐時罕至平地與人接觸惟值兵戈饑饉鄉里蕭條則縱橫放恣隨處逢迎失險抵平或容易斃於人手至市中有虎古以代

表調言今竟演爲實事殊有關於世變撮志數則於後 民國十四年九月二十四日傍晚兩虎入德隆場大一小一至團練辦事處如人周遊片時穿場徑去自是本鄉及連境元合大有界內憧憧往來不辨其爲多數少數越三五日必聞某坡牛某家豬被虎攫食矣其一入秦村溝羅文榜家三日乃去又有李金玉李三昆弟採樵黃蜂洞虎先撲啣金玉三奮力奪救虎舍金玉咬三金玉亦奮力奪救虎輾轉間自墜入消坑二李俱得免又有冉銀山者設店小市一日家人盡出惟其老母守屋虎自後入室虛無人徑緣梯上樓其母瞧見自後鎖其門虎閉樓中二日人亦不敢近或說用長鈎撥瓦兩溝爲之開路虎見天光一躍衝桷而去又德隆鄉屬草壩場境民國以來遭匪蹂躪尤烈人民離散死亡尤慘而虎之噬人直若常膳張老么梁二均以割草罹殃留脚板梁二妻章氏偕弟尋夫虎回首逐之相隨至家氏急登樓虎留宿其下遍抓四壁天明乃去

義犬 石牛溪劉合興家犬產數子鄰戶陳福興乞一頭去養之飼以飯恆餘半以待其母未至必往尋之如是者累年人以爲孝犬 同治元年二月髮匪之變烈婦楊士品妻周氏被殺於途犬守其屍三日不去

牛欄無雪 邑東馬嘴江南浦家畜一牛無他異惟每年冬暮他處積雪甚厚馬嘴高地無不積雪之年江牛欄上獨無鄰人覺其異易以他牛而置江牛別所則雪之有無互易矣不久鄰境牛疫大作死者相屬惟鄉中無之或疑爲江牛所庇蔭矣

老鶴窩 邑北河圖壩唐氏故事老儒唐廷舉作記載入其手輯族譜

記云南平治北七十里有老鶴窩傳自明時吾家始祖時公託業於此櫛櫟古樹一株大數圍有雙鶴大如鵬宿其枝頭多歷年所明季丁搖黃亂星軒公舉家避亂於龍崖城鶴亦隨止先公絕糧鷄日銜魚供全家食賴以得活奇甚感甚寇退先公返故廬鶴亦返舊窩第失其一來歸者痛抱寡鵠悲鳴數日而死嗚呼真天地間羽族中之靈物也始而與人相依不忍離主智也繼而啣魚供食不忍餓主仁也終而仍返舊窩不忍他適信也失偶不忍別配孤特不忍獨生禮也義也以鳥而具此五德有不令人欽仰表彰以傳世哉今續譜念昔先人爰追述奇蹟而顯揭之後之過斯地當亦徘徊不忍去云

蟻鬪 民國十二年陰曆三月合溪場北小土溝大蟻數十領小蟻無數分爲兩路一在溝南

一在溝北而鏖戰於溝中三日夜始息死者十分之二各與其尸歸隧觀者如織 革命後一

年城內縣署後及北城外較場壩均有蟻戰鬩鬩延長一二里狀如合溪

蝴蝶 蜻蜓 清咸豐十二年壬戌四月初二有白色蝴蝶自煙燄中來由小河壩飛過柏枝壩大如錢排空成陣遮蔽天日次日午後始稀髮匪圍時也又民國十四年秋七月二十二日晨刻魚泉河境空際有紅蜻蜓千萬成羣旋舞不息午後始杳鄉人疑爲黔軍將歸之兆後數月果驗

蠅 咸豐十一年夏青蠅數百萬飛集霍姓宅牆垣悉滿三日始散

木中魚鱗 木涼傘人黃麻三掘樹頭其下露一泥孔圓大如甕表裏光滑平順中貯鮮魚一尾重八九兩 魚泉河劉姓業內大楓樹一株前因剔旁枝正幹脫皮受傷處腐爛成一圓孔常滿貯雨水近年修祠斫樹倒地腐處跌斷內有鱒魚三尾皮色帶老觀者無不詫異無論不得其所自來且魚性忌木以木盆蓄生魚須臾卽死茲鱗獨反之孟子謂緣木不可得魚猶未盡物之變也

水缸見花 清同治十一年邑人龔紹鼎家二水缸大缸現白牡丹花五朶中朶大如盤四隅四朶微殺層瓣分明水色淡紅如旭日初照鮮麗絕倫小缸現淡黃金線組織精緻始於一縷

四川重刊長沙通志 305

漸至紛綸糾縷缸水通赤如餘霞滿天移時始散水色復常味亦無異

花椒一歲兩花 合溪場西南五崇壩馮炳煊宅花椒樹一年兩度開花結實後盛於前

桐樹結刀 同治元年壬戌桐樹結大刀柄長尺餘 光緒元年乙亥桐樹結大刀三柄柄長

數尺

大南瓜大菌 清光緒某年合溪場郭家溝章姓園內結一南瓜大幾合抱剖之內孕一小瓜
大如盃口兩瓜無子無瓢 民國十五年元合鄉民時秀題家火爐前夕尙種火次夕生大菌
高三尺口大如盃蓋如米篩厚四寸不祥物也

石瘤中動物 大有鄉遮家溝崖壁挺出一巨石形如覆蓋鄉人就其下供奉神像爲祈禱之
所民國十二年十月復於下排植榴柱以石蓋層有瘡癩不平致礙命工雕之瘡壁中飛出一
物鼠首兔耳色青形如蝙蝠徑向對面河干叢林飛去

產異 清咸豐三年某婦臨蓐產卵六枚大倍鵝卵破其中伏小蛇數頭 吳安廣妻石正寅
妻均一產三男

杯異 邑東城外某近年得一小土酒杯置案上斟酒至半則繞行至他方面取還原處復然

空杯及斟滿則否客至取出面試無次或爽

小神子 小神子作崇人所厭聞邑凡兩見一爲清同治年間迴龍寺鐺頭嘴某家一爲民國九年萬盛場某家其技倆不外燃燒衣服帳被藏匿毀壞器物變易飲食臭味如不肖之奴婢焉耳鐺頭嘴家初用巫者驅逐反爲所玩後以設壇安位無事及光緒末年田姓繼居此宅復出作劇收伏不效轉善事之反能小小致福

寒婆嶺 邑中松林人行路翻嶺處多名寒婆嶺過者必折樹枝合葉一把鋪地否則謂召足痛相傳昔有窮老嫗凍死於此其魂要求行人周濟以木葉蔽其身也

古物

武廟鐵像 明宣德年間鑄清初康熙間土工於舊武廟故址穴中掘出鬚眉蒼古神像森嚴知縣方應禱移新修武廟後殿春秋祭祀

鐵方燈 治西二里東嶽廟明萬歷時建正殿懸鐵方燈製法奇巧相傳每年放光殿宇如同白晝

玉屏 高三尺闊尺有八寸嘉慶初蔣令作梅培修半河路鑿石壁得之石色白精瑩耀目上

有魚龍形從屏後秉燭照之蜿蜒欲活存武廟後殿

琴硯 清乾隆時邑周松崖大令官山東重金購一硯體似琴缺一隅宋文丞相故物也背鑄

行書一絕云 松風一榻雨瀟瀟萬里江村不寂寥獨坐瑤琴遺世慮君恩猶恐壯懷消左註

云時景炎元年蒙恩遣問召入夜宿青原寺感懷之作謹於琴中識之下註文山二字紫檀盒

蓋銘曰青原遺跡千秋片碧篆書八字款曰北平翁方綱為松崖銘並摹蓋邊鐫覃溪臨松崖

藏末谷觀九字存周厚墾家

漢洗 古人禮飲圭賓獻酬皆盥盥水盥手洗爵畢傾其水於洗中形如槃 清光緒初年邑西金竹寺僧拓寺基鋤地得一銅器重約十五六

斤高約一尺口徑約一尺六寸脣方身正圓下驟削而平底腰上下圈綫三道底中行刻永元

十三年朱提造作用十字古文體正方兩旁畫直線為界左右各一魚脣為五銖錢形銅綠滿

矣僧不識為何物剝其銅綠燃香佛座徐孝廉筱蕃游寺見而寶之以他玩器數事易歸覓紫

檀木為架作歌紀之越月近寺興隆場農民鮮某又掘得其二一大一小大者如前農疑器底

為金磨去字及魚并剝其腹一片年代遂不可考小者約重九斤高八寸餘口徑一尺底惟見

延光四年四字徐皆出錢次第購歸以紙榻其底遍散同好因名所居堂曰三洗曰四魚亦各

作一歌紀之後徐亡器失於重慶金氏惟揭紙尙存今特仿繪爲圖併歌載後

一歌 旃檀一縷佛前起我佛低頭心自語當年西土度銀函已見東榮監明水漢家列郡

朱提重精金鑄成天廟供九門夜闌雙魚醒曾見朱絃鳴雅頌偶隨銅駝沒荆棘千載沉沉

土花黑早知出世羅摧殘便辱泥塗運非塞古松老皮帶霜斷荆山三泣卞和斲零亂無復

翡翠羽跟肘猶辨蒼蛇角分明斯邈人莫識陽冰筆法未奇特好古今無六一翁刳灰竟墮

波羅國窮儒四座一無有日把漢書下濁酒班生與汝舊齊年乞歸今夜作三友爐煙夜裊

瓶柳綠葡萄垂垂鏤寒玉

徐以綠玉葡萄磁瓶及錫銅爐各一與寺僧易

敢云至寶值微物我佛不貪魚我欲

二歌 君不見永元之元竇將軍愛古猶獻仲山鼎蒼姬赤帝本代興歷代猶堪紀毛穎永

元至今千餘年茫茫千載空雲煙腐儒詡詡誇金石模糊棗木皆陳編一朝至寶不終闕河

圖鳳鳥真聯瑞豈知麟見逢鉏商白龍再出豫且致奔饑下裂青琅玕石稜割切碧玉團一

櫛染指竊饕饕霜筠摧節號蒼官劍壘幾更唐宋室彝器空沿三代質俗眼黃金高於天鳴


呼此日知何日笑把青蚨買兼城堂郎朱提文分明長陵杯土竟何有提挈連郡歸書生作


書更與雙文鯉

指第三洗時農民尙未肯售

慎無久遊混泥滓昨從火宅攜伴來相約青天起雷雨

三歌 黃金白璧光照室過眼須臾如過客日挾青山眠白雲我有天物天不爭世間何者
容我取世間何者非我與眼前明月兼清風頭銜自署主人翁何況區區一片銅世人掉頭
喜殺儂上窺宛洛追沛豐下揖姬季偶林鐘窮廬夜半光熊熊寶氣穿屋凌高穹異事駭乎
走村童似聞周鼎出泗水又見東房陳垂弓光價豈值薦太廟俯視卓鄭真沙蟲吁嗟乎人
非金石思流傳未逢青眼誰復憐已見豐城埋劍氣空遊明月照前川相逢知己一掬淚歲
月殷勤重題識以名吾堂何足異五霸未嫌假仁義





貝葉經 邑西金竹寺舊藏貝葉經五張每張長一尺八寸寬四寸半厚半分色如筍籜而稍晦無表裏之辨兩面皆字從左至右每張十一行字形多作小圓圈或三或五或七輒間以不圓滿之大圈或橫或豎大圈缺口又作一二小圈以縮之又或於行旁作一二小圈橫列與正行大圈並其他極纖微之符號若一若二若三若四者尙多勻分其長爲三節中節中兩行空不作字當心穿孔貫繩以便提攜其文質之多人無識者寺僧云其物前數十年來自昭覺寺

嵩石 邑北鳴玉鄉安山寺清雍正時開山和尚裔松創修時伐石寺後於鑿窰中得一卵石大如巨碗圓潤光潔毫無礫石癩疵寺寶之傳

至今二百年常置正殿佛座下

土中雜器 民國七年西門外土地塘牌坊側荒土一塊談鴻發兄弟平地基掘出器物多件

一爲銅牛紫砂銅滿上銅綠高一寸五分長三寸一爲跌坐銅佛高三寸一爲條方石一塊長三寸中現

人形側立手持一物如摺扇非雕非畫不甚明朗以投冷水中逾刻水氣漸溫一爲四方小銅

印篆文蝕爛不可復識其餘陶器大甕小甕滿貯清水瓷器大小盤碟茶鐘飯碗刀尺約十餘

件壞者拋棄完者祕藏

石屏 大有鄉馮秉權家石屏一塊高二尺餘寬一尺色瑩潔類玉中隱隱有山水紋頂上現

一紅日

錢窖 大有鄉小塔山下即小指拇崖洞極深縋而後下髮匪之亂居人江姓使僕探以貯物至底

得一窖有鐵錢數十萬皆崇禎年號色嫩綠拾之年久銅爲溼氣侵入隨手破壞得二三枚可

用而已舊志清道光初城南河岸抉出鐵錢無數漶漫不可辨識間有成化字跡

銅人 距今三十餘年前德隆鄉斑竹溪老崖崩墮土人得生鑄銅像九不知其異賤售喪失

惟存其一鄉人廣祥明家久埋土中黝黑用力磨出一處色紅廣祥携至重慶或以爲蜂包銅極貴探訪員周世樑聞而往觀以銀十圓買歸

其貌少年恂雅端重冠前額嵌小珠八九枚花紋兩疊後半高邊衣深裾廣袖左右肩荷長帶上結於領下交胸手捧柔軟捲筒形經多人認識疑爲貴官與佛不能決也

鐵佛鐵鐘鐵字庫鐵香爐 西路木涼傘龍泉寺鐵鐘一口刻明正德三年閏正月十五日鑄

西路十五里泥溪溝蒙沼塘底古鐘一口平時不可見大旱鄉人用龍骨車汲塘水至見鐘

頂必大雨 北路三十里隆興寺鐘明崇禎三年鑄後殿鐵佛一尊重數斤高三尺餘 東路

四十里鐵佛寺鐵佛三尊鐵龍神一尊披髮祖師像一尊明正德三年戊辰鑄又有大鐘三口

一爲正德四年己巳一爲弘治在正德前十一年一爲清乾隆九年又有清乾隆八年鐵磬一口面

現穀粒及耳珠形相傳鑄時募貲有陳氏婦捐穀二升衆以太微忽之忘記其名遂數次不成

後悟舉穀投入一治而就 南路叢林溝釋道寺古鐘一口徑二尺刻萬曆二十七年鑄 南

路德隆場大佛寺大鐘一口刻明洪化又其鄉王氏祠有鷄血銅爐一個亦刻明洪化某年

西路觀橋鄉龍川廟前大塘二塘深不可測中有金鐘一口每晴雨至久四近卽聞發聲清嘉

慶時久旱農人用水車挽水鐘現半身大雨傾盆 北路水江鄉屬附近石牆場石洞寺山門

側字庫有小鐵鐘覆其上刻大明嘉靖二十七年 北路松子溪魚龍寺大鐘明代鑄相傳鐘

係飛來寺因鐘建 西路白沙井場側萬天宮外六角亭懸一鐵鐘口徑二尺二寸由口至紐

高三尺二寸上有字一行云大明四川道南川縣白土里流金鄉小風漕巍峯山後署正德三

年月日模糊難識 西路神童壩禹王廟內鐵字庫高八九尺上頂如房六角五重下三足鼎

立遠望如一座孤亭他鑄無此偉大 西路土溪場境獅子山龍台寺外鐵字庫高八尺三重

八角上銳如塔下峙如爐造自明末又大鐘一口面一尺上刻大明國巴縣懷仁鄉湖筭里西

祥菴 北路鳴玉鄉雲從寺鐵字庫高六尺有光明末鑄 二教寺古鐘 內鑄豐場德政里三教寺及大明國弘治十三年製造等

字今移 岩門口 民國十一年冬 南城外五里石門壩路旁野墳前忽置鐵磬一口不知其所自來鄉

人譁為神異城眾往觀上鑄湖北黃州府黃岡縣麻城縣雍正八年等字餘多年鏽蝕不可辨

稱之重十二斤以所宜供叩之籤惟北街某善堂吉遂昇歸焉又堂內神壇上木魚一每被觀

者玩弄闌近汗臭侵觸口輒自閉重敲不鳴亟移靜處香水薰洗口又漸開聲東東如故百試

不爽亦一異也

附古樹

北路南涪交界高峯菴塔前嶽山紅一株其大合抱臨崖飄然高出雲際

此木即杜鵑 花罕有大者

北路乾

豐場黃淦河邊紅豆樹一株大六抱鄉人相傳已千年呼爲千年樹正幹下長一丈上歧清宣
統三年忽自折一枝大一抱有餘又樹之斷枝每年生菌大若箕採食味美自革命後不復生
東路水江石場北五十里九盤坎壘大楓香三株各周圍五抱附近騎龍場大白果樹一株
周圍四抱其下土地龜包入樹內 元和鄉東北巴掌坪附近泡桐樹大十一圍土人就其中
奉七郎土地神像迷信者自遠崇拜之其樹每歲開花分上中下三轉以某轉花之稀密盛衰
兆其境高中下三地之豐歉驗屢不爽又境內白果樹一株大四圍清同治年間斫伐被阻僅
中心三尺未斷後漸生嫩皮十年仍舊包合無斧口痕濃陰密布結果倍多 圓村壩場南十
里白崖關路旁古柏一頭三杈大桂花樹一株亦經斫傷生肌復合由其氣旺也 圓村壩場
新院子山枇杷樹一株大七抱高數丈潦年三四月發葉由上至下旱年七八月發葉由下至
上 元合鄉廣福橋境白果樹一株大十餘抱巨枝亦三四抱枝間生瘤如牛奶如石山甚多
身中空 相傳昔年中有黃蛇粗如碗長丈餘久雨蛇爲網晴久晴蛇爲雨 至清光緒十年雷擊斷半又其境山王廟師栗一株大四抱高
五丈苔蘚厚結與石壁同色腰間大瘤十餘每瘤以上大枝四五股青黛濃密四季不凋

叢談

清咸豐末邑令王公臣福培補城垣未竣髮匪突至四圍多缺咸恐不守前一日開城縱婦女出逃城中練勇僅數百乃以大木桶養豆數十內填瓦石堵塞缺處賊破萬盛場長驅而來偽先鋒乘馬上南門橋城上一礮中之乃稍懼退紫里外是夜邑人曹喜奉令探賊被擄偽服賊呼以老曹訪問城內何恃曰恃大礮重者千餘斤輕者約八百斤共數十尊礮鐵何自來曰產斯土城何多缺曰留此埋藏大礮桶何用曰裝火藥城內何無人聲曰官能兵軍令肅紳士諳練鎮靜蓄養以待大王須慎防勿爲彼算賊首咋舌曰微老曹吾幾墮術中老曹忠實不我欺也徧告各營令勿輕舉會章紳卿率鄉勇至開城一戰人皆敢死遂逡巡遁舊志

打架坪 東路大有鄉邊境地名打架坪九冢纒纒田塍間耕鑿者不敢犯昔時邊鄙人民兩姓不和有相約決鬪之風舊傳其地有李老者爲一方豪與某姓約日決鬪至期某率多人來老遣子弟中一人應之斃敵一左右以報老命復鬪至再至三皆報如前老命復鬪亦如前積屍至九乃曰可矣死者家控縣老不待拘從容赴審官詰之老曰民聞人命律兩斃一一斃一應抵償若一斃九以寡敵衆奮勇自救無償命理官無如之何以遣戍論地以此得名

殞盜還贖 清光緒初年邑北尖山子張氏子聘近地某女爲室文定後張益貧數載成婚婦

暗攜銀及鴉片入門藏篋中初祕不言居無何見翁備力艱窘一夜竊告其夫欲出半爲資或耕或貿俾翁姑稍得所適偷兒來戶外竊聽得其處俟主熟寐盡攫以去次日眩篋空空婦憤極自盡已葬矣越七日夜大雷雨棺開婦復甦深夜冒雨歸叩門備言其故家人初驚繼疑終審乃開門聽入次早舉家鄰近偕往視墓果裂而二盜爲雷火燒黑如柴列跪左右銀燵亦陳泥草間錙銖不減團保據實稟案官加褒獎時歲在甲申距今四十四五年邑南安場父老言之鑿鑿謂爲極確餘鮮知者赫赫在上報應不爽雖好事者稍有附會不妨存以用勸

一枝鉛筆 民國十六年夏六月國民革命二十一軍旅長楊啓文率隊駐縣軍士混取東街筆肆鉛筆一打賣者覺追索還固言尙匿一枝軍士固言無爭扯至營各執如故問官飭賣主具結立押軍士赴市槍斃

旱穀 近年歲收多歉黔中飛鸞教種旱穀不論土質肥瘠但須深耕細鋤使土極鬆每窩播種五六粒隔一尺一窩正安邊界有仿行者穩收六成如講習精熟將來必大發展此卽古區田之說而飛鸞者假託之神諭也按沱勝之漢書區種法謂昔湯有旱災伊尹作區田教民糞種負水澆稼以糞氣爲美其田不須良沃諸山林近邑高危傾阪及丘城上皆可爲之一區卽

俗言一畧一窩一畝之地闊十五步每步五尺共得七十五尺長十六步每步五尺共得八十尺勻分作五十三行一行分作五十區每區占地一尺五寸共得二千六百五十區空一行種一行復空一區種一區實種六百六十二區每區收粒一斗一畝共收六十六石田少收多爲救貧良策然歷代亦有試爲之者或不盡如法卽如法亦未必豐盈至是不過較尋常種植稍優耳

種黍 荒山麓宜芟柞焚燎和灰與土挖轉遍撒小米不須更加肥料比蕎子可靠惟連種二季不美可效古一易再易之法歇二三年更種聞周君萃廷言民國十四年大饑綦江青羊市苗民來乞荒山一幅婦子勦力未及百日收穫數石而去

石穴出米 邑西土溪場境地名水佛三官石壁有穴極深相傳清乾隆年間附近土人家極貧忽見孔內出米日往取之僅足供一家三口食旋起貪心將孔鑿大遂不復出竟至餓死此與流金渡同一無稽然皆所以戒貪也

字中畫 東路合溪場王家壩迴龍寺正殿舊有紙題楹聯一幅語曰紫竹林中觀自在白蓮臺上見如來簡切工雅字體似隸非隸似草非草於十四字巨畫中現十八羅漢畫像每字得

一竹林觀如四字得二遠觀字畫渾圓近諦羅漢態度極妙肖分明誠美術也相傳昔年有僧自黔中持至識字者屢圖竊取未遂今已腐爛僅存三字

田水分界 南路陳家場交叢林溝界地名界牌地勢稍高平田一坵水分南北流南畔開缺入綦河北畔開缺入涪江

綠林義勇 北路金崖譚某自其父遷居冷水關爲佃農某幼與近鄰富室姚氏子弟同塾姚母慈常厚視之其父嘗稱貸於姚亦未迫索近年某以境困流入綠林十七年諸匪聯棚踞近關地古曆夏初捉姚父子叔姪四人周姓一人尚有他某亦新入其棚奉令與他數匪輪伴姚周

聞諸匪勒索姚贖金甚鉅謀待足數而後戕之不令生還也某既素感姚氏惠又以匪腸過毒一夜乘閒告姚以奪槍殺匪逸歸之謀姚初未知誠僞且懼不勝譚力贊之乃決次日飯後諸匪豪赴市留守者皆弱俟伴者倚煙鋪熟睡姚周譚齊起奪械如探囊殫兇如破的姚周四手各斃一人譚斃二人拖鎗數支揚揚去守者莫敢阻聞歸後姚割田宅酬譚仍爲農夫焉姚篤奉新刻關帝桃源經在棚無他計惟朝夕虔誦將脫時先有異兆故頗歸功神祐然神卽有靈亦依人而行然後濟譚之義勇何可沒也且自有匪以來未聞此快人快舉真堪浮一大白

訛言 民之訛言無據無蹤疾如飄風清光緒中年訛傳有人暗剪搭辮於是行者皆反手持其搭辮又數年訛傳雞腸中有毒蟲其翅膀巔毛無故自斷二疋食之者死又常飛起喙人中者死於是人皆棄雞避雞民國九年夏季訛傳茄癆人渝城尤甚滿載沈棄今歲四五月南路某地有人戲逐兒童恫言將割其勢兒逃婦女輩聞而揚之動搖全縣各村市皆有割勢者言之警警飄流雜質男婦入境嫌疑被驅鄉塾學童尤怖於家庭不敢往返及窮研言者乃皆聞而未見惟北路雙河場境楊李一個農對宇而居李婦常換備於楊攜乳兒置楊室內斗筐中乳畢包裹鎖門赴土傍午楊婦先歸代視兒仰臥筐中裙解有血跡審視兒已闕矣駭告李返共猜茫不知所由幸兒啼笑眠食如常恐夫知生事遂闕之歸後三日傷乃作痛死投告團鄰集視令楊出貲厚斂埋了事仍不得其禍本也事出近地非涉謬悠實而虛虛而實惑乃滋甚

雕工

記者族兄子舟

名繼川

節婦子居鄉廉靜自守處事接人敦崇古誼喪祭屏去佛道採文

公家禮撰儀注製祭器斟酌時宜與先君子講而行之

每祭三獻親捧奠主婦進羹由婦將諸採分獻補位延族黨觀禮必備乾齋敬

兄有巧思以

桃核製一香囊外雕八仙各執器物纖毫不紊與畫者無異

童謠

民國四五年之交洪憲役起邑當北軍黔軍爭點人心傾向義旅雖婦孺亦表同情黔

軍又故撰諺語傳播兒童歌唱其一曰佳婦人莫要怕自有貴州來保駕佳婦人要小心明朝
場上過北兵 十七年夏秋間駐邑軍隊過多缺食分往各鄉搜穀民間苦之歌云好個南川
縣金山占一半添上五百人各自喫稀飯

王宗儒 圓村壩人王春元之高祖宗儒少孤貧年二十餘時出門遇一黃衣人問之曰君識

王宗儒否宗儒素謹密恐有他詭對曰識問居遠近亦告之其人遂去宗儒亟由他路返其人

果先至匆匆迎語曰我自遠來將之雲南開化清嘉道時邑人往廣南開化謀生者甚衆特寄黃包袱一并鎖及鑰匙

一具約曰三年不來取子可開視言已不容宗儒置辭交付便去及過三年無耗解袱開篋有

銀五十錠皆刻宗儒姓名知應爲己有以購田宅致小康迄今五世舊業猶存

張公遺愛詩 清光緒中年雲南昆明張公諱濤字海樑以同治庚午舉人令邑十載熟悉輿

情威惠兼施爲良吏最政暇尤喜吟咏敏捷圓熟一日或至數首幕僚賡和弗給惜邑無留稿

今得其某年東路散賑道中口吟七律三五律二惠愛溢於言表錄之以比峴碑 壁立兩山

夾一水灣還五倍蟻穿珠偶從巖壑繫幽道遂化崎嶇爲坦途指修半河路春光新如客乍到谷響似

與人相呼雲程自此上無礙昔日風波今有無半河道中一片金山成赤壁哀鴻滿野動咨嗟勸

輸義粟三千石全活飢民四萬家以富濟貧我何與私恩小惠政休誇叮嚀曠土多留種坐待

蹲鴟長嫩芽

馬嘴道中

萬壑高寒雪似銀鳩形鵠面苦邊氓場名大有年仍歎地湧金山富轉貧

穀已熟時偏遇雨禾將枯處忽逢春歌聲一路如雷動振我飢疲在此巡

大鍋廠道中

春回人未覺

一路風雪嚴賊鼠泣倉壁棲鴉噤屋簷飢寒交受困勸賑兩相兼鶴俸捐無幾平時太矯廉

大雲暗層岑晴朝氣亦陰橋低挨淺水路轉隔深林升降窮天地風塵歷古今漫言山道險尙

不似人心

饑荒駭聞 民國十四年半河鄉金佛山二塔民夏煥章妻楊氏生二女長九歲次五歲家貧

夫故餓弗能忍遂縛其次女燒而食之長者駭逃出向人哭訴鄉僻土戶聞之徒付一嘆而已

後長女亦不知所往

此事採訪者二一以爲男一以爲女因人微罕知者未得確辨要之饑火噬心發於餓虎非誣也

充饑美品 向來大饑之歲貧民資以果腹者惟籩藜桐麻枇杷杜仲芭蕉肉囊諸皮根及白

粘泥

俗稱觀音粉金佛二登黃草坪陳姓宅旁有泥先由神人示夢掘者須用香帛禮神相成不散食多泥有黃白二色因謂黃者爲句穀白者爲稻米得之欣欣然

質皆粗硬滯塞難於消化獨東南

路荒山多巖掘其根碎之浸之澆之澆而爲粉作粢質糯味美窮戶雖常年亦以佐饗凶歲尤

賴焉

近年小河場至小河場樂村一帶幸賴有此

又金佛山四周多刺竹向雖結實不過多年偶見獨民國十四年夏百餘

里內萬竿離離土人異而落之確春去穀斗得淨米三升稍和稻米作稀粥及牢丸與米無別多者穫至數石藉度累月天賜也不知以後能常然否

警察嘆 十五國風美刺並錄言者無罪聞者心戒此題前十年邑賀君國藩作 南川巡警

真奇怪一般長員盡無賴不識保安衛生爲何物朝日偵探煙所在一聞報告藏煙家抖擻精神到處抓銀錢貨物隨攜帶肘篋探囊不敢遮煙坭到手生計較長官面前如何報不如全數割三分留得二分我們要衆口應聲同贊成祕密開會策功勳瓜剖豆分頃刻盡還爭重量不均平堪笑巡官捧餘瀝一炬成灰殊可惜魚目形頗似明珠魯酒趙酒暗互易還將餘罪問罰金或輕或重訪家身提得些微酬報口爲恐財路斷人行更有多年吸煙具蛛網塵封久擱置一律搜出辨難清無舊無新皆活據有煙固屬煙犯禁無煙或疑匪跡混處以拘留室坐以軟板凳傷哉小民何不幸我勸同胞且莫哭天道循環有報復囊橐啓行下涪陵依然拋入大江

尋

張茂春攻匪箐頂卽景十絕句 茂春名穀居陳家場外不半里家止中產早失怙孤苦好學

遊其鄉鄒蒲田先生之門常落落不與他人徵逐或在校或還家閉戶自攻看書甚多目捷強

識在年能數夜不寐日晝如常

爲古文時藝皆不循常格縱意所如牽引故事汨濫無收束小試輒不利然素不

以是屑意與同學者言如此及予觀其中年文字亦有邊幅就範圍而清矯拔俗饒有古致似已異於曩時詩亦圓婉二者皆本心得居恆一坐十起看書染翰皆於僕僕應外時爲之才敏有過人者邑人但譽其敢戰知醫鮮知其好學能文也今錄其十二年六月攻匪箐頂所吟十絕句於下予猶記是月連日暑雨匪環數路警報不常茂春率數十人疲於奔命跋涉峯壑躑躅泥潦當此栖皇艱苦境象猶能據鞍高詠誠知止有定善自遣者歟 冷雲衰草映斜暉中有茅廬獨掩扉就問兒童相對語主人遠獵未曾歸 馬去如飛足未停征鞍緊抱上蒼冥秋山萬點迎眸過又見人家傍遠汀 疎林微漏早秋天步上高峯雨又煙何處牧童清冷甚日西猶傍老牛眠 西望危峰轉更奇衝寒煙樹影離離眼前景物堪惆悵無數秋山瘦不支絕頂登臨豁兩眸亂山雲樹氣橫秋力田老丈誇身健細雨斜風叱不休 浪翻碧澗漲山腰蠟屐輕輕渡板橋巖下人家堪入畫挨籬傍戶種芭蕉 瀑布橫飛絕嶺頭白虹飲澗幾時收穿巖破石無停勢不變滄桑不肯休 山氣入秋暑漸微斜陽前面有人歸暮鴉欲上迷巢樹三兩盤桓繞市飛 嘉禾初刈稻生孫鋤雨山農晝掩門安得輞川圖畫手夕陽衰草寫荒村

樹裏人家樹外溪
籬煙遮斷嶺高低
穿林細覓來時路
徧地青苔亂馬蹏

樵餘啣談自叙 邑茂才陳君質斌詩文議論馳騁不羈革命後挽髮束頂不入城市問世故母年九十餘設館近地便歸侍以菽水養常爲投懷舞采之慕君學篤舊著樵餘啣談十餘篇先縱論古今中外教術政綱得失次摭己見以不合時趨祕之特錄其叙 風雲月露徒誇藻彩之工玄酒太羹自含道德之味故文字工而去道愈遠王澤竭而異說滋多予世業詩書家傳文獻未致身於廊廟竟終老乎樵漁猶憶清德雖衰天命未改文成虎繡欲蜚翰苑之聲命入螭磨未折蟾宮之桂未幾龍門已塞燒尾無期贖鼎是求埋頭自了用夷變夏致鐘簴之下移非古是今較焚坑而更烈因而苟全性命脫却儒冠寄跡耕鋤披我襜褕當處士橫議之日正斯文將喪之時懷寶迷邦無人可語揮塵弄翰聊以自娛嗚呼借乘闕文聖人猶存及見之感石室金匱史遷深抱放佚之悲聖道不明是予之罪信心有自不求人知於是成一家之言不尙剽竊爲百世之慮隱示程途雖非言重語奇竊附龍圖龜背不敢放言高論盡除牛鬼蛇神感慨係之欲以待後意念深矣豈曰好名虞卿因窮愁而著書孟子不得已而好辨嗟夫舉世皆濁聊成孤憤之篇大道何歸漫爲輟耕之錄知我者其惟此罪我者其惟此

思樂會叙 場屋考試停廢二十五年矣往時邑中文士籍學官常百四五十人武生半之弁
髦既棄歷歲消磨有減無增見存者三十餘人再閱一二十年必淘汰淨盡後之人不識前代
老頭巾爲何物楊君筠菴欲仿邑中耆老同庚等會邀集同類輪流作主每月一聚杯酒談心
畢泮水偕遊之舊好作斯文後死之紀念名曰思樂草叙一篇預諗於衆頗多達語腐敗銷沈
雖不復存繫戀風流歇絕亦足以誌廢興爰採而錄之 會訂耆英著一時之盛事筵開眞率
留千載之芳規先賢望重勳隆固早垂名彝鼎我輩時殊世異也曾奮跡蠻門緬懷濟濟之冠
裳同登多士感念悠悠之天地繼起何人泮藻淒涼大手筆也難揮灑芹宮寂寞老頭巾早賦
逍遙况喪亂迭經鴻雁幾難安宅猶幸生全共慶鷓鴣尙可巢林我與同人雖慨我辰安在君
皆達士當思君子固窮獨是孤陋寡聞未免垂頭喪氣聊爲相邀會食用資促膝談心縱云寥
落晨星原是僅存之碩果倘肯來同舊雨不妨遞候以孤琴野菽山肴饒有醉翁之樂苔痕草
色頻增陋室之輝任他滿地荆榛仍自比閒雲野鶴樂此當門泉石或同數清水游魚躍鯉登
門久泯餘望飛鵝集泮時聞好音無庸三沐三薰妄冀觀國之榮寵用是一觴一詠自成文士
之風流因茲雅集蘭亭無須絲竹管絃之盛從此芳遺枳縣不忘芹香藻潔之休把酒言歡未

足為外人道也歸門延佇豈同俗士駕歟

黔軍旅部參謀周不比醉焚縣公署感賦 前縣知事柳公琅聲以字行貴州印江人祖世芳

父元鏡皆科第宰百里能詩公以十四年夏來邑出其祖穀詒堂詩鈔邀麟共校付梓已亦有

數百首尚在推敲中民國縣令任不久權亦輕公性情和藹待人以誠而能潔已在任獨滿一

年彌縫軍民之間不招厭射釀意外其去也應得薪俸亦有數月未領去後寄來在邑所作數

首擇其感激邑事者錄之以代紀述 知事夙號親民官亂世為官左右難為民父母盡厥職

防軍遇事來相干仰人鼻息匪所願稍不遂意開釁端歲在乙丑十月吉赴武夫肆野蠻酬

酒故倚風作勢以火來燒廨壁欄豕突狼奔遇物碎直欲一炬咸陽殘祝融有靈不之助更遣

雷雨相阻攔孟云橫逆又何難當此祇作妄人觀傾城士庶動公憤詰朝驚動南平團時張茂春開城中火

自慚撫字心雖切猶惡朱邑慚劉寬古有賢令賊不犯猛虎渡河鱷徙灘今我無德感驕將秋

屈尊鱷行掛冠孔氏退朝不問馬我歸慶幸民居完周縱火時柳方因事出署編管不燕見天意豈忍池魚禍

瀟漫作歌紀實彰暴亂弭兵乏術增浩歎

奉令解決駐防南川陝軍感賦長句

前人作時十四年古歷閏四月廿九

長安健兒好身手馬上橫戈兩川走

駐軍係前陝督

陳樹藩部隊陳卜野旅長張壽李之入川

一旅三團器械精身經百戰閱時久驕將勇悍無紀律猛虎負隅蹲蹕內獨有

黔衰氣魄雄欲施駕馭驅功狗那知肉飽究難馴據地輒作蒲牢吼防區雞犬不遑寧捉人索

賄加械柎紳民皇駭叩行轅元戎獨斷決瘡痍爰檄柳令汝宰南安良計當先除莠自顧學書

未學劍茲行得無餒虎口為民請命責奚辭潛調軍團陘險守獸窮還思舞爪攫刦制宏靖

張亞

釋旅長為孫團會

如木偶我師馳至跟蹤追鎗礮橫飛東南敵賀營履尾驟捐軀楊旅瑟縮甘處後躍躍

發兔罔擇音精銳半歸公瑾有

張旅半發都走赤水歸周西成編制

為叢毆爵淵毆魚地方保全幸无咎盾鼻墨磨露

布宣善後多端勞墨綬

三我詩

邑人賀秉鈞

名龍銳清附生

作箴言類也一日無我二日尊我三日我戰

既死誰為我未生我是誰滴來於此寄以外又何知宇宙無終極彭殤皆片時吾形難久據何

物可牢持不朽惟名耳強仁乃得之誤將虛作實轉瞬白駒馳

無我

人皆有一我我為人所

同人各有一我我身當自雄聖賢豪傑事修齊平治功古人造已到繼續惟藐躬道體無限量

胥待人擴充始焉知必致事物求貫通繼焉行必力境界希高崇我而譽樹駿我而勳建鴻事

或傳國史靈或馨神宮名或貞諸石象或鑄以銅天地兩成位昂昂我居中如我薰利欲墮落
入豸蟲獨善非不美恐辜天降衷伊尹聖之任知覺開愚蒙碌碌生無聞沒諡亡是公

錄我

一人止一我化兩分聖狂天我與人我恆作鏖戰場惟上智下愚一生不同行餘居中等輩理
欲互包藏理卽天我宅欲卽人我場天先人踵後戰事起倉皇天我直而弱人我曲而強直非
曲可侮強豈弱能當譬人生死關辨客邪真陽陽守居內部邪攻來外方時時尋毛竅勢欲突
垣牆天我稍虛耗人我據中央造成山海孽斲齋幾希良宣聖爲此懼木鐸聲鏘鏘危微著心
法刪書始虞唐剝上存碩果抑陰扶孤陽魯論第十六篇中尤致詳請陳三畏訓更誦九思章
人我乘無隙天我居乃康己必盡力克除莠拔勾芒禮須隨時復九字銘殷湯要期天我固不
受人我戕聖人斬私慝斤斧揮純剛下士沈潛質敢以柔道將必如討流賊來剿竄仍防且明
渣滓淨虛室生輝光否則一瞬間熿熿燄燄重張悒之日反復正氣悲淪亡嗟爾友君子觀我察
否臧

南川縣監獄改良記

涪陵賀
濟芳作

在昔唐虞之世人民畫象不犯至周始以圜土聚教罷民大要與今歐美監獄用感化主義暗

合周家刑措之治宜爲漢唐開國所不及世降法網日密民之犯法日衆官府芥視民命監獄惡劣待遇酷虐罪無輕重一入犴狴卽難冀生全昔人獄中記嘗痛乎言之稽諸史冊證以見聞吾國監獄之宜改良固不待至國際上因領事裁判備受外人要挾而已如救哭拯溺之不容緩矣矧在我爲還復周制非盡取法乎外哉國體更新以來各省疆吏間亦爲改良預備而以政府失其統治南北兵連不解雖在良有司亦苦於供億浩繁財賦殫竭微特興舉無力抑且爲之不暇南邑茂材羅君詠霓平日究心地方利弊民生休戚見義勇爲及舉縣議會長出具傾畫闢建議場益思有以改良邑之監獄請於縣宰蒲劍鳴願捐千緡爲衆倡公亟白諸當道卽命以督工嗣得駐軍旅長楊公其昌出面贊助由是集事計自民十一年經始至民國十三年告竣凡費款若干金建獄舍若干楹崇墉峻宇門戶洞達至適於罪犯衛生作工昔程子謂一命之士存心利物於人必有所濟范文正爲秀才時便以天下自任羅君之熱心毅力有焉至於楊蒲二公始終鼎力其事求諸近今軍政界中尤屬罕覩大哉爲邑人造幸福爲國民培元氣三君子之相與有成功均不朽矣使各地士夫宰官及統兵將帥咸能如是雖盡全國監獄改良不難又何莊嚴璀璨之共和民國不能實現哉予來南日適際斯獄落成歎爲希有

功德爰爲之記以詔後之君子庶幾維持於不散云

南川社會狀況

清代 南川建自初唐元明以上社會狀況杳矣無徵在清代爲川東鄙邑僻靜少事地介黔

蜀之交距岷澹一江各二百餘里以涪巴綦三域爲外蔽而隱其背東通黔之正桐尤荒遠阻

隔聲息罕聞不當孔道據形勝平日無夫差郵遞之繁有事不爲兵衝明清之交全川荼毒邑

亦不免喪亂既平黔楚贛三省之民邑人以江西湖廣籍爲多又於明季先至貴州各屬暫住始轉徙而來或初已來也

負耒而來插占墾築以長子孫創造於康雍安定於乾隆蕃盛於嘉道邑地閉塞一切風氣皆自外間旁

衰而邑之蕃而衰象作於咸同其大較也緣地勢閉塞無三品以上之達官武職陳王正副將無十萬

緡錢之巨商無萬餘石租之富戶向係以小石計者十多寒賤老於應試詩文鮮專門著作文采不及

然二百餘年安土重遷非窮極無聊不肯向外馳逐仕宦幕遊商賈外人來邑僑寓日久咸稱爲福

地思置業託子孫雖民國擾擾流寓者猶操此論調其故何也邑壤非上腴而戶不稠俗不侈地價不昂

其境四周山嶺環復晴雨調勻互相補救高下有秋其民多農少商賈未作惰游常年自食之

餘尙能糶售隣境山水清潔寒煖適中嘗謂邑有五中氣候得寒煖之中道路得險夷之中戶雜產咸備陶瓦竹

木薪炭隨地贍足自民國五年以前日用百物價猶廉於外河

北軍一役為邑物價驟增數倍之始

自清咸同以前津

捐未興正賦之輕等於無有土產交易概無抽收是以其民熙熙樸質純謹而畏犯法衣曝於

桁襪可不收果蔬熟野黃落尙在起家者皆由積穀放債銖寸積累雖富厚無所紛華惟用力

修墳造屋發舒志氣器用門戶務為堅牢樸拙圖永久竊謂此時有田租數百石得力僮僕二

三供驅使高臥享成其逸樂公侯將相不逮也惟其時亦有一般受困之民曰窮佃及賣力傭

一由工商業微物賤錢貴社會經濟極不活動窮佃歲入不敷向多穀翁重息借貸負債終身

如荷極枯一由雇力人少備值太低

勞傭每日錢二十婦女半之或四之一且無雇者

糶價稍昂刮樹掘泥餓莩滿路

民國十三四年小升米錢

千餘文不及從前每升百餘文之困

然但有小偷無劫盜又其時官威甚重稍一軟懦吏役竊權倚法毒鄉民侮士紳

莫不憤疾各鄉皆有棍徒與之勾結良懦者惡之而不能遠有事仍投其網羅民習亦狃太平

爭錐刀斷斷好訟有終身不與人爭訟口角者咸稱為阿彌陀佛士人尤以不預詞訟入公門

得衆譽

清東土甚嚴為己事不得已輿訟必用抱告若為他人證訟多被斥責作文忌引時事故以習迂腐不曉世故為道德品行

此其敝也自始遷至此男女老幼不見兵

革近二百年

髮匪入境有不知何謂近下者

及髮匪入境兩次頗事殺戮危城幸保回旋境內不過旬月而燬室廬

燒積聚又有黔匪逼近前後虛驚殆十年上寨練團派供軍米復值甲子大饑鴉片亦於是時

逐漸蔓延元氣始衰風俗日薄故家大半彫落黔中殺戮空虛流民挈妻子釜盞顛連以往者

屬路連綏陽其山此社會隱隱一變遷也及光緒中年全局救寧喘息已定黃張二令在任日久

廉惠愛民年穀屢豐物價復平方孳孳作興舊文學培植士類幾復嘉道時景象時全國大局

已不能支邑人僻在邊隅未之聞也時邑人對外祇世有英國外若在雲霧中餘統日為洋人惡之極其仇視並造種種謠言謂教士借傳教淫人婦女又於街巷間誘小兒入堂殺之作藥又誣李鴻章與洋人

結婚受財且和如外言之憤激見地方官以辭接外人則曰見官大一職甲午後謠駭日至乙未三月十八說傳寇至已見前事盜賊乃起孫志高劉天成楊炳元李容

衣雷顯廷之屬糾眾行劫團保為之不寧邑久有漢流著名紳士亦間入其中但私相結納對外守秘密有大爺二爺見不起大爺之俗語至是乃聲張招搖其中亦分存濁不皆為匪匪未有不入

流者沿路皆其耳目團保或身入其鄰縣時有變故若大尾余棟臣暴風鶴動搖鄉民屢次築寨從前髮匪犯境鄉人羣中作爲多隱或畏禍不耶認真糾捕江陳秀俊等役

寇退即可復常至是當戶仍築牆修屋聚則其中而思無已匪匪賊其財益力單匪挾快鎗雖二三桿所至莫敵兵勇乃盡力攻之不異漫滅以誨後世覺寒不足倚轉而築礮亦因時制宜之變遷也

決棄弓矢刀叉長矛純購火器以喇叭城中招常練鄉團年辦冬防乙己以後朝廷預備立憲改

更局所而官紳習氣未脫仍任舊人領辦粵州憲官及有勢巨紳雖不習其事必強為位置敷衍形式然客軍猶未常住因匪猖獗失期

具文上請乃稱撥一呼一呼來駐師山大發發給不與防地有河所請多係湖澤不營賦為勁旅一切捐稅猶未繁加也

民國 民國社會優於清代者在種種開放一日見聞科考廢學堂興學生四出書報輸入論

說布散普通人始略知世界之廣大國際之競爭機器之利用雖鄉人固故懷舊不甚開通然

究愈於從前之封蔀教堂教士氣燄漸減平民嫉視之心亦漸消融趨於和洽二曰遊歷青年
 求學心熱車船利便郵電靈通歐美等洲皆有南川人足跡兩京及他行省輕裝往返如趨近
 市十二三齡之童男女亦能離家庭獨立異地杖策從軍者尤徧於全國三曰身體舊時邑士
 身體肥弱行動萎靡十九困於煙癖今乃漸尙體育學生短裝不冠步履迅捷敏於趨事道途
 經歷艱險膽智漸充出外者皆不吸煙女子多放足去華飾四曰言論邑人舊時鮮長言論父
 兄師長訓飭子弟以多言爲戒官長團保聽訟剖爭禁拒辨駁官長頗預偏袒不依坤據法有反
詰者卽斥爲過刁不得盡其辭今學堂
 提倡言論課餘特開談判練習凡有多人公會雖鄉市必開會演說宣布宗旨事關地方得失
 照章集法定人列席許各摠意見公務繁密函牘交涉須據章程法律不似從前之圖圖粗疎
 也五曰民氣舊時邑中民氣極爲靡懦最忍直言怕帶過遇公衆損害止求自身脫累有以巔
 直抗官長獲咎者不惟莫救助反以不量事及傲上笑之會議全縣重務由一二豪紳承奉長
 官私意以布於衆是是三字爲對官恆語議捐議糧往往重於他縣故宦場以南川縣官爲
 好做開道成年間諸老輩遇不平事尙能出熱氣衆抵抗或列名上控光緒以來無之有上控者當上
司未提訊前輒出差拿辦非刑拷掠甚於盜賊若上司仍發案回本縣鮮不瘦死牢獄晒無天日鄉民之不敢抗議豪紳
 與畏長官同豪紳卽以趨衙媚官爲攬權利壓鄉閭之本領民國以來少年剛銳始有侃侃敢

言者學生旅外以維持桑梓自任新聞快郵詆揭黑幕要人多失之過當且不免詬誶失體然要勝於從前之力戒緘口也以上諸氣象皆如穀果方養之而未成熟者事業之振舉待人材人材之適宜資鎔鍊民國成立方十八年人皆目為過渡期見時地方擾攘人民困迫則又為設縣以來所不逮撮其大略於下代陳疾苦 清末民初邑人注目新政

惟鄉人守舊者多不以變法革命為然由但見一隅之相安

觀全國之凌夷也

清政以因循粉飾篤任舊人激成革命咸意新國家新材必有一番暢快設施

惟鄉人專盼誠

輕賦稅稍助局者知其不能

不意十七八年間全縣人力財力悉疲於籌軍餉辦團練兩事其他無可為者民國

一二年駐防客軍止於一營兩營者今洊臻而為團旅師軍民國七八年籌款止於五千一萬者今遞加而為數萬數十萬其供給本地團練及他項捐派亦約佔三分之一地不加闢入不加益寒霜之後復下嚴雪困竭可知邑本無大商巨富比較上出款不及他縣之多而財源已匱一團所管大戶寥寥普通攤派中產尤為不支向時家有藏錫儲粟者今雖按戶搜查可斷其必無所謂國無一年之蓄也糧戶避盜則奔城避捐則匿鄉朝浦暮竄訖無安枕其次力不能逃盜警迫時晝反家扉暮棲山野勞民慄於拉夫不敢近城市通衢

鄉野消息不通往往軍隊開抄已旬月中遙遙睚眦探訪尤苦在先

期預拉閉之空室冷地餓粥不飽本地無或竟以拉夫搥錢

販運交易皆以婦女向時人命至重地方官不得擅殺命案相驗審錄申

解往返數載積牒如山秋審勾決或數載不戮一人今死於團保死於兵死於盜死於仇

俗語結
槩子殺

及不知所由死者遺屍溝壑或腐臭無人過問向時備值甚輕歲稍收歛苦無雇主今勞備

之子年力未壯率棄耒執爨雖出重價愁無可雇之人工匠日少實業日荒邑士夙多寒峻考

試時代學費減少窮子皆能就學希望成名鄙吝者猶甘不識字今日文明競爭社交紛繁鄉

人向學之心熱於從前而出外游學至少歲需二三百圓本邑高小亦需數十圓一子讀書奪

中產一家之用新學教科誦讀文字方面鄉人嫌其過少要求參授舊書處處相同各鄉公款

艱細學堂難望推廣閉僻之地苦無校且苦無師科學家力闢迷信而年復一年兵燹彌熾殺

戮相尋一般守舊匪禍之人爭入同善社雲沙會及他神教日叩此盤占吉凶祈祐神佛迷信

轉甚於從前不可以口舌爭也教育實業農工商各局會規模雖具以擾攘扞格莫由發展實

效未萌近且經費告窮抽收已徧彌補無法現狀難支回視一邑農工商業窳敗仍舊蕭索且

有加焉百物價值以銀計三五倍於清末以錢計三四十倍於清末是以人心皇皇未有定向

維新守舊莫誰適從鄉人會晤動問何時太平是謂過渡時代所幸爭亂雖烈邑究不當戰地

日默邀幸福每當禍變迫切人情洵懼卒獲意外冰釋

如十四年陝軍之役
十六年學玉如之役

鄉人勤儉理業驚擾稍

定士農工商卽不憚困難勉復舊故論者舉川中各縣比較創痛猶輕近五六年遵川康督辦門戶練章程漸辦民團糧戶各製利械使子弟充兵已足擒戮小盜若常得有魄力之正紳督率維持差足自保

民團之利比招常隊出款稍輕廢負較易一便也充戶子弟亦忠實備僕不縱匪也匪二便也鎗歸私有自爲保管可聚不散壞人手強力者無由估提三便也無鎗之士匪卽自而數寡者不敢復出必見捕四便也惟大罪擁衆挾鎗至數百以上乃不敢櫻其鋒耳

世進文明製造日新商務開通向時輕賤無用之物驟起而利市行遠故從前邑人致富專恃田穀今後將移於土貨若盜風稍靖各鄉紳富出而提倡實業就地所出培植開辦又較一望平陸諸縣易於著手而阜財焉

柏枝日記

採訪員周世樑

民國十五年歲在丙寅邑重修縣志樑任地理採訪將週覽全縣山水因事返里應友人柏枝山之遊七月二十四日自頭渡橋啓行約三十餘里始達上成之麓路旁漸見方竹大如拇指與雜木相間筍筍小價賤由竹林中循石磴盤旋而上數百級至崖口名新梯子復躡高石梯數十級梯盡距崖稜尙二三丈續以獨木刻節爲磴旁縛小木作欄楯俯瞰百餘丈心膽交戰橋臨溪上天晴水澗乃踏以渡驟雨溝溢水出橋上傾如瀑布往來極艱廠夫負重履險常有跼蹙之懼按登柏枝他路如土巷梯崖石場巷俱不及此險然行者反不及此路之衆蓋地勢適中也

竟梯百餘步分左右兩道左到山東偏右達山中部予行由左復陟高坡十餘里(山上山)路
 出溝中峻而多亂石間以泉水躑躅避就步遲而力困路側竹木錯雜大竹如雞卵小竹如酒
 器樹大如盆如桶老者數圍每株相距數丈團圍如蓋枝葉披糾冬季雪積樹巔庇母竹免壓
 碎故茂樹爲竹林中決不可少之保護但亦不宜過密礙竹筍發展凡樹多處伐恐擗而傷竹
 擇尤大者剔去其皮任自朽沿途濃鬱蒼翳上蔽天日雖白晝亦沉寂陰暗人行林中蟬琴鳥
 語稍破岑寂日將暮抵前營(又名小灣)張君筍廠在焉四山回抱地勢極佳宅外築場廣約
 一二畝用堆薪炭廠長方形屋十餘間今秋半廢於火筍炕亦同受損今歲生筍較往季特盛
 時至採不及林老如麻煮不及場積成邱炕不及委置架上森森玉版一變而黑再變而綠腐
 朽而棄之見之深爲歎惜固由火災亦張君措置未周故自度無人經理勿買筍山也是日大
 雨涼氣襲人宿廠假爐晚餐主人與客別食勞頓後頗能果腹惟廠夫食極粗糲飯燥若沙以
 筍作菜棒碎而刀斷之長六七分米滑代油鹹苦刺舌若曹噉之津津然云林中水爲木葉沉
 浸久淡刮人腸胃勝以大鹹味乃出凡廠夫食常如此次日經中營抵尾營王君廠約十餘里
 稍休詢營之歷史但知爲昔駐防軍處年代事實靡得而詳也廠地多竹鼠名竹鼯喜食老竹

竹母每受其摧殘王君僱專人捕之已得十餘隻一懸壁間形似家鼠大過之色灰黑牙銳無倫竹雖至堅老經其囓噬立即碎折爪利如錐善開隧道時囓地面老竹拖入穴中節折寸斷旨著御冬捕者審隧所向橫暫其前乃掘地以求最善遁有以繩縛者名安套索肉味極鮮脂入藥竹籤鐵錐深入人膏脂塗其上立自退出神效憩小時許復行十餘里至紅山俱崎嶇小徑細雨霏霏流水滿道抵廠憊甚晚飯後即伏枕酣臥二十六日天黯雲愁不能出覓廠夫閒談並詢紅山之義皆云山居柏枝極東日出先紅如秦觀峯天氣晴明可看火伴台草壩場及桐梓正安各地惜是日天雨諸山皆隱雲霧中耳至向午稍霽果見遠天無際蛾媚螺鬢韶秀如畫條而黑罩朦朧有仙靈避雨之憾二十七日同伴事忙整裝將返榩因孤寂無侶亦隨返取道廠後踰一嶺仍亂石夾路水聲淙淙如溝澮然經二小時許至三會壩昔正桐南三縣宰勘界相會處廠側地勢平曠四山環抱不生竹木野草蓬蓬高沒人肩小仵流連重尋歸路所經廠戶極多如梁家大廠鐵廠壩皆著名各容廠夫數十人鐵廠壩者昔人冶鐵於此復行一二時日已偏西始至新梯子一路峯巒曲疊山光明媚竹木青葱無處不引人入勝值陰霾慘淡中未厭眼福爲遺恨耳忍饑耐渴跋涉半日至是始得合來時路已委頓不勝踞石引領下

視屋舍鄉里朗然目前雞犬之聲似亦隱約可聽令我欣然誦太白半壁見海日空中聞天雞之句惟腹餒甚不得不望廬邁奔耳柏枝山者遠脈自黔中婁山來爲入縣第一孤峯廣大不及金佛而高若過之邑中羣山祖金佛而柏枝爲金佛所自出不得以後起崇隆掩之然欲盡思想界之大觀必一躋金佛而後覽

前遊金佛山日記

前人

八月二十一日遊金佛山吾家居山之南麓由它後上路旁農田如梯土色黃味腴含砂質約里許陟小崖一高百餘丈崖上岡峻如鼻梁上層爲風化石產青杠有瓦房數處寥落徧小佃農居也上三四里至花園台農田斜錯泥白味腴名白粘泥又名扁砂居民猶多又三四里漸高漸冷遲穀恆患秋風惟栽早秧可免其人歲往東鄉吐文諸壩買早秧背負五六十里踴躍以致由是達瓢灣梯子約三里許係斜坡形荒地荆棘橫生泥色黑宜包穀黃豆菸葉之類數十年前物產甚富近爲野獸巢穴地名周家石窖金山頽下崖石積此所居多周姓是午就食負物者周萬成家日昃登梯陟山上層梯數重度懸崖下重高二十步上端就崖壁鑿磴三四十級仄處不盈尺第二重易以木梯十餘級梯上端尤仄蜿蜒七八十步絕壁嶙峋不敢俯視

最上木梯一重約五六十步係縛兩梯銜接梯中橫木小於梯眼行時圓滑活動取不易腐近年柱久未更著足卽簸搖目不敢瞬諸梯中此重尤險犯登高臨深二戒於一舉既竣遂達金佛大山舉目回望左而德隆場水巷箐柏枝山毛坡右而箐頂箐壩小河壩等處瞭如指掌俯視梅灘溪流如帶清水白沙更爲明瞭吾家宅宇園土隱隱可辨半日行程若猶在十里內外也置身空際凜凜生畏強自振立鑿觀久之前行二里許至瓢灣河壩（因小溝得名非如山下河壩之大金柏二山地名多如此）瓢灣在金山西南面宿以產包穀著聞數十年前歲穫百餘石居民十餘家戴姓爲多僻處深山力耕自足有世外桃源之概近因土匪盤據咸棄去地盡荒蕪戴姓後寥寥無幾附近有硝洞產硝最富以名其地昔煤廠亦多供山下用雜出硫磺藥材筍子之屬今皆荒廢過瓢灣逾嶺至鐵瓦寺約七八里路甚崎嶇多竹箭野草入廟天晚宿焉寺爲金山四大廟之一建自明朝無碑碣舊跡久毀民國二年有山師孔玄真及他神於此顯應迷信男女奔走崇拜解衣散錢重構殿宇極一時之盛今復蕭寂異常建造亦不良行將腐壞荆棘螢火之期不遠矣廟基在金山西南端名佛頭台廟側一斜長平原土肥草茂宜牧畜植物宜洋芋蘿蔔藥材等類洋芋蘿蔔極肥碩重者三四斤大黃亦佳聞昔年窮民來

此種芋芟柞廣狹視其力無與競者雖終歲食芋比山下求活稍易久之突於熟時無故腐爛遂盡棄去廟側大路名千口小河壩上鐵瓦寺所經也崖畔煨洞數口廠戶七八專供小河壩人用每月出磺千餘斤磺局派人督辦恆藉小故剝削燒戶致出磺不旺二十日金山地勢太高昨宵一雨着衣三四層猶苦寒噤假爐取煖雨後陰雲四合繼而颯風大作颯颯有聲約半時許風怒漸息愁雲盡掃日光從薄霧中漏出呈淡黃色山靈默默若許我更上一層也束裝就道中途野草及肩冷露搖搖墮衣袂行其中如乘船破浪山花野草紛然拂面左右辟攘二時許入淺方竹林高四五尺大不逾指所謂毛林也無人過問之濯濯密管復行里許漸大如小酒鐘山下已有廠戶窺其狀廠主已收筭畢下山環堵蕭然無人語響予力擎長柄雨傘一時已下雨飄飄拂竹葉上承百斛珠行最曲折之羊腸路約三小時下一高坡名涼井路尤險峻人水共道旁有煤洞數口爲廠戶製筭用金山逐處有煤用者隨意開取地深溝形無竹木多荒土間種包穀黃豆居民二三家天將晚急覓宿處所投僅茅屋二三間多破壞室中榻凳爐竈外無長物其人衣褲破穢不堪食物異常粗糲鹽油爲珍味極希罕城市尋常用物亦鳳毛麟角默念平日享受雖儉猶奢寧不當存知足想主人周某有兄已逝與嫂同室異炊

我輩自有鹽米但就借爐釜主人欣然代爲經理似亦有空谷足音之喜伊媿饋客嫩包穀數枚修賓主禮意良殷物雖不腆其可感甚於酒牲珍錯也涼井昔產包穀最富居民十餘家大都小康冬冷無事閉戶烤火終日不出外門豕肥於槽穀盈於箱或招巫覡道士慶財神禳烏鬼雖在深山一種充裕豐樂之象令人欣羨顧今思昔不禁慨然或云其地昔曾掘井取鹽涼井名始此又多鐵礦邑人章汝楫曾築爐鼓鑄舊跡尙可指也二十昨夜剛半風雨驟至宅邊草木飄飄作聲今晨雲氣四合冥冥如綿絮蓋頂飯後出初越深澗旋陟高嶺一線荒徑掩蔽於野草竹箭中竹葉草稍珠露盈盈霧凝爲雨紛紛拋散平竹稍密弱而下躡蓋不得張（平竹又竹之一種小於方竹）任其沐面代淚而已凡山行無日不數遇雨衣履無不沾溼非勞力備血氣旺壯鮮不遭疾宜遊者之少也行數里至顛名帽子山道較廣爲金山西面下小河壩大路周萬臣云晴天立此可望陳家場縣城一帶惟今日雲霧彌漫不能遠視耳路側爲戴姓廠竹大僅如指許路出林中數里入溝名黑龍江溝寬數丈爛泥充積水極微蔓生野草附近小廟燕居寺舊址也（亦舊四寺之一）溝畔多箭竹（又竹之一種）高僅尺許用以蓋屋一次能歷一二十年獵徑一道悉被封掩行時必折樹枝作杖撥地如獵犬突亂草躑躅而後進

露珠如雨被褥俱溼歷五六里始出溝肩背酸痛半日乃已由溝進達羊子槽先時有人於此牧羊近周萬成堂兄興發挖煤處欲就訪邀予枉道許之宅在半山間叢爾草篷遠望如拳近亦寬不逾丈高半之篷後一洞煤連甚高質亦精美專供筍廠之用篷內地鋪一地凳二俱縛木板爲之坐恆抑首寢必屈足然大煤火一爐縱橫二尺餘熱不可耐興發年四十餘軀幹魁偉裸其上體鵝至頤與煤色同惟雙目炯炯扉以木板無樞朝暮效陶公之勤移而開閉篷外有青菜蘿蔔及大黃均肥美云地下鐵礦尤富穀類產菽子平原淺草利牧畜數十年前居人家數十今只一片荒地興發亦今年六月來此九月當去不能久居伴山鬼也是日留興發廠午飯後致謝而去所過多筍山惟佃蓄不良（每年用刀除去劣竹名佃竹林培養新竹名蓄竹林）品不美（金佛筍不及柏枝多因此）日暮抵鳳凰寺素耳其名意興殊高既見乃頓失望廟前菜圃廣平約十餘畝方竹爲籬已多缺壞中種大黃十之三雜蔬如之餘半荒蕪廟一字形屋六七間簷甚高但予疑其高過度不耐風雨功未竟簷前彩柱已漸朽兩廊前年立尙未斷水（覆蓋）已生木菌因費絀中止但估計斷水不過千串內壩覆大鐘一約高四五尺口闊三尺腰際一縫如帶（兩節合攏）建廟初同時鑄鐘兩次不就耗費甚鉅不量力而貪功致

兩敗俱傷向使知不能兼移鑄鐘經費專修兩廊落成久矣廟未成鐘安用寺之主僧曰煥然
自蓉渝來以效忠牟尼宏大梵宇廣闡法場自在彼教中爲志大而才疎余輩至時尙在縣
乞緣未歸頑徒數人飽食逸居坐臥縱橫蠢然木偶客入通名不知迎應默默竊顧而已余輩
憊甚亦同川而浴登爐烤火烘衣被自主炊飯就寢等事深山野廟臭蟲滿屋牀爲集中地一
夜如度三秋諸禿無教飭惰窳不潔之一證四十一夜大雨侵晨始倦而歇陰雲四合霏霏未
已初意留寺可信宿以羣喙噬膚故亟去之出門四顧廟側地勢高爽峯巒拱抱景致特別耳
目精神俱爲清快猶恨宿霧環遮不能窺全豹只見煙光豁處青翠一灣而已行二小時抵牛
角洞地以多磺著每歲收額較他處常增緣距山麓遠廠戶不兼賣煤能專所業然爲吾儕最
痛心事挖磺併得之煤以無用棄之溝中雜於土石爐渣（煤然後精粉也）風雨侵蝕已失原
質山水暴發隨流而逝冲刷消磨遂僅助滄海一揚塵也嗚呼以二十世紀煤鐵不幸生茲山
與磺鄰麟出非時可慨矣余特往觀磺廠見十餘篷戶結崖畔洞闢篷左右高五尺許寬三尺
許所拋煤塊莫不整鉅質良而堅光澤瑩然不愧烏金美譽硫磺出煤連下拔茅必連茹又廠
近筍林經磺炎薰炙多枯死據習土性者云此處開廠尙不久更閱數年半里內當無一莖青

草吁磺炎之毒如是哉磺爲地藏之一探之固當惟得此失彼損大利寡殊不值金佛磺地如楚漢割鴻溝以雄長諸侯者有官斗山牛角洞之分官斗山括瓢灣牛角鐵瓦寺而言牛角洞卽昔日煤炭溝移來之廠戶也向時城中磺局於各處派專人經理惜所任皆市井猾徒負主嗜利工本握手惟刻苦廠戶以自肥不能得廠戶心亦不能盡廠戶力弊竇叢生其辦法初由廠戶燒出磺局包買照市給錢清末每斤數十文現增至三四百惟廠戶亦極難駕馭乃變買作僱規定一篷每日出磺若干給資若干弊又別出久之復舊作包局中只與經理者交涉每月給薪水若干上磺若干仍照原價付給未知將來如何也總之在人不在法不得人無法不刊深山窩窟局員皆官僚派不能親蒞督察亦無可如何之事也飯後出發所經筍林接踵相迎惜多未佃蓄過高山數重俱昔挖煤地今已杳無人跡惟洞外渣堆（凡礦物外皆有相類而非之粗質包之）尙青煙蓬蓬餘燄未熄（觸火卽然能至數月）履之灼足儼然活火山也諸山四周果無一莖青草煤山旣度又逾數高山生火草（似卷耳而高不可食）遍山茱萸少竹木宜牧畜種藥數里至黃泥堡投陳團首家宿舍在半山坳僅茅屋數間外多蔓青蘿苧四季豆地屬德隆鄉以西屬小河壩陳數子善燒陶器供磺廠用附近有白泥一種似土非土

似石非石爲器色白質堅耐久余輩衣衫盡溼賴主人代爲烘晾一宿卽乾頗感其厚意云十二

五是夜仍雨晨飯後雲氣冪合束裝就道晚宿金佛寺所經多下山路金佛地勢尤低於黃泥堡荒山野草慘澹猶昔惟路通縣城關於往日抵寺尙早以附近別無投宿處姑止此數年前寺廢於火僧侶尙費重建去年正殿落成式取中西合璧（以木架而兼磚石也）惟不甚高朗鳳凰寺余病其近管蒼此寺又病其近晏儉如此名山古刹十方香火卑湫隘其何以稱寺工正殿告竣方從事右廊嫌前基太狹拓寬丈餘云已費錢千餘貫俟右竣然後及左下殿山門悉改絃更張其志良銳晚飯後同住持閒談久之簷前雨聲滴滴淒絕可聽六日飯後下山野徑荒涼人跡少至已全爲竹剪封閉露珠垂垂行極窘步二時許出林向外顧乃知身立高巘上左右睇眴眼界一舒循岡下背背荒草約數里抵棕嘴（采竹壩）山深氣寒包穀始鬻煮飯路旁王氏午後經竹林數處已下大山繞金佛南麓矣所經多荒地少人家周萬成輒指告我此地某名昔產包穀若干有居民若干此地某名物產居民亦如之今俱一帶荒莽墟於匪墟於獸墟於天時地氣雖窮山瘠土鹿豕野人其生聚流亡亦動人興廢靡常之感七日重至周家石窰山南兼西東情形盡此以赴局期迫不得不留餘地以待劉郎之再到者迴思數日

盤旋山內縈紆往復恍別一天地是山縱約七十里有奇橫約三十里有奇斜峙縣東南隅予竭七日力始能游其大半危梯深箐驚魂躓足密雨愁雲時時迷望家伯寅前輩所記奇峯遠勢仙境靈宮未之有得卽偶得亦不復道惟於天氣土質物產居人之狀今昔變遷之跡注意攷察告人以山中眞象倘異日有人從事經營種植牧畜開採已先得其大概也

後遊金佛山日記

去歲金佛之遊天陰雨溼雲霧迷漫未窺全豹猶入郇廚者方舉箸而散席彌懷歉然幸今秋得重遊以補之七月二十五日友人張君有筭廠在山約樑與偕就渠家起程始花園台觀音洞至菜竹壩溝（此處已登上山）約三十餘里微徑欹斜荒榛蕪草在在刺足中途抵李君廡憩談日西乃別經橋塘河壩（因小溝得名）宿於張君廠橋塘河壩地係長溝兩面絕壁對峙橫二里縱七八里高下皆筭林森森如排鹿角莖大而良爲一山冠以土沃故煤炭溝昔爲礦廠林立地今張君廠在焉周圍多荒碼頭十餘年前近處苔蘚不生張君極力經營今始有指大小竹稍遠者卽巨如雞卵今年生筭較遲沿途無所見惟張廠地勢高培養厚芒穎遍露將來收穫必豐是日行五十里許山路崎嶇四肢疲倦晚飯後伏枕一覺不意杲杲之出於東也

六_十天高日麗同張君廠側閒眺便過陶廠(卽去年在黃泥堡所說陶廠也)觀燒礪其法以白沙礪搗成粘土作壘形置窑中四週熱以火如煨南炭其光熊熊經一晝夜取出而壘成極堅硬扣之琅琅天將晚復隨張君歸廠行箐林中竹木陰翳箐亦茂密張君云數日內將打登堂矣(俗語謂生物發達極盛時爲登堂)是夜寢後大風瓦屋幾覆只聞林中軋軋轟轟萬弩齊發咸謂廠地亦未嘗經見云_{二十七日}飯後從張廠數人遊牛角洞訪周萬成礪廠張君廠是日開山(每年須用肉酒香帛敬祝山神始敢打箐謂之開山)廠夫亦以是日爲犒勞之期殷囑早返乃尋捷徑疾行毛林中(未能佃蓄之笋山謂之毛林)約二三里路側始有小廠垣圯壁塌荒敗不堪廠主初至尙未修葺又三里許將至鳳凰寺路傍別一小徑豎木牌書貞姑周某看破紅塵落髮入山此爲赴伊茅菴之道遠近人等不得擅往云云翹首遙矚距路數十步有菴隱約竹木中離鳳凰寺不過一箭遙地勢極佳寺前杉樹一株肥美可愛金山向無此樹由人未之種非不宜也入寺稍休煥然僧亦在略與叙談回憶去秋至此轉瞬一年人事忙碌深爲詫嘆僧道家閒住山中卽不必長生久視自多歲月宜乎有觀棋爛柯之談也惟壩中覆鐘是舊相識兩廊今已覆瓦休息半時許起身趨牛角洞經金山最高處曰清涼頂卽鳳凰寺

後山椒附近悉爲笋山惟正林少毛林多山勢縈迴峰巒秀致徘徊凝睇令人忘倦逾頂而下達牛角洞（計自鳳凰寺至此約十里許）周萬成不在余等腹饑向廠夫索食黃粱未熟出而散步廠後一峯登高四望時值天氣清爽長空如拭柏枝山莊巖雄偉絕壁蒼蒼如綠氈覆頂水巷管脈南聯柏枝北接金佛置二山於兩頭而橫擔之頂簷孤峯遠聳彷彿筆岫其餘東北諸山夭矯放縱若六馬帶轡而奔然終不得亂行卻立處豐草茸茸裊裊平鋪厚盈尺餘寢坐俱宜流連久之怡然自樂塵心幾盡已而日光陰暄冷風刺骨衣單難耐遂歸廠飯後作古佛洞之遊古佛洞距牛角洞只三四里偏金山北部洞外地尙平迤上肥草茂宜種藥牧羊山頂多楊柳高不逾丈鬱鬱成林無幾青木洞口當小山下突出高三丈新建草屋三間將以棲神有頂無壁益形落窻進洞數十步黑如子夜空堂寬數丈名觀音堂左有觀音龕右有小室煤爐牀榻俱備洞僧住宿處也長夜漫漫初入異常鬱悶疑不可旦夕處僧住久亦習而安焉惟行必以燎探山中竹乾而碎之更爲火把光照四壁遊洞者必備數束乃敢前自觀音堂起行十餘分鐘達古佛堂中途所經遂漸低下又極曲折相傳凡七十二拐予未預聞故不悉記大約寬處二三尺仄處僅能容人至古佛堂豁然開展冷氣襲人仰不見天不知其高旁不見

壁不知其闊若若如黑暗地獄。四圍水聲滴瀝從頂下注成池清澈寒冽中有小石潔滑可愛我輩繞堂遊觀發聲大嘯四壁皆應有名大古佛者立堂東高丈餘二古佛位堂西高八九尺皆粗裝不甚似人土覆紅綾甃敗無色香灰堆積甚厚旁行數十步長石臥地名石棺材形只略肖。繞壁行至一處名石戲臺以火燭之半岩有石突出彷彿臺形人云上有米市度亦不過懸石數十殺列錯峙而已堂之四壁邃穴甚多其通大洞口之路無熟者前導遂中道反日已歸由牛角洞下芹菜壩回煤炭溝張君廠宿焉。二十周萬成因事到煤炭溝廠與語深以昨不偕往爲歎復約今日畢古佛之遊許之午後二鐘始出經長崗穿洞諸處沿途竹林甚佳以長崗胡君廠爲第一因胡君聰敏精幹專力培養多年所致每年收筭六七千斤用廠夫六七十人金柏二山中此廠當列鼎甲且胡君已逝繼起無人難保其不日替也出遊數日今始見溪流遙聞水聲潺潺蓋金山表面之水多漏入山中由山脚出乃山中絕少泉水之原因是日至牛角洞窟地勢高寒如九月天氣。二十晨起天氣清爽綠樹遠山美麗無邊雀鳥聲喧彷彿春景清晨遨遊廠外快我胸襟卽在下地亦春光去後不可多得之景也飯後從周萬成再遊古佛洞值洞僧他出到大洞口之路渠亦茫然不得已仍尋昨日跡至古佛堂逡巡一度悵

然返矣歸途遇寺僧翩然歸來係一女妮姓朱年約二十餘拜鳳凰寺斲爪和尙爲師予等喜甚與之偕返稍事休息央渠引導仍先至古佛堂偏觀聽僧詳指是日天氣特佳雲霧盡消舉火高照堂頂四壁隱約可見頂如倒懸之釜高約十餘丈逐處清閒潔淨可笑者洞僧先於怪石（所謂古佛者）前燒香化楮跪涇泥中五體投地膜拜不息口稱古佛古佛佑我佑我是真心修煉沿途猶累稱好仙山好修煉足見迷信入人之深以非牛非馬之頑石而得如此拜仰不知石公亦何修而得此真造化也由古佛堂出大洞口約三四里初行極寬多滴水聲途畔多燒硝舊跡路如蛛絲非熟習不能辨周萬成亦能燒硝時取路旁泥投口俱云硝質甚重漸行洞身漸小極仄處不過一二丈經過所謂十八羅漢二十四諸天者皆石漿滴成若人軀幹肘股愚俗卽以諸佛號加之一倡十和匍匐禮拜焚頂燒指於其間與天方人拜火埃及人拜蟲魚鳥獸相去無幾此風不息爲國之辱初進洞時氣候溫和愈深愈冷至不可耐復漸次微暖與初進時相似已而陽光射入心開目朗出人意外不意則到大洞口矣遊人至此恍然洞天福地別一世界舉首遙望南川城垣及東西北三路地勢瞭如指掌閭閻撲地煙火萬家各地早稻已收惟水深鐵村壩冷水關數處尙一片嫩黃如金鋪地掩映晴光爲早秋增麗計洞

口縱橫約二三十丈岩隙中倒生草葉數莖俗呼靈芝距地不過丈餘然以二三丈竹竿攪之仍遠距如故擊以石子力鉅者弗達人因此奇焉余亦揀石子數十枚躍起驟擊偶下一莖葉長三寸餘寬約五分有斜紋周萬成歡喜欲狂云此神物也從無人奪得君今其獲神助乎余云此必係光學關係因洞口成半筒形地心隆起斜光反射遂視遠若近耳以余素擊石子之距離測之此穴距立人處總不下十餘丈翟翟竹竿遠莫能至不待言也余之偶中緣身輕而運力巧何神之有此草雖不能名看亦尋常何靈之有談笑流連約一鐘久乃轉牛角洞午飯後約觀新梯子經數處小竹林踰小嶺數座至一小草原名放牛坪又數百步到岩口兩路相交左下老梯子右下新梯子老梯下丁家嘴爲陳家場到金山之路新梯下半溪溝爲金佛到縣城之路老梯子修甚久新梯子乃近年僧煥然創修其開鑿功亦不可沒余欲先窺老梯子惟距岩太遠恐日晏半路折回向新梯一鐘餘始到路係從岩口斜行至梯子頂一線危徑蜿蜒絕壁已覺可畏下視懸岩百丈飛梯數重穴岩寄椿藉椿繫梯觀之益膽戰心寒金佛山東南西三面皆易鑿成大道惟通縣城之路異常險峻由獅子口較平人嫌紆緩新梯子雖捷而險危如此亦此山之有意謝客也臨觀嗟訝稍事流連天色將暮卽刻遄返路過鳳凰寺斲爪

僧茅菴素聞人稱異便往訪之菴在小峯頂四山環繞竹木葱蒨青天綠樹風景可人菴如拳高不逾丈壁頂俱箭竹構成（金柏）一山房子每用箭竹代陶瓦（適值僧退禪出而晤談吐詞溫雅叩以異蹟以泛然相遇遜不肯吐其於彼法有無了悟不能測也三十在廠中流連午後始歸下長崗菜土壩田上各地別由頭渡橋大路還家茲篇詳記古佛洞之可遊在洞而不在佛余非有意闢佛以長石昂藏挺立如人所在有之洞穴尤夥如此而謂之佛將僵石偃地橫斜者獨不可謂之睡佛耶佛顧如是之多且褻耶

重修南川縣志附編

前三志序

蔣序 古諸侯之國皆有史所以明吏治厚風俗不但備輜軒之採已也今天子御極之九年
 余奉命來守是邦視篆後即詢及邑乘僅得前令張公暉手集數紙胚胎猶具挂漏實多及考
 之省志如山川古蹟等類又與今多牴牾不足徵信蓋自前明已未有成書矣越二年乃得於
 案牘餘閒博覽前編櫛撫近事兼訪於薦紳耆老而親為刪訂纂輯凡五閱月成稿尋即割俸
 餼梓雖難言考究精覈紀載詳明而於吏治民風有關斯土者已略具梗概焉夫備書往事曰
 志力追古人亦曰志自今以往竊願吏皆上考邑無莠民而雅管風琴蒸蒸日上是所望於後
 之賢宰者庶即以此為探風之嚆矢云爾

嘉慶十一年季冬立春日賜進士出身勅授文
 林郎知四川重慶府南川縣事桂林蔣作梅識

魏序 班孟堅作地理志斯志昉焉厥後李吉甫作元和縣志郡邑始各有志邑志自前令張
 公暉手裒數紙未壽之梨而規模略具挂漏復多嘉慶初蔣公念亭加纂輯謬者刪漏者補紀
 載漸近詳明余以歲甲辰蒞茲土公暇披而覽之雖大異有明龍洞碑所云苦無志乘而考究
 亦難言精覈也近又壤賦彌墾豬堰益增杠梁之所修建人文之所蔚起與夫孝子順孫義夫

節婦之懿行數十年來日久漸富藉非博訪參稽洪纖畢錄其何以修廢舉墜俾枳縣文獻有徵耶歲庚戌邑人士羣以修志請乃延諸名宿衷舊編增新得參考互訂越四月帙成燦然美備其纂編以追往昔紀實以示來茲者蓋甚詳矣繼自今欲觀風氣之所宜民俗之所尙而有所證也欲觀往昔之得失輿情之急緩弛張先後而有稽也欲觀山川之條理疆域之所際衢路井邑之往來聚散制其經適其變而有所裁也欲觀古蹟之幽遐雖在荒烟夕照間而有所徵也而其間忠孝節烈之芳躅尤令人景仰前徽皇然思企將所以厚人心而敦風化者胥於是乎在奚止賢邑宰手披是編備有攸循殫強教悅安之策致吏治蒸蒸日上哉

咸豐辛亥春仲陽進士出身知南川

縣事荆南魏松撰

黃序 南川東南百里外金佛九遞諸山幅奇峭厲甲於他邑岡巒迴合如波屬雲委迤邐蟠曲於縣治之側其下爲四十八渡水激而清寒而甘予以同治己巳來守樂山水之靈意是邦之文物風俗當必有異也暇取縣志閱之文學如尹道真胡謙行誼如章志通皆卓卓有可稱述獨惜自咸豐以後此二三十年間未加採輯其何以觀近事而示將來爾時急謀增修適以他事去越明年復任凡賓興學田諸義舉與邦人次第成之期年無事於是鄉之縉紳先生偕

來請曰吾邑彈丸地耳承平日久未睹鋒鏑自粵賊躡境鄉之人投耒而起揮鋤爲兵出死力以抗大敵捐其父母妻子頂踵髮膚之愛爲國家衛此土下至閨閣之儔抗刃罵賊死不辱身如某某者至今思之猶凜凜有鬚眉氣脫弗筆之於書將忠魂碧血湮沒荒煙蔓草間後之人何所觀感耶予曰於戲國家養士二百餘年軍興以來有平居慷慨自任以身許國一旦遇賊遂致退縮不前者何可勝數幸廟謨宏遠不數年而肅清之茲所云死事諸人未嘗有職任之司督責之令獨能奮不顧身維持名教雖朝廷德化所致抑亦山水鍾毓之奇爰延邑之名宿確爲商訂又以耆壽節婦之屬嘉言懿行之倫附于後是書未成忽奉檄以卓異引見邑人士預乞一言爲序竊念予宰是邦凡再來而再去今雖行矣或將復來毋亦山水之緣與是邦有夙契歟故序其巔末如此至於政治之沿革方域之廣狹禮制之簡詳物產之同異則始之者張公頤成之者蔣公作梅至荆南魏君祝亭已燦然大備矣故不贅

時光緒元年桂月上浣知南川縣事嶺南黃際飛撰

重修縣志始末

荀子曰陋者天下之公患也凡欲舉一重大事業學識不足閱歷不到籌畫不精財力不裕鮮能幸要其成者倘勢不得已而苟且圖成未有不傷其陋者一邑雖微然合數朝代禮俗政教

人物變更而修志貽示後來比於國史詎非重大事哉茲役率爾操觚塗抹了事陋莫如之與其作而陋何若無作然亦有不得已者麟書生長僻野賦質劣弱又籍於衣食未冠便事舌耕兔園終老安知學問民國十四年夏印江柳侯琅聲宰邑不知何因驟加青眼文字往還無虛日旋承憲檄以續志見委今日邑中人材雖乏使合舊新兩界明達之彥各出所長分功爲之又得一老成經驗者統籌預畫用財使人咸得其當庶幾集腋成裘斐然可觀無如國步更新由靜之動庶事竝起人各有求此等不急之圖贊成者多擔任者少新界羣英既奔馳於軍務國事留學殊方即在籍老成亦以分辦要公經柳公聘兼纂修無一暇者惟麟書顛預穩穩不識進退濡滯其間一切不知所措然心念邑自明以上開化已千餘年緣記載無傳迄今追溯遺跡窈冥晦黯如洪荒之世無人之野時切悵悵至於今日遠且無論卽清代民國交關三四十年間爲全國絕大變更亦隨潮上下緩趨急進若鶩若馳假因人力不暇無片紙存錄後視今猶今猶昔等於草昧無人不亦哀乎爰是不辭謫陋撫拾爲之凡十四篇約五十萬言爲時三年有半自十五年正月至十八年六月十分之八皆麟書自稿楊君筠菴編動物衛生世傑編土石皮君茫菴編前事兵防多經麟書更易非徒修飾盲人搗墮俚俚無相欲不陷於幽谷不可得也麟生前一夕先君夢人授書一都因以命名當時謂爲佳兆私抱必破吾門之望不意寫下潦倒以窮措終言之滋艱邑志之作名曰一方

文獻非可臆說邑當革命之頃亂軍入署首將九房檔冊焚燬大半殘餘堆積冷屋塵封覬穴無從整理且署內常駐軍官不便往來調查民國衙署局所任事諸人大抵新未接而舊已去不辦遺交籍惡害已寸楮不存此文之不足徵也君主民國科目學堂人物判然兩類舊人物安居平世身心寬閒樂憶故事適當年來消磨殆盡問故無從新人物賢者能者大都一身而兼數務一日而應百忙匪擾軍興黨爭會競應付多端臨機取給無暇料理陳帳此獻之不足徵也茲役探訪辦法先後變易俱未得力第一次^{十五年}係託各鄉黎獻分盡義務人情疲玩事無專責待之終年毫不收效第二次^{十六年}僱任四人^{楊徐二周}專則專矣卒以人地不悉情形隔閼泛泛諮詢不得要領昔章實齋議州縣衙門宜立志科一房專緝重要案牘爲修志預備蓋深見臨渴掘井之難特不如今日之難且至於窮也當絕續之交綴此殘缺聊開先路之君子起而改作煥東壁圖書之光發南平鬱葱之氣緇撮已敝無所用之舉以覆甌可也

邑人韋麟書再識

